







540

*Utricularia magellanica*



DICTIONARIUM  
CASUUM CONSCIENTIÆ  
ET  
CONTROVERSARUM  
FORENSIUM  
ECCLESIASTICARUM  
CUM  
PRINCIPIIS GENERALIBUS  
CUILIBET ARTICULO PRÆMISSIS  
ET  
RESPENSIONIBUS IDONEIS  
PROPOSITOS CASUS ELUCIDANTIBUS.  
*EX IDIOMATE GALlico LATINE REDDITUM.*

---

EDITIO SECUNDA

TERTIA PARTE AUCTION ET EMENDATION,

QUAM

CURAVIT, ET, RETENTIS EX PRIMA EDITIONE NOTIS  
R. D. EUSEBII AMORT, QUANDOQUE SUAS  
ADJECIT

M. B. C. R. P.

SUPERIORUM PERMISSU.



TOMUS TERTIUS.

P — Z.

AUGUSTÆ VINDELICORUM

SUMPTIBUS FRATRUM VEITH, BIBLIOPOLARUM.  
MDCCLXXXIV.



# Elenchus Articulorum

## Tom i Ill.

### P.

- Parentes.* Pag. x  
*Parochia.* 4  
*Parochus.* 6  
*Pascua.* 26  
*Paterfamilias.* 28  
*Patrimonium Titulus ad Ordines.* 29  
*Patrius.* 30  
*Pavoratus.* 33  
*Patronus.* 40  
*Paupertas religiosa.* 50  
*Peccator consuetudinarius.* 51  
*Peccator publicus.* 52  
*Peccatum.* 56  
*Peccatum reservatum.* Vid. *Casus reservati.* Tom. I. p. 205.  
*Pensio ecclesiastica.* 68  
*Perjurium.* 84  
*Permutatio Beneficiorum.* 94  
*Persecutio.* Vid. *Residentia Episcoporum.* 229. *Casu 1. Residentia*  
*Parochorum.* 231. *Casu 4.*

*Pessis. Vid. Absolutio. Tom. I. pag. 19. Casu 12. Communio sacramentalis. Tom. I. pag. 291. Casu 18.*

*Pignus. 102*

*Pœnitentiarius. 105*

*Pœnitentia sacramentalis. 108*

*Pollutio. 119*

*Possessio. 120*

*Præcepta Ecclesiæ. 128*

*Præda hostilis. 129*

*Præfæctus Collegii. 129*

*Præmonstratenses. 130*

*Præscriptio. 132*

*Precarium. 143*

*Privilegium. 144*

*Procurator. 148*

*Professio religiosa. 152*

*Promissio. 167*

*Promotor. 173*

*Provisio Beneficii. 175*

*Proxenata. 181*

*Puerperium. 182*

*Pupillares Pecuniæ. 183*

## Q.

Quadragesima. 184Quietismus. 185 .

## R.

Raptus. 185Religio. 186Religiosus. 188Reliquiæ Sanctorum. 216Renunciatio Beneficii. 218Reservatio Peccatorum. 222Residentia Canonorum. 224Residentia Episcoporum. 229Residentia Parochorum. 231Resignatio. 234Restitutio. 243Restitutio in integrum. 361Retrañus. 365Reus. 368Rogationes. 372

## S.

Sacerdos. 373Sacramentum. 375Sacrilegium. 378

XXXX a

San-

Sanctificatio Festorum. 380

Sartor. 381

Satisfactio sacramentalis. 384

Scandalum. 388

Scholasticus. 394

Scrapsulus. 397

Secretarius. 404

Secretum. 405

Sepultura. 410

Servitus. 413

Sigillum sacramentale. 415

Silva. 428

Simonia. 429

Simonia confidentialis. 470

Societas. 475

Solutio Debiti. 490

Somnium. 492

Spicilegium. 493

Sponsalia. 494

Spurius. 515

Stipendium militare. 515

Struma. 516

Suffragium capitulare. 517



*Superior.* 517

*Superstitio.* 519

*Surdus & Mutus.* 526

*Suspensio.* 527

*Suspicio.* 541

*T.*

*Tactus.* 543

*Tentatio Dei.* 544

*Testamentum.* 546

*Testis.* 561

*Thesaurus.* 570

*Titulus clericalis.* 572

*Tonsura.* 575

*Transactio.* 578

*Tributum.* 580

*Tutor.* 586

*V.*

*Vana gloria.* 596

*Venatio.* 297

*Venditio.* 599

*Verberatio.* 625

*Vestitus laicus.* 626

*Vesti-*

*Vestitus muliebris.* 627

*Veteranus.* 629

*Viaticum.* Vid. *Communio sacramentalis.* Tom. I. p. 291. *Eucharistia.* Tom. I. p. 631.

*Vicarius.* 629

*Vidimatio.* 634

*Visitator.* 637

*Unio Beneficiorum.* 639.


*Votum.* 646

*Usura.* 673

*Ususfructus.* 705.

*Uxor.* 714





# DICTIONARIUM CASUUM CONSCIENTIÆ.

---

P.

## PARENTES.

**L**iberi tenentur obedire suis *parentibus*, patri nempe & matri; & obligatio hæc ad omnia extenditur, excepto casu, ubi pater imperaret quidpiam legi Dei vel summi Principis territorialis contrarium. Filius familias in persona patris sui debet respicere & venerari ipsum Deum. Interim si ageretur de amplectendo Religioso statu sæculo relicto, cum solus Deus author sit vocationis, liberi non tenentur obedire parentibus a proposito ipsos abstrahere volentibus.

CASUS I. Diodorus Religiosus professus parentes habet in maxima necessitate ac indigentia constitutos. Potestne ex suo monasterio ad tempus discedere alendi patris vel matris suæ gratia? Et supposito quod id liceat, num & habitum Religionis suæ deponere poterit, saltem ex dispensatione?

R. 1. Peccat filius, qui Religionem ingreditur, dum pater aut mater ipsius in sæculo gravi indigentia premuntur, nec alia ratione ipsis consuli potest, quam si filius maneat in sæculo, necessariaque indigentibus vitæ subsidia ministret, quæ in Religione vi status suppeditare haud poterit: agit enim contra jus naturale & divinum, quæ obligant filium, ut subveniat parentibus *in aliqua necessitate constitutis*, ut docet S. Thomas Quodl. 3. art. 16. & 2. 2. q. 101. art. 4. ad 4. Si vero, subdit S. Doctor, *non sint in tali necessitate, ut filiorum obsequio multum indigeant, possunt prætermisso parentum obsequio filii religionem intrare.* 2. Communis est sententia, Religiosum professum posse, imo debere ad tempus relinquere suum monasterium, ut succurrat parenti *in extrema necessitate constituto*, si aliud eundem juvandi medium non supersit; idque *licentia quidem petita, licet non obtenta a Superiore*: votum quippe non debet impedire executionem præcepti, quod est juris naturalis & divini. Huc quadrat illud Matth. 9. v. 13. *Misericordiam volo, & non sacrificium.* 3. Filius non tenetur monasterio suo egredi, si in eo

*Di. Cas. Conjc. Tom. III.*

A

241.

existens possit de licentia Superioris sui, quantum necesse est, juvare parentes in magna necessitate constitutos, aut ipsum monasterium necessarium eis præstet subsidium. 4. Denique, si exeundum sit monasterio, poterit ejusmodi Religiosus deponere habitum, quando ipsi ad sustentationem parentum aliquod officium suscipiendum, quod in habitu religioso convenienter ac cum decore sui status obire haud posset: necessaria tamen ipsi ad hoc erit licentia Papæ; si non, ut plures alii existimant, sufficiat urgente negotio licentia ab Episcopo vel Superiore obtenta. *Fromagau.*

CASUS II. Puella quædam, invita matre, imo repugnante, aspirat ad communitatem religiosam. Licitene poterit ingredi Religionem?

g. Potest pergere in concepto semel proposito. Quando enim agitur de eligendo statu ad consecrandum se Deo, filix & filii non tenentur obedire parentibus; sed liberi sunt. *Fromagau.*

CASUS III. Vidua quædam a parentibus domi suæ detinetur quasi in custodia, & interdum etiam verberibus affligitur; ut sic abstrahatur a proposito nubendi juveni belluoni, pauperi ac infami. Potestne excusari modus hic agendi parentum?

g. Non certe est reprehendendus: si enim ex una parte filiafamilias non potest absque crimine contrahere matrimonium, quod vergeret in opprobrium & dedecus totius suæ familiæ, essetque fons ac origo mille turbarum, quibus consanguinei per mutua odia inter se dividerentur; poterunt quoque ex altera parte parentes impedire tale matrimonium; & sic impediendo nihil faciunt, quod præjudicet libertati filijs ac filiabus ad eligendum certum vitæ statum concessæ; quia juxta *Laymannum de spons. tr. 10. p. 1. c. 2.* hæc libertas non plus nec aliter subsistit, quam in quantum liberi eadem sine crimine utuntur. Cæterum viduitas filix non aufert parentibus potestatem ipsam verberibus castigandi: si enim potestas hæc adeo est ampla, ut se extendat ad filios actu jam emancipatos, uti advertit Bossius, nixus auctoritate plurium imo plerorumque Doctorum; quanto magis debet se extendere ad filiam, tamen vlduam, quæ supponitur subjecta suis parentibus. Melius tamen agerent parentes, si judicis auctoritatem implorent; quia difficile est in ejusmodi castigatione debitam servare moderationem, tum attenta qualitate sexus, tum attenta parentum indignatione. C. B.

**CASUS IV.** Bertha invitis parentibus matrimonium contrahit cum quodam milite. Hi ob rei indignitatem & filiae inobedientiam nec visu nec alloquio ipsam dignantur amplius; etiam postquam inobedientiae veniam petit. An non peccant?

R. Si parentes, qui supponuntur esse homines piebess, in perpetuum vel ad tempus valde notabile a conspectu suo filiam arceant, peccant graviter; quia contra ipsam animo sovent odium, quod nimium quantum excedit culpam puellae haud supra vulgarem conditionem eminentis; praesertim postquam delicti sui veniam petit. Si vero ad modicum duntaxat tempus ipsi colloqui recusent, nec eam in conspectum admittant, nullum peccatum committunt, debetque sibi imputare filia severitatem hanc parentum suorum, tanquam justam punitionem suae inobedientiae. C. B.

**CASUS V.** Petronius vir alloqui bonus filium habet insul ac ebrietati penitus addictum, Timens autem, ne uxorem suam offendant & ferocem filii indolem magis exasperet, excessus hos omnes ignaviter dissimulat. An a peccato excusari potest?

R. Nimia haec patris indulgentia omnino inexcusabilis est: si enim quilibet juxta Apostolum 1. Cor. 5. curam habere debet domesticorum suorum, quanto magis pater vigilare tenetur, ut liberi a peccatis avertantur, in pietate educantur, bonis moribus imbuantur, ac in virtute roborentur, adhibitis in hunc finem objurgationibus, ac paternis in delinquentes punitionibus. Hinc, nisi Petronius justissimas rationes habeat timendi, ne increpationes ac correctiones ipsius futurae sint inutiles, vel alium non sortiantur effectum, nisi quod pejor fiat filius & in furias agatur, gravissime peccat, perversam vitae ipsius ac morum licentiam dissimulando. C. B.

**CASUS VI.** Sempronius debitis supra modum oneratus non potest satisfacere suis creditoribus, quin ex convenienti dote filiarum suarum, quam illis destinasset, portionem subtrahat. Estne obligandus ad talem diminutionem?

R. Vel agitur tantum de aliqua diminutione; & dico cum majori Doctorum numero, Sempronium teneri ad talem diminutionem, sicuti etiam in tali casu obligatur ad minuendas suas expensas pro victu & vestitu &c. Aut vero quaestio est de diminutione valde notabili; & tunc ulterius quaero, an per ejusmodi diminutionem dotis mutaretur notabiliter in pejor conditio seu status harum filiarum ju-

ste acquisitus, & tunc sentio, Sempronium non esse obligandum ad diminutionem dotis; nemo enim tenetur decidere a proprio statu iuste acquisito, ut satisfaciat creditoribus. Idem dicendum, si diminuta dote filiae sponsum non invenirent cum periculo pudicitiae suae. Si autem dotis diminutio non multum immutet statum filiarum, aut hic status fuisset iniuste acquisitus, absque dubio Sempronius teneretur diminuere dotem. C. B.

NOTA. Responsio hæc non ubivis locorum acceptari posset vi legum particularium: videmus enim quotidie integras familias ære alieno oppreßas, domibus ac bonis suis cum liberis ejectas, ac ad statum mendicitatis redactas in favorem creditorum. Vide *Liberi*.

## PAROCHIA.

I. *Parochia* est Beneficium habens annexam curam animarum. Omnes parochiæ subjectæ sunt jurisdictioni Episcopi, etsi sint parochiæ Ordinis S. Joannis Hierosolymitani, aut aliorum Religiosorum Ordinum. Collatio parochiarum, ad quas nominat Episcopus, pertinet ad Capitulum Sede vacante. Parochiæ Abbatibus, Prioratibus, ecclesiis Cathedralibus aut Collegiatis unitæ loco ac titulo Vicariatus perpetui habendæ sunt.

CASUS I. Potestne Clericus Beneficium curatum possidere ante annum ætatis vigesimum quintum?

R. Non potest absque dispensatione; neque tali Clerico absque dispensatione ab Episcopo concedenda est approbatio, seu *Visa*. De *Lamet*.

CASUS II. Clericus quidam provissus de parochia per integrum annum eam retinuit; sed non administravit.

R. Non potest resignare hoc Beneficium, reservata sibi pensione; dumque permittitur talis reservatio, gravem subesse causam oportet: hæc ni sublit, datur obligatio omnia restituendi, quæ ex iniuste reservata pensione percepta sunt. *Fromageau*.

CASUS III. Religiosus quidam ex Ordine reformato petit parochiam.

R. Religiosus Ordinis reformati ad parochiam nominari non potest ex solo consensu Episcopi ac Superiorum suorum; sed opus est insuper expressa dispensatione Pontificis, & quidem antequam nominetur ad parochiam. *Fromageau*.

NOTA.

NOTA. Benedictus XIV. in sua Constitutione, *Apostolici*, edita 1757. excipit Canonicos Regulares.

CASUS IV. Possuntne parochiani idem retinentes domicilium adscribi in aliam parochiam?

R. Non possunt, etiam si Dominus loci mutet domicilium suum, relictis in eodem domicilio domesticis suis: limites enim parochiarum ab Autoritate superiori constituti sunt, ne Ordo Ecclesiae confundatur; & hinc nemo privatus potest limites mutare. *Fromageau.*

CASUS V. Danturne parochiae, in quibus constitui debent vicarii perpetui?

R. Capitula in parochiis, in quibus Primitivorum parochorum titulo gaudent, constituere debent vicarios perpetuos, & non Sacerdotes amovibiles. Hinc Sacerdos quispiam legitime potest obtinere in Curia Romana provisionem, & ab Episcopo suo approbationem ad talem parochiam, quae ab amovibili tantum vicario administratur. *Fromageau.*

CASUS VI. Quid agendum paracho, qui parochiae suae per quadraginta jam annos administratae renunciare vult, & Romae pensionem ex ea obtinere non potest?

R. Pure & simpliciter resignandum est ipsi Beneficium suum in manus Episcopi, a quo noviter provisor obligandus est ad solvendam quotannis certam summam paracho resignanti, si aliunde non habeat, unde vivat. *Fromageau.*

CASUS VII. Parochia quaedam redditus habet nimium tenues.

R. Episcopus potest cum ea unire Canonicatum; servatis tamen debitis formalitatibus. *Fromageau.*

CASUS VIII. Capitulum quoddam est in possessione parochiam suae mensae incorporatam administrandi per vicarios amovibiles.

R. Capitulum potest continuare hanc possessionem, quamdiu turbatum non fuerit. Imo citra simoniam potest locare his vicariis proventus parochiae fortuitos, ac incertos: satendum tamen, hanc consuetudinem valde esse indecentem, & gravibus inconvenientiis obnoxiam. *De Lamet.*

CASUS IX. Clericus quidam, qui passim habetur pro homine contentioso, & tanquam calumniator damnatus est, obtinuit parochiam.

R. Indignus est, qui parochiam possideat; & Episcopus ei provisiones denegare debet, sicut culvis alteri indigno. *Fromageau.*

**CASUS X.** Parochus quidam, cum ecclesiæ suæ parochiali altam ecclesiam haberet annexam, diebus festis bis celebrat Missam.

q. Episcopus non debet huic parochi permittere, ut feria sexta Majoris hebdomadæ bis Officium celebret. *De Lamet.*

**CASUS XI.** Ampla quædam parochia pro functionibus parochialibus tantum habet Sacellum in ecclesia Cathedrali, & non nisi duos vicarios amovibiles.

q. Episcopus pro hac parochia constituere debet vicarium perpetuum. Id ut consequatur, in Romana Curia Titulum impetrandum curet alicui administrandæ parochiæ idoneo. Verum alias ibi celebrari Vesperas non est opus præter Vesperas Ecclesiæ Cathedralis. *De Lamet..*

**CASUS XII.** Cur conformiter ad mentem Concilii Tridentini parochiæ non sunt uniendæ Monasteriis?

q. Quia oblationes in parochiis fieri solitæ sunt destinatæ pro pauperibus ac indigentibus, & non pro sustentatione Religiosorum. *De Lamet.*

**Nova.** Ut otineatur intentio Tridentini, expediret; ut nulli parochi concedatur facultas testandi vel resignandi, nisi sub actuali dispositione mortis causâ, dimidium residuorum relinquendi pauperibus parochiæ &c.

## PAROCHUS.

**I.** *Parochi* a Christo instituti sunt tanquam septuaginta duorum discipulorum successores ad spiritualem fidelium sibi subditorum gubernationem sub inspectione & authoritate Episcoporum. Prædicti esse debent magna animi fortitudine, constantia, ac veritatis zelo. Cum parochi, & cæteri, quibus animarum cura incumbit, aut qui sunt quibusdam addicti ministeriis, quorum partes implere debent, suis non possint obligationibus satisfacere, nisi resideant in locis, ad quæ eos vocat ratio Officii, in iis necessario personaliter residere tenentur. Parochi tenentur callere linguam parochianorum suorum; alias enim forent ipsis inutiles, & provisiones eorum eo ipso essent nullæ. Præterea indispensabiliter tenentur instruere populum concionibus, & parvulos catechesibus, pro parochianis suis Sacrificium Missæ offerre, ipsis debito tempore necessaria Sacramenta administrare; diligenter ægros invisere, ipsisque, pauperibus æque ac divitibus, usque ad mortem assistere, præscripta in Rituali diocæsa



celano exacte fervare ; ac denique foundationibus ecclesiarum suarum rite satisfacere.

2. In Gallia specialibus Edictis cautum est , ne quis Sacerdos admittatur ad ullam parochiam , nisi sit origine Gallus. Parochi in districtu parochiæ suæ habent jus recipiendi testamenta parochianorum suorum ; modo in iis non contineatur legatum in privatam parochorum utilitatem , simulque observetur præscriptum Articuli 63. Edicti Bleffenfis. Tenentur penes se habere libros, in quibus diligenter annotandi sunt baptizati , nubentes , ac sepulti.

3. Parochus non sit simul Officialis aut Promotor. Vicarii perpetui habentur pro veris parochis. Parochus jure curandum sibi petit habitationem sumptibus parochianorum suorum ; maxime si redditus non sufficiant , ut & ipse quidpiam cum iis possit contribuere. Non potest impedire , quo minus corpus defuncti parochiani tumuletur in loco , quem ipse sibi pro sepultura elegit. Jus habet concionandi , posthabito omni Concionatore extero. Tenetur publicare , ac populo denunciare omnes literas monitorias ab Officiali diocelano ad ipsum missas , nec sub ullo prætextu ab istiusmodi publicatione privata autoritate se eximere potest.

4. Quando construitur domus in territorio duarum parochiarum , censetur pertinere ad eam parochiam , in qua est porta principalis.

5. Parochus habet jus colligendi decimas fructuum intra limites suæ parochiæ. Verum cum alii frequenter existant Beneficiati Decimatores , dantur plures parochi , qui tantum habent congruam , quæ fixa est ad 300. libras pro parochis nul um habentibus vicarium , & ad 400. libras pro iis , qui habent vicarium. Præterea parochus habet jus levandi decimas minores , & Novalium , non obstantibus privilegiis Ordinum Melitenfis & Præmonstratenfis.

6. Quando præter parochum actu administrantem parochiam habetur adhuc alius parochus , quem Primitivum vocant , hic habet jus in quatuor solemnioribus anni Festis , ac in Festo Patroni ecclesiæ in parochia divinum celebrandi Officium , si tamen possessio hujus juris sublata non est ; & parochus ordinarius quoad hoc eum impedire non potest : nulum tamen habet jus exercendi alias functiones parochiales , hasque exercendi potestas specialiter reservata est paracho ordinario aut vicario perpetuo , ita , ut si hic etiam permetteret paracho Primitivo excipere confessiones , hæc permissio & consensus ipsi foret inutilis , si ad excipiendas confessiones non sit approbatus ab Episcopo diocelano.

**CASUS I.** Riguerius parochus, cum nec talentum possideat publice concionandi, nec felix sit memorix, quinque aut sex tantum habet conciones per annum; & in his consistit tota instructio parochianorum suorum.

¶ Videtur dubitari non posse, quin parochus iste peccet & quidem mortaliter 1. quia agit contra rigorosam legem divinam: *væ pastoribus Israel, qui pascebant semet ipsos. - gregem autem meum non pascebatis* Ezech. 34. 2. Concilium Tridentinum præcipit Episcopis, ut censuris animadvertant in parochos, qui prævie moniti perseverant in negligentia satisfaciendi huic obligationi, aut per se ipsos, aut per alios, si legitime impediti fuerint *Seff. 5. c. 2. de Reform.* Censuris autem non feriuntur nisi peccata mortalia; 3. Casuistæ etiam laxiores peccati mortalis arguunt parochum, qui integro mense aut tribus mensibus per decursum totius anni salutarem doctrinam populo subtrahit. Ad hæc merito contremiscant plurimi parochi, qui vix semel per annum plebi suæ sacræ doctrinæ pabulum propinant. *Pontas.*

**CASUS II.** Pamelius parochus habet vicarium multo se aptiorem; & hinc illi committit fere omnes functiones parochiales, præsertim exhortationes publicas.

¶ Peccat Pamelius, si absque iusta causa non personaliter instruat parochianos suos, aliasque functiones parochiales exerceat: vel enim est capax digne obeundi munus suum, vel non? si est capax, & tamen illud non obeat per semetipsum, ejus negligentia est graviter peccaminosa: si vero non est capax, tenetur renunciare Beneficio suo. Hanc in rem observandum 1. parochianos plerumque libentius audire proprium parochum, etsi minus doctum, quam alium Sacerdotem etiam doctiorem, dummodo alias moribus sit irreprehensibilis, ut ratione status ac vocationis suæ esse debet. 2. Functiones pastorales, maxime instructionem populi spectantes sunt gravioris momenti ac magis necessariæ fidelibus, quam canonicales; & tamen Concilium Tridentinum præcipit, ut canonici ipsimet personaliter obeant functiones suas, etsi habeant vicarios aut cantores pro salario. Multo magis ergo ad id tenentur parochi. Adverte autem, de parocho, qui expletis semper cum fervore functionibus suis in ministerio sacro consensuit, & jam præ infirmitate ad populum dicendo impar evasit, non tam rigide sentiendum, ac de illo, qui absque talento, absque capacitate concionandi munus parochiale rapuit. Prior omni honore dignus meretur veniam ac commiserationem; posterior vero a cura pastoralis arcendus, saltem nisi aliæ dotes, autoritas, pru-

prudens angendi ratio &c. eum assumendum suadeant.  
*Pontas.*

**CASUS III.** Meletius parochus audiens, hostes brevi irrupturos in parochiam suam, eam deserit animo salvandi vitam suam.

¶ Si hostes sunt ex numero hæreticorum posterioris temporis, crudeliter persequentium Catholicos, prudenter faceret parochus, si se reciperet in locum tutum, unde suos fideles consolari posset per epistolas, & post persecutionem denuo rediret ad Ecclesiam suam. Sed hoc tunc solum liceret, si daretur Minister alius, qui posset ac vellet supplere absentiam parochi. In omni alio casu graviter peccaret parochus derelinquendo gregem suum. *Pontas.*

**CASUS IV.** Theodulus parochus, cum pestis ingentem jam stragem edidisset in parochia sua, aufugit, relictis ac substitutis loco sui duobus aliis presbyteris, qui succurrerent pestiferis.

¶ Non potest tuta conscientia in his circumstantiis relinquere parochiam suam, sicut nec Episcopus in simili casu diocesim. Nihilominus potest sibi tempore contagionis jungere alium presbyterum approbatum ab Episcopo, qui interserviat pestiferis, si potior pars parochianorum nondum est infecta; ut sic ipse interserviat sanis, alioquin eum non admittitur, si & ipse ad pestiferos accederet. Observandum hic, quod in aliquibus diocesibus Galliæ praxis administrandi pestiferis Eucharistiam & extremam unctionem sit hæc: Sacra Hostia involvitur papyro vel linteo, & in aliquo loco deponitur, ubi ab ipso infirmo commodè sumi possit: quoad extremam unctionem, sumitur longior baculus, cujus extremitati infigitur gossipium intinctum sacro oleo infirmorum, & sic presbyter in aliqua ab infirmo distantia adhibitis adhuc aliis cautelis inungit infirmum.  
*Pontas.*

**CASUS V.** Hugo parochus, cum haberet in sua ecclesia hebdomadatim quatuor fundatas Missas, nempe diebus lunæ, Martis, Mercurii & Veneris, nec his posset semper satisfacere ob incidentes quandoque Sepulturas, Nuptias, ob infirmitatem, iter, aut aliud impedimentum, omnes fere has Missas in dies Dominicæ ac festos differt; & consequenter his diebus non applicat pro parochianis suis. Putat quidem id esse licitum, eo quod plures Casuistæ id permittant; quia tamen scit, alios sentire contrarium, & ipse sentit scrupulum.

¶ Merito sentit scrupulum : in primis enim non potest absque injustitia privare parochianos fructu Sacrificii. Deinde peccat Missas fundatas ad certum diem differendo in Dominicis & Festa. Solus Episcopus potest ex causa legitima quidpiam immutare in ejusmodi foundationibus. Sacra Congregatio jam sæpius stabilivit non solum obligationem parochorum singulis diebus Dominicis & festis applicandi Missam pro parochianis ; sed insuper declaravit , parochum , qui ex ipso Beneficio suo percipit redditus plusquam sufficientes ad honestam sustentationem , obligari ad celebrationem Missæ singulis diebus pro plebe sua , nisi circumstantiæ particulares , v. g. antiquæ foundationes , id impendant. *Pontas.*

CASUS VI. Apronius parochus diœcesis Tolosanæ peregrinatur in diœcesin Montis Pessulani , ibique reperit duos suorum parochianorum , quorum , cum confiteri velent , ibi confessiones excipit.

¶ Potuit eorum confessiones excipere ; absolutioque est valida , etsi extra suam diœcesin collata. *Pontas.*

CASUS VII. Episcopus Abulensis in Synodo sanxit , ut parochi diœcesani deinceps confiteri non possint , nisi illis parochis , quos ipse pro confessariis parochorum designaverat. Plures eorum huic ordinationi non parentes confessi sunt , sicut prius , parochis non designatis ab Episcopo , aut aliis presbyteris per diœcesin approbatis.

¶ Videtur dici posse , eorum confessiones esse validas. x. Quia id erui videtur ex Decretali Gregorii IX. ubi *cap. fin. de pœnit.* Pontifex sic ait : *ne pro dilatione pœnitentiæ periculum immineat animarum , permittimus Episcopis & aliis Superioribus , nec non minoribus Prælatiis exemptis , ut etiam præter sui Superioris licentiam providum & discretum sibi possint eligere confessorem.* Jam autem parochi sunt & Superiores & Prælati minores. Prælati secundi ordinis dicuntur a Gersono , & Ecclesiarum minores Principes a D. Thoma part. 3. q. 67. art. 2. ad 2. Ad hæc , cum parochi frequenter teneantur administrare Sacramenta , optime illis quadrat illud : *ne periculum immineat animarum.* Cum igitur privilegia Sacerdotum inviolata debeant manere , non est censendum , Episcopum illis præjudicare potuisse. 2. Parochis patrocinator immemoralis , legitime præscripta ac solidis rationibus innixa consuetudo eligendi confessarium inter approbatos , quem libuerit. Motivum insuper præfatæ Decretalis : *ne pro dilatione pœnitentiæ periculum immineat animarum* , magis ac propius respicit parochos quam Episcopos , qui non ita frequenter baptizant , confessiones excipiunt , & aliaque Sacramenta administrant , ut parochi. *Pontas.*

Nota,

**NOTA.** Adductæ rationes satis quidem movere possunt Episcopos, ne statuam quidpiam adversus antiquas consuetudines; non ita tamen certum est, ex iis securitatem præstari parochis in hoc casu comprehensis. 1. Quia plurimi eximii interpretes per hæc verba, *aliis Superioribus*, intelligunt eos, qui sunt supra Episcopos simplices, iisque honore ac dignitate præeminent. 2. Quia parochi ne semel quidem in universo jure Canonico veniunt simpliciter sub nomine *Prælatorum*; multo minus dici possunt *Prælati exempti*, de quibus solis Gregorius IX. loquitur. Consuetudo non habet majorem firmitatem quam lex: lex autem potest revocari aut suspendi, quamprimum incipit vergere in malum communitalis; Id quod in præsentē casu ex dicta consuetudine quandoque evenire fors novit Episcopus. Et hinc, cum aliud sit approbatio, & aliud jurisdic-tio, si Episcopus non obstante generali approbatione jurisdictionem aliis parochis non designatis limitasset ad alios poenitentes non parochos, sicut Superiores Regularium solent limitare & denegare jurisdictionem in suos religiosos omnibus confessoribus non designatis a se, confessiones in casu posito forent invalidæ.

**CASUS VIII.** Aurelius cum nollet confiteri suo parochio, ab eo tempore Paschali petiit licentiam confitendi alteri parochio vicino.

**R.** Parochus Aurelii non potest absque peccato hanc illi denegare licentiam, dummodo parochus vicinus sit talis, qualis esse debet. *Peccaret Sacerdos*, inquit S. Thomas, *si non esset facilis ad præbendam licentiam confitendi alteri. Unde qui sunt nimis solliciti, ut conscientias subditorum per confessionem sciant, multis laqueum damnationis iniiciunt, & per consequens sibi ipsis.* Ex eadem ratione, si Superior regularis denegaret confessorio pro Communitate designato licentiam absolvendi Religiosum a casu reservato, quem incurrit, ille nihilominus etiam non obtenta facultate pro hac vice posset eum absolvere juxta Decretum Clementis VIII. de 26. May 193.

**CASUS IX.** Tertullus parochus secreto scit, quemdam suorum parochianorum promississe cuidam puellæ pariter parochianæ Matrimonium. Puella dein rogat Tertullum suum parochum, ut coram Judice hujus veritatis testem ageret.

**R.** Tertullus debet veritatem testari; quia agitur de gravi damno, quod puella pateretur. Si tamen Tertullus novisset rem qua parochus, id est, ratione confidentiæ, quam parochianus in eo tanquam pastore suo posuit, haud absque ratione dici posset, eum teneri ad servandum secretum, non minus ac advocatus, chirurgus aut obstetrix tenentur quoad secreta sibi concredita. Cum parochus sit pater spiritalis suorum parochianorum, gaudet privilegio legis, qua pater non admittitur ad ferendum testimonium contra liberos suos. *Pontas.*

**CASUS X.** Valdradus obtinuit parochiam, in qua parochiani utuntur Idiomate sibi prorsus incognito; constituit tamen sibi vicarium, & alium presbyterum, quorum uterque linguæ hujus peritissimus est.

§. Nisi Valdradus adeo felix sit memoriæ, ut intra breve tempus addiscere possit linguam parochianorum suorum, non potest retinere parochiam: Imo ad hoc ipsum requiritur consensus Episcopi sui, sine quo nec hoc tempore functiones parochiales committere potest vicario suo. Regula generalis est, parochum inter & parochianos necessarium esse idiomata, quo mutuo uti possint; alias pastor vix non penitus inutilis foret ovibus suis. Hinc & juxta regulam vigesimam Cancellariæ Romanæ provisiones in simili casu obtentæ nullius sunt roboris. *Pontas.*

**CASUS XI.** Cassius parochus incurrit irregularitatem, eoquod in actuali suspensione Missam celebrasset; hoc tamen non obstante benedixit nuptiis duorum parochianorum suorum.

§. Potuit simpliciter assistere huic matrimonio, illudque sua præsentia reddere validum; non tamen potuit illi benedicere; potuisset tamen alteri Sacerdoti eam benedictionem committere; sicut parochus etiam notorie irregularis ex delicto potest alteri Sacerdoti approbato potestatem delegare in ecclesia parochiali confessiones excipiendi, licet ipsemet non possit excipere: delegatio enim non est actus Ordinis, sed solum jurisdictionis. *Pontas.*

**NOTA.** Author supponit, Sacerdotem non esse ministrum matrimonii, contra plurimos Insignes Theologos oppositum sentientes. Et posito etiam, quod non sit minister, data responsio adhuc patitur difficultatem; quia, ut existimat *Gibert*, vel simplex assistentia Sacerdotis ad celebrationem matrimonii foret actus parochialis & ecclesiasticus, quem exercere irregulari denunciato non videtur licitum. Si autem juxta valde probabilem sententiam parochus matrimonio non assistat tanquam merus testis, sed tanquam minister Sacramenti, non licet irregulari assistere matrimonio ob periculum irreverentiæ committendæ per collationem Sacramenti.

**CASUS XII.** Didacus obtinuit parochiam per simoniam confidentialem occultam, ac consequenter incurrit suspensionem & excommunicationem. Nihilominus cepit possessionem parochiæ, & non obstante nullitate tituli sui, plurimum parochianorum suorum confessiones excepit, aliasque functiones parochiales exercuit.

§. Absolutiones ab eo collatæ sunt validæ; 1. quia habet titulum coloratum, cum provisiones suas obtinuerit a Super-

Superiore legitimo, vel saltem reputato ut tall. 2. Quia intervenit error publicus, cum a tota parochia habeatur pro parochio legitimo. 3. Quia in eo non reperitur impedimentum juris naturalis aut divini, sed solum juris Ecclesiastici. Concurrentibus hinc conditionibus Ecclesia supplet jurisdictionem. *Pontas.*

CASUS XIII. Arnaldus parochus publice agnitus pro hærefico & schismatico, imo etiam per sententiam excommunicationis aut degradationis abscissus a communione fidelium, secreto exceptit confessiones quorundam parochianorum suorum.

g. Hæ absolutiones sunt nullæ; quia ad validam absolutionem requiritur jurisdictio in poenitentes: hæreticus autem aut schismaticus, qualis esse supponitur Arnaldus, omni jurisdictione caret. *Pontas.*

NOTA. Hæretici, etiam notorii non privantur jurisdictione ante sententiam iudicis.

CASUS XIV. Volnsianus parochus rogatur a parochianis suis, ut contribuat cum illis ad reparationem tecti ecclesiæ totaliter destructi per aliquam tempestatem. Id vero recusat, dicens; cum parochiani teneantur parochio providere de habitatione conveniente, eos etiam teneri sibi providere de ecclesia, in qua possit celebrare divina; sicque, si redditus pertinentes ad fabricam ecclesiæ non sufficerent, parochianos teneri ad supplendum defectum.

g. Hæc ratio parochi iusta non est: si enim redditus pertinentes ad fabricam non sufficiant, parochus ex suis proportionaliter contribuere tenetur una cum parochianis. Ita statutum in pluribus Conciliis, quod amplius dein firmatum fuit per Edictum Blesense art. 52. ubi Henricus III. etiam per invasionem bonorum temporalium adstringendos jubet parochos, ut ad reparationes ecclesiarum pro ratione reddituum suorum & ad arbitrium Prælatorum conferant. Notandum hic venit 1. communem in Gallia consuetudinem esse, ut parochus, vel decimator major, siquis est, ferat expensas pro reparatione Chori, parochiani autem pro reparatione navis ecclesiæ. 2. Excipiendi tamen sunt parochi aut vicarii amovibiles, & illi, quorum redditus necessariam sustentationem non excedunt. *Pontas.*

NOTA. In hac re attendendæ sunt leges, consuetudines, vel observantiæ particulares locorum legitime præscriptæ,

**CASUS XV.** Germundus parochus ruralis sæpe negligit interesse Conferentiis ecclesiasticis in sua diœcesi ab Episcopo institutis.

¶. Hæc ipsius inobedientia erga Episcopum suum in materia tanti momenti a peccato excusari non potest. *Pontas.*

**CASUS XVI.** Parochus quidam gerit negotia Domini territorialis parochiæ suæ.

¶. Si exinde ingentia commoda retrahat pro pauperibus, ac pro bono Religionis, tuta conscientia poterit operam suam impendere pro re temporali Domini territorialis parochiæ, tamen scientibus ac probantibus id Episcopo suo, Vicario Genetali, ac confessario. *Fromageau.*

**CASUS XVII.** Teneturne parochus docere parochianos suos per semetipsum?

¶. Tenetur personaliter docere parochianos per conciones ac catecheses publicas diebus dominicis ac Festis solemnibus: non tamen teneretur singulis Dominicis ipse personaliter concionari, si pro digna præparatione ad concionem non sufficeret ipsi una hebdomada, & similia functiones parochiales, quas obit, non æque utiliter exercentur a vicario suo. *Fromageau.*

*Nota.* Tenetur singulis Dominicis vel per se, vel per vicarium habere concionem, saltem Homileticam, prælegendo, & exponendo caput Scripturæ, qui modus homileticus minori indiget studio, & minori intentione memoriæ, nec gaudet minori fructu, si more Patrum fiat.

**CASUS XVIII.** Parochus quidam, cum propter infirmitatem Beneficio suo deservire non amplius posset, illud resignat amico cuidam, certa spe fretus, fore, ut semper cum eo vivere possit in parochia, nec unquam deferatur,

¶. Parochus minime peccat per hanc resignationem; & reiterata promissa, quibus ei amicus se obstrinxit, se semper ejus rationem habiturum, nec unquam eum relicturum, nullam prorsus simoniam continent; neque obstant, quo minus parochiæ possessionem capere possit. *Fromageau.*

**CASUS XIX.** Potestne parochus interdicere presbyterum suum in Parochia commorantem & delinquentem, aut num tantum desuper monere Episcopum? An Concilium Provinciale Rothomagense de anno 1581. concedit parochis potestatem omnibus functionibus clericalibus interdicensi presbyterum non assistentem Officio parochiali, maxime diebus Dominicis & Festis? Potuitne hoc Concilium parochorum potestatem limitare in quibusdam casibus? Possuntne parochi



chi proprie ac privata authoritate statuere, quidquid pro bono statu Ecclesiarum suarum opportunum judicaverint? An mens ac propositum Concilii Rathomagenſis fuit novam poteſtatem parochis concedendi in eorum parochiis? Suntne parochi ſuis in parochiis quaſi Epiſcopi, excepto quod non poſſint conferre Sacramentum Confirmationis & Ordinis? Habentne poteſtatem quamdam jurisdictionis?

¶. Parochus non habet poteſtatem niſi gubernandi parochianos ſuos in conſuetis ac ordinariis. Clericos interdicendi poteſtas eſt penes ſolum Epiſcopum, qui poteſt agere in parochia tanquam immediatus Superior, independenter a conſenſu parochi, qui tantum eſt Epiſcopi vicarius. Parochi prohibere poſſunt, ne Clerici ſibi ſubditi in propria parochia functiones obeant, niſi Epiſcopus ſibi reſervaverit eam poteſtatem, quæ eſt Jurisdictionis Epiſcopalis, cui Clerici ſimul & Laii de jure ſubjecti ſunt. Concilium Rothomagenſe nunquam ſuppoſuit, parochos ratione Officii ac vi tituli ſui habere aut habuiſſe poteſtatem interdicendi & ſuspendendi Clericos parochiarum ſuarum, ſi moniti non reſipuerint. Concilium potuit limitare poteſtatem parochorum in quibusdam caſibus: Idem poteſt Epiſcopus aut Officialis nomine Epiſcopi. Parochus non habet poteſtatem provisionaliter ſtatuendi, quidquid ipſi libuerit, non conſulto prius ea de re Epiſcopo. Concilium Rothomagenſe non concedit novam poteſtatem parochis interdicendi preſbyteros; falſumque eſt, mentem hujus Concilii fuiſſe, quod ſolus parochus poſſit provisionaliter judicare ac punire parochianos ſuos laicos & eccleſiaſticos. Pariter falſum eſt, parochos in ſuis parochiis eandem habere poteſtatem, quam habent Epiſcopi, excepta poteſtate adminiſtrandi Sacramenta Confirmationis & Ordinis. Denique juxta declarationem Concilii Tridentini ad plura alia ſe extendit poteſtas Epiſcoporum, ad quæ ſe non extendit poteſtas Miniſtrorum Inferiorum. *Fromageau.*

CASUS XX. Parochus quidam fuit condemnatus ad exilium.

¶. Talis condemnatio parochum reddit infamem, ac conſequenter irregularem. Sublata per gratiam Principis infamia tollitur etiam irregularitas, parochusque ad ſuum miniſterium redire poſſet. Papa poteſt quidem cum tali diſpenſare in irregularitate, eumque ad celebrationem Miſſæ admittere: verum cum in Gallia per hoc non tolleretur infamia, talis non poſſet celebrare, niſi in locis, ubi nota non eſt ejus condemnatio ad exilium. Finito exilio hic parochus

rochus ad Datariam se convertere debet , ut liberetur ab irregularitate , in quam propter infamiam delapsus est. *Fromageau.*

NOTA. Hæc procedunt in sola Gallia. Non relegatio Principis secularis, sed causa, cui a jure annexa est infamia, reddit infamem.

CASUS XXI. Capucinus quidam extrahitur ex suo Conventu & constituitur in parochum , ut subveniat pauperibus suis parentibus & propinquis.

¶. Non potest relinquere Conventum suum , ac deponere habitum, nisi obtenta prius a Superioribus suis licentia. Casu , quo ipsi denegaretur a Superioribus licentia , eam concedere posset Episcopus. Nihilominus tamen , quantum per munus ac labores parochiales licuerit , Regulam servare debet , quam in Ordine suo professus est. *Fromageau.*

CASUS XXII. Potestne parochus , cujus parochia sex leucis Gallicis ab ecclesia Cathedrali distita est , in ea possidere Capellaniam , Missarum obligationes annexas habentem , & vi fundationis addictam illi , qui ecclesie Cathedrali incorporati ad perpetuam residentiam obligantur , & *perpetui Servitores Ecclesie* vocantur ?

¶. Parochus iste nequit ejusmodi Capellaniam possidere. *De Lamet.*

CASUS XXIII. Episcopus quidam parochum a sua avocavit parochia , ejus opera usus pro alio bono diœcesis.

¶. Residentia parochorum suis in parochiis est juris Divini. Et hinc , si opera ac ministerium, quod exigit Episcopus ab hoc parcho , sit incompatible cum residentia , Episcopus parochiam debet conferre alteri ; & tunc primum poterit uti illo parcho , prout opportunum judicaverit. *Fromageau.*

CASUS XXIV. Parochia quædam Regularis a ducentis jam annis unita fuit cuidam Abbatiæ Canonorum Regularium , sub hac clausula , ut præsentatio sit penes Abbatem. Abbatia postmodum in Commendam mutata parochiam semper administrabat vicarius amovibilis , Religiosus ex eadem Congregatione , & a Generali ad nutum revocabilis. Cum autem Rex voluisset , ut hæc parochia conferatur in titulum , Generalis voluit obligare sub juramento Religiosum , qui de ea fuit provisor , ut redditus parochiæ relinqueret Monasterio.

¶. Generalis non potest tale juramentum exigere : esset enim simoniacum , & consequenter nullatenus obligaret. Nihil.

hilominus qui tale emisisset juramentum, tenetur adire Papatam, ut ab eo liberetur. *Fromageau.*

NOTA. Galli recte supponunt, Canonicos Regulares esse Capaces beneficiorum secularium Juris patronatus proprii, quin redditus parochiæ teneantur expendere in bonum monasterii vel ordinis.

CASUS XXV. Parochus quidam absque ulla sua culpa ingentium turbarum ac scandali in sua parochia causa existit. Quid illi agendum?

R. Si nullum aliud sedandæ procellæ remedium superest, debet dimittere parochiam suam; nisi Ordinarius, cui præsentem difficultatem tenetur exponere, spectatis quibusdam peculiaribus circumstantiis aliter judicaverit. *Fromageau.*

NOTA. Hoc verum est, si innocens parochiam relinquere possit sine macula infamiæ sibi & corpori Clericali inhæsuræ ex discessu, quem plebs respicit, tanquam tacitam confessionem criminis, nisi præcedat declaratio publica innocentiae per Episcopum.

CASUS XXVI. Parochus quidam cum frequenter in sua parochia gravi dolore capitis affligeretur, singulis annis per bimestre abit in locum vicinum ad captandum aerem saniores. Interea tamen semper per id temporis sua in parochia sibi substituit alium presbyterum ad obeundas functiones parochiales summe idoneum.

R. Parochus iste non est securus in conscientia; quia dolor capitis ex aeris intemperie proventiens non est causa legitima, quæ excusare possit parochum a residentia. Imo etiam si hæc ratio esset sufficiens, parochus tamen non posset abesse per duos menses a sua parochia sine expressa licentia sui Episcopi, non obstante, quod loco sui substituat alium presbyterum idoneum (*Trid. Sess. 23. c. 1.*) Cum autem in casu posito non petierit hanc licentiam, concludendum est, eum non esse securum in conscientia. C. B.

CASUS XXVII. Parochus quidam baptizat infantem invito patre, utpote Judæo, sed cum consensu avi Catholici.

R. Licite eum baptizat; quia avus est caput totius familiæ, & hinc autoritas ipsius præponderat auctoritati reliquorum consanguineorum, ac etiam parentum, maxime in materia Religionis. Hoc solummodo curandum, ut infans baptizatus educetur inter Christianos, ne vivendo cum suis parentibus exponatur periculo Judaismi. C. B.

**CASUS XXVIII.** Parochus quidam Titium de casu reservato se accusantem remittit ad Superiorem, qui Titio concedit facultatem, ut possit absolvi a paroco. Teneturne parochus credere Titio id afferenti, eumque absolvere.

¶. Tenetur. *Homob. Girib. C. B.*

**CASUS XXIX.** Parochus quidam extra tempus Paschale nunquam accedit confessionale pro excipiendis confessionibus suorum parochianorum, nisi prima cujuslibet mensis Dominica.

¶. Regulariter loquendo ad plus non tenetur; quia regulariter loquendo parochiani rationabiliter non possunt petere; ut sibi administraretur Sacramentum Pœnitentiæ, nisi semel in mense. Nihilominus, si per decursum mensis incideret Festum solemne, aut Indulgentiæ plenariæ, aut si quis sæpius velit confiteri, in his omnibus, aliisque similibus casibus parochus non posset parochianis suis denegare administrationem Sacramentorum, quin suæ desit obligationi. *Bonac. C. B.*

**NOTA.** Paroco non potest esse fixa hora pro administratione Sacramentorum: non enim parochiani sunt propter ipsum, sed ipse propter parochianos; & hinc adeo ipsis frequens confessio aggravanda non est, ut vix possit nimium facilitari. Unde contra fr g dam, aut saltem languido tempore vacillantem responsum sequitur, parochum vix unquam esse nimis assiduum in confessionali 1. quia plurimis frequentior confessio, quam unica in mense, potest esse vere necessaria, aut saltem evidenter utilis. 2. Quia parochus potius decet gaudere, ac pie in Domino gloriari, si parochiani sæpius ad sacrum pabulum accedant, idque nunquam sine prævia reconciliatione. 3. Quia tempus audiendis confessionibus destinatum a paroco fors non est opportunum majori parti parochianorum, qui sic longo tempore privabuntur bono pœnitentiæ ex defectu occasionis confitendi. Absit ejusmodi socordia a bono pastore animarum, qui non se ventremque suum, sed ovis suas querit, salutemque earum, qui ex solo motivo amoris agit, ac conformiter ad leges, spiritum, mentemque Christi & Ecclesiæ, ac ad exemplum praxinque timoratorum, quotiescumque ac quandocumque necessitas aut animarum utilitas postulaverit, sive commodum sive incommodum fuerit, fidelem ac fervidum Jesu Christi mensurum se se exhibet.

**CASUS XXX.** Parochus dum actu accedebat ad Aram pro celebrando Sacro in die Festo, monetur in præsentia totius populi Titium esse in articulo mortis, & quidem in domo rurali vix non uno milliari Gallico distante ab Ecclesia.

¶. Parochus tenetur differre, aut etiam omittere Sacrum; quia ex una parte præceptum confessionis in articulo mortis

magis

magis urget quam præceptum audiendi Sacrum die Festo ; & ex altera parte non peccat , qui sine omni propria culpa omittit Sacrum. Nihilominus ne parochiani variis præoccupentur præjudiciis , monere eos debet de gravi ac urgente necessitate , qua urgetur ad excipiendam confessionem infirmi. *La Croix l. 6. part. 2. num. 223. aliiq. C. B.*

**NOTA.** Videtur mihi consultus , si populum hortaretur ad fervidam , comprecationem pro moribundo , & peractis substantialibus Missæ , pergeret ad infirmum , populo interea in comprecatione , vel in auscultatione piæ prælectionis , v. g. Epistolarum D. Pauli &c. relicto.

**CASUS XXXI.** Parochus quidam cum audiendo confessionem Caji in eo deprehenderet ignorantiam primorum principiorum fidei , denegat ipsi Benedictionem nuptialem , usque dum sufficienter instructus fuerit.

**¶.** Non potest ipsi denegari in hoc casu Benedictio nuptialis ; quia Decreta Pontificum , quibus parochi prohibentur ad Sacramentum matrimonii admittere non sufficienter instructos circa principia Religionis , tunc tantum urgent , quando parochus per aliam viam talem ignorantiam detexerit in contrahente matrimonium , & non , dum eam solum scit ex confessione. Cum ergo in casu proposito parochus non habeat aliam rationem Cajo differendi Benedictionem nuptialem , quam ignorantiam ipsius , eamque solum noverit ex confessione , dicendum , per dilationem Benedictionis nuptialis a parochi & Sacramento irrogari injuriam per violationem sigilli , & poenitent. *Sanchez de Matr. Barbosa de Offic. Paroch. C. B.*

**CASUS XXXII.** Cajo vult nubere Titio , furdo & muto a nativitate. Parochus autem ipsis recusat Benedictionem nuptialem.

**¶.** Si Titius nunquam edidit aliquod signum , ex quo potuisset colligi , eum sufficienter esse instructum circa ea , quæ spectant ad substantiam matrimonii , prudenter agit parochus. Verum si ex signis & motibus Titii parochi moraliter certum fiat , eum scire , quid faciat contrahendo matrimonium , non potest obistere huic matrimonio , si non aliunde aliquod impedimentum interveniat. *Boff. de Mat. Rosig. de Spons. Sanchez de Sponj. C. B.*

**NOTA.** Est impossibile , surdum & mutum a nativitate esse sufficienter instructum de obligationibus mariti Christiani ; nisi per alphabeti litteras fabre factas & ordine dispositas improbo labore didicerit intelligere libros vel scripturas.

**CASUS XXXIII.** Parochus quidam negat Titio Benedictionem nuptialem; eoquod nesciat orationem Dominicam, & præcepta Decalogi.

*y.* Male agit parochus: licet enim melius foret, si differatur per aliquot dies celebratio matrimonii, ut Titius interea possit addiscere orationem Dominicam; non licet tamen absolute eum excludere a Sacramento, si sciat principia essentialia fidei, etiamsi ignoraret, aut memoria retinere non posset id, quod fideles communiter sciunt. *Bossius Diana.*  
C. B.

**NOTA.** Qui ex culpa ac negligentia sua ignorat orationem Dominicam, actu non est capax absolutionis aut alterius Sacramenti. Insigniora Ritualia a matrimonio excludunt eos, qui nesciunt Symbolum. S. Augustinus eos nequidem admittit ad munus patris. Si quis est adeo stupidus, ut ista necessario scienda non possit memoriter imprimere, conandum saltem, ut apprehendat ea quoad substantiam. Hinc, siue ea ignorantia proveniat ex hebetudine innata, siue ex negligentia, non potest parochus contra decreta Synodorum, & sensum generalem Doctorum probatorum sine peccato mortali ad matrimonium admittere eos, qui memoriter recitare vel legere nequeunt Orationem Dominicam & Symbolum Apostolorum.

**CASUS XXXIV.** Parochus quidam non habet sufficientes redditus pro honesta sustentatione; & hinc diebus festis non applicat Missam pro parochianis suis.

*y.* Non est securus in conscientia. *Decret. Sac. Cong.*  
C. B.

**NOTA.** Benedictus XIV. in Decreto de 19. Aug. 1744. sic ait: *Statuimus, quod iis etiam festis diebus, quibus populus Missa interesse debet, & servilibus operibus vacare potest, omnes animarum curam gerentes Missam pro populo celebrare & applicare teneantur.* Posito tamen, quod parochus hæc festando absolute congruam sustentationem non obtineret, censeo, cum Sacrificium Christi in Missa sit infiniti valoris, & primis duodecim sæculis potuerint recipi oblationes a mille personis, parochum in suo dytulo posse oblativæ meminisse. 1. Benefactoris. 2. Parochianorum; idque ex horum consensu rationabiliter præsumpto.

**CASUS XXXV.** Parochus quidam habens redditus plusquam sufficientes pro honesta sustentatione nunquam applicat Missam pro parochianis suis, nisi diebus festis.

*y.* Non tenetur aliis diebus applicare: pinguiore enim redditus non fundant maiorem obligationem circa hoc, quam tenues; sicuti non obligant ad prolixius aut bis dicendum quotidie Breviarium; id quod declaratum legitur a S. Congregatione 8. febr. 1716. C. B.

**NOTA.**

**NOTA.** Si parochus talis etiam intra hebdomadam tenetur semel vel bis ex ipsa conditione sui muneris celebrare, eo ipso tenetur etiam applicare. Sic enim intelligendum est Decretum de paracho habente pingues redditus.

**CASUS XXXVI.** Parochus quidam pingues habens redditus quandoque diebus Dominicis non applicat pro parochianis; semper autem id supplet diebus feriatibus.

**§.** Probabilius id potest: quia obligatio parochorum pingues redditus possidentium non est diversa ab obligatione aliorum parochorum. Jam autem ex Responso a Sacra Congregatione ad dubium propositum dato 29. Januarii 1724. apparet, parochos tenues redditus possidentes eligere posse diem feriatum ad applicandam Missam pro parochianis suis; eodem consequenter privilegio gaudent etiam parochi ampliores redditus possidentes. Dixi tamen probabile esse; quia Sacra Congregatio tantum loquitur de parochis pauperibus. C. B.

**NOTA.** Censeo, hanc explicationem esse prorsus contrariam menti S. Congregationis, ac proin improbabilem. Ratio est, quia populus ampliorem refert fructum ex Missa pro se dicta, cui ipsemet praesens assistit, quam ex alia, cui non assistit. Delin parochianis fit injuria, dum Missa solemnis diebus Dominicis pro se applicanda commutatur cum Missa privata, quales intra septimanam leguntur. Denique, etsi consentiat populus in hoc, eoquod parochus adeo sit pauper, ut non habeat honestam sustentationem, nisi primo oblato stipendio satisfaciat, non tamen censetur consentire, si parochus habet abundantes redditus. Aliud dici posset in casu urgente ac extraordinario ex consensu populi rationabiliter praesumpto, ut si v. g. applicandum foret pro moribundo, & alius Sacerdos non adesset.

**CASUS XXXVII.** Parochus quidam prohibet celebrari Missam diebus festis in Sacellis existentibus in districtu parochiae suae ante Missam parochialem; quod tamen parochiani ægre ferunt.

**§.** Si hæc prohibitio parochi fundatur in quodam Decreto Episcopi, aut Constitutione Synodali, parochiani non possunt juxta conqueri. Si vero parochus proprio tantum ac privato instinctu id prohibet, hæc prohibitio nulla est; quia Sacra Congregatio pluries declaravit, a parochis similem prohibitionem propria autoritate fieri non posse. C. B.

**CASUS XXXVIII.** Paterfamilias quidam non mittit liberos suos ad instructionem catechetica, nec parochus eos venire jubet. Cuinam horum imputanda est eorum ignorantia in doctrina fidei?

γ. Utrique, & Patri & parochio: utriusque enim aurbus olim occinetur illud Jeremizæ: *Parvuli petierunt panem, & non erat, qui frangeret eis.* C. B.

CASUS XXXIX. Parochus quidam, cujus parochia sita est prope Ecclesiam Archipresbyteralem, diebus festis omitit concionem, suosque parochianos numero paucos invitat, ut iis diebus accedant conciones Archipresbyteri servidas admodum ac solidas.

α. Peccat parochus; quia Concilium Tridentinum expresse vult, ut parochi saltem diebus Dominicis & Festis sollempnibus concionem habeant. C. B.

CASUS LX. Parochus quidam obligationi suæ se satisfacere existimat, si publice catechesin instituat, etsi sciat, plures parochianorum suorum præ cæteris rudes non sufficienter exinde instrui circa mysteria Religionis.

β. Non satisfacit; quia supposito, quod parochus sciat, quosdam parochianorum suorum haud sufficienter edoceri per catecheses publicas, tenetur defectum supplere per instructiones particulares ac privatas: cum enim parochorum obligatio sit disponere parochianos ad digne recipienda Sacramenta, ut eruitur ex quadam propositione damnata ab Innocentio XI., etiam obligantur eoque illos instruere, donec removeatur ignorantia, qua inhabiles redduntur ad valide ac licite recipienda Sacramenta. Consequenter si catechesis publica quibusdam non sufficiat, eos tenetur privatim instruere. C. B.

CASUS XLI. Parochus quidam per integrum mensem concionem non habet.

γ. Peccat mortaliter. *Leand.* C. B.

NOTA. Aliter forte sentiendum circa parochias alternativas, si intra mensem incidat vacantia divini officii. Peccant tamen graviter Episcopi & Visitatores non regulando in singulis parochiis vacantias nimias, & modos Sermonum vel Discursuum ad populum.

CASUS XLII. Parochus quidam sciens, pueros ac puellas parochiæ suæ perbene catechismum domi a suis parentibus discere, eos non convocat diebus festis ad ecclesiam.

γ. Saltem non peccat mortaliter; quia parochi non obligantur parvulos instruere in catechismo, nisi ad suppleendam negligentiam parentum. Si ergo in parochia quadam parentes ipsemet universam omnem industriam adhiberent ad informandos in doctrina Christiana liberos suos, parochi non peccarent graviter omitiendo catecheses. DIXI. *non peccaret graviter*; quia nihilominus esset culpabilis negligentia, si parochi non convocarent infantes diebus festis, ut sic magis

con-



confirmentur, ac roborentur in principiis fidei, ac mutuo se exemplo provocent. C. B.

NOVA. O miserum sane parochum, qui alienis tantum, & non suis met videt oculis, aut eorum, quos ad obeundas vices suas talentis ac virtute prædicos substitutos sibi habet! Quantumcumque industril sint parentes in cultura liberorum, quam facile tamen instructiones circa principia fidei ac morum omittuntur, maxime ruri ubi major cura temporalium quam spiritualium! quam leviter ejusmodi instructiones excipiuntur a juventute! quam celeriter memoria evanescunt! Et quis parochorum nescit, quam leviter plerumque tincti sint ipsimet parentes in doctrina fidei, maxime cum ad ultiores vanitatibus seculi prædediti catecheses frequentare neglexerunt. Absit, ut laxissimæ huic responsioni ego assentiar, qui & me & alios quoscunque demum publicas catecheses per notabile tempus intermittentes peccati gravissimi condemnarem: catechesis enim inter præcipuas vocationis parochialis partes numeranda.

CASUS XLIII. Parochus quidam in duodecim Festis per annum non habet concionem.

R. Peccat graviter. *Leander. C. B.*

CASUS XLIV. Parochus quidam putat, se esse exemptum ab obligatione concionandi; quia ante Vesperas catechesin habet.

R. Non est exemptus, ut colligitur ex pluribus locis Concilii Tridentini, ubi obligationem concionandi distinguit ab obligatione habendi catecheses. C. B.

CASUS XLV. Parochus quidam committit alteri Sacerdoti munus catechizandi.

R. Non potest alteri committere absque causa legitima; quia non cuiuscumque alteri Sacerdoti, sed parocho dicta sunt hæc Christi verba: *Pasce oves meas. Conc. Trid. C. B.*

CASUS XLVI. Parochus quidam ut tranquille magis, magisque solitarie possit vivere, curam parochiæ suæ committit alteri Sacerdoti, quem scit piissimum ac doctissimum.

R. Parochus iste non est securus in conscientia: nam si juxta Concilium Tridentinum parochus non potest absque ratione legitima munus concionandi deferre alteri, multo minus ipsi licet alterius ministerio uti ad omnes functiones, quæ parochi ratione muneris sui incumbunt. C. B.

CASUS XLVII. Parochus quidam non curat lampadem accendi coram SS. Sacramento.

R. Peccat mortaliter, si ex negligentia ipsius contingat, lampadem per integram diem ac noctem non esse accensam. *Rit. Rom. Diana. Gobat. Bortunus & alii. C. B.*

*NOTA.* Circa tales recentioris ævi leges ceremoniales adiaphoras non facile statuenda sunt peccata mortalia. Observo, Probabilitas circa leges ceremoniales adiaphoras esse ad superstitionem usque rigorosus; e contra in animarum, Religionis, & regnorum perniciem faciles circa leges naturales & divinas.

**CASUS XLVIII.** Parochus quidam studiorum inimicus, & hinc nesciens transigere tempus pomeridianum, invisit quempiam ex parochianis suis, ibique in præsentia plurium discursus miscet admodum liberos.

§. Si aversio, quam habet erga studia, & fovere pergit per ejusmodi discursus, eum inhabilem reddit ad digne explendas obligationes status sui, peccat mortaliter. Addo, hunc parochum etiam committere peccatum scandali, ac peccatum contra virtutem oppositam discursibus his liberioribus. Ultra peccatum scandali peccaret contra votum castitatis, si discursus isti in animo excitarent aut provocarent motus inordinatos; hocque peccatum semper esset mortale. Denique peccaret parochus contra justitiam, si per hos discursus læderetur fama proximi; peccatumque esset aut leve aut grave, scilicet pro levitate aut gravitate materiæ. C. B.

**CASUS XLIX.** Parochus quidam, cum ipsi deficerent stipendia pro Missis, persuasit parochianis suis, medium consequendi salutem æternam securissimum esse, si multas Missas legi curarent pro solatio animarum purgatorii.

§. Duplíciter culpabilis est parochus iste. Primo, quia proponit parochianis suis doctrinam falsam. Secundo quia in hisce circumstantiis præbet ansam suspicandi, se stimulante potius avaritia, quam desiderio subveniendi animabus purgatorii hanc populo doctrinam proposuisse. C. B.

*NOTA.* Etiam hoc pertinet ad gravia peccata Episcoporum ac Visitatorum, concionibus & aliis modis quæstuariis remedium efficax in radice non opponentium

**CASUS L.** Parochus quidam sciens, quemdam parochianorum suorum largissimas facere eleemosynas ad Sacellum B. Virginis, & vix ullas ad ecclesiam parochialem, eum severe reprehendit, dicens, quoad hoc rationem habendam esse ecclesiæ parochialis, & non alterius.

§. Loquendo in genere, ac præscindendo a circumstantiis particularibus, ut fit in casu proposito, quo agitur de eleemosyna prorsus gratuita, certum est, parochum peccare: cum enim parochus plenam libertatem habeat in dispensatione eleemosynarum suarum, nemini facit injuriam, si sequatur stimulum devotionis suæ, & largiores erogat eleemosynas

fynas in Sacellum B. Virginis , quam in ecclesiam parochialem. Consequenter parochus peccat , eum propterea reprehendendo. C. B.

NOTA. Si parochiali ecclesie deesset honestas in ædificiis , altaribus , paramentis , ministris &c. parochus recte urgeret meliorem ordinem charitatis.

**CASUS LI.** Parochus quidam , qui unicam tantum habet ancillam parum aptam ad pulsandas campanas , non curat signum dari ad *Angelus Domini*.

¶. Hæc omissio est tantum venialiter peccaminosa , etiam post indulgentias a Benedicto XIII. concessas ; quia ex nulla parte reperitur , hoc præceptum obligare sub pœna peccati mortalis. Parochus nihilominus ex zelo , quo imbutus esse debet ad promovendum bonum spirituale suorum parochianorum , curare debet , ut exacte detur signum istud. C. B.

NOTA. Si ea negligentia duraret longo tempore , v. g. per aliquot menses , non posset excusari a gravi peccato ; quia induceret contemptum consuetudinis valde laudabilis , recolligendi animum ad Deum ter in die , & recolendi mysterium Incarnationis.

**CASUS LII.** Parochus quidam non habet registrum eorum , qui Sacramentum Confirmationis receperunt , sub prætextu , quod plures parochianorum suorum adducti fuerint a consanguineis suis ad Confirmationem se incio administratam.

¶. Peccat graviter ; quia , ut ait Possevinus *de Offic. Par. c. 12.* , eadem ratio est libri Confirmationis , & librorum baptismalis ac nuptialis. Concilium Tridentinum autem *Seff. 24.* declarat , parochum peccare graviter , qui non habeat librum baptismalem. Consequenter etiam graviter peccat , si non curet habere librum , cui inscribat nomina eorum , qui Sacramentum Confirmationis receperunt. C. B.

**CASUS LIII.** Presbyter quidam recens nominatus ad parochiam comperit , Prædecessores suos a tempore immemoriali concionem non habuisse , ex eoque semet ipsum excusandum putat , si nullam habeat.

¶. Fallitur hic parochus ; quia Concilium Tridentinum *Seff. 5. c. 2.* & recentius adhuc Innocentius XIII. & Benedictus XIII. in Bullis hac super re emanatis mandant omnibus parochis , ut saltem diebus Dominicis , ac Festis solemnibus concionem habeant , non obstante consuetudine contraria , temporis etiam immemorialis ; quam consuetudinem , siqua vigeret , abusum ac corruptelam vocant. C. B.

**CASUS LIV.** Parochus monetur, infirmum quempiam paulo ante confessum, esse in articulo mortis constitutum. Hinc ocyus sumit Ciborium, & currit ad infirmum. Quæritur 1. An in simili casu parochus Sacrum Viaticum manugestanti liceat currere. 2. Si parochus actu confisteret ad a-ram, an deberet interrompere Missam.

3. *Ad 1.* Non licet currere in tali casu; licet enim agatur de Sacramento summe utili infirmo morituro; hoc tamen Sacramentum non est absolute necessarium. Hinc nulla datur ratio excusans formalem indecentiam, imo & scandalum, quod præberet Sacerdos, si manu tenens Sanctissimum Christi Corpus curreret per plateas. *Ad 2.* Si infirmus actu est in ecclesia, aut prope ecclesiam, parochus debet interrompere Sacrificium Missæ, etiam post Consecrationem; quia ex una parte interruptio est levis, & ex altera parte utilitas in infirmum redundatura sufficientem rationem suppeditat, qua excusari possit interruptio. Si autem infirmus existat in loco admodum remoto ab ecclesia, Sacrificium Missæ non est interrompendum; quia, cum neccitas infirmi, qui supponitur jam fuisse confessus, non sit admodum urgens, reverentia Sacrificio Missæ debita exigit, ut non fiat talis interruptio. Nihilominus in hoc secundo casu possent intercurrere circumstantiæ, ubi aliud agendum foret parochi; prout nempe prudens ipsi iudicium suggesserit.

Vide *Abolutio*. Caf. 2. 4. 5. 6. 12. 16. 22. 25. 32. *Beneficiatus*. *Beneficium*. *Canonicus*. *Confessarius*. *Permutatio*. *Provisio*. *Residentia parochorum*. *Resignatio*. *Sigillum sacramentale* *Simonia*.

## PASCUA.

1. *Pascua* vocamus loca illa, in quibus pecora & armenta pascuntur. Dicitur habere jus pascendi, cui licet per armenta sua depascere loca, quæ iurè proprietatis ad ipsum non pertinent.

2. Præcipuæ regulæ ad jus pascuale pertinentes sunt: Si jumenta, armenta vel pecora præsentibus vel absentibus pastoribus depascant prata tali tempore vel in illis locis, in quibus pascuorum usus prohibitus est, Dominus, cujus sunt pecora, tenetur de damno ab illis causato. Idem quoque dicendum de loco, in quo pascuorum usus permissus est, si ibidem tenellis arboribus qualiscunque noxa a gregibus inferatur.

3. Vigent consuetudines Juri Civili Romano contrariæ, vî quarum proprietario loci, si forte in suo fundo deprehenderit pecora, eadem secum abducendi, & tandiu domi suæ, donec illata damna refarciantur, detinendi potestas conceditur.

4. Jus pascendi potest acquiri vel ex titulo, vel per præscriptionem temporis immemorialis, ad quam probandam incolæ loci simile jus prætendentes non possunt admitti pro testibus.

5. Non licet ante primam falcem, id est primis graminibus nondum demessis ad pastum etiam in proprium agrum pecus educere.

6. Quælibet ruricularum communitas jure pascendi gaudens debet habere pastorem pro custodia gregum, ne cuiuspiam aliqua noxa aut pauperies ab armentis inferatur.

7. Circa hanc materiam observandæ sunt constitutiones Principum & jus provinciale, quod pro varietate locorum est varium.

**CASUS I.** Cælestinus cujusdam olim parochiæ Dominus territorialis spatium campestre quinquaginta vel sexaginta jugera complectens pagi illius incolis ad pascendos ibi greges suos concessit. Hos inter erant tres agricolæ reliquis opulentiores, qui singuli gregem quadringentorum ovium educabant in hoc arvo pascendarum. Conqueruntur cæteri duas non nisi vaccas habentes, vaccis suis a tanto ovium grege nullum amplius relinqui pabulum; quin etiam prætendunt, non licere agricolis greges suos ad hujusmodi pascua communia emittere, vel saltem numerum ovium ibidem pascendarum minuendum esse. Licetne præfatis agricolis reliquorum querellis insuperhabitis posthac, uti hucusque, frequentare hæc communia pascua? & supposito, quod hoc non possint salva conscientia, nec tamen abstineant, daturne obligatio ex parte Domini, ut agricolas, non obitante quod sint ipsius coloni vel conductores, cogat ad relinquenda hæc pascua?

3. Jus pascendi debet comparari cum aquis fluminum irrigandis agris aut pratis destinatis. Jam vero, moraliter loquendo, cuilibet debet concedi æqualis portio aquæ, nisi aliquis possit probare, majorem sibi quam aliis portionem deberi. *Fluminum publicorum communis est usus, sicuti viarum publicarum & littorum.* inquit L. *Fluminum.* 24. ff. Lib. 39. Tit. 2. *In his igitur publice licet cuilibet ædificare; & destruere; dum tamen hoc sine incommodo cujusquam fiat.* Leg. *Fluminum ff. Damno infecto* 2. &c. lib. 3. tit. 2. Adeoque quæ-

quantum concernit pascua publicâ ac communia, horum usus debet distribui *ex æquo & bono*; ex quo proin sequitur, præfatis agricolis non licere salva iustitia per suos greges depascere totum arvom pascuis communibus destinatum, vel certe debere eos imminuere numerum ovium suarum. Quodsi pertinaciter renuant, a Domino territoriali cogendi sunt. *Pontas.*

CASUS II. Bertinus prædices agricola plurimos possidet equos, boves & vaccas, & immodicum arletum gregem. Ex his partem aliquam mittit ad depascendum pratum, quod ad ipsummet proprietatis jure pertinet. Possuntne tum domini territorialis tum reliqui incolæ sese opponere ex eo capite, quod prima gramina nondum sint demessa?

3. Interesse boni publici exigit, ut privati propria sua confervent, nec destruant, antequam ad maturitatem pervenerint. Adeoque jussu reliqui pagani sese opponunt Bertino, eoquod jubeat depasci primas herbas sui prati; nisi pratum hoc muro vel sepibus circumquaque clausum sit. Idem dicendum de agro jam seminato. *Pontas.*

## PATERFAMILIAS.

1. Quod Episcopus est in sua diœcesi, id ipsum est paterfamilias in domo sua; & sicut Episcoporum est omni sollicitudine animarum sibi concreditarum salutem invigilare, sic & patrumfamilias est bonum tam spirituale quam corporale domesticorum suorum omni studio promovere: hinc in scriptis Patrum nil innotat, nihilque occurrit frequentius, quam comparatio Episcopum inter & patremfamilias. Ut igitur patresfamilias, rectoresque familiarum etiam exiguarum ea, quæ muneris sui sunt, exacte impleant, in id potissimum incumbere debent, ut instruunt vel ipsi per se vel per alios, corrigant, & ad Christianarum virtutum praxin ac jugè exercitium exemplo suo pertrahant omnes domesticos suos ea prorsus ratione ac obligatione, qua parentes tenentur respectu liberorum suorum. *Hortamini*, ait S. Augustinus Lib. un. de salutar. docum. *imperate, & quantum in vobis est, iis persuadete, ut evitent superbiam, detractionem, ebrietatem, fornicationem, & impudicitiam genus omne, indignationem, perjuriam, denique cupiditatem, quæ omnium malorum radix est.*

2. S. Carolus Conc. Mediol. III. ubi obligationes omnes Patrumfamilias paucis enumerat, ponit & hanc, ut domestici missæ parochiali, Officiis divinis, concionibus, cateche-

sis.

libus , publicis pietatis exercitiis , processionibus &c. diligenter inter sint , ut ad Sacramenta Pœnitentiæ & Eucharistiæ frequenter accedant , ut a conversationibus periculosis abstineant , & diebus Dominicis ac festis de præcepto opera servilia non exercent. Denique tenentur paterfamilias domesticis suis statuto tempore conventam mercedem solvere , & , si fors eos ægrotare contigerit , Christiana cum charitate curare . ne quid subsidiorum tam spiritualium quam corporalium eis desit.

**CASUS** Timotheus paterfamilias famulum habet domesticum , qui antiquum & inveteratum erga alium famulum fovet odium , ita ut omnino eidem reconciliari renuat. Quid agendum ?

ꝑ. Si adhibitis omnibus charitatis ac monitionum rationibus famulus hic cum altero in amicitiam redire nolit , ac insuper ad inimicitiam hanc fovendam domini sui auctoritate abutatur , paterfamilias tenetur eum domo sua dimittere ; quia alias ipsi ansam præberet in peccato persistendi. *Fromageau.*

Vide *Domeſtici. Liberi. Parentes.*

## PATRIMONIUM, TITULUS AD ORDINES.

**CASUS I.** Clericus quidam , qui docendo grammaticam singulis annis lucratur plusquam centum florenos , quaerit , an non hoc solo titulo possit recipere sacros Ordines.

ꝑ. Non sufficit hic titulus ; quia Tridentinum vel titulum Beneficii exigit , vel patrimonii , & quidem in bonis stabilibus ac solidis fundatis. Sacra Congregatio Concilii interpret olim ad quaestionem : *An ex huiusmodi per artem musicam , per magisterium grammatices , per gradum Theologiae , & huiusmodi acquisitis ad sacros Ordines promoveri aliquis queat ;* respondit : non posse ; sed requiri omnino vel Beneficium , vel patrimonium ad vitam promovendi honeste sustentandam sufficiens. C. B.

**CASUS II.** Titius filio suo Clerico ad sacros Ordines recipiendos in patrimonium assignat omnia bona sua , quorum annui proventus 200. francorum summam excedunt ; attamen cum hoc onere , ut ad dies vitae victum ac vestitum ipsi præbeat.

ꝑ. Patrimonium hoc non est legitimum ; ad hoc enim , ut patrimonium sit legitimum , requiritur , ut sit fundatum  
in

in bonis stabilibus liberis, absque onere, quorum annui proventus 200. francos æquant. Sed conditiones hæc defunt patrimonio supradicto; quia enim excessus supra 200. francos non constituit summam sufficientem pro sustentatione patris, evidens est, quod deductis ad illius alimentationem necessariis, filio non remaneret integrum patrimonium ducentorum francorum. Et sic patrimonium istud non debet haberi pro legitimo. C. B.

CASUS III. Sempronius duos habet filios, & horum alterutri ad statum clericalem aspiranti in patrimonium assignat castellum cum omnibus redditibus; & id solum totam familiæ substantiam constituit. Potestne hoc patrimonium ut legitimum admitti?

ꝑ. Per se loquendo patrimonii hujus designatio, facta a patre in unius filii favorem, esset in præjudicium alterius fratris, qui portione legitimæ sibi debitæ privaretur; imo vergeret in damnum totius familiæ, quæ, si filius omnes redditus in suum usum converteret, non haberet, unde sustentari posset. Dicitur: *per se loquendo*; nam si pater haberet plenissimam potestatem disponendi de castello, & alter filius fratri suo jus sibi competens cessisset, designatum patrimonium deberet haberi pro legitimo. C. B.

CASUS IV. Chremes, licet opulentissimus, adduci tamen non potuit, ut filio suo ardentem ad sacros Ordines aspiranti, nec alium titulum habenti patrimonium assignaret. An non peccat?

ꝑ. Peccat graviter, nisi vocatio filii appareat ipsi valde incerta, vel filium judicet parum idoneum ministerio altaris ob ignorantiam, aut depravatos mores. Veritas hujus responsionis fundatur in jure naturall, vi cujus parentes tenentur providere liberis suis de honesta sustentatione in eo statu, ad quem a providentia vocati prudenter creduntur. C. B.

Vide *Ordo, Sacramentum.*

## PATRINUS.

ꝑ. Patrinus vocatur, qui infantem ex sacro baptismatis fonte suscipit, eidemque nomen imponit; unde patrinus fit quasi pater secundus infantis, spiritualis scilicet, dum nomine ejusdem fidem catholicam profitetur, fidemque pro illo suam Ecclesiæ obligat: hinc oritur obligatio patrini, curandi ac vigilandi pro bona educatione ac instructione infantis, saltem



saltem in defectu parentum naturalium ; & quia Religiosi ac moniales , utpote viventes sub obedientia , non possunt satisfacere huic obligationi , etiam non possunt esse patrini & matrinæ : nec ad hoc munus admittendi sunt , nisi qui profitentur fidem Romano - catholicam , sufficienterque in præcipuis Religionis nostræ mysteriis instructi sunt.

2. Patrinus & matrina contrahunt cognationem spiritua-lem non solum cum patre & matre suscepti infantis , sed etiam cum ipso infante , ut declaravit Bonifacius IV. anno 607. Papa electus ; cumque cognatio ista inducat impedimen-tum dirimens matrimonii contrahendi , ne nimium multipli-centur ejusmodi impedimenta , Concilium Tridentinum Sess. 24. c. 2. de reform. matrim. statuit , ut *unus tantum , sive vir sive mulier , vel ad summum unus & una baptizatum de baptismo suscipiant.* In Ecclesia orientali puellis non conce-ditur patrinus , sed solum matrina.

3. Ceremonia hæc ecclesiastica infantes ad baptismum præ-sentandi per patrinos & matrinæ est antiquissima. Tertul-lianus in libro , quem ad finem sæculi secundi inscripsit , *de baptismo* , testatur , hunc usum jam ante sua tempora vi-guisse in omnibus locis , in quibus Religio florebat Christiana.

4. Ecclesia autem hunc ritum instituit . 1. Ut patrini no-mine Ecclesiæ offerant infantem Jesu Christo ad recipiendum per manus sacerdotis ejusdem ministri baptismum ab eo insti-tutum , ut nos efficiat filios Dei : *hic est , qui baptizat.* 2. Ut , cum infans usum loquelæ necdum habeat , patrini no-mine ipsius ædem profiteantur , ac loco ipsius promittant Deo & Ecclesiæ , ac sodejubeant , eum fideliter ac religiose adim-pleturum omnes obligationes in receptione Sacramenti con-tractas. In Ecclesia Salvatoris , inquit S. Augustinus Can. *In Eccl. fia.* 130. de consecr. dist. 4. *per alios parvuli credent , sicut ex aliis ea , quæ illis in baptismo remittuntur , peccata tra-xerunt.* Et Can. *Vos ante.* 105. ibid. *Vos ante omnia tam mulieres quam viros , qui filios in baptismo suscepistis , moneo . ut vos cognoscatis fidejussores apud Deum extitisse pro il-lis , quos visi estis de sacro fonte suscipere.*

CASUS I. Natalis ex sacro baptismo suscepit infantem , qui octavo ætatis suæ anno utroque parente orbatur. Na-talis , qui omnem pupilli curam abjecit , nec ab aliis instru-endum curavit , estne gravis peccati reus ?

3. Si parvulus iste adeo fuit neglectus , ut nemo pro-gressus curam habuerit pro ipsius institutione in rebus ad animæ salutem pertinentibus , Natalis absolute obligatur provide-re de ejus instructione. Doctrina hæc est complurium.  
Conci-

Conciliorum : prætermisſis antiquioribus Remenſe de anno 1583. ait : *Paracus moneat ſuſceptores , fidei pro ſuſcepto ſpoſores eſſe , atque eos obligari , cum infans ad adultam ætatem pervenit , eum docere fidei rudimenta , ſeu ſymbolum... niſi id a parentibus præſtari poſſit : hoc enim onus ſimul cum munere patrini in ſe ſuſcepit Natalis.* Pontas.

CASUS II. Apollonius vicarius ad baptiſmum infantis admiſit tres patrinos & tres maternas. Fierine id potuit abſque peccato ?

ꝫ. Non potuit abſque peccato tot admittere : egit enim contra expreſſam prohibitionem Tridentini loco ſupra citato ſic decernentis ; *Sancta Synodus... ſtatuit , ut unus tantum , ſive vir ſive mulier , juxta ſacrorum canonum inſtituta ; vel ad ſummum unus & una baptizatum de baptiſmo ſuſcipiant...* Si parochi culpa , vel negligentia , ſecus factum fuerit , arbitrio Ordinarii putatur. Nec a peccato excuſare ſeſe poterit Apollonius prætextu ignorantie ; cum ex ipſa ratione ſtatus ac vocationis ſuæ teneretur ſcire , quæ Eccleſia hæc ſuper re ſtatuit. Pontas.

CASUS III. Nazarius parochus vocatus ad baptizandos ſimul duos infantes , ad unius baptiſmum pro patrino admiſit Religioſum , & Beneficiatum ad alterius. An bene ?

ꝫ. Religioſus neutiquam eſt admittendus , qui , cum ſæculo renunciaverit , deſunctis infantis parentibus non poteſt ejusdem curam gerere , utpote votis obedientiæ & paupertatis ligatus. *Picavit communi noſtro Concilio , ait Eugénius Papa Can. Placuit. 8. 16. q. 1. ut nullus monachorum præſumat neque filium de baptiſmo accipere... neque aliis quibuscumque negotiis ſeſe implicare. Sit claſtro ſuo contentus ; quia , ſicut piſcis ſine aqua caret vita , ita ſine monaſterio monachus. Sedeat itaque ſolitarius & taceat ; quid mirum ſi mortuus eſt , Deo autem vivit.* Et Concilium Antiſſiodorenſe Can. Non licet. 103. de Conſecr. diſt. 4. *Non licet Abhati vel monacho de baptiſmo ſuſcipere filios , nec commatres habere* Diſciplinæ hujus vix non ab omnibus Conciliis firmatæ ratio eſt , ne perſonis vitæ religioſæ conſecratis præbeat occaſio contrahendi familiaritatem cum ſcæminis , quod hæc ratione titulo compatrum ac commatrum facile fieri poſſet. Quædam Concilia , ut Aqueſe anno 1585. celebratum , hanc prohibitionem extendunt ad omnes Clericos etiam ſæculares in Sacris conſtitutos , & Beneficiatos. Concilium Remenſe id interdicit Clericis in locis reſidentie ſuæ. S. Carolus autem ſine ulla limitatione ac univerſim Clericos a munere patrini arcendos præcipit. Pontas.

CASUS IV. Eusebius nullibi inveniens patrinum catholicum pro infante mox baptizando, cum jam ultra baptismus differri non posset, admittit hominem hæreticum. An non casus urgentis necessitatis eum excusat a peccato?

3. Peccavit mortaliter, infideles enim, hæretici, imo etiam solum suspecti de hæresi, schismatici, excommunicati, peccatores publici, ilque, qui necessaria ad salutem ignorant, nunquam acceptandi sunt pro patrinis, qui sunt patres spirituales infantis, & consequenter in consensu tenentur in casu necessitatis eum instituere in omnibus, quæ fidem ac bonos mores concernunt, quæ de re sese sponsores sistunt Ecclesiæ; id autem a memoratis personis expectari non potest. *Pontas.*

Vide *Baptismus. Impedimentum Cognitionis spiritualis.*

## PATRONATUS.

1. Patronatus res erat primis Ecclesiæ sæculis prorsus incognita: eo enim tempore fundatores ecclesiarum nec jus habebant nominandi ministros ad ecclesiam a se fundatam deservientes, nec ullam aliam præeminentiam, ut expressis terminis declarat Papa Gelasius I. in duobus canonibus in Decreto Gratiani relatis, scilicet Can. *Piæ mentis.* 26. & Can. *Frigentius.* 27. 16. q. 7. Imo Ecclesia semper sese opposuit consiliis fundatorum laicorum presbyteros ad ministerium ecclesiæ nominare volentium; & nihil ipsis concedebatur, nisi simplex libertas comparendi in conventibus publicis fidelium, & processionibus eorum. Haud inutile erit advertere hic lectorem, quod quidam Authores cum Glossa male intellexerint verba Gelasii Papæ, *processionis aditum*, ac pro eo sumperint, ac si fundatoribus deberetur quædam dignitas aut præeminentia, eo quod vox, *Processus*, in quibusdam legibus ac authoribus profanis in ea significatione occurrat: sed ipsemet Gelasius Papa præfata verba sumit evidenter in eo sensu, qui hic ipsis tribuitur; quod patet ex duobus aliis ejusdem canonibus, nempe Can. *Presbyteri.* 3. dist. 24. & Can. *Præcepta.* 5. de Consecr. dist. 1. Quod autem successu temporis fundatoribus concessum est, consistit in hoc: 1. Suppeditabantur ipsis ab Ecclesiis necessaria vitæ subsidia, dum, postquam bona sua donarunt ecclesiæ, forte instatim indigentia relapsi sunt. 2. Ad excitandam pietatem eorum sensim refrigerentem permittebatur ipsis præsentatio ministrorum idoneorum ad servitium ecclesiæ; quem usum postea Imperator Justinianus sua autho-

thoritate firmavit duabus desuper editis constitutionibus, & Concilium Toletanum anno 655. habitum confirmavit. Prærogativa hæc primitus soli personæ fundatoris conveniebat; postmodum autem extensa est etiam ad successores ac hæredes eorum.

2. Patronatus igitur est jus fundatoribus Beneficiorum, eorumque descendantibus concessum præsentandi collatoribus ordinaris personas habiles ad administranda Beneficia?

3. Patronatus vel est *ecclesiasticus*, vel *laicus*. Ecclesiasticus est *Potestas Clerico competens præsentandi instituendum ad vacans Beneficium*: & hoc jus potest Patrono ecclesiastico competere ratione rectoratus ecclesiæ aut dignitatis, vel fundationis ex bonis ecclesiasticis, ædificationis ecclesiæ, vel dotationis Beneficii. Patronatus laicus est *Potestas competens Laico præsentandi ad Beneficium*, dum nempe ex bonis patrimonialibus & sæcularibus ecclesiam fundavit vel ædificavit, Beneficium erexit, vel dotavit.

4. Jus Patronatus quævis ex natura sua sit indivisibile, potest tamen possideri a pluribus conjunctim; & quando tum agitur de actuali ejusdem exercitio, quilibet pro se habet vocem suam; pluralitas autem suffragiorum prævalet.

5. Cum jus Patronatus tam realis quam personalis pertineat ad res spirituales, absque simonia seorsim vendi non potest; vendito tamen fundo, cui jus hoc annexum est, transit & ipsum in emptorem, sine peculiari tamen æstimatione.

CASUS I. Marculfus pro ædificanda ecclesia parochiali præbuit fundum: Melonius sumptus atque expensas in fabricam suppeditavit: & Geremarus eidem constituit dotem quadringentos florenos annuatim persolvendos. Omne id factum est cum consensu Episcopi diocesani. Culnam ex his tribus competit jus Patronatus?

ꝑ. Ex quo Episcopus consensit in ædificationem hujus ecclesiæ, ejusdem dotationem, & donationem fundi, singuli eorum gaudent imposterum jure Patronatus. Et quoties quis fundat, exstruit, & dotat ecclesiam cum assensu Episcopi, eo ipso acquirit jus Patronatus, licet nulla interveniat stipulatio, qua illi hoc jus adscriberetur, nisi Patronus expresse declaraverit, se illud penes ecclesiam relictum velle. *Pontas.*

CASUS II. Veturius habet jus Patronatus in quadam ecclesia ob factam eidem donationem fundi. Contendit jam, non posse se privari prærogativa Patroni, nec juribus honorificis eidem annexis; quævis fundus ille cum assensu

omni.

omnium loci incolarum a parcho & ecclesiæ curatoribus fuerit venditus Ferdinando, qui jus hoc, utpote fundo annexum, cum fundo empto ad se transiisse prætendit; atque ex hac ratione actionem in judicio adversus Veturium instituit. Potestne citra injustitiam litem hanc intentare, ac prosequi?

R. Si ecclesia vendendo fundum Ferdinando expresse sibi reservavit jus Patronatus, hoc nullatenus transit ad emptorem Ferdinandum, sed saluum ac integrum manet Veturio; qui proin frui debet omnibus prærogativis ac honoribus juri huic annexis. Si autem fundum vendidit absque expressa reservatione Patronatus, jus hoc, utique fundo inhærens transit *cum universitate* ad illum, qui fundi proprietarius, & novus possessor titulo emptionis factus est. Ita in simili causa decidit Alexander III. Cap. *Ex litteris*. 7. Lib. 3. Tit. 38. *Pontas*.

CASUS III. Menelaus acquisivit jus Patronatus ex dote sex domorum, quas cuidam ecclesiæ, cum ædificaretur, donaverat; sed has domos haud multo post penitus ignis consumpsit. Amisitne Menelaus ex fortuito hoc casu jus Patronatus? Et si Paschasius novam sufficientem dotem huic assignet ecclesiæ, num jus Patronatus inde aquireret?

R. Excidit jure Patronatus Menelaus; sicut eodem jure privaretur ille, qui solum Patronus foret titulo constructionis, casu quo ecclesia funditus destrueretur. Paschasius autem, si novam ecclesiæ dotem assignet, inde jus Patronatus acquirit. Ita Fagnanus in C. *Quoniam*. 3. de jur. Patr. n. 59. Observandum tamen cum eodem Fagnano ibidem n. 60. quod ille, qui dotasset ecclesiam, ejusdem semper maneret Patronus, si ecclesia ex toto destrueretur; & is, qui eandem reædificaret, ipse quoque illius fieret Patronus conjunctim cum dotatore. *Pontas*.

CASUS IV. Cynthus vir perillustis, sed nominatim publice excommunicatus, fundavit, construxit, & dotavit consentiente Episcopo ecclesiam parochialem suæ dynastiae, ut hoc modo viam sibi faciliaret redeundi ad communionem Ecclesiæ. Acquisivitne per hoc jus Patronatus illius ecclesiæ?

R. Non obstante censura competit ipsi jus Patronatus juxta Joannem Andream in C. *Nobis*. 25. de jure Patron. n. 3. Illud autem exercere non potest ante obtentam absolutiorem. Licet utique excommunicato bonum opus facere, quale est fundatio, constructio, ac dotatio alicujus ecclesiæ, quibus titulis sacri Canones absque ulla restrictione jus Patronatus attribuunt. *Pontas*.

**CASUS V.** Galerius Patronus ecclesiæ parochialis jus suum vendere, vel in feudum dare cogitat. Potestne hoc fieri absque peccato?

ꝰ. Distinguendum duplex genus Patronatus, scilicet personalis & realis. *Personalis*, cum sit res mere spiritualis, nunquam vendi aut in feudum concedi potest; imo nec *realis*, si consideretur ut separatus a fundo, cui est annexus. Licite autem vendi, in feudum dari, aut quovis modo alienari potest fundus, cui jus Patronatus annexum est, quod deinde ut inseparabile a fundo transit ad acquirentem fundi, juxta regulam juris 24. in 6. *Accessorium naturam sequi congruit principalis*. Hinc peccat gravissime Galerius jus Patronatus separatim vel vendendo, vel in feudum concedendo. *Pontas.*

**CASUS VI.** Florentius fundos suos annexum habentes jus Patronatus in hypothecam dedit Joanni pro asservatione mille florenorum ab eodem mutuo acceptorum. Potestne Joannes exercere jus Patronatus?

ꝰ. Variæ circa hoc sunt Authorum sententiæ: attamen verior juxta S. Antonium 3. part. tit. 12. c. 12. §. 2. opinio est, quod jus Patronatus *nec simpliciter, nec cum universalitate possit pignori obligari*. Joannes ergo, cum solum sit creditor hypothecarius, & non dominus rei sibi oppignoratæ, nec aliud jus habeat, quam percipiendi usque ad pactum tempus fructus utiles fundorum, nec potest exercere jus Patronatus; sed illud Florentio remanet tanquam vero fundorum oppignuratorum domino, una cum aliis honorificis Patronorum juribus. *Pontas.*

**CASUS VII.** Diodorus Patronus laicus ecclesiæ parochialis cessit & donavit per modum eleemosynæ Patronatum hunc cuidam abbatiæ, pauloque post mortuus est. Desiderius filius ipsius ratu maximus jus hoc retraxit pro summa quadringentorum florenorum abbatiæ persolutorum; mox autem ex viro docto percipit, emptionem hanc esse veram ac realem simoniam, seque proinde non posse retinere hoc jus Patronatus; & hinc illud abbatiæ restitutum se promittit. Cum autem promissum exequi non posset nisi post menses aliquot, simulque eo ipso tempore vacaret parochia, quæritur, an non saltem pro hac vice quempiam idoneum præsentare possit ad parochiam.

ꝰ. Jus Patronatus, ut ex dictis patet, est quidem transferibile, si fundus vendatur, cui inhæret; at vero, quia Patronatus, hujus parochiæ, ut in casu ponitur, fuit translatus in abbatiæ titulo prorsus gratuito, scilicet donationis.

nis, naturam induit Patronatus pure ecclesiastici, juxta Bonifacium VIII. Cap. Si laicus. un. §. 1. L. 3. Tit. 19. in 6. & absolute non potest vendi. Nec dictum jus Patronatus, ait Concilium Tridentinum Sess. 25. de reform. c. 9. venditionis, aut alio quocumque titulo in alios contra canonicas sanctiones transferre præsumant. Si secus fecerint, excommunicationis & interdicti penis subiiciantur., & dicto jure Patronatus ipso jure privati existant. Desiderius igitur in præsentí casu non potest exercere jus Patroni præsentando ad parochiam, quod per venditionem expiravit, provisione parochiæ ad solum collatorem ordinarium devoluta. Pontas.

NOTA. Tam venditor quam emptor ipso facto privati existunt tali jure Patronatus. Venditor non potest retinere pretium acceptum, ne videatur de sua malitia commodum reportare; sed tenetur illud restituere, non quidem emptori, utpote qui mala fide contra sacros canones egit, sed ecclesiæ, cui per simoniam injuria fuit illata.

CASUS VIII. Geduinus Patronus ejusdam parochiæ in Hungariam profectus est, bello contra Turcas interfuturus. Quindecim diebus post ipsius abitum vacat parochia, quam mox post bidaum Episcopus pleno jure contulit Eustachio, Geduini filii vi procurationis a patre ante discessum sibi traditæ Reinardum patris nomine præsentant. Estne valida & canonica collatio Episcopi?

g. Quando Patronus vel in captivitate vel in regione valde diffusa detinetur, potest Episcopus conferre Beneficia ab ejus præsentatione dependentia, & quidem mox ut vacaverint, non expectatis quatuor mensibus Patronis lalcis a jure pro præsentatione concessis; & hoc in favorem ecclesiæ, & salutem parochianorum. Procuratio a Geduino filiis relicta nulla est ac irrita, utpote facta ante mortem parochi, necdum vacante parochia; juxta Brillon v. Patronatus. n. 35. Et hoc rationi apprime conforme est; quia sic aspirantibus ad Beneficia omnis adimitur occasio vivis Titularibus necem machinandi, aut eorum mortem exoptandi: quapropter etiam non licet culquam promittere, aut a collatore vel Patrono petere Beneficium Beneficiato adhuc superstiti. Eustachius igitur legitime ab Episcopo fuit provisor de vacante parochia. Pontas.

CASUS IX. Bertharius post mortem suam duobus filiis Philemoni & Paulo duo reliquit prædia, quibus erat annexum jus Patronatus ad quamdam parochiam 1000. florenorum annuorum reddituum, & ad simplicem capellaniam red-

ditus annuos 25. florenos proferentem. Philemon proponit Paulo consilium jungendi Patronatus capellanix jus conferendi stipendium 150. florenorum pro sustentatione pauperis studiosi a protaparentibus suis fundatum; ut tali modo major foret æqualitas inter ambo jura Patronatus: Paulus probat consilium. An non intervenit simonia?

g. Sylvius, cui hoc dubium fuit propositum, Resol. var. V. *Jus Patronatus. V. Labes simonia.* Tom. 5. sic respondet. Si Patronatus amborum Beneficiorum, vel saltem pinguioris, pertineat ad filium natu majorem, nullum intervenit simoniae vitium; cum hic possit sibi reservare jus vere sibi competens, alterum vero jus fratri juniori cedere, & consentire in unionem juris conferendi stipendium cum jure præsentandi ad capellaniam; hæcque conventio foret pure gratuita. Quodsi vero hæc jura ambobus fratribus sunt communia, ita ut uterque sit Patronus ad utrumque Beneficium & stipendium, conventio hæc foret simoniaca, & saltem tacite interveniret contractus, vi cujus temporale daretur pro spiritali, scilicet jus conferendi stipendium pro jure præsentandi ad Beneficium. Et hæc responsio eo verior est, quo evidentius patet, in secundo casu jus temporale conferendi stipendium uniri cum jure præsentandi ad capellaniam tenuem non alium in finem, nisi ut major sit æqualitas inter hoc jus, & jus præsentandi ad pinguem parochiam; & consequenter hæc compensatio fit mediante re temporali, quod est simoniacum. *Pontas.*

CASUS X. Alfredus Patronus cujusdam Beneficii simplicis hoc jus Patronatus donat alteri privato ea conditione, ut, quamdiu superstes sit Clericus ex determinata familia, hic semper præ aliis ad Beneficium præsentetur. Quid censendum de hac donatione?

g. Alfredus non potuit facere hanc donationem absque consensu Episcopi. Dein non potest juri Patronatus imponi novum onus, quale est obligatio præsentandi quempiam ex certa familia. Donatio ergo hæc est nulla ac irrita. *Fromageau.*

NOTA. Si fundator aut dotator cum consensu Episcopi sibi & suis hæredibus reservavit jus præsentandi quempiam ex sua familia ad Beneficium, maxime simplex, quamdiu idoneus haberi possit, id improbandum non est; nec improbatur in Germania, ut exempla haud adeo rara demonstrant.

CASUS XI. Julianus jus Patronatus, quod habuit, cessit Bueherio consobрино suo intuitu multorum officiorum & obse-



obsequiorum ab eodem sibi exhibitorum, talisque iustis de causis sibi notis. An non est simoniaca hæc cessio?

¶. Non desunt Authores, qui ex principiis theoreticis quæstionem hanc expendentes opinantur, posse cedi aut donari alteri jus Patronatus in compensationem præstitorum beneficiorum; in praxi tamen, spectatis circumstantiis ac intentione, quæ plerumque ejusmodi compensationes comitantur, id merito de simonia suspectum esse debet. Sic in hoc casu beneficia præstita sunt aliquid temporale & pretio æstimabile; jus autem Patronatus, quo illa compensantur, est aliquid spirituale. Et hinc, si hæc cessio non in se ipsa est simoniaca, ad simoniam tamen proxime accedit, bonis moribus adversatur, ac proinde nulla est; quoniam principiis nititur, quæ simoniæ januam ac viam aperiunt. *Fromageau.*

NOTA. Si cedens aut donans alteri jus Patronatus ex motivo intentionali remunerationis reticeat hoc motivum, quod re ipsa prodere non tenetur; ac solummodo constet, donationem aut cessionem ex alio capite non esse vitiosam, poterit & debet ea admitti ab Episcopo ut valida ac licita; cur ergo sit suspecta, si motivum illud in actu publico inter vivos vel mortis causa manifestetur? Aliud foret, si ex parte exhibentis beneficia ac obsequia intervenisset confidentia obtinendæ suo tempore id genus remunerationis, aut ex parte accipientis facta fuisset spes aut promissio ejusmodi compensationis.

CASUS XII. Carissus nobilis laicus, cujus filius unicuique in exercitu objerat, fundavit monasterium puellarum, sibi-que ac successoribus suis reservavit jus in perpetuum nominandi Abbatissam, prout a prima vice nominavit filiam suam, per aliquod jam annos sacro Ordini adscriptam. Hærede masculo jam destitutus offert hoc jus Episcopo loci & successoribus ejus, ea tamen conditione, ut Abbatissa semper nominetur ex determinata quadam familia. An conventio hæc non est simoniaca?

¶. Est simoniaca, & adversatur sacris canonibus, vi quorum semper dignior, aut saltem manifeste digna religiosis communitatibus præficienda est. Episcopus ergo non potest sub hoc onere, quod in bonum temporale cederet prædictæ familiæ, cessionem Patronatus acceptare. Si tamen ex circumstantiis res hæc dubia fieri posset, petenda foret approbatio summi Pontificis, ut hujus autoritate simoniæ vitium vel præcaveatur vel tollatur. *Fromageau.*

CASUS XIII. Schelburnius nobilis Anglus religioni catholice addictus habet jus Patronatus laicale ad quamdam parochiam. Proscripta jam ex illo regno Religione Romanos

catholica jus hoc illi quidem servabatur illæsum, sed per leges jubebatur Episcopo hæretico præsentare ministrum hæreticum. Potestne salva conscientia talem præsentare? Num licite a præsentato pro introducta jam consuetudine recipere remunerationem poterit?

3. Absque gravissimo peccato in hisce circumstantiis non potest uti jure suo: præsentando enim ministrum hæreticum cooperaretur ad hæresin & animarum perniciem, quod evidenter adversaretur intentioni Ecclesiæ non minus, quam fundatoris ac doratoris catholici. Dormit interea hoc jus, quod Patronus quidem, ejusque familia semper retinet, eo tamen uti haud poterit, nisi dum regnum volente Deo in finem Ecclesiæ catholicæ denuo sese receperit, aut catholicum præsentare permissum fuerit. Dein etiam si ipsi in conscientia liceret præsentare ad parochiam ministrum hæreticum, non tamen liceret a præsentato pro præsentatione exigere aut recipere pecunias vel aliud emolumentum: ejusmodi enim turpis ac sordida negotiatio vere foret simoniaca, & a mente fundatorum prorsus aliena. *De Lamet. Vide Patronus* cas. 9.

*Vide Beneficium. Collatio Beneficii. Patronus, Simonia.*

## PATRONUS.

1. *Patronus* dicitur, qui habet jus Patronatus, seu jus præsentandi ad aliquod Beneficium. Patrono competit subseclium in choro ecclesiæ, & præcedentia in processionibus; ipse primus nominandus ac populo commendandus in precibus publicis; ipsi ante omnes reliquos Laicos offerenda est aqua benedicta, incensum ac panis benedictus, etiam præsentante dynasta loci,

2. Patrono ecclesiastico ad præsentandum pro Beneficio conceduntur sex menses; laico autem non nisi quatuor. Intra quadrimestre hoc nec Episcopus, imo in Gallia nec ipse Papa potest conferre Beneficium *spreto Patrono laico.*

3. Patronus ecclesiasticus scienter præsentans ad Beneficium personam indignam, amittit jus præsentandi pro illa tantummodo vice, & devolvitur tunc jus istud ad collatorem ordinarium. Secus se res habet circa Patronum laicum: hic enim, cum requiri haud possit in ipso tam exacta notitia de capacitate præsentati, præsentat etiam secunda vice.

4. Indignus censetur non ille tantum, qui est ineptus ad exercendas vel implendas obligationes Beneficii, sed etiam qui oneribus Beneficii haud satisfacturus esse scitur. *Ad Beneficium indignus est*, inquit Polmannus, *qui ineptus est ad præstandum officium incumbens, aut non est illud præstaturus.*

5. In Casu, quo quis vendito suo fundo etiam jus Patronatus in emptorem transtulit, & emptor præsentet ad Beneficium, firma manet præsentatio; licet postmodum emptor ex possessione deliciatur a consanguineo venditoris, jure retractus venditum fundum repetente.

CASUS I. Tichonius Patronus laicus parochiæ ad S. I-vonem aliquot diebus post elapsum quadrimestre laicis ad nominationem concessum præsentavit Petrum. Sciens id Episcopus parochiam contulit Jacobo, qui absque mora ejusdem possessionem adit. Petrus autem ab Episcopo rejectus convertit se ad Metropolitanum, ab eoque provisionis litteras obtinuit, ac Jacobum possessione sua dejecturus, actionem illi movet. Quis amborum legitimus est parochus?

3. Jacobus est solus & legitimus parochus: Tichonio enim utpote Patrono laico quatuor tantum menses ad præsentandum concessi sunt, quibus præterlapsis jus ipsius plene devolvebatur ad Episcopum diocesenum, ut constat ex Decretalibus Cap. *Quoniam*. 3. Lib. 3. Tit. 38. & Cap. *Si laicus*, unic. Lib. 4. Tit. 19. in 6. Ipse actus præsentationis necessario debet Episcopo exhiberi ante lapsum horum quatuor mensium, qui currere incipiunt a die, quo Patronus habuit, aut verosimiliter habere potuit notitiam de vacatura Beneficii. *Pontas.*

CASUS II. Rambertus parochiam habet, ad quam nominandi jus est penes Dominum loci. Parochus hic Venetiæ quondam profectus octavo ab adventu suo die ibi vita functus est. Episcopus diocesanus post quatuor menses & dies aliquot certior factus de Ramberti morte, parochiam confert Juliano; & ex hac collatione Dominus loci primum intelligit mortem Ramberti. Ocyus ergo præsentat Hieronymum, qui non admissus ab Episcopo litteras institutionis a Metropolitano obtinet. Uternam ex his duobus legitimus est parochus?

3. Hieronymus pro legitimo parochus habendus est: licet enim a morte Ramberti quatuor jam menses & ultra elapsi fuerint, dum a Domino loci Hieronymus nominatus fuit; quatuor tamen hi menses nona die vacaturæ, sed ab illo die, quo ad Patronum pervenit notitia de obitu Beneficiati, numerandi sunt, ut

declarat Innocentius III. Cap. *Quia* 5. Lib. 3. Tit. 8. ubi ait: *Semestre autem tempus non a tempore vacationis Præbendarum, sed notitiæ ipsius potius volumus computari.* Cum jam Patronus in hoc casu ob loci distantiam ac defectum omnis cum Veneris consuetudinis ac commercii inculpabiliter ignoraverit mortem parochi, jus nominandi nullatenus competit Episcopo, sed novum quadrimestre pro præsentatione concedendum est Patrono. *Sine culpa*, ait regula juris, *nisi subsit causa, non est aliquis puniendus.* Pontas.

CASUS III. Sophocles Patronus laicus cujusdam Capellæ reddituum 200. florenorum, ad eam nominavit filium suum secundogenitum. Estne legalis hæc nominatio? Potestne Episcopus juxta leges canonicas præsentato conferre hoc Beneficium?

ꝫ. Præsentatio hæc est legitima; dummodo pater Patronus principaliter non attenderit sanguinem, aut ex alio motivo mere humano fuerit inductus. Sic Glossa in Cap. *Consultuit*. V. *propria auctoritate*, & V. *Concedant*. Licet Patronus non possit præsentare se ipsum, potest tamen juxta *Cañassutium* L. 2. c. 8. n. 2. præsentare suum filium. Pontas.

CASUS IV. Sylverius & Possidius Patroni cujusdam parochiæ non conveniebant circa personam præsentandam, dum unus nominavit Joannem, & alter Jacobum. Quis horum censendus est legitime præsentatus, & habere jus ad parochiam?

2. ALEXANDER III. in Concilio generali Lateranensi tertio Cap. *Quoniam*. 3. Lib. 3. Tit. 38. decidit hanc quæstionem. Quando Patroni plures dissentiunt circa nominationem cujusdam ad Beneficium, ad quod præsentandi jus cumulativum habent, ille ab Episcopo præferendus est, pro quo plura stant suffragia, quique meritis altero potior est. Si vero id fieri nequeat absque scandalo, Episcopus Beneficium conferre poterit illi, quem præ cæteris digniorem ac magis idoneum judicaverit. Et hinc in casu præsentante, quo quilibet ex duobus unum pro se habet suffragium, provisio ad Episcopum pertinet. Verum si præter hos duos Patronos adhuc superesset tertius, & Joannes fuisset præsentatus a duobus, Jacobus autem solum a tertio, Joannes solus habendus foret pro legitime nominato. Pontas.

CASUS V. Appius gaudens jure Patronatus ad certam parochiam, nominavit Vincentium usque adeo ad curam animarum inhabilem, ut deprehensa in examine ipsius incapacitate fuerit rejectus ab Episcopo, qui pro ipso instituit  
Theo-

Theodulum. Eſſne canonica hæc Epifcopi collatio? Poſſitne in eadem ſe tueri Theodulus, & ut parochum ſe gerere?

R. Si App'ns eſt Patronus eccleſiaſticus, legitima eſt collatio Epifcopi: eccleſiaſticus enim erat noſſe inhabilitatem præſentati; atque pro hac vice App'us excidit jure Patronatus ſui. Si autem App'us eſt Patronus laicus, conceditur ipſi variatio, & Epifcopi collatio eſt nulla, vel potius annullanda, id eſt, non eſt ipſo jure nulla, imo ſubſiſteret adhuc, licet intra quatuor meſes Papa proviſiones alteri contuliſſet, caſu quo Patronus laicus ad gravamen per collationem Epifcopi ſibi illatum tacuerit, nec alium primo reſuſato nominaverit. Verum ſi Patronus variationis privilegio uſus etiam ſecunda vice præſentariſſet inhabilem, Epifcopus pleno jure poſſet conferre Beneficium pro ſuo arbitrio. Notandum eſt, Patronum laicum, qui præſentavit perſonam incapacem ad Beneficium, poſſe ſecunda vice præſentare eandem, ſi interea ſeſe reddiderit capacem, & terminus ad præſentandum conceſſus necdum fuerit elapſus.

*Pontas.*

CASUS VI. Eunapius Clericus extraneus a Patrono laico præſentatur intra quadrimeſtre ad quemdam Prioratum. Elapſo autem quadrimeſtri eundem Prioratum Epifcopus dioceſanus jure devolutionis conſert Petro ſub prætextu, quod Eunapius non ſit indigena. Interim vero Eunapius, antequam præſentationem exhiberet Epifcopo pro impetranda collatione, petiit ac obtinuit litteras naturalizationis. Poſſitne hac via ſalvare ac tueri Eunapius præſentationem ſuam?

R. Ubicumque extranei ſive per leges ſive per conſuetudinem privati exiſtunt privilegii ac juribus indigenarum, etiam inhabiles cenſentur ad Beneficia. Obtentis autem a Principe litteris naturalizationis, eo ipſo habiles redduntur ad quævis Beneficia; imo poterunt ad illa præmoveri ante obtentas illas litteras, dummodo liſdem inſtructi ſint ante ſuam Inſtitutionem, ne ratione alienigenatus poſſeſſione ſua exturbari poſſint. Si autem tempore Intermedio, id eſt, corrente inter præſentationem vel collationem & obtentionem litterarum naturalizationis alius fuiſſet nominatus ad idem Beneficium, hic verum ad hujusmodi Beneficium conſequeretur titulum, & diſpenſatio Principis quoad hoc extraneo foret inutilis; cum Princeps non poſſit concedere ejusmodi privilegium in præjudicium juris a tertio aquifiſti. Petro ergo facta ab Epifcopo collatio Prioratus canonica eſt

ac

ac legitima; quia primum post ipsius institutionem Eunapius jure civitatis donatus fuit. *Pontas.*

**CASUS VII.** Athenogenes Patronus ac Dominus territorialis parochiæ promissit Paulo villici sui fillo nominationem ad hanc parochiam post obitum moderni parochi, decreptam jam ætatem agentis. An non peccaminosa est hæc promissio? Num Athenogenes post mortem parochi potest eam exequi?

*R.* Cum hujusmodi promissiones reprobenentur a sacris canonibus, id absque peccato Athenogenes nec promittere potuit, nec promissum poterit adimplere. *Nulla ecclesiastica ministeria,* inquit Concilium Lateranense sub Alexandro III. Cap. Nulla. 2. Lib. 3. Tit. 8. seu etiam *Beneficia,* vel *Ecclesiæ* tribuantur aliqui seu promittantur, antequam carent; ne desiderare quis mortem proximi videatur, in cujus locum *Et Beneficium* se crediderit successurum. Concilium quoque Tridentinum Sess. 24. c. 19. de reform. abolevit omnes gratias expectativas, nec iis exceptis, quæ jam ante celebratum hoc Concilium concessæ fuerant. *Pontas.* Vide *Collator.* cas. 5.

**CASUS VIII.** Remigius Patronus ad instantiam cujusdam consanguinei sui præsentat ad vacantem parochiam Lucianum, quem non nisi de facie noverat, & utrum sit dignus nec ne, prorsus non sciebat, utpote ex commendatione consanguinei solum intelligens, quod esset vir perquam honestus. An non temere ac peccaminose egit?

*R.* Certe peccavit graviter Remigius ad Beneficium curatum nominans quemquam, de cujus idoneitate moralem non habebat certitudinem. Verum quidem est, Episcopum posse denegare collationem ac institutionem, si deprehenderit, præsentatum non esse dignum; verum non minor est obligatio etiam Patroni virum præsentandi idoneum. Et sane, cum Collator Beneficii ac Patronus sit dispensator bonorum Ecclesiæ, non minus fidelitatis in hac dispensatione exhibere, nec minorem ad procurandos Ecclesiæ bonos ministros sollicitudinem gerere tenetur, quam ad bonam administrationem bonorum suorum propriorum ac negotiorum temporalium: jam vero quis sanie mentis bonorum suorum & negotiorum temporalium gubernationem vellet committere homini, de cujus habilitate ac fidelitate nullam haberet certitudinem? *Pontas.*

**CASUS IX.** Framburgus Toparcha Anglus religionem Romano-catholicam professus habet jus Patronatus ad parochiam in diocesi Rocestriensi sitam. Verum juxta leges Anglicanas Patroni adhuc quidem gaudent jure suo, quod ante

te introductam hæresin ipsis competeat; attamen non licet illisdem præsentare catholicum. Framburgus igitur Episcopo hæretico præsentavit subiectum pariter hæreticum unice ex hoc motivo, ut conservet jus suum eo usque, donec fors Religio catholica in Anglia restituatur. Licetene sic usus est jure suo?

R. Juxta S. Beuve Tom. 3. Caf. 60. nulla prorsus ratione a peccato excusari potest hæc Framburgi præsentatio. Vel enim præsentavit hæreticum vi potestatis sibi aut antecessoribus suis ab Ecclesia catholica collatæ, an vero in virtute concessionis a Rege vel supremo Angliæ Senatu sibi factæ? Neutrum dici potest: nam in primo casu ab Ecclesia catholica non obtinuit potestatem nisi nominandi ministrum catholicum; in altero autem casu Rex Angliæ aut supremus Regni Senatus nec potuit ipsi dare, nec ipse ab illis acceptare jus præsentandi Episcopo hæretico ministrum pariter hæreticum: acceptando enim tale jus ab hæreticis communicaret eum his in re spirituali. Adeoque Framburgus graviter peccavit præsentando hæreticum, quod fieri haud potuit sine maxima injuria in Religionem & Ecclesiam. *Pontas.*

NOTA. Videtur & oppositum defendi posse ex praxi Germaniæ; ubi non nunquam Protestantæ præsentant ad ecclesias Catholicorum, & Catholici ad ecclesias Protestantium ex jure eorum familiis aquifio, dum adhuc una eademque vigeat Religio. Imo & in Anglia inter Patronos catholicos ab everfione Religionis usus erat nominandi ministros catholicos, legibus recentioribus ita exigentibus. Neque ejusmodi præsentatio arguit in æstimatione morali communicationem in Divinis cum hæreticis, aut cooperationem ad eorum Sacra, & exercitium Religionis; alioquin & Princeps permittens hoc exercitium, vel reducens hæreticos ad suas ecclesias cooperaretur: cooperari enim dicit actionem libere & sponte positam, non metu majorum malorum extortam, nisi indecentia ejusmodi extortæ actionis tanta sit, ut in animis hominum nulla ratione purgari, & contemptus Religionis vitari non possit. Adeo, id etiam veræ Ecclesiæ videri exoptabilius, dum Catholicæ sic occasionem nanciscuntur constituendi ministros præ aliis honestiores, magis discretos, moderatores ac sapientiores, de quibus spes est, quod in recognitionem gratiæ concesso Beneficio sibi factæ in omni pace ac quiete cum Catholicis conversaturi sint. His tamen non obstantibus sententiæ Pontasii videtur inhærendum. Vide *Patronatus*, cal. 13.

CASUS X. Eleonorus Patronus laicus cujusdam ecclesiæ parochialis urgente præsentandi necessitate constrictus, ne alioquin amittat jus suum, si diutius differendo sineret effluere quadrimestre, de quo pauci tantum dies supererant, nomi-

nominavit Eustachium amicum suum hac conditione , ut eo usque tantum retineret titulum , parochumque se gereret , donec personam dignam reperisset ipsi subrogandam. Consensit in conditionem hanc Eustachius , reddiditque paulo post parochiam Eleonoro , qui ad eandem præsentavit Dionysium virum & scientia & pietate conspicuum. Laetne quid vitii in hoc agendi modo ?

3. Respectu Eleonori reprehensione dignum est , quod egerit in præjudicium collatoris ordinarii , ad quem post lapsum quatuor mensium integrum jus conferendi parochiam transierat , & per fraudem id effecerit , ut elapso jam quadrimestri sibi adhuc jus superesset præsentandi. Dein modus hic agendi est *confidentialis*; cum Eustachius non nisi eo pacto fuerit præsentatus , ut mox iterum Eleonoro occasio daretur exercendi jus Patronatus sui. Ejusdem , nil pejoris , furfuris Eustachius esse deprehenditur : reddidit enim se complicem injuriæ collatori ordinario illatæ. Ad hæc acceptavit parochiam cum formali intentione & promisso eam solum ad tempus retinendi , & mox iterum cedendi alteri eligendo ab Eleonoro. Denique supposito etiam , quod non commiserit simoniam confidentialem , non potuit tamen acceptare parochiam absque serla voluntate curæ parochialis onera implendi ; cum juxta Cap. Super. 35. Lib. 3. Tit. 5. *illi sint in Ecclesiis idonei reputandi , qui servire possunt & volunt in ipsis.* Pontas.

CASUS XI. Petilianus pupillus septem aut octo annorum , habens jus Patronatus ad quamdam Capellam simplicem , præsentavit aliquem ex suis consanguineis , tutore ipsius nominante alium. Estne nulla pupilli præsentatio ?

3. Juxta Fagnanum in C. *Indecorum* 3. de ætat. & qualit. & ord. præficiend. pupillus septimum ætatis annum egressus valide potest præsentare. *Pupillus , ait , major septennio potest præsentare & nominare. Et quod amplius est , si concurrat cum ejus tutore , præfertur præsentatus a pupillo.* In Gallia autem tutores jus præsentandi habent , & non pupilli. Pontas.

NOTA. Re ipsa rationi haud videtur satis consonum , ut pupillus , qui se ipsum , res suas privatas ac bona temporalia regere haud potest , idoneus habeatur ad constituendos rectores Beneficiorum ecclesiasticorum.

CASUS XII. Flacrus Patronus ecclesiasticus cujusdam parochiæ jus præsentandi ad eam exercuit actuali irregularitate innodatus. Valetne hæc præsentatio ?



¶ Irregularitas Patroni non obstat valori præsentationis : præsentare enim ad Beneficium non est actus Ordinis , cum & laicus præsentare possit. Quemadmodum Ecclesiasticus ob irregularitatem non privatur potestate ferendi censuram excommunicationis , eligendi ad Beneficium , assistendi ut testis publicus matrimonio juxta magis probatam opinionem , & tandem exercendi quosvis actus jurisdictionis , in quibus nullum intervenit exercitium Ordinis ; ita etiam nullatenus potest censerī privatus jure præsentandi ad Beneficium suæ nominationis. *Pontas.*

CASUS XIII. Fabius presbyter Patronus cujusdam ecclesiæ parochialis , ea vacante nominat semet ipsum , sistitque se Episcopo instituendum. Estne canonica hæc nominatio ? Potestne Episcopus ipsi concedere provisionem hujus Beneficii ?

¶ Nominatio hæc nec canonica nec valida est ; nec etiam Episcopus Patrono semet ipsum præsentanti potest conferre Beneficium. *Cum igitur nullus se ingerere debeat ecclesiasticæ Prælationis officii , respondemus , inquit Innocentius III. Cap. Per nostras 26. Lib. 3. Tit. 38. quod nullus se potest ad personatum alicujus ecclesiæ præsentare , quantumcumque idoneus sit , & quibuscunque studiis & meritis adjuvetur. Cum , ut idem Pontifex ait Cap. Cum ad nostram. fin. Lib. 3. Tit. 7. interdantem & accipientem debeat esse distinctio personalis.* Notandum tamen , quod , si plures sint Patroni ejusdem Beneficii , unus possit valide præsentare suum conpatronum. *Pontas.*

CASUS XIV. Honorius Abbas habens jus præsentandi ad quamdam parochiam , per instrumentum publicum nominavit Rogerium , qui & acceptavit præsentationem. At vero instrumentum illud fuit secreto habitum , nec ad cujuspiam notitiam pervenit durante toto semestri , quod Patronis ecclesiasticis ad præsentandum conceditur. Episcopus ergo , cui pariter ignotum erat instrumentum , parochiam contulit Juliano. Estne legitima hæc collatio ?

¶ Est legitima & canonica : non enim sufficit , quod Patronus præsentaverit , ut communis Canonistarum fert opinio ; sed insuper necesse est , ut præsentationis instrumentum intra præscriptum tempus Episcopo exhibeatur. *Pontas.*

CASUS XV. Iphigenia virgo perillustri jure hæreditario obtinuit prædium , cui annexum est jus Patronatus ad parochiam. Potestne Episcopo valide præsentare Clericum idoneum , & a probitate morum commendatum ?

7. *Fœminæ æque ac mares possunt exercere jus Patronatus : cum enim jus non excludat eas , eo ipso comprehensæ censentur sub numero Patronorum juxta regulam juris 15. in 6. Ubi jus non distinguit , nec nos distinguere debemus.* Hinc Iphigenia valide & canonice præsentat ad parochiam. Dantur re ipsa ubi vis plurimæ Abbatiæ , quæ absque ulla controversia gaudent hoc jure. *Pontas.*

CASUS XVI. Hannibal dominus ac simul Patronus honorarius cujusdam parochiæ prætendit sibi honores Patronis in ecclesiis sui Patronatus alias exhiberi solitos , & quidem ex ea ratione , quod protoparentes ipsius fuerint veri Patroni , nec ob illam causam jus suum Episcopo cesserint , nisi ut in nominatione parochorum conscientias suas non læderent. Parochus autem petitos ipsi honores ac prærogativas constanter denegat ; eo quod Beneficium suum ex libera collatione Episcopi teneat. Cujusnam jus prævalet ?

7. *Parochus injuste denegat honores ac prærogativas , quas sibi in ecclesia deferendos merito postulat Hannibal : redditus quippe suos , saltem ex parte , habet ex liberalitate protoparentum Hannibalis , qui cedentes Episcopo jus suum , allunde sibi reservasse honores censentur.* *Pontas.*

CASUS XVII. Heraldus vitiosæ emptionis titulo dittonem quamdam possidet , & vi juris huic dittoni annexi ad parochiam eo ipso tempore vacantem præsentat idoneum Clericum. Paulo post evincitur hæc ditio. & rescisso priori contractu novus possessor etiam factam ab Heraldio præsentationem fuisse nullam contendit. Num jure ?

7. *Juxta principia juris actus interdum censetur validus & legitimus , licet exercitus ab eo , qui eundem exercendi potestate carebat , ut patet ex Legē Barbarius. 2. ff. Lib. 1. Tit. 14. & allunde notum ac communiter receptum illud est : Circa factum error communis facit jus.* Cum igitur Heraldus communiter fuerit habitus pro possessore fundi & juris Patronatus eidem annexi , præsentatio quoque ab ipso facta pro valida & legitima habenda est. Id ipsum docuit Alexander III. in Cap. Consultationibus. 19. Lib. 3. Tit. 38. ubi ait : *Si aliquis Clericus ab ordinario iudice in ecclesia fuerit institutus ad præsentationem illius ; qui ejusdem ecclesiæ videbatur esse Patronus , Et postea jus Patronatus alius evicerit in iudicio , institutus non debet ab ipsa propter hoc removeri , si tempore præsentationis suæ , ille qui eum præsentavit , jus Patronatus ecclesiæ possidebat ; cum ex hoc ei , qui de jure debet habere ; nullum in posterum præjudicium generetur.* *Pontas.*

NOTA. Si lis jam coepta fuisset ante praesentationem, praesentatus interim admitti posset titulo provisorio.

**CASUS XVIII.** Majolus & Malerius haeredes Pauli Patroni cujusdam Capellae 300. florenorum annuorum proven-  
tuum cum diu altercarentur quoad jus Patronatus, tandem  
convenerunt, ut unus post alterum, id est, alternatim  
ambo illud exerceant. Estne haec conventio conformis  
legibus canonicis?

¶. Quamvis jus Patronatus in se sit indivisibile, ita ut  
non ambo haeredes possint praesentare duos Capellanos di-  
visuros inter se Capellae redditus, hoc tamen jure gaudere pos-  
sunt duae vel plures personae, alternative illud exerciturus  
& in hoc casu integrum jus penes illum tantum erit, quem  
conventus ordo ad praesentandum vocat. Memorata igitur  
conventio legibus canonicis non refragatur. *Pontas.*

**CASUS XIX.** Thifias pagi ad S. Avitum dominus cum  
consensu Episcopi exstruendam curavit ecclesiam parochia-  
lem, eidemque satis amplam dotem assignavit, ea tamen  
conditione, ut in casu vacaturae jus haberet praesentandi ad  
parochiam, ac post obitum suum in idem jus conjunctim ex-  
ercendum succederent liberi. Post lapsum annorum duode-  
cim moritur Thifias decem post se relictis liberis, & vacat  
parochia. Liberi autem in causa praesentationis non con-  
veniunt: quinque enim eorum praesentant Joannem, tres  
Petrum, & duo reliqui Paulum. Quisnam ex hiis tribus  
est legitime praesentatus?

¶. Si quinque illi, qui nominarunt Joannem, egerunt  
collegialiter, in praesentia scilicet quinque reliquorum, aut  
iis saltem debito modo vocatis, etsi absentibus, sola no-  
minatio Joannis est legitima: ingens enim discrimen est  
inter electionem & praesentationem, in electione, ut sit  
canonica, major electorum pars ad unum eundemque eli-  
gendum debet concurrere, quod jura in praesentatione non  
requirunt. Quod si vero praesentatio Joannis facta & signa-  
ta fuisset privatim, nulla foret; sicut etiam si quinque illi,  
a quibus fuit praesentatus, nolissent comparere in loco ad  
actum praesentationis ex communi consensu destinato, ibi au-  
tem ceteri quinque convenissent, nominatio Petri a tribus  
facta foret legitima. *Pontas.*

**CASUS XX.** Polybistor Patronus lalcus & Diomedes Pa-  
tronus ecclesiasticus cujusdam parochiae habent jus praesen-  
tandi ad eam per turnum. Vacabat hoc Beneficium, quo  
tempore ad Diomedem pertinebat nominatio; verum ne-  
dam facta a Diomede praesentatione, Papa eum praeventis

& confert Beneficium. Estne valida collatio Papæ? Et supposito, quod valida sit, exciditne ob hanc præventionem Papæ taliter jure suo Diomedes, ut proxime vacante parochia præsentandi jus statim devolvatur ad Polyhistorum?

¶ Collatio Papæ certo est valida & canonica; cum Papa absque ulla controversia habeat jus præventionis contra omnes Patronos ecclesiasticos. Diomedes pro hæc vice amisit jus suum, quod, si iterum contingat post tempus vacare Beneficium, immediate transit ad Polyhistorum. *Privilegia Patronatus laici*, ut ait Fevretus L. 2. c. 6, n. 13. *non amittuntur per adjunctum Clericum. Pontas.*

CASUS XXI. Gerulus & Gildas cognati germani simul Patroni ad quandam parœciam, cum ea vacante convenire non possent in causa præsentationis, Gerulus ad conservandam pacem cedit jus suum Gildæ. Potuitne id fieri absque consensu Episcopi diocesani?

¶ Cum Gildas sit compatronus cum Gerulo, nil prohibet, quo minus hic ipsi possit cedere jus suum: non enim hac cessione instituitur novus Patronus, sed jus divisum inter duos transfertur in unum. Idem patet ex Cap. *Ex insinuatione.* 14. Lib. 3. Tit. 38. Si tamen Gildas non fuisset compatronus, Gerulus non potuisset in eum transferre jus suum sine autoritate Episcopi; ut eruitur ex Cap. *Nullus.* 17. *ibid. Pontas.*

Vide *Beneficium. Collatio Beneficii. Patronatus. Provisio. Simonia.*

## PAUPERTAS RELIGIOSA.

1. Viri sancti semper deprædicarunt paupertatem tanquam religiosi status opulentiam. Certe S. Benedictus vult, ut Religiosi nil proprii possideant, & rebus omnibus absque ulla exceptione se abdicent.

2. Proprietas nunquam non fuit habita pro detestabili vitio in viris religiosis. Canones expresse prohibent, ne Religiosi habeant proprium, contra votum solemne paupertatis ab iis emissum.

3. Concilium Tridentinum renovavit antiquos canones, quibus Regularibus omnibus interdicitur occulta retentio vel possessio cujuscumque rei mobilis vel immobilis, sub pœna amissionis seu privationis vocis activæ & passivæ in Capitulo juxta constitutiones cuilibet Ordini religioso proprias.

**CASUS I.** Kunegundes proxime nuncupatura Deo vota solemnina in Ordine S. Benedicti sollicitavit patrem suum , ut sibi crearet pensionem 100. florenorum , de qua cum consensu Superiorissæ ad personales suas necessitates possit pro libitu disponere ; sin. ulque clausulam adderet contractui , ut , si forte transiret ad aliud monasterium , pensio ut antea continuaretur , eamque sequeretur. Consensit pater. Num ultiosum quid in hac pensione ?

¶. Certum est , Kunegundem absque peccato non potuisse hoc modo petere pensionem a patre , ut pro suo arbitrio de ea disponere posset : id enim evidenter sapit spiritum proprietatis contra votum solemne paupertatis. Nec pater potuit consentire in hanc pensionem ; sed eam relinquere debuisset monasterio pro veris filix suæ necessitatibus. *Pontas.*

**CASUS II.** Moniales tertii Ordinis S. Francisci possuntne disponere de fructibus laborum suorum manualium ?

¶. Si constitutiones Ordinis , quæ ejusmodi dispositionem permittunt , sunt approbatæ a Sede Apostolica , possunt disponere ; si vero tantum sint approbatæ a Superioribus Ordinis , reducendæ sunt ad ea , quæ a Concilio Tridentino desuper decreta fuerunt. *Fromageau.*

**NOTA.** Canonici Regulares ante Tridentinum passim habuerunt dominium bonorum *ligatum* , hoc est , absque usu & dispositione libera in commodum proprium , ut olim Jesuitæ necdum admissi ad secundam professionem.

*Vide Monialis. Professio religiosa. Religiosus. Votum.*

## PECCATOR CONSUEUDINARIUS.

Sermo hic est de actibus peccaminosis frequentatis , ex quibus pravus habitus , seu consuetudo peccandi contrahitur , unde *peccator* dicitur *consuetudinarius*.

**CASUS I.** Petrus habitualiter omittit Sacrum diebus Dominicis ac festis ; eo quod domus illius dimidia circiter leuca distet ab ecclesia parochiali. Peccatne graviter ?

¶. Potest quandoque intervenire circumstantia excusans ab obligatione hic & nunc audiendi missam ; sed habitualis omissio non solum missæ parochialis ; sed & verbi divini , certe est peccatum grave. Dicta distantia seorsim spectata non adeo grave involvit incommodum , ut generatim ab obli-

ligatione fervandi præceptum ecclesiasticum eximere possit. Hinc si alia legitima causa non obversetur, Petrus singulis Dominicis ac festis de præcepto tenetur interesse Sacro. C.B.

NOTA. Idem dicendum de illis, qui sub prætextu custodiendæ domus cassante periculo ordinarie absunt a Divinis parochialibus.

CASUS II. Rodericus juvenis habens consuetudinem in peccato mollietiei constitutus in paschate pollutiones admittas; interrogatus autem a confessario de consuetudine eandem recitet, timens, ne ultra tempus paschale absolutio sibi differatur: habet tamen efficax propositum non amplius peccandi. Estne confessio valida?

q. Est invalida. Ratio deducitur ex propositione 58. damnata ab Innocentio XI. vi cuius poenitens tenetur interroganti confessario fateri consuetudinem. Unde confessio hæc est sacrilega; nisi fors juvenem excuset ignorantia. Nec juvat efficax propositum non amplius peccandi ac depoenendi consuetudinem; quia in id ipsum indagandi jus habet confessarius. C.B.

CASUS III. Carpophorus confessarius ad eradicandam in poenitente pravam consuetudinem proferendi verba obscæna ac turpia, pro poenitentia ipsi injungit, ut toties lingua formet crucem in terra aut pavimento, quoties impostorum similia protulerit. Teneturne poenitens acceptare hanc poenitentiam?

q. Si id confessario videatur necessarium, ac eam illi poenitentiam injungit cum discretionem ad aliquod tempus v. g. usque ad proximam confessionem; & quidem exequendam in circumstantiis, in quibus ab aliis notari haud possit, poenitens tenetur eam acceptare; quia tenetur obedire confessario non solum ut iudici, sed etiam ut medico suo. C.B.

NOTA. Poenitentia injuncta non solum consideranda sunt tanquam leges, sed etiam tanquam conditiones pacis inter Deum & peccatorem restituendæ juxta illud: *Qua retinueritis, retenta sunt.*

Vide Absolutio. Confessarius. Confessio. Jubilæum. Peccatum.

## PECCATOR PUBLICUS.

1. Præter diversa illa peccatorum genera & species in sequente articulo PECCATUM enumerandas, datur etiam peccatum occultum & peccatum publicum seu illud, ex quo quis

quis dicitur? *peccator publicus*, sive dein declaratur ut talis per legitimam sententiam, sive peccatum ipsius sit notum tantæ hominum multitudini, ut nulla jam ratione negari aut excusari possit.

2. Quamvis juxta disciplinam Galilæ in foro externo nemo habeatur pro peccatore publico, nisi qui ut talis fuerit declaratus per sententiam judicalem, vel per propriam confessionem coram judice, vel denique per evidentiam facti junctam certis formalitatibus, quas in quibusdam casibus vel consuetudo vel leges requirunt; nihilominus tamen dantur complures casus, in quibus quis habetur pro peccatore publico, quando ipsius crimen vergit in scandalum communitati saltem ex decem vel duodecim personis constanti, nec aliter reparari potest quam per satisfactionem publicam, considerata qualitate criminis, personæ, temporis, loci, aliarumque circumstantiarum facti *Cujuscumque pœnitentis*, inquit Concilium Carthaginense III. Can. *Presbyter. fin. 26. q. 6. publicum & vulgatissimum crimen est, quod universam commoveret Ecclesiam.*

3. Disciplina circa pœnitentias publicas, quæ imponebantur pro certis peccatis; primis Ecclesiæ sæculis erat longe diversa ab ea modernorum temporum: tunc enim rigorosissima pœnitentiæ opera, & quidem potissimum per plures annos continuos, peccatoribus subeunda erant; quæ licet in omnibus ecclesiis non fuerint eadem, id tamen communiter receptum erat, ut peccatores quatuor pœnitentiæ gradus exantlare deberent, donec ad reconciliationem ac communionem cum cæteris fidelibus pertingere possent. Primus gradus erat *stentium*, qui flexis genibus sub dlo constituti hærebant extra portam ecclesiæ ut indigni, qui in eam ingrederentur. Secundus erat *audientium*, qui quidem in ecclesiam admittebantur exhortationes audituri, quæ ipsis fiebant, non tamen ultra vestibulum progredi, nec publicarum precum participes esse permittebantur. Tertius gradus erat *prostratorum*, qui quidem precum publicarum participes fiebant, imo & Missæ intererant usque ad Evangelium tantum; sed antequam ex ecclesia discedere jubebantur, sacerdos super eos quasdam preces recitabat, sub quibus toto corpore in faciem prostrati in conspectu omnium decumbabant, unde & nomen sortiti sunt. Quartus denique erat *consistentium*, qui divinis officiis & ipsi sacrificio Missæ intererant, non tamen ad sacram Communionem admittebantur, nisi post præscriptum in eo gradu temporis intervallum. Hanc antiquam severitatem mitigavit Ecclesia liberorum suorum

rum infirmitatem miserata : idem tamen semper fuit & etiamnum est spiritus disciplinæ ecclesiasticæ , vi cuius peccatoribus publicis injungendæ sunt pœnitentiæ publicæ , ut patet ex decreto Concilii Tridentini Sess. 24. de refor. c. 8. ubi ait : *Apostolus monet , publice peccantes palam esse corripiendos. Quando igitur ab aliquo publice & in multorum conspectu crimen commissum fuerit , unde alios scandalo offensos commotosque fuisse non sit dubitandum , huic condignam pro modo culpæ pœnitentiam publice injungi oportet ; ut quos exemplo suo ad malos mores provocavit , suæ emendationis testimonio ad rectam revocet vitam. Episcopus tamen publicæ hoc pœnitentiæ genus in aliud secretum poterit commutare , quando ita magis judicaverit expedire. Simplex ergo confessorius , si semel pro peccato publico imposuit pœnitentiam publicam , eam mutare haud amplius poterit in secretam absque auctoritate Episcopi.*

4. Sunt autem casus extraordinarii v. g. duellorum , publicarum inimicitiarum inter propinquos , divortiorum &c. in quibus tam parochi quam confessorii difficultatis plurimum frequenter experiri solent , tum quod haud facile determinari possit congrua pœnitentia , tum quod ad eam acceptandam ægre inducantur pœnitentes ; In hisce & similibus sane periculosum foret proprio fidere iudicio , privatoque agere ex arbitrio. Hinc in ejusmodi eventibus maximi momenti recurrendum ad Episcopum , ipsiusque consilium inquirendum , ac executioni dandum erit , præsertim moderno tempore , ubi tam parum religionis , obedientiæ ac pietatis deprehenditur in peccatoribus , & consequenter vel ex hoc capite benignius , indulgentiusque cum illis agendum est , ut ad Deum redeant , suumque reducantur ad officium.

5. Notandum hic , in Ecclesia orientali nunquam præscribi pœnitentiam publicam in ecclesia peragendam , sed solum domi , ita ut peccator publicus pœnitentiæ suæ testes alios non habeat , nisi domesticos suos , uxorem , liberos , famulos & ancillas.

CASUS I. Hebertus nummularius , publicus usurarius , a multis annis in tota urbe pro tali habitus , & duabus Magistratus sententiis notatus atque condemnatus , tempore paschali pro deponenda confessione adiit parochiæ vicarium , qui ipsi facto de non amplius committenda usura promisso absolutionem impertivit. Post hæc cum multis aliis ad mensam eucharisticam pro communione paschali se sedit. At vero parochus utut bene gnarus , Hebertum fuisse confessum , a  
sacra



sacra tamen mensa illum repellit. Potuitne parochus ita agere tuta conscientia?

3. Non tantum potuit, sed etiam debuit parochus ipsum repellere a sacra communione, nisi interrogatus antea Hebertus publice declaraverit, se modo confessum sincere ac pro semper renunciasse sordido suo commercio. Ad hoc, ut ad sacram communionem admittatur peccator publicus, nequaquam sufficit, quod fuerit absolutus, sed etiam requiritur, ut publica quadam satisfactione reparet scandalum publicum a se datum; imo etiam absolutio ipsi negari debet, si ejusmodi satisfactionem promittere nolit. Responso hæc fundatur in doctrina S. Thomæ, qui peccatores publicos quoscumque demum nunquam docet admittendos ad S. Communionem, sive sint tales notorietate facti, sive per sententiam judicis ecclesiastici vel sæcularis. Sic ait part. 3. q. 80. art. 6. C. *Circa peccatores distinguendum est: quidam enim sunt occulti, quidam vero manifesti, scilicet per evidentiam facti, sicut publici usurarii aut publici raptores, vel etiam per aliquod judicium ecclesiasticum vel sæculare. Manifestis ergo peccatoribus non debet etiam petentibus sacra communio dari.* Confirmat S. Doctor doctrinam suam autoritate S. Cypriani & S. Chrysostomi. In Gallia tamen, ubi solum peccator publicus efficitur, qui sententia judiciali talis declaratus & condemnatus est, parochus reprehensioni, imo & condemnationi se exponeret propter scandalum ex denegatione. Sacramenti publica exortum, si ob solam notorietatem facti quemdam ut peccatorem publicum publice a sacra communione excluderet. His autem insuperhabitis absolute dicendum, etiam parochum Gallum, quamvis in foro externo reprobaretur, suo deesse officio ac obligationi, si peccatorem publicum etiam ex sola notorietate facti talem ad sacram communionem admitteret: leges enim civiles etiam in Gallia nil immutare possunt circa ea, quæ jure divino prohibentur. Quod bene notandum, parochus hisce circumstantiis comprehenso, antequam publice Sacramentum deneget, hæc tria observanda sunt: 1. Charitative ac secreto moneat hujusmodi peccatorem de malo perpetrato, ac scandalo dato, eumque suaviter ad emendationem vitæ exhortetur. 2. In publicis exhortationibus generatim condemnet abusum SS. Sacramenti, cujus se reos faciunt ejusmodi scandalosi peccatores, neminem tamen in partiulari nec a longe manifestando. 3. Consulat Episcopum suum, ejusque jussa fideliter exequatur. *Pontas.*

**CASUS II.** Ernestus per decennium & ultra fuit notorius concubinaris, ac tandem repudiata confessione in peccato suo induratus obiit. Potestne parochus ipsi denegare sepulturam ecclesiasticam, vel saltem ad aliorum terrorem simulare, acsi esset negaturus? An non poterit ad tempus, abire parochus, ut ab alio sacerdote sepeliatur dato huic mandato, ut sine cruce, sine luminaribus & absque aqua benedicta ritus funebres peragat?

3. Non obstante pessima vitæ ratione, quam tenuit Ernestus, non est tamen tractandus ut peccator publicus quantum ad pœnas ab Ecclesia statutas. Adeoque parochus non potest propria autoritate negare ipsi sepulturam ecclesiasticam, quæ etiam cum omnibus usitatæ Ecclesiæ ceremoniis erit peragenda. Nihilominus prudentia exigit, ut parochus, si fieri possit, rem ocys deferat ad Episcopum, illiusque dispositioni ad amissum obsecundet. *Pontas.*

Vide *Absolutio. Pœnitentia sacramentalis. Caf. 17.*

## PECCATUM.

1. *Peccatum* in genere est transgressio legis divinæ & mandatorum Dei. Aliud est originale, & aliud personale seu actuale. *Peccatum originale* est illud, in quo nascimur privati iustitia originali, quodque ex peccato Adam omnes trahimus. *Peccatum originale*, inquit Polmannus, *est iustitiæ originalis mentem Deo subiicientis voluntaria privatio, orta in posteris Adam ex eo, quod in ipso peccaverunt.* Dicitur, *originale*, id est, *homini inexistens ab origine & sui animatione.* Additur, *iustitiæ originalis*, quæ scilicet fuit infusa Adamo in momento creationis præter gratiam sanctificantem & allâ dona supernaturalia, quæ postmodum Deus illi contulit. Additur denique, *privatio voluntaria*, quoad Adamum nempe, cujus voluntas complectebatur, moraliter loquendo, voluntatem omnium suorum posterorum juxta verba Apostoli Rom. 5. v. 12. *Per unum hominem peccatum in hunc mundum intravit, & per peccatum mors; & ita in omnes homines mors pertransit, in quo omnes peccaverunt.* Unde & S. Augustinus ait: *Voluntarium peccatum hominis primi originalis est causa peccati.* *Actuale peccatum* est, quod nos ipsi actu committimus opere, verbo, cogitatione aut pravis desideriis. Actum quis peccati se reum facit vel perpetrando rem prohibitam ipso facto aut solo animo, ut homicidium, mendacium, furtum, latrocinium, odium &c. vel omittendo rem præ-

præceptam, ut est auditio Sacri diebus Dominicis aut festis de præcepto &c.

2. Peccatur quandoque in Deum solum v. g. blasphemando; interdum directe contra proximum, ut dum calumnia ipsi infertur, aut injuste quoquo modo vexatur; & quandoque contra semet ipsum, ut inebriatione, impudicitia aut suicidio.

3. Plura adhuc distinguuntur genera peccatorum relate ad causam, quæ ad peccandum impellit. Sic committuntur peccata malitiæ, quæ sunt cum plena deliberatione, non obstante instinctu interno aut lumine divino a peccato absterrente; peccatur ex præcipitantia aut vehementia passionis; peccatur denique ex ignorantia culpabili ac vincibili. Hinc dicit S. Gregorius Can. *Sciendum*. 22. de pœnit. *Peccatum tribus modis committitur: nam aut ignorantia, aut infirmitate, aut studio perpetratur; Et gravius quidem infirmitate quam ignorantia; sed multo gravius studio, quam infirmitate peccatur.*

4. Sunt præterea peccata *spiritus*, quæ potissimum solo animo committuntur, ut est superbia; & alia peccata *carnis*, quorum objectum sunt voluptates corporeæ illicitæ.

5. Notissima autem ac præcipua peccati distinctio est in mortale ac veniale. *Mortale est peccatum ex se infligens peccanti spiritualem mortem, Et constituens secundæ mortis reum, id est, obnoxium damnationi æternæ.* Dicitur mortale; quia privat animam gratia, dum charitatem destruit, quæ est vita animæ. *Peccatum veniale* non producit hos duos funestos effectus: est quippe levis offensio, cujus facile a Deo venia impetratur. Est autem levis vel ex sua natura, ut verbum otiosum; vel ex defectu plenæ deliberationis, ut sit in puero nec dum habentem perfectum usum rationis; vel denique ob levitatem ac parvitatem materiæ, ut furtum unius pomi aut acus.

6. Notandum tamen, peccatum veniale posse fieri mortale sextuplici modo. 1. *Ratione finis*, seu ut loquitur S. Thomas 1. 2. q. 88. art. 2. *C. quia agens in ea constituit finem ultimum*: ut dum quis mavult graviter offendere Deum, quam abstinere ab actu ex natura sua solum venialiter peccaminoso, v. g. dum præfert inutilem conversationem obligationi audiendi sacrum die Dominico aut festo. 2. *Ratione prave intentionis*; ut si quis verbo leviter faceto alloquitur puellam animo inducendi eam ad peccatum, seu, ut D. Thomas ibid. cum aliquis ordinat verbum otiosum ad adulterium committendum. 3. *Ratione conscientie erroneæ*; ut dum quis faciendo, dicendo aut omittendo aliquid putet se peccare mortaliter, licet actus in se ex natura sua sit tantum leviter peccaminosus,

4. Ratione *contemptus* ; dum quis ponit actum ex se tantum venialiter peccaminosum cum expresso ac formali contemptu Dei actum prohibentis. 5. Ratione *periculi*, dum quis certus de sua infirmitate jocosò dicto alloquitur sceminam, quæ scitur facile inducenda ad peccatum. 6. Denique ratione *scandali*, dum v. g. confessarius aut Religiosus facit aut dicit aliquid, licet ex natura sua solum leviter peccaminosum, ex quo tamen audientibus aut videntibus notabile creatur scandalum. Consulatur hac super re D. Thomas, qui in varils Summæ suæ quæstionibus fusc de peccato agit.

7. Neque hic prætermitenda sunt peccata, quæ dicuntur *omissionis*. Facile cuiquam est in obligationibus religionis vel parum versato advertere peccata *commissionis* : vix enim commissa sunt, & jam remorsus conscientiae tortores sentiuntur. Non ita se res habet circa peccata omissionis, ad quæ vix ulla habetur attentio ; unde raro in confessione exponuntur, licet frequenter longe graviora sint peccatis commissionis. Enimvero cum Deus hanc humanarum conditionum miram varietatem eo fine ordinaverit, ut sociali quodam vinculo sibi invicem omnes cohærent, vult, ut unusquisque in ea vocatione, in qua vocatus est, in ipsa permaneat 1. Cor. 7. v. 20. & in ea permanens salutem æternam consequatur ; nemo autem salutem consequi poterit, nisi omnes obligationes status ac vocationis suæ ad amussim adimpleat. Regibus, Principibus, Magnatibus, divitibus, pauperibus, sæcularibus, ecclesiasticis, & cuilibet hominum peculiaris status sui assignata sunt munia, quæ nisi exequantur, strictissimam divino judici rationem reddituri sunt. Luculentissimum rei hujus argumentum suppeditat Evangelium Matthæi cap. 25. ubi sermo de generali judicio, in quo Christus reprobus exprobrabit peccata omissionis, eosque propter ea ad ignem æternum damnabit, *Discedite*, inquit, *a me* *quia edisti in ignem æternum, qui paratus est diabolo & angelis ejus*, addita mox causa damnationis : *esurivi enim, & non dedistis mihi manducare &c.* Et propter peccata omissionis infinita propemodum hominum multitudo æternum peribit : neque illis proderunt alia pia opera, etiam supererogatoria ; quia cum ea perficerent, alla essentialia obligationis, status ac vocationis suæ non debuissent omittere : *Hæc oportuit facere, & illa non omittite.* Matth. 23. v. 23.

8. Denique peccata *aliena* dicuntur ea, quæ, licet non committantur a nobismet ipsis, nobis tamen imputabuntur ; eo quod ad ea committenda ansam, occasionem, aut quamcumque demum culpabilem causam dederimus, sive jussione, sive consilio, sive approbatione &c.

CA-

**CASUS I.** Duo studiosi theologiæ curriculum nuper emensu inter se disputant, an in saniore theologia morali possit sustineri sententia asserens, Deum posse permittere peccatum; unus asserit, & alter negat. Cuinam assentiendum?

**ꝑ.** Prior recte sentit, & quidem ad mentem S. Augustini, qui Enchirid. de fid. spe & char. c. 27. n. 8. docet, magis conducere ad gloriam divinam, & infinitæ Dei sapientiæ convenientius esse, si peccatum permittat ex eoque bonum eruat, quam si nullum omnino permittat: *melius enim judicavit de malis benefacere, quam nulla mala esse permittere.* Idem L. 11. de Genesi ad litt. c. 4. expendens, cur primos parentes nostros Deus permiserit a dæmone tentari, quos tamen tentationi succubituros præsciret, ait: *Cur itaque tentari non sineret: quem consensurum esse præsciebat; cum id facturus esset propria voluntate per culpam, & ordinandus esset illius æquitate per poenam: ut etiam sic ostenderet animæ superbæ ad eruditionem futurorum sanctorum, quam recte ipse uteretur animarum voluntatibus, etiam malis, cum illæ perverse uterentur naturæ bonis . . . quia sicut prævidit, quid mali essent facturi, sic etiam prævidit, de male factis eorum, quid boni esset facturus. Pontas.*

**NOTA.** Hæc permissio non est concessio licentiæ, sed dilatio poenæ, vel tolerantia peccatoris ad poenitentiam.

**CASUS II.** Inter duos Clericos agitabatur quæstio: an omne verbum otiosum sit peccatum veniale. Unus tenuit affirmativam, alter negativam. Cujusnam sententia præferenda?

**ꝑ.** Omne verbum otiosum, sumendo hunc terminum in sensu proprio ac rigoroso, juxta doctrinam S. Thomæ in 2. Sent. dist. 40. art. 5. ad 8. est peccatum veniale; prout & Christus dicit Matth. 12. v. 36. *Omne verbum otiosum, quod locuti fuerint homines, reddent rationem de eo in die judicii.* Sed sciendum est, otiosi verbi nomine non aliud proprie intelligi, quam quod absque recta intentione aut fine ulla justa ac rationabili necessitate profertur. Inter verba otiosa nequaquam referenda sunt verba jocosa aut honeste facetosa, quæ quandoque ad oblectationem audientis vel moderatam exhilarationem loquentis proferuntur, & nec religionem, nec proximum, nec bonos mores lædunt; quod & D. Thomas l. c. & q. 2. de malo art. 5. C. observat, dum ait: *Sciendum est, quod secundum Gregorium otiosum est, quod caret intentione piæ voluntatis, aut ratione justæ necessitatis. Unde non*

non

*non omne verbum jocofum eſt otioſum, ſi ad recreationem referatur; quia etiam in jociſ contingit eſſe virtutem entrapellam, de qua Philoſophus in 4. Ethicorum determinat. Pontas.*

CASUS III. Poſſetne peccatum veniale interdum fieri mortale? e. g. ſi Joannes ferme quotidie homini allas opulento auferat unum crucigerum? Num peccatum hoc, quod ex natura ſua tantum eſt veniale, poſſet tranſire in mortale?

1. Peccatum veniale in individuo ſpectatum nunquam poſſet fieri mortale juxta S. Thomam 1. 2. q. 88. art. 4. C. Poſſet autem peccatum veniale ex ſuo genere ſpectatum in certis quibusdam caſibus fieri mortale; videlicet ob finem, quem ſibi quis proponit, vel ob relationem, connexionem, aut affinitatem, quam peccatum ex ſe veniale cum mortali habet, vel ſi aliquis committendo tale peccatum veniale animo ſit comparatus ad committendum etiam mortale: v. v. In caſu poſito Joannes furatur unum crucigerum in actuali animi diſpoſitione furandi etiam aureum, ſi poſſet, aut per ablationem crucigeri grave damnum inferre intendit illi, cui auferat, ut idem docet l. c. S. Thomas. Tandem etiam poſſet formari quaſtio ſic: An plura peccata venialia ex ſe poſſint conſtituere unum mortale? & reſpondendum, quod per ſe id fieri non poſſit: poſſet tamen fieri, ut plura peccata venialia conſtituant mortale, eo quod proxime diſponant ad mortale, ut itidem obſervat S. Thomas. Ratio eſt evidens; quia, dum quis habitum contrahit peccandi venialiter, majora ſemper adiecit fomenta cupiditati, ut demum attingat gradum peccati mortalis: ſic Joannes, qui quolibet vix non die abſtulerat crucigerum, facile diſponi poterat, ut data opportuna occasione plus vellet auferre; unde peccatum ipſius, quod ab initio tantum erat veniale, fieri potuit mortale ob pravam diſpoſitionem voluntatis. Hinc & Sapiens dicit Eccli. 19. v. 1. *Qui ſpernit modica, paulatim decidet.* Aliunde vero fieri poſſet, ut Joannes unicum tantum ſurripiens crucigerum peccet mortaliter; idque 1. Si credat ſe peccare mortaliter per ablationem crucigeri. 2. Si furtum hujusmodi ipſi futurum ſit occaſio proxima peccati mortalis: in hoc enim caſu idem ſentendum ac de illo, qui ab experientia ſcit, ſe ex confabulatione cum puella ſæpius jam lapſum fuiſſe in peccatum, eandem tamen repeteret, licet abſque omni prava intentione. 3. Quando per talia minuta furtiva committit gravem ac notabilem injuſtitiam, quod fieri poſſet, dum ultimus cruciger diviti abſoluto efficit tantam ſummam, quæ conſtituit peccatum mortale. Pontas.

**CASUS IV.** Lælius puer sex- aut septennis jam incipit mentiri, ut se excuset, & promeritam castigationem effugiat. Habetne in tenera hac ætate sufficientem rationis usum, ut possit peccare? Suntne mendacia ipsius vera peccata?

¶. Ætas sex, septem aut octo annorum non est certa regula, ex qua desumi possit, utrum infans sat rationis habeat ad committendum peccatum. Quantacumque autem sit ætas, tunc certe puer capax est peccati, dum eo pollet iudicio, ut agnoscat, mendacium esse malum lege divina prohibitum. *Cum autem mandatum venerit, inquit S. Hieronymus Ep. ad Algamm, hoc est, tempus intelligentiæ appetentis bono, & vitantis mala, tunc incipit peccatum reviviscere, & ille mori, reusque esse peccati: atque ita fit, ut tempus intelligentiæ, quo Dei mandata cognoscimus, ut perveniamus ad vitam, operetur in nobis mortem; si agamus negligentius, & occasio sapientiæ seducat nos, atque supplantet, & ducat ad mortem.* Et hæc est regula, ex qua iudicium formari poterit, an mendacia Lælii sint peccata. *Pontas.*

**CASUS V.** Victor potestne facere quidpiam, quod ex sua natura est peccatum veniale, si certus sit, quod per id sit impediturus Mævium a peccato indubitato mortali?

¶. Juxta S. Thomam in 4. dist. 38. q. 2. art. 4. q. 1. ad 2. certissimum est, quod id facere non possit Victor: peccatum enim veniale, utut levissimum, semper tamen est offensa Dei, vel saltem deviatio a fine ultimo; & cum Deus infinites magis amandus sit quam proximus, nunquam ex amore proximi licet facere quidpiam, quod Deo displicet. Hinc S. Augustinus de mend. n. 14. ait: *Ad sempiternam vero salutem nullus ducendus est opitulante mendacio.* En! hæc est doctrina Sanctorum, innixa illa Apostoli Rom. 3. v. 8. sententia: *Non faciamus mala, ut veniant bona.* *Pontas.*

**CASUS VI.** Sejus in statu peccati mortalis constitutus plura quoque committit peccata venialia. Potestne obtinere remissionem & veniam horum venialium, si de iis doleat, non cogitet tamen dolere de peccato mortali, in quo versatur?

¶. Juxta S. Thomam 3. part. q. 87. art. 4. C. impossibile est, ut Sejus obtineat veniam vel unius peccati venialis, quamdiu est in statu peccati mortalis: remissio enim vel minimi peccati venialis fieri non potest, nisi per virtutem gratiæ; hæc autem absolute incompatibilis est cum peccato mortali. *Pontas.*

**NOTA.** Potest tamen peccator per dolorem de venialibus eorumque emendationem se disponere ad obtinendam conversionis gratiam.

**CASUS VII.** Hierotimus Religiosus in Ordine quodam reformato professus non servavit jejunium feriæ sextæ a Regula præscriptum, licet in eandem diem simul incidisset aliud jejunium v. g. quatuor temporum ac etiam vigiliæ, ab Ecclesia præceptum. In confessione jam se solummodo accusavit: quod die quodam non servaverit jejunium de præcepto, & fuit absolutus. Intelligit autem postea, se commississe duplex peccatum, tenerique utrumque distincte exponere in confessione; cum violaverit duo præcepta, Ecclesiæ videlicet præcipientis jejunia quatuor temporum ac vigiliarum, & præceptum Regulæ suæ obligantis ad jejunium feriis sextis. Teneturne in conscientia denuo de duplici hoc peccato se accusare?

**R.** Multiplicatio peccatorum, quantum ad speciem, non præcise desumenda est a diversitate præceptorum, quæ violantur, sed ex diversitate motivorum, quæ legislatorem determinabant ad condendum hoc vel illud præceptum. Sic homo sæcularis, qui præfato die non jejunasset, unicum tantum commississet peccatum; cum Ecclesia duplicis sui præcepti de jejunio vigiliarum & quatuor temporum unum idemque motivum habuerit, ac solam intenderit abstinentiam. Ille vero, qui percussisset, aliquem in ecclesia cum effusione sanguinis, duplex peccatum committeret; unum scilicet contra præceptum divinum, cujus motivum est debita proximo charitas; alterum contra præceptum ecclesiasticum prohibens ejusmodi violationes, quod pro motivo habet virtutem religionis. Ex hoc ergo principio dicendum, quod Hierotimus hac sua omissione jejunii duplex peccatum commiserit; primum contra obedientiam Ecclesiæ debitam præcipienti jejunium quatuor temporum, & cujus motivum est virtus temperantiæ; secundum contra votum emissum, & obedientiam suæ regulæ debitam, cujus motivum est virtus religionis. Unde sequitur, quod confitendo violationem jejunii debuerit exprimere duplex hoc peccatum. *Pontas.*

**NOTA.** Si confessario jam aliunde certo constabat de statu penitentis, de die violati jejunii, ac de præscripto tam Ecclesiæ quam Regulæ, Hierotimus non videtur obligandus ad repetitam confessionem hujus peccati.

**CASUS VIII.** Radulphus leve dixit mendacium, simulque inebriavit se die quodam Dominico vel festo. Sunt-



ne hæc peccata graviora, utpote die sacro commissa, quam si alio die profano fuissent commissa?

ꝑ. Si peccatum de se jam est mortale, ex circumstantia diei Dominicæ, aut festivæ sit gravius juxta S. Thomam 2. 2. q. 128. art. 4. ad 3. quam si alio die committeretur. Aliud tamen dicendum respectu peccati venialis, per quod non violatur præceptum de sanctificatione diei festi; eo quod sanctitatem non excludat. Hinc mendacium Radulphi die festo prolatum non fit gravius; sed ebrietas procul dubio magis aggravatur ex circumstantia Festi vel Dominicæ. *Pontas.*

CASUS IX. Obertus concepit serium propositum Joanni auferendi 100. florenos, idque vel mox, vel post duarum horarum intervallum exequitur. Peccatne dupliciter, ita ut postmodum in confessione declarare teneatur non tantum actum, sed etiam præcedens desiderium suum?

ꝑ. Si Obertus propositum suum mox, ac illud conceperat, absque interposita mora opere complevit, non nisi unicum commisit peccatum; si autem illud, non habita ocyus illud exequendi occasione, aliquantisper distulit, duplex peccatum commisit. Ita D. Thomas in 2. Sent. dist. 42. q. 1. art. 1. C. Ratio ipsius est; quia multiplicatio numerica peccatorum desumenda est ex multiplicatione actuum interiorum voluntatis moraliter interruptorum & discontinuorum; ita ut, dum voluntas peccandi sejungitur ab ipso actu peccaminoso, prout fit, ubi quis concepto proposito peccandi ipsam executionem differt in aliud tempus magis opportunum, duplex committatur peccatum; quia præter primum actum interiorum voluntatis adhuc intervenit secundus actus, comitans ipsam actionem peccaminosam: de quo duplici distincto peccato poenitens tenetur se accusare in confessione. *Pontas.*

NOTA. Cum multiplicationes & morales interruptiones actuum interiorum voluntatis, maxime ubi non cum plena deliberatione deponuntur & denuo assumuntur, exacte sciri nequeant, sufficit, si poenitens confiteatur, quanto tempore inhæserit ejusmodi malo proposito.

CASUS X. Capraſus catholicus, dum in Anglia morabatur, deprehensus fuit, cum actu exhortaretur alios catholicos ad constantiam in sua religione, quæ diris illa tempestate in hoc regno persecutionibus exagitabatur. Comprehenditur a satellitibus, qui sclopeto pectori admoto mortem minitantur confestim inferendam, ni prodat sacerdotes catholicos hinc inde latentes, simulque promittat, post-

posthac non amplius exhortaturum se catholicos ad persecutionem constanter sustinendam. Quæritur jam, an hic metus mortis excusaret eum a peccato, si hæreticorum imperata faceret.

¶. Non potest absque peccato prodere sacerdotes latentes; quia sic cooperaretur ad destructionem religionis, quod in nullo unquam casu sub quocumque demum prætextu licet: juri enim naturali ac divino repugnat prodere emolumenta Ecclesiæ Jesu Christi, aut tradere fideles ipsius ministros furori ac odio inimicorum. Quod si vero Capraeus ipsemet non ut pastor ac curæ animarum ex officio deputatus, potest promittere, non exhortaturum se amplius catholicos; etiam si Episcopus id ipsi muneris injunxisset, quod utique Episcopus in tanto periculo imperare non potest. *Pontas.*

NOTA. Hoc intelligendum de prædicatione Verbi divini, & exhortatione publica: privatæ enim ne quidem laicus renunciare potest.

CASUS XI. Leufrius de pluribus mortalibus se accusavit in confessione, & fuit absolutus; post bimestre tamen in eadem relabatur. Reviviscuntne quoad culpam præcedentia ipsius peccata?

¶. Bona quidem opera per peccatum emortua reviviscere communis Theologorum est sententia; sed aliud dicendum de peccatis per poenitentiam sinceram & sacramentalem absolutionem deletis: dici enim nequit sine contradictione, id, quod totaliter destructum & extinctum est, denuo resurgere. *Divina clementia*, inquit Gelasius Papa Can. *Divina*. fin. de Poenit. dist. 4. *dimissa peccata in ultionem ulterius redire non patitur*. Observandum nihilominus est, peccatum, in quod quis relabatur, involvere multo majorem contemptum Dei ac divinæ misericordiæ, & propterea fieri gravius, ac consequenter acerbioris poenæ dignum. Hinc passim post S. Thomam 3. part. q. 88. art. 1. C. docent, peccata per poenitentiam remissa quodammodo reviviscere per novum peccatum mortale ob ingratitudinem, cujus peccator se reum constituit. *Pontas.*

CASUS XII. Orontius confessarius excipiens in confessione peccata turpia in delectationem carnalem prolapsus est; & tamen poenitentem sacramentaliter absolvit, quin prius actum contritionis eliceret. Commisitne novum peccatum?

¶. Commisit novum peccatum, nisi poenitens in ejusmodi rerum articulo versatus fuerit, ut sine absolutione decessurus

forus crederetur , si ea vel minimum retardata fuisset : in hoc enim casu necessitas promptissime absolvendi morituum præponderaret in confessorio necessitati eliciendæ contritionis de proprio peccato. C. B.

NOTA. Contritio utique quovis momento elici potest , vel saltem conatus adhiberi ; & hinc confessorius iste non videtur excusandus.

**CASUS XIII.** Amandus parochus sollicitatus ad flagitium a parochiana non quidem expresse consentit ; dicit tamen : Bono fato tuo sum parochus ; secus enim . . . Peccavitne graviter sic loquendo ?

3. Peccavit graviter , & primo quidem peccato scandalii ; quia fat manifeste his verbis indicat sollicitanti pravam suam dispositionem animi , & voluntatem consentiendi , nisi ratione status sui gravibus se pœnis expositum iri timeret. Peccavit secundo contra castitatem ; quia hæc ipsius voluntas est vera pessimi propositi manifestatio , quod solum ratione status sui exequi non auderet. Interim tamen , si non serio , sed tantum ex quadam levitate animi sic loquutus est , fieri posset , ut peccatum contra castitatem non esset mortale. A gravi autem peccato scandalii considerata qualitate pastoris animarum excusari nunquam poterit. C. B.

NOTA. Nec a peccato mortali contra castitatem videtur eximi posse ob levitatem animi : in tentatione enim tam valida ac periculosa debuisse positive ac efficaciter resistere , ex officio ut bonus pastor sollicitantem acriter reprehendere , ac a proposito , quantum in se erat , detertere.

**CASUS XIV.** Valerianus prævidet , se , dum equum conscendit iter facturum , experturum in corpore motus inordinatos ac turpes. Teneturne propterea abstinere ab usu equi ?

3. Non tenetur ; dummodo per usum equi non habeat intentionem formalem excitandi in se tales motus , nec etiam , dum oriuntur , consentiat , nec ullam exinde delectationem concipiat. Ratio est ; quia ejusmodi motus in ipso nascuntur mere per accidens , & contra ipsius intentionem , ac usus equi de se est licitus. Jam vero effectus utut prævisus , qui sequitur solum per accidens ex causa alias licita , non debet imputari illi , qui ponit hujusmodi causam ; alias dicendum foret , confessorium , medicum & chirurgum obligari ad dimittendas suas functiones etiam in casu , quo adesset periculum solum remotum sentiendi con- similes motus. C. B.

**NOTA.** Si Valerianus adverteret, se per ejusmodi motus carnales vel pollutiones exponi gravi periculo consensus in peccatum formale, teneretur abstinere ab ejusmodi commoditate non necessaria,

**CASUS XV.** Euprepla puella sæpius vexatur cogitationibus castitati contrariis; sed sicut hisdem assensum nunquam præbet, ita etiam de hisdem excutiendis parum sollicita est. Num peccat?

**R.** Potest absolute contingere, ut non peccet; supposito quod nulli se exponat periculo consensus vel delectationis. Sed quia admodum difficile est, ut tentatio serius aut citius de voluntate non triumphet, dicendum, puellam, quæ taliter se gerit, non fore immunem ab omni peccato; quia nimium de viribus suis præsumit. C. B.

**NOTA.** Non licet se habere negative ad insurgentes tentationes carnis; & hinc videtur, ejusmodi puellam peccare mortaliter, si non adhibeat resistentiam positivam, v. g. avertendo animum ad aliud objectum.

**CASUS XVI.** Petrus bonum alienum, quod absque nullo suo incommodo potuisset restituere, retinuit apud se per integrum annum, Quæritur, quot commiserit peccata.

**R.** Si Petrus durante toto hoc tempore formaliter renovavit propositum non restituendi, vel si concepto restituendi proposito noluit oblata opportunitate id exequi, peccavit toties, quoties renovavit hoc propositum, aut restituere noluit concepto proposito & oblata restituendi occasione. In quibusvis aliis circumstantiis Petrus procrastinando restitutionem semper magis aggravat peccatum, non tamen novum committit peccatum. C. B.

**CASUS XVII.** Titius violentæ tentationi assensum præbet; quærit igitur occasionem passioni suæ satisfaciendi, eamque invenit, & dum totus indulget sceleris, centies renovat conceptum jam antea desiderium exsatiandi libidinem suam. Quot commisit peccata?

**R.** Commisit tantum unicum; quia omnes hi actus Titii, quasi præparatorii ad consummandum flagitium, constituunt unum moraliter totum cum primo consensu efficaci, quem tentationi præbuit. Ita communiter Doctores sentiunt. C. B.

**NOTA.** Non omnes, nec plerique Doctores sic sentiunt; imo talis poenitens tenetur explicare moram temporis, quo inhæsit peccato juxta dicta casu 9.

**CASUS XVIII.** Livius jam per integrum triennium omit-  
tit tam confessionem quam communionem ; eo quod sciat,  
se non esse dispositum , cum tantum sibi imperare non pos-  
sit , ut deponeret odium erga inimicum suum , nec vellet  
committere sacrilegium , hoc in statu Sacramenta percipi-  
endo. Quot numero peccata commisit ?

*ꝑ.* Inprimis peccavit contra præceptum confessionis &  
communione: sicut enim excommunicatus vi præcepti com-  
munionis paschalis tenetur tollere impedimentum, quod ob-  
stat, quo minus possit adimplere dictum præceptum, pec-  
catque illud non auferendo ; sic etiam Livius peccat non  
deponendo omne odium , ut digne ad sacram communio-  
nem posset accedere. Itaque commisit ad minimum sex pec-  
cata; quia ter violavit duo præcepta : præceptum enim com-  
munionis est distinctum a præcepto confessionis, potestque  
unum obligare , & quandoque obligat , quin obliget al-  
terum. C. B.

**CASUS XIX.** Sabina vix tribus elapsis horis a sumptione  
Evcharistiæ adulterium commisit. Teneturne hanc circum-  
stantiam in confessione exponere ?

*ꝑ.* Non tenetur ; quia tempus , quod intercessit com-  
munionem inter & perpetratum peccatum , est satis lon-  
gum , ita ut dici nequeat , circumstantiam hanc esse nota-  
bilem irreverentiam erga Evcharistiæ Sacramentum. C. B.

*NOTA.* Juxta sensum communem doctorum & indoctorum hæc Irreve-  
rentia gravis est ; aut certe pertinet ad circumstantias notabiliter  
aggravantes malitiam peccati.

**CASUS XX.** Sylvia ancilla domestica Heri sui hætenus  
concubina eo jam redactam se videt ; ut , si velit abrumpe-  
re turpe commercium , publicæ infamiae semetipsam sit ex-  
positura & periculo , ne dira necessitate cogente in lascivi-  
as præteritis multo atrociores sit prolapsura , aut certe ad  
extremam pauperlem redigenda ; vel si in domo Heri perma-  
neat , lascivos autem amplexus ejus ultra non admittere  
satuat , periculum mortis vel saltem crudelissimæ tractatio-  
nis sit subitura. In extrema hac necessitate consilium petit  
a confessario. Quid ipsi consulendum ?

*ꝑ.* Confessarius debet ipsi injungere ; ut eo ipso adhuc  
die relicta pro semper domo Heri sui Deo se commendet ,  
& cæterorum nihil metuat ; quia Deus , qui neminem in  
necessitate deserit , certe curam illius habiturus est. Ra-  
tiones omnes , quas cumque asserre posset pro sua persisten-  
tia in domo Heri , debent cedere rationibus , quæ fugam

ipſi imperant. Certe in eo tantum vertitur cardo ſei, ut, ſi domo hac diſcedere compellatur, infamiam ſubeat, aut extremam paupertatem. Penſandum autem, quod, ſi in ea & deinceps perſeueret, certæ vix non damnationi ſeſe ſit expoſitura. Si ergo ejusmodi commonitiones ac motiva, quorum plura adhuc charitas Chriſtiana confeſſario ſuggeret, ipſam non moveant, ſine abſolutione dimittenda erit. C.B.

Vide *Communio*. Caſ. 29.

## PECCATUM RESERVATUM.

Vide *Cafus reſervati*.

## PENSIO ECCLESIASTICA.

1. *Pensio ecclesiastica* vocatur jus percipiendi partem fructuum ex alieno Beneficio. Ut jus hoc ſit legitimum, requiritur, ut ſit fundatum in vera indigentia penſionarii quantum ad illius ſuſtentationem, & inſuper nitatur autoritate ſummi Pontificis, qui ſolus licitam & canonicam poteſt reddere reſervationem partis fructuum ex aliquo Beneficio, dum dimittitur, vel alteri conferitur. In quibusdam tamen diſtinctionibus, velut in Gallia, non ſufficit ſola conceſſio Papæ, ſed requiritur inſuper autoritas regia.

2. Dum ſit reſignatio Beneficii, ut id propter utilitatem Eccleſiæ & boni publici uniatur alteri Beneficio, Episcopus ſua duntaxat autoritate poteſt conſtituere penſionem in favorem reſignantis.

3. Olim penſio conſiſtebat in quibusdam fundis Beneficii, quorum uſumfructum Titularis cedebat penſionario. Hodie autem ſolvitur in parata pecunia, quod tam Titulari quam penſionario magis commodum eſt.

4. Regulariter loquendo omnis penſio in Beneficio aliquo conſtituta in favorem laici abuſiva eſt.

5. Papa non poteſt conſtituere penſionem in Beneficiis curatis, quæ ſunt juris Patronatus laicalis, ſine Patronorum conſenſu, & in Gallia neque in Episcopatibus & Abbatibus abſque conſenſu Regis.

6. Penſionarius ob defectum ſolutæ penſionis non poteſt redire in Beneficium abſque ſententia in debitorem contumacem lata; quodcumque demum pactum inter contrahentes intervenerit. Quod ſi redierit, non poteſt amplius exigere debita ex penſione necdum ſoluta.

8. Supplicans in Curia Romana pro pensione sibi constituenda, in supplicatione non tenetur exprimere, quod in alio Beneficio jam habeat constitutam sibi pensionem, nisi sit Religiosus. Si vero petitur pensio in Beneficio jam aliunde onerato alla pensione, in supplicatione debet fieri mentio primæ pensionis, ejusque quantitas exprimi.

9. Quæcumque demum pensio constituatur in Beneficio quocumque, semper necesse est, ut Titulari remaneat congrua sustentatio ab omni onere libera.

10. Annua pensio, cum consideretur ut emolumentum mere temporale, non potest permutari cum Beneficio.

11. Pensio non potest extinguí per oblatam summam pecuniariam, nisi auctoritate summi Pontificis: attamen ille, qui debetur pensio, libere eandem potest condonare.

CASUS I. Paschasius & Germanus parochi suas invicem parochias permutare cogitant; redditus earum annui sunt æquales; annonæ, aliarumque rerum ad sustentationem necessariarum pretium in utroque loco idem: onera tamen in parochia Paschasii sunt notabiliter graviora, expensæque majores faciendæ quam in parochia Germani; licet hinc omnibus deinceps parochio adhuc residua maneat congrua sustentatio. Motivum permutationis utrinque solum videtur esse, ut sic uterque parochiam administrandam obtineret in loco natiuitatis suæ. Potestne Germanus jam transiens ad parochiam graviorum onerum sibi reservare annuam pensionem a Paschasio sibi solvendam?

g. Omnis permutatio, quæ non sit ex motivo primario salutis animarum & utilitatis Ecclesiæ, est illicita. Si ergo præfati duo parochi non ducantur motivo boni Ecclesiæ, sed solum stimulo peculiaris affectionis ac commoditatis propriæ, non est ipsis permittenda permutatio, quæ foret contra canones ac mentem Ecclesiæ. Posito etiam, quod hujusce permutationis justæ rationes ac legitimæ afferri possent, non tamen tuta conscientia Germanus posset exigere pensionem; quia etsi majores tunc ipsi expensæ faciendæ forent, salva tamen ipsi perstaret congrua sustentatio: pensiones autem solum constituuntur in defectu congruæ sustentationis. *Pontas.*

CASUS II. Bertrandus in Curia Romana obtinuit pensionem ex parochia, quæ quidem in titulum ipsi collata, nunquam tamen ab eo in persona fuit administrata. Potest-

ne tuta conscientia & sine scrupulo frui hac pensione, in sola autoritate Pontificis fundata?

¶ Cum nunquam administraverit hoc suum Beneficium, sola Papæ autoritas non poterit ipsum eximere a peccato quoad pensionem sibi reservatam, quæ in nulla legitima causa fundatur. Ut quis absque peccato frui possit pensione ex Beneficio, satis non est, eam constitutam fuisse in Curia Romana; cum facile sit variis technis eam decipere, & dolo vigilantiam Pontificis supplantare: requiritur insuper, ut ea ex justa causa constituatur. Causæ autem justæ sunt, quas Concilia & Pontifices ut legitimas agnoverunt; ut dum resignans ex relicto Beneficio pensionem postulans absque hoc subsidio honeste vivere nequit, *subventionis causa*, ut formulæ supplicationum pro ejusmodi pensionibus sonant, & *ne resignans nimium pateretur dispendium ex sua resignatione*. Unde sequitur, sufficienti jam instructum Beneficio tuta conscientia frui non posse pensione ex alio Beneficio: *Habentes alimenta, & quibus tegamur, his contenti simus*, 1. Tim. 6. v. 8. Homini ecclesiastico ultra necessaria ad honestam vitæ sustentationem nil avide expetendum; cum eadem sit mens ac intentio Ecclesiæ, nunquam concedentis pensiones superfluas. *Pontas.*

CASUS III. Octavius Toparcha & Patronus cujusdam parochiæ, ad eandem præsentavit Juvenalem nepotem suum, Subdiaconum, & viginti quatuor annos natum. Juvenalis Beneficii possessionem adeptus illud ultra annum administravit per vicarium, nec tamen, ut tenebatur, presbyteratum suscepit. Timens tandem, ne per devolutionem ad alium collatorem jure suo & possessione excideret, resignavit illud huic ipsi vicario cum onere pensionis centum flororum in Curia Romana constitutæ. Novus Titularis denuo renunciavit Beneficio in manus Episcopi cum novo instrumento præsentationis factæ ab Octavio in favorem Bernardi. Hic Beneficium possedit per triennium, persoluta quotannis Juvenali adhuc subdiacono pensione. Potuitne Juvenalis secura conscientia sibi reservare hanc pensionem? Et posito, quod non potuerit, teneturne ad restitutionem hucusque perceptorum?

¶ Cum Juvenalis nunquam obierit functiones parochi, non potuit sibi reservare pensionem; & quia valde verisimile est, quod Beneficium hoc acceptaverit absque intentione unquam exercendi functiones parochiales, sed solummodo ut possit percipere fructus, & per viam resignationis sibi procurare pensionem, non potest in tali casu excusari a peccato



eato mortali; imo dicendum videtur, eum teneri ad restitutionem fructuum primo anno perceptorum. Si *promoveri ad sacerdotium non intendens*, inquit Bonifacius VIII. Cap. *Commisſa*. 35. Lib. 1. Tit. 6. in 6. *parochialem receperis ecclesiam, ut fructus ex eo per annum percipias, ipsam postmodum dimissurus (nisi voluntate mutata promotus fueris) teneris ad restitutionem fructuum eorundem; cum eos receperis fraudulenter.* Dicendum insuper, quod absque manifesta injustitia non potuerit frui constituta pensione, quam nullo suo servitio aut parochiali ministerio promeruit. Et posito etiam, quod acceptasset parochiam animo exercendi munus parochi, non posset tamen acceptare pensionem; eo quod intra annum presbyteratum non receperit. Nec juvat in excusationem asserre auctoritatem Pontificis; quia ea sola in hac materia non sufficit, ut communiter docent Theologi ac Canonistæ. Leges canonicæ tres communiter rationes allegant, per quas a peccato excusatur, qui pensionem sibi reservat. *Prima* est, quæ dicitur *pro bono pacis*, id est, ut inter duos de Beneficio litigantes compositio fiat, & utilitas Ecclesiæ promoveatur. *Secunda* est, quando agitur de instituenda æqualitate inter Beneficium nimis tenue & notabiliter pinguius, & pensionarius vere indiget pensione ad honestam sustentationem. *Tertia* causa est necessaria sustentatio illius, qui præstito per longum tempus servitio suum jam dimittit Beneficium; & hæc causa ut legitima fuit agnita ab ipso generali Concilio Chalcedonenſi. *Pontas.*

**CASUS IV.** Menander parochus, postquam insigni cum laude, zelo ac ædificatione per annum vel octodecim menses suæ deservivisset parochiæ, resignavit eam Judæ. Sed cum aliunde non haberet, unde subsisteret, congruam sibi reservavit pensionem. Potuitne eam sibi reservare?

¶ *Sæcura conscientia non potuit, convenientem enim sustentationem non habere non est ratio. quæ sola possit sufficere ad reservandam sibi pensionem in Beneficio resignando; necesse est insuper, ut quis sat longo tempore in eodem ministraverit, & quidem a tempore Gregorii XIV. saltem per quinquennium. Non censetur Menander per tantillum temporis spatium adeo notabile Ecclesiæ exhibuisse obsequium, ut jure possit sibi aliquam fructuum portionem attribuire. Hinc querenda ipsi necessaria alimentatio alia via statui suo conveniente.* *Pontas.*

NOTA. In Gallia omnino quindecim anni requiruntur in servitio Beneficii exantlati, ut quis pensionem sperare possit, neque ipsis Canonici exceptis.

**CASUS V.** Sophronius parochus administrato suo Beneficio per octo aut decem annos cum maxima ædificatione ac utilitate parochianorum usque adeo infirmatus est, ut plane inhabilis esset ad functiones parochiales obeundas. Cogit ergo resignare parochiam, reservata sibi congrua pensione, maxime cum aliunde non habeat, unde sustentare se possit. Scit quidem peculiarem legem Provinciæ prohibentem ejusmodi pensionis reservationem ante quindecim annos præstiti in Beneficio servitii; incidit tamen in sacerdotem exemplaris vitæ ac eximie scientiæ virum, qui resignata sibi parochia pensionem spondet certissime se perfoluturum, lege non obstante. Potestne taliter resignare cum onere præstandæ sibi pensionis?

g. Potest in his circumstantiis absque ullo peccato. Legis enim ac legislatoris intentio nullatenus est privandi ejusmodi parochum, ut est Sophronius, solo & unico medio honeste sustentandi vitam suam, sed solum sordidissimam impediendi negotiationem, quam complures Clerici exercebant circa Beneficia curata, vel residentiam exigentia. Quin imo in præsentī casu pensio est omnino conformis menti Ecclesiæ. Pontas.

**CASUS VI.** Ludovicus Prior resignavit Beneficium suum 1500. florenorum redditibus pingue Salvio sub pensione 400. florenorum, reservatis sibi quoque domo Prioratus & horto, quem murus amblebat. Post sex menses Ludovicus petit a Salvio 200. florenos, partem scilicet pensionis dimidiam pro primo anno, omīssa interim declaratione in foro ecclesiastico faciēda, quod & domus & hortus constituent partem Prioratus. Prætendit jam Salvius, Ludovicum ob omīssam hanc formalitatem ipso jure amīssisse possessionem tam domus quam horti, ipsique desuper litem movet. Fatetur quidem Ludovicus, hanc declarationem omītti non posse, sed adhuc in tempore esse reponit, quo ea fieri possit. Teneturne Salvius in conscientia desistere ab actione Ludovico intentata?

g. Juxta S. Beuve Tom. 2. cas. 39. Salvius in rigore & in conscientia non tenetur desistere: Ludovicus enim tenebatur facere illam declarationem, antequam acceptaret partem suæ pensionis. Si nihil unquam percepisset ex pensione, valida semper fuisset ipsius declaratio, quocumque dein tempore fuisset inīnuata. Decretum in Curia Ro-

mana

mana pro legitimo ejusmodi reservationum usu nunquam conceditur, nisi sub conditione faciendæ declarationis omnium ad Beneficium pertinentium. Ratio est 1. Quia plurimi interest, ut ex actis publicis pateat, hanc domum, hunc hortum, vel hos fundos reservados pertinere ad Beneficium, quod resignatur: si enim clam avellerentur a Beneficio, evidens simonia vitlaret contractum. 2. Quia hoc modo securius conservantur Ecclesiæ bona ad eam pertinentia. *Pontas.*

CASUS VII. Etherius parochus annorum septuaginta sex ætatem emensus, cum ultra viginti quinque annos suo deservisset Beneficio, adeo debilitatus ac viribus fractus est, ut ad labores parochiales inhabilis existeret. Hinc parochiam Blasio resignare cogitat, pacta sibi pensione, ex qua reliquo vitæ tempore subsistere valeret. Annuos redditus parochia parit 1200. florenos. Potestne sine læsione conscientie retinere pensionem annuam 750. florenorum, facta consideratione, quod residui 450. floreni videantur abunde sufficere resignatario, & aliunde etiam evidens sit, quod ob infirmitates suas, ætatemque decrepitam pensione hæc non diu sit fruiturus?

¶ Si Etherius non habeat aliunde, unde vivat, potest absque ullo conscientie scrupulo sibi reservare pensionem, quæ tamen excedere non debet tertiam partem reddituum beneficalium. Nec Pontifex admittit ullam pensionem, nisi sub hac conditione: *Modo tertiam partem fructuum non excedat; alias præsens gratia nulla sit eo ipso.* Plus ergo Etherius non potest exigere, quam 400. florenos. Et licet Blasius commode satis posset vivere ex 450. florenis, constitueretur tamen in impotentia erogandi eleemosynas in pauperes parochianos, vel benefaciendi suæ ecclesiæ, ut tenetur. *Pontas.*

CASUS VIII. Flavianus parochus annos septuaginta octo ætatis numerans, Beneficio suo per triginta quinque annos administrato, jam a sex mensibus non potest amplius vacare functionibus suis; offert itaque Norberto resignationem parochiæ sub annua pensione 175. florenorum, addita quoque conditione, ut solutionem hujus pensionis pro primo anno anticipet mox adita possessione Beneficii; licet omnes parochiæ redditus ultra 450. florenos non ascenderent. Acceptat Norbertus sub his conditionibus resignationem Flaviani cum proposito etiam donationis gratuitæ 50. florenorum eidem faciendæ. Interrogat jam, an sic agere possit tuta conscientia.

3. Primæ duæ conditiones, sub quibus Flavianus intendit resignare, debent exprimi in supplicatione ad Papam, qui facile consentiet; hujus obtento consensu poterit tuto acceptare resignationem, & Flavianus etiam admittere donationem gratuitam 50. florenorum; dummodo promissio hujus donationis non fuerit facta ante admissam resignationem, aut sive expresse sive tacite in pactum deducta, quod foret simoniacum. *Pontas.*

CASUS IX. Heraclides parochus Titio debebat annuam pensionem 150. florenorum ex resignata sibi sub hac reservatione parochia; dilata vero ultra annum solutione mortuus est. Titius jam petit solutionem hujus pensionis a Joanne, qui in Curia de hoc Beneficio fuit provisor *per lobitum*, & quidem intentata ipsi actione judiciali. An jure Titius convenit Joannem de hac solutione?

3. Juxta Cabassutium Jur. Can. Theor. & prax. L. 2. c. 14. n. 13. Titius nullum habet jus exigendi a Joanne solutionem relictæ ab Heraclide debiti: non est enim par ratio inter illum, qui succedit in Beneficium, & inter novum possessorem fundi; cum successor in Beneficio non intret jure proprietatis & successionis. Et aliunde etiam onus per pensionem Beneficio impositum non est pure reale, sed mixtum, id est, partim personale & partim reale, ad quod debitor non tenetur, nisi qua possessor. Titius igitur solum habet recursum adversus hæredem Heraclidis, & non adversus successorem illius. *Pontas.*

CASUS X. Gellius possidens parochiam, cujus redditus deductis omnibus deducendis conficiunt 1250. florenos, permutat cum Leufrido, cujus parochiales redditus sunt 1000. floreni; sed ea conditione, ut Leufridus annuatim ipsi solvat pensionem 125. florenorum. Potestne salva conscientia sibi reservare hanc pensionem Gellius ex hac sola ratione, quod parochia, quam cessurus est Leufrido, sit pinguior ea, quam ipse occupaturus est?

3. Verum est, inter causas legitimas constituendi pensionem in Beneficio, numerari etiam hanc juxta dicta ad cas. 3., ut saltem ex parte fiat æqualitas inter Beneficium nimis tenue & notabiliter pinguis, sive dein fiat resignatio sive permutatio. Hæc autem causa absolute applicari non potest in casu præsentē. Nec patrocinator Gellio speciosus prætextus abundantiores elargiendi elemosynas: id enim etiam Leufridus faciet; aut si Gellius tantum fiduciæ in eo poni non posse existimet, ut indignum habere debet, quocum ineatur permutatio. Nullum sane motivum reperire erit, ex quo cobonestari

stari posset hæc reservatio. Hinc peccaret Gellius, peccaret & Leufrius sub hac reservatione permutantes; imo peccaret ipse Pontifex in hoc casu provisiones concedendo, & Episcopus vitiosam hanc permutationem admittendo. *Pontas.*

(CASUS XI. Onuphrius parochus permutavit parochiam suam, reservata sibi pensione 100. florenorum, cum alterius sacerdotis parochia, quæ duplo minores profert redditus; & hæc permutatio facta est intra manus Episcopi diocesani. Estne canonica pensionis hujus creatio?

3. Jus antiquum permittit quidem Episcopis facultatem constituendi pensiones in Beneficiis, quorum Titulares erant possessores pacifici; sed summi Pontifices jam præscripserunt hoc jus contra Episcopos. *Non est prohibitum jure Episcoporum imponere pensiones*, inquit Toletus Instruct. sacer. L. 5. c. 20. n. 2. *ob consuetudinem tamen & communem styli Romanæ Curiae, si quis sine Pontificis summi facultate pensiones haberet, simoniacus esset.* Unde concludendum est, pensionem auctoritate solius Episcopi diocesani in favorem Onuphrii constitutam non esse canonicam, & consequenter nullius momenti. *Pontas.*

NOTA. Episcopus ex justa causa imponere potest pensionem temporalem, non vero perpetuam, sicut Papa.

CASUS XII. Odo in familiari conversatione dixit Bernardo Canonico Olomucensi, si quispiam sibi resignaret Canonicatum hujus ecclesiæ, persoluturum se illi bonam pensionem, jamque paratos sibi esse mille florenos ad pensionem hanc in continendi redimendam. Bernardus nihil dubitans, serio loqui Odonem, quadriduo elapso ipsi offert suum Canonicatum sub pensione 200. florenorum, caute tamen dissimulans mentionem facere de redemptione pensionis, quam sperabat. Odo, qui discursu supra relato omnino intendebat inducere Bernardum ad resignandum Beneficium, gratam habet oblatam sibi resignationem, obtinet provisiones, & post dies quindecim in forma consueta pensionem redimit, 800. thaleris Bernardo numeratis. Queritur, an pensio hæc a Papa constituta, & interveniente ipsius auctoritate redempta, in rigore sit canonica; & an Bernardus ea frui possit.

3. Certum est, pensionem hanc non esse legitimam, & Bernardum nec ejus solutionem exigere, nec ejusdem redemptionem acceptare posse. Intervenit hic tam ex parte resignantis, quam ex parte resignatarii simonia tacita; & ambo ut rei simoniæ realis palliæ sub apparentia pensionis,  
*Quam.*

*Quamvis postea possit redimi pensio, ait Toletus l. c. l. 5. c. 29. n. 1. non tamen potest resignari Beneficium cum pacto redemptionis hujus. Pontas.*

**CASUS XIII.** Licinius presbyter canonice possidet Prioratum a quadam Abbacia regulari avulsum ac secularisatum. Promittit autem Religiosis Abbatiae, se illis redditurum hunc Prioratum, ut ad regularis Beneficii statum redeat, si pinguem ipsi pensionem constituent. Potestne percipere ac retinere hanc pensionem?

¶ Si pensio ista fuerit creata in curia Romana, si ea indigeat pro sua sustentatione, si de cetero sit subjectum dignum, ac suis servitiis Beneficio aut Ecclesiae praestitis eandem promeruerit, licite eam percipit, ut S. Beuve docet tom. 3. cap. 128. *Pontas.*

**CASUS XIV.** Richardus Francisco resignavit Ecclesiae Cathedralis Decanatum, quem a tricennio abhinc possidebat, cujusque redditus tam in fructibus grossis quam distributionibus quotidianis 1000. florenos ipsi praebebant. Resignatio continet pactum reservationis omnium fructuum; & Papa, cui resignans in sua supplicatione omnem rei veritatem fideliter exposuit, ex causa gravissima consensit in hanc pensionem, & provisiones concessit. Poteritne Richardus absque scrupulo frui hac pensione, non obstante, quod resignatius comminetur, imploraturum se desuper officium iudicis?

¶ Reservatio omnium fructuum damnatur ab Innocentio III. Cap. *Ut nostrum.* univ. Lib. 3. Tit. 12. licet hic ipse Pontifex eam excuset in certis casibus *ad tempus pro causa iusta et necessaria.* *Pontas.*

**CASUS XV.** Vinnius ecclesiae collegiatae ab annis viginti canonicus praebendam suam 300. florenorum resignavit Josepho, reservatis sibi 25. florenis solvendis ex fructibus Beneficii, qui solum consistebant in distributionibus quotidianis & manialibus, absque ullis grossis. Josephus possessionem Beneficii adeptus nunquam in eo resedit. Videns ergo Vinnius, Josephum solvendae pensioni imparem fore, ad obtinendam solutionem convertit se ad Capitulum, cujus Canonici percipiunt, ac inter se partiuntur omnes distributiones etiam absentibus destinatas, ex quibus Josepho quoque aequa portio cederet, si in Beneficio resideret, & Officio divino ac horis canonicis interesset. Canonici autem recusant solvere hanc pensionem. Possuntne persistere in sua tergiversatione, maxime cum sciant, Vinnium non nisi ex hac pensione posse subsistere?

\*. Sunt magni nominis Authores, qui tuentur, Capitulum teneri ad solvendam hanc pensionem, fundantque suam sententiam in duobus Rescriptis, scilicet Gregorii XIII. & Clementis VIII., qui in simili casu Capitulum condemnarunt ad solutionem. Hoc tamen non obstante videtur opposita sententia magis fundata & æquitati conformior. Hinc dicendum, Canonicos non obligari ad solutionem: Rescriptum enim, per quod Vinnio constituta fuit hæc pensio, non nisi Josephum obligat, ejusque in Beneficio successores. Canonici imputari non potest, quod Josephus non resideat; nec aliter lucrantur distributiones, quas ille amittit, quam jure priorum suorum Benefactorum, & nullatenus titulo præbendæ Josephi. Si hic etiam actualiter resideret, ex negligentia tamen chorum non frequentaret, nisi rarissime, Capitulum certe non obligaretur ad supplendum defectum pensionis Vinnio debitæ: quare ergo obligetur in casu præsentis? Tandem etiam falsum est, hanc pensionem esse pure realem; quinimo est tantum personalis, aut ad summum mixta, Josepho tantum ejusque successoribus incumbens. *Pontas. Vide Distributiones quotidianæ. cas. 2. & 5.*

CASUS XVI. Eudæus resignavit Petro 2. Januarii suum Beneficium, quod non alios proventus nisi ex solis frumentis præbebat, sub pensione 100. florenorum. Cum vero durante hyeme omnino perlerint semina, & Petrus nec pro sua ipsiusmet sustentatione sat frumenti obtinuerit, questio est, an teneatur pro eo anno Eudæo solvere 100. florenos ex pacto debitos.

¶. Non tenetur; quia Beneficium eo anno sufficientes fructus non protulit, & quidem absque ulla Titularis culpa. *Est namque pensio, inquit Sylvius resol. var. V. Beneficium portio quædam fructuum seu proventuum Beneficii. Illo igitur tempore, quo Beneficium non præbet proventus, cessat obligatio solvendi pensionem. Pontas.*

CASUS XVII. Michael per quindecim annos parochus Beneficium suum in Normania situm resignavit Theophilo cum onere pensionis 150. florenorum; cujus possessionem resignatarius post sex septimanas adeptus est. Elapso primo anno pensionem suam petiit Michael; sed reposuit Theophilus. eam pro primo anno exigi non posse; eo quod fructus ac redditus beneficiales primi anni in Normannia pertineant ad Episcopos vel Archidiaconos jure reservationis. Jure pensionem negat Theophilus?

§. S. Beuve tom. 2. caf. 161. fatetur , magnam effe abufum , ut Beneficiatus adstringatur ad folvendam penfionem , dum nondum ipfi licet percipere fructus , putatque non effe iuftum , ut illi , penes quos eft emolumentum percipiendi fructus groffos , eodem capiant , antequam penfio resignanti debita perfoluta fit. Quantum ad jus refervationis attinet , illud certe non ignoratur a resignataris. Ad hos ergo pertinet pacifci , quandonam penfio folvenda fit. Si jus refervationis fructuum primi anni ab Epifcopis aut Archidiaconis ita urgeretur , ut novo parochio nihil relinqueretur ultra præcife neceffaria ad fufentationem , revera non teneretur in confcientia primo anno folvere pactam penfionem. *Pontas.*

*Vide Annata diæcefana.*

CASUS XVIII. Philologus Benedictinus non reformatus , cui poft introductam in fuum monafterium reformationem , vi concordatorum inter Religiofos reformatos & non reformatos initorum , assignata fuit penfio vitalitia 250. florenorum ex bonis communibus monafterii perfeolvenda , ab Epifcopo diæcefano , obtenta difpenfatione Pontificia , fuit inftitutus in parochia a monafterio independente reddituum 1000. florenorum. Potestne adhuc exigere penfionem fuam vitalitiam , licet in fuo haud amplius refideat monafterio ?

§. Plures rationes evincunt , quod ultra non poffit exigere hanc penfionem , inter quas eft hæc : penfio monachalis foils tantum debetur Religiofis ; qui actu vivunt in monasterio , ex quo penfionem percipiunt , & qui tanquam profeffi domus in eadem vivunt juxta constitutiones & regulam Ordinis. Neque , dum abfunt a conventu , fortius jus habent fuis fruendi penfionibus , ac Canonici fructibus fuarum præbendarum , dum actu non refident. *Licet monachus & Regularis poffit habere unum Beneficium regulare ,* inquit Rebuffus Prax. Benef. part. 2. §. 8. *tamen duo habere non poteft , ne quidem capellam vel penfionem aut portionem monachalem cum Beneficio.* *Pontas.*

CASUS XIX. Lucas & Remigius difceptabant de eodem Beneficio , caufaque ad forum contentiofum deducta jura utriusque videbantur æqualia. Compromittunt ergo componendæ litis gratia in arbitrum bonæ fidei , & absque omni collufione. Sententia arbitri erat , ut Lucas jus fuum cedat Remigio cum refervatione penfionis 150. florenorum , id quod a partibus mutuo confenfu probatum , & executioni

man-



mandatum fuit. Potestne Lucas ex hac sola ratione tuta conscientia frui hujusmodi pensione?

¶. Tuta id potest conscientia; pensio enim ista constituta fuit intuitu boni, quod inde redundaturum est in Ecclesiam ex pace inter hos duos clericos restituta; dummodo tamen 1. pensio approbata fuerit a summo Pontifice juxta Cap. *Nisi essent.* 21. Lib. 3. Tit. 5. 2. Ut remaneat Remigio, unde honeste vivere possit. 3. Ut pensionarius revera indigeat reservata fructuum portione, & non aliunde sufficientia habeat media ad honestam sustentationem. *Pontas.*

*Nova.* Cum hæc pensio non fundetur in contractu, sed in laudo arbitri, videtur sufficere rati habitio Episcopi. Vide cas. 32.

**CASUS XX.** Stanislaus Abbas in Polonia fuit nominatus ad Episcopatum, consentiendo in pensionem 500. florenorum ex Abbatia in favorem cujusdam Stephani persolvendorum; quæ tamen pensio solummodo fuit constituta per diploma Regis pure ac simpliciter signatum, ut fert antiquissima consuetudo regni. Consecratione suscepta per tres annos continuos pensionem solvit Stephano. Potuitne sic agere Stanislaus absque simonia? Hujusmodi pensiones approbatæ per consuetudinem generalem ac immemoriam totius regni Poloniæ, suntne legitimæ? Et quidnam demum faciendum huic Episcopo ad tranquillandam conscientiam suam?

¶. Certum & evidens est, quod omne pactum vel conventio in materia Beneficiorum, destituta approbatione summi Pontificis, sit simoniaca; & hinc Stanislaus non potuit acceptare Episcopatum cum conditione solvendi pensionem 500. florenorum in favorem Stephani, nisi diploma regium fuerit ratificatum & approbatum a Papa. Tantumque abest, ut liceat ipsi solvere pensionem, ut eandem teneatur etiam constanter recusare, donec Stephanus acquirat titulum canonicum ipsam percipiendi: nec denique solvat, nisi ad hoc fuerit coactus per sententiam definitivam contra se latam, a qua appellare ultra non liceat. Interim debet recurrere Romam, ut autoritate Pontificia, quantum opus est, revalidetur ipsius titulus, condonentur fructus tum illi, quos licet alias sibi debitos nondum percepit, tum etiam quos jam perceptos quidem nondum tamen consumpsit, deturque facultas Stephano impofterum pensiones solvendi. Ita S. Beuve tom. 3. cas. 71. *Pontas.*

**CASUS XXI.** Zephyrinus Clericus tonsuratus ex Prioratu reddituum 1500. florenorum, quem possidebat, retinuit sibi pensionem 500. florenorum in Curia admissam & approbatam, ac paulo post militiæ honorem dedit, obtento in castris munere judicis civilis & criminalis militum. Amisitne per hanc status mutationem pensionem suam?

*g.* Omnis pensio in Beneficio constituta ex natura sua est ecclesiastica, & necessario supponit tonsuram, quæ est aliquid spirituale. Rescripta ex curia impetrata semper supponunt, impetrantem esse Clericum; sic enim inscribuntur *N. Clerico diocesis N. & quidem etiam ad eos, qui necdum in majoribus Ordinibus sunt constituti, & cum decreto, quod, si ipse & quamdiu pensionem hujusmodi perceperit, in habitu & tonsura clericalibus incedat. Alias pensio cesset eo ipso.* Hinc ille, qui est inhabilis ad possidendum Beneficium, inhabilis quoque est ad percipiendam ecclesiasticam pensionem; sicque Zephyrinus non potest frui reservata sibi pensione 500. florenorum. *Pontas.*

**CASUS XXII.** Andreas debet Ambrosio pensionem 150. florenorum ex fructibus parochiæ 600. florenos proferentibus, quam hic illi ante sex annos resignaverat. Potestne Andreas absque læsione conscientiæ extinguere aut redimere hanc pensionem propria autoritate & sine dispensatione Papali?

*g.* Juxta sententiam Fagnani, Navarri, Flaminii, Rebusii, Forgeti & plurimorum insignium Canonistarum absque peccato non potest Andreas extinguere aut redimere pensionem, quin interveniat auctoritas Pontificis. *Pontas.*

**CASUS XXIII.** Chrysanthus parochus a quinquennio vel sexennio portat onus pensionis 150. florenorum, quam Cornelius resignans parochiam sibi reservaverat. Hujus oneris pertæsus pro pensione hac offert Cornelio Capellam, cujus redditus sunt 100. floreni; qua conditione accepta Cornelius pro provisione sollicitat, eaque impetrata pensioni renunciat. An hæc conventio sine omni nœvo est?

*g.* Conventio hæc est simoniaca: pensio enim non est Beneficium, sed tantummodo jus percipiendi ad tempus, id est, quamdiu pensionarius vixerit, aut jure suo non exciderit alia ratione, aliquam portionem ex fructibus Beneficii resignati, penitus separatam a titulo Beneficii. Pensio non est perpetua, sicut Beneficium; cum omnino extinguatur per mortem pensionarii. Ad constituendam pensionem non requiritur institutio canonica, prout tamen requiritur ad legitime possidendum Beneficium; cum sola conventio resignantis

nantis & resignatarii a Pontifice approbata sufficiat, ut quis frui valeat pensione. Ad hoc pensio gratuito ac liberaliter condonari ac remitti potest debitori, quin exigatur auctoritas Superioris; cum tamen Beneficium in solas legitimi Superioris manus aut cum auctoritate ipsius dimitti debeat. Denique pensio in parochia aut quovis alio Beneficio non obligat ad residentiam, nec ad alias functiones ecclesiasticas; quod tamen dici nequit de Beneficio. Igitur essentialis utrinque datur differentia. Unde concludendum est, pensionem nunquam extinguí posse per resignationem Beneficii; quia hoc esset dare rem spiritualement aut spirituali annexam pro re temporali, pretio pecuniario aestimabili, & quæ revera redimi potest soluta summa, de qua cum approbatione Pontificis convenitur. *Pontas.*

CASUS XXIV. Volusianus in quodam Beneficio pensionem habet 300. florenorum. Teneturne in conscientia recitare Officium Breviarium, & gestare tonsuram ac habitum clericalem?

3. Tenetur solum recitare Officium parvum B. Virginis ex præcepto Bullæ Pii V. *Ex proximo* de anno 1571 ubi ait Pontifex: *Quicumque pensionem, fructus aut alias res ecclesiasticas ut Clericus percipit, cum modo prædicto (id est, sub pœna restitutionis) ad dicendum Officium parvum Beatae Mariæ Virginis decernimus obligatum, & pensionum, fructuum, rerumque ipsarum amissioni obnoxium.* Ad tonsuram vero & habitum clericalem strictissime obligatur, ut expresse statuitur in Bulla Sixti V. *Cum sacrosandam.* anni 1589. *Pontas.*

NOTA. In Bulla Pii V. notanda sunt verba: *ut Clericus.* Si enim aliqua pensio tribuitur v. g. ædituo, organædo, aut aliis ministerium de se profanum ecclesiæ exhibentibus, pensionarii isti non obligantur ad Officium parvum.

CASUS XXV. Placidus Clericus tonsuratus, illustri prosapia genitus, nullumque habens Beneficium, obtinuit pensionem 1300. florenorum ex quodam Archiepiscopatu sibi persolvendorum. Hic parsimoniali sua industria ultra necessaria pro sua sustentatione quotannis 500. florenos sibi comparavit. Potestne de hac summa disponere pro suo arbitrio? An vero tenetur bona hæc parsimonialia erogare in causas pias, ecclesiam vel pauperes?

3. Cum nulla intercedat differentia inter bona ex Beneficio & pensione parva, utpote æqualiter ecclesiastica & consecrata Deo, Placidus non potest tuta conscientia bona hæc parsimonialia pro suo arbitrio impendere in usus profanos, *Diñ. Cas. Conf. Tom. III.* *F* sed

sed tenetur ea conferre in sublevamen pauperum aut necessitates ecclesiæ, vel in quascumque alias causas pias vergentes ad gloriam Dei aut salutem proximi. *Pontas.*

CASUS XXVI. Mauritius habet pensionem 200. florenorum ex quadam Abbacia; sed propter commissum furtum damnatus est ad perpetuas triremes. Teneturne Abbas in conscientia continuare solutionem constitutæ ipsi pensionis?

R. Pensio, extinguitur æque per mortem civilem ac naturalem pensionarii; & per hanc damnationem Mauritius indubitato civiliter mortuus est, ac omni jure clericali excludit. Idem dicendum de Clerico pensionario, qui in hæresin aut crimen læsæ majestatis prolapsus est aut aliud, in quod jura statuunt privationem Beneficiorum & pensionum ecclesiasticarum; ac denique de illo, qui per professionem religiosam sæculo mortuus est. *Perimitur pensio*, ait Cabassutius Jur. Can. Theor. & prax. L. 2. c. 4. n. 16. *capitis diminutione pensionarii; quia pensio beneficiaria est jus spirituale & clericale.... Extinguitur pensio per delictum hæresis, læsæ majestatis aut Sedis Apostolicæ; per matrimonium, aut per professionem Religionis.* Hinc Abbas non debet ipsi ultra solvere pensionem. *Pontas.*

CASUS XXVII. Priamus per quatuordecim annos parochus cum Canonicatum obtinisset, ex cujus redditibus honestissime vivere posset, resignavit parochiam, reservata sibi pensione, quæ & a Pontifice fuit approbata. Tutane conscientia hanc pensionem percipit?

R. Pontifex, cum bonorum ecclesiasticorum absolutus Dominus non sit, sed solum dispensator, non nisi ex causis legitimis, Ecclesiæque bonum spectantibus pensionem in Beneficio creare potest: in dictæ autem pensionis gratiam nulla legitima causa, quæ Ecclesiæ bonum respiciat, afferri potest. Hinc reservatio Priami est evidenter injusta, teneturque omnia hucusque percepta restituere: bona enim parochialia eo tantum spectant, ut deserviens parochiæ sustentetur, quod autem superest, in eleemosynas, aliaque pietatis & charitatis opera conferatur; quamvis satendum sit, pluralitatem Beneficiorum adhuc esse pejorem, quam Beneficium se solo sufficiens ad congruam sustentationem una cum pensione ex alio Beneficio. *Fromageau.*

CASUS XXVIII. Lyfias Clericus nunquam hætenus ullum Ecclesiæ præstitit servitium, nec modo præstat; imo oppido negligenter decurrit Officium B. Virginis. Nullum possidet talentum vel alias dotes, ex quibus sperari posset,  
eum

eum cum tempore utiliter servituum Ecclesie. Potestne hic bona conscientia retinere pensionem ex Beneficio quocunque, maxime curato?

3. Peccat ejusmodi Clericus petendo pensionem, & magis peccat eam retinendo. Nec Papa potest eam ratihabere absque peccato dilapidationis bonorum ecclesiasticorum; hinc ea pro sub- & obreptitie obtenta habenda est; maxime si sit constituta in Beneficio curato, quæ Beneficia minus pensionibus onerari debent, ac alia non curata. *Fromageau.*

CASUS XXIX. Kifius Canonicus Cathedralls & Custos, cum assumptus fuisset ad Decanatum, cujus redditus annui 2500. floreni, præbendam Thesaurarii seu Custodis resignavit alteri, reservata sibi pensione 1200. florenorum. Estne legitima hæc pensio?

3. Non potuit exigere hanc pensionem, teneturque ad restitutionem perceptorum. Papa, qui eam ratam habuisse supponitur, est tantum dispensator bonorum Ecclesie, neque potest absque ulla causa legitima permittere, quod lege divina & naturali prohibitum est; adeoque impetrata dispensatio est irrita. *Fromageau.*

CASUS XXX. Titius cum Cajo permutavit Canonica-tum, cujus redditus annui 500. floreni, a quo vicissim recipit Beneficium Capellæ 40. florenorum, & pensionem 200. florenorum. Suntne ambo securi in conscientia?

3. Juxta quosdam Authores non potest Beneficiatus absque simonia stipulari sibi pensionem, quæ excedat tertiam partem reddituum Beneficii; estque taliter stipulata pensio reducenda ad partem tertiam. Cajo peccavit promittendo pensionem tertiam partem reddituum excedentem. Interea licet absolute certum non sit, ambos incurrisse aliquam censuram; nihilominus pro majori securitate utrique Romanam recurrendum est pro impetranda a summo Pontifice rehabilitatione. *Fromageau.*

CASUS XXXI. Sempronius in ecclesia Collegiata Beneficium Capellæ possidet oneratam pensione 50. florenorum Petro solvenda, quod modo resignare intendit Joanni sub his conditionibus. 1. Ut Joannes sibi solvat 10. florenos ultra pensionem Petro debitam. 2. Ut creationem pensionis suis impensis procuret. 3. Ut pensionem solvat ante tempus & pro securitate ejusdem cautionem præstet. 4. Ut post mortem Petri sibi præter 10. florenos etiam solvantur illi quinquaginta Petro constituti. Quid sentiendum de his conditionibus?

3. Omnes translationes pensionum admodum odiosæ sunt, & omnino reiciendæ; quia eo tendunt, ut perpetuam in servitutem redigantur Beneficia, & hæreditaria quasi successio in iis inducatur; quod a mente Ecclesiæ alienissimum est. De cætero omnes prædictæ conditiones, si in pactum veniant, sunt simonicæ; hinc omnes in supplicatione Pontifici oblata exprimendæ sunt, ut a simoniæ vitio purgentur. *Fromageau.*

CASUS XXXII. Urbanus Episcopus, cum Papa pensiones ex Beneficiis non amplius vellet concedere, parochis ex morbo vel senio ad parochiales labores jam ineptis, nec habentibus, unde decenter vivere possint, in diocesi sua pensiones constituit resignare volentibus. An id non excedit potestatem Episcopi?

3. Episcopus ex potestate quadam œconomica fundata in æquitate naturali & utilitate Ecclesiæ in hisce circumstantiis potest constituere pensiones autoritate propria; quia alioquin plures parochi obeundo muneri suo jam inhabiles in officio relinquendi forent cum dispendio salutis animarum, Ecclesiæ ac totius diocesis; id quod sane adversatur intentioni summorum Pontificum. *Fromageau.*

Vide *Beneficiatus. Beneficium. Permutatio Beneficiorum. Renunciatio. Resignatio.*

## PERJURIUM.

1. *Perjurium* est juramentum falsum, vel violatio juramenti aliquando facti; & hinc pejerare idem est ac jurare quidpiam esse verum, quod re ipsa est falsum, vel violare juramentum antehac emissum. Perjurium ex sua natura est peccatum mortale, sitque perjurus infamis ac poenæ obnoxius.

2. Committit perjurium, qui apposito juramento scienter affirmat rem falsam, aut negat rem veram. Crimen hoc nec excusat metus, nec consuetudo, nec utilitas, quæ exinde provenire posset, nec quævis alia causa, saltem nisi actum reddat imperfectum, qualis foret inculpabilis ignorantia.

3. Sicut tres dantur juramentorum species, *assertorium* scilicet, *promissorium* & *comminatorium*, ita etiam tribus modis potest perjurium committi: perjurium enim vel respicit rem præsentem, vel futuram, quæ promittitur, aut quam quis facturum se comminatur. Respectu rei præsentis

tis perjurium semper est peccatum ; quia actū juratur contra veritatem. Respectu rei futuræ, quam quis nunquam intendit exequi, perjuriū peccatum committitur ipso momento ; quo juratur : si vero adsit intentio implendi rem juramento promissam, tunc primum committitur peccatum, quando quis recusat adimplere promissum ; supposito tamen, quod possit impleri absque offensa Dei aut absque omissione alterius operis evidenter sanctioris & magis meritorii. Dicitur autem, *absque offensa Dei* ; quia, si quis juraret, commissurum se peccatum, non teneretur hoc juramento, & quod perverse juravit, multo perversius adimpleret. Dicitur etiam, *absque omissione alterius operis evidenter sanctioris & magis meritorii* ; quia, licet opus foret supererogatorium, non tamen obstaculum ponendum est motioni Spiritus sancti : & in hoc casu, sicut in aliis, ubi juramentum metu vel vi fuit extortum, securius erit a Superiore legitimo petere dispensationem a juramento, vel a persona, in cujus favorem promissio juramento firmata est, remissionem obligationis.

4. Jus canonicum statuit, ut Beneficiatus perjuriū crimine contaminatus privetur suo Beneficio, sitque in perpetuum inhabilis ad ferendum in judicio testimonium.

5. Et certe is, cui tam parum religionis est, ut pejorare audeat, nullam amplius fidem meretur ; cum præsumi possit, eum non minus esse dispositum ad alterum perjurium, ac ad simplex ac leve mendacium, *Ubi quis pejeravit*, inquit Cicero Orat. pro Roscio, *ei credi postea, etiamsi plures Deos juret, non oportet ; quia, qui semel a veritate deflexit, is non majore religione ad perjurium, quam ad mendacium perducitur consuevit.* Juxta unanimes omnium jurisperitorum sententiam perjurus nunquam ut testis admittendus est. Carolus Magnus Capitul. 23. in perjurum poenam statuit amputationis manus dexteræ. Per edictum Ludovici S. de anno 1254 perjuri condemnati privabantur beneficio appellationis a sententia condemnatoria. Denique juxta antiquam consuetudinem minoris Britanniae perjurus condemnatur ad jacturam omnium bonorum suorum mobilium, eaque adjudicantur Domino loci, in quo sententia condemnatoria adversus eum pronunciata fuit ; & si perjurus erat persona publica, declarabatur infamis, & ad omnes functiones publicas inhabilis.

6. Nihilominus leges Romanæ non statuunt determinatam poenam in perjuros, & Alexander Imperator divino eos judicio relinquendos existimat Leg. *Jurisjurandi.* 2.

Cod. Lib. 4. Tit. x. ubi ait : *Jurisjurandi contempta religio satis Deum ultorem habet.* Hinc pœnæ, quæ a judiciis in perjuros pronunciantur, arbitrarie plerumque sunt, & men-  
surantur ordinarie ex circumstantiis facti & qualitate per-  
sonæ.

CASUS I. Menalppus interrogatus, num exiverit in agros, contra veritatem respondet, quod non; & hoc suum assertum jurejurando confirmat, Deum in testem vo-  
cando. Peccavitne mortaliter, præsertim cum usus fuerit æquivocatione aut restrictione mentali, & alias materia ju-  
ramenti fuerit levis momenti, nec interrogantem ullo modo tetigerit?

B. Non videtur excusari posse Menalppus a peccato mortali: Scriptura enim clare ac sine ulla distinctione pron-  
unciat, omne perjurium esse mortale peccatum, ut pro-  
bat D. Thomas 2. 2. q. 98. art. 3. C. *Æquivocationes & res-  
trictiones mentales sunt media & regulæ perniciosissimæ ad  
tegendam veritatem, de quibus loquitur S. Augustinus L.  
de mendac. c. 3. quasque luculentissimis argumentis refel-  
lit. Innocentius XI. 2. Martii 1679. ut erroneas ac scandalo-  
sas damnavit sequentes tres propositiones, easque doceri  
prohibuit sub pœna excommunicationis ipso facto incurren-  
dæ, & extra articulum mortis Sacræ Sedi reservatæ.*  
*PROPOSITIO I. Vocare Deum in testem mendacii levis non  
est tanta irreverentia, propter quam velit aut possit damnare  
hominem.* *PROPOSITIO II. Si quis vel solus, vel coram  
aliis, sive interrogatus, sive propria sponte, sive recreationis  
causa, sive quocumque alio fine juret, se non fecisse aliquid,  
quod revera fecit, intelligendo intra se aliquid aliud, quod non  
fecit, vel etiam aliam viam ab ea, in qua fecit, vel quodvis  
aliud additum verum, revera non mentitur, nec est perjurus.*  
*PROPOSITIO III. Causa justa utendi his amphibologiis est,  
quoties id necessarium aut utile est ad salutem corporis, honorem,  
res familiares tuendas, vel ad quemlibet alium virtutis actum;  
ita ut veritatis occultatio censeatur tunc expediens & studiosa.*  
S. Augustinus Lib. contra mendacium exclamat: *Ubi estis  
fontes lachrymarum, & quid faciemus? quo ibimus? Ubi  
nos occultabimus ab ira veritatis, si non solum negligimus  
cavere mendacium, sed audemus insuper docere perjuriam?* Pontas.

NOTA. In eo casu, quo quis de re non cuius aperienda timore &  
absque omni interrôgandi jure interrogat, nec aliud relinquitur  
effugium, licet quidem uti æquivocatione vel restrictione facile  
sensibili, nunquam vero juramento utroneo, multo minus cum  
æquivocatione aut restrictione mentali.



**CASUS II.** Posthumius comperit, Hieronymum famulum suum graviter valde in re quapiam deliquisse; & ideo iracundia commotus jurat, dignis se in famulum castigationibus animadversurum. At vero Hieronymus delicti veniam rogat, & ob spem futuræ emendationis etiam impetrat ab Hero suo prætermissa omni castigatione, non obstante juramento. Estne Posthumius perjurii reus?

**ꝑ.** Qui jurat, se commissurum peccatum, nunquam potest obligari ad implendum juramentum, nec unquam juramentum debet impedire majus bonum; cum juxta S. Augustinum Can. *Inter. 22. caus. 22. q. 4.* juramentum nec sit vinculum iniquitatis, nec impedimentum melioris boni. Idem docet Cardinalis Cajetanus v. *Perjurium. n. 23. Et hinc fit*, inquit, *ut quando melius est parcere, aut abstinere a comminati mali justæ executione, non teneatur quis ad juramenti executionem.* Hinc dicendum, quod Posthumius persuasus, famulum suum multo facilius hac sua indulgentia, quam per intentatam ipsi castigationem emendatum iri, absque periculo committendi perjurii potuerit ipsi ignoscere, ac pœnam condonare. *Pontas.*

**CASUS III.** Philonides Comes intraturus portam palatii sui simplici cuidam Nobili secum pariter ingressuro præcedentiam offert. Jurat hic, se non intraturum ante Comitum: paulo post vero repetitis invitationibus cedit, & prior ingreditur. Estne Nobilis iste perjurus ob non servatum hac occasione juramentum?

**ꝑ.** Juxta sacram facultatem theologicam Parisiensem art. 60. *Errant, qui asserunt, eum, qui jurat sine animo jurandi, aut sine intentione se obligandi, non pejorare, nec jurisjurandi religione adstringi.* Et sane hæc doctrina omnino conformis est non solum Evangelio, menti Patrum, & præmissis S. Augustini, sed etiam simplici rationis lumini ac bono sensui, ita ut in dubium revocari nequeat sub falso prætextu, quod ejusmodi juramenta accipienda non sint ad litteram, & in sensu proprio atque rigoroso, scilicet *prout verba sonant.* Verum est, Cajetanum & non nullos alios Casuistas in posteriorem hanc abiisse sententiam, existimantes, ejusmodi juramenta consideranda esse tanquam aliquod politicæ reverentiæ genus ab inferiore exhibitum illi, qui alteri vult hunc deferre honorem, quo tamen hic indignum se reputat. Sed per hoc ipsum latissima panditur via omnibus æquivocationibus & restrictionibus mentalibus ab omni sana theologia damnatis. Et hinc memoratus Nobilis a peccato perjurii excusari non potest: licet enim in juramen-

to ipsius non defuerit *justitia*, defuere tamen *veritas* & *judicium*: ubi autem harum trium conditionum vel unica deest in juramento, peccat jurans; & quidem peccatum hujus Nobilis ex eo capite gravius est, quod videatur ex inveterata consuetudine sic jurasse. *Pontas.*

CASUS IV. Pierius mutuos dedit Mævio 3000. florenos, confecto desuper apud Notarium instrumento. Post lapsum temporis in bona Mævii creditores immittuntur, & Pierius a processibus judicialibus abhorrens jura sua pro quadam pecuniæ summa cedit Sempronio Mævii ex fratre nepoti, facta ipsi potestate, ut titulo his juribus acquisito ad solvendum ex bonis Mævii debitum agat. Renuit Sempronius acceptare cessionem hanc, nisi ea conditione, ut Pierius cautionem præstet de vendito credito, secreti fidem servet, & interim actionem debiti apud judicem prosequatur, vel potius ut ipsemet Sempronius Pierii nomine agere in judicio valeat. Promittit Pierius, servaturum se secretum. Cumque jam pene finiretur causa, Sempronius insistit, ut Pierius ad obtinendum creditum jurato coram judice affirmet, summam illam 3000. florenorum justo sibi titulo ac legitime deberi. Excusat autem se Pierius, timens, ne, postquam renunciavit credito per cessionem in favorem Sempronii, hac affirmatione perjurium committat. Estne hic timor satis fundatus?

3. Jure naturali datur obligatio servandi secretum; nec violari potest absque peccato, quando aliunde versatur circa rem honestam & licitam, & neque Publico, nec alicui personæ privatæ damnum inde eventurum est. Hujusmodi est secretum, quo Pierius promisit Sempronio; illud ergo revelare non potest sine manifesta perfidia, debetque se gerere, ac si nunquam se inter & Sempronium pactum aliquod intervenisset. Quantum porro ad metum attingit, scilicet ne falso affirmet apud judicem, sibi 3000. florenos titulo mutui deberi, metus iste omni fundamento caret, jus enim ipsius & jus Sempronii unum solum jus jam constituit, de cujus veritate & justitia serio cautionem præstitit Sempronio: intentio judicis urgentis affirmationem juridicam alla non est, nisi ut manifeste pateat, quod Pierius habeat tutulum, id quod vere ac absque omni mendacio aut perjurio affirmare potest; quia nullus videtur dolo facere, qui suo jure utitur, ut habet regula juris 55. ff. de reg. jur. antiq. Accedit, quod Pierius hanc affirmationem recusare nequeat, quin omnem amittat fidem, & ipse in judicium provocetur a Sempronio ad restituendam sum.

summam pro cessione debiti ab eo acceptam. Denique hæc recusatio petitiæ affirmationis causa foret discordiarum patrum inter ac nepotem. *Pontas.*

CASUS V. Balthasarus a iudice interrogatus affirmat cum juramento, aliquid esse verum, quod & re ipsa verum erat, ipse tamen credebatur esse falsum. Estne reus perjurii, quamvis verum esset, quod affirmaverat?

§. Juxta S. Thomam 2. 2. q. 98. art. 1. ad 3. perjurium committit, qui affirmat contra sensum propriæ mentis ac conscientiæ, rem esse veram, quamvis re ipsa vera sit; quia affirmat & jurat spectata propria mentis experientia falsum. *Interest*, inquit S. Augustinus, *quemadmodum verbum procedat ex animo; quia ream linguam non facit nisi mens rea.* Et ideo Balthasarus perjurii reus est ob injuriam atrocissimam Deo illatam, quem sic voluit constituere protectorem ac fidejussorem mendacii, dum ipsum in testem vocavit rei, quam falsam in conscientia judicabat. *Pontas.*

CASUS VI. Dominicus iudex causæ Claudium inter & Albanum agitatæ scit, Claudium sæpius jam pejerasse. Potestne ab eodem ad instantiam Albani juramentum exigere; etsi moraliter certus sit, eum etiam hac vice pejeraturum?

§. Iudex tenetur procedere & judicare secundum formam a legibus præscriptam; cumque non ipse sit causa perjurii committendi ab illo, a quo juramentum exigit ad instantiam partis adversæ, potest juxta S. Thomam 2. 2. q. 98. art. 4. C. juramentum exigere a Claudio: discrimen enim faciendum est inter personam publicam, qualis est iudex, & personam privatam, quæ omni modo possibili tenetur impedire injuriam per falsum juramentum Deo inferendam & damnum spirituale, quod exinde redundaret in proximum, *Pontas.*

NOTA. Ipse iudex tenetur omnem adhibere conatum, ne res deveniat ad præstationem juramenti, quin tamen a suo deflectat officio, vel adhortando eum, qui exigit, ut hac in re cedat, vel ei, a quo exigitur juramentum, proponendo gravitatem rei, & funestissimos effectus perjurii, vel denique in hoc casu ex officio vel charitate Christiana monendo Albanum, jam sæpius Claudium pejerasse.

CASUS VII. Fabianus centum florenos debet Sempronio. Hic in iudicium vocat Fabianum, ab eoque ducentos florenos, ut supponebat, sibi debitos, ac proin solvendos postulat. Iudex juramentum defert Fabiano, qui illud acceptat, & jurato affirmat, se non debere ducentos; & hinc ju-

dex a iudicio & debito simul ipsum absolvit. Estne Fabianus perjurii reus?

g. Si jurasset Fabianus, se nihil debere Sempronio, absque dubio perjurium commississet. Cum autem solum juraverit, se non debere ducentos florenos, quos prætendebat Sempronius, nihil affirmavit contra veritatem. Ad iudicem pertinebat distinctius & enucleatius interrogare; Fabiani vero solum erat, ex mandato iudicis ad propositam sibi questionem respondere. His tamen non obstantibus Fabianus in foro interno ac in conscientia semper tenetur solvere centum florenos vere debitos, etsi in foro externo a solutione debiti sit absolutus. Pontas.

CASUS VIII. Elias jurato promisit cuidam amicorum suorum, facturum se, quæ postulaverat. Sed modo non nisi difficillime potest exequi promissa. Estne perjurus, ni exequatur?

g. Si Elias non prævidit difficultatem modo occurrentem, non erit perjurus promissum non adimplens: dum enim quis jurat, se facturum quidpiam, semper hæc conditio tacite adjecta censetur, si nempe res sit licita, & honesta, atque sine nimia difficultate præstari possit. Cum aliquis jurat, ait S. Thomas 2. 2. q. 98. art. 2. ad 3. *se facturum voluntatem alterius, intelligenda est debita conditio: si scilicet id, quod ei mandatur, licitum sit & honestum & portabile, five moderatum.* Pontas.

CASUS IX. Menander mercator ad commercium suum indiget parata pecunia; & hinc vendit Basilio fundum, cujus proventus annui ad 150. florenos excurrunt. Uxor ipsius Lucia in fundo hoc dotem suam constitutam habens consentit in alienationem hanc a marito factam. Sed Basilus metuens, ne mortuo Menandro Lucia forte sit repetitura fundum, ab ea juramentum exigit, quo Deum testem invocat sui consensus, præfatumque fundum nunquam posthac revocaturam se promittit. Moritur Menander, & Lucia ab Advocato rerum forensium peritissimo docetur, ipsam juramento suo non teneri. Potestne ergo Lucia citra perjurium agere ad restitutionem fundi?

g. Regula est indubitatissima, juramentum obligare, dum non est contra iustitiam aut contra conscientiam. Jam vero juramentum Lucie nec adversatur iustitiæ nec conscientie; cum cuivis liberum sit consentire in alienationem rei legitimo Domino possessæ. Lucia ergo absque perjurio non potest repetere fundum in foro interno, etsi id fors possit  
in

in foro externo. Ita statuit Innocentius III. Cap. *Cum contingat*. 28. Lib. 2. Tit. 24. *Pontas*.

CASUS X. Andronicus ex præcipitantia in loquendo falso jurat. Estne perjuri & peccati mortalis reus?

R. Si advertit, se jurare contra veritatem, comisit verum perjurium mortaliter peccaminosum. Si vero de hoc non cogitavit, & hoc juramentum non sit effectus contra-ctæ sic jurandi consuetudinis, fieri potest, ut tantum peccaverit venialiter ob defectum deliberationis. Sic S. Thomas 2. 2. q. 98. art. 3. ad 2. *Pontas*.

CASUS XI. Cyrillus juravit, nullas per aliquod tempus se elargiturum eleemosynas, nec religionem ingressurum, quod tamen aliquod abhinc diebus statuerat. Fietne perjurus, si agat contra juramentum?

R. Non tenetur servare hoc juramentum; imo melius faciet, si illud non exequatur: nemo enim juxta S. Thomam 2. 2. q. 89. art. 7. C. tenetur exequi juramentum de re mala vel alicujus boni impeditiva emissum. *Pontas*.

CASUS XII. Gregorius volens redimere injustam vexam, aut extricare se ex processu judiciali, vel evitare mortem sibi a Balduino jam destinatam, triginta eidem offert dupliones, ac Deum servandi promissi testem implorat. Tenetur stare suo promisso, aut petere absolutionem ac dispensationem a Superiore ecclesiastico?

R. Tenetur vel stare promisso vel petere dispensationem; licet ex metu gravi promiserit ac juraverit. Si metus iste non ex toto ipsi abstulit tempus deliberandi secum, pecialem contraxit obligationem respectu Dei, quem promissi testem esse voluit; & hæc obligatio ipsum ligat in foro conscientie. Debet ergo potius ferre damnum aliquod temporale, quam jurato a se factæ promissioni deesse. Nec paritas cum voto, quæ hic oblici posset, quidpiam facit ad rem præsentem; cum magnum inter utrumque discrimen obversetur: votum enim ex gravi metu emissum non est verum votum; juramentum vero eodem metu extortum semper manet juramentum. *Pontas*.

NOTA. Ex his inferri potest, quod is, qui latroni præsentem mortem minitanti jurato promittit summam pecuniæ pro conservanda vita ac incolumitate, teneatur promissum adimplere. Idem dicendum de captivo, qui ex captivitate dimissus præstito juramento, quod ad nutum velit se sistere, perjurus foret, si se non sisteret. Ipsi pagani inviolabiliter servandam semper existimabant fidem juramenti; quod probat S. Augustinus exemplo Attilii Reguli consulis Romani, quem in Africa captum Carthagenenses cum legatis suis Romam miserunt ad conciliandam cum Romanis pacem.

Hic

Hic, etsi conditionibus pacis a Romano Senatu rejectis facile persuadere sibi posset, morte crudelissima se periturum. Carthaginem tamen rediit, ne juramenti fidem violaret. C. A. Id tamen secure affirmari potest, omnia promissa, etiam jurata, metu extorta tunc solum jure naturæ esse invalida aut dissolubilia, quando extorquenti certo ac evidenter constat de injustitia extorsionis.

**CASUS XIII.** Laurentius, ut ab injusta persecutione, quam ab anno jam & ultra a Luciano patiebatur, sese eximeret, cum juramento eidem promissit quinquaginta florenos; jurando autem habuit actualem intentionem postea petendi dispensationem ac absolutionem a juramento. Estne habendus pro perjuro?

R. Cum juramenti hujus impletio illicita sit ex parte Luciani, Laurentius videtur jurare potuisse cum hac intentione absque periculo perjurii. Ratio est; quia nihil fecit, quod præcise repugnaret juramento; cum ad evitandum perjurium sufficiat habere intentionem faciendi id, ad quod per juramentum quis se obligat; noverat autem Laurentius, omnem juramenti obligationem cessare, quamprimum intentam dispensationem obtinuerit. Potuit ergo jurare cum intentione petendi dispensationem sui juramenti: imo etiam si jurasset, se non petiturum dispensationem, eam tamen petere posset; cum ejusmodi juramentum adversetur justitiæ publicæ. Ita docent S. Thomas 2. 2. q. 89. art. 7. ad 3. & Innocentius IV. in suo Commentario in Decretales. Si tamen res juramento firmanda est licita tam ex parte jurantis quam recipientis juramentum, certum est, in hoc casu absque perjurio non posse fieri juramentum cum intentione petendi dispensationem, sed jurantem compellendum esse ad executionem juramenti; cum nulla prorsus subsistat ratio, ex qua dispensari possit. Pontas. Vide *Juramentum*. cas. 10.

NOTA. Cum hoc juramentum Laurentii sit omnino ultroneum, nullaque vi directe vel indirecte extortum, videtur sane illicitum. Ecclesia tantum solvit aut commutat juramenta dubii valoris, vel pro ratione circumstantiarum dubiæ obligationis.

**CASUS XIV.** Sostrates famulus domesticus ejusdam Nobilis fidem suam juramento confirmatam obstrinxit Hero suo, sustes se iniecturum cuidam rustico: mutata autem voluntate ab hac sustigatione abstinuit. Putasne, pejeravit?

R. Non potuit Sostrates juramento se obligare ad faciendam hanc rem utpote injustam, quin aliquo modo perjurii se reum constitueret: non tamen perjurium commisit.

sit ex eo præcise, quod juramentum executus non fuerit; imo peccasset illud exequendo. *Ille qui jurat, se futurum aliquid illicitum*, inquit S. Thomas 2. 2. q. 98. art. 2. ad 1. *jurando incurrit perjurium propter defectum justitiæ. Sed si non impleat, quod juravit, in hoc perjurium non incurrit; quia hoc non erat tale quid, quod sub juramento cadere posset.* Pontas.

NOTA. Qui jurat rem justitiæ vel bonis moribus repugnantem, aut quomodocumque illicitam vel inhonestam, non indiget dispensatione ad hoc, ut ab obligatione juramenti se liberet, sed solum absolutione a peccato, quod sic jurando commisit. C. A.

CASUS XV. Petilianus absque chirographo mutuos dedit Tristano 250. florenos. Post anni lapsum commodatam summam repetit. Respondet Tristanus, posse ipsum pace sua adire judicem, se certe paratum ad præstandum juramentum, quod nihil prorsus ipsi debeat. Petilianus sciens, virum hunc jam bis in aliis occasionibus pejerasse, timensque, ne & hac vice sit pejeraturus, potestne absque peccato ab ipso juramentum exigere, cum aliud non supersit medium solutionem extorquendi?

R. Non videtur, quod Petilianus tuta conscientia possit a Tristano in judicio juramentum exigere: præceptum enim diligendi Deum nos obligat, ut nunquam cooperemur ad offensam Dei. *Ille, qui hominem provocavit ad jurationem, & scit, eum falsum esse juraturum, vincit homicidam*, inquit S. Augustinus Can. *Ille*. 5. caus. 22. q. 5. *quia homicida corpus occisurus est, ille animam, imo duas animas, & ejus, quem jurare provocavit. & suam.* Observandum tamen cum S. Thoma in 3. sent. dist. 39. q. 1. art. 5. quaestione. 2. ad 2. quod si iudex actualiter pro tribunali sedens ex officio juramentum exigat juxta consuetum juris ordinem, non habeat actor potestatem remittendi juramentum reo, sed e contrario possit illud recipere ac in rem suam convertere; quia pertinet ad bonum publicum, ut ordo juris observetur. Pontas.

NOTA. Cum Petiliano prudens adhuc ac probabilis spes superesse possit de veridico juramento. Tristani, idque conformiter ad legem charitatis Christianæ, vi cujus non semper judicandus malus, qui bis fuerat malus, & minatus est, & tertio se fore malum, videtur licite Tristano imponi juramentum.

Vide *Juramentum*,

PER.

## PERMUTATIO BENEFICIORUM.

1. *Permutatio Beneficiorum est ultro citroque Beneficii unius ad aliud mutua præstatio interveniente, ut supponitur, legitimi Superioris autoritate. Fuit inventa permutatio, ut quoddam quasi commercium exerceri possit circa Beneficia absque omni simonia, contra antiquas Ecclesiæ leges, quæ d. stricte prohibebant Clericis, ne ecclesias, ad quas erant, ordinati, sive per translationem sive per permutationem unquam dimitterent. Omnino visum est, inquit Patres primi Concilii generalis Nicæni can. 15. ut consuetudo, quæ præter Canones in non nullis partibus invenitur, tollatur; ut a civitate in civitatem nec Episcopus, nec Presbyter, nec Diaconus transeat.* Concilium Sard. cense habitum anno 347. terminis adhuc vehementioribus cujuscunque generis translationes reprobatur, idque in odium Arianorum, qui ad augendum numerum suorum sectariorum ejusmodi commutationes plurimum affectabant.

2. Remisit sublin rigor iste, & permissæ fuerunt translationes Episcoporum, si id exigeret bonum Ecclesiæ; quod tamen in Gallia rarissime factum, & non nisi ex causis gravissimis, ut testatur Yvo Carnotensis Ep. 144.

3. Permutationes antiquitus non fuerunt toleratæ nisi hac conditione, ut causæ ac motiva permutandi fuerint cognitæ ac ut legitimæ approbatæ a Synodo provinciali. Aliquanto post penes solos Episcopos diocesanos fuit harum causarum judicium. Tandem inde ab uno sæculo, & quod excurrit, etiam Prælati Episcopis inferiores, collatores Beneficiorum, contra jus commune permutationes admittunt.

4. Vicarius Generalis non potest absque speciali commissione vel potestate sibi facta Beneficia conferre, vel permutationes admittere: collatio enim constituit partem fructuum, qui ad Vicarios Generales non pertinent; cum eorum tantum sit circa spiritualia Beneficiorum cognoscere.

5. Permutatio semper pro objecto habere debet bonum & utilitatem Ecclesiæ, non vero interesse vel commodum permutantium.

6. Fieri potest permutatio absque consensu Patroni ecclesiastici, sed non absque consensu Patroni laici; & si cum permutatione etiam reservatio pensionis concurrat, requiritur etiam autoritas Papæ.

7. Cum permutatio ad sola restringitur Beneficia, non potest Beneficium permutari cum jure Patronatus. Idem dicendum de Capellis, quæ Præstimoniam vocantur, licet in perpe-



perpetuum fundatis, quarum redditus tantum consistunt in simplici mercede honoraria pro præstitis annexis obligationibus, nec ab Episcopo in titulum Beneficii erectæ fuerint.

8. Quando permutatio ab Episcopo admissa simul continet reservationem pensivis, debet ea approbari a Papa, penes quem solum est jus ejusmodi contractus a labe simoniæ purgandi.

9. Quando Beneficia habent duos collatores, quilibet provisionem concedit illi, qui est suæ collationis; aut vero unus collatorum cedit alteri potestatem conferendi utrumque. Collator, cui permutantes exhibent procurationem suam ad effectum permutationis comprobandæ, his præcise, & non aliis, tenetur Beneficia conferre.

10. Sola inæqualitas reddituum duorum Beneficiorum, quantacumque ea sit, horum permutationem nec nullam reddit, nec annullandam.

11. Si unus conpermutantium ob evictionem non possit adire Beneficium, quod cum suo permutavit, pleno jure redit in pristinum suum Beneficium. Idem jus subsistit etiam respectu resignatarum, dum recusat exequi conventionem bona fide initam, vel dum non manifestavit, Beneficium permutatum esse oneratum pensione; vel denique si Beneficium est Patronatus laici, & Patronus negat suum consensum, sine quo nequit obtinere collationem.

12. Juxta rigorem Canonum, qui resignavit Beneficium suum *in extremis*, & denuo reconvalescit, non poterit redire in Beneficium absque nova provisione; id quod ubique non observatur; quia supponitur non alia intentione resignasse nisi recuperandi Beneficium suum emergente casu reconvalescentiæ.

13. Permutantibus provisum in Curia conceduntur sex menses pro capienda possessione; aliis non nisi nullus permittitur. Et si contingat, ut unus conpermutantium moriatur ante aditam possessionem, Beneficium censetur vacare *per mortem*. Ante admissam in Curia permutationem quilibet permutantium potest revocare conventionem. Neque locum amplius habet permutatio, si ea necdum perfecta alteruter permutantium moriatur.

14. Beneficiatus, contra quem a Magistratu vel iudice fuit decreta comprehensio corporalis, potest quidem resignare, non tamen permutare suum Beneficium.

**CASUS I.** Philippus & Jacobus Capellani sponte ac libere per simplicem actum coram Notario permutarunt Beneficia sua absque omni alia formalitate, nec ullam sibi pensionem reservarunt. Estne legitima hæc permutatio?

¶ 3. Permutatio hæc, utpote facta sola ac privata ipsorum autoritate juxta S. Thomam 2. 2. q. 100. art. 1. ad 5. nec est canonica, nec valida, sed simoniaca, simonia juris positivi ecclesiastici. Peccarunt ambo contra canones permutationem sic fieri prohibentis. *Universis personis tui episcopatus sub distractione prohibeas*, scribebat Papa Alexander III. ad Episcopum Tornacensem Cap. *Admonet.* 4. Lib. 1. Tit. 9. *ne ecclesias tuas diocesis ad ordinationem tuam pertinentes absque assensu tuo intrare audeant, aut detinere, aut te dimittere inconsulto. Quod si quis contra prohibitionem tuam venire præsumperit, in eum canonicam exerceas ultionem. Pontas.*

**CASUS II.** Petrus & Paulus permutant Beneficia sua curata in manibus Episcopi sui diocesani: sed Petrus hac tantum conditione consentit, daturum se Beneficium suum Paulo: ut etiam reciprocè accipiat Beneficium Pauli. Estne valida hæc permutatio, non obstante, quod pactum intercesserit?

¶ 3. Si Episcopus est collator utriusque hujus parochiæ, simulque hæc permutatio ipsi videtur cessura in utilitatem Ecclesiæ, & majus bonum fidelium, potest eandem absque omni difficultate admittere: dum enim pactum inter duos conpermutantes initum non sit nisi ex beneplacito Episcopi, non potest permutationem reddere vitiosam; quia in hoc casu permutatio non fit præcise vi pacti, sed vi autoritatis episcopalis. Ita docent S. Antoninus 3. part. Summ. Theol. Tit. 15. c. 2. & S. Thomas in 4. dist. 25. q. 3. art. 3. ad 8. *Pontas.*

**CASUS III.** Rupertus titulus ad quamdam capellam & Leander titularis ad aliam capellam permutarunt in manibus Abbatis, qui erat collator. Estne canonica hæc permutatio?

¶ 3. Spectato jure communi non habent quidem collatores Episcopis inferiores potestatem admittendi permutationes: ubi tamen viget communis consuetudo contraria, & ubi Prælati collatores jurisdictionem quasi episcopalem exercentes hoc jus per legitimam præscriptionem acquisierunt, absque dubio legitima ac canonica censetur ejusmodi permutatio, supposito quo aliæ requisitæ formalitates observatæ fuerint. *Pontas.*

**CASUS IV.** Guillelmus parochus permutavit in manibus Episcopi diocesani parochiam suam cum capella simplici, quam possidebat Sylvester. Verum Episcopus, cui Sylvester incapax videbatur ad curam animarum, noluit admittere hanc permutationem. Possuntne duo hi conpermutantes relicto foro sui Ordinarii agere causam suam apud Metropolitanum?

*g.* Cum penes jurisdictionem pure voluntariam Ordinarius sit admittere permutationem aut repudiare, prout nempe magis vel minus vertere in utilitatem Ecclesiæ judicaverit & indignitas ac incapacitas Sylvestri fuerit motivum eam non admittendi, nullus recursus ad Metropolitanum potest esse locus. Si tamen Sylvester vere ac notorie esset habilis ad dignæ obeundas functiones parochiales, appellatio a repudiante Episcopo ad Metropolitanum admitti posset. *Pontas.*

**CASUS V.** Macarius parochus permutavit parochiam suam cum simplici Prioratu Antonii. Permutatio fuit admissa & approbata in Curia: verum Antonius ante adeptam possessionem parochiæ moritur, & Macarius a nemine extra possessionem parochiæ positus eandem retinet, simulque in possessionem Prioratus sese immittit. Potestne frui duplici hoc emolumento per Antonii obitum sibi oblato?

*g.* Non potest Macarius retinere suam parochiam, utpote vere vacantem: non enim acquisivit Prioratum Antonii, nisi sub conditione, ut suam defereret parochiam; quæ conditio est essentialis factæ permutationi, & ab eadem inseparabilis. *Pontas.*

**CASUS VI.** Corentinus canonicus præbendam suam permutare cogitat cum Prioratu Pamphili, quem sibi utiliorem ac commodiorem existimat. Declarat Pamphilus, sibi valetudinis conservandæ causa animum non esse residendi in loco præbendæ. Potestne Corentinus hanc inire permutationem, relinquendo conscientiam Pamphili, an velit residere vel non?

*g.* Non potest Corentinus in hoc casu tuta conscientia permutare præbendam suam; quia cooperaretur ad peccatum Pamphili, qui obligatur ad residentiam, & abuteretur potestate Beneficiali concessa ad permutanda tunc solum Beneficia, dum id ad majus bonum Ecclesiæ vergere videtur. Quod si jam facta fuisset permutatio, tenetur Corentinus eam revocare, si adhuc tempus supereretur id exequendi. Idem dicendum de resignante, collatore ac patrono: nam primus non potest in conscientia resignare, nec se-

cundus conferre Beneficium , nec tertius præsentare in favorem illius , qui statuit non residere in Beneficio residentiam exigente. *Pontas.*

CASUS VII. Crispinus obtinuit canonicatum per simoniam ; sed altero mox die facti poenitentia ductus eundem octiduo post Irenæo permutavit pro capellania simplici , simulque misit Romam pro obtinenda rehabilitatione ac absolutione a censuris , quas incurrerat. Estne valida hæc permutatio ?

R. Est penitus nulla : nam titulus Crispini est nullus ; cum canonicatum obtinuerit simoniacè. Ad hæc omnis excommunicatus est inhabilis ad possidendum quodcumque Beneficium. Nec Roma in simili casu unquam concedit gratiam rehabilitationis , nisi postquam supplicans simoniæ reus pure ac simpliciter in manus Pontificis Beneficio per simoniam aquisito sese abdicavit. *Pontas.*

CASUS VIII. Titius parochus ad S. Blasium , Mævius parochus ad S. Genesium , & Sempronius Prior ad S. Salvatorem sunt tres conpermutantes. Titio nullatenus arridet Prioratus S. Salvatoris , bene vero parochia S. Genesii , Mævio displicet parochia S. Blasii , placet vero Prioratus : Sempronius respuit parochiam S. Genesii , affectat autem illam S. Blasii. Initio inter se tractatu conveniunt , ut Titius habeat parochiam S. Genesii , Mævius Prioratum S. Salvatoris , Sempronius vero parochiam S. Blasii. Procurator expeditionarius in Curia desuper præsentavit tres diversas supplicationes ; primam nomine Titii petentis parochiam S. Genesii vacantem per abdicationem Mævii ; secundam nomine Mævii exoptantis Prioratum S. Salvatoris vacantem per abdicationem Sempronii ; & tertiam nomine Sempronii postulantis parochiam S. Blasii vacantem per cessionem Titii : ex quo satis apparet , quod Papa non habuerit sufficientem notitiam de conventionem inter conpermutantes inita. Quid censendum de hac permutatione ?

R. Cum omnis conventio in materia Beneficiorum a Pontifice non approbata sit illicita , ut Gregorius IX. declaravit Cap. *Pactiones* 8. Lib. 1. Tit. 35. certum est , hunc tractatum esse simoniacum simonia juris positivi ecclesiastici ; quia Pontifici non fuit expositus , & consequenter nec necessaria dispensatio fuit obtenta ; & hinc etiam ipsa hæc permutatio est nulla. *Pontas.*

CASUS IX. Cæsarius filio suo Beneficium comparare cogitat , quod actu possidet Zacharias amicus ejus ; hinc convenit cum eo , ut illud permutet cum capella , quam  
cum

cum consensu Episcopi pro filio suo ocys fundaturus est. Consentit Zacharias, fundatio perficitur, & filius adit possessionem capellæ animo eam postea permutandi cum Beneficio Zachariæ. Estne licita hæc conventio?

ꝑ. Tantum abest ut sit licita, ut etiam contraria canonibus sit & simoniaca. Filius non potest accipere hanc capellam cum proposito faciendæ postmodum permutationis. *Passiones factæ a vobis*, dicitur Cap. *Passiones*. 3. Lib. 1. Tit. 35. *pro quibusdam spiritualibus obtinendis, cum in hujusmodi omnis passio omnisque debeat conventio omnino cessare, nullius penitus sint momenti.* Fromageau.

CASUS X. Habentne Episcopi jns recipiendi & admittendi permutationes inscils Patronis?

ꝑ. Beneficii permutatio nil aliud est, quam resignatio facta alteri causa permutationis, ea scilicet conditio, ut Beneficium permutatum certæ cuidam personæ conferatur, quam ob rem non potest Episcopus ejusmodi Beneficium pro suo arbitrio conferre, cuius placuerit. Et cum hac limitatione possunt Episcopi permutationes recipere ac admittere; & quidem inscio Patrono ecclesiastico, non vero sine consensu Patroni laici. *Fromageau.*

NOVA. In Germania permutationes Beneficiorum non admittuntur ab Episcopis sine consensu Patronorum etiam ecclesiasticorum.

CASUS XI. Titius permutationem parochiæ suæ meditatatur cum parochia Sempronii; cum autem hac parochia minores proferat redditus ac illa, consulit Titius Sempronio, ut emat prædium, illudque suæ parochiæ adiciat, & sic redditus utriusque parochiæ ad æqualitatem adducantur. Emitur prædium, unitur tenuiori parochiæ, & fit permutatio, nulla tamen Episcopo facta mentione de hoc prædio. Estne canonica hæc permutio?

ꝑ. Ambo committunt simoniam, nisi intervenerit auctoritas Ecclesiæ, quæ sola spirituales ac ecclesiasticum potest reddere fundum, qui Beneficio adicitur. *Fromageau.*

CASUS XII. Lucius Clericus, Canonicus & simul custos in ecclesia cathedrali, duo hæc Beneficia transferre cogitat in quemdam Abbatem, qui promittit, constituturum se ipsi æquivalentem pensionem in Abbacia sua. Potestne id fieri?

ꝑ. Cum pensio consideretur ut res mere temporalis, absque manifesta simonia nunquam Beneficium potest permutari cum pensione. Dein omnis pæctio in Beneficiorum nego-

tio est simoniaca juxta Cap. *Quæsitum*. 5. Lib. 3. Tit. 19. Generaliter itaque teneas, quod commutationes Præbendarum de jure fieri non possunt, præsertim pactione præmissa, quæ circa spiritualia vel connexa spiritualibus labem semper continet simoniæ. Denique nullum Lucius habet jus nec ullum titulum canonicum percipiendi pensionem ex Abbazia, ad quam nunquam deservit. Translatio igitur aut permutatio hæc absolute fieri non potest, nisi Papa per dispensationem a vitio simoniæ eam purget. *Fromageau*.

CASUS XIII. Nicanor Canonicatum in Collegiata, & Beneficium possidens in alia ecclesia, dimisso jam canonicatu, ex quo pensionem sibi reservavit centum florenorum, permutare cogitat alterum Beneficium cum Capella ejusdem ecclesiæ, in qua pensionem possidet. Indigetne dispensatione Pontificia, ita ut in supplicatione ad Papam necessario exprimendum sit, quod in eadem ecclesia jam pensionem possideat?

3. Non quidem stricto jure tenetur exprimere pensionem; quia pensio nec titulus est, nec Beneficium, sed solum in necessarium vitæ subsidium conceditur: tutius tamen erit tum in conscientia tum ad præcavendas lites, si dispensationem a Pontifice obtineat. *Verumtamen*, inquit Cabassutius L. 2. c. 26. n. 3. *ad cautius agendum, & ad evitandos omnes litium anfractus consultius erit ad impetrationem apostolici pro Beneficio rescripti, non solum Beneficia, quæ quis possidet, sed etiam pensiones super Beneficiis recensere. Fromageau*.

CASUS XIV. Petrus habet Beneficium oneratum officio in choro, & exigens residentiam, & Paulus possidet parochiam. Ambo hi permutare volunt, si Episcopus annuerit, a quo utrumque dependet Beneficium. Sed proposita ac insinuata permutatione declarat Paulus, nolle se retinere Beneficium Petri, sed mox sibi aliud Beneficium simplex comparaturum. Potesitne hanc permutationem tuto conscientia inire Petrus, cui probe constat de intentione Pauli?

3. Ecclesia averfatur omnem negotiationem circa Beneficia ecclesiastica, & expressissime vult, ut ministri ad Beneficia delecti serium habeant animum in iis deservendi. Cum ergo Petrus sciat, Paulo non esse animum Beneficium permutatum retinendi, sed mox eo dimisso commodius sibi procurandi, non potest salva conscientia permutationem cum eo inire. *De Lamet*.

CASUS XV. Joannes habet Prioratum simplicem non consistorialem; Petrus vero Canonicatum, cujus fructus grossi

grossi viginti quinque aut triginta florenis constant. Joannes ex rationibus vere canonicis vult cum Petro permutationem inire, & ex Prioratu, qui Canonicatu multo pinguior est, sibi pensionem reservare. Potestne id fieri? ;

3. Potest sibi Joannes pensionem reservare ex Prioratu eam autem in Curia Romana constitui necesse est, & exprimi in supplicatione, quod ea petatur causa permutationis, ut quidquid in hac conventionione Joannem inter & Petrum de jure vitiosum est, a Pontifice sanari possit: potestque hæc pensio extendi ad dimidium usque reddituum Prioratus; quia redditus Præbendæ canonicalis nimis tenuis, Prioratus autem multo ampliores sunt. *Fromageau*

CASUS XVI. 1. Potestne Petrus salva conscientia permutare Beneficium suum cum Beneficio Pauli eo solum animo, ut illud uniatur Seminario, cui peropportunum ac commodum accideret? 2. Potestne Paulus in conscientia accipere pensionem, ut ad æqualitatem cum suo reducat Beneficium Petri? 3. Potestne Petrus tuta conscientia Paulo reddere trecentos circiter florenos, quos hic in necessarias Beneficii reparationes expendit? 4. Potestne Petrus Paulo se obligare ad solvendam pensionem ab omnibus oneribus, ordinariis & extraordinariis liberam? 5. Potestne Petrus Paulum immunem servare ab omnibus impensis in expeditionem, insinuationem, capiendam possessionem &c. faciendis, si permutatio eveniat? 6. Estne necessario recurrendum ad Papam, ut Beneficium regulare uniri possit Seminario? 7. Potestne Paulus resignans Petro salva conscientia in se suscipere omnes sumptus pro provisionibus in Curia faciendos ad hoc, ut regulare Beneficium in Commendam perpetuam mutetur?

3. *Ad 1.* Per canones non licet acceptare Beneficium absque intentione illud retinendi; & hinc Petrus non potest absque peccato inire permutationem eo animo, ut Beneficium obtinendum uniat ac incorporet Seminario, *Ad 2.* Si Beneficium Pauli notabiliter redditibus superat Beneficium Petri, & insuper ad honestam sui sustentationem pensione indigeat, proportionem sibi reservare potest, in Curia tamen Romana constituendam. *Ad 3.* Simoniacum absque dubio foret, si Petrus cum Paulo conveniret de iis reddendis, quæ in necessarias Beneficii reparationes fuerunt expensa. *Ad 4.* Non tenetur Petrus vi permutationis Paulo pensionem ab omnibus impositis imponendisque taxationibus liberam tradere; & hæc conventio, sicut omnis alia, quæcumque in permutationis contractu iniretur, nulla foret ac

simoniaca. *Ad 5.* Idem respondendum est, *Ad 6.* Ad unionem Beneficii etiam regularis non opus est autoritate Pontificia: hæc enim potestas concessa est Episcopis a Tridentino Sess. 23. de reform. c. 18. ubi indiscriminatim loquitur, & mandat, ut *Beneficia aliquot simplicia, cuiuscumque qualitatis & dignitatis fuerint, etiamsi sint Beneficia affecta vel reservata, cum Seminariis vel erigendis vel dotandis uni-antur.* *Ad 7.* Potest quidem Paulus omnes sumptus præstare circa provisiones Romanas faciendos, citra conventionem tamen: si enim interveniret conventio, sine qua Petrus non consentiret in permutationem, illa foret contra leges ecclesiasticas, & annullaret permutationem. Ex his omnibus eruitur, permutationem de qua agitur, in Curia Romana instituendam esse, ut, si quid in ea vitiosum, & a sacris canonibus alienum fuerit, Pontificis autoritate corrigi aut sanari possit. *Fromageau,*

Vide *Beneficiatus. Beneficium. Canonicus. Collatio Beneficii. Collator. Patronus. Pensio ecclesiastica* cal. 1. *Provisio. Resignatio. Simonia.*

## PERSECUTIO.

Vide *Residentia Episcoporum* cal. 1. *Residentia Parochorum* cal. 4.

## PESTIS.

Vide *Absolutio* cal. 12. *Communio Sacramentalis* cal. 12.

## PIGNUS.

1. *Pignus* in genere dicitur omnis res pro debito creditore obligata. In specie autem est contractus, quo res mobilis traditur creditori in *affecurationem debiti*. Cum pignus sit quædam species depositi, creditor eo uti non potest sine consensu oppignorantis, teneturque debito persoluto illud restituere in eodem statu, quo fuit traditum.

2. Tribus modis peccari potest in contractu pignoratitio  
1. dum pignori datur res fructificans, & commoda ac fructus percepti a creditore non computantur in partem sortis.  
2. Si in pignus datur res, quæ oppignorari non potest, ut calix consecratus; excepto tamen casu urgentis necessitatis, scilicet si *debitum urget*. 3. Si interveniat stipulatio  
prohi-



prohibita & a legibus reprobata , v. g. si pignus accipiatur hac conditione , ut , si debitum constituto die non solvatur , pignus integrum maneat creditori , quia de debito quidquam remittere teneatur debitori ; aut ut debitori pignus soluto debito reposcenti creditor non teneatur reddere.

3. Casu quarto agetur de pignore titulo antichresis accepto , diciturque , quid ejusmodi creditori permissum aut prohibitum sit.

CASUS I. Flaminius oppignoravit Framburgo equum in affecurationem debiti 50. florenorum mutuo acceptorum ; & Framburgus sæpius utitur equo sine consensu debitoris. Num licite ?

¶. Framburgus absque peccato injustitiæ non potest equo uti sine consensu Flaminii. *Si pignore creditor utatur , inquit lex , furti tenetur.* Si tamen eo utatur in utilitatem ipsius debitoris , ut scilicet equus quandoque exercitatus suam servet agilitatem , ejusdem consensus præsumitur. *Pontas.*

CASUS II. Desiderius pignoris loco dedit Genucio pro 250. florenis mutuis quatuor adamantes , quorum quilibet valet 250. florenis. Elapso trimestri Desiderius solvit 225. florenos , repetitque tres adamantes , eoquod eos vendendi opportunam nactus fuerit occasionem tam facile fors non reddituram , addito promisso , se residuos 25. florenos intra octiduum soluturum. Teneturne Genucius tres adamantes restituere ?

¶. Quamvis reprehendi mereatur Genucii durities pro tantilla summa 250. florenorum exigentis pignus constans 1000. florenis ; cum tamen contractus , de ejus conditionibus ultro citroque conventum est , absque injustitia in omni suo rigore possit executioni dari , & Desiderius pure ac simpliciter quatuor adamantes usque ad integram solutionem oppignoratos voluerit , Genucius secundum rigorem justitiæ non tenetur eos reddere ante expunctionem totius debiti. *Qui pignori plures res accepit , inquit lex , non cogitur unam rem liberare nisi accepto universo quantum debetur.* Verum ex lege charitatis tenetur Genucius necessitati Desiderii prospicere nulla habita ratione rigoris justitiæ ; & hoc Genucio ob oculos ponendum est. *Pontas.*

CASUS III. Delphius oppignoravit Francisco pro 100. florenis mutuo datis horologium valoris triginta aureorum ea conditione , ut si primo die Julii non solverit debitum , pignus sit creditoris. Delphius , cum fixo die non posset , solvit post octiduum , & repetit pignus ; Franciscus autem recepta pecunia recusat reddere horologium. An juste ?

3. Cum hæc conventio repugnet juri naturali, Franciscus in conscientia tenetur reddere pignus; si tamen ex tam modica dilatione solutionis passus fuisset damnum, id teneretur compensare Delphius. Ejusmodi conventiones, quæ in jure vocantur *legis commissoria*, jus Canonicum æque ac Romanum reprobant, ut ex lege quadam Constantini Imperatoris, & ex Decretali Innocentii III. constat. *Pontas.*

CASUS IV. Leander pro summa mutua 5000. florenorum Dominico non solum oppignoravit domum tanquam hypothecam, sed etiam illum misit in possessionem domus titulo antichreseos usque ad integram solutionem debiti. Post quatuor menses domus fulmine tacta incendio perit. Cuinam ferendum damnum?

4. Pactum antichreseos est oppignoratio fundi, in ejus possessionem debitor mittit suum creditorem pignoris loco, hac conditione, ut creditor gaudeat fructibus, quoad adæquant censum legitimum præstandum a debitore, residui vero fructus excedentes censum a creditore restituendi sunt debitori, qui semper manet dominus rei oppignoratae, & consequenter & fructuum ex ea provenientium ac meliorationum fortuitarum. In posito casu domus periit Leandro, & Dominicus habet jus repetendi summam sibi debitam ex cæteris Leandri bonis. Verum si Dominicus fuisset causa incendiï, aliud dicendum foret. *Pontas.*

CASUS V. Joannes mutuo dedit quingentos aureos Titio, & matrimonio sibi jungit Sejam ejusdem filiam. Verum cum nec mutuo datam pecuniam, nec assignatam filia dotem obtinere posset, pignoris loco a Titio reciebat domum, redditusque ex ea & mutuo & doti correspondentes sibi attribuit. Num juste?

5. Potest percipere redditus doti correspondentes; quia maritus non tenetur solus portare sumptus ad sustentationem uxoris, conservationem rei domesticæ, aliaque matrimonii onera necessarios. Verum pro pecunia mutuo data nihil potest recipere; quia juxta communioem Theologorum ac Canonistarum doctrinam omnis contractus creditorem inter ac debitorem usurarius est, vi cujus creditor percipit fructus ex pignore a debitore accepto provenientes, usque dum integra solutio præstetur; nisi ex dilatione solutionis interveniat damnum emergens aut lucrum cessans. C. B.

CASUS VI. Titius agrum sterilem a Cajo debitore pignori datum excolit, & quosdam exinde fructus percipit. An juste?

g. Titius non potest licite retinere hos fructus : licet enim eos considerare possit ut fructus laboris sui in excolendo agro impendi , certum tamen est , eos pertinere ad Cajum , qui fundum in pignus dedit ; quia fructus ex fundo provenientes jure naturali pertinent ad legitimum dominum fundi. Hinc , nisi Titius sciat aut rationabiliter præsumere possit , Cajum hos fructus ultro ac libere cedere ; deductis expensis vel debitori restituendi , vel in partem solutionis computandi sunt. C. B.

Vide *Hypotheca. Usura* cas. 23. 24. 25.

## POENITENTIARIUS.

x. *Pœnitentiarius* hodie dicitur presbyter ille , quia in ecclesia cathedrali ab Episcopo constitutus absolvit a quibusdam peccatis , quos vel ipse Episcopus , vel ipsius antecessores sibi reservarunt ; quo munere primi Episcopi olim ipsimetungebantur ; postea autem venerandum hoc officium cuidam sacerdoti demandarunt , qui erat quasi Vicarius generalis , quem antiqua Concilia Chorepiscopum dicebant , ut loquitur Concilium Ancyranum : *Vicarii Episcoporum* , quos *Græci Chorepiscopos* dicunt.

2. Sacerdos iste solus tunc sustinebat onus , quod nunc in plures dispersitum cernimus : erat quippe simul Vicarius generalis , Officialis , Pœnitentiarius & Scholasticus ; quia solus varia hæc officia exercebat , administrando scilicet fidelibus baptismum & alia Sacramenta , celebrando missas solemnes , concionando , confessiones excipiendo , reconciliando pœnitentes , componendo dissidia inter Clericos , & frequenter etiam inter Laicos : & hæc quidem munia maxime tunc exercebat , cum Episcopus esset absens , aut infirmitate vel aliis gravibus negotiis distentus. Sacerdotes isti plerumque succedebant Episcopis , a quibus ad sacrum hoc ministerium instituti fuerant.

3. Crescente in Ecclesia sacerdotum numero Episcopi functiones hæc in plures personas parti cœperunt , & in ecclesiis suis sacerdotes constituerunt , qui *Pœnitentarii* vocabantur , ad excipiendas confessiones eorum , qui enormia crimina perpetraverant , & ad reconciliandos cum Ecclesia eos , qui timore aut tormentorum acerbitate perterriti fidei renunciarunt ; quæ tamen gratia ipsis non fiebat , nisi præacta prius pœnitentia sive publica sive secreta , juxta constitutos scilicet ab Episcopis canones.

4. Origo Pœnitentiarum in Ecclesia occidentali refertur ad annum 1215. sub Innocentio III. Tam Pœnitentiarum quam Schoiaſtici officium fuit introductum a Papa ad ſublevandos labores Episcoporum in audiendis confeſſionibus & prædicatione verbi divini; fuitque munus Pœnitentiarum confirmatum in Concilio Tridentino Seſſ. 14. cap. 7. de Sacram. Pœnit. Dicitur: *in Ecclesia occidentali*; quia in Ecclesia orientali non habetur Pœnitentarius, liberumque cuiſvis confiteri ſacerdoti, unicuique libuerit.

5. In reſponſione ad caſum 1. dicitur, quænam ſit iuriſdictio Pœnitentiarum, & num ea ſit ordinaria vel ſolum delegata.

CASUS I. Nicoftratus Pœnitentarius præbendatus in eccleſia quadam cathedrali, cum in litigio quodam ſtaret pro cauſa Capituli contra Episcopum, ejusdem odium incurrit, & prohibetur ab eo abſolvere a caſibus reſervatis. Nicoftratus autem id prohibendi poteſtatem Episcopo haud competere ratus, omnes ad ſe accedentes & deinceps abſolvit. Num valide ac licite?

3. Ad reſolvendam hanc difficultatem prius ſciendum eſt, an Pœnitentarius habeat vel non habeat iuriſdictionem ordinariam, ipſo jure officio ſuo annexam, ac independentem ab Episcopo. Si talem habeat, non poteſt eam ipſi auferre Episcopus abſque cauſa, & prævia cauſæ hujus judiciali cognitione per proceſſum contra ipſum debitis formalitatibus inſtructum. Licet Fagnanus in Cap. *Grave. 29. de præb. & dignit.* n. 10. & 11. exiſtimet ſaltem timide, quod Pœnitentarius iuriſdictionem habeat ordinariam, cum pluribus tamen inſignibus Canoniſtis dicendum, Pœnitentiarum etiam titularem non habere iuriſdictionem ordinariam, ſed delegatam tantum quoad caſus Episcopo reſervatos, & ita ab Episcopo dependentem, ut non poſſit valide abſolvere abſque ipſius licentia nedum a peccatis reſervatis, ſed nec a non reſervatis. *Papa & Episcopus ſuos Pœnitentarios committunt*, inquit D. Thomas in 4. diſt. 17. q. 3. art. 3. quæſtione. 5. ad 3. Nicoftratus itaque nec valide nec licite poſt prohibitionem Episcopi pœniteres abſolvere poteſt a peccatis Episcopo reſervatis. *Pontas.*

CASUS II. Si memoratus Nicoftratus qua Pœnitentarius quoad caſus reſervatos non niſi delegatam poteſtatem habet, videtur conſequeri, quod aliis confeſſariis facultatem abſolvendi a reſervatis ſubdelegare non poſſit, juxta commune eſſatum juris: *Delegatus delegare non poteſt*; quod tamen conſtanter & ubique ſit. Poteritne hoc non obſtan-

te tam licite quam valide subdelegare potestatem absolvendi a reservatis, saltem si Episcopus id expresse non prohibuerit?

3. Pœnitentiarius iste & licite & valide potestatem suam absolvendi a reservatis communicare potest aliis, licet jurisdictio ipsius tantum sit delegata. Citatum juris principium intelligendum solum est juxta Navarrum Manual. c. 27. n. 45 de delegatione totali ac generali; ita ut Pœnitentiarius non possit aleri delegare potestatem Pœnitentiaril munus obeundi, quod ipsi incumbit; valeat autem huic vel illi sacerdoti committere aliquam ministeril sui partem pro exigentia circumstantiarum. *Pontas.*

CASUS III. Cyrus major Pœnitentiarius & Canonicus cathedralis plerumque vacat confessionibus excipiendis eo tempore, quo a reliquis Canonice Sacra peraguntur & Horæ canonicæ persolvuntur. Estne habendus ut præsens in ordine ad lucrandas distributiones quotidianas?

3. Concilium Tridentinum Sess. 24. de reform. cap. 8. expresse decidit, quod Pœnitentiarius sit habendus ut præsens in choro, quando actu exercet suum ministerium. S. Congregatio Concilii interpretes juxta Fagnanum in Cap. *Licet*, 32. de præbend. n. 170. insuper declaravit, eum reputandum esse ut præsentem tunc etiam, quando vocatur extra ecclesiam ad audiendas confessiones infirmorum, & quando Canonici interfunt depositioni ac exequiis defunctorum. *Pontas.*

CASUS IV. Fulbertus Pœnitentiarius etiam defuncto suo Episcopo a casibus reservatis absolvit, ut alias. Suntne validæ ipsius absolutiones?

3. Verum est, quod, si de jurisdictione *contentiosa* sermo sit, potestas delegati *vs adhuc integra* totaliter & absolute cesset per mortem delegantis; attamen in foro *gratiofo* potestas hæc semper adhuc persistit, donec a Superiore delegante vel ab ejus successore revocata fuerit. Et inde est, quod Pœnitentiaril Papæ, etiam eo mortuo, continent ministerium suum juxta Clementin. *Ne Romani*, 2. Lib. 1. Tit. 3. & alii etiam confessoril ab Episcopo approbati pergant in exercitio sui ministeril post ipsius mortem, usque dum ab Episcopo successore facultas fuerit revocata. *Pontas.*

## POENITENTIA SACRAMENTALIS.

1. Tertia pars Sacramenti Pœnitentiæ consistit in satisfactione temporali, quam Deo exhibet pœnitens ex præscripto confessorii ad expiandas pœnas temporales, quæ remanent post remissionem culpam & condonatum pœnam æternam, cui per peccatum mortale obnoxium se fecerat.

2. Pœnitentia Sacramentalis definiri potest, quod sit *obligatio peccati infligta a sacerdote ad resarciendam injuriam, quæ Deo per peccatum fuit illata*; vel cum Polmano, quod sit *voluntaria pœnæ a confessorio injunctæ tolerantia ad compensandam injuriam Deo per peccatum illatam, & ad redimendam graviores pœnam promeritam*. Dicitur voluntaria; quia acceptatio pœnitentiæ ex parte pœnitentis absolute est necessaria ad effectum Sacramenti obtinendum; sicut ad hoc ut sit sacramentalis, necesse est, ut iungatur a confessario habente potestatem ligandi atque solvendi, quod conformiter ad doctrinam Patrum docuit Concilium Tridentinum Sess. 14. de pœnit. c. 8. Additur, *ad redimendam graviores pœnam promeritam*; sicut enim peccatoris pœnitentis intentio esse debet in semet ipso ulciscendi injuriam per peccatum Deo illatam, sic etiam injunctam sibi pœnitentiam respicere debet ut medium quoddam a Deo sibi concessum, quo graviores, quam commertus est, pœnam, exigua ac leviori pœna sibi injuncta redimere valeat. Incumbit quoque pœnitenti, ut eam acceptet atque adimpleat: si enim eam peragendi animum non haberet, Sacramentum foret imperfectum, quia injuncta pœnitentia partem ejusdem constituit integram, ut loquuntur Theologi.

3. Juxta Concilium Tridentinum Sess. 14. cap. 8. quilibet confessorius strictissimam habet obligationem imponendi pœnitentibus absolvendis pœnitentiam congruam, & quantum fieri potest, proportionatam gravitati ac numero peccatorum, de quibus se accusarunt.

4. Verum equidem est, nostra hac ætate non amplius in usu esse severitatem illam Canonum pœnitentialium, qui primis Ecclesiæ sæculis, ubi fervor pœnitentium omnibus summæ ædificationi erat, exactissime observabantur; necesse tamen est, ut confessorius antiquos hos Canones memoriæ suæ impressos habeat; & licet prudentia ac discretio non permittat, ut præsentis temporis, ubi fervor pœnitentium nimium quantum refriguit, eos in praxi sequatur; ipsi

plurimum tamen conducet ad conversionem peccatorum, si ipsis quandoque ob oculos ponatur rigor hic antiquitatis, quo Ecclesia in graviora quædam peccata animadvertit. Discent exinde peccatores enormitatem peccatorum suorum, fervor contritionis ac propositi magis inflammabitur, promptiusque sese subicient levioribus pœnitentiis, quas ipsis injungendas judicabit confessorius. Et id est; quod advertit S. Carolus Borromæus Act. Eccl. Mediol. p. 4.

5. Pœnitens tenetur non tantum acceptare, sed etiam implere, quamprimum potest, impositam sibi pœnitentiam, & quidem, quantum possibile fuerit, in statu gratiæ. Qui adhuc retinet affectum ad quoddam peccatum mortale, sinceram non habet voluntatem ineundi veram cum Deo reconciliationem, ipsiusque justitiam placandi, ac consequenter nec injunctam pœnitentiam condigne & cum fructu perfolvendi.

6. Dantur confessarii cæteroquin satis docti, qui peccant contra regulas prudentiæ, passim absque distinctione personarum pœnitentias injungendo quinque vel sex diversis articulis comprehensas; unde fit, ut memoria quarundam personarum aliunde jam sat hebes nimium oneretur & obruatur, eorumque, quæ ipsis fuere injuncta, bona pars oblivioni detur. Id genus pœnitentiæ dictatoriæ sunt v. g. bis recita rosarium, ter litanias de omnibus Sanctis, quater Nominis Jesu, & quinquies de B. Virgine, per octiduum elicies actus virtutum theologicarum, semel jejunes &c. Semper cavendum, ne pœnitentiæ injunctæ pœnitentibus facile memoria excidant. Confessorius in iis injungendis attente ponderet effectum, quem producere debent, nempe ut sint vindictivæ pro præterito, & præservativæ pro futuro; nec perpetuo eadem fere pœnitentiæ quibusvis personis absque discrimine imponendæ sunt, id quod multi ex confessoribus, sed non bene, faciunt.

7. Hujusmodi indiscretæ pœnitentiæ, licet quidpiam conferant ad expiandam partem pœnæ peccato debitæ, inutiles tamen sunt ad præcavendum relapsum; imo animabus segnioribus ac tepidis occasio potius sunt perseverandi in habitu peccandi, cum videant, se levi negotio semper consecuturas absolutionem ab iisdem peccatis, & quidem injunctis levissimis pœnitentiis.

8. Quod autem adhuc pejus, magisque averfandum est, imponuntur ejusmodi levissimæ pœnitentiæ etiam iis, qui se de peccato mortali accusant: si enim verum est, prout verissimum est, quod confessorius absolvens pœnitentem

tem a peccatis suis personam judicis sustineat, revera assimilatur judici illi iniquo, qui ex malitia vel inscitia propria autoritate remittit debitori maximam partem summæ creditori suo debitæ; talis quippe confessarius tanquam dispensator gratiæ, non dominus, eodem modo condonat peccatori potissimam partem pœnæ, quæ divinæ justitiæ exsolvenda foret.

CASUS I. Philometor confessus est paschali tempore; parochus pro pœnitentia ipsi imposuit jejunium quatrduanum. Peccavitne mortaliter pœnitens non adimplendo hanc pœnitentiam?

ꝰ. Talis omissio, si est voluntaria, & rationabili causa destituta, est mortaliter peccaminosa; præsertim quando pœnitentia est notabilis, sicut in casu proposito, fuitque injuncta pro peccatis mortalibus. Quin imo censeo, fore peccatum mortale, si fuisset injuncta pro venialibus, attamen talibus, quæ ex sua natura valde disponunt ad peccatum mortale, vel probabendi in mortalia periculo exponunt. Similiter omissio esset mortalis, licet pro minimis etiam venialibus fuisset imposita pœnitentia, si simul accederet contemptus voluntarius & formalis. Interim tamen putamus, omissionem pœnitentiæ pro venialibus, quæ non disponunt ad mortale, nec exponunt periculo peccati mortalis, non esse mortalem, licet sit peccatum satis grave. Diximus autem, *quando omissio est voluntaria, & rationabili causa destituta*: secus enim foret peccatum tantum veniale; imo in certis casibus posset excusari ab omni prorsus peccato, veluti si pœnitens absque ulla sua negligentia ex mera oblivione totam pœnitentiam omisisset, vel fuisset in impossibilitate physica aut morali eandem adimplendi. Observandum hic, quod confessarius, si deprehendat, pœnitentem ex supina pigritia omisisse pœnitentiam pro peccatis impositam, debeat, regulariter loquendo, ipsum dimittere non audita peccatorum illius confessione, atque de novo præcipere pœnitentiæ executionem, saltem ex parte, si possibile fuerit, qua expleta, nec prius, integrum ipsi sit reverti ad confessionem. Rationem Cabassutius Jur. can. theor. & prax. L. 3. c. 24. n. 5. allegat hanc; quia ejusmodi negligentia, maxime jam sæpius observata, evidens argumentum suppeditat, vel saltem violentam præsumptionem, quod ejusmodi pœnitens non sit dispositus ad confessionem, & insuper imponendam modo pœnitentiam eadem levitate ac facilitate neglecturus sit, qua neglexit antecedentem.

*Pentius.*



CASUS II. *Irenæus* accusavit se de quindecim vel viginti peccatis mortalibus; confessarius autem non aliam ipsi injunxit poenitentiam, quam ut per octiduum quotidie recitet quinquies *Pater & Ave*. *Irenæus* agnoscit poenitentiam hanc esse nimis levem; interrogat ergo, an teneatur in conscientia sibi met imperare graviolem, gravitati & numero suorum peccatorum magis proportionatam.

ꝑ. Satisfactio est actus justitiæ; oportet ergo, ut sit quædam proportio inter offensam, & poenitentiam injungendam. Ita sentit D. THOMAS in 4. *Sentent. dist. 15. q. 1. art. 1. q. 2. in corp.* Væ confessariis, qui indiscrete tam leves poenitentias imponunt illis qui plurium gravium peccatorum rei sunt, possentque exequi severiores. Grandia peccata grandem quoque exigunt satisfactionem, neque ignavia vel ignorantia confessarii potest circa hoc excusare poenitentem. Adeoque *Irenæus*, si vult evitare pœnas suis peccatis debitas, obligatur coram Deo supplere levitatem suæ poenitiæ per alia opera satisfactoria, aliquo modo proportionata enormitati & multitudini suorum criminum. Vide *S. Augustin. serm. 351. in fin. alias Homil. ult. inter 50. num. 10.* Confessarius injuncturus congruam poenitentiam debet attendere ad ætatem, sexum, qualitatem, facultates, vires, aliasque circumstantias poenitentis; debet considerare, poenitentiam debere esse talem, ut per eam non tantum puniantur peccata præterita, sed ut præservet etiam a relapsu. Tandem, generaliter loquendo, congrua poenitentia debet consistere in operibus, quæ sint contraria peccatis, de quibus se accusavit poenitens, ut docet *S. Carolus Borromæus 4. part. de Instrucl. Confessar. Pontas.*

CASUS III. Verano presbytero in confessione pro poenitentia fuit imperatum, ut recitet horas Canonicas. Satisfacitne huic præcepto Sacramentalis poenitiæ recitando horas cum socio, sicut revera satisfaceret quotidianum pensum Breviaril persolvendo?

ꝑ. Verum est, quod satisfiat obligationi horarum Canonicarum recitando easdem cum socio: hæc enim est praxis antiqua & universalis Ecclesiæ. Sed videtur, quod praxis hæc non possit habere locum, quando horæ Canonicæ fuerunt injunctæ pro poenitentia: tunc enim recitans gerit personam rei, qui orat pro semetipso privato nomine, & oratione sua pro seipso tantum justitiæ divinæ satisfacit, & neutiquam nomine Ecclesiæ. Et aliunde etiam minus laboraret recitando cum socio; non est autem præsumendum, quod confessarius intenderit ipsum sublevare aliqua

qua parte imperati laboris ac conatus. Adeoque Veranus horas Canonicas tenetur recitare solus. *Pontas.*

**CASUS IV.** Onuphrius presbyter audivit confessionem Nicetii accusantis se, quod non perfolverit poenitentiam in ultima confessione sibi injunctam, licet justam, competentem, & gravitati suorum peccatorum proportionatam, ac proin rogantis, ut in aliam commutetur, quam fideliter & absque dilatione executurum se spondet. Potestne Onuphrius mutare hanc Nicetii poenitentiam?

*¶.* Sacerdos hic debet meminisse, quod juxta *tridentinum sess. 14. de Reformat. cap. 5.* Sacerdos non possit in tribunali poenitentiae exercere suum judicium sine praevia cognitione causae, simulque teneatur observare aequitatem in poenitentis imponendis; oportet ergo, ut Onuphrius saltem in genere sciat peccata, propter quae poenitentia illa injuncta fuit. Debet deinde ponderare rationes, a Nicetio pro mutatione allegatas: si rationes hae fuerint justae, simulque persuasus sit confessarius, novam poenitentiam magis profuturam poenitenti, poterit injungere aliam, proportionatam tamen peccatis, propter quae prima poenitentia fuit injuncta: Ita docet S. Raymundus in Summ. L. 3. Tit. 34. §. 66. ubi ait: *Ad illud quod quaerebatur, scilicet utrum sacerdotes possint facere commutationes jejuniorum, vel alterius satisfactionis ad petitiones ipsorum poenitentium, credo breviter, quod sic, dum tamen discrete, & propter causam, & circa subditos suos, alias non.* *Pontas.*

**CASUS V.** Sedulius confessione apud suum parochum deposita, acceptavit pro poenitentia jejunium singulis feriis sextis per sex menses continuandum. Interim vero uno mense elapso ex morbo decumbit, cumque ad ipsum invisendum venisset parochus, rogat Sedulius; ut priorem poenitentiam sibi mutet in eleemosynam 20. crucigerorum hebdomadatim in pauperes erogandorum. Poteratne parochus hanc mutationem facere extra tribunal poenitentiae?

*¶.* Videtur parochum non potuisse sic procedere salvis pastoralis officii obligationibus; si enim habuisset legitimam causam in hanc mutationem consentiendi, potuisset & debuisset hoc facere audiendo de novo confessionem Sedulii; saltem haec est praxis tutior, & doctissimorum ac timoratorum confessoriorum exemplis firmata. Injungere poenitentiam, vel commutare jam injunctam est actus jurisdictionis interioris Sacramenti poenitentiae, quem sacerdos nullibi nisi in ipso tribunali poenitentiae exercere potest. *Ujus & praxis communis Ecclesiae, inquit Caballutius L. 3.*

a. 14. n. 2. *confessariis potestatem impertit, iuxta interveniente causa, satisfactionem a se vel ab alio impositam diminuendi vel commutandi; quia plerumque id expedit animarum salutis, pro quibus hoc Sacramentum fuit institutum: non tamen id fieri potest extra Sacramentum; cuius est pars debita, utpote jurisdictionis clavium, quæ non nisi in Sacramento exercetur. Pontas.*

CASUS VI. *Julia dispensata in voto simplici virginitalis vel Religionis in confessione Sacramentali fuit injunctum pro poenitentia in executionem. Brevis Apostolici, ut quotidie, quoad vixerit; recitet Officium parvum B. Virginis sub poena peccati mortalis, licet de hoc nullam Breve Pontificum mentionem fecerit. Potestne sibi apud alium confessarium procurare commutationem hujus poenitentia?*

¶. *Juxta S. Beuve tom. 3. cas. 28. Poenitentia hæc non est pura puta poenitentia Sacramentalis, sed est commutatio voti facta a confessario vi potestatis eidem qua delegato Pontificis concessæ; adeoque Julia non potest liberari ab onere hujus poenitentia nisi auctoritate Apostolica. Aliud videtur dicendum, inquit Navarrus Lib. 5. concil. 25. n. 2. de poenitentia imposita a Superiore pro absolutione a peccato reservato; Et aliud de onere imposito a Superiore per viam commutationis vel dispensationis voti. Pontas.*

CASUS VII. *Eusebio imperavit confessarius, ut in satisfactionem peccatorum per integrum annum singulis feriis sextis dicat quinquies Pater & Ave; verum Eusebius judicans poenitentiam hanc esse nimis levem, nec inveniens ulterius hunc confessarium, putavit seipsum posse immutare hanc poenitentiam. Igitur præscribit sibi et jejunia, quæ religiose observat, psalmosque poenitenciales prædictis diebus per integrum annum recitat. Estne solutus coram Deo ab onere poenitentia sibi a confessario præceptæ?*

¶. *Communitio hæc, licet facta in opera magis ardua, non liberat ipsum a poenitentia in confessione imposita: nihil quippe propria sua auctoritate potuit immutare, cum indispensabiliter teneatur implere poenitentiam sui confessarii. Nec in causa sua potest quis esse Judex, ait Glossa. Pontas.*

CASUS VIII. *Rollandus Diaconus & Beneficiatus in Festo S. Joannis Evangelistæ & circumcissionis Domini omisit recitare suum Breviarium. Ut ergo impofterum reddatur exactior, ejusque negligentia magis puniatur; debetne confessarius ipsi præcipere, ut præter officium eo die, quo*

confessus est , occurrens , duo etiam illa omiſſa officia recitet ?

ꝫ. In recitatione officii divini ſervandus eſt ordo præſcriptus , & conſuetudo Eccleſiæ , quæ jubet , ut pro diverſitate temporum & locorum diverſa quoque ſint Officia ; *Non videtur eſſe injungendum ei* , inquit S. Thomas Quodl. 3. q. 13. art. 29. *qui omiſit dicere divinum Officium , quod horas eaſdem repetat ; ſed aliquid ad divinam laudem pertinens , puta , ut dicat ſeptem psalmos , vel unum psalterium , vel aliquid amplius , ſecundum quantitatem delicti*. Adeoque a confeſſario præſata pœnitentia non eſt injungenda Rollando. *Pontas.*

CASUS IX. Æmilianus præbyter audita confeſſione Quintini , cujus vita erat depravatiffima , & nimis ſcandalofa per continuum decennium , pro pœnitentia ipſi injunxit ; ut ingrediatur ordinem religioſum ; quam pœnitentiam cum ſumma animi repugnantia acceptavit Quintinus. Potuitne confeſſarius talem injungere pœnitentiam ?

ꝫ. S. Thomas in 4. diſt. 10. in expoſit. textus obſervat , quosdam antiquos Canones mentionem facere talis pœnitentiæ , ex quo videtur auctoritatem aliquam habere. Interim tamen ſubjungit S. Doctor , Canones illos eſſe potius intelligendos de Conſilio quam de præcepto ; cumque ingreſſus Religionis debeat eſſe voluntarius , confeſſarius eundem nunquam debet injungere pœnitentibus a tali ſtatu ac pœnitentia abhorrentibus. Ex quo ſequitur , quod , cum Quintinus non niſi ſumme invitus hanc pœnitentiam acceptaverit , & ex ſola perſuaſione , quod exactam in hoc confeſſario ſuo teneatur præſtare obedientiam , Æmilianus nec debuerit nec potuerit iſtam præſcribere pœnitentiam. Quod attinet antiquos Canones a D. Thoma allegatos , ii ſolum intelligendi ſunt de pœnitentia eo tempore in foro externo quandoque impoſitis juxta diſciplinam Eccleſiæ in punitione quorundam peccatorum obſervatam , ſed haud amplius uſitatam. *Pontas.*

CASUS X. Thyriſo pro confeſſione Sacramentali in peccatorum ſuorum ſatiſfactionem fuit injunctum , ut quotidie per menſem dicat Litanias de Nomine JESU , B. Virgine , & de omnibus Sanctis ; ſed reputans ſe peccatorum maximum & indignum , qui a Deo exaudiatur , rogavit quemdam Religioſum opinione ſanctitatis celebrem , ut pro ſe ac ſuo nomine pœnitentiam hanc exequatur. Eſtne liberatus ab onere impoſitiæ ſibi pœnitentiæ per acceptationem & adimplentionem hujus Religioſi ?

3. Obligatio satisfactionis Sacramentalis est stricte personalis, sicut obligationes aliorum actuum poenitentis, uti Tridentinum docet *Sess. 24. cap. 3.* & ideo Thyrsus non est liberatus ab injuncta sibi satisfactione; & si confessarius consentiret, ut per alium ipsam expleret, teneretur injungere aliud opus satisfactorium ab ipso poenitente implendam. *Si quando ex justa causa*, ait Caballutius L. 3. c. 14. n. 3. *permittat confessarius, ut injuncta satisfactio possit ab alio præstari, aliquam tamen partem, quæ possit a poenitente præstari, debet eidem in propria implendam persona præscribere, ne sit mutilum aliqua sui parte Sacramentum.* Pontas.

CASUS XI. Emporius Sacerdoti poenitenti suo nullam aliam imposuit poenitentiam, quam ut in satisfactionem suorum peccatorum Deo offerat Officium divinum, quod illo ipso confessionis die tenebatur recitare. Sufficitne talis poenitentia?

3. Sunt, qui tuentur, poenitentiam hanc sufficere; alii vero quod non. Posterior hæc opinio est secutior in praxi, & verior, ac proin in hac materia necessario tenenda. Et revera non potest dici poenitentia satisfactoria opus, ad quod jam aliunde generali lege Ecclesiæ indispensabiliter obligamur. Pontas.

CASUS XII. Alanus confessarius Antonio suo poenitenti id solum pro poenitentia injunxit, ut patienter serat, Deoque in expiationem suorum peccatorum offerat magnas afflictiones, quæ ipsi haud ita pridem acciderunt, vel acerbissimos dolores, quibus cruciatur. Estne talis poenitentia habenda pro satisfactione legitima respectu hominis, qui non commisit peccata supra modum gravia?

3. Juxta S. Thomam in 4. dist. 51. q. 1. art. 4. quæstionc. 2. C. hæc poenitentia potest haberi pro legitima: licet enim mala a Deo nobis immissa, absolute loquendo, non sint in potestate nostra, sunt tamen eatenus in nostra potestate, quatenus possumus per auxilium gratiæ eadem acceptare in satisfactionem peccatorum nostrorum, atque hoc animo Deo offerre. *Si flagella*, ait S. Doctor, *quæ pro peccatis a Deo infliguntur, fiant aliquo modo ipsius patientis, rationem satisfactionis accipiunt. Fiunt autem ipsius, in quantum ea acceptat ad purgationem peccatorum, eis utens patienter.* Et ad 1. *Quamvis illa flagella non sint omnino in potestate nostra, tamen quantum ad aliquid sunt; cum scilicet eis patienter utimur: & sic homo facit de necessitate virtutem. Unde & meritoria & satisfactoria esse possunt.* Pontas.

NOTA. Videtur oppositum esse tenendum; quia non potest injungi opus jam aliunde lege naturali vel divina præceptum, quale est patientia in adversis. Dein, etsi ejusmodi mala cum plena resignatione in voluntatem divinam tolerata meritum satisfactionis habeant, non habent tamen rationem satisfactionis sacramentalis.

CASUS XIII. Hannibali in confessione fuit injunctum, ut per tres menses singulis Dominicis, festisque diebus dicat psalmos poenitentiales; quam quidem poenitentiam fideliter executus est, sed sub missæ sacrificio, ad quod audiendum ex præcepto tenebatur. Satisfecitne suæ poenitentiae coram Deo?

¶ Sylvius in suppl. 3. partis Summ. D. Thomæ q. 15. art. 1. quæst. ult. conclus. 1. existimat, Hannibalem vere satisfecisse injunctæ poenitentiae. Ratio ipsius est; quia ad Deum precari vocaliter & interesse sacrificio missæ non sunt duo incompatibilia; imo oratio perfecte convenit cum sacro missæ officio, ubi & sacerdos celebrans, & fideles eidem assistentes continuam peragunt orationem. Addit Sylvius, quod, sicut satisficit obligationi recitandi Horas canonicas, dum ex recitantur sub missa, quam quis ex præcepto tenetur audire; sic etiam satisficit injunctæ poenitentiae, quæ in præcibus consistit. *Satisfacit, inquit, qui audiens missam ex præcepto legit Horas canonicas, aut explet suam poenitentiam.* Nihilominus magis convenire, & pro conscientia securius esse videtur, si alio tempore sacramentalis poenitentia peragatur. *Pontas.*

CASUS XIV. Uranius confessus est peccata sua haud adeo gravia, & confessarius ipsi injunxit poenitentiam valde rigorosam & diuturnam. Potestne tuta conscientia ab ea acceptanda se excusare?

¶ Salva conscientia non potest Uranius recusare poenitentiam maturam, ut supponendum, confessarii deliberatione sibi impositam. Non pertinet ad poenitentem de semet ipso iudicium ferre; iudex ipse est confessarius, & talis quidem iudex, qui non debet ipsi esse suspectus. *Poenitens*, ait S. Thomas in 4. dist. 20. q. 1. cui major condignus poenitentia injuncta est, tenetur eam explere ex sacerdotis injunctione, qui non solum debitum poenæ considerat, sed peccato remedium adhibet. Estius, Maldonatus, Sylvius, aliique præclarissimi Theologi idem sentiunt, fundantque opinionem suam in potestate ligandi ac solvendi a Christo sacerdotibus concessa. Nihilominus tamen non est diffidendum, quod poenitens ea, qua decet, reverentia possit monere confessarium de nimio rigore aut diuturnitate injunctæ poenitentiae.

pœnitentiæ, vel de difficultatibus in ejusdem executione occurrentibus. Quod si omnibus his non obstantibus confessorius in sua persistat sententia, pœnitenti humiliter acquiescendum est. *Pontas.*

**CASUS XV.** Marianus tempore paschali confessus est peccatum fornicationis semel a se commissum, & injuncta competenti pœnitentia fuit absolutus. Post sex menses denuo confessus idem peccatum cum alia persona perpetratum iterum & sub eadem pœnitentia absolvitur. Num bene egit confessorius hac secunda vice?

*ꝫ.* Confessorius secunda vice non debuisset absolvere Marianum sine gravi ratione, sed illi differre absolutionem, experturus hac dilatione, an sincerus sit dolor ipsius. Dein supposito etiam, quod sufficiens motivum habuerit ipsi absolutionem impetrendi, gravior tamen pœnitentia ipsi fuisset injungenda: ilcet enim duo hæc peccata sint ejusdem speciei, certum tamen est, secundum peccatum coram Deo primo fuisse gravius propter relapsum. Hinc confessorius non satisfacit obligationi suæ. *Pontas,*

*NOTA.* Hæc dilatio absolutionis, solum ex motivo tentandi sinceritatem doloris, est Quesnellistis propria, ac proin non multum attendenda. Aliud dicendum foret, si pœnitens non explesset pœnitentias injunctas, remedia præscripta non applicasset, aut non vitasset occasiones proximas a confessorio interdictas.

**CASUS XVI.** Adrianus expositis in confessione pluribus peccatis mortalibus acceptavit quidem impositam sibi pœnitentiam; eam tamen non nisi post relapsum in aliud peccatum mortale persolvit. Teneturne repetere suam pœnitentiam?

*ꝫ.* Potest quis in peccato esse constitutus triplici modo, scilicet vel *actu*, vel *affectu*, vel *habitu*, seu *reatu* & *mansuetudine*, ut scholæ loquuntur. Dicitur quis esse *actu* in peccato, dum illud actu committit; *affectu*, dum illud in corde fovet; & *reatu*, quando dispositus quidem est ad conversionem, necdum tamen peccati remissionem obtinuit. His suppositis, si Adrianus fuit in peccato *actu* vel *habitu* seu *affectu* eo tempore, quo adimplevit suam pœnitentiam, tenetur illam repetere. Ratio est 1. quia pœnitentia nunquam potest esse vera, quando neglecto præterita peccata explandi studio nova actualiter committuntur, vel affectus ad commissam conservatur, vel remanet dispositio aut habitus proxima occasione alia committendi. *Inanis est pœnitentia*, inquit S. Augustinus Can. *Inanis*, 12. de Pœnit. dist. 3. *quam sequens*

*quens culpa coinquinat.* 2. Quia possibile non est, quod quis in hoc statu sincerum habeat desiderium divinæ justitiæ satisfaciendi; quod tamen ad veram poenitentiam absolute necessarium est. 3. Quia, ut ait S. Thomas Supplem. q. 14. art. 1. *Non potest fieri satisfactio, nisi per opus Deo acceptum; ergo non potest, qui habet aliquod peccatum, Deo satisfacere.* Si autem Adrianus, antequam injunctam poenitentiam persolveret, sincerum concepit dolorem de peccato commisso, ita ut vere dispositus sit ad conversionem & vitæ emendationem, non tenetur reiterare impositam poenitentiam. *Pontas.*

**CASUS XVII.** Potestne confessarius, quin desit obligationibus officii sui, poenitentiam tantum secretam, rigorosam tamen, injungere peccatori, qui complura peccata publica & scandalosa confessus est; eo quod Ecclesia de antiquo suo rigore circa poenitentias plurimum remiserit?

7. Cum Concilium Tridentinum Sess. 24. c. 8. de reform. antiquam disciplinam vigori suo restituere intenderit, non potest simplex confessarius privata sua auctoritate peccatores publicos & scandalosos eximere a poenitentia publica: soli Episcopo potestas hæc competit. *Apostolus monet, inquit Concilium, publice peccantes palam esse corripiendos.* Quando igitur ab aliquo publice & in multorum conspectu crimen commissum fuerit, unde alios scandalo offensos, commotosque fuisset, non sit dubitandum; huic condignam pro modo culpæ poenitentiam publice injungi oportet; ut quos exemplo ad malos mores provocavit, suæ emendationis testimonio ad rectam revocet vitam. Interim tamen, licet confessarius teneatur imponere pro peccato publico poenitentiam publicam, consuli debet Episcopus, qui docebit, an in hoc vel illo particulari casu consultum sit ejusmodi dictare poenitentiam. *Pontas.*

**NOTA.** Obligatio injungendi in confessionali poenitentiam publicam cessare potest, quando scandalum ex peccato publico ortum sufficienter emendatur per vindictam publicam tribunalium, ut fit in nostra Bavaria. Si vero judex esset negligens in castigandis publicis sceleribus, nec superesset aliud remedium, v. g. denuntiatio ipsius judicis ad suum Superiorem, tunc foret recurrendum ad Episcopum pro dictanda poenitentia publica; immo si Episcopi vellet id in se recipere, ut pro criminibus publicis præmissa cognitione causæ simul imponant poenam ecclesiasticam, jure id ipsis competere, nec possent a quopiam citra injustitiam prohiberi. Verum quia labor iste foret immensus, & occasio perpetuorum dissidiorum cum judicibus & Dominis territorialibus, experientia docuit, hoc remedium poenitentiae publicæ non nisi in casu rarissimo usurpari posse, saltem in Germania. Vetus disciplina, vi cuius Episcopi antiquitus publica celebrabant judicia circa fidelium cau-



las, jam est antiquata, causæque ejusmodi plerumque fuerunt translatae ad tribunalia secularia. Nihilominus potest ac debet confessarius pro peccatis publicis imponere opera ædificatoria, & publici scandali palam reparatoria, ut sunt hebdomadaria aut saltem menstrua communio, visitationes ecclesiarum, modestia in vestitu, frugalitas in cibo & potu, sublevamen pauperum per elemosynas, abstinencia a popinis ac vanis oblationibus publicis, fuga occasionis ac periculi etiam propinqui ad determinatum peccatum, continentia sensuum maxime in conventibus publicis &c.

Vide *Absolutio. Confessarius* cas. 3. & 10. *Confessio. Injurilatum.*

## POLLUTIO.

1. Definitur *pollutio*, quod sit *voluntaria seminis resolutio facta extra copulam carnalem*. Peccatum hoc semper est mortale, quando est voluntarium in se vel in causa culpabili, ex quocumque demum motivo causetur. Si vero alterutro dictorum modorum non fuerit voluntarium, nullum coram Deo contrahitur peccatum.

2. Ex imperfectione actus voluntatis, vel ex levitate causæ pollutio quandoque, licet raro admodum, est tantum venialiter peccaminosa.

CASUS I. Peccantne, qui fluxum seminis, aut humoris seminis similitudinem referentis inviti patiuntur?

3. Questionem hanc solvit D. Thomas 3. part. Summ. q. 80. art. 7. ubi ait: *Causa corporalis pollutionis quandoque est sine peccato, puta cum est ex infirmitate naturæ: sicut enim contingit sanguinem fluere absque peccato, ita Et semen, quod est superfluitas sanguinis secundum Philosophum...* Quandoque vero est cum peccato; puta cum provenit ex superfluitate cibi vel potus; Et hoc etiam potest esse veniale vel mortale. Et alibi: *Sciendum, quod illius humoris effusio non est pollutio*. Porro quod de seminis effusione dictum est, de illis duntaxat intelligi debet, qui nullam huc præbuerunt voluntariam causam per sensuales sceminarum aspectus, allocutiones, amorem inordinatum, morosas turpium rerum cogitationes, tactus, al'ave similia: hi enim, nisi omnia ista diligenter ac studiose fugere satagant, a peccato excusari nequeunt, ut proluxius docet idem S. Doctor, vel quisquis est author opusculi 64. quod S. Thomæ attribuitur. *Pontas.*

NOTA. Resolutio humoris sine commotione spirituum genitalium non est quidem semen, sed vehiculum seminis; si tamen studiose causetur, id fieri nequit sine periculo pollutionis, ac proin sine peccato.

**CASUS II.** Pollutio, quæ in somno accidit, estne peccatum?

¶. Denuo ad hanc quæstionem respondet S. Thomas in 4. dist. 9 q. un. art. 4. quæstione. 1. C. inquit: *Omne peccatum secundum Augustinum est in voluntate; motus autem voluntatis præsupponit iudicium rationis, eo quod est apparentis boni vel vere vel false: unde, ubi non potest esse iudicium rationis, non potest esse voluntatis motus; in somnis autem iudicium rationis impeditur. . . Et ideo neque motus appetitivæ partis est liber: Et propter hoc non potest aliquis peccare in somno, neque mereri.* Ex quibus patet, pollutionem secundum se consideratam, quæ dormientibus accidit, non esse peccatum. *Pontas.*

**NOTA.** Id verum est, nisi quis earum pollutionum, quæ in somno fiunt, in vigilia causam dederit, v. g. absque necessitate aspiciendo, cogitando, legendo, vel loquendo obicæna.

**CASUS III.** Pollutio, quæ incipit in somno, finitur autem in vigilia, estne peccatum mortale?

¶. Juxta S. Thomam in 4. dist. 9. q. un. art. 4. quæstione. 1. ad 5. hoc in casu pollutio secundum se considerata non est peccatum mortale. Sed evigilans non solum potest peccare venialiter, quando scilicet non positive resistendo carnis delectationi ex quadam complacentia quasi ex subreptione consensum præbet, sed & mortaliter, si plena adit deliberatio. *Pontas.*

Vide *Communio sacramentalis.* cas. 2. *Ecclesia.* cas. 15.

## POSSESSIO.

1. Vox hæc, *Possessio*, sumitur tam circa res profanas quam circa materiam Beneficialem. Dum sermo est de rebus profanis, possessio est *detentio rei, quam dominus, vel qui cum fundamento dominum se reputat, per se vel per alium possidet.* Unde & Polmanus ait: *Possessio est actus, jussu detentionis rei.* Dicitur 1. *detentio*, quæ fundatur in jure proprietatis vero vel præsumptivæ tali; & hinc usurpator vel fur non sunt veri possessores. Non autem necessarium est, ut possessor rem possessam ipsius oculis præsentem habeat, aut manu teneat; cum per solam intentionem possessionem conservare possit: *Licet possessio nudo animo acquiri non possit, inquit L. Licet. 4. Cod. Lib. 7. Tit. 32. tamen solo animo retineri potest.* Sic recte quis dicitur possessor animalium, quæ in agris ac prædiis custodienda curat, vel quæ sine custode ad assueta recepta.

æptacula ultro redeunt. ut columbæ in suum columbarium, & apes sua repetere alvearia consueverunt. *Quidam recte putant*, ait L. *Possideri*. 3. §. 16. ff. Lib. 41. Tit. 2. *columbas quoque, quæ ab ædificiis nostris volant, item apes, quæ ex alveis nostris evolant, & secundum consuetudinem redeunt, a nobis possideri*. Dicitur 2. *Detentio rei*, scilicet vel corporalis, ut est ager, domus &c. vel incorporalis, ut est servitus, Beneficium, jus exercendi jurisdictionem, jus molendini, furni, jus vestigialium &c. vel alterius rei seu mobilis seu immobilis. Dicitur 3. *Quam Dominus, vel qui cum fundamento dominum se reputat*; quia, licet possessio taliter co hæreat cum proprietate, ut inde separari non debeat, una tamen esse potest sine altera: quando enim duo litigant de proprietate ejusdem rei, & unus solus est in possessione, fieri potest, ut possessor illius non habeat proprietatem, ut possessione delectatur, vel ultro cedat, vel in favorem veri proprietarii judicialiter ad id compellatur. Hinc L. *Permisceri*. 52. ff. Lib. 41. Tit. 2. dicitur: *Possessio & proprietas misceri non debent*. Additur denique 4. *Quam dominus per se vel per alium possidet*, quia pupillus & minorennis possunt possidere mediante tutore & curatore; & quævis alia persona potest exercere possessionem per procuratorem, depositarium, vel locatarium &c.

2. Qui acquirit proprietatem rei, simul ejusdem acquirit possessionem, vel jus eam acquirendi, aut forte amissam recuperandi. Detentio realis sola operatur possessionem realem & actualem eorum, quæ habentur titulo emptionis, donationis, permutationis &c. Sic qui acquisivit proprietatem rei per emptionem, donationem &c. ejusdem possessor non fit nisi per actualem traditionem; quæ si negetur, recurrendum est ad auctoritatem judicis, non enim licet arripere possessionem violenter & via facti.

3. Dantur plures res, quarum possessio acquiritur per traditionem solum tacitam, vel per simplicem declarationem aut cessionem proprietarii absque ulla formalitate: id autem intelligendum est de re certa ac determinata; quia, ut dicit L. *Possideri*. 3. l. c. *incertam partem rei possideri nemo potest*.

4. Ut quis fiat possessor legitimus, requiritur 1. causa, 2. intentio possidendi rem jure proprietatis; sine hac intentione non datur vera possessio: & hinc licet tanquam proprietarius possideam agrum, in quo fodina argenti aut thesaurus latet absconditus, non censeor possidere fodinam vel thesaurum, uti ote mihi incognitum; sed hæc intentio solum afficit pos-

forem bonæ fidel. 3. requiritur detentio rei in sensu supra explicato.

5. Possessionem arripere, vel eadem abdicare quis se potest vel per se ipsum, vel per procuratorem.

6. Primarius possessionis effectus est, quod tribuat possessori jus de re possessa tanquam de propria disponendi; cum proprietas sit inseparabilis a iusta possessione: immo possessio in pluribus casibus producit proprietatem, sicut in præscriptione, per quam possessor bonæ fidei actu sit dominus fructuum fundi possessi, & ipsius etiam fundi, quem pacifice possedit per tempus a lege constitutum juxta regulam juris 136. ff. *Bona fides tantundem possidenti præstat, quantum veritas, quoties lex impedimento non est.* Et certe homines non nisi per possessionem cæperunt esse domini rerum.

7. Possessio rei mobilis amittitur 1. per traditionem actualem. 2. Dum deponitur animus ac intentio possidenti rem, eaque primo occupanti relinquitur, aut alia ratione ea dimittitur. 3. Quando alius pacifice & nemine contradicente per annum integrum rem possedit, salvo tamen jure obtinendæ restitutionis.

8. Possessio in re Beneficiaria sumitur pro installatione seu institutione Beneficiarii, consistitque in ceremoniis in jure canonico præscriptis, aut communiter in ecclesia usitatis, dum quis in Beneficio suo instituitur.

9. Dividitur hæc possessio in *annuam & triennem*. Triennalis civilis Beneficiario est instar tituli, dummodo fundatur in aliquo titulo, saltem colorato. Verum qui Beneficium obtinuit per simoniam voluntariam, intrusionem, vel in manifesta inhabilitate, frustra se tuetur triennali, immo multo etiam longioris temporis possessione. Dicitur: *per simoniam voluntariam*; si enim ea a parentibus, a consanguineo aut ab amico secreto fuisset commissæ, incio Beneficiario, authores quidam tuentur, possessionem bonæ fidel ac triennem esse instar tituli; quod tamen sufficienter non videtur probatum.

10. Aditio possessionis valide fit sive in propria persona, sive per procuratorem, authentica tamen procuratore instructum.

11. Beneficiatus non potest frui redditibus Beneficii, nisi post adeptam in virtute provisionum & litterarum expeditionum possessionem.

12. Possessio circa res profanas dividitur in possessionem *juris & facti*, in possessionem *bonæ & malæ fidei*, in *justam* &

& *injustam*, in possessionem ex titulo *colorato* & non *colorato*, & denique in possessionem *naturalem* & *civilem*.

13. *Possessio juris* est *jus insistendi rei tanquam suæ non prohibita possideri*. Dicitur: *rei tanquam suæ*, id est, quæ possessoris propria est, & ad eum pertinet; ex quo sequitur, tutorem non esse verum possessorem bonorum pupilli sui, sed pupillum, qui ea per tutorem possidet, ut supra jam observatum est. Additur: *non prohibita possideri*, id est, rei, cujus possessio culpam a jure non interdicitur; sic laicus a jure possidere prohibetur Beneficium, ecclesiam aut cæmeterium.

14. *Possessio facti* est *occupatio rei adminiculo corporis, animi & juris*. Dicitur 1. *occupatio*, quod idem est, ac rei actualis occupatio prima, vel continuata. Dicitur 2. *adminiculo corporis*; quia, dum quis possidere rem incipit, quodammodo necesse est, ut ea fiat corporaliter. Dicitur 3. *animi*; quia ad continuandam possessionem requiritur intentio retinendi possessionem; unde depositarius non censetur verus possessor rei depositæ, cum ipsius intentio non sit possidendi rem ut suam. Idem dicendum de eo, qui rem possidet titulo precarii. Additur denique 4. *& juris*, ut ejus scilicet stabilatur veritas possessionis, sive dein ejusmodi lex, qua fundatur possessio, justa sit sive injusta.

15. *Possessio bonæ fidei* est *occupatio rei fundata in prudenti judicio*, dum scilicet possessio rei aditur & continuatur ex ratione, quæ possessori videtur justa; *malæ fidei* autem possessor est, qui nec ipse rationem possidendi credit esse legitimam. *Possessio justa* fundatur in titulo *legitimo*; *colorata* autem non nisi in titulo *verisimili*. *Possessio naturalis* est *occupatio rei adminiculo corporis & animi, & civilis adminiculo solius animi*. Appellatur *civilis*; quia fundatur in jure civili, & parit effectus mere civiles. *Possessio naturalis* communiter respicit dominium utile rei possessæ, & *civilis* dominium dir. etum.

16. *Possessio immemoralis* non indiget titulo; quia semper præsumitur, eam ex legitimo titulo inchoatam & continuatam fuisse. Quando possessor per integrum annum fuit in pacifica possessione rei, postmodum vero ab alio in possessione turbatur, datur illi actio *de jam adempta & modo turbata possessione*, quæ fere coincidit cum celebratissimo juris Romani interdicto, *Unde vi*. Effectus hujus actionis est, quod judex securam illi præstet possessionem usque ad finem litis, etiam, contra verum proprietarium.

17. Possessor boni temporalis non tenetur in foro civili docere ac probare titulum suæ possessionis ; & si super hac ipsi moveretur controversia , ad probationem per testes. Secus si res habet in possessore Beneficii : huic enim non potest asseri possessio absque titulo , & aliis qualitatibus ad possidendum requisitis.

18. Possessio bonæ fidei producit legitimam præscriptionem post lapsum temporis a legibus vel consuetudine determinati.

19. Dejectus ex possessione per violentiam desinit quidem esse possessor rei de facto , conceditur tamen ipsi annus & dies ad intentandam actionem pro restitutione in integrum ; & hæc actio locum habet etiam contra ipsum proprietarium , licet promittat , probaturum se in continenti jus proprietatis , quod prætendit : si enim audiri velit , necesse est , ut violententer dejectum prius in statum pristinum restituat.

CASUS I. Victor jam a sexennio possidet Prioratum Vitiuli , qui re ipsa nullus est ob simoniam ex ignorantia commissam , quod non ita pridem ipsi innotuit ; vel cujus nullitas ex alio quodam defectu provenit. Num triennalis pacifica possessio ipsum securum reddit in conscientia ?

¶ Triennalis , vel etiam diuturnior possessio juxta tutiorem sententiam securitatem conscientie præstare non potest , si vitiositas tituli ex simonia etiam involuntaria provenit : regula enim possessionis triennalis , quæ originem suam trahit ex Concilio Basileensi , & per concordata confirmata est , excludit expressè & generaliter absque ulla exceptione omnes , qui Beneficia sua medio simoniaco impetrarunt : & in hoc particulari casu innocens luit poenam nocentis , idque ex hac ratione ; quia alias simonia nimis frequenter committeretur , ut advertit Glossa in Cap. *Ex insinuatione*. 26. Lib. 5. Tit. 3. Ex quo sequitur , necessario a Victore dimittendum esse Prioratum , nec illum retineri posse , nisi de novo a legitimo Superiore provideatur , id est , ab Ordinario , si ignorantia ipsius de simonia fuit inculpabilis ac invincibilis ; quo in casu necesse non est , ut Romam recurratur , neque id requiritur , dum quis omnino non est particeps commissæ simoniæ , nec eam ullo modo approbavit. Verum si Victor scilicet concurrisset , aut ignorantia illius fuisset culpabilis , teneretur adire Papam , qui solus valide potest novam illi provisionem concedere. Hinc Victori , ejus titulus plane nullus est , nullatenus ad retinendum Prioratum suffragatur triennalis possessio. Si vero titulus ipsius non ob simoniam aut intrusionem , sed ex alio capite sit nullus , trienna-

his possessio, & a fortiori adhuc longior, sanat, quicquid fuit vitiosum in ipsius provisionibus. *Pontas. Vide Simonia. Caf. 38.*

NOTA. Hæc nullitas solum procedit pro foro externo, in quo præsumitur ignorantia crassa, aut saltem vincibilis.

**CASUS II.** Polychronius illegitimo toro natus possidet Beneficium pacifice a tribus & amplius annis ex titulo colorato; provisos in Curia Romana per obitum. Poteritne se tueri jure possessionis triennalis, si a quopiam in sua possessione turbetur?

¶ Juxta Garciam de Benef. part. 7. c. 3. n. 88. regula de triennali possessione non potest spurium purgare a vitio ipsi congenito. Ratio hujus responsionis a sacra Congregatione Cardinalium Concilii Tridentini interpretum firmata est; quia titulus nequit censeri coloratus, ubi datur actualis inhabilitas in eo, qui de Beneficio fuit provisos, nec interea per dispensationem legitimam fuit habilitatus ad illud possidendum. Unde sequitur, quod; cum sola Polychronii provisio nulla sit; quia illegitimus est inhabilis ad Beneficium, illa nequeat esse loco tituli colorati; sine quo possessio triennalis inutilis est. *Non firmatur tractu temporis*, inquit Bonifacius VIII. regula juris 18. & 64. in 6. *quod de jure ab initio non subsistit. Et: Quæ contra jus fiunt, debent utique pro infectis haberi.* Accedit, quod Polychronius aliunde sit possessor malæ fidei; cum sciret, aut saltem scire debuisset, illegitimos esse incapaces ad possidenda Beneficia; & ad ea sine dispensatione Pontificia promoveri haud posse. *Pontas.*

**CASUS III.** Georgius Religiosus professus in Curia obtinuit Prioratum sæcularem, eundemque pacifice tenuit ultra triennium. Ludovicus certior factus; Beneficium hoc esse sæculare, provisionem sibi procuravit ab Ordinario, penes quem jus conferendi erat, itemque super possessione Georgio movit. Poteritne hoc facere in conscientia? Et Georgius poteritne absque injustitia tueri jus suum?

¶ Ludovicus potest citra omnem injuriam impugnare possessionem Georgii, qui nullum omnino jus habet ad hunc Prioratum; utpote sæcularem, possessio enim quantumvis diuturna non immutat statum ac naturam Beneficii. *Nam justatur*, inquit Cabassutius L. 2. c. 20. n. 14. *hoc privilegio regularis Clericus, qui sæculare Beneficium triennio pacifice possiderit: illa namque triennii possessio non potest statum & incompatibilitatem mutare Beneficii.* Idem dicendum de Clerico sæculari, qui ad Beneficium regulare promotus fuisset; nisi; ut

CONT.

Bonifacius VIII. Cap. *Cum de Beneficio*. 5. Lib. 3. Tit. 4. observat, status Beneficii fuerit mutatus per legitimam præscriptionem, quæ debet esse quadraginta annorum. Generaliter tenendum notum illud: *Regularia regularibus, & secularia secularibus.* Pontas.

NOTA. Ab hac regula excipiendi sunt Canonici regulares, utpote capaces Beneficiorum secularium. Vide *Beneficium*. Caf. 15.

**CASUS IV.** Uranius provivus Canonicatu in ecclesia quadam cathedrali pro adipiscenda possessione præsentavit se Capitulo; fuit autem ipsi declaratum, prius solvendam esse pro Sacristia summam 100. florenorum, idque vi peculiaris statuti olim a Capitulo conditi. Conqueritur Uranius de injusta hujuscemodi impositione, negatque Capitulo potestatem eandem imperandi & obtrudenti injvltis; persolvit tamen, & sic tandem missus in possessionem & installatus fuit. An Uranius commisit simoniam, siue dein Canonici hanc summam impendant in bonum Sacristiæ, siue in proprium lucrum convertant? An absque simonia Capitulum hoc statutum condere potuit? Num Uranus, cum invitus ac gemens solverit, obligare potest Capitulum ad restituendam summam?

¶ Si Uranius dictam summam solvit in privatam utilitatem Canonicorum, sciens, hos non ex alio fine illam exigere, quam ut inter se postea partirentur, veram commisit simoniam, ipse non minus quam Canonici. Nulla autem intervenit simonia, si petita summa fuit destinata in utilitatem & necessitatem ecclesiæ; & in hunc finem Capitulum ejusmodi statutum condere potuit; nec Uranus in hoc casu restitutionem petere potest. Concilium Tridentinum Sess. 24. de reform. c. 14. ubi omnem remunerationem in favorem Canonicorum condemnat, hæc habet: *Hæc cum sancta Synodus deservetur, mandat Episcopis, ut quæcumque hujusmodi in usus pios non convertuntur, atque ingressus eos, qui simoniæ labis aut sordidæ avaritiæ suspicionem habent, ferri non permittant; ipsique diligenter de eorum constitutionibus, siue consuetudinibus super prædictis cognoscant, & illis tantam, quas ut laudabiles probaverint, exceptis, reliquas ut præas ac scandalosas reiciant & aboleant.* Pontas.

**CASUS V.** Genebaldus optima fruens valetudine resignavit in Curia Romana præbendam suam Juvenali, qui videus, Genebaldum repente in periculosum morbum incidisse, possessionem Beneficii arripuit sine prævia installatione, nec petita, ut mos fert, a Capitulo receptione in fratrem. Paucis post diebus convalescit Genebaldus, elique ex mera animi

gene-



generositate Juvenalis permittit pristinam possessionem ac fructuionem sui Beneficii, adeo ut etiam combufferit provisiones suas, & instrumentum captæ a se possessionis. Et in hoc statu integrum præterfluit biennium. Potestne Genebaldus absque conscientie scrupulo ulterius frui hoc Canonatu, quin opus sit solemnî cessione Juvenalis in favorem ipsius? Potestne Episcopus reintroducere Genebaldum in Beneficium verbaliter solum & absque ulla alia formalitate ad solam declarationem Juvenalis testantis, se eundem restituere in omnia jura, quæ ad Beneficium vel in Beneficio habuerat. Opusne est denique, ut Genebaldus Roma obtineat condonationem fructuum durante hoc biennio perceptorum?

g. Si aditio possessionis a Juvenale facta vere fuit canonica, Genebaldus non potuit secunda conscientia frui Canonatu a se resignato, quem non nisi per intrusionem possedit per hoc biennium; nec etiam potuit de novo provideri ab Episcopo, nisi prævic fuerit rehabilitatus: in quo casu necessarium foret, ut a Pontifice impetret condonationem fructuum hæctenus perceptorum & necdum consumptorum, maxime si redditus Beneficii essent valde notabiles ac pingues. Verum si aditio possessionis ex parte Juvenalis ponatur esse invalida, ut in præsentî casu est, potest Genebaldus sine scrupulo continuare possessionem Canonatus, ejusdemque fructus percipere absque alia nova formalitate. *Aquiritur possessio juris canonici*, inquit Rebuffus prax. Benefic. de miss. in possess. n. 36. *Pontas*.

CASUS VI. Gubertus parochus gravi morbo decumbens resignavit pure ac simpliciter suum Beneficium Felici nepoti suo: hic hæc dubitans, illud sibi a collatore concedendum, transmittit ad fratrem suum Joannem non solum resignationem, sed & procurationem, ut Beneficii collationem promoveat, & ad expediendum citius negotium ocyus nomine suo possessionem capiat, quamprimum de obtentis provisionibus ac Visa edoctus fuerit. Hæc omnia Joannes perficit, ac possessionem capit nomine fratris sui. An etiam valide?

h. Procuratio ad effectum possessionis in Beneficio capiendæ debet esse posterior die concessarum provisionum. Adeoque Joannes nulliter ac invalide possessionem Beneficii adiit nomine fratris. *Pontas*.

CASUS VII. Subinianus, qui absque titulo, bona tamen fide, possidet fundum aut aliud quidpiam, turbatur in possessione ab alio. Estne defendendus contra turbatorem, qui æque omni destitutus est titulo?

¶ Cum leges supponant; possessorem bonæ fidei esse verum proprietarium rei, quam possidet, Sabinianus in possessione fundi manutenendus est; usque dum superveniens turbator ex titulo probaverit, se esse solum ac verum dominum rei. Verum aliud dicendum foret, si res controversa foret extra commercium humanum posita, ut sunt bonæ Beneficii ecclesiastici: in hoc namque casu; qui possideret Beneficium sine justo titulo; in sua possessione manuteneri non deberet. Hinc jus possessorium circa Beneficia non ex sola possessione metiendum est, sed ex titulo canonice obtento; & casu quo plures producant titulum, decidendum est in favorem illius, cujus titulus verosimiliter est magis legitimus. *Pontas.*

CASUS VIII. Sylvius succedens in bona defuncti patris inter fundos jure hæreditario ad se devolutos reperit aliquod jugerum vineæ a patre suo bona fide possessum, sed re ipsa ad Lucium pertinens jure proprietatis. Pergit Sylvius eadem bona fide illud possidere per solidum triennium; quo elapso evincitur a Lucio, qui lite finita petit etiam restitutionem fructuum intra triennium hoc perceptorum. Teneturne Sylvius eos restituere?

¶ Est certum juris principium, quod possessor bonæ fidei dominium aquirat fructuum omnium ex rebus a se bona fide possessis quomodocumque provenientium; ut habetur *L. Bonæ fidei. 48. ff. Lib. 41. Tit. 1.* Adeoque Sylvius non tenetur ad restitutionem fructuum ex jugero vineæ perceptorum usque ad diem; quo possessio per postulationem judicalem Lucii interrupta, & sententia fuit prolata: *Pontas.*

## PRÆCEPTA ECCLESIAE.

Indubitatum est; a Christo potestatem Ecclesiae fuisse datam leges ferendi. quibus omnes fideles non minus obligentur, ac si ab ipso Christo latae fuissent: & sane omnia præcepta Ecclesiae sunt meræ determinationes præceptorum divinatorum.

CASUS Daturne gravis obligatio servandi præcepta Ecclesiae?

¶ Præcepta Ecclesiae, utpote fundata in præceptis divinis, obligant sub peccato mortali, peccatque mortaliter; qui ea sine sufficienti causa excusante transgreditur. Possunt tamen barbitionsores, pistores, molitores, alique opifices in quibusdam casibus vacare laboribus suis. Imo possunt

sunt Episcopi nimium festorum de præcepto numerum minuire, aut, si necessitas exigit, populo permittere, ut quibusdam diebus festis, quos retinendos duxerint, audito Sacro labori incumbat. *De Lamet,*

## PRÆDA HOSTILIS.

Tempore belli quidam privati, Principis tamen auctoritate firmati, naves instruunt, easque in hostium naves immittunt, &, quibuscumque potiti fuerint, in portum invehunt, ac prædam inter se partiuntur, licet quandoque excedat omnes expensas in construendam navim a se factas.

CASUS. Naves publica Principis auctoritate in hostes armatæ possuntne in bello iusto in hostium naves irruere, easdem capere, & earum spolia sibi attribuire?

R. Licite possunt: in his enim circumstantiis prædas ex hostibus agere non est contra charitatem, quidquid demum ipsis auferatur; nec tanquam furto ablata considerata sunt, quæ hostibus eripiuntur. L. Si quid 28. ff. Lib. 49. Tit. 15. Si quid bello captum est, in præda est, non possiminio reddit. *Fromageau.*

## PRÆFECTUS COLLEGII

1. *Præfectus collegii* dicitur, qui tanquam caput præest collegio, cujusque est exacte iuvigilare vitæ ac moribus eorum, qui sunt de collegio, ita ut penes ipsum sit cura de omnibus, quæ ad studia & pietatem pertinent.

2. Materia hæc, in quantum personam Præfecti respicit, est satis sterilis quoad doctrinam moralem. Quidquid de ipso dici potest, huc redit, ut pro viribus satisfaciatur obligationibus officii sui.

3. Licet officium ipsius consistat in nuda administratione, non est tamen comparabile pretio pecuniario, cum extra omne commercium sit positum, sicut & officia Professorum, quæ a Præfecto collegii gratis debent conferri, sicut & ipse gratis in collegium fuit admissus.

CASUS I. Viget in quibusdam collegiis generalis consuetudo, ut eorundem Scholares, etiam si actu Beneficium habeant, nec habitu, nec coma a reliquis laicis distincti ince-  
dant. Pamphilius ejusmodi collegii Præfectus compellere cogitat omnes studiosos suos ad deferendum habitum & tonsuram clericalem, repugnantibus licet omnibus viribus studiosorum consanguineis. Teneturne in conscientia exequi pro-

positum factum, quamvis id cessurum sit in præjudicium collegii?

R. Cum Concilia & Pontifices sanciverint, ut omnes Beneficiarii cujuscumque demum ætatis tonsuram & habitum clericalem deferant, tenetur Collegiarcha in conscientia urgere observantiam saluberrimarum harum constitutionum; etiam si prævideat, plures studiosos ex collegio eapropter fore revocandos a consanguineis: hæc enim ratio non excusaret Præfectum ab obligatione sua. *Pontas.*

CASUS II. Ignatius artibus cujusdam amici sui, quem mediante summa quingentorum florenorum patronum sibi conciliaverat, collegiarchatum quemdam adeptus est; cumque muneris huic jus annexum sit nominandi ad stipendia in collegio vacantia, a quolibet novo stipendiario exigit honorarium quinquaginta florenorum propriæ indemnificationis prætextu. Potestne id fieri absque peccato?

R. Cum Ignatius nec potuerit nec debuerit sibi adipisci collegiarchatum pretio pecuniario, ita nec potest nec debet exigere quidpiam a novis stipendiariis. Hæc & similia longe debent abesse ab omni commercio: certum enim est, quod fundatores horum stipendiorum intenderint, ut ea conferantur gratis; nec ea fundata sunt nisi pro studiosis pauperibus, a quibus sane iniquum est exigere pecunias pro illorum consecutione. *Pontas.*

## PRÆMONSTRATENSES.

1. Religiosi *Præmonstratenses* sunt Canonici Regulares, nomen suum sortiti ab Abbatia, quæ est caput totius Ordinis, in Picardia sita, & a S. Norberto anno 1119. instituta. Mox ab exordio alios non habebant redditus, quam quos ex cæsa arborum in saltu Cordiacensi percipiebant; at vero brevi tempore ad amplissimas pervenerunt divitias. Superstite S. Norberto monasteria utrique sexui erant communia; verum anno 1137. Moniales in alia translatae fuerunt domicilia. In Gallia quidem his temporibus non amplius existunt hujus Ordinis Moniales; at in Germania sunt plures conventus, & quædam Abbatiæ principali fulgent dignitate; nec desunt in Hispania ejusmodi Moniales, quæ tamen Vicario generali hujus circariæ subjectæ sunt. Anno 1460. toti Ordini ex dispensatione Pii Papæ II. abstinencia ab esu carniū fuit relaxata. Circaria Hispaniæ specialem constituit Congregationem, ejusve Vicarii Generalis, qui nunquam potest ad munus abbatiale assumi, potestas est amplissima, nihilque inferior potestate

state Generalis Ordinis, nisi ipsemet in Hispania sit præfens. In Lotharingia alia floret Congregatio proximo superiore sæculo exorta, in qua observantur primævæ consuetudines & disciplina Præmonstratenfis. Vicarius Generalis, qui quovis triennio eligitur, totius Congregationis Superior est ac iudex immediatus.

a. Anno 1621. quibusdam Patribus, qui reformationem Ordinis in Lotharingiam invexerant, data est a Rege potestas eandem introducendi in omnia monasteria totius Galliæ ad primævum Ordinis rigorem aspirantia. Qui reformationem hanc amplexi sunt, servarunt sibi domos suas unacum jure possidendi parochias. At vero parochis excutere jugum sui Generalis ac pro suo ipsorum arbitratu vivere volentibus ingentes controversiæ ac dissensiones exortæ sunt. Libertas eorum eo usque devenit, ut Parisios aut in alias urbes venientes divertere derectarent ad collegia Ordinis sui, sed in hospitibus ac publicis diversoriis degerent. Hinc Generalis contra hunc similesque abusus statutum condidit sub interminatione suspensionis, excommunicationis ac etiam incarcerationis in eos, qui ordinationi huic obedire noluerint.

CASUS. Abbas Præmonstratenfis, generalis Superior Ordinis, semperne habet potestatem ac jurisdictionem in suos Religiosos, ex quo parochias obtinuerunt? Quousque extendit se hæc ejus potestas? Quibusnam poenis potest animadvertere in eos, qui officio suo defuerint?

¶ Abbas generalis perpetuo conservat jurisdictionem aliquam in suos Religiosos, etiam ad parochias expositos; quia ut parochi non cessant esse Religiosi. Ad hæc & ipsi immediate vel saltem mediate concurrerunt ad electionem ipsius, ac insuper statuta, ad quorum observantiam se se obligarunt, eos subiiciunt Superiori non tantum generali, sed etiam Superioribus particularibus monasteriorum, a quibus dependent parochiæ ipsorum regulares. Omnes Bullæ Pontificiæ præcipiunt Religiosis, ut agnoscant jurisdictionem sui Superioris regularis; & hæc disciplina est ubique recepta. Alexander III. statuit, ut parochus regularis, sola Sacramentorum administratione excepta, circa reliqua omnia rationem reddat Superiori suo regulari, præsertim vero circa observationem regulæ, & dispensationem reddituum parochiæ, etiam quoad temporalia incorporatæ monasterio. Supponitur ergo ejusmodi parochus semper esse Religiosus, semperque obligatus ad implenda officia Religiosi. Et si proin teneatur rationem reddere Episcopo quoad administrationem Sacramentorum, & morum honestatem, Superior ipsius non propterea

excluditur, quo minus & ipse istis invigilare possit ac debeat. Denique Generalis Præmonstratensis, sicut reliqui omnes religiosorum Ordinum Generales, potestatem quasi episcopalem obtinet in Religiosos suos, eosdemque potest excommunicare. Dumque excommunicat quemquam horum parochorum, qui v. g. negotiorum causa Parisios veniens recusat divertere ad domicilium Ordinis sui, non excommunicat Religiosum residentem in sua parochia, & in diœcesi sua, sed ex loco Beneficii sui egressum, atque extra Ordinis sui domicilia in loco statui suo non competente commorantem; adeoque talis excommunicatio nihil præjudicat potestati episcopali, nec functiones parochiales turbat. Potest quis juxta dispositionem juris communis esse subjectus Episcopo, simulque stare sub obedientia Superioris regularis. Omnes ferme Bullæ Pontificiæ sæculi XII. approbant, imo confirmant dependentiam parochorum regularem Ordinem professorum a suo Superiore regulari circa ea, quæ ipsi ut Superiори competunt, & in quibus jus ipsi suffragatur, ut est dispensatio reddituum parochiæ regularis, & observantia constitutorum religiosi status, inquantum ex sunt compatibles cum functionibus pastoralibus: & hoc non obstante salva manet obligatio, qua parochi Religiosi Episcopo suo tenentur rationem reddere de spiritualibus, & cura animarum parochiæ suæ. *Fromageau.*

## PRÆSCRIPTIO.

1. *Præscriptio* est modus acquirendi & amittendi jus proprietatis in aliqua re per lapsum temporis; vel melius: est acquisitio proprietatis alienius rei bona fide ac sine interruptione per tempus a lege definitum possidendi. Præscriptio sic explicata introducta fuit in favorem boni publici, & pro conservanda tranquillitate ac pace in familiis. *Bono publico utucapio intr. duæ arsl*, inquit *Lex Bono publico. l. ff. Lib. 4. Tit. 3. ne scilicet quarumdam rerum diu & fere semper incerta dominia essent; cum sufficeret dominus ad inquirendas res suas statuti temporis spatium.*

2. *Utucapio* & *præscriptio* in hoc quidem conveniunt, quod utraque vox significet modum acquirendi proprietatem rerum per lapsum temporis; *præscriptio* tamen insuper indiget modum acquirendi aut amittendi omnis generis jura & actiones post lapsum temporis a jure determinati. Hinc duplex distinguitur *præscriptio*: una est, qua possessori acquiritur jus proprietatis rei possidendi, & proprietario adimitur; eo quod

quod nec eandem possederit, nec ab alio possessionem revocaverit. Altera est, quæ acquiruntur vel amittuntur quæcumque jura, quæ in commercio humano sunt, siue interveniat aliquæ possessio, ut in usu servitutum, siue nulla interveniat possessio, ut in amissione debiti nunquam a creditore exacti. Utrique hæc præscriptio fundatur in præsumptione, quod possessor non absque justo titulo vel legitima causa rem possederit, quodque proprietarius quocumque demum modo, vel quacumque ex causa rem possidere noluerit, ac jus proprietaris dimiserit.

3. Nunquam præscribi possunt res aut jura, quorum proprietas acquiri non potest, excepto casu, quo v. g. jus spirituale foret annexum rei corporali, ut jus Patronatus prædio aut domui: præscribens enim domum vel prædium censetur præscribere etiam jus Patronatus, juxta communem regulam: *Accessorium naturam sequi congruit principalis.*

4. Ad acquirendum jus præscriptionis necessarium non est, ut possessio fuerit continuata ab una sola & eadem persona durante toto tempore a legibus determinato. Sic tempus illud, quo v. g. rem possedit defunctus, jungitur tempori, per quod possessionem continuavit hæres ipsius, licet aliquod temporis intervalum intercesserit; eoquod v. g. non statim ut hæredem se declaraverit, vel de vacante successione nullam aliquamdiu notitiam habuerit, vel denique hæreditas litigiosa fuerit.

5. Possessio semper censetur fuisse continuata non obstantibus intervalis, quibus actus a possessore non fuit exercita possessio. Hinc, si possideo agrum, quem primo anno excolo, licet per subsequens decennium absque omni cultura maneat, non desino continuare possessionem; dummodo eum in potestate mea detineam cum intentione continuandæ possessionem: licet enim per solam intentionem possidendi non acquiritur possessio, ea tamen semel acquisita conservatur per solam intentionem juxta L. *Licet.* 4. Cod. Lib. 7. Tit. 32. *Licet possessio modo animo acquiri non possit, tamen solo animo retineri potest.*

6. Ad legitimam præscriptionem semper in possessore requiritur bona fides; sique bonæ fidei superveniat etiam complementum totius temporis ad præscribendum requisiti. Proprietarius non admittitur amplius ad probandam malam fidem possessoris. Nihilominus tamen hæres illius, qui bona fide acquisivisset rem non pertinentem ad illum, a quo ad se translata est, excipitur ab hac regula.

7. Potest quis præscribere per alium, veluti per tutorem, curatorem, locatarium &c. Nullus possessor, qui rem non possidet nomine proprio, potest unquam præscribere, ut sunt locatarii, depositarii, tutores &c. Diuturna absentia negotiorum publicorum causa, vel ob captivitatem impedit præscriptionem.

8. Tempus præscriptionis cessat currere, ex quo prima petitio contra possessorem apud iudicem facta est. Possessor ex possessione dejectus per solam *viam facti*, absque iudicis autoritate, semper pro possessore habetur; quia habet jus redeundi in possessionem, eamque continuandi.

**CASUS I.** Agatho bona fide possedit fundum tanto tempore, quantum a legibus ad præscribendum requiritur. Potestne in conscientia uti jure præscriptionis ad se se eximendum a restitutione facienda illi, qui fundi proprietarium se esse probat? Idemne etiam dicendum de mala fidei possessore?

**R.** Certum est, possessorem bonæ fidei posse uti jure præscriptionis in utroque foro post possessionem tempore a legibus determinato continuatam. Sic docet D. Thomas Quodl. **II.**, art. 4. *C.* ubi ait: *Si quis præscribat bona fide possidendo, non tenetur ad restitutionem, etiamsi sciat, alienum fuisse post præscriptionem; quia lex potest pro peccato & negligentia punire in re sua, & illam alteri dare, & concedere.* Aliud dicendum de possessore malæ fidei: dicit enim Bonifacius VIII. Reg. jur. 2. in 6. *Possessor malæ fidei ullo tempore non præscribit; id autem solum intelligendum est de foro interno: nam quoad forum externum jus civile, ad conservandam pacem familiarum, post tricennem pacificam possessionem non amplius curat, utrum fides possessorum fuerit bona vel mala. Quod autem Ecclesia quoad hoc punctum non recipiat dispositionem juris civilis: ratio est; quia, ut D. Thomas observat, Principes in suis legibus solum respiciunt ad tranquillitatem temporalem Statuum suorum, cum Ecclesia principaliter intendat quietem conscientiarum & salutem fidelium; leges civiles præprimis intendunt terminare litigia ac processus judiciales, cum ecclesiasticæ tendant ad impedienda peccata.* Pontas.

**CASUS II.** Arthurus bona fide jam a vicennio & ultra possidet bonum immobile antehac a se emptum, nesciente Philippo vero fundi proprietario præscriptionem contra se currere, quin etiam ignorante, fundum hunc ad se pertinere, ita ut ex hoc capite nullius possit inculari negligentie. Potestne Arthurus uti jure præscriptionis ad retinendum dictum fun-



fundum, casu quo Philippus edoctus fundi proprietatem ad se pertinere, ejusdem restitutionem apud Judicem urgeat?

R. Si Arthurus fuerit fundatus in titulo emptionis, potest illæsa conscientia uti jure præscriptionis, & retinere fundum, quem per vicennium pacifice ac nemine contradicente possederat, licet postea resciat, Philippum ejusdem revera esse proprietarium. Hoc tamen non obitante dantur auctores, qui tuentur, præscriptionem hanc non esse conformem spiritui legum, quæ videntur conditæ ad puniendam præcipue illorum negligentiam, qui diutius differunt inquirere in jura sua, eaque conservare, casum tamen calamitatis publicæ excipientes; indeque concludunt: inique puniri privatione rei suæ aliquem, nisi postquam negligentiae in ea conservanda reus deprehensus fuerit: attamen fundamentum hujus sententiæ nec solidum nec verum est. Legislatores introduxerunt præscriptionem ad præveniendas ac tollendas turbas, quæ nascerentur ex incertitudine dominiorum, & ut impediant, ne proprietates bonorum maneant incertæ. *Pontas.*

CASUS III. Pelagius bonæ fide novennio abhinc possidet domum sibi ab Arnaldo legatam, licet ad hunc non pertineret; cum vera domus proprietas inter Joannem, Jacobum, tresque alios divisa esset. Joannes ex charta valde authentica edoctus, juri in hanc domum partem aliquam sibi quoque competere, causa ad judicem contra Pelagium delata, proprio nomine repetiit, Jacobo & reliquis tribus in seculis, qui non nisi quindecim jam elapsis mensibus in litis societatem voverunt. Possessio itaque Pelagii hoc modo a Joanne turbata ac interrupta ante completum decennium a jure ad præscribendam rem immobilem requisitum, esse censenda interrupta etiam in favorem Jacobi & sociorum, qui expleto jam decennio tardiores liti intervenerunt? Habetne jus aliquod Pelagius tuendi se contra hos possessione decennali completa, maxime cum omnes in eadem provincia domicilium habeant?

R. Cum Joannes domus hujus sit verus proprietarius una cum Jacobo & aliis, egeritque apud judicem pro restitutione domus ante decennium elapsum, Pelagius cessat esse possessor bonæ fidei respectu omnium comproprietariorum, neque possessio ejus ipsi prodest quidpiam. *Possessio ita demum est legitima, ait L. Nemo 10. Cod. Lib. 7. Tit. 32. cum omnium adversariorum silentio & taciturnitate firmatur: interpellatione vero & controversia progressa, non potest is intelligi possessor, qui licet possessionem corpore teneat, tamen ex interposita contestatio-*

*ne, & causa in iudicium deducta, super jure possessionis vacillet ac dubitet. Pontas.*

**CASUS IV.** Pipinus tutor Arnulphi reddita minorenni suo, ubi majorennitatem adeptus est, de administrata tutela ratione, immisit ipsum in possessionem omnium bonorum, & inter alia prædii cujusdam rustici 150. agrorum jugera ambitu suo complexi, exceptis tantum duobus jugeris prati cujusdam, quæ viginti alis ad se proprie pertinentibus jugeris contigua erant. Pipinus serio persuasum sibi habens duo etiam hæc jugera sua esse, totum pratum locat Hyppolito, qui singulis annis persoluto fideliter pretio ex conventionem debito, fundi hujus possessionem per 30 annorum nunquam interruptam seriem bona fide continuat. At vero Arnulphus invento postmodum documento authentico, ex quo constabat, duo præfata jugera sui solius domini esse, de recuperanda prati possessione contra Pipinum agit, qui præscriptionem ipsi objicit fundatam in possessione decem annis ultra tempus a lege statutum continuata. Potestne Pipinus sæpe dictum pratum bona conscientia sibi retinere?

3. Qualitas seu onus tutelæ non destruit in Pipino fundamentum legitimæ præscriptionis; quod quidem fundamentum est bona fides conjuncta tempori a jure taxato: adeoque absque ullo conscientiæ scrupulo pratum hoc sibi poterit retinere. *Pontas.*

**CASUS V.** Jam solidum effluxit vicennium, ex quo Constantinus a Clemente emit tria jugera vineæ, quorum proprietarius tunc erat minorennis quidam, quinque tantum annos ætatis habens. Minorennis hic majorennitatem adeptus inventis documentis titulum proprietatis in hac vinea sibi competentis demonstrantibus, de ejusdem restitutione contra Constantinum agit, salvo jure recursus adversus Clementem. Potestne Constantinus eximere se ab onere restitutionis per exceptionem præscriptionis, munitam titulo emptionis & tam diuturnæ possessionis bona fide usque in præsentiarum continuatæ?

3. Non potest præscribi contra minores durante minorennitate ipsorum; immo nec inchoari contra ipsos præscriptio potest, antequam majorennitatem attigerint; & hinc vi legis *Non est.* 3. Cod. Lib. 7. Tit. 35. Constantinus tenetur restituere tria jugera vineæ. Unde sequitur, quod, si aliqua res, sive fundus sive jus v.g. servitus aut aliud pertineret indivisum ad majorem & minorem, illa præscribi non posset; quia minorennis nequit perdere proprietatem per præscriptionem durante minorennitate currentem. *Si committant,* ait,

ait Lex 20. ff. Lib. 8. Tit. 6. *fundum ego & pupillus habereimus, licet uterque non uteretur, tamen propter pupillum & ego vram retineo.* Dicitur, *indivisim*: nam si fundus communis inter majorem & minorem divideretur, servitus posset præscribi contra majorem, non autem contra minorem; quia in casu divisionis causa eorum non amplius communis est. *Pontas.*

**CASUS VI.** Salvius bona fide per integrum novennium fuit possessor domus ad se titulo legati transmissæ a Joanne, licet hic ejusdem non esset verus proprietarius. Post tamen Salvius illam reliquit Bernardo hæredi suo, in cuius possessionem hic transit decem mensibus a morte Salvii. Sed post trimestre inchoate possessionis lis ipsi fuit mota a Jacobo luculentis argumentis comprobante sibi, nec cupiam alteri, præfatæ domus competere dominium. Teneturne Bernardus ad restitutionem domus? An vero potest opponere præscriptionem, non obstante intervallo decem mensium, quod a morte testatoris usque ad aditam possessionem intercesserat?

*g.* Bona successionis a defuncto relictae censentur possessa ab ipsa hæreditate; hinc temporis intervallum actuali possessore destitutum non interruptit cursum præscriptionis. Adeoque Bernardus non tenetur reddere domum, de qua queritur. *Vacuum tempus, Leg. Nunquam. 31. §. 5. ff. Lib. 41. Tit. 3. quod ante aditam hæreditatem, vel post aditam intercessit, ad usucapionem hæredi procedit. Pontas.*

**CASUS VII.** Jossellinus bona fide per novennium possedit jugerum sylvæ cedue a Bertrando emptæ, quam morti proximus Oliverio hæredi suo ex testamento relinquit. Post biennii possessionem ex parte Oliverii vicinus quidam per titulos authenticos apud judicem exhibitos jugeri hujus proprietatem evicit, sylvamque sibi reddi postulavit, maxime cum Oliverius ob possessionem dontaxat biennalem non possit opponere jus præscriptionis contra titulum a se productum ac probatum.

*g.* Vicinus iste nullum habet jus inquietandi Oliverium in sua possessione. Quando possessor bonæ fidei moritur ante completam præscriptionem alicujus fundi, continuante interim ipsius hærede bona fide possessionem ad se translatam, tempora utriusque possessionis debent conjungi, sique taliter conjuncta adæquant tempus ad legitimam præscriptionem a jure requisitum. juxta Leg. *De accessionibus. 14. §. 2. ff. Lib. 44. Tit. 3.* præscriptio hæredi erit acquisita. Id tamen intelligendum est de casu, quo utraque possessio est bonæ fidei, ut

in præsentî casu, & insuper continua sine interruptione; ita ut v. g. prima possessio non fuerit interrupta per possessionem tertii, aut per petitionem cum fundamento coram iudice factam. *Pontas.*

**CASUS VIII.** Pantaleon Abbas Vitali vendidit sylvam cæduam ad suam Abbatiam pertinentem, absque tamen consensu suorum Capitularium, aliisque consuetis solemnitatibus; pretium 2000. florenorum ab emptore sibi persolutum (magna quippe tunc temporis populum affligebat annonæ inopia) in pauperes erogavit. Possessione vero sylvæ aliquamdiu post a Vitale in Robertum jure pariter emptionis translato, successor Pantaleonis unacum suis Capitularibus in sylvæ hujus possessionem restitui judicialiter petit, ut jam per continuos quadraginta annos a Roberto possessæ. Fundamentum monasterii erat, quod contractus venditionis a Pantaleone celebratus vitiosus fuerit. Eximitne in casu hoc Robertum a restitutione sylvæ bonæ fidei possessio?

*ꝑ.* Certum omnino est, quod non obstante vitioso titulo primi aquirentis, tertius qui bonum immobile ecclesiæ bona fide per 40. annos ut possessor tenuit, tuto ac bona conscientia possit uti jure præscriptionis contra Beneficiatum in possessionem redire cupientem. Si ita non esset, vix possibills foret casus, quo præscriptio contra ecclesiam, licet per quadraginta annos bona fide continuata haberet locum. *Pontas.*

**CASUS IX.** Samuel in provincia Turonum degens bona fide sexennio abhinc integro decem agri fertilis jugera tenet a quodam amico sibi legata. Cyrillus in eadem provincia domiciliatus præten dit agri hujus proprietatem sibi deberi vi tituli nuper a se inventi. In judicium ergo vocat Samuelem, sed postquam aliquoties inter ipsos ultro citroque fuit disputatum, sponte liti renunciat, Samuele exhibente possessionem per quatuor annos continuante. Quæstio jam est, an decem hi anni sufficiant ad jus legitimæ præscriptionis.

*ꝑ.* 1. Si Samuel nunquam cessaverit esse possessor bonæ fidei tam durante instantia apud Judicem, quam postea, præscriptionis tempus semper currit in ejus favorem, non obstante Cyrilli judiciali interpellatione. 2. Si durante instantia, utut lapsu trium annorum perempta, factus est malæ fidei possessor, sive pendente adhuc causa, sive ea deserta a Cyrillo, non poterit describere in foro interno. 3. Si Samuel rationabiliter dubitare incepit de bona fide sua, sive in ipsa judiciali instantia, sive post instantiam, licet lapsu trium annorum negligentia jam peremptam, id non impedit, quo minus prodesse ipsi queat præscriptio pro foro interno: præscri-

ptio

ptio quippe non cessat currere, licet tantum sit *possessor non bonæ fidei*. Pontas.

CASUS X. Calvimundus furto abstulit Luciano adamantem mille aureorum pretio æstimatum, & aliquanto post repente e vivis sublatus est. Stephanus filius ipsius & hæres unicus gemmam hanc inter alia hæreditatis mobilia inventam patris sui fuisse credidit, eamque per annos triginta & amplius bona fide penes se asservavit. Lucianus viro & mox agnito adamante pro illius restitutione agit, invictis argumentis demonstraturum se asserens, quod suus esset. Stephanus rei veritate perspecta & probata, teneturne ad restitutionem, non obstante longa sua possessione?

ꝑ. Possessio tricennalis bonæ fidei hujus adamantis non eximit ab onere ipsum restituendi. Hæres universalis censetur una sola & eadem persona cum defuncto, in cujus bona succedit Leg. *Hæres*. 22. ff. Lib. 41. Tir. 3. Jam vero, cum Calvimundus fuerit possessor malæ fidei, ipsa hæc mala fides imputatur Stephano unico illius hæredi, Leg. *Vitia*. 11. Cod. Lib. 7. Tit. 32. Aliud dicendum foret, si Stephanus esset tantum donatarius vel legatarius particularis: in hoc enim casu juxta Leg. *An vitium*. 5. ff. Lib. 44. Tit. 3. posset uti præscriptione triginta annorum. Pontas.

CASUS XI. Hyppolitus bona fide emit ab Ursino rem, quam hic injusta usurpatione tenebat a suo vicino, eamque postmodum vendidit Theodosio, qui ejusdem mansit possessor bonæ fidei durante toto tempore ad præscriptionem requisito. Estne ergo legitimus proprietarius jure præscriptionis?

ꝑ. Mala fides, quacum Ursinus rem possedit, non potest impedire jus præscriptionis respectu Theodosii, modo durante toto tempore ad præscribendum necessario nullam habuerit notitiam de mala fide Ursini. Ita definitur *Institut.* Lib. 2. Tit. 6. initio; id quod etiam probatur ex constitutione Imperiali Authent. *Malæ fidei*. Cod. Lib. 7. Tit. 33. ubi dicitur: *Malæ fidei possessore alienante cessat longi temporis præscriptio si verus dominus ignorat suum jus & alienationem factam: spectatur ergo triginta annorum defensio.* Pontas.

CASUS XII. Gustavus parochiæ Toparcha ultra quinquaginta jam annos possidet tractum prati vel agri horto suo olitorio contermini. Bertrandus parochus invictis argumentis probat; tractum illum olim fuisse partem cæmeterii, & idcirco pro ejus restitutione initat. Renuit Gustavus opponendo possessionem bonæ fidei, & præscriptionem plus quam sufficientem contra bona Ecclesiæ. Habetne fundamentum hæc Toparchæ exceptio?

ꝑ. Non

iv. Non possunt legitime præscribi, nisi quæ sunt de commercio humano, & quæ possunt cedere in dominium privatorum. Atque res illæ, quas jus vocat *Sacras*, uti Ecclesiæ, Capellæ, eæque, quas *Religiosas* nuncupat, uti cæmeteria, quæque stilo Juris Romani vocantur *Sacræ*, veluti viæ publicæ, incensæ, & portæ civitatum &c. non sunt de commercio humano nec pertinent ad personas privatas; adeoque cum tractus ille terræ, de quo quæritur, sit de numero rerum *Religiosarum*, Gustavus non potest se tueri præscriptione, teneturque ad restitutionem. Idem foret dicendum de pensione constituta pro adimplenda pia fundatione. Jus autem patronatus annexum alicui fundo sequitur sortem fundi quod præscriptionem; cum sit accessorium fundi. Leg. *Quædam*. 62. ff. Lib. 41. Tit. 1. *Pontas*.

CASUS XIII. Felicianus vir d.issimus tenetur Gualterio loci domino singulis annis in recognitionem domini perfolvere tres stotenos cum dimidio. Gualterius sciens, Felicianum abundare pecuniis, volensque, ut singulæ hæ præstationes annuæ in summam excrecerent majorem, per triginta octo annos nec obolum ab eo petiit. Jam demum solutionem petenti respondit Felicianus, equidem verum esse, quod toto hoc tempore præstationem suam non perfolverit, se tamen modo non tene nisi ad præstationes viginti novem annorum, reliquis per legitimam præscriptionem extinctis. Teneturne in conscientia etiam solvere præstationes reliquorum novem annorum?

v. Census aut pensio, vel quæcumque alia res jure debita nunquam subjacet præscriptioni, etiam quadraginta annorum, nisi debitor sit in bona fide; & leges Romanæ non permittentes, ut post tam longum temporis spatium possessores etiam malæ fidei turbentur, non possunt adoptari pro regula conscientie, utpote ex rationibus mere politicis ac civilibus conditæ; id quod evidentissime declaratum est a Concilio Lateranensi IV. Can. 41. sub Innocentio III. Secus se res habet in pensionibus, ex quibus anteriores antiquioresque præstationes non aliter debentur quam ex lege Principis, cui contrahentes mutuo sese consensu subjecerunt, quique ob bonum publicum easdem fixit ad certum annorum numerum, ut præcaverentur ruinæ debitorum, qui vel ex solvendi impotentia vel ex negligentia paterentur, ut anteriorum præstationum numerus pene in immensum excreceret. Quare in casu proposito Felicianus non potest tuta conscientia eximere sese remedio præscriptionis, cum præstationes anteriores dominicales debeantur Domino ex ipsa natura rei. Ad-

ver

vertendum hic, quod in non nullis locis consuetudo recepta sit etiam contra famulos, ancillas domesticas, mercatores & operarios præscribendi, ita ut post lapsum certi temporis non amplius possint petere solutionem: quidquid sit de ejusmodi præscriptione legali vel consuetudinaria: certum est, ipsis coram Deo nunquam subtrahi posse solutionem, utpote debitam jure naturali ac divino, contra quod præscribi nunquam potest. *Pontas.*

**CASUS XIV.** Ennodius jam ab annis quadraginta & ultra possidet silvam, per testamentum sibi a patre relictam, qui & ipse totidem fere annis eandem ut suam tenuerat. At ecce! adsunt commissarii vindicandorum ac recuperandorum bonorum dominialium Principis negotio præpositi, qui restitutionem silvæ dominialium Principis partem constituentis ab Ennodio petunt. Juvabitne Ennodium hoc in casu jus præscriptionis?

*g.* Quidquid in Gallia de dominio Regis est. est in præscriptibile, nisi possessio integrum sæculum excedat; adeoque Ennodius restitutionem silvæ non potest negare Commissariis regis. Noscuntur tamen etiam in Gallia casus, in quibus bona dominialia Regis alienari possunt & quidem ante tempus centenariæ possessionis, scilicet 1. in necessitate inevitabili gerendi bellum contra inimicos patriæ. 2. pro fundatione ecclesiarum, seminariorum vel hospitalium. 3. pro comparandis congruis redditibus Regis filiis. Verum perpetuo Rex gaudet jure reluendi bona ejusmodi alienata. *Pontas.*

**NOTA.** Usam hujus principii, quod contra Principem non detur præscriptio, non modo in aulis Imperatorum ac Regum, sed & inferiorum Germaniæ Principum adulatio invenil aulicorum.

**CASUS XV.** Potestne Princeps suprema sua auctoritate male fidei possessori concedere dominium rei, toto tempore a legibus statuto ab eodem possessæ?

*g.* Utut suprema sit & illimitata Principis auctoritas, nunquam potest sibi arrogare tantam potestatem. Auctoritas Principis ex doctrina D. Thomæ *Quodl.* 12. art. 24. ad 1. non aliter se extendit ad bona suorum subditorum, quam ut veris dominis suis eadem conservet, non vero auferat vel ea sibi retinendo, vel ad alios, neutiquam dominos, transferendo. *Pontas.*

**CASUS XVI.** Medardus per decennium possedit dimidium agri jugerum a Joanne emptionis titulo acquisitum, cujus tamen genuinus possessor erat Reinaldus ejus vicinus, Quod ubi innotuit Reinaldo, Medardum conveniri de agro reddendo

do jussit; at vero provocatio hæc nonnisi ad vesneram ultimæ diei decennium complentis facta est, ita ut quinque tantum vel sex horæ completo decennio deessent. Excipit ergo tenetque Medardus, tempus a lege statutum pro usu præscriptionis, expletum esse, si pauculas horas excipias, quas omnino non attendendas esse prætendit. Habetne sufficiens fundamentum assertionis suæ?

R. Medardus non potest in conscientia recusare restitutionem dimidii jugeri: licet enim effectus præscriptionis sit favorabilis præscribenti, favor tamen hic non eo usque se extendit, ut tempus lege taxatum abbreviari possit ad spoliandum proprietarium. Regula illa: *illud quod modicum est, ratio apprehendit quasi nihil*, locum non habet in his rebus, quæ sunt determinatæ & taxatæ per leges: sic enim v. g. Clericus non potest absque crimine, & pœnarum Canoniarum incurrendarum periculo suscipere Ordines sacros, antequam dies ultimus ætatis ab Ecclesiâ præscriptæ ex integro exspiraverit. *Pontas.*

CASUS XVII. Episcopus Almerienſis invenit antiquum documentum, ex quo apparet, prædecesores suos habuisse jus conferendi Decanatum ecclesiæ cathedralis per electionem capituli, conferendique Decano curam ecclesiæ & animarum, in cujus tamen juris possessione Metropolitanus hucusque a centum & amplius annis erat. Collato ergo cum curâ animarum, quam Metropolitanus hic nuper primum Lucio concessit, estne canonica jure præscriptionis?

R. Quando præscriptio habet omnes conditiones necessarias ad hoc ut legitima sit, collatio Metropolitanæ canonica est: una quippe ecclesiâ potest legitime præscribere contra aliam ecclesiâ. *Ecclesiâ*, inquit Alexander III. Can. *Illud*. 8. Lib. 2. Tit. 26. *se potest adversus ecclesiâ quadragenaria temporis præscriptione tueri de re illa, quam inconcussa quadraginta annis noscitur possedisse.* Et hinc Lucius, cum sit idoneus, & ex præscripto canonum provisorius fuerit, poterit tuto ac tranquilla conscientia frui suo Beneficio. *Pontas.*

CASUS XVIII. Crispinus debet censum plurium annorum ex domo sibi locata. Possuntne hæredes ipsius declinare solutionem ope præscriptionis?

R. Si vel contra unicum dictorum hæredum judicialis interpellatio fuit in tempore instituta, non poterunt præscribere solutionem. *Fromageau.*

CASUS XIX. Cajus Marchio injuste usurpavit quatuordecim jugera agri ad viduam quamdam pertinentis, eaque communi cum reliquis fundis suis septo ambienda curavit. *Te-*  
*ne.*



neturne hæres ipsius ea una cum fructibus hucusque perceptis restituere ?

ꝑ. Tenetur omnino : neque enim præscriptio poterit illum eximere ab hac obligatione ; cum ea nihil proût hæredi, qui succedens in bona defuncti tenetur ad omnia onera & obligationes defuncti, tanquam eadem cum eo persona, ad quam etiam mala fides authoris transit. *Fromageau.*

Vide *Resolutio* cas. 5. 7. 8. 9. 10. 12. & 13.

## PRECARIUM.

1. *Precarium* definitur, quod sit *commodatum revocabile ad nutum concedentis*. Precarium finitur 1. dum precario concedens rem concessam repetit : si tamen res precario data repeteretur tempore adeo importuno, ut notabile damnum inferretur ei, cui data est, æquitas postularet, ut pro ratione circumstantiarum dilatio restitutionis indulgeretur, juxta regulam juris : *In omnibus quidem, maxime in jure æquitas spectanda*. Finitur 2. per mortem concedentis, quandocumque demum contingat.

2. Precarium sumitur etiam in latiori significatione, ut dum quis dicitur precario possidere, id est, sub alio quam proprietatis titulo, vel possidere fundum cum onere restitutionis. Sic vidua non nisi precario gaudet usufructu bonorum, suo tempore ad hæredes defuncti mariti redeuntium ; & Beneficiatus censetur possidere suum Beneficium ejusque gaudere fructibus tantum precario ; quia non ad eum, sed ad ecclesiam spectat Beneficii proprietas.

CASUS. Liminius rogavit Tullium, ut sibi commodet vasa argentea & quædam peristromata, pacta conditione, ut illa ad nutum sit restitutus, his autem ad trimestre uti possit. Annuit Tullius, & post dies quindecim moritur. Tenetur Liminius in conscientia precario data absque cunctatione hæredibus defuncti reddere. An vero licet ea retinere, iisdemque uti ad finem usque pacti trimestris ?

ꝑ. Distinguendum est inter duo hæc precaria : Illud vasorum argenteorum est precarium proprie tale, seu quod precibus petenti utendum conceditur, quamdiu is, qui concessit, patitur, ut habetur Leg. *Precarium*. 1. ff. Lib 43 Tit. 26. quodque, quamprimum concedenti repetere placuerit, restituendum est. Alterum peristromatum potius est *Commodatum* quam precarium, seu conventio, per quam unus alteri concedit rem ad certum ac determinatum usum, & quousque ea  
opus

opus habuerit, *nulla mercede constituta vel accepta*. Quare Liminius ocyus post mortem Tullii tenetur reddere vasa argentea: potest vero ad constitutum trimestre retinere peristromata. *Pontas.*

## PRIVILEGIUM.

1. Definitur *Privilegium*, quod sit *jus privatum indultum a Principe contra jus commune*. Hæc verba, *jus privatum*, denotant 1. causam privilegii debere esse justam; quia alias nullum accederet jus illi, in cujus favorem confertur. 2. per privilegium revera importari exceptionem a jure communi respectu hominis privati, in cujus commodum immediate cedit; id tamen non obstat, quo minus concessio privilegii vertat etiam ad bonum publicum, licet remote solum ac indirecte.

2. Privilegium vel est *personale*, quod extendi non potest ultra personam, cui concessum est juxta regulam juris: *Privilegium personale personam sequitur, & extinguitur cum persona*. Vel est *reale & transiens* ad hæredes illius, qui id obtinuit.

3. Quando privilegium datum est contra legem, absolute requiritur, ut contineat clausulam expresse derogantem legi. Bartolus dicit, ejusmodi clausulam privilegio semel appositam derogare omnibus legibus ac constitutionibus, quæ & in futurum conderentur, & privilegio adversarentur.

4. Omne privilegium est stricti juris, nec potest extendi ad casus in eo non contentos.

5. Princeps, qui concessit privilegium, aut successor ipse potest illud restringere, limitare, & revocare pro libitu, maxime si vergat in detrimentum publicum. Privilegium tamen concessum integræ provincie aut civitati, ac diuturno usu jam confirmatum tam facile revocandum non est. Qui abutitur concessio sibi privilegio, dignus est, ut eo privetur.

6. Privilegio integræ communitati, societati vel corpori concessio membrum particulare renunciare non potest: non enim favorem privatorum, sed totius corporis respicit. Sic Clericus, Beneficiatus, studiosus academicus, aut Ecclesie servitio dicatus non potest renunciare privilegio Clericis, Beneficiatis, studentibus aut Ecclesie ministerio vacantibus concessio.

**CASUS I.** Æneas & Sylvanus juris studio inter se disputant, cuiusnam proprie sit jus concedendi privilegia? contendit Æneas id competere Papæ; Sylvanus vero defendit, jus istud in solo residere Principe sæculari. Cuiam assentiendum?

Æ. Est principium passim & ab omnibus receptum, quod nemo possit concedere privilegia, nisi qui jus habet ferendarum legum & in iisdem dispensandi. Nec Æneas ergo nec Sylvanus bene ratiocinantur. Regulariter loquendo Papa, cujus amplissima est potestas per totam Ecclesiam quoad spiritualia, non potest concedere privilegia nisi in rebus spiritualibus, & si quæ concedat in temporalibus, ea concessa intelliguntur pro statibus, in quibus supremum principatum exercet. Privilegia solum temporale spectantia a solis Principibus supremam auctoritatem exercentibus dari possunt. *Papa in spiritualibus*, inquit Angelus de Clavasio v. *Privilegium. n. 2. Et Imperator in temporalibus regulariter privilegia concedere potest.* Addit tamen, quod Princeps sæcularis possit etiam ecclesiis impertiri privilegia in rebus a ditione sua dependentibus, & bonum Ecclesiæ concernentibus. *Pontas.*

**CASUS II.** Anaximenes Acolythus, quod plagis male multasset æditum parochialis ecclesiæ, ad tribunal iudicis regii fuit evocatus. Ubi comparuit, fori hujus incompetentia objecta petiit remitti ad Officiale ob privilegium clericale, quo gaudere se existimabat. Recusat iudex, causaque sibi vindicata Acolytum ad multam pecuniariam ædituo solvendam condemnat, simul & ad expensas. Teneturne sententiæ huic submittere se Anaximenes?

Æ. Juxta Tridentinum Sess. 23. de refor. c. 6. *Clericus tonsura initiatus aut etiam in minoribus Ordinibus constitutus non gaudet privilegio fori, nisi Beneficium ecclesiasticum habeat, aut clericalem habitum & tonsuram deferens, alicui ecclesiæ ex mandato Episcopi inserviat, vel in seminario Clericorum, aut in aliqua schola vel Universitate, de licentia Episcopi, quasi in via ad majores Ordines suscipiendos versetur.* Si ergo ex parte Anaximenis nulla prorsus ex enumeratis conditionibus reperitur, nullum profecto ipsi jus competit declinandi forum sæculare. Observandum hic 1. Qui, utut Clericus, est conjugatus, non gaudet privilegio clericali; quia matrimonium contrahendo eidem renunciasse censetur. 2. Si Clericus in eum statum deveniat, quo gaudere possit & debeat privilegio clericatus, non est in ejus potestate eidem renunciare; cum non sit dominus privilegii. 3. Clericus munus aliquod judicarium exercens; eo ipso privilegium clericale amittit,

& potestati sæculari subjectus esse censetur. 4. Clericus commercii & negotiationi se se immiscens nunquam potest allegare privilegium clericale, ut a jurisdictione sæculari sese eximat quoad rem commercialem. *Pontas.*

CASUS III. Sivranus obtinuit a Principe privilegium sub tenore verborum haud satis determinato & in varios sensus exponibili. Potestne uti hoc privilegio in sensu, quantum fieri potest, latissimo, quotiescumque id in commodum proprium vergit?

ꝑ. Decisio quæstionis hujus dependet a pluribus principiis ac regulis, ex quibus plurimæ difficultates hac in materia resolvi possunt. 1. Generaliter loquendo privilegia stricte sunt intelligenda & explicanda. Ratio est; quia privilegium est lex particularis, quæ juri communi derogat, illudque quasi vulnerat: *Privilegia sunt leges privatorum, quasi privatarum leges*, ut loquitur S. Isidorus Can. *Privilegia*. 3. dist. 3. unde merito dici potest, *privilegium ex eo appellari, quod sit plaga legis*. 2. Quando privilegium non adversatur juri communi, sed solummodo consuetudini vel statuto particulari, potest favorabiliter exponi & sumi in sensu latiore. 3. Dum verba concessi privilegii sunt ambigua & æquivoca, solius concedentis est illud interpretari, fixumque sensum determinare. 4. Quando termini nec ambigui sunt nec obseuri, eorumdem tenori exacte insistendum est. 5. In dubio semper sensus magis expendendus & attendendus est, quam cordex verborum. 6. Verba privilegii favorabiliter interpretanda sunt, lateque, quantum rationabiliter fieri potest, extendenda, nisi privilegium versetur circa rem odiosam. 7. Denique interpretatio in nullius vergere debet præjudicium, nec notabiliter lædere jus commune. Et ex his principiis de Sivrani privilegio judicium ferendum est. *Pontas.*

CASUS IV. Sosthenes cum a Principe speciale privilegium obtinuisset, post octiduum moritur. Transitne hoc privilegium ad hæredes & successores ipsius?

ꝑ. Si privilegium hoc est mere personale, non transit ad hæredes Sosthenis: si vero est reale, eo gaudere possunt hæredes. *Personale privilegium extinguitur cum persona*, ait author Glossæ in leg. *Ætatem*. 3. ff. Lib. 50. Tit. 15. De privilegio autem reali loquens dicit: *Hoc enim transit cum re*. v. g. Officialis exercitus ob bene præstita servitia obtinet a Principe privilegium exemptionis ab omni tributo, tutela aut aliis hujusmodi oneribus; eo mortuo liberi aut alii hæredes nullum habent jus hoc privilegium in se transferendi; quia fuit concessum soli personæ defuncti, & facta in infir-

strumento privilegii expressio necessario infert exclusionem omnis alterius. Non autem ita est circa privilegia realia : hæc enim transeunt ad liberos illorum , quibus fuere concessa. Sic si Princeps ignobilem ac hominem plebejum evexit ad statum nobilitatis , hæc concessio etiam transit ad liberos , si quos habet ; quamvis hæredes illius collaterales eandem sibi non possint attribuire. Idem dicendum de privilegiis ecclesiasticis ; quia concessa sunt clericatui , id est , toti Clericorum statui. *Pontas*

CASUS V. Pollio creditor privilegiatus summæ 5000. florenorum Renato ad ædificandam domum commodatæ , & Rusticus creditor pariter privilegiatus æqualis summæ eidem ad perficiendum ædificium mutuo datæ , disputant inter se , quisnam alteri quoad solutionem præferendus sit ; eo quod mutuum Pollionis integro trimestri antiquius sit mutuo Rustici. Post triennium ambo creditores ex decreto iudicis immittuntur in domum Renati , præten ditque Pollio solutionem integram sui debiti ante Rusticum , qui prævidens periculum amittendi penitus suam summam , pro obtinenda concurrentia cum Pollione huic litem intendat. Potestne sic agere salva iustitia ?

3. Pollioni concurrentiam ad æqualem solutionem abnuenti iustissime litem intentat Rusticus : *Privilegia non ex tempore æstimantur* , dicitur Leg. *Privilegia*. 32. ff. Lib. 4. 2. Tit. 5. *sed ex causa ; Et si ejusdem tituli fuerint , concurrunt , licet diversitates temporis in his fuerint.* Licet ergo præfatæ Pollionis & Rustici summæ fuerint commodatæ trimestri temporis spatio una post alteram , commodatæ tamen fuerunt ad eundem usum , in eundem finem & pro eadem domo construenda. Aliud dicendum foret de duabus dotibus in eodem fundo assignatis : prima quippe secundæ esset præferenda ; *Præterquam in duabus dotibus ab eadem substantia debitis* , ait Glossa in cit. legem , *tunc enim prærogativa temporis servatur.* Verum quando causæ mutui sunt diversæ , præferenda est illa , quæ majori digna est consideratione , & ista tribuit jus præferentiæ solutionis contra illum , qui ex causa minoris momenti pecuniam suam dedit mutuatam. *Pontas.*

CASUS VI. Cato vendidit domum Radulpho , solutione ad diem præfixum faciendâ. Brevi post creditores emptoris immissionem in hanc ipsam domum & omnia alia ipsius bona immobilia impetrarunt. Opponit se Cato prætendens , sibi competere privilegium prælationis præ aliis creditoribus quoad solutionem pretii pro vendita a se domo. Jurene credi-

tores reliqui concurrentiam cum Catone sibi arrogant, & ad eam obtinendam judicialiter agunt?

3. Dubitari non potest, Catoni competere privilegium accipiendi integram solutionem pro vendita domo, antequam vel oboius solvatur reliquis creditoribus; injuste proin & absque omni fundamento petunt concurrentiam cum Catone. Qui vendit, non censetur transferre dominium rei venditæ in emptorem, nisi sub conditione pacti pretii sibi ab emptore persolvendi. *Pontas.*

Vide *Hypotheca.*

CASUS VII. Imperator Moscoviæ sanxit legem, qua omnes calumniatores in pœnam illatæ proximo injuriæ condemnat ad fustigationem. Quidam Clerici in transgressione legis istius deprehensi ex motivo pœnitentiæ & animo humilitatem exercendi subjecerunt se pœnæ huic corporali, renunciantes privilegio clericali, quo se eximere potuissent. Num peccarunt?

3. Certe non potuerunt absque peccato renunciare privilegio suo characteri ac statui annexo, maximamque injuriam intulerunt universo Ordini clericali, cujus membra erant, & ad quem proprie privilegium hoc pertinet. *Cum ille canon, inquit Innocentius III. Can. Contingit. 36. Lib. 5. Tit. 39. non tam in favorem clerici ordinati, quam in favorem Ordinis clericalis fuerit promulgatus. Personali autem privilegio quis pro suo arbitrio renunciare potest. Pontas.*

## PROCURATOR.

1. *Procurator* ad causas dicitur ille, qui jus habet repræsentandi personam, cujus causam in judicio tuetur: ministerium ipsius ultra instructionem processus se non extendit. Et hinc, dum agitur de conditionibus proponendis aut acceptandis, de liberanda re arresto subjecta, de venditione, de compromisso, de affirmatione jurata, de commodatione nominis sui ad falsum, de conflanda accusatione in aliquem, aut repudiatione judicis, potest recusari a parte sua, ac nomine proprio & privato condemnari ad damnum & interesse in favorem partis adversæ.

2. In multis religiosis Ordinibus Procurator vocatur persona a capitulo provinciali constituta, ad sollicitandas urgentesque causas & alia negotia monasterii. Denique *Procuratorem Mandatarium* vocant, qui negotii gerendi scriptam auctoritatem habet, id est, qui vel ex scriptura publica vel per privatum chirographum constitutus est ad gerenda utiliter

alce-

alterius negotia in causis civilibus vel ecclesiasticis. Atque de tali duntaxat Procuratore in præsentiarum sermo est.

3. Qui gerit procuracionem bonis moribus vel iustitiæ contrariam, & exinde incurrit damnum aliquod, nullam habet actionem nec recursum ad constituentem; quia sine peccato acceptare ejusmodi procuracionem non poterat, multo minus eam exequi.

4. Procurator stricte & ad literam debet sequi terminos & clausulas suæ procuracionis. Potestas ipsius & officium expirat per revocationem procuracionis ab eo momento, quo hæc ipsi fuit intimata. Cessat etiam per obitum ipsius procuratoris, & regulariter loquendo per mortem constituentis, si mandatarius aut procurator de obitu illius in tempore fuit certior factus, vel aliunde v. g. ex rumore publico eum facile scire potuit.

5. Procurator potest repudiare procuracionem per declarationem *re adhuc integra* desuper factam; item quando constituens est satis capax, ut possit per semetipsum agere, vel alium constituere. Si acceptata procuracione vel neglecta declaratione de non acceptando constituens patiatur damnum aliquod, poterit contra procuratorem agere *actione mandati*.

6. Procuratio potest esse generalis vel specialis, terminis absolutis, vel pro determinato tempore aut sub aliqua conditione concepta; quo in casu procurator non potest agere post expirationem procuracionis aut ante eventum appolitæ conditionis.

7. Fœmina non potest acceptare procuracionem absque consensu sui mariti; quia ejusdem potestati subjecta est: imo si ipse maritus esset mandans seu constituens, requireretur, ut in ipso instrumento procuracionis dato uxori expresse contineatur, quod de consensu & auctoritate mariti procuracionem suscipiat.

8. In materia Beneficiorum procuratio *ad resignandum* dicitur instrumentum illud, quo Beneficiatus resignat Beneficium suum ad manus legitimi Superioris in favorem alterius; habetque ejusmodi scriptura vim potestatis procuratoriæ respectu procuratoris in Curia Romana ad obtinendas provisiones Beneficii.

9. Potest capi possessio Beneficii per procuracionem; debet autem procuratio esse dati anterioris & antiquioris tempore possessionis initæ.

**CASUS I.** Cassander procuratores sibi constituit Norbertum & Landfridum cum potestate transigendi cum Andrea comparte sua adversa super pluribus articulis causæ, quam contra ipsum sustinet. Post mensem Norbertus rerum forensium intelligentior atque peritior solus cum Andrea transigit, non communicato prius cum Landfrido consilio, ipsoque prorsus inscio. Valetne hæc transactio, ita ut etiam in foro interno Cassandrum liget?

3. Transactio hæc non est legitima, & nec in foro interno nec externo Cassandrum obligat: non enim soli Norberto cum Andrea transigendi potestas facta est, sed utrique conjunctim, & neuter horum poterit dividere potestatem ex voluntate constituentis indivisibilem. *Diligenter igitur fines mandati custodiendi sunt*, ait Lex *Diligenter*. §. ff. Lib. 17. Tit. 1. *nam qui excessit, aliud quid facere videtur.* Pontas.

**CASUS II.** Claudius a Juliano cum potestate procuratoris Amstelodamum missus ad curanda ipsius negotia, ibidem mox ab adventu suo e vivis excessit. Filius Claudii patris in eo itinere comes, procurationem ad se transilisse ratus, gessit negotia Juliani. Teneturne rata habere Julianus, quæ pro ipso gessit Claudii filius?

3. Regulariter loquendo non tenetur, cum Claudii filius egerit absque mandato ac potestate: *Leg. Mandatum*. 57. ff. Lib. 17. Tit. 1. *Æquitas tamen naturalis postulat, ut, si in casu præsentis ageretur de negotiis celerem expeditionem deponentibus, constituens rata habeat, quæ benevole, animoque promerendi gratiam constituentis gesta sunt.* Cum itaque Claudii filius bona fide egerit, non decet, ut Julianus acta improbet. Pontas.

**CASUS III.** Aventinus ad causam suam Venetis agendam procuratorem constituit Thomam civem Augustanum, qui duorum mensium tempore litem hanc ad finem perduxit. Ubi ex itinere rediit Thomas, petit resarcitionem 200. florenorum, quos in causa hac expendisse se testabatur. At Aventinus jam aliunde amaro animo, quod causa cecidisset, putans, nimias esse has expensas, non nisi centum quinquaginta solum se consentit, cum ipse, si causam hanc agitaasset, non plus expensurus fuisset. Recusat id Thomas. Teneturne Aventinus in conscientia exsolvere 200. florenos?

3. Licet ipsemet Aventinus minores forsan quam Thomas hac occasione expensas fecisset, nihilominus tenetur rescire omnes sumptus, quos rationabiliter & bona fide Thomas fecit. *Impendia mandati exequendi gratia facta*, inquit Lex *Si quis*. 27. §. 4. ff. Lib. 17. Tit. 1, *restitui omnimodo debent: nec*  
ad



*ad rem pertinet, quod is, qui mandasset, potuisset, si ipse negotium gereret, minus impendere. Pontas.*

CASUS IV. Alanus data Barnabæ speciali procuratione ad venditionem cujusdam fundi in remota provincia fiti; moritur decimo quinto die a professione Barnabæ, qui nesciens obitum Alani paulo post fundum vendidit. Estne valida venditio hæc? Teneturne Alani hæres eam ratam habere?

✱. Et legitima & valida est hæc venditio, nec potest hæres Alani eam improbare. Bona fides, quæcum egit Barnabas, rebus ab ipso gestis tribuit effectum potestatis ab Alano factæ. *Utilitatis causa receptum est, inquit Imperator Justinianus Instit. Lib. 3. Tit. 27. §. 10. si eo mortuo, qui tibi mandaverat, tu ignorans eum decessisse, executus fueris mandatum; posse te agere mandati actione. Alioqui justa & probabilis ignorantia tibi damnum adferret.* Imo etiam si procurator rescisisset mandantis mortem; si tamen venditio non potuisset differri sine notabili damno hæredis v. g. si vendenda fuisset messis vel vindemia, nec potuisset prius hæres consuli, æquitas postularet, ut approbaret acta. Ratio est; quia sic mandatum exequens avertit grave damnum ab hærede, quod subiturus esset, si procuratio omitteretur. Pontas.

CASUS V. Victor, Vitalis & Valentinus constituerunt Godhardum procuratorem in negotio mercium nuper ex America advectarum. Confecta procuratione is petit compensationem laboris & expensarum a Victore; qui offert quidem solutionem tertizæ partis, & pro reliquis duabus tertiliis eum remittit ad Vitalem & Valentinum. Godhardus autem petit integram solutionem a Victore. Potestne salva conscientia persistere in sua petitione? Num Victor ad integram solutionem tenetur?

✱. Justa est petitio Godhardi, Victorque tenetur ad solutionem totius debiti, salvo tamen recursum ad Vitalem & Valentinum: cum enim plures constituerunt procuratorem in eodem negotio, singuli erga ipsum obligantur in solidum ad solutionem expensarum, licet de hac obligatione in mandato non fuerit facta expressa mentio. Leg. *Si mandata. 59. §. 3. ff. Lib. 17. Tit. 1. Paulus respondit, unum ex mandatoribus in solidum eligi posse, etiamsi non sit conceptum in mandato.* Pontas.

CASUS VI. Maurillus domicilium suum in Angliam translaturus, ante abitum suum reliquit Sigeberto mandatum generale administrandi bona sua. Post sex menses simile mandatum dedit Lieboldo, non commonito desuper Sigeberto;

to; qui, licet id eomperisset, nihilominus persecutus est munus procuratoris, & fructus ex Maurilli fundis collectos vendidit Petro, quos eodem pene tempore Lieboldus vendidit Paulo. Cujusnam venditio est de jure valida?

3. Valet venditio Lieboldi: postquam enim Sigeberto innotuit procuratio in Lieboldum translata, nullum ille amplius habuit jus gerendi negotia Maurilli. Leg. *Si quis*. 31. §. 2. ff. Lib. 3. Tit. 3. *Julianus ait, eum, qui dedit diversis temporibus procuratores duos, posteriorem dando priorem prohibuisse videri*. Si tamen Sigebertus bona fide eos fructus vendidit, non habens de secunda procuratione notitiam, Maurillus tenetur ratam habere eam venditionem. *Pontas*.

CASUS VII. Henricus ex Germania profecturus in Italiam constituit Landulphum generalem negotiorum suorum procuratorem & bonorum omnium administratorem. Is interea v. l. suæ procurationis transegit cum Carolo super quibusdam juribus, quæ Henricus prætendebat sibi competere ad certam successionem; alienavit insuper fundum pro solutione alicujus debiti, quod Henricus contraxerat. Reversus in Germaniam Henricus noluit approbare, quæ quoad duo hæc capita temere a Landulpho gesta fuerunt. Rectene improbat?

3. Mandatum generale ad gerenda negotia absentis non sufficit ad hoc, ut quis possit transigere super ipsius juribus, & alienare ejusdem fundos: quippe tam quoad transactionem quam quoad alienationem requiritur speciale mantatum. Quoad transactionem dicitur Leg. *Mandato*. 60. ff. Lib. 3. Tit. 3. *Mandato Generali non contineri etiam transactionem decidendi causa interpositam*. Quoad alienationem habetur Leg. *Procurator*. 63. ibidem: *Procurator totorum bonorum, cui res administranda mandata sunt, res Domini neque mobiles vel immobiles sine speciali domini mandato alienare potest*. Ratio est; quia transigendo & alienando minuuntur bona constituentis; procuratori autem licet quidem conditionem constituentis facere meliorem, sed non deteriore. Leg. *Præterea*. 3. ff. Lib. 17. Tit. 1. *Excipluntur tamen ab hac regula fructus, & quidquid lapsu temporis facile corrumpi potest*. *Pontas*.

Vide *Possessio*. Caf. 6. *Restitutio*. Caf. 40.

## PROFESSIO RELIGIOSA.

1. *Professio religiosa est protestatio publica & sollemnis qua ab aliqua persona in ordine ad amplectendam vitam regu-*

regularem, & observanda toto vitæ tempore tria vota castitatis, paupertatis & obedientiæ. Vel potest dici extensius, quod sit publica & solemnis obligatio, qua semetipsum adstringit Religiosus ad observanda per omnem vitam suam consilia evangelica secundum regulam aliquam ab Ecclesia approbatam, emittendo tria vota paupertatis, castitatis, & obedientiæ per protestationem publicam renunciandi negotiis ac occupationibus sæcularibus, bonis, honoribus & deliciis mundi, interdicto sibi omnium horum usu per pactum cum Deo initum, qui solus imposterum futurus est objectum cogitationum, cordis affectuum, & desideriorum Religiosi vel Virginis Deo dicatæ.

2. Ut valida sit professio Religiosi, requiritur, ut per annum integrum sustinuerit Novitiatum, ut compleverit ætatis annum decimum sextum, & ut duæ partes tertiæ vel major & sanior pars capitularium votis suis in professionem ipsius conspirent.

3. Minorennis potest emitte professionem non obstante quocunque oppositione parentum ipsius. Attamen respectu puellarum regula hæc non procedit, nisi ex judicio Ordinarii vel Vicarii generalis vocatio Novitiæ habeatur ac pronuncietur legitima, & insuper emittenda ab ipsa professio sit ex omni parte libera. In casu dubii sequestranda interim est, donec veritas pateat.

3. Professio solemnitas inducit mortem civilem, præbetque locum substitutioni testamentariæ. Ea probari non potest per testes, sed per instrumentum scriptum authenticum.

5. Professio alia est *expressa*, & alia *tacita*. Hæc posterior in Gallia non habetur pro valida, etiamsi quis religiosum gestasset habitum per triginta annos.

6. Licitum est in certis casibus reclamare contra solemnem professionem ad ejus nullitatem probandam: motiva reclamationis possunt esse metus gravis, vel defectus ætatis. Tridentinum determinavit primum quinquennium currens a die emissionis professionis in ordine ad ejusdem valorem impugnandum. Juxta idem Concilium, qui habitum Religionis seu Ordinis sui dimittit, non potest recipi ad impugnandam professionem suam, nisi antea redierit ad monasterium suum.

7. Omnes regulæ monasticæ prohibent, ne quidpiam exigatur a petentibus recipi in religionem. Verumtamen, si solam regulam S. Fructuosi Episcopi Bragensis exceperis, omnes reliquæ acceptari permittunt, quæ vel a candidatis vel eorum parentibus aut consanguineis nris offeruntur. Omnes olim exactiones indiscriminatim fuerunt ab Ecclesia habitæ

pro simoniaciis ; cum autem numerus aspirantium ad vitam regularem notabiliter cresceret , & bona fundationis ad sustentationem omnium ad monasteria confugientium haud amplius sufficerent , ac insuper Religiosi a successione in bona parentum ac consanguineorum suorum excluderentur , quo jure in pluribus monasteriis prius gaudebant , relaxata demum fuit antiqua hæc severitas ; docetque S. Thomas , quod , si monasterium sit valde indigens , liceat tunc exigere , quantum pro subsistentia aspirantium requiritur , nihil tamen ultra necessarium peti possit. Hanc regulam etiam statuit S. Carolus Borromæus in Concilio suo Mediolanensi l. habito 1565.

NOTA. Hisce temporibus non solum in Gallia & Italia , sed etiam in Germania passim a Principibus determinata summa v. g. 1000. vel 2000. florenorum , ultra quam acceptare quidpiam severissimis poenis interdictum ; licet inter quinquaginta candidatos vix unus , cuius dos eo ascendat , imo vix unus inter viginti novitios , qui vel florenum secum monasterio inferat.

CASUS I. Majoranus anno ætatis suæ decimo sexto cum d'midio assumpsit habitum religiosum in quodam conventu S. Francisci die primo Januarii anno 1782. vergenteque ad finem novitiatus instantissime rogat , ut sibi liceat sacra Deo vota nuncupare sequenti trigesimo vel trigesimo primo Decembris , qui dies ipsius natalis est. Poteritne id ipsi per-mitti ?

¶. Neutiquam id concedi potest Majorano ; professione ipsius sic emissæ foret nulla. In materia novitiatus & professionis quam rigorosissime observanda est dispositio juris statuentis , ut annus novitiatus sit totaliter completus ad hoc , ut liceat emittere professionem. Alexander III. Cap. *Ad nostram*. 8. Lib. 3. Tit. 31. Juxta Fagnanum in c. t. cap. si vel pauculæ horæ deessent novitiatus , professio nullitatis vitium contraheret. Non est paritas inter receptionem Ordinum & professionem religiosam : nam si respectu Ordinum annus solum inchoatus sumitur pro completo , id fit ratione dignitatis , ad quam quis per Ordines evehitur. In dignitatibus favor consideratur , inquit Glossa , & ideo annus inceptus pro completo habetur : sed in regulæ observatione gravitas est & labor , & sic odium ; & ideo annus completus exigitur. Pontas.

**CASUS II.** Seleucus indutus habitu novitii in quodam conventu S. Francisci die primo Januarii anni bissextilis, poteritne facere professionem die trigesimo primo Decembris ejusdem anni ?

¶ Non foret valida professio : nulla enim habetur ratio diei illius, qui intercalatur in Februario, sumunturque duo illi dies, qui notantur *bis sexto ante Calendas Martii*, pro unico. *Id biduum*, ait L. *Cum bis sextum* 98. ff. Lib. 50. Tit. 16. *pro uno die habetur ; sed posterior dies* (scilicet 25. Februarii) *intercalatur, non prior, id est, addit Glossa, non computa-ur pro die, Et hoc quantum ad aetates, Et anni terminum. Pontas.*

**CASUS III.** Aurelius absoluto integro novitiatus anno in monasterio Religiosorum reformatorum unanimi totius capituli consensu admissus est ad professionem, quam solemniter in manibus Superioris deposuit. At vero post menses sex ad instantiam conventus electio hujus Superioris declaratur nulla ac irrita, utpote contra canones facta. Estne valida Aurelii professio ?

¶ Sicut professio quaecumque sollemnis absolute nulla est, quando fit ab eo, qui se obligare non potest Religioni, ut est servus vel conjugatus &c. ita non potest esse canonica aut valida, si non fuit acceptata ab eo, qui habet jus Religionem obligandi professio, hoc est, a Superiore legitimo : nam proficiens pro toto vitæ tempore se obligat ad vitam religiosam, & ad observationem omnium regularum Ordinis, in quem fuit receptus ; & hic ipse Ordo se obligat proficenti ad communicanda omnia jura, gratias, emolumenta, favores ac privilegia Ordini annexa. Jam vero ejusmodi obligationes non possunt contrahi nisi ab illis, qui habent potestatem eas ineundi. Cum igitur Religiosus ille, qui tempore professionis Aurelii Superiorem seesse prætendebat, verus Superior non esset, non potuit obligare Religionem Aurelio proficenti, sicut Aurelius se se obligaverat Religioni. Et consequenter, quia obligatio non fuit reciproca ex defectu legitimæ potestatis in eo, qui nomine monasterii professionem recepit, nulla est ex parte Aurelii, sicut fuit nulla ex parte illegitimi Superioris. *Pontas.*

**CASUS IV.** Ladislaus annos fere octodecim natus cum septem jam menses in Novitiatu transgisset, convenit Capitulum, eumque declaravit ad Religionem ineptum, ac iussit, ut se disponat ad recipiendum habitum sæcularem ac relinquendum monasterium. Recurrens autem ad Definitorium denuo admissus fuit ad inchoandum de novo novitiatum

Nun

Nunquam a primo ingressu dimisit habitum religionis, nec monasterium, in quo habitum assumpserat; & post quinque vel sex menses unanimi Capitularium consensu ad sacram professionem admittitur, condonatis ipsi residuis sex vel septem mensibus. Estne valida ipsius professio?

R. Est sine dubio valida, ut Sylvius resolvit Resol. var. V. *Professio monastica*. 6. habet enim competentem ætatem, & explevit suum novitiatum nunquam dimisso habitu. *Pontas*.

CASUS V. Bernardinus septemdecim annos natus, novitius cujusdam monasterii, bernia affectus cum aliis quatuor novitiis solemnem professionem emisit, quin defectum hunc Superiori detegisset, qui tamen singulis expresse declaravit, se non habere intentionem acceptandi professionem illius, qui occulta aliqua infirmitate corporali laboraret. Obestne hæc declaratio valori hujus professionis, maxime si etiam statuta loci prohibeant ad professionem admitti eos, qui huiusmodi infirmitate affliguntur? Potestne talis Religiosus post quatuordecim aut quindecim annos ab emissâ professione ex suo monasterio aut Ordine discedere?

R. Valida est Bernardini professio tam ex ipsiusmet quam ex parte Superioris. Protestatio Superioris, quæ sola posset obstatæ valori professionis, non potest esse prætextus nullam declarandi professionem, nisi in casu, quo defectus occultus Religiosum redderet inhabilem ad exercitia & onera Religionis. Ponitur autem in casu, his omnibus Bernardinum satisfacisse per annos quatuordecim aut quindecim. *Pontas*.

Vide *Ordo*. cap. 25.

NOTA. Videtur, professionem hanc esse invalidam; quia præsumendum, quod Superior & Capitulares in admissione Novitii ad professionem ac in prævia declaratione non ipsi eventui, sed periculo sinistri eventus suam alligaverint intentionem.

CASUS VI. Galeatinus Novitius Cisterciensis falsum exhibuit testimonium baptismale, & emisit professionem anno ætatis decimo quinto cum dimidio. Teneturne in conscientia vi professionis hujus invalidæ religionem ingredi aliam, aut renovare novitiatum & professionem in eodem monasterio?

R. Omnis religiosa professio ante ætatem requisitam facta, est nulla juxta Concilium Tridentinum Sess. 25. de regular. c. 15. Adeoque Galeatinus non tenetur amplecti statum religiosum in alio Ordine. Quod si vero professio nulla foret ex alia causa, v. g. si fuisset emissâ in aliquo Ordine, quem

quem novitius erronee existimasset approbatum a Sede Apostolica, licet re ipsa non sit approbatus, Canonistæ in varias abeunt opiniones: quidam enim tuentur, teneri ipsum ingredi alium Ordinem; alii vero dicunt, professionem absolute esse invalidam, nullamque parere obligationem. Prior opinio pro conscientia videtur esse securior. *Pontas.*

CASUS VII. Navighus surdus & mutus a nativitate in quodam monasterio recipi petit ad novitiatum. Poteritne Superior cum consensu totius Communitatis ipsum admittere ad probationem, eaque completa ad professionem?

3. Triplici modo fieri potest religiosa professio, scilicet verbo, scripto & signo. Non reperitur ullus Canon, ex quo appareat, vivam vocem aut scripturam absolute requiri ad valorem professionis; consequenter permixtum est tertio modo illam edere, nempe signo, juxta illud juris principium: *Omnes admittuntur, qui non expresse prohibentur.* Hoc supposito Navigius legitime profiteri potest; dummodo evidenter consensus sui signis edere valeat. Confirmatur id exemplo matrimonii, quod surdus & mutus valide contrahit, prout declaravit Innocentius III. Cap. *Cum apud.* 23. Lib. 4. Tit. 1. ubi ait: *Cum prohibitorium sit edictum de matrimonio contrahendo, ut quicumque non prohibetur, per consequentiam admittatur, & sufficiat ad matrimonium solus consensus illorum, de quorum quarumque conjunctionibus agitur; videtur, quod si talis (surdus & mutus) velit contrahere, sibi non possit vel debeat denegari: cum quod verbis non potest, signis valeat declarare.* Jus civile in hoc conforme est juri canonico. *Pontas.*

CASUS VIII. Scipio occultus hæreticus finito anno novitatus solemniter Religionem professus est. Redditne hæc hæresis professionem invalidam?

3. Juxta Sylvium V. *Professio monastica.* 7. professio hæc non est invalida ob hæresin occultam; foret autem invalida, si hæresis esset notoria ac publica, juxta constitutionem Bonifacii VIII. cap. *Statutum.* 9. Lib. 5. Tit. 2. in 6. quam Theologus iste allegat, qui cum Laurentio Portello dicit: *Novitius occultus hæreticus, si profiteretur in Ordine Minorum, non faceret professionem ipso jure nullam.* Nihilominus observat Sylvius, id esse intelligendum in casu, quo non detur statutum a Sacra Sede approbatum, quo professio Novitii occultæ hæretici declaratur nulla; aut Superior ipsum interrogans de orthodoxia non expresse declaret, intentionem monasterii non esse ipsum recipiendi ad professionem, nisi vere sit catholicus. *Pontas.*

CASUS IX. Flodoardus in quodam monasterio absolvit novitiatum, & ad professionem fuit admissus a solo Abbate contra voluntatem Capitularium omnium. Estne valida ipsius professio?

R. Si ex privilegio, vel consuetudine, vel vi statutorum Ordinis aut monasterii Abbas vel Superior habeat jus, ut solus & absque consensu Capituli possit Novitium admittere ad professionem, valida erit professio, etsi Capitulum in eandem nullatenus consenserit. Juxta hanc regulam igitur de validitate vel nullitate professionis Flodoardi judicium ferendum est. Ita docet Fagnanus in Cap. *Porrectum* 13. de Regular. n. 22. 34. & seq. Doctrina hujus Canonistæ fundatur in constitutione Bonifacii VIII. Cap. *Si ad solum*. fin. Lib. 3. Tit. 14. in 6. cujus verba sunt: *Si ad solum Abbatem pertineat creatio monachorum, eo defuncto nequibit novus monachus a conventu creari: alias poterit, si eorum creatio spectat insimul ad utrumque.* Pontas.

CASUS X. Vigilanus suum novitiatum absolvit in monasterio S. Hyppoliti, & postmodum fuit admissus ad professionem a Superiore & toto Capitulo. Oritur paulo post rumor, ipsum affligi morbo caduco. Interrogatur itaque a Superiore, qui ipsi declarat voluntatem suam nullatenus esse recipiendi ipsum ad professionem, si res ita se haberet. Respondit novitius, nullum se unquam exinde passum fuisse incommodum, unde gravari monasterium potuisset; prostratum se quidem vi mali fuisse aliquoties durante novitiatu, neminem tamen unquam id observasse. Post emissam professionem ex hoc morbo lapsus est quinquies vel sexies intra unius anni decursum; quare Superior ipsum cogitat dimittere ex prætextu, quod invalida fuerit ipsius professio. Potestne hoc prætextu ipsum expellere?

R. In casu proposito solus Vigilanus consensit in professionem; cumque Superior ipsum non aliter nisi conditionate admitteret, juxta Sylvium l. c. poterit dimitti. Dum autem sit dimissio, magna adhibenda est prudentia, ut omne præcaveatur scandalum. Pontas.

CASUS XI. Defuncto Abbate monasterii S. Pontil, Religiosi in Capitulo congregati vacante adhuc abbatiali sede simplicianum ad professionem recipiunt. Estne valida hæc professio?

R. Quando jus admittendi ad professionem pertinet ad solum Abbatem, Capitulum regulare post ipsius obitum neminem poterit admittere; potest vero, quando hoc jus pertinet cumulative ad Religiosos & Abbatem. Ita Bonifacius



cus VIII. Cap. *Si ad solum.* supra citato. *Pontas.* Vide Caf. 9.

CASUS XII. Hipparchus annos non nisi quindecim completos natus, ingressus est monasterium ejusdam Ordinis in Occitania florentis, in quo habitus Novitiorum nihil differt a Professorum habitu. In hoc monasterio per biennium sponte & cum plena advertentia ac cognitione omnes functiones solis professis proprias obivit. Efine habendus propterea pro tacite & valide professio?

¶ Jus distinguit tria professionum tacitarum genera: *primum* est, quando quis sponte & cum perfecta cognitione peragit functiones Religiosis professis de jure vel consuetudine proprias, ut est v. g. dare votum in Capitulo, recipere Ordines vi obedientiae Superioribus praeiunctis instar professorum: *secundum*, quando quis assumpto professorum habitu eundem per triduum continuum gestat; *tertium* denique, dum quis annos pubertatis adeptus per integrum annum post absolutum novitiatum portavit habitum religiosum Novitiis & professis communem, ita ut nullum quoad exteriora discrimen reperiatur. Putant aliqui Theologi, Tridentinum tantum abrogasse duo prima genera professionum tacitarum; alii vero cum majori fundamento contendunt, illud nedum duo haec, sed tertium quoque abrogasse. Nulla professio debet haberi pro valida, quam quae transacto & vere completo anno 16. ætatis expresse emittitur post integrum annum novitiatus. Adeoque Hipparchus non ligatur hac sua qualicunque tacita professione. Cabassutius Jur. Can. Theor. & prax. L. I. c. 20. n. 10. memorat, in Gallia huic doctrinae tam firmiter insisti, ut testamentum conditum ab eo, qui habitum religiosum jam per viginti & octo annos portaverat, publica autoritate validum declaratum fuerit ac legitimum; eo quod professionem expresse nunquam emisisset. *Pontas.*

CASUS XIII. Aurelia novitia in quodam monasterio ab uno & amplius anno, examinata ab Episcopo diocesano & ad professionem admissa, in morbum valde periculosum incidit. Priorissa in defectu Abbatissæ, quæ & ipsa gravissime ægrotans jam pene ad extrema redacta erat, timens, ne novitia ante professionem e vivis excederet, propria sua auctoritate facit ipsam profiteri solemniter in præsentia duarum vel trium monialium, dissimulans votum perpetuæ clausuræ ab eadem pariter exigendum & emittendum. Moritur interim eodem ipso die Abbatissa; Aurelia vero post electionem novæ Abbatissæ pristinae sanitati redditur. At vero tam hæc, quam pleræque cæterarum monialium nolunt eam agnoscere pro

pro professâ, deque ipsa dimittenda consilium ineunt. Potestne Aurelia expelli tuta conscientia?

3. Professio Aureliæ est nulla & quidem ex principio indubitato; quia videlicet fuit recepta a Superiorissâ eam recipiendi jure destituta; & hinc absque ullo scrupulo dimitti poterit. Ex eadem ratione Aurelia non tenetur persistere in monasterio, etiamsi recens electa Abbatissa & tota Communitas eam retinere vellent; idque propter defectum legitimæ acceptationis. *Pontas.*

CASUS XIV. Clara filia Balduini sexdecim annos nata ingreditur monasterium. Pater promittit quingentos florenos pro vestitu, mensa & impensis novitiatus solvendo, ac insuper centum alios tanquam pensionem usufructuariam ad dies vitæ dotis loco. Admittitur ergo ad professionem per conclusum Capitulare tum Superioris monasterii, tum Superiorissæ, utriusque proprio etiam chirographo confirmatum: interim vero ante solemnem professionem gravi morbo corripitur, & jam morti proxima instantè rogat, ut priusquam moriatur, vota sua solemniter præmittere sibi concedatur. Annuente Superiorissâ & monialibus omnibus pronunciat formulam professionis in suo lecto & pene moribunda, sed tamen cum pleno rationis ac sensuum omnium & potentiarum usu. Sanitati præter spem omnem reddita, per integrum annum tractatur ut aliæ professæ absque ullo discrimine; postea vero ex consilio sui confessorii gratiam sibi a Superiorissâ fieri supplicat, professionem suam nuper factam cum solemnitatibus & formalitatibus alias consuetis renovandi. Qua petitione audita Superiorissâ Balduinum vocat, ab eoque mille argenti libras exigit, quas Balduinus daturum se negat. Repulsam hanc iniquius ferens Superiorissâ, oretenus præcipit septem vel octo monialibus suis, ut detracto Claræ velo & professorum habitu sæcularem ipsi habitum redderent; tum ex locis regularibus abire jussa, paulo post etiam ex toto monasterio a duobus domesticis abstrahitur sub prætextu, quod vota sua distinctè non pronuncia-verit. Queritur jam, an Clara pro moniali vere professâ sit habenda? An præcise ad supplendas omittas formalitates in prima votorum suorum nuncupatione teneatur renovare suam professionem? An Communitas, a qua fuit admissa ad professionem, habeat jus revocandi absque auctori-ate Superioris monasterii conclusum Capitulare admissionis cum debitis formalitatibus & chirographo confectum ac munitum? An Superiorissâ potuerit oretenus tantum præcipere, ut Clara spoliaretur habitu religionis, ut abque consuetis formalitatibus,

tatibus, nec observato juris ordine e conventu expellatur? actandem: An detur locus appellationi ab hoc Superiorissæ verbali mandato ejusque executione?

¶ 1. Absque omni prorsus dubitatione Clara est vere professio; cum nihil eorum defuerit, quæ esse videntur ad legitimam professionem requiruntur: habuit enim ætatem a Concilio Tridentino præscriptam, complevit integrum annum probationis ab eodem Concilio requisitum, em sit professionem cum plena cognitione & perfecto rationis usu, nec denique in ejusdem moribus occurrebat quodquam reprehensione dignum. 2. Neutiquam est necessarium, ut solemniter renovet vota sua; cum in prima illius professione nullus essentialis defectus intervenierit: essentia enim religiosæ professionis consistit in eo, ut quis se tradat actui Communitati regulari a Pontifice approbatæ, eaque traditio fiat in manus legitimi Superioris, & nomine totius Communitatis acceptetur ab eo, qui legitime præest Communitati: id autem omne contingit in dicta professione. 3. Nec Superiorissæ nec integræ Communitati competeat jus spoliandi ipsam habitu Religionis & expellendi ex monasterio. 4. Superiorissa non potuit id præcipere, nec præcepti executionem imperare. Nec tamen consultum est confugere ad appellationis remedium, licet eidem absolute locus esset: magis naturale est, & Spiritui Ecclesiæ conformius adire Episcopum, cujus jurisdictioni monasterium subjacet, ut ipsius auctoritate Clara in sua jura ex integro restituatur. Observandum præterea est, Superiorissam, moniales, illosque domesticos, qui Superiorissæ mandatum executi fuerint, excommunicationem majorem ipso facto incurrissæ, propositionemque Balduino ex parte Superiorissæ factam esse simoniacam, adeo ut si Balduinus fuisset persuasus de nullitate professionis, ejusque renovationem esse absolute necessariam, non potuisset salva conscientia & absque simoniæ crimine solvere illam summam simul cum dote expresse pacta. *Pontas.*

CASUS XV. Faustinus solemniter professus est, sed invalide; & postquam post anni lapsum professionem suam ratam habuerat, a Sede Apostolica obtinuit rescriptum, quo vinculo votorum suorum solvebatur. Poteritne tuta conscientia rescripti hujus ratificationem sibi procurare, illiusque executionem petere?

¶ Certum est, Faustinum non posse uti hoc rescripto: ejusmodi enim Brevia Pontificia semper continent expressam hanc clausulam: *dummodo professionem hujusmodi tacite vel* *Di&. Cas. Conf. Tom. III.* *expressa*

*expresse non ratificaverit.* Cum ergo Faustinus ratificaverit professionem suam, rescriptum obtentum nullum parit effectum, si habuit notitiam de nullitate professionis suae eo tempore, quo illam ratificavit. Verum si illam ratificavit eo tempore, quo nullitatem nondum cognoscebat, & illa cognita mox reclamavit, dici posse videtur, quod talis ratificatio nequeat ipsam privare jure reclamandi. Non conveniunt omnes Authores circa modum, quo ratificatio fiat. Navarrus & Barbosa existimant quod Religiosus, qui recipit Ordines sub titulo paupertatis, censeatur ratificasse professionem suam: alii e contra tenent, professionem & receptionem Ordinum esse duo valde diversa, atque adeo ex receptione Ordinum nihil posse concludi in favorem ratificationis. *Ex separatim*, inquit Glossa, *non fit bona illatio de uno ad aliud, neque quoad positionem, neque quoad remotionem.* Quidquid sit de hoc, semper tenendum id, quod dictum est, per nullam scilicet ratificationem sive tacitam sive expressam validam reddi posse professionem in se nullam, quando ratificatio facta est eo tempore, quo nullitas necdum fuit cognita. *Pontas.*

CASUS XVI. Lævius ingressus est Religionem, ut patris id præcipientis voluntati obtemperaret, eodemque motivo probationis annum transegit; quo tamen ad finem vergente declaravit patri, non posse se tantum imperare sibi, ut ad solemnem professionem procedat. Respondit pater, si professionem facere detrectet, non solum exhæreditandum peritus, sed etiam tristem satis in paterna sua domo vitam posthac acturum. Lævius concepto ex hujuscemodi minis timore prostratus, simulque consilii inops de futuro vitæ statu, formulam professionis suæ nonnisi *ore tenens*, melius dixeris, *fide* pronunciavit, exarata simul & chirographo suo signata contra hanc suam professionem protestatione. Fluxit inter m solidum quadriennium absque vororum renovatione, vidensque quintum quoque annum ad finem vergere, palam impugnavit professionem a se factam implorato Episcopo diocesano, cujus jurisdictioni monasterium subiacebat. An Episcopus sola ac propria sua auctoritate, & insuper invito Superiore regulari, potest ex monasterio dimittere Lævium, eidemque potestatem facere, ut deposito Religionis suæ habitu sæcularem reassumat?

R. Quando Episcopo huic, cujus jurisdictioni monasterium Lævi subest, evidenter constat de veritate eorum, quæ a Lævio sibi fuerunt exposita, potest sola sua auctoritate, præsentem tamen aut saltem debite vocato Superiore regulari,

lari, declarare, Lævium non vere esse professum, nec teneri ad regulam, quam ore solum ac fecte, & nequaquam mente ac seria voluntate professus est: professio enim ista certe nulla est coram Deo & hominibus, Conciliumque Tridentinum Episcopo ac Superiori regulari conjunctim attribuit potestatem cognoscendi super nullitate professionis. *Quicumque Regularis*, inquit Sess. 25. de regular. c. 19. *prætendat, se per vim & metum ingressum esse religionem... velitque habitum dimittere quacumque de causa, aut etiam cum habitu discedere sine licentia Superiorum, non audiat, nisi intra quinquennium tantum a die professionis; & tunc non aliter, nisi causas, quas prætenderit, deduxerit coram Superiore suo & Ordinario, Pontas.*

CASUS XVII. Fabiola sæpius aspere admodum habita a parente suo, volente, ut religiosam vitam in aliquo virginum cœnobio amplecteretur; minis etiam additis, ipsam filiae loco haud habendam posthac amplius, ni jubentis voluntati obsecundaret. Religionem ergo ingressa, ut rigidissimi patris asperitates evitaret, quinquennium & ultra ab emissâ professione in eadem monialis conversata est. Estne valida taliter disposita professio? Posito quod sit invalida, potestne defuncto patre reclamare? Dumque adhuc vivit in conventu, teneturne ad onera Religionis, ut reliquæ professæ?

g. Professio Fabiolæ est nulla; & si non voluntarie ac libere renovavit & ratificavit sua vota, non tenetur vi suæ professionis ad observationem votorum religionis. Quia vero non reclamavit intra constitutum quinquennium, in conscientia tenetur se quoad omnia externa conformare reliquis monialibus, ac si esset vere professæ, v. g. tenetur abstinere ab omni actu proprietatis, interesse choro, recitare & cantare Officium, omnesque alias obire functiones religionis; ne præbeat scandalum aliis, qui eam vere professam arbitrantur; & maxime quia hucusque gavisa est, & etiamnum gaudet prærogativis, privilegiis, libertatibus ac commodis vere professarum. Si reclamasset contra professionem intra tempus a Tridentino constitutum, scandalum quaecumque demum ipsi imputari non posset. Cum autem beneficio temporis usa non fuerit, imposterum jure haud amplius reclamare poterit, etiam causas obtendat etiam justissimas. Excipiendus tamen casus est, quo per violentiam fuisset impedita a reclamacione debito tempore interponenda: tunc enim Fabiola non etu cessante etiam lapsa quinquennio haud dubie ad proponendam ac probandam professionis nullitatem admitteretur. *Pontas.*

**CASUS XVIII.** Jacobus & Marcellinus fratres violentia ac gravi comminatione patris sui adacti religionem ingressi ac professi sunt. Defuncto autem post biennium parente reclamant contra professionem suam, supplicem libellum offerentes Officiali dioecesano, qui sub requisitis formalitatibus vota eorum nulla declaravit, illosque in pristinum sæcularium statum restituit. Suntne legitime a votis liberati, licet nullum Roma rescriptum petierint aut obtinuerint?

g. In casu professionis solemnæ ad reclamationem professi annullandæ ex disciplina priorum sæculorum non erat moris recurrere ad Papam; sed penes Episcopum ejusque Officiale erat tota potestas & competentia judicandi de ejus nullitate. At vero nostris hisce temporibus absolute necessarium videtur rescriptum Pontificium. Et hinc absolutio a solo Officiali obtenta, sine rescripto Pontificio, plenam, certam, ac nulli prorsus controversiæ expositam securitatem reclamantibus præstare non potest. *Pontas.*

**NOTA.** Cum in ejusmodi reclamatione non petatur stricte dicta dispensatio, sed tantum declaratio, quod nulla erga religionem contracta fuerit obligatio; eo quod professio emissæ fuerit contra ordinem & formam a sacris Canonibus requisitam; & consequenter agatur de simplici facto, ejus cognitio atque decisio denegari haud posse videtur Ordinario, aut ipsius Officiali.

**CASUS XIX.** Paula puella septemdecim annorum religiosum ordinem professæ est, coacta ad hoc per sævam disciplinam patris, hominis in iram ad furorem usque proni. Circa finem quinti anni ab emissæ professione audit, jus sibi adhuc competere impugnandi vota sua; sed tempus, quod adhuc reliquum habebat ex quinquennio, brevius erat, quam ut ante finem ipsius anni hujus potuisset obtinere rescriptum a Sede Apostolica; hinc nonnisi sexto auro jam inchoato illud ex Urbe recepit. Interim tamen quinquennio suo necdum finito protestata est contra professionem suam juxta formam a jure præscriptam. Potestne ipsi prodesse quidpiam rescriptum Pontificium?

g. Sufficit quod Paula satisfecerit decreto Tridentini ante finem quinquennii; satisfecit autem per protestationem suam in forma debita factam. Concilium non sustulit impugnationem professionis post quinquennium, nisi ex præsumptione, quod post lapsum hujus termini quis mutaverit suam mentem, & vota ratificaverit. Estque præsumendum quod Paula obtinuisset rescriptum a Sede Apostolica insinuando suam protestationem, si habuisset sufficiens tempus, occasionem, & libertatem. In similibus casibus

caſibus ad tollendas omnes fraudulentias petendum eſt, ut exprimatur in reſcripto reſtitutio etiam poſt lapſum quinquenni; ſimulque maxime curandum, ut proteſtatio fiat in debita ac optima forma, adeo ut, ſi ea foret ſolum verbalis aut etiam ſcripta, non tamen facta coram Superioriſſa monaſterii, in quo profeſſio emiſſa fuit, & coram Ep̄ſcopo dioceſano, ac utrique ſignificata, nulla foret, utpote non conformis juri ſtabilito a Concilio Tridentino. *Pontas.*

**CASUS XX.** Amalia finito in quadam Abbatia ſuo novitiatu, communibus omnium ſuffragiis fuit admiſſa ad profeſſionem; at vero Abbatiffa ſolemnnem votorum nuncupationem jam a ſemeſtri diſſert ac procrastinat. Eſtne in arbitrio vel poteſtate Abbatiffæ, diſſerre tanto tempore ipſius profeſſionem?

ꝰ. Quando Abbatiffa nullam prorſus habet juſtam cauſam differendi profeſſionem Amaliæ, injuriam certe ipſi facit, peccatque directe contra decretum Tridentini, imo in Deum quoque. Quodſi vero juſtam habeat cauſam, nullo modo peccat; cum Concilium ſolum dicat: *finito tempore novitiatus*, & non, *mox finito tempore*. Juſtæ autem rationes forent differendi profeſſionem, ſi v. g. Novitia quamdam infirmitatem contraxiſſet, ut ſtrumam, epilepſiam aut ſimilem morbum, quem curari prius oporteret; ſi dos promiſſa necdum foret parata, & ſine ea monaſterium profeſſam non poſſet alere; ſi necdum attigiſſet ætatem canonicam; ſi nondum fuiſſet ſatis inſtructa circa conſtitutiones ac regulas Ordinis &c. *Pontas.*

**CASUS XXI.** Telesphorus juvenis religionis habitum aſſumpſit in aliquo Ordine aſteriſſimæ obſervantiæ anno ætatis ſuæ duodecimo; fuitque poſt novitatum admiſſus ad profeſſionem. Verum uno anno ab emiſſa profeſſione nimis hæc Ordinis aſteritates ad talem ſtatum ipſum redegerunt, ut per integrum annum æger lecto decubuerit, & exinde etiam variis morbis frequentiffime affligeretur, adeo ut nulla ſpes eſſet, ipſum longiori tempore poſſe ſuſtinere rigorem regulæ. Completis nihilominus ſexdecim ætatis ſuæ annis debuit renovare vel reiterare ſuam profeſſionem; at ille pro certo habet, quod non aliter ratificaverit ſuam profeſſionem quam ex principiis conſcientiæ erroneæ, non obſtante, quod sæpius ipſi dictum inculcatumque fuerit, ipſum non minus teneri & obligari ſuis votis in foro interno, ac alios, cum tacite ſit profeſſus, ſemperque hæctenus participaverit de privilegiis expreſſe profeſſorum. Eſtne valida ſecunda ipſius profeſſio? Teneturne perſeverare uſque ad mortem? *Poteritne*

teritne tuta conscientia a Papa petere Breve sæcularisationis, atque ad parcendum sumptibus melius tractandi negotii sui causa Romam perere *incognito* ?

ꝯ. Secunda ipsius professio æque, ac prima, nulla est, nec quantum ad forum internum tenetur perseverare in religione. Cum tamen plusquam annos duodecim transegerit in Ordine, quin unquam contra vota sua reclamaverit, difficile admodum erit in foro externo probare nullitatem suæ professionis, & obtinere Breve sæcularisationis. Aliud ergo vix superesse ipsi videtur remedium, quam ut sollicitet Breve, vi cuius ipsi concedatur transire *ad laxiorem ordinem*, quod facile impetrabit, si forte invenerit *benevolum receptorem*. *Fromageau.*

CASUS XXII. 1. Estne valida professio religiosa, quando nulla præcessit informatio de moribus ? 2. Religiosus, qui occultavit notabilem defectum, super quo expresse fuit interrogatus, potestne dimitti, quando hujusmodi defectus primum post professionem innotuit ? 3. Professio peccatoris (publici) velejus, qui est infamis infamia juris aut facti, estne invalida, vel saltem illicita ?

ꝯ. *Ad 1.* Juxta Bullam Sixti V. de anno 1588. ille, de cujus vita & moribus nulla præcessit informatio, est inhabilis ad professionem. Attamen Clemens VIII. in Bulla 83. de anno 1602 constitutionem Sixti V. moderatus est, eamque quoad nullitatem professionis juri communi adaptavit. *Ad 2.* Si quis defectum valde notabilem, ac respectu Ordinis & constitutionum loci essentialem ante professionem celavit, professio nulla est, taliterque professus dimitti potest. *Ad 3.* Professio peccatoris publici ac notorii de jure communi illicita quidem est, sed non invalida; licet vi statutorum Ordinis aut loci invalida esse possit. Quod attinet infames infamia tum juris tum facti, non sunt quidem inhabiles ad religiosam professionem; illicite tamen ad eam admittuntur. *Fromageau.*

CASUS XXIII. Liborius adolescens durissime habitus a suis parentibus, qui volebant ipsum cogere ad ingressum religionis, actu emisit professionem declinandæ iniquæ hujusmodi tractationis gratia, quæ mox ab emissâ professione cessavit. Teneturne hac sua professione ? An non habet sufficientem causam impugnandi vota sua ?

ꝯ. Professio hujus adolescentis est nulla; cumque sat manifeste possit probare violentias sibi a parentibus illatas, haud difficulter impetrabit, ut nulla declarentur ipsius vota. *Fromageau.*



**CASUS XXIV.** Cassander juvenis emissâ in Ordine S. Benedicti professione in sæculum redire constituit ex his rationibus : quod timeret iram patris importunissime arguentis, ut religiosum Ordinem ingrederetur, secus nulla amplius ab eodem subsidia recepturus ad continuanda studia, & unice religionem intraverit ad ineundam patris gratiam : quod durante novitiatu edoctus non fuerit obligationes & officia vitæ regularis : quod ante professionem sæpius abeundi consilium mente agitaverit, certissime abiturus, si alicubi asylum paruisset, nec timendum sibi fuisset odium patris absque ulla spe veniæ incurrendum : & tandem quod anno secundo cum dimidio a sua professione actu reclamaverit contra vota sua. Quid consilii, ut Religiosus iste absolutionem a votis suis obtineat ?

R. Professio Cassandri non potest declarari irrita, nisi ipsi suppetant probationes convincentes de intentata comminatione patris, & quidem tam gravi, ut necessariam ad amplectendum hunc statum libertatem ipsi ademerit. Si id probandi argumenta sat fortia in promptu esse existimet, supplicandum est pro rescripto Pontificio, monito prius Ordinario, quod ad Papam recurrendi consilium ceperit. *Fromageau.*

NOTA. Videtur cum pluribus Theologis sentiendum, vota etiam solemnia dubii valoris non esse reservata Papæ, sed Episcopo, a quo prom. discuti & judicari possunt.

**CASUS XXV.** Cimelius novitius fecit professionem adjectâ quadam conditione. Estne valida ?

R. Pro foro interno est nulla. Verum in foro externo habetur pro absoluta ; licet actus professi testentur de contrario. *Fromageau.*

Vide *Abbatissa* cas. 9. *Dispensatio in votis in genere. Dispensatio in votis Religiosorum. Monialis. Religiosus. Transactio. Votum.*

## PROMISSIO.

1. Sub nomine *Promissio* charta vel syngrapha privata, propriæ tamen manus chirographo signata venit, qua quis se obligat ad solvendam summam mutuo acceptam, vel ex alio titulo debitam ; ad denotandam differentiam ab alia obligatione ejusdem tenoris, quæ tamen a Notario confecta in favorem creditoris obtinet vim hypothecæ in bonis debitoris. In sensu autem, quo in præsentî articulo sumitur promissio est *deliberata* & *spontanea* fidei obligatio de re possibili gratæque promissa-

*missario*, qua nempe quis se adstringit ad aliquid alicui dandum, faciendum aut prætermittendum, quod est in potestate promittentis.

2. Dicitur, *deliberata & spontanea*; quia procul abesse debet omnis violentia, error, dolus aut metus, promissioque fieri debet cum perfecta cognitione eorum, quæ naturam atque substantiam obligationis attinent. Additur, *de re possibili*, id est, de re, quæ non solum ex natura sua possibilis est, sed etiam absque peccato fieri potest. Dicitur denique, *grata promissario*, ut excludatur omne promissum mali culquam inferendi, seu comminatio.

3. Promissio fieri potest Deo æque ac hominibus; quæ fit Deo, dicitur *votum* aut *sponsio voti*, quæ autem fit hominibus, simpliciter vocatur *promissum*, *promissio* aut *pollicitatio*.

4. Promissio vel est pura & simplex, vel conditionata, vel denique juramento firmata.

5. Ratio non solum conscientiæ, sed & honoris quemque obligat ad servandum promissum quantumcunque simplex, saltem nisi notabilis mutatio interveniat: si enim v. g. cuiquam promississem largitionem centum florenorum, is autem interea fieret inimicus aut persecutor meus, non tenerer exequi promissum: aut si facta cuidam promissione centum florenorum res meæ adeo dilaberentur, ut sine notabili damno proprio non possim promissum adimplere, cessat obligatio. Extra hos aut similes casus obligatio promissionis adeo certa est, ut etiam pagani eam agnoverint. Quod affirmas, inquit Cicero de Offic. quasi Deo teste promiseris, id tenendum est. Hinc est, quod viro honesto nil fere probrocius objici possit, quam quod fidem promissi sui fefellerit. Nihilominus ultra recensitos dantur adhuc alii casus, in quibus nec debet nec potest adimpleri promissum, ut ex sequentibus responsionibus patebit.

CASUS I. Cyrillus adhuc minorennis promisit matrimonium Endoxiæ, a qua promissum recepit reciprocum. Cum autem nimiam sibi in eam indulgeret licentiam, coepit illam fastidire; eo quod & aliis amatoribus adeo facilem eam fore autumaret. Poteritne hæc sola ratio ipsum excusare a servando promisso, licet puella oblatum pinguius matrimonium recusaverit, sola spēs freta, potituram se nuptiis Cyrilli?

ꝑ. Si consentiant parentes Cyrilli in nuptias cum Endoxia, tenetur in conscientia stare promisso, non obstante usu corporis sibi ab eadem tam facile permissio. Si autem parentes consentium suum denegent, non potest absque peccato eam ducere. Ratio est; quia Ecclesia semper detestata est matrimonia, a suis familiis inita sine consensu patrum, matrum,

tuto.

tutorum & curatorum, ut loquitur Concilium Tridentinum Sess. 24. de reform. matrim. c. 1. Et parentes ipsi suasionem quidem adduci possunt ad præstandum consensum in matrimonium Cyrilli, si graves rationes non habeant se se opponendi; cogi autem in rigore nunquam possunt. In Gallia pœna exheredationis lata est in liberos invitis parentibus matrimonium contrahentes. *Pontas.*

**CASUS II.** Gasto Leonidi, cui ex pluribus titulis erat obstrictus, luculenta daturus grati animi argumenta, serio promissit quingentos florenos, ut primum recepisset 1000 florenos a quodam tertio sibi debitos. Gratum & ratum habuit promissum hoc Leonides. At vero Gasto per solutus sibi post unius mensis lapsum mille florenis nolebât Leonidi dare plus quam partem dimidiam promissæ summæ. Teneturne in conscientia ad solutionem totius summæ promissæ?

*q.* Si Gasto non habet justam ac urgentem causam ab adimplerione totius promissi excusantem, tenetur Leonidi solvere integram summam. *Si autem licitum est & possibile, quod promittit, inquit S. Antoninus Summ. 2. part. tit. 10. c. 1. §. 4. non servando, cum potest, utique peccat; quia omne promissum debitum jure naturali servandum est.* Difficile tamen est determinare qualitatem peccati ab eo commissi, qui promissum fallit, quibusdam mortale peccatum, aliis veniale duntaxat esse asserentibus. Videtur autem, non posse hac in re solidum ferri judicium, nisi prius mature examinentur gravia vel levia damna & præjudicia, quæ exinde resultare possunt. *Pontas.*

**NOTA.** Cum primum obligans sit ipse gratuitus promissor, ab ejus intentione dependet modus obligationis. In dubio præsumitur intentio se leviter obligandi, ubi violatio promissi non potest causare gravem contristationem vel damnificationem.

**CASUS III.** Damasus Juliano promissit rem de se justam, possibilem ac rationabilem; sed mox a facto promisso super venit notabilis mutatio. Teneturne hoc non obstante stare promisso?

*q.* Regulariter loquendo datur obligatio exequendi promissum, si executio est possibilis & licita. Nihilominus tamen certum est, quod Damasus non teneatur facto promisso, quando mutatio superveniens est tanta, ut possit ipsum excusare a contracta obligatione; v. g. si non possit exequi promissum sine præjudicio proximi, aut sine notabili detrimento proprio, aut absque violatione justæ prohibitionis sibi a

Superiore ecclesiastico vel sæculari factæ. Sic docet D. Thomas in Ep. ad Rom. 15. Lect. 3. *Pontas.*

*Nota.* Ea rei mutatio excusat ab obligatione adimplendi promissum, de qua si fuisset cogitatum & tractatum, verosimiliter promissio non esset falsa.

**CASUS IV.** Alipius Petro promisit quinquaginta dupliones aureos, sed ex mera officiosa urbanitate, & absque omni intentione adimplendi promissum. An in conscientia tenetur illud exequi?

*Responsum.* Juxta D. Thomam 2. 2. q. 110. art. 3. ad 5. nullum promissum importat veram obligationem, si desit consensus promittentis. Unde sequitur, quod, quamvis Alipius peccaverit contra sinceritatem & bonam fidem promittendo absque animo promissum adimplendi, non tamen obligetur vi hujus promissionis ad tradendos Petro quinquaginta dupliones. *Si autem est licitum*, ait S. Antoninus Summ. 2. part. tit. 10. c. 1. §. 4. *Est possibile, quod promittit, sed servare non intendit, utique peccat; quia mendacium dicit.* Si tamen Alipius ficta promissione intendisset decipere Petrum, eique per hoc damnum intulisset, ad hujus reparationem dubio procul teneretur. *Pontas.*

**CASUS V.** Julianus per silvam iter faciens incidit in latronem, qui præsentem ipsi mortem minatur. Ad evitandum periculum Julianus promittit ipsi viginti dupliones intra viginti quatuor horas sub arbore a latrone indicata deponendos, attamen cum expressa intentione pro summæ hujus restitutione apud judicem agendi. Teneturne Julianus stare suo promisso? Num promittendo commisit mendacium?

*Responsum.* Non tenetur juxta S. Thomam 2. 2. q. 89. art. 7. ad 2. exequi promissum ex metu adeo gravi latroni factum. Nec etiam mendacii condemnari potest: vere enim & ex animo voluit dare pecunias evitandæ mortis causa, quam latro minabatur, ut idem S. Thomas docet in 4. dist. 29. q. un. art. 3. ad 4. *Pontas.*

**CASUS VI.** Anatolius celebris nummularius in summo discrimine constitutus omnia sua bona amittendi, nisi fixo d.e. habeat 5000. florenos, convenit Manilium amicum suum notorium usurarium, eumque rogat, ut ad sex menses commodaret sibi hanc summam. Nolente autem id obsequii gratis præstare Manilio, Anatolius oretenus ipsi promittit centum decem florenorum pro centum; eoquod timeret jacturam bonorum, fidei apud socios, & famæ, ni exhibere posset hanc summam. Teneturne Anatolius in conscientiaolvere has usuras?

*Responsum.* Di-

3. Distinguitur duplex metus, *juste* nempe & *injuste* incussus. Promissio facta ex metu justo, utcumque gravi, modo non fuerit tantus, ut penitus sustulerit deliberatorem voluntatis, parit obligationem: nam, cum motivum metus supponatur esse justum, datur obligatio promittendi, & consequenter servandi promissum; vel saltem illud opere exequendi, quia factum est voluntarie ac ex justis rationibus. Argumentum simul & exemplum ministrat lex *Si mulier. 21. ff. Lib. 4. Tit. 2. Si mulier contra patronum suum ingrata facta, sciens se esse ingratam, cum de suo statu perichnabatur, aliquid patrono dederit, vel promiserit, ne in servitutem redigatur, cessat editum* (scilicet quod possit repetere, quod solvit) *quia hunc sibi metum ipsa insert.* Si vero motiva metus injusta sunt, ut in præsentis casu, cessat omnis obligatio. *Ille, qui vim intulit, ait S. Thomas 2. 2. q. 89. art. 7. ad 3. hoc meretur, ut ei promissum non servetur. Pontas.*

CASUS VII. Scævola promissit Thomæ decem dupliones aureos ea conditione, ut occidat, vel saltem graviter percutiat ac contumeliis oneret inimicum suum. Pactam conditionem explevit Thomas. Teneturne Scævola in conscientia Petro solvere promissam summam?

3. Neque pro foro interno, nec pro externo ad id tenetur: omnis enim promissio ac conventio, quæ mediante summa pecuniaria vel alia remuneratione tendit ad committendum aliquod crimen, estque prohibita legibus divinis vel humanis, nullam omnino nec ante nec post producit obligationem: *Quæ contra jus fiunt, debent utique pro nefitis haberi, ait regula juris 64. in 6.* Et hinc Scævola ad nihil aliud tenetur, nisi ad sinceram poenitentiam. Doctrina hæc fundatur in pluribus decretalibus, & leges civiles quoque hæc in re omnino sunt conformes constitutionibus canonicis. Omnes hæc leges fundantur in jure naturali, quod nunquam fuisse potest, ut actio mala digna censeatur recompensatione. *Pontas.*

NOTA. Hæc responsio ejusque ratio confirmat sententiam, quod contractus iniiti sub conditione turpi sint jure naturæ invalidi.

CASUS VIII. Jordanus prostitutæ pudicitie mulieri promissit sex aureos tanquam pretium perpetrandi peccati. Teneturne suo promisso?

3. Tantum abest, ut teneatur servare promissum, ut etiam peccaverit promittendo, maxime si facta fuit promissio animo diutius cum ea continuandi carnale commercium. Novum peccatum committeret ex eo fine promissam pro flagitio mercedem persolvendo. *Augustinus dicit supra Joannem, ait Doctor angelicus 2. 2. q. 108. art. 3. ad 3. quod donare res suas*

*suas histrionibus vitium est immane; nisi forte aliquis histrio esset in extrema necessitate, in qua esset ei subveniendum. Pontas.*

**CASUS IX.** Euprepia matrona famulae suae cubiculariae donum nuptiale promissit centum florenorum, & insuper augmentum salarii viginti florenorum. Teneturne coram Deo implere promissum, licet tantum verbaliter factum?

*y.* Tenetur, si per ipsius facultates id licet, simulque promissio a cubicularia fuit acceptata. *Fromageau.*

**CASUS X.** Pollio famulus cujusdam villici, credens filiam heri sui esse virginem, cum ea fornicatur, addita ad facilius impetrandum usum corporis promissione matrimonii. Verum advertens, puellam jam ab alio fuisse corruptam, sententiam suam quoad matrimonium cum ipsa contrahendum mutavit, caute tamen hoc animi sui consilium eidem occultans; immo constantiam suam in amore, quo ipsam deperibat, saepius in faciem declarat, consuetisque visitationibus probat. Teneturne vi promissi eam ducere?

*y.* Tenetur ducere puellam: nam posito etiam, quod Pollio salva conscientia potuerit mutare mentem suam, postquam cognovit vitium puellae, quod tamen negant Lugo & Giribaldus; certissimum tamen est, quod non amplius resilire possit, dum cognita prostitutione sceminae nihilominus continuavit cum ipsa flagitiosam consuetudinem dissimulata retractatione promissi matrimonii. Ratio est; quia, cum bene sciret, puellam non consensisse in copulam nisi ob promissionem matrimonii sibi factam, sub eadem condicione saltem tacite censetur etiam deinceps petiisse & acceptasse consensum juvenulae in opus carnale, sicque ratificasse veterem suam obligationem per novum contractum onerosum, qui utramque partem obligat. C. B.

**NOTA.** Confer responsionem ad hunc & sequentem casum cum responsionibus ad casus 7. & 8. & videbis, quantum distent principia compilatoris casuum Bononiensium circa doctrinam moralem de contractibus turpibus a principiis Pontasii, scilicet velut aera lupinis; hic aurem praeiuvat Deo & naturae intus loquenti, ille autem probabilis, qui ab omni vento doctrinae quoquo versus abripiuntur.

**CASUS XI.** Albertus centum Imperiales promittit ficiario, si Petrum occiderit. Teneturne Albertus secuto effectu adimplere promissum?

*y.* Sunt quidem, qui negant eum teneri; eoquod ex actione injusta, ut est homicidium, non possit oriri obligatio iustitiae. Alii tamen, nominatim D. Thomas, Lessius, Lugo, Diana & Tamburinus communius affirmant, Albertum teneri ad explendam promissionem. Rationem sententiae

tiz suæ hanc afferant ; quia pecuniæ non fuerunt promissæ tanquam pretium peccati, sed intuitu periculi, cui se sicarius commissurus erat perpetrando homicidium. Cum ergo hic, exponendo se tanto periculo, acquisiverit jus exigendi hanc summam, Albertus ex eadem ratione contraxit obligationem eandem solvendi. C. B.

NOTA. Foetida hæc responsio eandem Probabilissimam clancam olet, quæ responsionem ad casum præcedentem exhalavit.

## PROMOTOR.

1. *Promotor* dicitur Officialis ecclesiæ, qui in rebus concernentibus jurisdictionem ecclesiasticam easdem exercet functiones, quas Procurator Principis in forensi Curia, ut est petere informationem aut comprehensionem Clericorum gravis delicti reorum, urgere expeditionem causarum ad Officialem delatarum, invigilare juribus, libertatibus, ac immunitatibus ecclesiæ, tueri vigorem ac robur disciplinæ ecclesiasticæ &c.

2. Cum per sacros Canones non liceat laicis accusare Clericos, nisi in certis quibusdam casibus, ad Promotoris officium non potest assumi nisi persona ecclesiastica : cujus enim est persequi Clericos delinquentes coram judicio episcopali, & ipsum Clericum esse convenit.

3. Ex sequentibus decisionibus plura elucescent, quæ Promotores concernunt, quibusque insistendum ipsis in administratione officii sui.

NOTA. Hoc nomen *Promotor* in Gallia potissimum, Hispania ac Italia in usu est : illius tamen officium etiam in ecclesiis cathedralibus Germaniæ obtinet, ubi, qui eo fungitur, *Fiscalis* dicitur.

CASUS I. Sextius Promotor cujusdam Curie episcopalis, simulque parochus inquisitionem habuit ex officio contra Qualiterium clericum scandalosæ vitæ infamia notatum, & propterea accusatum ; vocatisque ac citatis duobus vel tribus parochianis accusati amicis, præsens ipsemet interfuit informationi & interrogationibus accusati Clerici, imo etiam testium cum reo confrontationi, eo fine, ne se præsentem testes variarent in depositione, vel celarent veritatem factorum, de quibus antea testimonium dixerant. Potuitne hoc facere alioquin peccato contra iustitiam ?

3. Non potuit præsens interesse interrogationi, testificationum collationi seu prælectioni, vel confrontationi, aut informationi testium contra accusatum : processus enim criminalis debet esse secretus, & Promotor est pars publica, ejus-

jusque functio est incompatibilis cum officio Judicis. Qualiterius igitur contra hanc formam judicalem potest excipere, ac petere declarationem nullitatis. *Pontas.*

**CASUS II.** Romilius Promotor diocesis Albenfis accepit resignationem Pœnitentiariæ ecclesiæ hujus cathedralis in suum favorem factam. Potestne licite exercere simul functiones hujus Beneficii, & manus Promotoris?

*q.* Pœnitentiarii & Promotoris officia non possunt exerceri ab una eademque persona. Pœnitentiarius vi officii tenetur absolvere reum de commissis peccatis serio dolentem, Promotor econtra ex obligatione justitiæ debet agere ad ejus punitionem. Juri naturæ & gentium, imo etiam disciplinæ ecclesiasticæ repugnat, eundem esse accusatorem, assessorem in tribunali, & judicem. Hinc Romilius alterutrum horum officiorum ellgat necesse est, & alterum dimittat. *Pontas.*

**CASUS III.** Rufinus Promotor cujusdam diocesis evidenter scit, Alexium presbyterum reum esse criminis, attamen occulti. Teneturne in conscientia petere ab Officiali licentiam inquirendi in hoc crimen vel personam criminosi?

*q.* Non solum non tenetur informationem instituere contra Alexium, sed ne quidem potest: notandum enim est, quod in Gallia maxime & Hispania, dum agitur de crimine occulto, Promotor in judicium provocans Clericum exhibere debeat denunciatores, qui in casu, quo id opus fuerit, cavere possit de damno & interesse accusati. Ad hæc, si accusatus per sententiam absolutus & declaratus innocens, scire petat denunciatores a Promotore, hic eum manifestare tenetur, ni ipse præstare velit omnes litis impensas. *Pontas.*

**CASUS IV.** Rhotodus ecclesiæ cathedralis Canonicus & Promotor præ tendit, habendum se esse ut præsentem in choro, adeoque lucrari posse distributiones quotidianas absque onere frequentandi chorum; prætensioni autem huic contradicit Capitulum cathedrale. Potestne cum securitate conscientie hac in re litem movere Capitulo?

*q.* Si Capitulum persistat in sententia negandi ipsi distributiones, dum actualiter occupatur in exercitio muneris sui, jure potest petere sententiam contra Capitulum; aliis vero temporibus tenetur assistere choro. Dicitur: *dum actualiter occupatur in exercitio muneris sui*: sicut enim Pœnitentiarius, dum in confessionali non occupatur, & Scholasticus extra tempus necessarij studij aut prædicationis Verbi divini tenentur interesse choro, ita & Promotor. *Pontas.*

Vide *Officialis.*

PROVI-



## PROVISIO BENEFICII.

1. *Provisio* est titulus a legitimo Superiore collatus Clerico habili ac idoneo ad possidendam Beneficiam; & sine hoc titulo in nullo casu legitime obtineri potest Beneficium qualecunque demum, juxta Bonifacium VIII. reg. jur. 1. in 6. *Beneficium ecclesiasticum non potest licite sine institutione canonica obtineri.* Titulus iste consistit in litteris patentibus, quibus collator declarat, se hoc Beneficium hac ratione vacans conferre huic, & quæ vel diriguntur ad eum, qui providetur, vel ad illos, quorum est provisum recipere, & in possessionem immittere.

2. Provisio obtinetur per simplicem renunciationem seu cessionem prioris Beneficiati, per resignationem in favorem, ex causa permutationis, vel in titulum Commendæ.

3. Omnis provisio est nulla, ubi intervenit simonia vel confidentia; aut dum confertur personæ inhabili ad possidendam Beneficiam, ut est laicus, clericus excommunicatus, bigamus, illegitimus, aut quocumque alio impedimento canonico laborans.

4. In provisionis instrumento debet exprimi, an collatio sit libera vel coacta. *Libera* est, quæ ex sola voluntate collatoris dependet. *Coacta* est, quam collator non potest recusare, ut quæ fit ad præsentationem Patroni intra debitum tempus factam.

CASUS I. Romulus filio suo Aollio sex tantum ætatis annos habenti procuravit provisionem ad Capellam simplicem, Estne valida & canonica istiusmodi provisio?

3. Nec valida est nec canonica: ut enim quis censeatur legitime provisus hujusmodi Beneficio, requiritur, ut habeat annos ætatis septem completos. Regula hæc: *Annus incæptus pro completo habetur non habet locum quoad Beneficia simplicis tonsuræ, sed solum quoad Beneficia honoraria, pro quibus ad canonicam provisionem sufficit solummodo inchoasse annum de jure requisitum. Qui ingressus est certum annum, dicitur ad ipsum pervenisse, ut ait Zacharias Pasquali. Pontas.*

CASUS II. Euphronius diaconus ætatis solum viginti trium annorum & unius mensis fuit provisus quadam parochia. Estne canonica hæc provisio? Et si post annum integrum a provisione computatum non receperit sacerdotium, estne ipso jure privatus suo Beneficio?

β. Juxta constitutiones plurimarum Consiliorum, & specialiter Tridentini Sess. 24. cap. 12. de reform. & Sess. 22. cap. 4. de reform. requiritur ad provisionem Beneficii & ad quasdam dignitates in ecclesiis cathedralibus, & collegiatis ætas viginti quinque annorum. Hoc tamen disciplinæ punctum non ubique observatur in omni suo rigore juxta Caballutium; sicque, si Beneficium foret litigiosum, sufficeret recipere presbyteratum post annum adeptæ pacificæ possessionis. Dantur vero alia Beneficia, quæ non possunt acquiri, nisi quis habeat Ordines vi foundationis aut consuetudinis eiusdem annexos. Hac occasione notari meretur, quod, quando Beneficium tantum vacat *ipso jure*, titulari adhuc competat jus illud resignandi vel permutandi; quod si vero vacet *ipso facto*, non possit amplius de eodem disponere. *Pontas.*

CASUS III. Valefius diaconus annos natus viginti quinque provissus fuit aliqua Capella. Verum cum titulus foundationis expresse contineat, ut non nisi presbytero conferatur, dubitat, an provisio sit valida, & num sufficiat, si intra annum a die adeptæ possessionis sacerdotium suscipiat.

β. Provisio Valefi est nulla, nec sufficit intra annum recipere presbyteratum. *Qualitas juncta verbo intelligitur secundum tempus verbi, quod adiicitur.* Argum. Leg. 4. §. 1. ff. Lib. 9. Tit. 4. *Pontas.*

CASUS IV. Callimachus habens Capellam, cujus annui redditus non excedunt 15. florenos, provissus fuit per obitum Prioratu 400. florenorum. At vero in sua supplicatione ad Papam nullam fecit mentionem hujus Capellæ. Præjudicatne hæc omissio ipsius provisioni?

β. Absolute necessarium est, ut, qui Papæ supplicat pro Beneficio in forma gratiosa, in supplicatione exprimat, an etiam possideat alia Beneficia; horumque naturam, dignitatem & redditus, utut modicos, fideliter & accurate indicet. Sic Lucius III. cap. *Ad aures.* 8. Lib. 1. Tit. 3. Adeoque provisio Callimachi est nulla. *Pontas.*

NOTA. Beneficium adeo tenue non censetur habere taxam Romæ, ac proinde haberi & habendum relate ad finem intentum pro nullo.

CASUS V. Rudolphus in Curia parochiam resignavit Saturnino, cui ante sex menses Joannes resignaverat Capellam; de qua tamen resignatione nec Rudolphus nec Saturninus ullam habuit notitiam. Estne valida obtenta in Curia provisio, licet in supplicatione non fuerit expressum jus, quod Saturnino competeat ad Capellam?

β. Pro-

3. Provisio hæc habetur pro valida ; quia , dum ea data est , Saturninus necdum acceptavit resignationem Capellæ. *Iusta & probabilis ignorantia impetrantem excusat*, ut ait Caballutius Jur. Can. Theor. & prax. L. 2. c. 21. n. 21. Idem declaravit Bonifacius VIII. Cap. *Gratia*. 7. in 6. Lib. 1. Tit. 3. Verumtamen, quia Saturninus turbari posset in possessione parochiæ, eoquod forte suam de Capellæ resignatione ignorantiam satis probare haud valeat, perbene faciet, si secundam sibi provisionem procuret, licet ea in foro conscientiæ non indigeat ; sicut id juxta non nullos Autores necessarium non est in resignationibus factis causa permutationis. *Pontas.*

CASUS VI. Castrucius annos viginti & unum natus per resignationem sibi in Curia Romana factam obtinuit præbendam sacerdotalem cum hac clausula in provisione expressa : *Quod tu, quatenus dicti Canonicatus & præbenda sacerdotales existant, cum primum ad ætatem legitimam quemcumque Ordinem sacrum suscipiendi perveneris, proximis inde futuris temporibus Ordinem ipsam, quem ætas postulaverit, videlicet subdiaconatus, diaconatus & presbyteratus suscipere omnino tenearis ; alioquin primo dicti Canonicatus & præbenda etiam vacent eo ipso.* Obtenta igitur provisione adiiit possessionem sui Beneficii ; sed per integrum biennium neglexit suscipere subdiaconatum, eoque primum fuit initiatus anno ætatis vigesimo tertio cum dimidio. Amisitne suam præbendam vi verborum provisioni insertorum, *eo ipso vacent* ; quin opus sit sententia amissionis declaratoria ?

3. Non obstante clausula provisioni inserta, & licet præscripto tempore subdiaconatum non receperit, non amisit suam præbendam ipso jure, *Etiam si lex vel statutum poenam imponat ipso facto vel ipso jure*, ait Sylvester de Priorio. v. *Pœna*. q. 25. *adhuc ad executionem necessaria est sententia.* *Pontas.*

CASUS VII. Decius a viginti annis est in possessione cujusdam præbendæ, quam in Curia Romana simoniace obtinuit. Modo autem resignat hoc Beneficium Cajo nepoti suo ; qui & ejusdem possessionem nactus est. Estne provisio Caji canonica ?

3. Est invalida ; & si de simonia Decii notitiam habet, præbendam tuta conscientia retinere non potest. Ratio est ; quia Simoniacus non potest esse legitimus Titularis Beneficii simoniace acquisiti, quantocumque illud tempore possederit ; & consequenter non habet jus de eo disponendi in favorem

alterius juxta communem hanc regulam : *Nemo dat, quod non habeat. Pontas.*

**CASUS VIII.** Decentius ecclesiæ cathedralis Canonicus vult resignare suam præbendam Francisco nepoti suo sub onere reservatæ sibi pensionis, non obstante antiquo statuto capitulari per Bullam Pontificiam confirmato, quo Canonici prohibentur capere possessionem alicujus Canoniciatus, cui pensio est imposita; nec in supplicatione statuti hujus & Bullæ ulla facta est mentio. An non tam provisio quam constitutio pensionis ob hanc omissionem censetur esse subreptitiæ?

*h.* Utraque est subreptitiæ & nulla: Papa enim certe nunquam provisionem concessisset, aut in reservationem pensionis consensisset, si habuisset notitiam de hoc statuto a Sede Apostolica confirmato. Capitulum nequit in gremium suum admittere Franciscum sine violatione statuti & Bullæ confirmatoris. Nec Decentius ullum habet jus ad hanc pensionem, utpote fundatam in titulo illegitimo. *Pontas.*

**CASUS IX.** Octavius supplicat apud Curiam pro obtinendo Prioratu simplici S. Blasii; sed per errorem & ex ignorantia exponit, Beneficium hoc esse curatum. Valetne ipsius provisio?

*h.* Falsum quidem exposuit Octavius; non tamen ea intentione, in quam cadere posset culpa fraudis vel deceptionis. Hinc provisio ipsius valida est & canonica. Ita & sentit Navarrus Concilior. L. 1. Concil. 15. n. 1. & 2; dum ait: *Taciturnitas ejus, quo expresso aique Princeps fecisset gratiam, non nocet. Pontas.*

**CASUS X.** Eulalius acolythus incurrit irregularitatem ob matrimonium contractum cum vidua, ex qua etiam prolem suscepit. Defuncta uxore provisos est Prioratu simplici, nulla petita vel obtenta dispensatione. Estne legitima ipsius provisio?

*h.* Omnis irregularitas orta sive ex delicto sive ex defectu est impedimentum excludens ab Ordinibus & Beneficiis. *Viam ad Ordines & Beneficia præcludunt irregularitates*, ait Cabassutius Lib. 5. c. 19. Et hinc provisio Eulalii nec valida est nec canonica. *Pontas.*

**CASUS XI.** Florianus dimittere cogitat Beneficium Capellæ, idque procurare Gastoni nepoti suo; renunciat proin pure ac simpliciter in manibus collatoris, & postea eum rogat, ut illud conferat Gastoni, quem secum adduxerat. Precibus Floriani annuens collator Capellaniam confert Gastoni, qui  
obten-

obtenta provisione possessionem Beneficii mox arripuit. Estne canonica hæc provisio ?

ꝑ. Cum nulla intervenerit cum collatore conventio vel pactum, nec ex parte Floriani nec ex parte Gastonis, provisio est canonica. Florianus absolutum Beneficii dominium reliquit collatori, dum absque omni limitatione ipsi reddidit Capellam, & consequenter plenam ei dedit libertatem nepoti suo eam conferendi vel denegandi. *Pontas.*

CASUS XII. Januarius Clericus sæcularis annos viginti natus provisosuit Prioratu pertinente ad quamdam abbatiam Benedictinam in titulum Commendæ: ingreditur autem Ordinem S. Benedicti, ac in eo post annum novitatus professionem emittit, nihil omnino disponens de Prioratu, quem sibi retinere cogitabat, utpote aliunde jam a suo Ordine dependentem. Interim vero Laurentius in Curia impetrat provisionem pro dicto Prioratu tanquam vacante per solemnem professionem Januarii. Potestne citra conscientiæ labem uti hac provisione ?

ꝑ. Laurentius est legitime provisosuit hoc Prioratu, vere vacante per professionem solemnem Januarii, qui illum non nisi titulo Commendæ possederat. *Beneficium illius, qui Religionem ingreditur*, ait Bonifacius VIII. cap. *Beneficium*. 4. Lib. 3. Tit. 4. in 6. *non est intra probationis annum alicui conferendum, nisi ad id ipsius accedat assensus, aut constet, quod professionem expressam fecerit.* *Pontas.*

CASUS XIII. Pachomius Abbas regularis & Conventus neglexerunt nominare ad Prioratum regularem suo a monasterio dependentem. Duo Clerici sæculares hoc Beneficio successive provisosuit illud per annos triginta pacifice possederunt; & defuncto ultimo Titulari Lampridius pariter sacerdos sæcularis provisionem obtinuit ab Ordinario. Estne provisio ipsius canonica? Poteritne sic provisosuit retinere Beneficium, maxime si nemo ipsi desuper controversiam moveat ?

ꝑ. Provisio Lampridii non est canonica, nec tuta conscientia poterit retinere Prioratum: sicut enim Regularis non potest possidere Beneficium sæculare, ita etiam vice versa Sæculari non potest conferri Beneficium regulare. Nec prodest Lampridio allegare continuatam per triginta annos a Sæcularibus possessionem hujus Prioratus: nam licet verum sit, statum & naturam Beneficii mutari posse per consuetudinem, certum tamen est, hanc consuetudinem non habere vim legitimæ præscriptionis, nisi post tempus quadraginta annorum completorum. *Pontas.*

**CASUS XIV.** Basilides parochus regularis aliquot ante obitum suum septimanis Davidi resignavit parochiam suam. David interim, donec reciperet provisiones suas, petiit ab Episcopo obtinuitque licentiam exercendi functiones parochiales. Ut vero sumptibus parceret, ultra decennium neglexit urgere expeditionem provisionum; semper tamen interea exercuit munia parochialia, titulumque parochi in omnibus actibus publicis ac prærogativam sibi assumpsit. Num bene?

*Æ.* Peccavit certe Davides arrogando sibi titulum ac prærogativam parochi, qui ipsi nequitiam competeat. Peccavit quoque percipiendo fructus ex Beneficio, ejus legitimus Titularis non erat aut obtentam provisionem. Potuit nihilominus obire functiones parochiales, & correspondentes fructus percipere de licentia & consensu Ordinarii ad parochiæ servitia illum depudantis. Cæterum evidens est, talem agendi modum valde affinem esse intrusioni; quia, cum hic presbyter peteret ab Episcopo permissionem parochiæ deservendi, usquedum Romanam reciperet provisionem, præsumendum non est, Episcopum habuisse intentionem id concedendi ad decem annos, quod tamen ausus est David, de procuranda expeditione provisionis parum sollicitus. Et in hoc casu intrusionis, si res non sit notoria, Episcopus posset eum absolvere ac rehabilitare a pœna canonica, quam facile incurrere potuisset. *Pontas.*

**CASUS XV.** Amalarius Romam misit supplices litteras ad obtinendum Prioratum regularem Ordinis Cluniacensis *pro cupiente profiteri*, nullam tamen habens intentionem profitendi hunc Ordinem. Accepit ergo sub dicta clausula suam provisionem, & Beneficii possessionem adiit. Estne valida hæc provisio, ita ut Amalarius Beneficium iuste retinere possit?

*Æ.* Certum est, Amalarium non esse legitime provisum: Papa enim expresse ipsi provisionem concessit solum sub hac conditione, ut Ordinem Cluniacensem ingrederetur, quod ipse facturum se sponderat, scilicet fiste. Cum ergo Amalarius in supplicatione sua falsum exposuerit, & quidem circa articulum essentialem, provisio subreptitia est, & consequenter nulla, teneturque dimittere Beneficium; id quod evidenter deducitur ex Cap. *Ex parte.* 2. Lib. 1. Tit. 3. *Pontas.*

**CASUS XVI.** Sertorius actu suspensus ab exercitio Ordinum, aut ligatus excommunicatione majore ob crimen occultum;

cultum : acceptavit oblatum sibi Beneficium. Estne valida & canonica ipsius provisio ?

R. Nulla est ac invalida : plures enim Canones ut inhabiles ad Beneficia declarant eos , qui sunt innodati censuris , utut occultis. *Pontas.*

CASUS XVII. Baldericus subdiaconus , qui ob homicidium voluntarium , prorsus tamen occultum , irregularitatem incurrerat , obtinuit Beneficium Capellæ. Valetne hæc provisio ?

R. Non valet : provisio enim irregulari facta ipso jure nulla est ; sive delin ejusmodi irregularitas ex delicto publica sit , sive occulta. *Cum etiam , inquit Concilium Tridentinum. Sess. 14. c. 7. de reform. qui per industriam occiderit proximum suum & per insidias , ab altari avelli debeat ; qui sua voluntate homicidium perpetraverit , etiam si crimen id nec ordine judiciario probatum , nec alia ratione publicum , sed occultum fuerit , nullo tempore ad sacros Ordines promoveri possit ; nec illi aliqua ecclesiastica Beneficia , etiam si curam non habeant animarum , conferri liceat ; sed omni Ordine , ac Beneficio & officio ecclesiastico perpetuo careat. Pontas.*

CASUS XVIII. Pirminius Clericus operam suam & auxilium contulit ad occultandum corpus defuncti Beneficiati , ut lucraretur tempus obinendi hoc Beneficium a Sede Apostolica. Num valet sic obtenta provisio ?

R. Clericus iste reddidit sese inhabilem ad possidendum hoc Beneficium , provisio ipsius est nulla , ac pro intruso habendus est , licet pœnas canonicas non incurrerit. *Fromageau.*

CASUS XIX. Lucianus Episcopus Clerico cuidam confert Canoniatum , quem vacare existimabat per cessionem Titularis factam a fratre hujus Clerici , cujus tamen consanguinei , ut mentita hæc cessio speciem veri præferret , mortem celaverunt. Benene ac legitime est provisus hio Clericus ?

R. Si ita egerunt consanguinei vel parentes Clerico inscio , bene est provisus , & legitimus possessor Canonatus ; quem etiam poterit resignare pro suo beneplacito , quin a quopiam molestari & inquietari desuper possit. *Fromageau.*

Vide *Beneficiatus. Beneficium. Collatio. Devolutio. Permutatio. Resignatio.*

## PROXENETA.

R. *Proxenetæ* dicitur , qui ad ineundos ac concludendos contractus in variis negotiis , ut emptionibus , venditionibus

bus, mutuis, pactis nuptialibus, aut in-taxando pretio ac æstimando valore rerum suam interponit operam ac industriam.

2. Licet præcipua proxinetæ obligatio esse debeat, ut sit fidelis, nulla tamen reperitur professio, in qua fraus, mendacium ac deceptio frequentius in usu est, ac in ista; ita ut olim proxenetæ in causis ac negotiis, quibus sese immiscuerunt, testes esse non possent, nisi de consensu omnium partium.

3. Proxenetam adhibendi nulla datur obligatio; cum quisque per semet ipsum sua gerere possit negotia. Proxenetæ neutiquam se vades constituunt ac fidejussores de successu ac eventu negotiationum suarum. Semper consulere debent secundum notitiam ac conscientiam suam. Si debitores solvendo non sint, nequaquam proxenetæ conveniri possunt, etiamsi eos solvendo esse affirmaverint: tenentur tamen de dolo.

4. Pro negotiationibus licitis debetur proxenetis salarium; imo, ubi ejusmodi consuetudo viget, ab utraque parte illud petere possunt.

CASUS. Petrus indiget mille florenis; accedit ergo Carolus proxenetam, ejus industria summam hanc a quocumque demum mutuam recepturus. Carolus accedit Paulum hominem avarum ac notum usurarium, & obtinet ab eo pro Petro mille florenos, petito autem censu annuo immodica, & justos limites notabiliter excedente. Potuitne Carolus operam suam locare ad negotiationem hanc?

3. Peccavit graviter Carolus Paulo occasionem dando ex pecuniis suis usurarium ac injustum lucrum capiendi. Teneaturque, Paulo non restituente, ipse ad restitutionem. Potest tamen Carolus retinere salarium ob collatam operam suam perceptum. *Fromageau.*

Vide *Usura.*

## PUERPERIUM.

CASUS. Licetne in puerperio periculoso extrahere infantem, prius in utero materno baptizatum, si certo constet, ipsum exinde esse moriturum? Et num sacerdos id consulere potest?

3. Si infans certo enecandus sit, non potest: sic eximi absque peccato mortali; neque sacerdos id dare consilii potest, quin graviter peccet, & irregularitatem incurrat. *De Lamet.*

NOTA.



NOTA, Hæc responsio admitti potest, si mater conservari potest in vita: si enim jam obierit, aut æque probabile, perituram matrem cum pario, aliter sentiendum, prout docet Cangiamilla in suo præclaro opere: *Embriologia*.

## PUPILLARES PECUNIÆ.

1. *Pecuniarum pupillarum* nomine veniunt bona minorenium vel pupillorum, ac proventus, quos ad eorum alimentionem & sustentationem tutores ac curatores inde percipiunt. Bona hæc aut sunt mobilia aut immobilia: bona mobilia, quæ non fructificant, ac facile perire possunt tenentur tutor vendere, quamprimum fieri poterit, redactasque exinde pecunias pro utilitate pupilli elocare. Si tamen bona ista mobilia consistant v. g. in pecoribus prædii, in vasis viniis necessariis ad vindemiam &c. servari debent, ut & gemmæ, picturæ, allaque pretiosa. Notandum autem, si tutela brevi tantum duret tempore, tutorem non teneri ad venditionem bonorum mobilium pupilli, quæ utiliter servari non possunt.

2. Juxta opinionem communissimam pecuniæ ex mobilium venditione redactæ & proventus ex immobilibus impendi debent ad expungenda debita passiva & removenda onera, quodque reliquum est, ad comperandos fundos aut redditus annuos, non autem ad census usurarios ex mutuo. Hinc tutores ac curatores ex pecuniis pupillorum ac minorenium census exigere nequeunt absque vero ac legitimo titulo. Si nulla tutoribus occasio sese obtulit utiliter collocandi pecunias pupillorum suorum, & probare non possint, se omnem adhibuisse industriam, sollicitè occasionem quæsisse, ac insuper consilia hæc super re cum consanguineis pupillorum contulisse, ipsimet ad compensationem damni condemnantur.

3. In pluribus provinciis maxime Germaniæ tutores ex pecuniis pupillorum mutuo datis censum percipiunt; & hæc praxis omnium tribunalium auctoritate firmatur. Et eapropter sequens proponitur

CASUS. Census ex pecuniis pupillaribus, prout in usu est in non nullis locis, aliquibus videtur usurarius, & ab aliis excusatur ab usura. Quid sentiendum?

3. Prior sententia in conscientia securior est: non enim licet pecunias pupillares scœnori dare pro censu annuo; cum usura suapte natura mala sit, legique tam naturali quam divinæ contraria, ac consequenter nulla lege humana

aut consuetudine firmari possit. Non potest exigi indemnitas ex mutuo, si nullum concurrat periculum fortis. *Fromageau.*

NOTA. Cum illustria tribumalia usu & sapientia præstantia, ut merito supponitur, censum ex pecuniis pupillaribus mutuo datis sua auctoritate probent ac roborant, non est præsumendum, eum omni iusto titulo destitui. Vide *Ufura*.

## Q.

## QUADRAGESIMA.

1. *Quadragesimæ* vocabulo designantur quadraginta sex dies præcedentes festum Paschatis, quorum dierum spatio fidelibus Ecclesia jejunium præcipit, & quemcumque carnis esum sine legitima causa & dispensatione interdicat.

2. Patres identidem declararunt, jejunia nihil prodesse, nisi pravæ cupiditates compescerentur, & ad proprium officium & orationem diligentius incumberetur. Quia porro nemo unus est, qui, nisi omnino non possit, se a pœnitentia eximere debeat, certum est, eos omnes, qui jejunium servare valent, ad id obligari.

CASUS I. Castulus homo ditissimus quotidie tempore quadragesimali opipare prandet, eaque lautitia tam in cibo quam in potu, ut ampliozem nemo dives, quiscumque sit, desiderare posset. Violatne jejunium ab Ecclesia præceptum, etsi tantum unicam hanc sumat refectionem, & quidem hora consueta?

✠ Non violat quidem jejunium; peccat tamen contra temperantiam, agitque contra rationem pœnitentiæ, quæ hujus præcepti finis est. *Intentio Ecclesiæ est*, inquit Tostatus in c. 6. Matth. q. 166. *homines per jejunium affligere, & ad hoc determinavit modum, qui est abstinere a talibus cibis, & semel tantum comedere. Licet ergo quis non affligat se ipsum, dum semel tantum comedat, & abstineat a cibis vetitis, non frangit jejunium, licet agat contra intentionem legislatoris. Fromageau.*

CASUS II. Titius habet licentiam in Quadragesima vescendi carnibus; eoquod cibi esuriales obliunt ipsius valetudini; sed omnino non jejunat. Num peccat?

✠ Peccat graviter; quia præceptum jejunandi in Quadragesima, & præceptum abstinendi a carnibus sunt distincta præcepta. ita ut ad unum quis maneat obligatus, etsi quoad

ad alterum fit dispensatus. Hinc si Titius vescens carnibus non sentiret detrimentum sanitatis suæ, unicam tantum sumendo refectiorem, peccat contra præceptum jejunandi sumendo duplicem. Ita S. Thomas in 4. dist. 15. art. 5. C. B.

CASUS III. Amadens paterfamilias, qui habet licentiam vescendi carnibus in Quadragesima, petit a medico, ut licentiam hanc extendat ad totam suam familiam, ne diversi generis cibos majoribus impensis subministrare teneretur. Licetne hoc?

R. Non licet; quia paterfamilias iste petit aliquid a medico, quod nullatenus ille concedendi jus habet; medici enim solum est judicium ferre de morbis, constitutione corporis ac statu valetudinis; neutiquam autem is determinare potest, utrum familia quædam sit adeo pauper, ut non possit diversi generis cibos sibi comparare. C. B.

## QUIETISMUS.

*Quietismus* consistit in erroribus discipulorum Michaelis de Molinos contentis in libro, cui titulus: *Communio Spiritualis*, in quo adstruitur, sublimissimam perfectionem consistere in oratione quæta, quæ nihil aliud est, quam simplex contemplatio absque ulla reflexione.

CASUS. Scaliger legit librum, cui titulus: *Communio Spiritualis*, ejusque perversa sequitur dogmata. Quid agendum hominis hujus confessario?

R. Liber iste, utpote continens doctrinam falsam & temerariam, est damnatus, ac consequenter omnium manibus eripiendus. Qui ejusdem sequitur prava dogmata, in manifesto errore versatur; & non solum confessarius ejusdem lectionem suis poenitentibus prohibere tenetur; sed etiam, & multo magis, ipsismet confessarius interdicendus est illius usus ad directionem animarum. *Fromageau.*

## R.

## RAPTUS.

1. *Raptus* est violenta abductio personæ ex loco in locum matrimonii contrahendi causa. D. Thomas docet, raptum committi etiam tunc, dum persona abducitur invito patre, etsi ipsa in abductionem consenserit. Qui cooperantur ad

raptum, æque ut ipsi raptores per leges civiles poenæ mortis subiciantur.

2. Juxta Innocentium Cap. *Accedens*. 7. Lib. 5. Tit. 17. matrimonium inter raptorem & raptam habetur pro legitimo, quando anparet, intervenisse postea consensum reciprocum absque suspitione ullius violentiæ ac doli: *Rapta puella legitime contrahet cum raptore, si prior dissensio transeat postmodum in consensum, Et quod ante displicuit, tandem incipiat complacere; dummodo ad contrahendum legitimæ sint personæ.*

3. Raptus alius est violentus, alius voluntarius, qui etiam vocatur raptus per seductionem vel subornationem; hic quoque, licet minus criminis habeat, severissime tamen punitur.

CASUS. Estne eadem ratio raptus, siue rapiatur puella aut foemina a masculino, siue masculus a puella aut foemina?

Æ. Foemina aut puella rapiens adolescentem rea est raptus, sicut masculus puellam rapiens. In hujusmodi casibus semper intervenit seductio & subornatio ex parte foeminae; & hæc seductio matrimonium reddit nullum. *Fromageau.*

Vide *Impedimentum Raptus*.

## RELIGIO.

1. Vocabulum *Religio* interdum accipitur pro monasterio vel communitate religiosa aut conventu, quandoque pro ipsa professione vitæ regularis, non nunquam etiam adhibetur ad denotandam hominis pietatem ac integritatem.

2. In proprio suo sensu religio est virtus moralis inclinans voluntatem creaturæ rationalis ad exhibendum Deo cultum patriæ debitum.

3. Neque vero virtus tantummodo moralis est religio, dum dirigit mores secundum leges rationis & justitiæ; sed etiam inter cæteras quascumque virtutes primum locum obtinet. Imo, quamvis non sit virtus theologica, eoquod Deum non respiciat tanquam objectum suum immediatum, licet ad Deum tendat ut finem suum proprium, & versetur potissimum circa cultum Deo debitum; proxime tamen accedit ad rationem virtutis theologicæ; quia justum cultum Deo desert ut tributum a creatura Creatori præstandum.

4. Actus religionis sunt vel interni vel externi, ut 1. adoratio Dei. 2. Servitium Deo exhibitum cum vero pietatis affectu ac fervore charitatis, quæ juxta S. Augustinum est  
est

est inseparabilis a vero Dei cultu : *Pietas cultus Dei est*, inquit, *nec colitur ille nisi amando*. 3. Oblatio precum & sacrosancti Sacrificii. 4. Votorum nuncupatio. 5. Invocatio Dei in testem per legitimum juramentum ad assecurandam rei assertæ veritatem.

5. Vitia virtuti religionis opposita maxima ex parte sunt idololatria, impietas, blasphemia, magia, maleficium, divinatio, sacrilegium & superstitio.

6. Quamvis religio solum Deum spectet ut primum ac præcipuum objectum, non tamen excludit cultum B. Virginis, Angelorum & Sanctorum, quos honoramus & precibus nostris invocamus tanquam amicos Dei, nostrosque ad supremam Dei majestatem intercessores; ita ut, sicut religio exigit, ut veneremur Reliquias & Imagines Sanctorum relative ad ipsos, sic etiam exigit, ut honoremus ipsos Sanctos propter eorum eminentiam ac sanctitatem relative ad Deum, qui omnis eminentiæ ac sanctitatis fons est atque principium.

7. Omnes populi ac nationes in hoc mundo habent aliquam speciem religionis; hic tamen solum agitur de religione Christiana, & examinabitur, quandonam liceat occultare suam religionem, ac quandonam detur obligatio eam manifestandi.

CASUS I. Marcellinus catholicus in regione constitutus hæretica, ubi vera religio persecutioni est exposita, in pluribus occasionibus dissimulat, se esse catholicum, licet gloriosum ipsi fuisset profiteri religionem suam. Estne coram Deo peccati reus?

R. Non est absolute necessarium ad salutem semper publice profiteri suam fidem ac religionem coram hæreticis eandem persequentibus: in certis tamen occasionibus id omnino necessarium est, ut 1. si quis tanquam catholicus in vincula conjectus a magistratu vel iudice de sua religione interrogaretur. *Sed in casu*, inquit S. Thomas in 4. dist. 49. q. 5. art. 3. quæstiunc. 2. ad 1. *est de necessitate salutis, quando scilicet aliquis a persecutore deprehensus de fide sua requiritur, quam confiteri tenetur*. 2. Quando religio sine læsione honoris & gloriæ Deo debet occultari non posset, *Quando scilicet*, ait idem 2. 2. q. 3. art. 2. C. *per omissionem hujus confessionis subtraheretur honor debitus Deo*. 3. Dum agitur de salute ac bono spiritali proximi, aut etiam utilitas proximis impendenda, puta si aliquis interrogatus de fide taceret; Et ex hoc crederetur, vel quod non haberet fidem, vel quod fides non esset vera, vel alii per ejus taciturnitatem averterentur a fide. In hujusmodi casibus

*castus*, subnequit ibidem S. Thomas, *confessio fidei est de necessitate sui generis*. Pontas.

ASUS II. Gordius ob varia negotia per tres menses detinere se cogebatur in provincia, ubi persecutio grassabatur in catholicos: hinc vestem induit ministris hæreticis usitatum, ne agnosceretur, quod esset catholicus, sed hæreticus esse crederetur. Potuitne id fieri absque peccato?

Quamvis de se peccaminosum non sit vestes induere ad morem aliarum nationum, si id prava intentione non fiat; prægrande tamen peccatum est, si fiat animo præferendi professionem cujuscumque falsæ religionis; ut Tertullianus docet *de idololatria* c. 18. Gravissime ergo peccavit Gordius juxta authorem Conferentiarum Andegavorum mense Majo 1713 q. 3, quod commodum suum temporale perfide prætulerit religioni suæ, alienissimus ab illo Eleazaro Machabæo. Pontas.

CASUS III. Valerius catholicus deprehensus in quadam regione, in qua sub pœna capitis interdictum est exercitium religionis catholicæ, in custodiam traditur, & coram magistratu de hoc exercitio accusatur. Teneturne aperte profiteri fidem suam, utut certo sciat, pœnam mortis sibi fore subeundam? An non evitandæ mortis causa saltem responsione æquivoca uti poterit?

Æ. Indispensabiliter tenetur profiteri fidem suam, nec absque peccato gravissimo aut silere, aut æquivocationis beneficio uti licet, etsi de subeundæ mortis supplicio foret certissimus: corde enim creditur ad justitiam, ore autem confessio fit ad salutem. Rom. 10. v. 10. Innocentius XI. 2. Martii 1679. hanc perniciosissimam cujusdam casuistæ doctrinam damnavit dicentis: *Si a potestate publica quis interrogetur, fidem ingenuè confiteri, ut Deo & fidei gloriosum consulo; tacere, ut peccaminosum per se non damno*. Pontas.

Vide *Fides. Monasterium. Monialis. Professio religiosa Religiosus*.

## RELIGIOSUS.

1. Proprie loquendo *Religiosus* dicitur, qui emisit professionem solemnem votorum castitatis, paupertatis, & obedientiæ in religione ab Ecclesia, vel a summo Pontifice approbata. Religiosus, ut observat Rebuffus, novem diversis vinculis ligatus tenetur: scilicet 1. voto castitatis, quo refrenatur luxuria. 2. voto paupertatis, quo appetitus inordinatus coercetur ad bona temporalia. 3. voto humilis obedi-

silentiæ, quo superbia reprimitur. 4. obligatione ad vitam communem, qua invidia coarctatur. 5. vinculo sobrietatis ac mortificationis, quæ virtutes opponuntur gulæ, luxui & incontinentiæ. 6. vinculo charitatis, quo ligantur passionēs, prævertim motus iracundiæ. 7. adstrictione ad silentium, quo lingua ligatur, ne in maledictiones erumpat & murmurationes. 8. labore manuum & intellectus, quo omnis acedia ac otiositas repellitur. 9. denique vili abjecto vestitu Religiosis proprio, quo conservatur modestia ac humilitas, vanaque arcetur gloria.

2. Nomine Religiosorum veniunt etiam novitii habitum Ordinis gestantes durante anno probationis.

3. Religiosus est persona mundo mortua, cujus occupatio unice versatur circa cultum divinum, & curam salutis propriæ ac proximi, si hæc ipsi ab Episcopo commissa est, aut aliorum Religiosorum subditorum, amandatis procul a se negotiis sæcularibus. *Monachus*: inquit Papa Eugenius Can. *Placuit*. 8. 16 q. 1. *mundo mortuus est, Deo autem vivit.*

4. Nihilominus auctores celeberrimi testantur, Religiosos admissos fuisse ad varia munia & dignitates in Ecclesia v. g. Vicarii generalis aut Officialis: alii tamen auctores excludendos esse existimant Mendicantes ab ejusmodi prærogativis, utpote professioni illorum non convenientibus, saltem absque dispensatione.

5. Gelasius Papa Can. *Si quis*. 28. 16. q. 1. statuit; ut Episcopus sacerdotium conferat Religioso digno ad instantiam sui Abbatis, cujus opera deinde uti possit ad omnes functiones sacerdotales.

6. Religiosus cum licentia sui Superioris potest esse executor testamenti; sed non facile permittitur, ut in ejusdem potestate detineantur bona mobilia testatoris.

7. Quælibet persona religiosa potest ex bonis feudalibus homagium præstare domino feudi ob Beneficium vel monasterium, cui præest.

8. Religiosus beneficiatus potest absque violatione voti paupertatis disponere de fructibus sui Beneficii ad mentem sacrorum canonum & Ecclesiæ.

9. Religiosus non potest transire ad alium Ordinem, nisi strictiorem, absque dispensatione Papali, ab Officiali sacrosano servato juris ordine verificanda & executioni canda; teneturque in novo Ordine, sive strictiore sive laxiore, sustinere novum probationis annum, eoque finito de novo profiteri.

10. Religiosis non licet prædicare verbum Dei etiam in propriis suis ecclesiis absque licentia Ordinarii.

11. Religiosus ad Episcopatum promotus non potest succedere suis propinquis, saltem in Gallia; nec etiam quidquam acquirit pro suo monasterio, sed solum in commodum episcopatus sui.

12. Religiosus illegitimis natalibus ortus per professionem solemnem legitimatur quidem; absque speciali tamen dispensatione promoveri non potest ad officia publica Ordinis.

13. Provocatio ad superiorem judicem a Religioso facta in materia discipline regularis, & emendationis morum non sortitur effectum suspensivum, sed tantum devolutivum.

14. Praelatus aut Prior claustralis nullum potest admittere novitium sine consensu Capituli.

15. Religiosus ante professionem suam per testamentum potest disporre de bonis suis; non tamen sibi reservare potest ullam pensionem vitalitiam; quia ejusmodi reservatio prorsus adversatur voto paupertatis, quo se obstricturus est.

16. Nulla hic mentio fit de pluribus Congregationibus secularibus; quia viventes in iis non sunt veri Religiosi, & vel vota edunt tantum simplicia, ut Missionarii S. Lazari, vel nullum prorsus emittunt votum, ut presbyteri Oratorii, qui pro suo arbitrio Congregationi valedicunt.

CASUS I. Pammachius viduus habet liberos teneræ ætatis, qui pro sua educatione & elocatione curis ipsius paternis vel maxime indigent. Potestne religioni nomen dare, liberis divinæ providentiæ relictis?

g. Si nec consanguineos nec amicos habent, qui possint & velint in se suscipere curam horum liberorum, tuta conscientia nequit eos derelinquere. *Non licet alieni filios habenti, ait D. Thomas 2. 2. q. 189. art. 6. C. religionem ingredi, omnino prætermissa cura filiorum, id est, non proviso qualiter educari possint.* Ratio est 1. quia illos ita destitutum, ut ex parte sua ad ipsorum necessitates nihil contribueret, idem esset ac tentare Deum, & ab eo aliquod miraculi genus expectare. 2. Quia obligatur jure naturali ac divino ad liberos suos nutriendos, promovendos, juvandosque, quantum est possibile. Idem S. Doctor dicit de eo, qui religionem ingrederetur, & patrem suum relinqueret indigentem, cui tamen in sæculo labore suo ac industria succurrere posset. *Pontas.*

CASUS II. Martinus peritissimus artifex pauperes habet parentes, jam plane impotentes comparando sibi victui. Potestne iis Dei providentiæ relictis religionem ingredi?

g. Juxta D. Thomam 2. 2. q. 101. art. 4. ad 4. non potest: id enim esset vera tentatio Dei. Clemens VIII. in Bulla, *Regularis*, decernit, omnes ad Novitiatum admitti postulantes super hoc articulo interrogandos: *An & eorum parentes ope-*



*ra & subsidio eorum indigentes destituantur.* Nihilominus idem S. Doctor Quodlibet 10. art. 9. C. dicit, quod talis posset ingredi religionem, si videat, se in sæculo non posse vivere sine peccato mortali. Hæc autem hypothesi videtur metaphysica, & de raro contingenti. *Pontas.*

**CASUS III.** Scipio militiam professus, debitisque supra modum oneratus potestne religionem ingredi non solutis antea debitis, posito quod sit solvendo? Vel si non est solvendo, an tenetur remanere in sæculo, & pro viribus laborare, ut creditoribus satisfaciat?

R. Non potest religionem ingredi, nisi exsolutis omnibus debitis, si facultates suppetant ad id præstandum. Si vero non sit solvendo, nec unquam se futurum prævideat, tenetur juxta D. Thomam 2. 2. q. 189. art. 6. ad 3. saltem facere, quod potest, nempe cedere bonis suis in favorem creditorum; & sic potest ingredi religionem. Idem ipsi licet, si in sæculo constitutum se cernat in morali impotentia consequendi salutem; etsi nihil prorsus possideat, quo creditoribus satisfacere possit. Si tamen arbitretur, se intra breve temporis intervallum in eum statum deveniturum, ut omnia possit expungere debita, videtur obligari ad differendam in aliud tempus propositi sui de ingredienda religione executionem; professio enim religiosa est solum de consilio; obligatio autem solvendi debitum est de præcepto, ac de jure naturali. Et in hoc sensu intelligenda est Bulla 71. Sixti V. de anno 1587. qua Papa prohibet ad religiosam professionem recipi eos, qui necdum omnia sua persolverunt debita. *Pontas.*

**CASUS IV.** Sigebertus Religiosus satis frequenter transgreditur observantias exteriores a regula & constitutionibus Ordinis præscriptas. Peccatne mortaliter?

R. Si transgressio ista non concernit illas observantias exteriores, ad quas obligatur vi votorum professionis religiosæ, nec intervenit contemptus formalis, non erit mortaliter peccaminosa juxta S. Thomam 2. 2. q. 186. art. 9. C. Frequentiores tamen transgressiones etiam minutissimarum constitutionum vel disponunt ad contemptum, vel contemptum saltem interpretative produunt. *Pontas.*

**CASUS V.** Theodatus & Cornelius Religiosi professi, primus Ordinis S. Dominici, alter S. Benedicti, suas regulas ac constitutiones quandoque non observant. An semper peccant, saltem venialiter, si id fiat ex indevotione aut negligentia?

R. Juxta S. Thomam 2. 2. q. 186. art. 9. ad 1. Theodatus Ordinis S. Dominici non peccat, si observantia illæ, quibus deest, non versantur circa essentialia religiosæ professionis,

si

si non sunt expressæ præcepta a Superiore, & si easdem non transgreditur ex contemptu. Sed non est eadem ratio respectu Cornelii Benedictini: licet enim hic non peccet, dum agit contra regulam suam circa ea, quæ ab eadem non aliter præscribuntur, quam per modum piæ ac salutaris ordinationis tantum sub pœna obligantur, peccat nihilominus per omissionem eorum, quæ a regula statuuntur per modum præcepti; peccatum autem est tantum veniale. *Non profitentibus quidem*, ait S. Bernardus de *Præcept. & Dispens. c. 1. monita tantum seu consilia censenda sunt, nec gravant non observata; cum tamen profitentibus in præcepta, prævaricantibus in crimina fiant.* Foret tamen etiam peccatum mortale, si negligentia vel indevotio conjuncta esset cum contemptu saltem interpretativo, aut si accederet scandalum. *Pontas.*

CASUS VI. Placidus Religiosus Benedictinus interdum vescitur carnibus, licet nulla detineretur ægitudine. Peccatne mortaliter in locis, ubi inter Benedictinos viget abstinentia a carnibus?

R. Si abstinentia a carnibus non est præceptum formale, sed solummodo res meræ disciplinæ, non peccat mortaliter, excepto casu expressæ inobedientiæ erga Superiorem, vel casu scandali. *Abstineri autem a carnibus*, inquit Doctor angelicus Quodl. 1. art. 20. *non ponitur in regula B. Benedicti ut præceptum, sed ut statutum quoddam; unde monachus comedens carnes non ex hoc ipso peccat mortaliter, nisi in casu propter inobedientiam, vel contemptum.* Idem habet 2. 2. q. 186. art. 9. C. Non autem hic sermo est de quibusdam Congregationibus Benedictinorum, quæ ex hoc puncto disciplinæ fecerunt præceptum formale, in rigore sumentes hæc verba regulæ S. Benedicti Cap. 39. *Carnium vero quadrupedum omnino ab omnibus abstineatur comestio, præter omnino debiles & ægrotos; & alia c. 36. At ubi meliorati fuerint, a carnibus more solito omnes abstineant.* *Pontas.*

CASUS VII. Gontranus Religiosus professus, necdum sacris Ordinibus initiatus, totus occupatur circa ingens opus a se elucubrandum pro bono Ecclesiæ. Licetne omittit Horas canonicas? Teneturne ad recitationem Breviarii sub reatu peccati, maxime dum versatur extra monasterium?

R. Quilibet Religiosus professus tenetur vi professionis solemnis recitare Breviarium: nec studia, nec absentia a monasterio poterunt eum eximere ab hac obligatione; peccatque mortaliter, nisi satisfaciatur. *Tenentur ad Horas Religiosi professi*, ait S. Antoninus 3. part. Summæ Theol. Tit. 13. c. 4. §. 1. *& hoc ratione suæ professionis; quia non solum sunt insi-*

*institutæ hujusmodi Religiones ad orandum particulariter pro se ; sed etiam ad orandum pro universali utilitate fidelium. Pontas. 1*

**CASUS VIII.** Auxilius Religiosus Ordinis reformati immiscet se interdum negotiis temporalibus suæ familiæ, vel quorundam amicorum suorum quorum causas quandoque urget, easque commendat judici. Potestne id fieri absque peccato ?

¶. Clericis sæcularibus non licet implere se negotiis sæcularibus, multo minus Religiosis; si id fiat ex motivo avaritiæ vel proprii interesse. *Causa cupiditatis*, ait S. Thomas 2. 2. q. 187. art. 2. C. *sæcularia negotia gerere nec monachis nec Clericis licet*. Verum juxta eundem S. Doctorem possunt ejusmodi curare negotia de licentia Superioris ex solo motivo charitatis, & absque ullo respectu ad commodum proprium : *Causa vero charitatis*, ait ibid. *se negotiis sæcularibus cum debita moderatione ingerere possunt, secundum Superioris licentiam in ministrando & dirigendo. Pontas.*

**CASUS IX.** Josephus Religiosus pensionem recipit vitalitiam 75. florenorum, quam ad manus proprias sibi traditam apud se servat, ad privatas suas necessitates expendit, deque eadem disponit absque licentia sui Superioris. Peccatne contra votum paupertatis ?

¶. Juxta decretum Concilii Tridentini Sess. 25. de Regular. c. 2. peccat mortaliter. Ex eodem decreto etiam colligitur, quod nec ipsi Superiores alicui Religiosorum suorum possint permittere usum ac fructum bonorum stabilium ac permanentium. *Nec deinceps liceat Superioribus*, ait, *bona stabilia alicui Regulari concedere, etiam ad usumfructum, vel usum, administrationem, aut commendam. Administratio autem bonorum, monasteriorum seu conventuum ad solos Officiales eorundem, ad nutum Superiorum amovibiles pertineat. Pontas.*

**CASUS X.** Marcus Religionem professus constituta a patre suo 100. florenorum pensione vitalitia gaudet pro privatis ac personalibus necessitatibus, & quidem permittente Superiore. Cum vero pater ipse post quinquennium aut sexennium ad angustiores fortunam radactus fuisset, rogat filium, ne ultra a se exigat pensionem, quo facilius rei familiaris onera sustinere posset. Licetne Marco pensionem penitus condonare patri absque licentia Superioris sui ?

¶. Juxta Sylvium resol. var. v. Religiosus. 5. Marcus utpote Religiosus professus non habet jus condonandi pensionem hanc absque expresso consensu Superioris sui. Ratio est; *Dist. Cas. Cons. Tom. III.* N quia

quia hæc pensio per professionem solemnem Religiosi jam acquisita est monasterio : nullus autem Religiosus privatus in particulari potest disponere de bonis monasterii, sicut nec ea possidere potest ut propria, utpote incapax ad hoc per votum paupertatis. *Pontas.*

**NOTA.** Si pensio hæc constituta est in favorem monasterii ad parcendum ejus sumptibus, optime fuit responsum. Si vero tantum servit ad inutiles ac superfluas expensas Religiosi, variasque singularitates vitæ communi ac regulari disciplinæ inimicas; & insuper si administratio penitus relicta est Religioso, etiam facultas renunciandi illi relicta esse videtur.

**CASUS XI.** Theophanes procurator vel sacrista monasterii interdum sibi applicat pecunias administrationis suæ ad procurandas sibi res vere ac certo necessarias. Peccatne mortaliter, si id fiat absque permissione Superioris? aut si petita licentia denegata ipsi fuisset?

*R.* In primo casu peccat mortaliter. *Religiosus*, ait Cabasutius Jur. Can. Theor. L. I. c. 22. *usurpans sibi necessaria absque Superioris licentia, eoque inconsulto peccat mortaliter, ac dupliciter, tum ratione furti, tum ratione sacrilegii, contra paupertatis votum usurpando sibi proprietatem & dominium.* In altero autem casu Theophanes non peccaret; cum Superior denegando licentiam irrationabiliter ageret ac contra justitiam: tunc enim, ut idem subjungit, *Superior iste irrationabiliter invitus est, & subditus ille Religiosus habet ab ipsa naturæ lege jus suæ necessitatibus succurrendi.* *Pontas.*

**CASUS XII.** Athanasius Superior monasterii cujusdam laxioris observantiæ quot annis cuilibet Religioso tradit 75. florenos, quibus ipsemet sibi vinum & vestimenta comparare debebat. Clemens parcius utendo his pecuniis œconomica sua industria corrasit summam 100. florenorum, quam apud se retinebat, in variis urgentibus necessitatibus usui futuram. Athanasius autem id sciens hoc peculium sibi tradi postulat custodiendum. Teneturne Clemens morem gerere huic jussioni Superioris?

*R.* Sylvius resol. var. v. *Religiosus*. §. ad similem casum sic respondet: *Religiosi tenentur Superiori jubenti, vel petenti tradere, quidquid comparserunt, seu parce vivendo asservaverunt de pecunia, quam vel a Prælato, vel de Prælati permissione acceperint. Imo & antequam Superior petat vel jubeat, semper debent esse animo parati totum tradere mox, ut, fuerint requisiti: alioquin committunt peccatum proprietatis.* Idem sentiunt Canonistæ ac Theologi fere omnes. Concilium Tridentinum Sess. 25. de Regul. c. 2. ait: *Quod si aliquis quidquam*

quam tenere deprehensus aut convictus fuerit, is biennio activa & passiva voce privatus sit, atque etiam juxta suæ regulæ & Ordinis constitutiones puniatur.. Hinc Clemens in conscientia teneatur memoratos 100. florenos Superiori tradere; nec eos sine ipsius permissione secum retinere potest, quin proprietatis vitium incurrat. *Pontas.*

CASUS XIII. Olodimirus Canonicus regularis Præmonstratensis in parochia quadam, cui ut Prior curatus præerat, constituit instituere ludimagistrum cum assignatione reddituum stabilium ac sufficientium. Coacervavit sibi suo ex Beneficio parcius vivendo 1500. florenos, eaque ex summa emit prædium rusticum, quod cuidam agricolæ in feudum concesserat, sub onere annuatim solvendi 75. florenos. Hæc autem acquisitione facta est inscio Superiore Olodimiri, qui constanter negabat, ratum se habiturum contractum; ac rem etiam reprehensionem sustinuit Olodimirus suo ab Episcopo, quod hujusmodi pecunias ex parsimonia comparatas non impenderit in sublevamen pauperum parochiæ, & pro necessitatibus ecclesiæ parochialis. Sed cum negotium jam fuisset confectum, & aliunde etiam hic parochus esset persuasivus, se posse hunc fundum convertere pro suo arbitrio in pios usus, per testamentum a se conditum, destinavit dimidiam fundi partem pro institutione ludimagistræ ad perpetuos annos perduratura; alteram vero dimidiam assignavit pro fundatione duarum missarum singulis septimanis in perpetuum in solatium animæ suæ legendarum. Potuitne Olodimirus legitime acquirere hoc prædium? Et postquam acquisivit, num modo jam dicto de eodem disponere potuit? Teneaturne successor ipsius in conscientia legere has missas? Num poterit sibi applicare stipendia ex iisdem percepta? An non magis convenit ea expendere in eleemosynas pauperum, & indigentias suæ ecclesiæ ac in singulis missis solum meminisse Olodimiri?

3. Non potuit Olodimirus legitime ac propria autoritate hanc acquisitionem facere, manifesteque egit contra votum paupertatis & canones Ecclesiæ. Imo peccavit etiam contra justitiam coacervando & apud se retinendo summam adeo notabilem. Complevit vero peccatum suum per testamentum injustum ac nullum, continens duplam fundationem, & quidem alteram in propriam ac personalem ipsius utilitatem. Cumque testamentum hoc prorsus injustum ac nullum sit, successor ipsius obligari non potest, ut satisfaciatur ejusdem dispositionibus; sed rogandus erit judex, ut

75. floreni annuatim solvendi dividantur inter ludimagistram, eoquod ejusdem institutio vere sit utilis, ac plurimum conducatur ad instructionem juniorum parochiæ puellarum, & inter pauperes parochianos. Successor tamen pie agat, si in missæ sacrificio animam Olodimiri Deo commendet. *Pontas.*

**NOTA.** Parochi aut Vicarii Religiosi expositi in parochiis etiam quoad temporalia incorporatis monasterio absolute nullam habent potestatem disponendi, nisi circa partem pertinentem jure veteri ad pauperes parochiæ, confusam & commixtam cum redditibus parochialibus.

**CASUS XIV.** Isidorus Superior monasterii, in quo quinque tantum vel sex reperiuntur Religiosi, potestne cuidam illorum jam mortui proximo facultatem Impertiri in favorem amici disponendi de libris suis, supellestiles, & modica pecuniæ portione a consanguineo pro occurrentibus necessitatibus accepta?

*ꝯ.* Juxta Sacros Canones *quidquid acquirit monachus acquirit monasterio*, non sibi; cum ipsum omni jure proprietatis privet solemne votum paupertatis, cui circa essentialia præjudicare non potest Superior regularis. *Adeo verum est*, inquit Emanuel Rodericus qq. Canon. & regular. Tom. 3. q. 69. art. 2. *quod Prælati inferior Papa non potest facere Religioso facultatem testandi, ut id intelligatur, etiamsi ad pias causas disponat.* *Pontas.*

**CASUS XV.** Hierophilus Religiosus, a longo jam tempore confessarius sæcularium ordinarius in ecclesiâ monasterii sui, dærepente mortuus est & sepulcho illatus. Paulo post ipsius Superior reperit in cellula ejusdem 500. florenos, nemine prorsus sciente, undenam vel cujus esset hæc summa. Estne Religiosus iste pro proprietario habendus? Quid faciendum de his pecuniis?

*ꝯ.* Non est temere nec præcipitanter judicandum de hoc Religioso; quia, cum per longum tempus sæcularium confessiones excepisset, fors hæc summa a non nemine ipse custodiæ fuit concredita per modum depositi, aut ipsi tradita ad faciendam restitutionem, aut denique in illius manus deposita pro utilitate monasterii, nec tamen repentina morte præoccupatus eam Superiiori tradere potuit. Omnes istæ præsumptiones rationi sunt conformes considerata conditione confessarii; maxime si vita ipsius ac conversatio fuit exemplaris, nec nunquam circa vitium proprietatis sinistra suspitionis ansam præbuit. *Ubi non apparent manifesta indicia de malitia alicujus*, inquit S. Thomas 2. 2. q. 60. art. 4. *debemus*

*sum ut bonum habere in meliorem partem interpretando, quod dubium est.* Prudentis igitur Superioris erit, pecunias hasce per notabile tempus, v. g. unius anni spatio asservare; & si elapso hoc tempore nemo eas repetat, nec, cujus sint, innotescat, in pias causas erogare, præcipue in eleemosynas, aut etiam in bonum monasterii, si tenues admodum sint facultates ipsius. *Pontas.*

Vide *Depositum.*

**CASUS XVI.** Nicodemus Canonicus regularis provivus Beneficio curato intra territorium sui monasterii privata auctoritate disponit de proventibus Beneficii sui casualibus, seu redditibus stolæ, eosque ad pios usus applicat. Potestne hoc facere tuta conscientia, quin peccet contra vota paupertatis & obedientiæ?

ꝑ. Juxta Navarrum Comment. 2. de regular. n. 10. & II. ac Sylvium resol. var. v. *Religiosus* 1. Nicodemus potest sic disponere de redditibus Beneficii sui fortuitis; idque Authores isti probant ex varlis textibus juris, speciatim ex constitutione quadam Clementis V. Cap. *Quoniam*. 2. Lib. 3. Tit. 1. ubi Pontifex discrimen inter Religiosum Beneficiatum & Religiosum simplicem in eo posuisse videtur, quod ille habeat jus de redditibus Beneficii sui disponendi in causas pias, quin indigeat licentia Superioris sui. *Pontas.*

**NOTA.** Hæc vera sunt, si Beneficium est sæculare. Si autem est regulare, dicta solum procedunt de Beneficiis, in quibus viget adhuc divisio bonorum in quatuor partes; prout vixit in Beneficiis incorporatis monasterio, in quo Navarrus professionem emiserat.

**CASUS XVII.** Pachomius Religiosus professus, vir ap-  
prime doctus, ac insigni pollens ingenio ambit munus Superioris per emendicationem suffragiorum; illudque etiam consecutus est. An peccavit?

ꝑ. Absque omni dubio peccavit: si enim juxta S. Thomam non licet pro se petere Beneficium curatum, & solum simplex quærere licet illi, qui necessarias ad id qualitates possidet, eoque ad suam sustentationem indiget, multo minus Religioso permissum est officium Superioris affectare. Cum Pachomio peccarunt etiam suffragantes, qui ex ipsis ejusdem sollicitationibus ac machinationibus ambitionem illius deprehendere, ac eo ipso ut indignum rejicere debuissent. *Pontas.*

**CASUS XVIII.** Palemon Religiosus professus, quem reliqui Religiosi in Superiorem eligere cogitabant, convenerat cum quodam confratrum suorum, quod si ille sibi daret vo-

tum ad superioratum, ipsi daturus esset suum ad Provincialatum. An conventio hæc utrinque acceptata & executioni data non est vitiosa?

ꝑ. Certe est vitiosa, utpote continens quamdam speciem simoniæ: omnes enim ejusmodi conventiones circa spiritualia labe simoniæ commaculant contrahentes, saltem nisi accedat legitimi Superioris auctoritas, id est, Papæ vel Episcopi, juxta naturam scilicet conventionis. S. Thomas 2. 2. q. 100. art. 6. C. expresse docet, simoniam committi, quando res spiritualis non datur gratuito, v. g. dignitas aut aliud officium monasterii. Hinc facultas Theologica Parisiensis 16. Julii 1658. merito ut falsam & juri canonico adversantem condemnavit sequentem propositionem: *Non est simoniacum, dum duo Religiosi conveniunt inter se hoc modo: suffragare mihi, ut promovear ad dignitatem Provincialis, & ego vicissim tibi suffragabor, quo promovearis ad dignitatem Prioris.* Pontas.

CASUS XIX. Fabianus Religiosus in quodam pago forte commoratus, rogatur, ut extremam unctionem administret cuidam ægrotanti instanter hoc Sacramentum flagitanti; & cum parochus esset absens, nec alius sacerdos in parochia haberi posset, Fabianus decumbenti illud confert. Incurritne excommunicationem ipso facto latam a Concilio generali Vienneensi anno 1312. sub Clemente V.?

ꝑ. Hæc excommunicatio eos tantum Religiosos afficit, qui temere in administrationem Sacramentorum sese ingerunt, eamque potestatem independentem a parochio sibi arroganti; ut ex ipsis Bullæ verbis depromitur. Fabianus autem non temere, sed optima fide egit, & ex unico charitatis motivo, dum rogatus in absentia parochi periculose decumbenti Sacramentum extremæ unctionis contulit. Hinc, cum non solum nullam culpam commiserit, quæ tamen ad incurrendam excommunicationem necessario requiritur, sed & bene fecerit ac laudabiliter, tam procul ab eo abest omnis excommunicatio, ut potius vituperandus esset, si in hisce circumstantiis ex superstitiosa scrupulositate id charitatis obsequium indigenti ac petenti exhibere renuisset. Pontas.

CASUS XX. Cyprianus Superior cujusdam conventus mendicantium non potuit ab Episcopo diocesano impetrare licentiam exponendi SS. Sacramentum in quibusdam diebus festis sui Ordinis; & hoc non obstante illud exposuit. Nam peccavit?



γ. Superior usurpavit sibi jus, quod privative spectat ad Episcopum, peccavitque contra obedientiam Ordinario suo debitam. Clerus Gallicanus art. 2. Constitutionum pro Regularibus conditarum omnibus Ecclesiasticis tam sæcularibus quam regularibus interdict publicam SS. Sacramenti expositionem sub quocumque prætextu, nisi jubente aut saltem consentiente Episcopo; Id quod jam antea a S. Congregatione Cardinalium Concilii Tridentini interpretum anno 1644. decisum fuit. Pontas.

NOTA. De expositione SS. Sacramenti Rituale Augustanum part. I. Tit. 18. hæc habet: *Nullibi Eucharistia exponatur, nisi ob gravissimas causas, & semper de licentia Episcopi; & quando faciendum erit, & concessa fuerit licentia, a quibuscunque etiam exemptis semper habenda, reverentia & pietas omnimodo serventur, sicut & ritus diocesani . . . Omnes ergo illæ solemnes expositiones, nisi ab Ordinario approbatae aut concessæ sint, abusus, & sacratissimi Mysteriorum inhonoratio potius dicenda sunt, quam auctus meritorii Religiosis.*

CASUS XXI. Panthenes Religiosus duo enormia & scandalosa commisit crimina quorum in pleno Capitulo fuerat convictus. Ille sese offert ad agendam pœnitentiam, quæcumque delictis suis proportionata videbitur. Superior & novemdecim Religiosi Capitulares eum ex conventu eiiciendum judicant; viginti autem reliqui carceri mancipandum censuerunt ad sex menses; ad quam pœnitentiam sustinendam promptissimum quoque exhibuit se delinquens. Potestne sine peccato ex religiosa communitate eici?

β. S. Thomas Quodlib. fin. art. fin. docet, Religiosum ejusmodi sine læsione charitatis ex communitate non posse eici; cum Ecclesia neminem puniat pœna spiritali, nisi induratum & obstinatum in suo peccato. *Dicendum, inquit, quod nullus est nisi propter contumaciam expellendus; sed est sequestrandus in carcere, vel alio modo.* Pontas.

CASUS XXII. Olymplus Religiosus Ordinis reformati cum in gravissimum Impegisset flagitium, Superior instituta informatione juridica juxta constitutiones Ordinis contra eum hanc protulit sententiam, ut religioso habitu exutus per anni spatium in carcere tetineretur. Sententia ad executionem deducta Olymplus occasionem nactus est elabendi ex custodia. Potuitne sine peccato effugere? An non in conscientia tenebatur redire in carcerem? Id si non fecerit, commisitne novum peccatum assumendo habitum sæcularem, ut securius lateret?

3. Cum sententia in Olympium lata ex omni parte iusta esse supponatur, eidem in conscientia sese sublicere tenebatur, & redire ad carceres, ex quibus nunquam sine peccato potuit effugere: non tamen commisit novum peccatum, dum ad certiores sui occultationem assumpsit habitum sæcularem. Notandum tamen, quod, si sententia cum excessiva severitate fuisset executioni mandata, Olympius absque peccato ex carcere aufugere potuisset. *Pontas.*

**CASUS XXIII.** In pluribus conventibus Religiosorum mendicantium existat statutum particulare, quo expresse decernitur poena excommunicationis ipso facto incurrendæ contra eos, qui iudicii declinandi causa ab Ordine contra se instituti vel instituendi implorant alium iudicem sive ecclesiasticum sive laicum. Palemon Religiosus hinc in circumstantiis comprehensus se convertit ad Episcopum; eo quod metueret, ne a Provinciali suo condemnatur ad carceres, vel ad jejunium nimis austerum. Incurritne excommunicationem?

3. Si agitur de facto solum concernente disciplinam regularem ac claustralem, Palemon non potest recurrere vel appellare ad Episcopum vel alium iudicem in casu, quo contra ipsum Superior agit criminaliter, quin incurrat excommunicationem; dummodo memoratum statutum a legitima potestate sit approbatum & confirmatum. Si vero agitur de casu, cujus cognitio pertinet ad Ordinarium vel alium iudicem etiam laicum, ad hunc absque omni periculo incurrendi excommunicationem tuta conscientia poterit recurrere Religiosus, ut sibi conformiter ad ipsa postulata jus dicatur. *Pontas.*

**CASUS XXIV.** Lucianus Religiosus fuit institutus ipso-  
chus titularis ad S. Jacobum, quæ parochia incorporata est monasterio a jurisdictione Ordinarii exempto, in quo professionem emisit. Cum autem commississet culpam gravem ac notabilem in administratione Sacramenti pœnitentiæ, Episcopus post juridicam causæ cognitionem eum suspensum declaravit. Potuitne iuste sic contra ipsum procedere Episcopus?

3. Iustissime sic egit Episcopus contra hunc Religiosum in hoc casu: juxta Innocentium III. enim Cap. *Ex ore* 17. Lib. 5. Tit. 33. & Innocentium IV. Cap. *Volentes*. 1. Lib. 5. Tit. 7. in 6. omnis parochus de jure subiacet jurisdictioni Episcopi; quamvis parochia sit regularis, & incorporata monasterio exempto. Observandum hic, quod Episcopi etiam competat jurisdictio latissima in omnia Beneficia curata dependentia

dentia ab Ordine militari Melitenſi, & quosvis Religioſos etiam exemptos eorum juriſdictioni eſſe ſubjectos, ſi attentarent prædicare in diœceſi invito Epifcopo, ſi abſque juſta cauſa publicis proceſſionibus Inſtitutis ab Epifcopo intereſſe recuſent, ſi a caſibus Epifcopo reſervatis abſolvere auſi fuerint, ſi extra ſuum monaſterium in diœceſi commorantes delictum committerent caſtigazione dignum, ſi parochiam ab Epifcopo dependentem adminiſtrare præſumpſerint. Caballutius addit tres alios caſus, qui ſunt crimen hæreſis, ſcandalum publicum, & ſeduſtio mulierum per confeſſionem. *Pontas.*

CASUS XXV. Amadæus Religioſus clam abſque dimiſſione & obedientia diſceſſit ex ſuo monaſterio, quod juriſdictioni Epifcopi ſubjacet. Audiens jam Epifcopus, eum in quadam paroechia ſuæ diœceſis vicarij munus exercere, juſſit ipſum comprehendī & cuſtodirẽ tradi. Poſſetne Epifcopus eum punire abſque participatione Superioris regularis, Religioſum ſibi tradi poſtulantis?

ꝑ. Epifcopus poſſet, imo etiam debet punire hunc Religioſum, utpote juriſdictioni ſuæ ordinariæ ſubjectum, ac conſequenter ſub ſua poſtate conſtitutum. Idem jus aſſerit Epifcopo Concilium Tridentinum Seſſ. 25. de Regular. & Monial. c. 4. etſi Religioſus in ejusmodi caſu non ſubellet juriſdictioni Epifcopi. Nec liceat Regularibus, inſulunt Patres Concilij, a ſuis conventibus recedere, etiam prætextu ad Superiores ſuos accedendi, niſi ab eiſdem miſſi aut vocati fuerint. Qui vero ſine prædicto mandato, in ſcriptis obtento, reſpertus fuerit, ab Ordinariis locorum tanquam deſertor ſui Inſtituti puniatur. *Pontas.*

CASUS XXVI. Potamius cum Religionem profeſſus eſſet in Ordine non reformato, vehementer urgetur ac identidem ſtimulatur a Viſtorino, ut reſicto ſuo monaſterio tranſeat ad Ordinem ſtrictiorem. Peccatne Viſtorinus ſic hortando?

ꝑ. Juxta S. Thomam 2. 2. q. 189. art. 9. ad 3. non peccat Viſtorinus. Ratio S. Doctoris eſt; quia in majori includitur minus. Aliud dicendum foret, ſi Potamius voto aut juramento ſe obſtrinxiffet ad emittendam profeſſionem in Ordine reformato: tunc enim Viſtorinus non poſſet eum hortari, ut tranſeat ad Ordinem laxiorem, niſi ex aliqua ſpeciali cauſa, juſta ac evidenti, Idque cum legitima diſpenſatione Superioris. *Pontas.*

CASUS XXVII. Chriſtophorus Religioſus profeſſus ſæpiſſime velut homo triebolaris deſpicitur, calumniis appetitur, & alijs modis quam indigniſſime habetur a ſuo Superiore, qui ex falſis rumoribus ac injuſtis delationibus eum

aversatur & odit. Potestne tuta conscientia ob hanc rationem transire ad aliud monasterium? An indiget ad hoc Superioris sui licentia? Quid si denegatur ipsi licentia?

g. Sufficentissimam Christophorus habet rationem secuta conscientia transeundi ad aliud monasterium, etiam diversi Ordinis: oportet tamen, ut observet formalitates requisitas, obtineatque licentiam sui Superioris, si monasterium, ad quod transiturus est, non sit strictioris observantiae, ac illud, ex quo migraturus est. Quod si Superior petitam denegat licentiam, Religioso huc recurrendum erit ad Superiorem majorem. *Per professionem in suo monasterio factam*, ait Sylvius var. resol. v. Religiosus 9. est obligatus ad illud monasterium, & ad particularem ejus Praelatum. Non est autem ullum jus commune, quod ei tribuat facultatem se ob ista obligatione eximendi . . . Non potest ergo sine Superioris licentia migrare ad aliud monasterium. Si vero monasterium, quod ingressurus est, strictior est observantia, obtento a Pontifice Brevis translationis suae satisfacet, si a Superiore suo petat licentiam; & sic transire poterit ad illud monasterium, etiam si Superior petitam licentiam denegaverit. Ratio est; quia, ut ait Innocentius III. Cap. Licet. 18. Lib. 3. Tit. 31. privilegium meretur amittere, qui concessa sibi abutitur potestate. Pontas.

CASUS XXVIII. Philostratus Religiosus Ordinis reformati gravissimam ac stabilem contraxit infirmitatem. Potestne sine peccato ob hanc solam rationem transire in alium Ordinem minus rigidum?

g. Si infirmitas ista eum reddit inhabilem ad observantiam regulae, quam professus est, potest autem observare regulam melioris Ordinis, juxta S. Thomam 2. 2. q. 189. art. 8. C. licite transit ad ejusmodi Ordinem, cum dispensatione tamen. Notandum autem, quod dispensatio neutiquam securitatem praestet in conscientia, si ratio, ob quam a summo Pontifice concessa est, in causa legitima non fundetur. Pontas.

CASUS XXIX. Eustachius Religiosus Ordinis valde rigidi, cum videret in eundem sensum introduci laxitates, regularemque disciplinam pessime observari, se vero hujusmodi corruptellis insensum reliquorum diceretis ac persecutionibus esse expositum, transire cogitat ad alium Ordinem minus rigidum; in quo tamen exactior viget disciplina, constitutionumque observantia. Scit insuper, in omnia reliqua sui Ordinis monasteria laxitatem hanc inesse, ita ut in nullo regulam professionis suae exacte ac quiete observare possit. Poteritne tuta conscientia hoc exequi propositum?

g. Jux-

¶ Juxta S. Thomam 2. 2. q. 189. art. 8. C. & in 4. dist. 27. q. 2. art. 3. quæstione. 1. ad 3. bonum quidem non est Religioso suam deferere Religionem, & amplecti aliam sine gravi necessitate aut notabili utilitate; non solum quia ejusmodi transitus præbet scandalum Religiosis, quibus valedicitur, sed etiam quia ordinarie facilius est pervenire ad perfectionem & vitæ sanctitatem in Religione, cui se quis semel mancipavit, quam in illa, cui quis necdum est assuefactus. Addit tamen S. Doctor: *Potest tamen laudabiliter de una Religione transire ad aliam propter declinationem Religionis a debita perfectione; puta si in aliqua Religione arctiori incipiant Religiosi remissius vivere, laudabiliter transit aliquis ad Religionem, etiam minorem, si melius observetur.* Licite ergo Eustachius in præsentem casum transit ad alium Ordinem mitiorem: consulendus tamen desuper erit Superior, & ipsius iudicio acquiescendum. Postremo tandem recurrendum est Romam. Pontas.]

CASUS XXX. Christianus Religiosus Ordinis non reformati a Superiore suo petit licentiam ingrediendi Ordinem strictiorem, quæ ipsi rotunde fuit denegata. Potestne exequi hoc suum propositum etiam invito Superiore, quin peccet contra votum obedientiæ?

¶ Ad transitum Religiosi ad aliam Religionem tria requiruntur: 1. Ut in illa Religione, ad quam transire cogitat, sit strictior & disciplina & actualis observantia 2. ut Religiosus ad hanc mutationem non trahatur temeritate aut levitate animi, sed sincero desiderio perfectius præstendi & sanctius vivendi. 3. Ut a Superiore suo petat licentiam instituendi hanc mutationem, sique debitam ipsi submissionem exhibeat. His præsuppositis juxta S. Thomam 2. 2. q. 189. art. 8. potest Religiosus transire ad Ordinem strictiorem, resistente licet Superiore, quin peccet contra obedientiam. Hæc jam olim sententia fuerat Alexandri III. Cap. Sane. 10. Lib. 3. Tit. 31. præcipientis Episcopo Amblanensi, ut non infestet Canonicum Regularem, qui sine permissione Superioris sui monachum induerat in monasterio strictioris ac exactioris observantiæ; ac erat domus professionis ab eo derelicta. Pontas.

CASUS XXXI. Benvolens Religiosus mitioris Ordinis absque obedientia & infelix Superioribus suis discessit a suo monasterio, animo nunquam amplius revertendi; migravitque in provinciam remotissimam, habitu tamen Ordinis nunquam deposito. Potestne in rigore haberi pro vero apostata?

3. Si hic Religiosus aliud monasterium ingressus non est, ejusdem Superiori sese submissurus, ac regulam loci observaturus, dubitandum non est, quin reus sit criminis apostasiæ, & tanquam apostata puniri mereatur. Gregorius IX. Cap. *Ne Religiosi*. fin. Lib. 3. Tit. 31. jubet, ut Abbates ejusmodi fugitivos censura excommunicationis feriant. *Pontas.*

CASUS XXXII. Martialis Religiosus professus videt patrem suum decrepita jam ætate morbis afflictum, & in magnam conjectum miseriam, ita ut sibi comparare jam non possit, unde vivat. Cogitat ergo egredi ad tempus ex suo monasterio, ut patri succurrat. Num tuta conscientia sic agit?

3. Prætextus hic quidem speciosus ac plausibilis est, multisque exoptabilis, quibus magis arridet mundus quam claustrum, maxime cum Casuistæ non pauci faveant. Sed juxta S. Thomam ratio hæc non excusat Martialem a peccato: ait enim S. Doctor 2. 2. q. 101. art. 4. ad 4. *Ille vero, qui jam est in Religione professus, reputatur jam quasi mortuus mundo. Unde non debet occasione sustentationis parentum exire claustrum, in quo Christo consepelitur, Et se iterum secularibus negotiis implicare. Tenetur tamen, salva sui Prælati obedientia Et suæ Religionis statu, pium studium adhibere, qualiter ejus parentibus subveniatur. Advertendum tamen, quod, si necessitas parentum foret ea, quæ extrema dicitur, jus naturale ac divinum, quod omni obligationi votorum præferendum est, juxta unanimum Theologorum sententiam obligaret ejusmodi Religiosum, ut succurrat parentibus. Igitur in præsentem casu Martialis tenetur opem ferre patri suo omni modo possibili cum consensu Superioris sui, cætera autem relinquere paternæ supremi Numinis providentiæ.* *Pontas.*

CASUS XXXIII. Lieboldus Prior claustralis potest quidem, si velit, introducere reformationem in suum monasterium. An etiam tenetur ad hoc in conscientia?

3. Si in ejus monasterio viget claustralis disciplina, ejusdemque Religiosi observant regulam & constitutiones Ordinis, Superior, etsi facile & absque repugnantia possit, non tenetur introducere reformationem, ad quam se obligandi nullam fors Religiosi habuerunt intentionem, dum professionem emisserunt. *Pontas.*

NOTA. Non solum exterior regularis disciplina, plerumque consistens in observantiis externis, est ad quam obligantur Religiosi cujuscunque demum Ordinis, sed etiam observatio legum naturalium, divinarum & ecclesiasticarum, v. g. devota psalmodia, devota cele-

bratio

bratio missæ cum debita præparatione ac subjuncta gratiarum actione, pie quotidie instituenda meditatio, examina conscientiæ rite obeunda, utilis lectio, competens studium, fuga otii, honestas vitæ clericalis ac religiøsæ ædificatoria populi, & aliena a vanitatibus & pompis sæculi. Circa hæc reformare suos tenetur Superior sub gravi peccato, si deficient.

**CASUS XXXIV.** Philibertus Abbas regularis in suum monasterium introduxit reformationem, convenitque utrinque, inter reformatos scilicet & veteranos, ut hi interessent missæ majori & vespers diebus Dominicis ac festis; vicissim vero a reformatis acciperent habitationem & 250. florenorum pensionem annuam; solvendam singulis. In quocumque demum loco fuerint, vel quodcumque Beneficium aut officium haberent posthac. Post istam hanc conventionem Alexius veteranorum unus migravit ad aliud monasterium, in quo ex officio claustrali ipsius curæ & administrationi commissio incrat, quidquid pro alimentacione, sustentacione & habitatione necessarium est: nihilominus tamen a prioribus confratribus reformatis petiit debitam sibi & necdum persolutam unius anni pensionem; quæ autem ipsi negatur, eo quod non amplius esset membrum monasterii, & ex officio in alio monasterio satis provisum sit ipsius necessitatibus: Alexius tergiversantibus obsecrat conventionem vitro citroque intam. Quæritur 1. Utrum conventio inta, vi cuius Alexius tantum interesse tenetur diebus Dominicis ac festis missæ majori & vespers, eum securum reddat in conscientia, si non assistat etiam reliquis Horis canonicis in choro dicendis. 2. Utrum vi conventionis jure ipsi debeatur promissa pensio, non obstante, quod in alio monasterio possideat officium claustrale?

g. Veterani tenentur in conscientia & sub reatu peccati quotidie assistere toti Officio Horarum canonicarum in suo monasterio etiam post introductam reformationem, non tantum vi solemnisi professionis, sed vel maxime etiam ex eo; quia ex monasterio percipiunt alimentacionem, aliæque necessaria. Adeoque conventio inta non eximit Alexium ab obligatione comparandi quotidie ad omnes Horas canonicas, a qua utique ipsum liberandi jus ac potestas non erat penes Religiosos reformatos. Quod attinet ad pensionem constitutam, hæc ipsi non debetur, nisi resideat in suo monasterio, ibidemque omnibus suis obligationibus satisfaciatur; supposito etiam, quod eadem indigeret ad suam sustentacionem. Adeoque ex eo momento, quo migravit ex suo monasterio, & incepit possidere officium claustrale, quod necessaria ad  
vitæ

vitæ sustentationem ipsi suppeditare poterat, expiravit pensio a monasterio professionis ipsi constituta. *Pontas.*

CASUS XXXV. Religiosi quidam mendicantes præterdunt jus mendicandi in aliena diœcesi conventui suo contermina a tempore vindemiarum usque ad finem anni absque licentia Episcopi diœcesani. Num jus hoc fundatum est?

ꝑ. Certum est, non licere Religiosis mendicantibus in aliena diœcesi absque licentia proprii ejus diœcesis Episcopi elemosynarum collectionem exercere; quod patet ex Concilio generali Lateranensi sub Innocentio III. Cap. *Cum ex eo.* 14. Lib. 5. Tit. 38. & ex Tridentino Sess. 21. c. 9. Conventus generalis Cleri Gallicani de anno 1645. specialiter id prohibet omnibus indiscriminatim Religiosis mendicantibus. *Pontas.*

CASUS XXXVI. Blasius sacerdos ob publica & scandalosa crimina condemnatus est ad triremes; obtenta autem a Principe gratia sententia executioni data non fuit. Potestne admitti in Ordinem religiosum?

ꝑ. Potest admitti, si habeatur moralis certitudo de vera ipsius relapsione, ac sincera conversione: priusquam tamen recipiatur, quam diligentissime examinanda est ipsius vocatio: "si enim ideo solum ad Religionem confugeret, ut legum ac judiciorum severitatem declinet, impunitatemque inveniat, nequaquam foret recipiendus. *Fromageau.*

CASUS XXXVII. Lucianus Religiosus privatus videt in familiam suam irrepsisse abusus intolerabiles, vigereque jam effrenatam vivendi licentiam. Ingemiscens tantis malis libenter vellet adhibere remedium; sed nescit, qua ratione id possit exequi. Quid ipsi consulendum?

ꝑ. Si Religiosus iste per se ipsum non possit mederi malis hisce religiosam familiam depravantibus, primo adnudi sunt Superiores regulares, & de omnibus instruendi. Si & istis operam suam curando malo commodandi aut voluntas aut animus desit, implorandus est Ordinarius. *Fromageau.*

CASUS XXXVIII. Coriolandus Religiosus percipit pinguißimos redditus tam ex pensionibus quam ex Beneficiis, negotiatur, thesaurizat, &, ut melius potest, opes sibi accumulat. Licetene & tuta conscientia?

ꝑ. Et si Religiosus iste tam amplios redditus fors ex dispensatione percipiat; tenetur tamen eos administrare conformiter ad mentem Ecclesiæ & sacros Canones: indubitato graviter peccat, qualemcumque demum exerceat negotiationem, quæ ipsi a Superiore interdicienda est cum comminatione

ne



de suspensionis a celebratione missæ tam publice quam privatim; nec etiam a confessario absolvi poterit, ni relinquit. Cum tamen Religioso huic collato titulo Beneficii etiam collata fuisse censetur ejusdem administratio, non tenetur Prælato suo reddere rationem proventuum beneficalium, dummodo eos impendat in causas pias, in sublevamen pauperum, ac in necessitates ecclesiæ beneficalis juxta præscriptum Canonum. *Fromageau.*

CASUS XXXIX. Cornelius Religiosus professus in domo fratrum hospitalitatis secessit ad Abbatiam septem fontium Ordinis Cisterciensis, ibidemque solemnem professionem emisit absque licentia sui Superioris. Postea ex Pœnitentiaria Apostolica obtinuit Breve, qua facultas ipsi concedebatur transeundi Cistercium. Quid censendum de hac agendi ratione.

ꝑ. Non potuit deferere suam Congregationem, ut ad Abbatiam septem fontium discederet. Professio Cornelii ibidem emissæ est nulla. Breve Pœnitentiariæ Romanæ pariter est nullum, teneturque Religiosus iste redire ad suos confratres Hospitalitatis. *Fromageau.*

CASUS XL. Benedictini quidam formulæ professionis suæ addunt hæc verba : *coram Deo & Sanctis ejus*. Num veram juramenti rationem habent verba ista?

ꝑ. Non habent de se rationem veri juramenti, nec assertorii nec promissorii : potest tamen fieri, ut verum juramentum contineant vel ex intentione expressa profitentis, vel ex consuetudine Ordinis. Juramentum autem hoc solum foret promissorium, cujus violatio ob parvitatem materiæ potest esse peccatum veniale, cum violatio juramenti assertorii etiam in se levè semper sit peccatum mortale; quod ex damnata ab Innocentio XI. propositione 24. colligitur : *Vocare Deum in testem mendacii levis non est tanta irreverentia, propter quam Deus velit, aut possit damnare hominem.* *Fromageau.*

CASUS XLI. Nectarius Religiosus super obedientia sibi imposita appellavit ad judicem superiorem tanquam de abusu. Cum autem ejusmodi appellationes per constitutiones Ordinis a summis Pontificibus approbatas, & a Religiosis acceptatas interdicanter sub pœna excommunicationis, Nectarius ab omnibus habetur pro excommunicato. Estne vere excommunicatus?

ꝑ. Non videtur, quod ratione hujus appellationis possit haberi pro excommunicato; cum excommunicatio non sit lata ipso facto. Et si etiam lata foret ipso facto, cum appellationes hujusmodi de abusu potestatis passim jam sint, saltem

tem in Gallia, consuetudine introductæ, neutiquam apparet, quomodo possit excommunicari, qui jus confugiendi ad hoc remedium propriæ defensionis gratia sibi competere existimat. Accedit, quod via hæc nostris his temporibus consideretur tanquam via juris, quam in compluribus occasionibus arripere permisum est. Nihilominus tamen magis expedit sublicere se suo Superiori. *Fromageau.*

CASUS XLII. Sempronius religionem professus est, etsi exacte & secundum totam extensionem non sciret omnia onera & obligationes status religiosi. Ene valida ipsius professio?

R. Est habenda pro valida; si non foret invalida, si in ejusdem receptione etiam simonia fuisset commissa. Hinc ejusmodi Religiosus, etsi extra monasterium degat, & nihil ex eo recipiat, tenetur tamen ad omnes Horas canonicas. *Fromageau.*

CASUS XLIII. Carolus evidenter scit, regulam monasticam, quam amplexurus est, usque adeo esse supra vires suas, ut ejusdem austeritatibus brevi sit succubiturus, mortemque sibi acceleraturus. Potestne tuta conscientia eam amplecti?

R. Non potest amplecti hujusmodi regulam, quin acceleratæ propriæ mortis culpam sibi adscribat. Objectio de Ordine Carthusiensium ad perpetuam abstinenciam a carnibus adstrictorum, quibus eamne esus ne quidem in extremo morbo permittitur, non stringit; quia homo absolute potest carere hoc nutrimento, & aliunde rigor circa abstinenciam a carnibus spectat bonum commune totius Ordinis, quod semper præferendum est bono privato Religiosi particularis. *Fromageau.*

CASUS XLIV. Erat schisma in Ordine S. Francisci, & Superior generalis totius Ordinis officio suo amovit omnes Provinciales totius Galliæ. Suntne professiones durante hoc schismate emissæ in Gallia validæ?

R. Sunt validæ: Superiores enim, in quorum manibus hæ professiones emissæ fuerunt, habebantur pro legitimis, & pro se habebant titulum saltem coloratum. *Fromageau.*

CASUS XLV. Conspirarunt ac contractum jam inierunt quatuor Religiosi, ut inamovibiles se reddant ab officiis, quibus in Ordineungebantur. Suntne securi in conscientia?

R. Conventio hæc est simoniaca, & omnibus legibus adversatur. Quatuor hi Religiosi sunt excommunicati, ac proin inhabiles ad omnia prorsus officia Ordinis. *Fromageau.*

**CASUS XLVL** Bruno Religiosus Carthusianus pœnitentiæ fuit subiectus ob leviores quasdam regulæ transgressiones, & aliquanto post pertæsus iniquæ suæ conditionis apostavit ab Ordine; sed mox pœnitentia ductus iterum petiit admitti ad suam Carthusiam. Admissus quidem est, non impune tamen; cum pene ad decennium squalores carceris sustinere debuerit. At vero egressus aliquando e custodia videndorum suorum confratrum causa, fuit declaratus pro incorrigibili, decretumque, ut ex claustro eiiceretur. Percussus terrore minarum sibi interea intentatarum, nondum insinuata, ut moris erat, ejectionis sententia iterum fuga sese subduxit. Secunda hæc evasio estne habenda pro nova apostasia? Poteratne sententia ejectionis eidem significanda auferre omnem spem redeundi ad monasterium? Poteritne rehabilitari in ordine ad missam celebrandam ab Episcopo, a quo sacros Ordines suscepit?

ꝑ. Secunda hæc evasio potest excusari ab apostasiæ crimine. Dein Superiorum est examinare, an juxta mentem constitutionum Ordinis Religiosus iste promeritus fuerit eiici penitus absque ulla spe redeundi. Denique Episcopus in præsentī casu non potest ipsum rehabilitare ad celebrandam missam; sed recurrendum est ad summum Pontificem. *Fromageau.*

**CASUS XLVII.** Anacletus Religiosus, qui a solo Abbate ad novitiatum & ad professionem admissus est, Capitulum nunquam desuper consulto, septimo post professionem mense in mentis imbecillitatem incidit. Potestne hæc professio nulla declarari, & sic professus in sæculum remitti?

ꝑ. Pertinet ad Capitulum generale Ordinis decidere, an vi constitutionum Ordinis aut monasterii ejusmodi defectus professionem reddat nullam, jusque tribuat remittendi denuo taliter professum ad sæculum. Posito autem, quod valida sit ipsius professio, ob imbecillitatem mentis non potest a religione dimitti, sed omnia charitatis officia in Ordine ipsi exhibenda sunt. *De Lamet.*

**NOTA.** In Ordinibus clericalibus, ac proin regulandis per jus commune, ex jure collegiorum Canonicalium talis professio foret nulla,

**CASUS XLVIII.** Odilo Religiosus Ordinis S. Benedicti fuit nominatus ad Prioratum Abbatiae suæ incorporatum ut Beneficium simplex. Comperit autem postea, eidem ante centum annos annexam fuisse curam animarum, quæ modo ab eo separata est, instituta vicaria perpetua, eaque Presbytero sæculari commissa, non servata tamen via juris. Tene-  
*Dist. Cas. Conf. Tom. III.* O *turno*

turne Odillo renunciare huic Beneficio, aut saltem pro viribus allaborare, ut animarum cura denuo uniatur cum Prioratu?

ꝯ. Nec tenetur renunciare Prioratui, nec procurare, ut animarum cura denuo eidem uniatur; cum institutio vicariæ perpetuæ prorsus sit conformis menti Ecclesiæ. *Item statuimus, inquit Concilium Avenionense anno 1326. celebratum, quod in singulis ecclesiis per monachos solitis gubernari, infra sex menses Priores earum suis diæcesanis ad curam animarum perpetuos Presbyteros præsentent, quod nisi fecerint, ex tunc hac vice Episcopi instituunt Presbyteros perpetuos in cura prædicta, & ipsos Priores compellant ad providendum eisdem Presbyteris, prout idem instituens duxerit ordinandum. Idem statuere plura alia Concilia. Quod si quis in forma juris defectus extitit, rei ipsius dignitas, & Ecclesiæ, quæ perpetuæ vicariæ erectionem constituerat, utilitas præferenda est cuique formæ defectui, maxime cum suffragetur centenaria præscriptio cum bona fide, quæ sane supplet, quidquid ad ejusmodi erectionem firmandam desiderari potuit. Fromageau.*

NOTA. Si præscriptio centenaria suffragatur in hoc casu erectioni vicariæ perpetuæ, multo magis monachis in Germania patrocinari debet præscriptio plurium sæculorum, per quæ Beneficia curata ecclesiis ac Abbatibus suis incorporata quiete hucusque possident.

**CASUS XLIX.** Hyacinthus emisit professionem in monasterio; interne tamen noluit se obligare ad officia ac onera religionis. Estne vere Religiosus?

ꝯ. Coram Deo non est Religiosus; tenetur tamen quoad externa vivere ut Religiosus ad evitandum scandalum: cum enim intra concessum tempus non reclamaverit contra professionem suam, in æstimatione hominum habetur pro Religioso; quam utut erroneam opinionem eorum animis eximere haud poterit, nisi per remedia juris. *De Lamet.*

**CASUS L.** Sont in Abbazia quadam aliquot Religiosi, qui jam ante novem aut decem annos religiosum habitum susceperunt, ab altiori autem potestate hucusque semper impediti nunquam hætenus professionem deposuerunt. Poteruntne in hoc statu admitti ad sacros Ordines?

ꝯ. Non potuerunt admitti, nisi aliunde habeant sufficientem titulum. Plus V. in Bulla, *Romanus Pontifex*, per annum a potestate conferendi Ordines suspendit quosvis Episcopos, qui hujusmodi Religiosos ordinaverint. *De Lamet.*

CASUS LI. In congregatione religiosa reformatā existunt Religiosi contemptores regulæ & constitutionum localium, ac incorrigibiles. Poteruntne a Superioribus remitti ad alia monasteria non reformatā?

ꝰ. Non poterunt remitti; imo Superiores nec poterunt illis procurare Beneficia, ut hujusmodi rebelles procul a se & a communitate amoveant. Extant ordinationes juris docentes, quid agendum sit in ejusmodi occasionibus. Semper tamen pœnæ, quæ ipsis infliguntur, eo respicere debent, ut puniti relinquantur, & spiritus salvus fiat. *De Lamet.*

CASUS LII. Wenceslaus Episcopus Religioso exempto suæ diocesis recusavit collationem presbyteratus. Religiosus autem sic repulsus ab Episcopo obtinuit Roma rescriptum Pontificium, ut a quocumque. Potuitne Religiosus tuta conscientia in usum deducere hoc rescriptum?

ꝰ. Si Religiosus iste in supplicatione sua non exposuit recusationem Episcopi sui, nec repulsæ hujus exhibuit chartam, rescriptum est nullum; & Episcopus, qui eum ordinaret absque dimissoris proprii Episcopi, ad annum privatus existeret jure conferendi Ordines; taliter ordinatus verò suspensus foret ab exercitio Ordinum, &, si post talem ordinationem ministraret in susceptis Ordinibus, insuper irregularitatem incurreret, a qua non nisi auctoritate Pontificis absolvi posset. *De Lamet.*

CASUS LIII. Alto Religiosus ad professionem admissus est omisso religiosi instituti annuo tirocinio; sicque in religione degit annis octodecim. Estne valida ipsius professio?

ꝰ. Omnino invalida est hæc professio; & tamen, cum intra concessum a jure tempus contra eam reclamare neglexerit, eam jam legitime impugnare haud poterit. *De Lamet.*

CASUS LIV. Maurus ut in religionem recipiatur, pecuniis sibi viam sternit, & admissus est. Licetne?

ꝰ. Canones excommunicationem statuunt in omnes illos, qui ingressum in religionem pecuniis sibi parant, ut & in Religiosos, qui vel directe vel indirecte hoc ex motivo pecunias exigunt. Præterea ergo receptio indubitato est simonica. Canones isti respectu monialium a quibusdam Pontificibus non nihil fuerunt mitigati; sed quoad Religiosos nihil unquam fuit immutatum. *Fromageau.*

CASUS LV. Adalbertus Religiosus parochus ad reparandam ac exornandam ecclesiam Beneficii sui a mercatore quodam mutuos sumpterat 7000 florenos, qui tamen per annos

omnino sexdecim nec summæ solutionem, nec censum ex mutuo unquam petierat. Adalbertus jam moriturus deposuit apud amicum 200. florenos post mortem suam solvendos mercatori instar census pro mutuo. Licitene sic egit?

ꝯ. Neutiquam id illi permissum erat; quia non constat, mercatori censum deberi, cum nunquam eum petierit: nec mercator hanc summam recipere potest per modum retributionis aut testamentariæ dispositionis; cum Religiosus voto paupertatis adstrictus testamentum condere non possit. Illi, ad quos bona hujus Religiosi devenerunt, ex iis tenentur solvere creditoribus debita. Quod si tamen mercator præfatus ex dilatione solutionis sustinisset aliquod damnum, aut lucro, quod legitime percipere potuisset, fuisset privatus, ducentos florenos, vel saltem proportionatam compensationem recipere posset. *Fromageau*

CASUS LVI. Lambertus Religiosus professionem emisit sub hac conditione, si recuperaturus sit firmam valetudinem, quæ tempore novitiatus diversorum morborum cruciatibus erat afflicta. Potestne deficiente hac conditione agere pro annullatione professionis suæ?

ꝯ. Si Lambertus convincenter probare potest, se nunquam professionem emissurum fuisse, nisi medicus firmæ valetudinis recuperandæ spem fecisset, ea non recuperata potest agere, ut nulla declaretur professio. Si autem id convincenter probare non potest, licite saltem petit a Papa dispensationem, ut possit transire ad Ordinem laxiorem. *Fromageau*.

CASUS LVII. Paulinus Religiosus ex Ordine Minimorum variis vexatur infirmitatibus propter abstinentioniam a carnibus, quam præscribit regula. Teneturne recurrere Romam pro impetranda licentia vescendi carnibus?

ꝯ. Licentia hæc potest ipsi indulgeri a Superioribus. Et si continuata abstinentionia a carnibus infirmitas ejus sit incurabilis, poterit sibi procurare a Papa facultatem transendi ad Ordinem mitiorem, in quo non viget hæc abstinentionia. *Fromageau*.

CASUS LVIII. Benedictus Carmelita continuis afficiebatur vexationibus ac injustis persecutionibus, quas nisi fuga declinare haud poterat. Fugit itaque. Estne habendus pro apostata?

ꝯ. Non est pro tali habendus, maxime si non deposuit habitum religionis suæ. Convenientius se detinet post fugam in monasterio quodam, quam apud parentes aut consanguineos.

gu'neos. Postquam expiravit tempus in Brevi Apostolico concessum, quo ipsi ad alium Ordinem transendi facultas tribuitur, procurare sibi debet novum Breve. Cumque Generalis iniustis vexationibus coegerit ipsum ad fugam, ut vitam in tuto reponeret, Conventus tenetur ipsi providere de necessariis ad sustentationem, & omnibus impenis ad causam suam tuendam, donec ex integro composita fuerit. *Fromageau*

**CASUS LIX.** Bertrandus juvenis, videns in mundo periclitari salutem animæ suæ, statuit ingredi religionem. Alieno ære autem supra modum gravatus, nequit satisfacere creditoribus suis. Poteritne hoc non obstante religionem ingredi?

ꝫ. Poterit profiteri religionem: discrimen enim est faciendum inter debitorem personaliter talem, & inter bona ipsius, quæ vel actu habet, vel deinceps acquirere potest. Bona hæc omnia sunt hypothecata creditoribus, nec de illis in præjudicium eorum disponere potest; attamen persona ipsius plena gaudet libertate. *Fromageau*.

**NOTA.** Hæc responsio recipi potest, nisi ex constitutionibus Ordinis talis ab admissione ad professionem arceri debeat; multis enim in monasteriis recipi prohibentur ære alieno gravati, aut ratiociniis obligati.

**CASUS LX.** Carniolus assumpto habitu Canonicorum Regularium possidet Beneficium curatum regulare hujus Ordinis; nunquam tamen in Ordine præfato vel novitiatum subiit, vel professionem emisit. Estne Religiosus?

ꝫ. Non est Religiosus; potest tamen administrare parochiam, si Episcopus eum ad hoc judicaverit idoneum, omnesque exercere functiones parochiales. *Fromageau*.

**CASUS LXI.** Xaverius Religiosus non reformatus assignatam sibi habet pensionem a domo professionis suæ, in quam introducta est reformatio. Hanc pensionem deberi sibi existimat; etsi divino officio non intersit, & in alio degat monasterio. Num verum hoc?

ꝫ. Religiosus nec acceptare nec retinere potest duo domicilia monachalia, sed residere tenetur in domo professionis suæ, ibidemque assistere choro & Divinis; nec potest inde egredi & transire ad alium conventum absque gravissimis causis & autoritate legitima. Si sine ejusmodi causis & autoritate in aliud se conferret monasterium, eo ipso pensionem suam amitteret. *Fromageau*.

**CASUS LXII.** Religiosi perantiquæ cujusdam Abbatiae longo jam antea tempore vivebant more Canoniorum sæcularium in summa discipline relaxatione. Hinc Princeps constitutionem edidit, ut vitam communem denuo restaurent, ad unam communem mensam simul omnes ebum caperent, & plures alios enormes abusus regulæ monachali disconvenientes tollerent. Obligatne hæc constitutio?

ꝫ. Religiosi omnes tenentur se subicere mandato Principis. Prior claustralis debet tentare & adhibere omnia media licita ad introducendam & urgendam mandati hujus observantiam. Eos, qui a Curia Romana obtinuerunt Beneficia a monasterio suo dependentia, tentare debet, &, si religiosæ discipline refractarios deprehenderit, revocare. Professi quidem, quibus Beneficia claustralia in titulum obtigerunt, non tenentur rationem reddere de usu reddituum Beneficii, quod possident; tenentur tamen fideliter satisfacere ejusdem oneribus, & stricte observare leges canonicas pro beneficiatis sancitas. Abusus est sub missa majore, cui omnes interesse tenentur, convocare Capitula, adeoque abrogandus. Abusus quoque intolerabilis permittit consanguineis srolia defuncti Religiosi, relictam nempe supellectilem, ornatum cellæ &c. Corruptela pessima est dividere inter Religiosos pecunias, quæ exiguntur a Candidatis ad noviciatum recipiendis. Religiosi non reformati non possunt renuncire regulæ suæ, nisi ab ejusdem observatione sint dispensati per Bullas authenticas debitis omnibus formalitatibus vestitas *De Lamet*

**CASUS LXIII** Florianus Religiosus, frater conversus ex numero non reformatorum per plures jam annos degit extra suum monasterium, & tonsuram ac officium Sacristæ in quadam ecclesia obtinere nititur. Num licite?

ꝫ. Non potest degere extra suum monasterium absque gravi causa, & quidem a Papa, vel saltem ab aliis suis Superioribus approbata. Confessiones ab eodem in hoc statu peractæ sunt nullæ, ac proinde omnes repetendæ. Non potest absque dispensatione recipere tonsuram & obtinere Beneficium. Nec potest possidere in titulum officium Sacristæ, quod presbyteratum exigit, & alias semper a Presbytero provisum est. Non licet ipsi habere pecunias, ut & cæteris religiosis professis. Recreationes omnes sunt ipsi interdictæ, nisi quas regula & constitutiones permittunt. *Fromageau.*



**CASUS LXIV.** Ludgerus Religiosus ob atrocia ac notoria crimina ingens olim toti communitati scandalum præbuit, pessimamque sibi famam peperit. Divino autem instinctu afflatus culpam suam pleno in Capitulo humiliter confessus est, veniamque petiit; & vivit modo integerrime, ac ad ædificationem omnium. Potestne jam in monasterii Priorem eligi?

ꝫ. Cum iis, qui religiosis communitatibus præsunt, necessarium sit non modo *bonum testimonium ab iis, qui foris sunt*, sed ab illis etiam, quibus præsident, quibusque in perfectionis via non doctrina tantum, verum etiam virtutum exemplo faciem præferre debent, Ludgerus ab omni superiori oratus officio arcendus est: licet enim ipse malitiam suam coram universa communitate confessus fuerit, poenitentiamque egerit, non tamen famam suam redintegrasse censendus est. *Quod locum etiam habet*, inquit Prosper Fagnanus in Cap. *Omnipotens*. de accusat. n. 31. *etiamsi poenitentiam egerit; quia nihilominus aliqua infamia resperfus, etiamsi nullus eum accusaverit, promoveri non debet.* Immo maxime scandalosa foret ipsius promotio. *De Lamet.*

**NOTA.** Semel infames non solum infamia juris; sed etiam facti nunquam in Ordinibus religiosis præfici possunt sine maximo totius communitatis ac regularis disciplinæ dispendio: etsi enim emendati videantur, vix unquam tamen satis efficaciter ac cordate obstant irrumpentibus vitis ac corruptellis, ne semetipsos tacite arguant, aut præteritorum memoriam in aliis refricent. Subditi quoque pronius delinquant ob spem facilloris condonationis, aut levioris punitionis.

**CASUS LXV.** Potestne Religiosus cujusdam Abbatiae, in qua vita communi ac regulari disciplina vix non penitus colapsis quilibet pro suo arbitrato vivit, in monasterio secum habere scæminas consanguineas pro suo servitio?

ꝫ. Religiosus hujusmodi ageret contra statuta Ordinis, a quorum observantia hac in re nulla ratione sese eximere potest. Neque matrem, neque sororem, multo minus earum ancillas in monasterio secum habere licet; teneturque Superior sub gravissimo peccato eas expellere. *Fromageau.*

Vide *Approbatio*. cas. 10. *Confessio* cas. 34. *Dispensatio in votis Religiosorum*. *Eleemosyna* cas. 13. *Monialis*. *Professio religiosa*. *Votum*.

## RELIQUIÆ SANCTORUM.

1. Venerari oportet Sanctorum Reliquias, cum earum cultum illustribus Deus miraculis comprobaverit ac prodigiis. Verum sicut Sanctorum cultus ad Deum unice referendus est, ita veneratio eorum reliquiis exhibita ipsos Sanctos directe ac immediate respicit.

2. Dum dicitur, omni veneratione colendas esse Sanctorum reliquias, nihil aliud intelligitur quam cultus reverentiae ac observantiae, quem cuilibet rei sacrae deferri decet.

3. Concilium Tridentinum prohibet, ne in ecclesiis publice exponantur ullæ Sanctorum novæ reliquiae, nisi ab Episcopo post diligentem inquisitionem ac cautam discussionem sufficienter informato recognitæ, & ut authenticæ approbatæ fuerint. Falsas reliquias jactitare pro veris Sanctorum reliquis, idem est, ac cultum religiosum decernere rebus, quibus utpote indignis minime debetur; & ordinarie spiritus avaritiæ est, qui facilem hac in re nutrit ac fovet credulitatem.

4. S. Augustinus queritur de quibusdam sui temporis hypocritis, quos emissarios dæmonis vocat, qui habitu monachali induti provincias percurrerant, reliquiasque vendebant, dicentes, esse reliquias Martyrum. S. Gregorius magnus invehitur in quosdam monachos Græcos, qui venientes Romam ex sepulchris prope ecclesiam S. Pauli colligebant ossa humana, eaque secum in Græciam deportabant, sacras reliquias esse asserentes.

5. Reliquiæ Sanctorum in peculiaribus thecis ac capsulis recondendæ, nec extra eas passim petentibus exhibendæ sunt. Habetur hac super re constitutio Concilii IV. Lateranensis sub Innocentio III. cujus verba sunt: *Cum ex eo, quod quidam Sanctorum reliquias exponunt venales, & eas passim ostendunt, Christianæ religioni detractum sit sapius; ne impofterum detrahatur, præfenti decreto statuimus, ut antiquæ reliquiae amodo extra capsam nullatenus ostendantur, nec exponantur venales.*

6. Reliquiæ Sanctorum nunquam exponantur, nisi accensis cereis aut lampadibus. Non est permittendum, ut fœminæ confideant prope reliquias venerationi populi expositas. In supplicationibus & processionibus publicis eæ non a laicis, sed a clericis deferendæ sunt.

CASUS I. Casimirus sacerdos Roma secum attulit reliquias cujusdam sancti Martyris, quas parochiam postmodum  
con-

consecutus eleganter exornatas ac in reliquiario reconditas propria sua autoritate in ecclesia sua parochiali fidelium venerationi exposuit. Num bene factum?

g. Juxta Concilium Tridentinum non potuit eas exponere, nisi prius ab Episcopo tanquam genuinæ recognitæ, & eas exponendi licentia concessa fuerit. *Statuit S. Synodus*, ait sess. 25. Decr. de invoc. & reliq. Sanct. *nemini licere ullo in loco, vel in ecclesia etiam quomodolibet exempta, ullam insolitam ponere vel ponendam curare imaginem, nisi ab Episcopo approbata fuerit... nec novas reliquias recipiendas, nisi eodem recognoscente & approbante Episcopo. Pontas.*

CASUS II. Parochiæ cujusdam curatores litem suscitaverunt curatoribus alterius ecclesiæ parochialis vicinæ super insignibus quibusdam reliquiis expositis in hac posteriore ecclesia, in qua ex pils fidelium largitionibus apud easdem oblatis viginti circiter quotannis imperiales percipiebantur, prætendebantque una cum suo parocho, ad ecclesiam suam pertinere has reliquias. Proposita a quodam utriusque partis amico conventionem placuit, ut reliquiæ relinquantur ecclesiæ, in qua hæctenus fuerant asservatæ, oblata vero æquis partibus inter utramque ecclesiam dividantur. An non vitiosa est hæc transactio?

g. Transactio hæc sola partium litigantium autoritate facta non est canonica, nec fieri potuit tuta conscientia; necessario intervenire debuisset autoritas Episcopi: certum enim est, reliquias numerari inter res sacras, quamprimum ab Episcopo recognitæ fuerint ut authenticæ; indubitatum quoque est, gratias per intercessionem Sanctorum a Deo obtentas pertinere inter res pure spirituales. Ex quo sequitur, quod sine peccato in nullum possint venire commercium, nec pecunia expendi possit pro illis aquirendis aut retinendis. *Pontas.*

CASUS III. Bermondus parochus cum in ecclesia sua nullas haberet Sanctorum reliquias, a vicino parocho impetravit caput cujusdam Sancti, erga quem parochiani singulari devotione ferebantur; consensere etiam curatores ecclesiæ, ea tamen pacta conditione, ut Bermondi ecclesia quotannis ex redditibus fabricæ quinque florenos solvat alteri ecclesiæ. An non vitiosa & simonica est hæc conventio?

g. Absque dubio est vitiosa & simoniaca; quia, quicquid est positum extra commercium humanum, non potest sub quocumque demum prætextu vendi: certum autem est, sacras reliquias esse extra omne humanum commercium, ut

declararunt Imperatores Honorius & Theodosius : *Nemo Martyres distrahat, nemo mercetur.* S. Antoninus 3. part. tit. 12. c. 8. dicit : *Reliquias vendere vel emere est simoniacum* : Bermondus autem in casu præsentis emit, & alter parochus vicinus vendidit. *Nomine autem emptionis & venditionis*, ut ait idem S. Doctor 2. part. Tit. 1. c. 5. §. 1. *comprehenditur omnis contractus non gratuitus.* Pontas.

CASUS IV. Leo Sacrista cujusdam ecclesiæ cathedralis abstulit os brachii alicujus Sancti ex iypsanotheca, in qua cum multis aliis reliquiis erat reconditum, idque exposuit in ecclesiâ parochiali, ad quam nuper primum parochus institutus fuerat : an confessarius eum obligat ad restitutionem. Peccavitne clanculum surripiendo hanc reliquiam ? Teneturne etiam ad restitutionem ?

¶ Merito ad restitutionem ipsum obligat confessarius. Leo grave commisit peccatum, nec potest retinere hoc sacrum os sine novo peccato. Insuper aliud speciale peccatum perpetravit, illud propria sua auctoritate publicæ fidei-  
lium venerationi exponendo sine licentia ac approbatione Episcopi. Pontas.

Vide *Simonia* cas. 61,

## RENUNTIATIO BENEFICII.

1. *Renuntiatio* est abdicatio Beneficii facta a Titulari ejusdem ; sive dein habeat *jus in re*, cum scilicet legitima illius possessione gaudet, sive solum habeat *jus ad rem*, dum nimirum ad Beneficium assumptus nondum ejusdem possessionem adit, vel eidem renunciat ante confirmationem electionis a legitimo Superiore factam.

2. Renunciatio fieri debet *sponte*, & *cum cognitione causæ* ; quia ad validam renunciationem requiritur libertas, & causa legitima. Causæ autem ejusmodi sunt sex, & comprehenduntur in his duobus versiculis :

*Debilis, ignarus, male conscius, irregularis,*

*Quem mala plebs odit, dans scandala, cedere possit.*

3. Beneficiatus non potest renunciare Beneficio suo absque causa legitima ; utque renunciatio sit canonica, debet fieri apud Superiorem.

4. Renunciatio est duplex ; una *pura & simplex*, qua quis renunciat Beneficio in manus collatoris absque ulla conditione ; altera *conditionata*, dum quis renunciat Beneficio in fa-  
vorem

vorem alterius, & non aliter, aut ea conditione, ut resignatarius resignanti cedat aliud Beneficium, aut pensionem ex fructibus Benef. 1; & hujusmodi renunciatio proprie dicitur resignatio in f. vorem, aut permutationis causa, aut cum onere pensionis.

5. Hic solum sermo est de ea renunciatione, quæ renuncianti nullum relinquit jus reclamandi contra renunciationem suam acceptatam a Superiore. De renunciatione conditionata vide Titulus *Pensio, Permutatio, & Resignatio*.

6. Renunciatio pura ut sit canonica, necesse est, ut fiat in manus ordinarii collatoris Beneficii, quovis alio excluso. Per puram renunciationem non censetur vacare Beneficium, nisi ea admissa fuerit a Superiore, in cujus manus fieri debet.

CASUS I. Euty chius renunciavit Abbatiæ suæ in manus Regis in favorem sui nepotis. Potestne resignatarius aulico offerre pecuniam pro impetranda a Rege resignationis acceptance?

¶ Supposito etiam, quod Rex teneat locum Papæ in his, quæ concernunt Beneficia collationis Regiæ, nepos tamen iste nullum habet jus ad Abbatiam Euty chii. 1. Quia Rex non tenetur resignationem admittere, Abbatiamque, postquam per mortem resignantis vacaverit, conferre potest, cui libuerit. 2. Quia abdicatio ab Euty chio fuit facta sub conditione; quamdiu autem non adimpletur conditio, tamdiu abdicatio est nulla, ac consequenter nullum præbet resignatario jus. Et sic nepos absque simonia non potest data pecunia admissionem resignationis promovere: simoniacum enim est hac ratione collationem Beneficii sibi procurare. *Pontas.*

CASUS II. Eumenius Titularis cujusdam Pr oratus simplicis, ad quem jus præsentandi habet Abbas quidam, eidem pure ac simpliciter renunciat in manus Abbatis illius, qui altero mox die præsentat alium ad Prioratum.

¶ Hæc renunciatio non est canonica; cum non sit facta in manus collatoris. *Pontas.*

CASUS III. Gedeon Canoniceus & Scholasticus cujusdam ecclesiæ cathedralis ex Titulo Beneficii sui ac vi juramenti ante aditam possessionem Capitulo præstiti singulis Dominicis ac Festis tenetur concionem habere, ac actualem, continuamque servare residentiam sub pœna ejusdem mulctæ, quæ solet animadverti in cæteros Canonicos absque legitima causa absentes. Gedeon autem sæpe se ruri detinet pro solario patris sui infirmi, ita, ut per quinquennium, ex quo Beneficium

cium suum possidet, singulis annis fere tribus mensibus absens fuerit. Redditibus ipsius sic notabiliter diminutis declaratum ipsi est a Capitulo, ut aut officio suo rite fungatur, aut præbendæ Scholastici renunciet; quod ille in manus Episcopi collatoris facere non renuit, dammodo Capitulum restituat 500 libras, quibus ob absentiam suam privatus fuerat; alias se resignaturum in favorem cujusdam clerici nec Capitulo nec Episcopo accepti. Quam conditionem cum Capitulum ultra mensem non acceptasset, tandem, ut ecclesiam ab indigno Beneficiato liberaret, numerari ipsi jubet 500 libras, & quidem in præsentia cujusdam clerici totius rei conscii, quem Episcopus utpote summe dignum ac idoneum loco Gedeonis ad hoc Beneficium destinaverat. Hoc facto Gedeon in forma consueta pure ac simpliciter renunciat Beneficio in manus Episcopi, qui de eo mox disponit in favorem memorati clerici.

§. 1. Gedeon non potuit absque gravi peccato contra iustitiam deesse residentiæ actuali ac continuæ, aliisque functionibus suis; & hinc iuste fuit multatus. 2. Capitulum non potuit Gedeoni condonare 500 libras, quibus iuste fuit privatus. 3. Merito a Gedeone fuit petita renunciatio Beneficii; sed ea fieri non potuit, nisi gratuito. Denique successor ipsius non potest excusari a simonia, cum totam rei seriem sciverit; & hinc provisio ipsius nulla est, teneturque fructus perceptos restituere ecclesiæ aut pauperibus, nisi de novo provisos a Papa obtinuerit condonationem fructuum perceptorum. *Pontas.*

CASUS IV. Medardus Canonicus cathedralis cum periculosissime decumberet, Florentiusque in præbendam ipsius intrudere vellet Titium, ille Medardo in præsentia notarii ac testium, cum quibus conspiraverat, subscribendum offert instrumentum renunciationis in favorem Titii, simulans, esse solutæ a villico ipsius pecuniæ apocham.

§. Florentius, notarius ac testes crimen falsi commiserunt. Si Titius est persona indigna hoc Beneficio, renunciatio est nulla, & provisio ipsius obreptitia ac invalida, Florentiusque tenetur reparare damnum tam ecclesiæ quam collatori. Si vero Titius est persona digna, ecclesiæque nullum exinde detrimentum nascatur, Florentius solus tenetur reparare iniustitiam adversus collatorem commissam. Titius quoque tuta conscientia non potest retinere præbendam, si falsitatis commissæ conscius sit; de qua ipsum monere tenetur Florentius, ut sciat, se in conscientia obligatum esse ad dimittendum

Bene-

**Beneficium.** Non solum Florentius, sed & notarius & testes, ac quicumque salutatis participes fuerunt, tenentur in solidum ad reparandum damnum; & Florentius in particulari tenetur omnes complices monere de commisso crimine. *Pontas.*

**NOTA** Si Titius fuisset optima fide per tres annos in possessione huius Beneficii, illud retinere posset: provisos enim de Beneficio etiam per simoniam, invincibiliter tamen ignoratam, manet in possessione ejusdem.

**CASUS V.** Nicomachus parochus, cum optaret, ut Beneficium suum obveniret Lamberto nepoti suo, accedit Mævium ejusdem collatorem, ipsique proponit, se pure ac simpliciter renunciaturum Beneficio in manus ipsius, hac tamen conditione, ut conferatur Lamberto; hoc ni fiat, se non renunciaturum. Mævius id promittit, & facta renuntiatione Beneficium confert Lamberto, prout promiserat.

§. Provisio Lamberti est simoniaca, consequenter nulla: & tam ipse quam collator incurrerunt poenas contra simoniacos latis: *Cum in talibus*, ait Innocentius III., *omnis pactio aut conventio cessare debeat.* Et re ipsa talis abdicatio proprie loquendo nil foret aliud, quam resignatio *in favorem*, quæ valide non potest admitti nisi a solo Pontifice. *Pontas.*

**CASUS VI.** Epipodes successorem in capellania sua sibi exoptans Hieronymum amicum suum, patronum ejusdem laicum Balduinum ad lautissimas invitat epulas, iisque finitis offert ipsi in manus renunciationem suam, adjunctis precibus, ut præsentet ad hoc Beneficium Hieronymum; petitioni huic Balduinus consentit.

§. Licet hæc Epipodis agendi ratio ac calliditas a peccato excusari non possit, quia tamen nullum intercessit pactum nec expressum nec tacitum, nullaque conditio apposita nec ante nec post abdicationem, sed solum facta supplicatio, quæ de se non poterat impedire Balduinum pro arbitrio suo disponendi de Beneficio, dici non potest, commissam fuisse simoniam contentialem; non obstante, quod Epipodes reprehensione dignus sit, eoquod tam indigno ac alieno medio usus fuerit alterum ad Beneficium promovendi. Consequenter & præsentatio & collatio capellanix in favorem Hieronymi sunt validæ in utroque foro. Verum si Hieronymus induxisset Epipodem ad parandum patrono convivium, cum promissio compensandi impensas in illud factas, uterque simoniam commisisset. *Pontas.*

**CASUS VII.** In ecclesia quadam collegiata jam a quinquaginta annis consuetudo valuit, ut Beneficia a Capitulo dependentia conferantur iis, qui obtentam a resignantibus renunciationem offerunt, aut illis, quos renunciantes tanquam successores suos indicant.

y. Hæc consuetudo est simoniaca; 1. quia in hoc casu intervenit pactum, licet obvie tacitum, formale tamen, coram Deo. 2. Quia Canonici insistentes huic consuetudini admittunt quodam modo resignationes *in favorem*, quo jure solus Papa gaudet. 3. Quia hæc consuetudo aperte inducit successionem hæreditariam in Beneficia; id quod Ecclesia semper horruit, & reprobavit in Conciliis Lateranensi & Tridentino. *Pontas.*

**CASUS VIII.** Collator quidam recipit renunciationem Beneficii, ac promittit, se Beneficium collaturum illi, quem renuncians proposuerit.

y. Hæc renunciatio est simoniaca. Collator iste nec minimo indicio manifestare debet propositum suum satisfaciendi illi, qui renunciat: interveniret enim hoc modo pactum tacitum, quod collationem redderet simoniacam. Nec Beneficium hoc conferendum est illi, qui jam duo alia possidet Beneficia plusquam sufficientia: Concilium enim Tridentinum damnat hanc Beneficiorum pluralitatem. *Fromageau.*

Vide *Beneficiatus. Beneficium. Canonicus. Collatio. Permutatio. Provisio Beneficii. Resignatio Simonia.*

## RESERVATIO PECCATORUM.

1. Reservatio non solum locum habet in materia peccatorum, sed etiam censurarum, dispensationum, commutationis votorum, procurationum in provisione Beneficiorum, delegationum &c. Reservatio hujusmodi, quascunque ea sit, nihil est aliud, quam limitatio potestatis vel jurisdictionis sive ordinariæ sive delegatæ.

Si potestas est *ordinaria*, reservatio non habet locum nisi in casibus expressis; si vero est *delegata*, censentur reservata, quæcumque expresse non sunt concessa. Ratio hujus regulæ est; quia ordinariam habens potestatem potest omnia, quæ ipsi non sunt specialiter prohibita; delegatus autem nihil omnino potest, nisi quod ipsi expresse fuit demandatum. Si potestas est *ordinaria*, reservatio est odiosa, adeoque restringenda; si vero *delegata* est, reservatio est favorabilis & extendenda. Reservatio tam respectu potestatis  
ordi-



ordinariæ quam delegatæ provenit a jure & ab homine; cumque fundetur in sacra Scriptura, ligat in utroque foro.

3. *Reservatio peccatorum* juxta Concilium Tridentinum nihil est aliud quam limitatio potestatis absolvendi. Peccata possunt reservari vel ratione sui, vel ratione quadam extrinseca, id est *directe* vel *indirecte*. Directe id fit, dum nominatim ac in specie propter malitiam suam propriam reservantur; indirecte vero, dum reservantur ratione annexi, v. g. excommunicationis reservatæ, quam delinquentes incurrunt.

4. In Corpore juris non reperitur exemplum peccati directe & ratione sui reservati ante initium sæculi decimi quarti.

5. Facultas reservandi peccata pertinet ad potestatem jurisdictionis, sicut & facultas absolvendi, quæ per reservationem restringitur. Jus reservandi peccata Papæ & Episcopis competit jure divino, ut & Conciliis; siqui alii hoc jure gaudeant, illud tenent immediate ab Ecclesia. Qualitatem criminum reservandorum vel reservabilium explicat Concilium Tridentinum.

6. Finis reservationum vel est *generalis*, ut animarum salus, honor Dei &c. vel *particularis*, ut conservatio disciplinæ ecclesiasticæ, rarior lapsus in ejusmodi peccata ob difficultatem absolutionis, vel conciliatio majoris reverentiæ ac auctoritatis erga primarios Ecclesiæ Prælatos.

7. Reservatio sequitur confessarium, quocumque se conferrat, supposito quod absolvat ex auctoritate reservantis; non vero si absolvat auctoritate alterius cujusdam; secus se res habet in poenitente, quando exit ex diœcesi, in qua commisit peccatum Episcopo reservatum. Pro articulo mortis cessat omnis reservatio.

CASUS. Petrocorius confessus est peccata reservata sacerdoti habenti potestatem absolvendi a reservatis. Post aliquod tempus dubitare incipit de valore hujus confessionis, & omnia hæc peccata denuo in confessione exponere cogitat. Poterint absolvi a quolibet sacerdote, etiam non habente potestatem absolvendi a reservatis?

ꝑ. Iterata hæc confessio fieri potest cuilibet confessario, dummodo is approbatus sit ab Episcopo: reservatio enim jam est sublata per priorem confessionem. *Fromageau.*

NOTA. In casu supponitur, quod poenitens deposuerit confessionem saltem formaliter integram de omnibus peccatis mortalibus etiam non reservatis, quæ occurrebant memoriæ.

Vide *Casus reservati.*

RESI-

## RESIDENTIA CANONICORUM.

1. *Residentia* vocatur commoratio Beneficiati continua in loco Beneficii, ut nullo non momento sit paratus ad obeunda munia ac ministeria Beneficii, siue curati siue non curati.

2. Obligatio, quæ incumbit Canonicis, residendi apud ecclesias, ex quibus trahunt titulos Beneficiorum suorum, fundatur in altera obligatione, qua scilicet tenentur quotidie decantare laudes divinas, & adimplere ea omnia, ad quæ vltacti cum fundatoribus contractus sese obligarunt, dum acceptarunt præbendas suas. Interim tamen obligatio hæc respectu ipsorum non est adeo rigorosa, ut respectu parochorum; & jus canonicum in favorem eorum approbat causas absentiae, quæ nunquam sufficerent ad excusandam absentiam parochorum.

3. Nec tamen propterea jam satisfaciunt debito suo per solam residentiam; sed opus insuper est, ut exacte adimpleant obligationes Beneficio suo annexas: & sicut parochus absque legitima causa absens a parochia sua tenetur ad restitutionem fructuum sui Beneficii, idem prorsus dicendum est de Canonico, qui nec residet in loco canonicatus sui, nec choro assistit, & tamen percipit fructus canonicales.

4. Patebit per decursum hujus articuli, quænam sint causæ legitimæ, ex quibus Canonicus abesse possit, quin amittat fructus grossos; imo distributiones etiam quotidianas lucretur.

CASUS I. Sylvanus jam a decennio Theologiæ Doctor & professor in Universitate Daacenſi semper hucusque, tamen absens, percepit fructus ex canonicatu, quem possidebat in ecclesia cathedrali Tornacensi. Estne securus in conscientia, non obstante absentia a loco canonicatus sui?

3. Professor iste secunda conscientia potest percipere fructus præbendæ suæ, etiam si non resideat. Concilium generale Lateranenſe de anno 1179. statuit, ut in quavis Cathedrali constitueretur professor grammatices pro docendis pauperibus, eique Beneficium conferatur, ut possit docere gratis. Lateranenſe quartum anno 1215. confirmat ea, quæ jam prius fuerant decreta, & ordinat insuper institutionem professoris Theologiæ in qualibet ecclesia metropolitana, assignatis tam Grammatico quam Theologo redditibus canonicatus. Atque hinc est famosa illa Decretalis, *Super specula*. 5. lib. 5. Tit. 5. ubi Honorius III. ait: *Docentes vero in theologica facultate, dum in scholis docuerint . . . percipiant proventus præ-*

*præbendarum & Beneficiorum suorum, non obstante aliqua alia consuetudine vel statuto; cum denario fraudari non debeant in vinea Domini operantes.* Sylvius igitur tuta conscientia percipere potest fructus canonicatus sui. Id tamen intelligendum non est de professoribus cathedras occupantibus, quarum fundatio expresse cavet, ne ad illas evecti Beneficio provideantur residentiam exigente. Unde sequitur, quod si emolumenta professorum essent adeo notabilia, ut nulla prorsus appareret necessitas iis adhuc præbendam adliciendi, ut in Hispania ac Polonia videmus, professor tuta conscientia non posset uti privilegio hoc a jure concessio; cum certum sit, mentem Conciliorum & Pontificum non fuisse, hujusmodi professores ditandi, sed solum necessariam ac honestam sustentationem illis subministrandi. *Pontas.*

CASUS II. Renatus Canonicus ecclesie Burdigalensis sedecim vel octodecim annos natus, aliquot abhinc annis fruitur redditibus sui canonicatus, licet absens studiorum causa, quibus incumbit Parisiis. Estne securus in conscientia?

¶. Privilegium professorum, de quibus in præcedente casu sermo fuit, extendendum etiam est ad eos, qui studio Theologie operam navant juxta Decretalem ibi citatam; non tamen allos nisi fructus grossos possunt percipere. Juxta Fagnanum & plures allos Canonistas etiam juris canonici studio sis competit hoc privilegium. *Ad alias autem scientias, inquit Cabassutius L. 5. c. 1. n. 7. ut illis studens possit absens fructus Beneficii residentiam deposcentis percipere, necessaria est Prælati licentia.* Quod dictum de Canonicis studentibus, nequaquam ad parochos extendi potest; quia actualis eorum residentia incomparabiliter magis Ecclesie est necessaria, quam Canonicorum; neque possunt Episcopi juxta declarationem sacre congregationis circa hoc impetiri dispensationem. Idem statuit anno 1624. Concillium Burdigalense: *Nisi id personarum meritum in utilitatem Ecclesie cessurum exigere comprobetur.* *Pontas.*

CASUS III. Joannes, Jacobus, Petrus & Paulus novelli Canonici ecclesie Agathensis, in qua duodecim tantum sunt præbendæ, obtenta a suo Capitulo, inscio tamen Episcopo, licentia discendendi Burdigalam studiorum causa, ibidem integro jam quimestri studiis vacant. Certior factus de eorum discessu Episcopus ipsos revocat ad suas præbendas; eo quod sine sua licentia abierint, & aliunde Capitulum cathedrale ex Canonicis oppido paucis consistet non sine detrimento cultus divini. Tenentur in conscientia obedire Episcopo? Possuntne in casu tergiversationis ad hoc etiam cogi?

3. Tenentur obedire; & si renuant, Præiato competit jus illos eo adigendi per pœnas canonicas. Ita Gregorius IX. Cap. *Cum ad hoc*. 16. Lib. 3. Tit. 4. Hostiensis cum aliis advertit, posse ab Episcopo obligari Canonicos studiorum causa absentes ad redeundum, ut suis deserviant Beneficiis, non solum dum eorum absentia cultus divinus notabiliter diminuitur, sed etiam dum novit, neglectis studiis tempus ab illis inutiliter dilapidari. *Pontas.*

CASUS IV. Petrus & Paulus Canonici cathedrales, assumpti ab Episcopo ad regimen diœcesis, possuntne tuta conscientia sub hoc prætextu percipere fructus Beneficiorum suorum, licet absentes?

3. Alexander III. Cap. *De cætero*. 7. & Honorius III. Cap. *Ad audientiam*. 15. Lib. 3. Tit. 4. Canonicis istis fructus adjudicant, etiam non residentibus. *Decernimus*, inquit Honorius III. l. c. *ut duo ex Canonicis in tuo servitio existentes suarum fructus integre percipiant præbendarum; cum absentes dici non debeant, sed præsentis, qui tecum pro tuo & ipsius Ecclesiæ servitio commorantur.* Aliunde hujusmodi Canonici Ecclesiæ multo sunt utiliores servitio hoc, quod Episcopo exhibent, quam cæteri Canonici choro ac psalmodiæ assistentes. Id tamen intelligendum non est de distributionibus quotidianis; cum praxis contraria indiscriminatim contra omnes absentes jam ante has decretales introducta fuerit, & exinde ad nostra usque tempora constanter obtinuerit. *Pontas.*

CASUS V. Capitulum cathedrale quinquaginta constans Canonicis, amplissimosque habens redditus, pro more vix non universali omnium Capitulorum ad Curiam Principis misit unum ex Canonicis suis, ut ibidem negotia totius Corporis & causas judiciales curaret, urgeretque. Moratur hic ibi jam per solidum triennium. Sufficitne hæc ratio ad hoc, ut possit percipere fructus grossos & distributiones?

3. Motivum, quod juxta Tridentinum Sess. 23. c. 1. de reform. excusat Canonicum a residentia, evidens scilicet *Ecclesiæ vel Reipublicæ utilitas*, evidenter locum habet in casu præsentis. Jure igitur Canonicus iste fructus Beneficii sui percipit, imo, ubi ita consuetudo fert, etiam distributiones quotidianas. *Si quis abesse cogatur*, inquit Cabassutius L. 5. c. 1. n. 6. *ad curanda ecclesiæ, cujus est Præbendatus, negotia ex Capituli commissione . . . non est distributionibus privandus.* Idem dicendum 1. de Canonico, qui abest ad terminandum processum injuste sibi a Capitulo intentatum. 2. De Canonico, qui delegatur a diœcesi pro regulandis decimis. 3. De Canonicis deputatis ad Synodum vel conventum Cleri. 4.

De

De Archidiacono actu visitante parochias sui districtus. 5. Denique de Canonico, qui de mandato expresso Episcopi sui concionibus occupatur tempore Adventus vel Quadragesimæ, aut per Octavam Corporis Christi, aut ad Missiones deputatur. *Pontas.*

CASUS VI. Leopoldus Canonicus de jussu expresso Episcopi jam per sex menses administrat parochiam ruralem. Estne coram Deo exemptus a residentia & præsentia in choro ac Divinis; præsertim si Episcopus non potuit invenire alium Clericum idoneum, qui potuisset obire functiones parochiales?

ꝑ. Juxta constitutionem Bonifacii VIII. Cap. *Consuetudinem*. un. Lib. 3. Tit. 3. in 6. Leopoldus est exemptus ab obligatione residendi & præbendæ suæ deservendi, dum dicto modo functiones parochiales exercet. *Pontas.*

CASUS VII. Candidus habet canonicatum, cujus annui redditus non excedunt sexaginta florenos; cumque modicum hoc non sufficiat ad honestam sustentationem, parochos quosdam rurales juvat in exercitio ministerii pastoralis & curæ animarum, ut victum sibi lucretur. Licitene in his circumstantiis abesse a suo canonicatu ultra tempus Canonicis a Tridentino permixtum?

ꝑ. Qui acceptat Beneficium, acceptat & onera ejusdem ac obligationes. Porro præcipuum onus Canonici est assistere choro in sua ecclesia, cui satisfacere non potest, nisi actualiter resideat in loco Beneficii. Ita Alexander III. Cap. *Conquerente*. 6. Lib. 3. Tit. 4. Author Glossæ addit: *Et sic patet, quod Clericus residentiam facere debet in ecclesia sua; alias potest ea de jure communi privari.* *Pontas.*

NOTA. Cum leges ecclesiasticæ non possint esse irrationabiles, absque injuria extendi non possunt ad ejusmodi circumstantias, ad quas extensæ fierent irrationabiles. Itaque pro hujusmodi circumstantiis per episcopum providere tenetur Episcopus.

CASUS VIII. Sulpitius Canonicus ad S. Mauritium potestne absque peccato abesse per duas vel tres septimanas ultra tempus a Tridentino concessum, ut consanguineo vel amico ægrotanti assistat, vel magnas inimicitias inter personas valde eminentes autoritate sua ac prudentia componat?

ꝑ. Si Sulpitio persuasum est, præsentiam suam in dictis circumstantiis esse necessariam, non peccat per absentiam a loco Beneficii tantillo tempore. *Per Christianam charitatem*, inquit Cardinalis Toletus Instruct. sacerdot. L. 5. c. 4. n. 3.

oportet intelligere proximorum utilitatem : cum enim proximus laborat, potest, ut illi succurratur, aliqua fieri absentia . . . Potest etiam ob paces magnatum componendas abesse. Neutiquam tamen poterit Sulpitius quidpiam prætere de distributionibus quotidianis ; cum respectu earum lex Ecclesiæ sumenda sit ad litteram. Pontas.

**CASUS IX.** Hieronymus Canonicus peregrinatus Romam & ad ædem Lauretanam per integrum annum non resedit in loco Beneficii sui. Domum reversus resedit quidem in civitate sui canonatus ; nec tamen per anni spatium choro interfuit. Hoc non obstante percepit fructus grossos Beneficii, sexcentos florenos annuatim conficientes. Potestne pro foro interno conscientiæ hos sibi fructus attribuere ?

¶. In foro interno absolute non potest percipere, sibi que ut suos attribuere hos fructus, quidquid in foro externo desuper pronuncietur. Nullum Beneficium conceditur nisi cum onere satisfaciendi omnibus obligationibus eidem annexis, ut loquitur Bonifacius VIII. Cap. Quia. fin. Lib. 1. Tit. 3. in 6. Consuetudo contraria nunquam poterit excusare Hieronymum coram Deo. Non liceat, inquit Concilium Tridentinum Sess. 24. c. 13. de reform. vigore cujuslibet statuti aut consuetudinis ultra tres menses ab eisdem ecclesiis quolibet anno abesse : salvis nihilominus earum ecclesiarum constitutionibus, quæ longius servitii tempus requirunt. Pontas.

**CASUS X.** Theodosius Canonicus a Principe legatus missus est ad alium Principem. Potestne citra peccatum hanc legationem obire, & simul lucrari fructus grossos sui Beneficii ?

¶. Cum hic agatur de bono publico status aut Reipublicæ, potest acceptare hoc munus ; & omnino æquum est, ut percipiat fructus grossos Beneficii. Ratio est ; quia censetur majus præstare bonum legationem digne obeundo, quam in loco Beneficii residendo & chorum frequentando : consequenter reputandus est tanquam residens, & fructibus Beneficii nequaquam privandus. Pontas.

**CASUS XI.** Hipparchus religionem solemniter professus est in quodam monasterio reformato, cui plura pingua Beneficia incorporata sunt. Exacto a professione uno anno Capitulum ipsi concessit Prioratum simplicem mille florenorum, nullum aliud onus exigentem, quam ut hebdomadatim ibi celebrentur tres missæ privatæ. Potestne, vel an etiam tenetur residere in loco Beneficii sui ?

¶. Ex quo Hipparchus accepit titulum Beneficii, tantum abest, ut teneatur residere solus in loco Beneficii, ut id etiam prohibitum sit a Concilio generali Lateranensi tertio anni 1179. Extant quidem exempla huius statuto contraria, quæ autem sequi valde periculosum est in praxi; id quod ex prævis sequellis, quæ exinde nascebantur, abunde cognitum est. *Monachi*, inquit Concilium citatum, *nec singuli per villas & oppida per quascumque parochiales ponantur ecclesias, sed in majori conventu, aut cum aliquibus fratribus maneant; nec soli inter sæculares homines spiritualium hostium conflictum expectent, Salomons dicente: Væ soli, quia cum ceciderit, non est qui subleuet eum. Pontas.*

CASUS XII. Canonici cujusdam ecclesiæ cathedralis fructus grossos percipiunt, quin integro anni spatio resideant, immemorabilem ecclesiæ suæ consuetudinem, & Pontificis ac Episcopi tolerantiam allegantes. Num bene?

¶. Tenentur Canonici absolute novem saltem mensibus per annum residere, ac divinis Officialis interesse, si fructus grossos lucrari velint, ut expresse declaravit Tridentinum. Consuetudo contraria, ubienuque viget, corruptela semper fuit, & etiamnum est, omnibus viribus abolenda. Idem dicendum de tolerantia ac conniventia Pontificis ac Episcoporum; siquæ ea cum veritate allegari possit, coacta est; eo quod malo mederi non possint: Prælati enim libere nec tolerant, nec tolerare possunt, quod expressissimis legibus, & piæ fundatorum intentioni adversatur. *De Lamet.*

Vide *Canonicus.*

## RESIDENTIA EPISCOPORUM.

1. Episcopi ad residentiam tenentur non minus quam parochi, Canonici vel habentes Beneficia curata, aut ad eam adstricti titulo foundationis, ut unanimiter Concilia, Prælatorumque ecclesiasticorum statuta ac decreta volunt.

2. Concilium Tridentinum Sess. 23. c. 1. de reform. statuit, ut Episcopus ultra duos aut tres menses per annum a diocesi sua abesse non possit; saltem nisi longiorem absentiam exposceret causa gravis, quam legitimam ac omnino urgentem redderet charitas, necessitas, obedientia, aut evidens Ecclesiæ utilitas.

CASUS I. Nicander Episcopus in Hungaria prævidet violentam persecutionem mox excitandam. Potestne absque peccato derelinquere gregem suum durante persecutione,

& transferre integram potestatem suam in sacerdotem, qui interea in absentia ipsius ovibus invigilet? An vero potius eorum Deo tenetur residere in episcopatu, etiam cum periculo vitæ?

q. Episcopi & omnes pastores animarum cura onerati tenentur jure divino & ecclesiastico ad residentiam sub peccati mortalis reatu. Ita Concilium Tridentinum loco supra citato. Hoc supposito, si persecutio, de qua agitur, sit decreta in ipsam personam Episcopi, potest & debet aliorum se recipere pro salute ovium suarum juxta S. Cyprianum Lib. 3. Epist. 5. & S. Thomam 2. 2. q. 183. art. 5. C. adhibita tamen præcautione, ut alium sibi substituat, communicata ipsi interim sua potestate. Si vero ex ipsius absentia damnum immineret gregi, exemplum S. Marci Episcopi Arethusani temporibus Juliani apostatæ, S. Nicasii Episcopi Rhemenfis tempore Wandalorum, S. Lupi Episcopi Trecentis & S. Remigii Episcopi Rhemenfis tempore Gallorum adhuc paganorum ipsum docere poterit, Episcopo vitam exponendam esse pro salute ovium. *Pontas.*

CASUS II. Erepta a Venetis Turcarum imperio arce S. Mauri in quadam insula valde populosa, cujus incolæ pene omnes erant Græci schismatici, omnesque ecclesiæ Episcopo pariter schismatico subditæ, Papa Hieronymum Episcopum consecravit, qui incolas ad unitatem & communionem Ecclesiæ Romanæ reduceret. Paruit Hieronymus, & per anni dimidium nullo prorsus fructu reducendis ad Ecclesiæ gremium schismaticis insudavit, imo etiam indignissimis modis ab iisdem fuit habitus: insuper & Magistratus sæculares, ut Insulanos in obedientia Reipublicæ Venetæ continerent, prohibuerunt, ne reunionem hanc curaret ac urgeret amplius. Teneturne Hieronymus stantibus hisce residere in hac insula in qua considerata habitatorum obstinatione, nulla prorsus spes fructus ac reunionis apparet?

q. Si insulam hanc incolant etiam catholici permixti schismaticis, non est dubium, quin Hieronymus teneatur residere in insula, ut illorum salutem invigilet. Verum in circumstantiis positi casus scilicet abire poterit ex insula. *Vobis oportebat primum loqui verbum Dei; sed quoniam repellitis illud, & indignos vos judicatis æternæ vitæ, ecce convertimur ad gentes.* Act. 13. v. 46. *Pontas.*



## RESIDENTIA PAROCHORUM.

1. Obligatio residendi est longe major ac indispensabilior respectu parochorum, quam quorumvis aliorum; quia eorum ministerio & auxilio parochiani continuo indigent. Concilium Tridentinum hac super re sat enucleatam declarationem edidit.

2. Potest nihilominus parochus quandoque abesse a sua parochia ex legitimis causis, quæ tamen raræ admodum sunt; & præter hæc, quod debeant approbari ab Episcopo, tenetur etiam parochus durante sua absentia constituere vicarium, qui usque ad ipsius reditum functiones parochiales obeat.

CASUS I. Servius parochus quovis anno ordinarie abest a sua parochia per duos menses continuos; dum interim conversatus cum parentibus, consanguineis & amicis. Peccatne mortaliter?

3. Cum cura pastoralis animarum, & obligatio pascendi oves, quarum directio ad parochos pertinet, sit juris divini, sequitur, quod & obligatio residendi sit juris divini. Fideles pastorali parochi curæ concrediti continuam ipsius præsentiam expetunt, a quo spirituale animarum suarum nutrimentum capiant prædicatione verbi divini & Sacramentorum administratione; prout & ipse parochus strictissimam habet obligationem eos invisendi, instruendi, exhortandi, ac infirmitatibus aliisque ærumnis pressos consolandi ac erigendi. *Quæ omnia, ut Patres Tridentini loquuntur, nequaquam ab iis præstari & impleri possunt, qui gregi suo non invigilant neque assistunt, sed mercenariorum more deserunt.* Absque dubio igitur Servius peccavit mortaliter. Si quis parochus, inquit Cabassutius Jur. Can. Theor. & prax. L. 5. c. 1. n. 4. *sine iusta causa etiam minus duobus mensibus absit, peccat mortaliter; nisi sit parvi temporis absentia, qualis possit esse quindecim aut ad summum viginti dierum . . . modo reliquerit idoneum substitutum.* Si ergo iusta, necessaria ac urgens causa parochum ad breve tempus avocet a sua parochia, idoneum relinquere tenetur vicarium, qui absentis defectum suppleat. *Pentat.*

CASUS II. Eduardus parochus proceßum habet judiciale summum momenti, jamjam per judicis sententiam terminandum. Potestne tuta conscientia abesse a sua parochia, ut cum iudice agat, causamque suam tueatur & urgeat?

§. Quatuor sunt causæ legitimæ, quæ possunt excusare absentiam parochi, scilicet charitas Christiana, urgens necessitas, obedientia Superiori debita, & evidens Ecclesiæ vel boni communis utilitas. Solus autem Episcopi est judicare, utrum in negotio parochi ejusmodi gravis & urgens causa sublit; & etiam approbata ab Episcopo causa absentiae parochus tenetur substituere capacein vicarium. Eduardus ergo tenetur Episcopo exponere naturam & gravitatem processus; & si hic judicet, operæ pretium esse, ut in persona urgeat decisionem causæ, poterit Eduardus abesse, constituto tamen prius vicario. *Pontas.*

CASUS III. Rochus gradu Doctoratus insignitus obtinuit parochiam reddituum octingentorum florenorum, cujus etiam possessionem adlit. Sciens vero aliis graduatis ob prærogativam senii per integrum semestre competere privilegium sollicitandi pro eadem parochia, putat, se non obligari ad residentiam, donec certus esset, in possessione sua se non amplius turbatum iri. Poteritne se eximere a residentia superveniente seniore graduato parochiæ candidato, licet possessionem jam per sententiam judicis sibi vindicaverit?

§. Solus pacificæ possessionis titulus Rochus jus tribuit percipiendi fructus Beneficii: jam vero fructus Beneficii non debentur Beneficiato nisi ratione servitii Beneficio præstiti. Hi igitur fructus ad ipsum legitime pertinere nequeunt, si non resideat, & parochiæ deserviat. Vindictæ possessionis sententia vel sola ipsum obligat ad residendum; cum hæc possessio ipsius autoritate judicis firmitatem nanciscatur. *Pontas.*

CASUS IV. Theotimus parochus, quem internecino odio persequitur Toparcha seu territorialis paroeciæ dominus, adeo ut vitæ ipsius jam fuerit insidiatus, poteritne ad notabile tempus discedere a parochia, ut furorem inimici sui declinet? Possitetne etiam dimittere parochiam, si ob notabilem infirmitatem medici ad unum vel duos menses mutationem aëris imperarent?

§. Rationes istæ absentiam parochi juste excusant a peccato; dummodo idoneum interea sibi substituatur vicarium, neque discessus ipsius notabile damnum inferat bono spirituali parochianorum suorum. Cum nimirum periculum imminet Episcopi vitæ, inquit Cardinalis Toletus Instruct. Sacerd. L. 5. c. 7. nisi discedat ab ecclesia, vel ob infirmitatem, vel ob persecutionem alicujus tyranni, vel aliqua simili causa: tunc enim potest ad tempus recedere; dummodo tamen non sequatur spirituale detrimentum gregis. *Pontas.*

**CASUS V.** Amabilis parochus singulis annis per decem aut duodecim dies a sua discedit parochia, eosque sacrae impendit solitudini. Num licite?

ꝰ. *Evidens Ecclesiae utilitas* una est ex quatuor causis, quae a Tridentino ut legitimae admittuntur ad hoc, ut quis abesse possit a Beneficio curato; & ad hanc ipsam causam absque dubio referri potest annuus sacer recessus parochi: quam maxime enim interest illorum, quibus incumbit gubernatio & cura salutis fidelium, ac consequenter bonum commune totius Ecclesiae, ut propriae sanctificationi & perfectioni studeant, sicque se disponant ad aliorum sanctificationem majori cum efficacia juvandam ac promovendam; quod aptiori modo fieri nequit quam annuis sacris exercitiis. Ad haec absentia decem aut duodecim dierum non est adeo notabilis, nec eam ex praedicta causa ullus improbavit Episcopus; dummodo sacrae huic recollectioni tempus consecratur, quo minus necessaria est parochianis parochi praesentia, & idoneus constituitur vicarius. *Pontas.*

**CASUS VI.** Antoninus parochus per unum mensem a sua abiit parochia, ne invaderetur lue pestifera violenter ibi grassante. Num peccavit, & ad restitutionem fructuum tenetur?

ꝰ. Non potuit sine gravi peccato abire, & derelinquere parochiam suam tempore calamitatis publicae, ac sine subsidio spiritali deferere oves sibi concreditas; tenerique ad restitutionem fructuum pro rata temporis absentiae suae. Edictum Blesene in Gallia omnino praecipit, ut in simili casu parochi absentis fructus occupentur, ac in reparationes ecclesiarum & in eleemosynas pauperum loci convertantur. *Pontas. Vide Parochus. cas. 4.*

**CASUS VII.** Justinianus parochus vir doctissimus a suo Episcopo fuit assumptus in Officiale aut Vicarium generalem. Poteritne retinere parochiam actu possessam, substituendo sibi vicarium parochialem idoneum, & quandoque per se ipsum luvisendo parochiam; cum munus Officialis aut Vicarii generalis incompatible esset cum administratione parochiae?

ꝰ. Cum parochus jure divino teneatur deservire parochiae suae, Justinianus non potest acceptare dignitatem ab Episcopo sibi oblatam, utpote incompatible cum functionibus parochialibus, & simul retinere parochiam. Persistendum igitur ipsi erit in parochia, & dignitas Officialis aut Vicarii generalis cedenda alteri, quem hisce temporibus facile invenire poterit Episcopus. *Pontas.*

## RESIGNATIO.

1. *Resignatio* est voluntaria abdicatio Beneficii in manus collatoris; qui abdicationem vel potest acceptare, quo casu Beneficiatus amittit Beneficium suum; vel repudiare, & Beneficiatum obligare, ut illud retineat, si id bono Ecclesiæ magis proficuum videatur.

2. In materia beneficiaria terminus hic *resignatio* interdum accipitur pro abdicatione Beneficii *pura ac simplici*; quandoque vero pro *conditionata*, id est, facta in favorem alterius personæ: atque in hoc sensu proprie accipienda est resignatio; quamvis necdum tria præterire sæcula, ex quibus hæc secunda resignationis species in usu est.

3. Potest quis resignare bona adhuc valetudine fruens, vel morbo detentus, imo ad extrema jam deductus. Juxta regulam Cancellariæ decimam octavam constitutam ab Innocentio VIII. si Beneficiatus morbo decumbens resignat Beneficium durante ægitudine, & moritur intra viginti dies computatione facta a die resignationis, Beneficium censetur vacare per obitum, & provisiones super tali resignatione obtentæ sunt nullæ. Verum hujus regulæ vix ullus jam est usus; cum eidem ex stilo ordinario Curiae Romanæ per expressas clausulas fere universim derogetur, dummodo id non vergat in præjudicium eminentissimorum Cardinalium, qui juxta compacta a Papa præveniri non possunt, siue sint soli collatores Beneficii, siue conjunctim cum aliquo Capitulo, siue sint tantummodo patroni. Nunquam interea licet celare mortem Beneficiati, aut occultare cadaver illius; & contra id attentantes criminaliter proceditur.

4. Ex alia ejusdem Cancellariæ regula, quæ dicitur *De publicandis*, quæcumque resignatio sit caduca; cum scilicet eam resignatarius publicam non fecit, & intra sex menses, si Romæ fuit provisor, & intra mensem, si fuit provisor ab Ordinario, possessionem adire non curavit, sique intra hoc temporis intervallum resignans adhuc in possessione existens decedat, Beneficium censetur vacasse per obitum. Si vero resignans adhuc vivat, resignatario conceduntur tres anni integri computatione facta a die obtentæ provisionis, quibus resignantem ex possessione dejicere poterit; usque dum autem a resignatario extra possessionem positus fuerit, resignans omnes Beneficii fructus facit suos. Post lapsum horum trium annorum resignatario nullum amplius competit jus in Beneficium, & provisio ipsius omnino est caduca; quia resignans

in hoc casu Beneficium censetur possidere novo titulo, triennalis videlicet possessionis juxta regulam *de Pacificis*.

5. Resignatio fieri potest per ipsum Beneficiatum in persona, vel per procuratorem. Instrumentum autem procurationis 1. debet confici a Notario ac debite insinuari. 2. Procuratio debet esse specialis, id est, continens potestatem resignandi hoc Beneficium in favorem hujus. 3. Requiritur, ut procuratorem conficiens pubertatem attigerit, id est, annum ætatis decimum quartum compleverit. 4. Ut procuratio suum sortiatur effectum intra annum computandum a die, quo data est; ita ut si resignatio intra annum vel procurationis non perficiatur, procuratio censeatur caduca & revocata, & consequenter provisio primum post anni lapsum per viam hujus procurationis obtenta cedere debeat provisioni ejusdem Beneficii per obitum. 5. Procuratio semper revocari potest re adhuc integra, id est, antequam resignatio in forma debita a Romana Curia admissa fuerit. 6. Procuratio finitur per mortem constituentis vel recipientis.

6. Procurator constitui potest sive Clericus sive laicus. Ut autem sinistris eventibus obvietur, consuetudo jam invaluit procuratores constituendi omnes expeditionarios Curie Romanæ, ne procuratio finiat per mortem illius, qui solus & unicus fuerit nominatus.

7. Nunquam licet niti mediis violentis ad extorquendam a Beneficiato resignationem, vel emolumentum sibi capere ex juvenili vel senili ætate resignantis. Hinc si quis necdum expleto anno decimo octavo ætatis resignavit Beneficium suum sine consensu patris aut tutoris, admittitur postea revocatio, maxime si aliud Beneficium non possideat, ex quo decenter sustentari possit, excepto tamen casu, quo resignasset Beneficium incompatible. Expleta autem illa ætate, si resignatio facta est sine dolo aut seductione, & in Curia Romana admissa, revocari non amplius potest.

8. Quando resignatio est pura & simplex, & resignans eam revocare velit, antequam a collatore admissa fuit, revocatio debet indicari ipsi collatori. Si vero est in favorem, satis est revocationem insinuare adhibito procuratori, aut eo absente ad ædes ipsius, vel ipsi resignatario, aut si hic lateat, coram Notario & duobus testibus.

9. Resignans potest ante admissam resignationem in Curia renunciare Beneficio suo in manus Ordinarii; sed in hoc casu renunciatio necessario intimanda est resignatario, ut quævis alia revocatio in debita juris forma facta.

**CASUS I.** Cresconius præbendam suam, quam obvenire volebat fratri suo Ruperto, resignavit in favorem in manibus Episcopi. Rationes sic agendi erant istæ; quod nimirum gravi morbo decumbens ob angustias temporis non possit mittere Romam, simulque velit evitare expensas in Curia faciendas, quas existimabat redolere simoniam, vel saltem lucrum minus justum & minus honestum. Potestne Episcopus hanc admittere resignationem, & ea admissa eritne Rupertus canonice provissus? Foretne canonice provissus, si abesset expressa resignatio in favorem, & Episcopus solum ultro promississet, se illi collaturum resignatam præbendam?

¶. Resignationes in favorem prohibentur solum jure ecclesiastico, in quo Papa legitime dispensare potest. Sed Episcopis non competit hæc potestas, imo ne quidem Legatis a latere. Adeoque Cresconius non potuit adire Episcopum pro recipienda resignatione in favorem fratris sui. Quodsi Episcopus admisit resignationem, Rupertus erit male provissus, ejusque Beneficium poterit impetrari ab alio. *Pontas.*

**CASUS II.** Crepinianus parochus in favorem sui Vicarii resignavit ad manus Patroni, qui erat Abbas. Estne hæc resignatio canonica? Si non sit canonica, poteritne ratificari per collationem ab Episcopo concedendam vicario?

¶. Resignatio Crepiniani est vitiosa; quia non potuit fieri nisi ad manus Papæ: hujusmodi enim resignatio involvit simoniam ob interveniens pactum; hæc autem simonia juris ecclesiastici non potest tolli nisi a solo Papa, excluso omni alio Superiore. Deinde omnis resignatio, etiam simplex, fieri nequit canonice ac valide nisi ad manus collatoris, & non patroni licet ecclesiastici, ut manifeste patet ex his verbis Alexandri III. scribentis ad Episcopum Tornacensem Cap. Admonet. 4. Lib. 1. Tit. 9. *Universis personis tui episcopatus sub distictione prohibeas, ne ecclesias tuæ diocesis ad ordinationem tuam pertinentes absque assensu tuo intrare audeant aut detinere, aut dimittere te inconsulto.* Ex quo sequitur, quod resignatio Crepiniani legitimari non valeat per sequentem collationem ab Episcopo obtinendam; cum hic potestatem non habeat dispensandi in pacto simoniaco, quod intervenit. Notandum tamen hic, quod, si resignatio pura & simplex, quæ communius vocatur renunciatio aut abdicatio, facta fuisset in manibus patroni ecclesiastici, posset aliquo modo legitimari per provisionem ab Episcopo concedendam ad præsentationem ejusdem patroni, ita ut, postquam resignans per factam resignationem renunciasset omni juri ad Beneficium, patronus præ-

præsentaret ad illud, & collator, si velit, impertiret collationem ad nominationem hujus patroni. *Pontas.*

CASUS III. Amandus graviter decumbens suum resignavit Beneficium in Curia primo Januarii in favorem Manlii, & intra quindecim dies obiit. Post mortem ipsius Sempronius patronus nominavit Julianum, qui obtenta ab Episcopo collatione absque mora possessionem Beneficii arripuit. Estne valida & canonica resignatio facta Manlio, qui impetravit expeditionem suæ provisionis? Poteritne hæc ipsi legitime in controversiam vocari a Juliano?

ꝑ. Resignatio Amandi facta in favorem Manlii nulla est; & provisio Juliani legitima. Ratio est; quia Beneficium resignatum in favorem a Beneficiario ægrotante censetur vacare per mortem, si resignans non supervivat viginti dies integros ab actu resignationis elapsos. Ita sancitum est regula decima octava Cancellariæ Romanæ *de infirmis resignantibus*. Regula hæc tria continet puncta essentialia: 1. Ut resignans actuali infirmitate correptus sit, dum procurationem ad resignandum edidit. 2. Ut resignatio jam sit perfecta, & admissa a Superiore legitimo. 3. Ut resignans mortem operetur ex ipsa infirmitate intra viginti dies completos, numerandos non a die datæ procurationis, sed a die admissæ resignationis. Collatores ordinarii non subjacent huic regulæ respectu Beneficiorum, quæ conferuntur ad renunciationem puram ac simplicem; subjacent vero quoad permutationes. Regula isthæc æque parum procedit circa Commendas Ordinis Melitenensis, quæ proprie loquendo non sunt Beneficia. - *Pontas.*

CASUS IV. Cum parochia S. Leodegarii, cujus collatio pleno jure pertinet ad Episcopum diocesenum, vacasset, Patritius extraordinario cursore Romam misso parochiæ hujus provisionem impetravit, Episcopo interea eam conferente Joanni; & ambæ hæ provisiones eodem die datæ sunt. Quinam alteri præferendus?

ꝑ. Papa habet jus præveniendi collatores ordinarios; licet hoc jus tam amplum ac latum non sit, ut quandoque non patiatur restrictiones. Hoc supposito Patritius præferendus est Joanni; quia, dum duæ provisiones sunt eodem die datæ, provisor ab illo duorum collatorum, qui majore eminet autoritate, præferendus est alteri, provisionem suam a collatore inferiore obtinenti: supposito tamen, quod determinari non possit, utra duarum provisionum sit anterior, & quod neuter duorum provisorum Beneficii possessionem adierit: nam stante dubio alteri præferendus foret, qui

qui prior possessionem adit. Ita decidit Bonifacius VIII. Cap. *Si a Sede*. 31. Lib. 3. Tit. 4. in 6. *Si a Sede Apostolica vel Legato ipsius uni, Et ab Ordinario alteri eodem die idem Beneficium conferatur; nec appareat, quæ collatio fuerit primo facta, erit potior conditio possidentis. Si vero neuter possideat, is, cui sedes ipsa contulit vel Legatus propter conferentis ampliorem prærogativam erit alteri præferendus* Præventio Papæ non habet locum, quando ante ipsius provisionem Ordinarius jam coepit exercere jus suum per admissionem resignationis a Titulari factæ, vel per acceptationem præsentationis a patrono ecclesiastico oblatæ. *Pontas.*

CASUS V. Isaacus in Curia Romana obtinuit provisionem cujusdam parochiæ in forma commissoria; sed timens, non impetratum se vidimationem a suo Diœcesano, resignat Beneficium cuidam Doctori amico suo, possessione nondum adeptæ. Valetne resignatio?

ꝫ. Sunt quidam Authores, qui existimarunt, provisiones in forma dignum, id est, in forma commissoria esse merum mandatum de providendo, quod Papa ad Episcopum dirigit, cujus vidimatio dein veram provisionem constituat. Verum hæc opinio certe falsa est, & insigniores Canonistæ docent, ejusmodi provisiones esse veras, reales & actuales, ita ut hoc modo provisos in Curia Romana possit resignare tertio, etiam nondum adeptæ possessione; idque, etsi sic resignans censeretur indignus, ut ab Episcopo vidimationem recipiat. Isaacus itaque valde potuit resignare amico suo, etsi necdum Beneficii possessionem adierit, & vidimationem ab Episcopo obtinuerit. *Pontas.*

CASUS VI. Bernardus parochus resignare cogitat Benedicto amico suo; sed sciens, ipsum jam pluries prolapsum fuisse in occulta peccata incontinentiæ, hæret anxius, utrum salva conscientia facere possit hanc resignationem. Estne rationabilis hæc Bernardi anxietas?

ꝫ. Si certus est de sincera conversione & emendatione Benedicti, simulque persuasus, hunc amicum suum præ aliis digniorem esse hoc Beneficio, idque exigere utilitatem Ecclesiæ, poterit ipsi resignare cum plenissima securitate conscientiæ. *Pontas.*

NOTA. Si occulta illa peccata consisterent in frequentatis actibus lascivis cum altero sexu, vel cum pueris, Bernardus non posset absque gravissimo peccato mortali resignare Benedicto; quia tales vix unquam in iisdem occasionibus stabiliter emendantur.



**CASUS VII.** Tharrasius parochus ruralis periculose deumbit, & Genutius medicus, qui solus in tota illa vicinia reperiri potuit, eum vehementer urget, ut parochiam Gulberto filio suo resignet; cumque difficilem se præberet ad ejus sollicitationes, medicus absque ambagibus ipsi significat, nullam se posthac ipsius curam habiturum, nec amplius ad eum invisurum, si hanc sibi gratiam sit negaturus. Resignat Tharrasius, atamen cum spe & animo revocandi resignationem, si pristinae reddendus sit valetudini. Moritur autem, & Guibertus capit possessionem parochiæ. Valetne hæc resignatio? An Guibertus tuta conscientia potest retinere hoc Beneficium?

ꝑ. Resignatio, cui intervenit dolus, violentia vel metus gravis, nec canonica est, nec valida. Guibertus igitur est male provusus; & si adhuc viveret Tharrasius, teneretur ille in conscientia ipsi reddere parochiam. Cum vero Tharrasius obierit, parochiæ renunciari debet in manus legitimi Superioris. Id ipsum etiam locum habet in resignationibus factis per fraudem resignatarii vel cujusvis alterius; sed tunc solummodo, quando fraus est vera causa resignationis. *Pontas.*

**CASUS VIII.** Theodulus Carolo resignavit suum Prioratum die 1. Februarii; antequam autem resignatio fuisset admissa in Curia, revocavit eam die nono ejusdem mensis & anni per instrumentum publicum debitis formalitatibus vestitum. Verum post biennium tradit Carolo actum originalem revocationis, consentitque, ut capiat possessionem Beneficii vi provisionum ex Curia obtentorum post tres a facta resignatione septimanas. Carolus combusto in præsentia pedelli instrumento revocationis possessionem Prioratus servata omni juris forma aggreditur. Estne legitime provusus? Et si invalida sit ipsius provisio, poteritne fieri valida per triennalem pacificam possessionem?

ꝑ. Carolus non est legitime provusus; cum Theodulus non amiserit suum Beneficium per resignationem, utpote in tempore adhuc revocatam: sicut enim nemo auctoritate privata se ipsum in Beneficio potest instituere, ita nec eo se abdicare potest sine consensu sui Superioris. Nec triennalis pacifica possessio provisionem hujusmodi revalidare potest; quia regula Cancellariæ Romanæ de triennali possessione tunc dumtaxat locum habet, cum possessor habet titulum saltem coloratum; Carolus autem omni prorsus titulo destitutus est. *Pontas.*

**CASUS IX.** Josephus die primo Octobris anno 1709. Gabrieli dedit procurationem suam ad resignandum Prioratum, quo ipsi gratificari volebat. Gabriel officiositatis ergo erga benefactorem distulit tradere procurationem istam procuratori expeditionario ad Curiam usque ad diem secundum Octobris anni 1710. Ita ut resignatio non nisi die vigesimo tertio ejusdem mensis fuerit admissa. Estne valida?

ꝑ. Provisiones Gabriels nullæ sunt; quia procuratio a Josepho facta ex lapsu temporis vitium caducitatis contraxit. *Pontas.*

**CASUS X.** Ovidius parochiam suam resignavit Norberto; & resignatio fuit admissa Romæ die 2. Januarii anno 1708. obiitque resignans die 3. Julii ejusdem anni. Altero mox ab ejus obitu die possessionem Beneficii apprehendit Norbertus. At vero Episcopus providit Theogenem, qui in possessionem intravit octiduo post Norbertum. Estne legitima provisio Theogenis?

ꝑ. Cum provisio Norberti facta fuerit caduca, eo quod non fuerit publicata per apprehensionem possessionis, pro qua conceduntur sex menses respectu provisionum a Papa factarum, & unus mensis respectu provisionum episcopaliū, sequitur, provisionem Theogenis esse canonicam & legitimam, vi regulæ Cancellariæ Romanæ *de publicandis resignationibus*. Observandum autem 1. Id locum non habere, si resignatarius ob impedimentum legitimum possessionem capere non potuisset. 2. Prædictos sex menses currere a die admissæ in Curia Romana resignationis, & non a die præstiti a resignante vel procuratore ipsius consensus in resignationem. 3. Extra casum, quod resignans obierit, resignatarium uti posse sua provisione & capere possessionem Beneficii sibi resignati tribus annis, hoc autem tempore elapso provisionem fieri nullam; eoquod hæc resignatarii negligentia habeatur pro tacita renunciatione provisionis. 4. Et in hoc casu non posse a resignante idem Beneficium secunda vice resignari eidem resignatario, ut constat ex decreto Urbani VIII. *Pontas.*

**CASUS XI.** Papinius Prior Romam misit procurationem suam ad resignandum in favorem Galli nepotis. Cursor in Urbem advenit decimo Octobris, Datumque ejusdem diei fuit retentum. Interea moritur Papa ante expeditionem provisionum. Sufficitne hoc Datum, ut possit expediri provisio hujus Beneficii a Pontifice defuncti successore?

ꝑ. Datum illius diei, quo cursor Romam venit, semper manet validum, etiam si eodem, vel sequenti mox die Papa moria-

moriatur. Consequenter nil impedit, quo minus provisiones Galli stantibus hisce expediri possint. *Pontas.*

CASUS XII. Philemon morbo correptus resignavit Laurentio in Curia Romana possessam a se Capellam simplicem. pristinae valetudini reddito Philemone Laurentius uti neglexit facta resignatione, & provisionem sibi procurare. Post quadriennium denuo gravis ægrotudo invaserat Philemonem, qui secunda vice resignat nulla facta mentione prioris resignationis, & post mensem moritur, quin ullam harum resignationum revocasset. Laurentius postmodum possessionem arripens estne canonice provisos?

¶. Secunda resignatio nulla est; adeoque Laurentius non est canonice provisos. Idem Beneficium non potest valide secunda vice resignari, si prima resignatio non fuit revocata: sic enim Beneficia redderentur hæreditaria, quod sacris Canonibus adversatur. *Pontas.*

CASUS XIII. Nemestus resignavit Leontio parochiam suam in Curia; mutata autem postmodum mente, septiduo vel octiduo post abitum cursoris eidem pure ac simpliciter renunciavit in manus Episcopi, qui provisionem concessit Antonio, mox capienti possessionem Beneficii. Post duos menses Leontius receptis provisionibus Papalibus petit ab Episcopo litteras vidimatorias, quas hic negavit, Metropolitanus autem absque ulla difficultate concessit. Leontius igitur capturus possessionem impeditur ab Antonio. Cujusnam provisio est legitima?

¶. Solutus Leontius est legitime provisos: cum enim Nemestus vere resignaverit, provisio Leontii est valida, nec potest infirmari per posteriorem renunciationem Episcopo factam, sed solum per revocationem in tempore factam, & debito modo insinuatam. *Pontas.*

CASUS XIV. Andronicus Prior propter crimen aliquod capitale amisit suum Beneficium, eo privatus per sententiam declaratoriam judicis. Appellat autem ab hac sententia, & Prioratum suum resignat in Curia Ambrosio nepoti suo. Valeret resignatio?

¶. Si crimen non sit de genere eorum, quæ vacaturam Beneficiorum inducunt ipso facto, Andronicus interposita appellatione a sententia condemnatoria, qua privabatur Beneficio, valide illud resignare potuit. Crimina autem, per quæ vacat Beneficium ipso facto, sunt crimen læsæ majestatis, parricidium, hæresis, assassinatus, & non nulla alia. *Pontas.*

**CASUS XV.** Justinus Canonicus præbendam suam resignavit Joanni filio, quem ante suam ordinationem susceperat ex matrimonio legitimo. Estne valida & canonica resignatio?

ꝫ. Juxta sacros Canones pater non potest resignare Beneficium suum filio, ne Beneficia fiant hæreditaria; quapropter Justinus resignatio nec valida est nec canonica. Multo adhuc rigorosiores sunt Canones respectu filiorum illegitimorum. Juxta plerosque Canonistas ne quidem nepos potest possidere Beneficium prius possessum ab avo suo. *Pontas.*

**CASUS XVI.** Flavius Prior vult resignare Beneficium suum patri suo, qui defuncta uxore statum clericalem amplexus est. Potestne id fieri canonice?

ꝫ. Non reperitur Canon, qui ejusmodi resignationem prohibeat; quod sufficit, ut pro canonica admitti possit. Aliunde ejusmodi resignationi imputari non potest, ac si foveret successionem hæreditariam in Beneficiis; quia parentes non nisi sub aliqua ratione succedunt liberis suis, idque contra ordinarium rerum cursum, & votum suum, quo liberos suos sibi superstites ac bonorum paternorum hæredes cupiunt. *Pontas.*

**CASUS XVII.** Capistranus gravi infirmitate correptus resignat Beneficium suum Joanni fratri suo cum pacto regrediendi in Beneficium, si denuo convalescit. An non commisit confidentiam?

ꝫ. Tam resignans quam resignatarius confidentiæ se reos constituerunt. Resignans vi primæ suæ provisionis non potest regredi in Beneficium, postquam per triennium ejusdem titulum cesserat resignatario, nec disponere de redditibus Beneficii; sed tenetur eos restituere pauperibus, vel ecclesiæ sui tituli. *De Lamet.*

**CASUS XVIII.** Titius facit resignationem clandestinam Beneficii cujusdam, ut duorum, quæ sunt inter se incompatibilia, possit percipere redditus. Num peccat?

ꝫ. Resignatio hæc criminosa est, & non absque ratione suspecta de confidentia. Alterum horum Beneficiorum tempore optionis elapso titulo devoluti ab alio impetrari potest. *Fromageau.*

**CASUS XIX.** Alanus Clericus sacerdos falso de variis criminibus accusatus per litteras Principis exulare jubetur, nec obtinere potest sententiam definitivam in causa sua; eo quod pars diversa valde potens eum spoliare intendat duobus Beneficiis, quæ legitime possidet. Poteritne iisdem renunciare per resignationem, ut ab injusta vexa sese liberet?

¶. Potest quidem resignare, nullatenus autem subscribere poterit absque peccato contractui simoniaci, qui ipsi proponi posset ut medium ab ulterioribus persecutionibus & iniqua vexa immunem se præstaret. Judices, qui ipsius innocentiam declarare recusant, gravissime coram Deo rei sunt; tenenturque de omnibus damnis ex sua desidia in Alanum redundantibus, & deinceps redundaturis. *Fromageau.*

CASUS XX. Solminus parochus, qui per annos viginti Beneficio suo cum laude deservierat, illud resignare cogitat sub reservata sibi moderata pensione; etsi bona patrimonialia habeat, ex quibus decenter sustentari possit. Potestne tuta conscientia hoc modo resignare?

¶. Cum Beneficium ultra quindecim annos administraverit, potest resignare sub conditione præstandæ sibi pensionis; licet ex bonis patrimonialibus commode vivere possit. *Fromageau.*

CASUS XXI. Julianus nepos Bruti Canonici cathedralis, quem subita apoplexia omni sensuum usu destituerat, fingit variis artibus, resignationem præbendæ a Bruto sibi factam, & exhibet Episcopo falsitatis conscio provisionem Beneficii in Curia Romana obtentam. Potestne Episcopus ipsi concedere vidimatorias ad capiendam possessionem?

¶. Absolute tenetur Episcopus Julianum repellere, & Clericum a se provisum in possessionem Beneficii immittere. Et si forte Julianus autoritate civili sussultus tentaret sese intrudere, Episcopus cum toto Capitulo deberet se opponere. Ipse Julianus in conscientia tenetur abstinere ab omni lite intentanda proviso ab Episcopo, nec sacramentaliter absolvi potest, quamdiu iudicio cum eodem contendit. Nullus advocatus, cui de facti veritate constat, potest salva conscientia tueri causam Juliani; & si hic ipsius patrocinio ac directione injustam causam suam evicerit, advocatus tenebitur ad omnes expensas & damna parti innocentillata. Idem dicendum de illis omnibus, qui cognita rei veritate intruso Juliano cooperarentur ad adipiscendam præbendam. *De Lanet.*

Vide *Beneficiatus. Beneficium. Canonicus. Parochia. Permutatio. Provisio. Simonia.*

## RESTITUTIO.

1. Juxta D. Thomam restituere idem est ac reddere alicui possessionem & fructum rerum, quæ ipsius sunt, & tamen non possidebat. *Restitutio* igitur est actus iustitiæ com-

mutativæ, quo cuique redditur, quod suum est, five id ab alio possessum fuerit contra voluntatem veri domini, ut in casu furti, five cum consensu illius, ut sit in mutuo & deposito. Verum quia simplex ac nuda restitutio non semper securam reddit conscientiam, cum & damna reparanda sint per injustam privationem rei alteri illata, Theologi definiunt restitutionem, quod sit *rei acceptæ redditio vel damni illati compensatio*.

2. Restitutio est de necessitate salutis; potestque hoc præceptum considerari ut *affirmativum*, inquantum præcipit restitutionem rei detentæ, & ut *negativum*, quatenus prohibet retentionem rei in scio ac invito domino.

3. Qui peccavit contra iustitiam erga proximum, semper tenetur ad restitutionem. Si plures sint complices furti, vel ejuscumque actionis contra iustitiam, ad restitutionem omnes tenentur in solidum.

4. Injustus detentor rei alienæ primus obligatur ad restitutionem, & post hunc omnes ii, qui sese participes reddiderunt damni ac injustitiæ alteri illatæ, five id factum fuerit iussione, five consilio, five alia quacumque demum cooperatione. Dum res restituenda non amplius extat in natura, ejusdem valor restitui debet. Restitutio facienda est sine dilatione, & quamprimum fieri potest, nisi obstat causa iusta ac maximi momenti. Si nesciatur, cuicam facienda sit restitutio, ea fieri debet pauperibus vel in alias per eas causas, posito quod nulla amplius superfit spes detegendi dominum rei.

5. Datur obligatio non solum restituendi injuste retenta, verum etiam refarciendi omnia damna, quæ proprietarius ex injusta retentione passus, aut imposterum passurus est. Sic si Joannes Jacobo opifici abstulit instrumenta artis necessaria ad opus, eumque hoc modo in eum statum conjecit, ut per mensem non potuerit lucrari sustentationem suam, Joannes non solum tenetur Jacobo restituere instrumenta artis, sed etiam omne lucrum, quod intra hoc tempus facere potuisset, si instrumenta necessaria ad manum fuissent.

6. Eadem obligatio datur reparandi bona famæ injuste proximo ablata per calumniam, mendacium, detractionem, maledictionem, aut alio quovis injusto modo.

7. Conventus generalis Cleri Gallicani anno 1700. damnavit sequentes propositiones circa hanc materiam. PROPOSITIO I. *Non tenetur quis sub pena peccati mortalis restituere, quod ablatum est per parva furtiva, quantumcumque sit magna summa totalis.* CENSURA :- *Propositio hæc falsa est, perniciosa,*

*ciosa, approbans furtum etiam insignia. PROPOSITIO II. Qui alium movet aut inducit ad inferendum grave damnum tertio, non tenetur ad restitutionem istius damni illati. PROPOSITIO III. Licet aliquis, cui donatio quædam facta est, certo sciat, eam sibi factam esse studiose, animo frustrandi ac fraudandi creditores, non tamen tenetur ad restitutionem; nisi ipsius suavis facta fuerit donatio, vel nisi alio quovis modo ad eam induxerit donantem. CENSURA: Propositiones istæ falsæ sunt, temerariæ, faventes furtis & fraudibus, ac iustitiæ legibus contrariæ.*

8. Ex omnibus obligationibus, quæ Christianos stringunt, quasque lex divina iisdem imponit, obligatio restitutionis fors minus cæteris omnibus observatur; & tamen huius neglectus omnium maximum salutis æternæ est obstaculum.

CASUS I. Romulus equum vendidit Servio, quem tamen non statim tradidit. Interea ex culpa venditoris mali quid accidit equo, ex quo valor ejusdem plurimum diminutus est; vel perit casu fortuito; vel auctoritate iudicis interceptus ac fisco adjudicatus est. Teneturne venditor indemnem servare emptorem in primo casu, si illius culpa tantum levis est? Teneturne etiam in secundo ac tertio casu?

9. In primo casu Romulus in conscientia tenetur indemnem servare Servium: tam regulariter loquendo venditor tenetur ad reparationem damni rei venditæ supervenientis sive ex culpa lata, sive ex culpa levi. *Custodiam autem venditor talem præstare debet, ait L. Custodiam. ff. Lib. 18. Tit. 6. quam præstant hi, quibus res commodata est, ut diligentiam præbet exactiorem, quam in suis rebus adhiberet.* In secundo casu Romulus ad idem tenetur, si equus sub conditione fuit venditus, & casus fortuitus evenit ante adimplerionem conditionis; quia contractus sub conditione de futuro initus manet in suspensio, & non censetur omnino consummatus, nisi post impletam conditionem. Idem dicendum quoad tertium si scilicet equus ante traditionem confisceretur. Observandum hic, quod si res venditæ sunt ejusmodi naturæ, ut non nisi secundum numerum, pondus & mensuram vendantur, & summam venderentur sine numeratione, ponderatione & mensuratione pro summa determinata; tunc solus emptor teneretur de casibus fortuitis evenientibus, antequam res ponderatæ, numeratæ & mensuratæ fuerint. Verum si res ab emptore ac venditore sunt mensuratæ, ponderatæ ac numeratæ, & non fuerint emptæ summam, sed quoad libras, mensuras, aut determinatum numerum, venditor tenetur

de casibus fortuitis, quibus res perirent, aut deteriorarentur *Pontas.*

**CASUS II.** Hubertus emit a Marco decem vini dolia cum pacto expresso solvendi pretium post mensem, numeratis pro quolibet dolio 75. florenis. Jam Marcus persolvendam ab Huberto pecuniæ summam condito tempore se fore accepturum ratus, alium emptoris contractum inlit; sed cum Hubertus suæ promissioni defuerit, eum perficere non potuit, sicque damnum passus est 400. florenorum, quos lucrari potuisset, si solvisset Hubertus. Teneturne Hubertus Marco reparare damnum mora solutionis illatum?

¶. Juxta legem *Venditor.* fin. ff. Lib. 18. tit. 6. Hubertus contraxit obligatur ad solvendum pretium empti vini, & in rigore ad legitimum interesse hujus summæ, non vero ad damnum per dilationem solutionis illatum. *Pontas.*

Vide *Emptio.* cas. 1.

**CASUS III.** Oglerius negotiator in portu marino Paulo mercatori extraneo commendat Lucianum mercatorem Galiam, tantumque suasionibus suis effecit, ut Paulus credito & necdum numerata pecunia merces suas vendiderit Luciano, quem vel maxime solvendo esse affirmabat Oglerius. Tribus autem adhuc mensibus Lucianus omnia decoxit, ut Paulo de rebus venditis nihil prorsus remanseris. Teneturne Oglerius Paulo ad reparationem hujus damni?

¶. Si Oglerius non commisit ullam culpam, quæ ipsi possit ac debeat imputari, juxta leg. *Si Proxenetæ.* 2. ff. Lib. 50. Tit. 14 non tenetur ad reparationem damni. *Pontas.*

**CASUS IV.** Epiphanius bona fide possidet prædium jure hæreditario sibi relictum a Balduino malæ fidei possessore. An bona fides eximit illum saltem a restitutione fructuum, quos verus proprietarius præendit una cum fundo, maxime si fructus illi non nisi per multum laborem ac industriam percepti fuerunt?

¶. Hæredes possessorum malæ fidei tenentur ad eandem restitutionem, ad quam tenentur illi, quibus succedunt; quia hos repræsentant, eorumque locum ac vices occupant, juxta Leg. *Litigator.* 2. Cod. Lib. 7. Tit. 51 & Leg. *Vitia.* 11. ibid. Tit. 32. Adeoque bona fides non liberat Epiphanium ab obligatione restituendi fructus perceptos; deductis tamen antea sumptibus ac expensis legitimis. Quod hic dicitur de rebus immobilibus, extendendum quoque est ad res mobiles fructificantes, ut sunt quedam animalia, v. g. equi, vaccæ, vervecēs; imo & ala, quæ in commercio



cium veniunt, ut supellectilia omnis generis, quæ elocari solent. *Pontas.*

**CASUS V.** Bertulfus per quatuor annos possedit jugerum vineæ, cujus etiam fructus percepit; per sententiam judicis autem ex ejusdem possessione delicitur a Raymundo vero proprietario Teneturne Bertulfus ad restitutionem fructuum, et si ad eam non fuerit condemnatus a iudice?

*R.* Si toto illo tempore possedit bona fide, non tenetur ad restitutionem fructuum. Si vero mala fide possedit jugerum vineæ, tenetur restituere omnes fructus, vel valorem eorum; Idque legi positivæ ac juri naturali conforme est. *Pontas.*

**CASUS VI.** Hermannus emit domum, quam credidit esse venditoris, eamque bona fide possedit per biennium. At vero mota postmodum desuper lite, eaque ad annum extensa, possessione expulsus est, salvo jure recursus contra venditorem. Teneturne ad restituendum pretium locationis tertio hoc anno perceptum?

*R.* Tenetur omnino, & quidem a die litis contestatæ. Quilibet æquus iudex tenetur ad hoc ipsam condemnare juxta Leg. *Litigator.* 2. Cod. Lib. 7. Tit. 51. *Pontas.*

**CASUS VII.** Aubertus & Jacobus hæredes sunt Arnoldi. Auberto decem abhinc annis peregre ad Indias profectio Jacobus sese immisit in possessionem totius hæreditatis, quam per biennium bona fide tenuit persuasissimus, Aubertum jam e vivis excessisse. At ecce! comparet Aubertus ex Indis reversus, petens portionem hæreditatis suæ cum fructibus interea ex eadem perceptis. Teneturne Jacobus tanquam bonæ fidei possessor ad restitutionem fructuum?

*R.* Lex *Cohæredibus.* 17. Cod. Lib. 3. Tit. 36. ipsum obligat ad hanc restitutionem: *Cohæredibus, inquit, divisionem inter se facientibus, juri absentis & ignorantis numime derogari, ac pro indiviso portionem eam, quæ initio ipsius fuit, in omnibus communibus rebus eum retinere certissimum est. Unde portionem tuam cum redditibus arbitrio familiæ eriscundæ percipere potes, ex facta inter cohæredes divisione nullum præjudicium timens.* Certum tamen est, quod in hoc & omnibus ejusmodi casibus deduci possint expensæ necessariæ in rem factæ. *Pontas.*

**CASUS VIII.** Aspasius bona fide possedit per quadriennium quatuor agri jugera titulo donatonis sibi factæ; sed Romanus intentata ipsi desuper actione judiciali ipso tempore messis, dum jam dimidia segetum pars demessa erat,

em ex possessione deiecit. Teneturne ad restitutionem factum eo anno perceptorum?

g. Alpius tenetur restituere una cum agro fructus necdum demessos tempore inventaræ actionis, ut constat ex Leg. *Si fructarius*. 13. Lib. 7. Tit. 4. *Pontus*.

CASUS IX. Alcuinus a duobus vel tribus annis bona fide possidet duo jugera agrorum, quatuor jugera silvæ cædus, & sex vaccas, quæ omnia ad Theogenem pertinent, ut uno abhinc mense certo compererat. Teneturne in foro conscientiæ etiam fructus situere toto possessionis tempore perceptos?

g. Dantur fructus *naturales*, quos fundus ex se ipso producit absque cultura aut humana industria, ut sunt silvæ, pascua, inhospita resqna &c. Item poma, pira, glandes, atque fructus, qui utro decidunt ex arboribus camporum vel viridariorum, nec aliam operam requirunt præter eam, quæ in illis colligendis ac percipiendis infumitur. Alii fructus dicuntur *industriales*, ut frumentum, vinum, lac & lana pecorum &c. quia hujusmodi fructus non produuntur, nisi terra magna cum industria colatur, & animalia in stabulo custodiantur, nutriantur, & conserventur. Qui possidet fructus naturales absque illo titulo, vel ex titulo gratuito v. g. donationis, non acquirit eorum dominium per simplicem possessionem; qui vero eosdem possidet cum titulo oneroso, v. g. perceptos ex fundo empto, acquirit proprietatem eorum, quamdiu possessor est bonæ fidei; cessante autem bona fide, non potest fructus facere suos, quia eorum amittit dominium. His præsuppositis, si Alcuinus res in casu recensitas possidet absque titulo, non acquisivit dominium silvæ cædus; quia ejusmodi fructus sunt mere naturales. Si vero titulo emptionis possidet, acquisivit verum dominium. Si tamen bona fides cessasset ante perceptionem fructuum ex silva cædus, teneretur fructus hosce una cum fundo restituere Theogeni: juxta legem enim *fructus pendentes pars facti videntur*. Quod attinet ad reliquos fructus, scilicet industriales, si adhuc extent in natura, & Alcuinus eos bona fide non possederit per integrum triennium, tutius ac probabilius dicitur, eum absolutum ac irrevocabile dominium nunquam acquisivisse, tenerique ad restitutionem fructuum ad eo tempore, quo bona fides cessavit. Posito autem, quod fructus jam jam consumpsisset, teneretur saltem restituere id, ex quo factus est locupletior. Id probari potest ex lege, *Certum est*. 22. Cod. Lib. 3. Tit. 32. ubi discrimen inter malæ ac bonæ fidei possessorem in eo ponitur; quod ille teneatur resti-

tuere

tuere omnes fructus, consumptos & non consumptos; hic vero solum extantes adhuc: *Certum est, malæ fidei possessores omnes fructus jo ere cum ipsa re præstare, bonæ fidei vero extant: post litis autem contestationem universos.* Idem decedit Justinian. §. *Si quis.* 35. Instit. Lib. 2. Tit. 1. dum ait, fructus a bonæ fidei possessore ex fundo empto, vel titulo donationis possessor perceptos ad ipsum pertinere ratione curæ & industriæ in ejus cultura impensæ; & consequenter verum fundi dominum, si innotescat, non posse ab hoc possessore exigere restitutionem fructuum consumptorum: *De fructibus ab eo consumptis agere non potest.* Ex quo inferendum est, quod, si hic possessor habeat fructus necdum consumptos, illos teneatur restituere: nam, cum Imperator lege hac solum exceperit fructus consumptos, tacite innuit, idem non esse de extantibus. *Pontas.*

CASUS X. Bertrandus bona fide per duos annos & dimidium possedit viginti jugera silvæ cædunt una cum stagno ad Barnabam pertinentia, qui convincenter probato jure proprietatis in utriusque possessionem immisus est. Bertrandus autem optima usus œconomia ex hac possessionibus lucrum sexcentorum florenorum retulit, quibus in proficuum commercium exposito denuo lucratus est ducentos florenos. Teneturne Bertrandus etiam ducentos hosce florenos Barnabæ restituere?

3. Non tenetur; quia lucrum ducentorum florenorum unice ex illius industria provenit, & non ex fundo possessio; nec potest considerari proprie tanquam fructus sexcentorum florenorum; quia juxta doctrinam S. Thomæ pecunia ex sua natura sterilis est. Id ipsum dicendum foret etiam in casu, quo Bertrandus fuisset possessor malæ fidei. Et hinc non datur obligatio restituendi ducentos florenos. *Pontas.*

CASUS XI. Sempronius nauta ducebat navem pretiosis onustam mercibus ad Nicolaum pertinentibus, quas inter erat sacculus impolitus adamantibus refertus; & hunc abstulit Sempronius animo sibi retinendi. Accidit autem, ut exorta post biduum violenta tempestate navis periclitaretur, prout & postea submersa est. Hoc in discrimine Sempronius sacculum tenens in undas prostravit; quem autem, ut se ipsum salvaret, dimittere coactus est. Teneturne restituere valorem adamantum?

3. Cum Sempronius non fuerit causa jacturæ sacculi, qui cum navi perisset, etiam si illum non surripuisset, & in nav. reliquisset, non tenetur restituere valorem adamantum.

Q 3

Con-

Confirmari potest hæc responsio ex Leg. *Si vehenda*, 10. §. 1. ff. Lib. 14. Tit. 2. *Cum ea conditione navem conduxisti, ut ea merces tua portarentur, easque merces nulla nauta necessitate coactus in navem deteriolem, cum id sciret te fieri nolle, transtulit, & merces tua cum ea nave perierunt, in qua novissima vestigia sunt, habes ex conducto cum priore nauta actionem. Imo contra, si modo ex navigatione utraque navis perit, cum id sine dolo & culpa nautarum factum esset. Pontas.*

NOTA. Sempronius poterat & debebat sacculum firmare ad parietem aut fundum navis, ut facto naufragio potuisset salvari in tabula fractæ navis, vel per urinatores aut piscatores recuperari. Itaque tenetur ad restitutionem damni ex æquo juxta valorem spei. Certe Sempronius coram Deo gravissimi contra septimum præceptum peccati reus est tam ob actuale furtum, quam ob pravum desiderium usurpandi sibi rem alienam, si non periisset; id quod homines plebei multoties non advertunt, & si per actuale furtum grave proximo damnum non intulerunt, eo quod inviti ab executione operis, quorumque demum modo, impediti fuerint, prava furandi desideria etiam efficacissima raro consentiunt.

CASUS XII. Marinus per quinquennium mala fide possedit quatuor jugera vineæ jure proprietatis ad Honorium pertinentis. Cum autem vineam hanc pessime cultam reperisset, melioravit eam. Quæritur, an restitutus vineam teneatur restituere omnes fructus post meliorationem perceptos, vel solum eos, quos collegisset, si non fuisset moliorata.

3. Non solum pro conscientia tutius, sed etiam probabilis dicendum videtur, quod Marinus omnes fructus indiscriminatim teneatur restituere, non obstante melioratione: hæc enim est annexa fundo ad Honorium verum dominum pertinenti, ejusque inseparabilem partem constituit; ad hæc ipse Honorius has meliorationes facere potuisset, & fors magis proficuas. Hæc responsio manifeste eruitur ex Leg. *Domini*, 5. Cod. Lib. 2. Tit. 32. ubi habetur: *Malæ fidei possessores, ejus, quod in rem alienam impendunt, non eorum negotium gerentes, quorum res est, nullam habeant repetitionem, nisi necessarios junctus fecerint. Sin autem utiles, licentia eis permittitur, sine læsione prioris status rei eos auferre. Pontas.*

CASUS XIII. Nebridius mala fide, per dolum scilicet, vim, aut fraudulentam emptionem possidet jugerum agri aut vineæ ad Justinum pertinentis. Elapso triennio confitetur, promittitque confessario restitutionem jugeri, qui cum vellet etiam restitutionem fructuum, quos Justinus per istud triennium percipere potuisset, renuit Nebridus dicens, se fructus non percepisse; eo quod fundum hunc incultum reli-

quisset.

quisset. Eximitne hæc ratio ab obligatione restituendi fructus?

¶. Huic Nebridii excusationi a confessario aquiescendum non est. *Generaliter autem, dicitur leg. Si navis. 62 ff. Lib. 6. Tit. 1. cum de fructibus aestimandis quæritur, constat animadverti debere, non an mala fidei possessor fruiturus sit, sed an petitor frui potuerit, si ei possidere licuisset.* Tenetur igitur Nebridius restituere omnes fructus, quos Justinus deductis expensis percipere potuisset, si fundum in possessione sua habuisset. Attamen dissidendum non est, quod, si certum videatur, Justinum nullo fructurum fuisse emolumento ex ita constituto fundo, Nebridius tantum obligari possit ad restitutionem fructuum perceptorum, quantumvis fuerint exigui, non vero illorum omnium, quos adhibita majori diligentia potuisset colligere. *Pontas.*

**NOTA.** Cum leges positivæ, præsertim civiles, ibi solum disponant, ubi lex naturalis clara deficit, vel obscura & dubia est, ac proinde solum pro foro externo directe ac immediate scriptæ sint; imo defacto vix in ullo regno amplius scrupulose observentur etiam in foro externo, dicendum videtur, nec poenitentes iis ligari ante sententiam iudicis. Confessariis autem servantur directive ad ponendam poenitentii nomine Dei conditionem vel legem pro obtinenda peccatorum venia, autemperatam tamen semper ad latitudinem Christianæ æquitatis & charitatis. Notam hanc per decursum totius hujus articuli præ oculis habendam esse censeo.

**CASUS XIV.** Guiraudus parochus senio jam confectus pure ac simpliciter renunciavit parochiæ suæ, & successorem habuit Fulcrandum ab Episcopo provisum. Guiraudus in eadem parochia remanens non solum animos parochianorum a Fulcrando avertit, sed etiam præfectos ecclesiæ induxit ad intentandam ipsi litem sub falso prætextu, quod solutionem triginta florenorum a curatore ecclesiæ haud diu abhinc mortuo exegerit ac obtinuerit ultra id, quod debebatur ipsi ex fabrica. Unus insuper præfectorum accepit ab illustri matrona triginta florenos hac conditione fabricæ ecclesiæ oblatos, ut a lite desisteretur, & scandalum in parochia tolleretur, quod tamen factum non est. Tenenturne ecclesiæ præfecti & Guiraudus restituere Fulcrando factas in sui defensionem expensas, damnumque ipsi illatum compensare? An etiam præfectus ecclesiæ tenetur matronæ restituere donatos ecclesiæ triginta florenos?

¶. Graviter peccavit Guiraudus suo hoc agendi modo, ntpote contrario iustitiæ & charitati, & una cum præfectis ecclesiæ in solidum tenetur, ac quivis eorum cæteris non solven

solventibus obligatur Fulcrando ad restitutionem omnium expensarum, & ad compensationem totius damni illati; quæ tamen obligatio primario incumbit præfectis ecclesiæ; & quidem non impensis fabricæ, sed ex propriis eorum sumptibus facienda est hæc restitutio: non enim justum est, ut ecclesiæ redditus impendantur ad exsatiandas passionem eorum, qui tanquam boni œconomi eosdem administrare debent eadem sollicitudine, justitia ac fidelitate, qua redditus proprios administrent. Etiam triginta florenti ecclesiæ donati restitui debent a præfecto; quia conditio, sub qua fuerunt donati & accepti, adimpleta non fuit. *Pontas.*

**CASUS XV.** Jam ante viginti annos Matthæus mutuam Rogerio dedit summam 10000. florenorum, quibus nimirum omnis ipsius res familiaris constabat. Rogerius se obligavit ad solvendum quotannis censum quingentorum florenorum, quos etiam Matthæus singulis annis recepit, minime dubitans, dictam summam se recipere posse; cum & alii spectatæ probitatis viri similem ex mutuo data pecunia sua recipient censum, ac insuper aliunde non habeat, quo vitam sustentet. Verum cum a suo confessario percepisset, se teneri renunciare toti summæ principali, utpote per viginti annos jam sibi per census annuos solutæ, quærit, an ab ista obligatione non eximatur legitime, cum per hanc renunciationem extremam incurreret paupertatem?

**3.** Si in proposito casu Matthæus dictam summam bona fide mutuam dederit, ac annuos census bona quoque fide receperit, & insuper illi ex acceptis censibus nil amplius superfit, ad nullam tenetur restitutionem: nam, ut D. Thomas 2. 2. q. 100. art. 9. ad 3. loquens de Beneficiato, qui neo sciens nec volens simoniace promotus est ad Beneficium, advertit, hic in conscientia non tenetur restituere fructus bona fide perceptos & consumptos; idque etiam conforme est civili jurisprudentiæ fundatæ in hac juris regula 136. ff. Lib. 50. Tit. 17. *Bona fides tantundem possidenti præstat, quantum veritas, quoties lex impedimento non est.* Dein supposito etiam, quod simpliciter ac in genere loquendo detur obligatio restituendi, Matthæus tamen ab ea sese eximere posset, si v. g. Rogerius hos annuos census ex mera liberalitate persolvisset, ita ut ex arbitrio ipsius steterit eosdem solvere vel non solvere, nulloque ad solutionem metu adactus fuerit, ne Matthæus in defectu annui census ipsam summam principalem sit repetiturus. *Pontas.*

**NOTA.** Verum quidem est, ex solo titulo mutui non posse exigi censum; potest tamen exigi titulo lucri cessantis, damni emergentis, vel ob periculum sortis, quod per tot annos reipsa esse potuit, etsi nil sinistri eveniret. Poterat ea elocatio pecuniæ etiam fieri ex tacita intentione contrahentium, conformiter ad notoriam actis publicis approbatam consuetudinem, per modum contractus censualis, in quo ex bonis mutuatarii frugiteris, vel ex ejus industria, ex parte venditoris redimibiliter emitur, emptione cum contracta societatis mixta, pars reddituum vel frugum. Ex his ergo titulis iustitia censuum æstimanda est; non vero indefinitè respondendum.

**CASUS XVI.** Epimachus in negotiis Principis constitutus valde multum lucratus est dando suam pecuniam mutuo pro annuis censibus, minime dubitans, tale commercii genus esse licitum. Daniel filius ejus, qui una cum duobus alijs suis fratribus mortuo patre hæreditatem adiit, valde timet, ne pars honorum hæreditatis suæ a defuncto parente sit acquisita commercio usurario, & hinc ad restitutionem teneatur. Censet tamen, se ab ista obligatione immunem, cum parens census annuus semper bona fide receperit, & tales census sint bona mobilia, quorum proprietas possessione triennali præscribi possit; ac insuper pater multos legitimos, ac licitos census acceperit, & impossibile denique sit scire, quot personis, & quantum pecuniæ a patre mutuo datum sit.

g. Cum perdifficile sit scire, an Daniel revera teneatur restituere quidquam, tutius & consultius erit, si Daniel tantum ex bonis hæreditatis sibi retineat, quantum ad sustentationem vitæ necessarium habet; reliquum vero, quod superest, erroret pauperibus ea intentione, ut satisfaciatur obligationi restituendi, qua forsitan coram Deo obstrictus est.

*Pontas.*

**NOTA.** Cum ex *Nota* præcedentis *Casus* 15. constet, varios justos titulos accipiendi census dari posse, non tenetur hæres examinare, quo titulo parentes census acceperint, vel utrum bona fide præscriperint; nisi in casu particulari moraliter constet de contrario. Aliiter discurrendum circa bona immobilia necdum præscripta tempore immemoriali cum præsumptione iusti tituli; circa immobilia enim necdum certo præscripta etiam hæres tenetur habere fidem positive bonam.

**CASUS XVII.** Pedemontii communis & generalis consuetudo ab ipsis etiam iudicibus approbata viget, ut tres floreni pro centum mutuo datis accipiantur, & hæc consuetudo immemorialis est. Amadeus, civis Augustiæ Taurinorum, qui hucusque bona fide juxta consuetudinem Pedemontanam pro mutuo data pecunia censum hunc annum accepit,

a quodam Doctore percepit, tales census esse usurarios; hinc confessario suo promittit, se a tali usurario commercio deinceps desitutum. Confessarius Amadeum absolvit a peccatis suis & a restitutione censuum receptorum. An confessarius illum ab obligatione restitutionis absolvere potuit?

¶ Juxta *S. Beuve tom. 2. cas. 131. pag. 442.* confessarius in proposito casu Amadeum absolvere potuit a restitutione; quia dictos census annuos recipere consuetudine introductum est in ista provincia. Tutius tamen egisset, si illum obligasset, ut restitueret id, quod bona fide non consumpsit. *Pontas.*

NOTA. Si consuetudo generalis excusat Pedemontanos accipientes tres pro centum, eadem consuetudo excusare Germanos poterit recipientes quinque pro centum. Ibi a Tribunalibus tolerantur tria; quia lucrum ordinarium annuum ex centum non superat tria, apud Germanos autem quinque. Verum Deus non præsumptos, sed veros titulos *lucri cessantis, damni emergentis, aut periculi fortis* &c. quærit.

**CASUS XVIII.** Isabella viro cuidam desponsata a patre in dotem acceperat 1500. florenos. Cum autem percepisset, partem bonorum a patre suo commercio usurario fuisse comparatam; idque vel certo sciret, vel solum ea de re dubitaret, quæritur 1. An non nisi dubia teneatur indagare in veritatem rei. 2. An, si de hoc sit certa, teneatur restituere dictos 1500. florenos, posito quod possit, & pater non restituat. 3. Num maritum bonorum communium administratorem eapropter monere teneatur, ut in restitutionem consentiat, vel eo renuente in testamento suo cavere debeat, ut fiat restitutio. 4. Denique an Isabella ad aliquam restitutionem obligari possit, si primum post constitutam & persolutam dotem bona sua pater per commercium usurarium acquisisset.

¶ *Ad 1.* Si Isabella solum dubitet de legitimitate bonorum paternorum, non tenetur in rei veritatem indagare; maxime si dubium non sit solide fundatum. *Ad 2.* Si Isbellæ certo constet, partem bonorum paternorum iniquis turris fuisse corrasam, nullamque ab eo factam esse restitutionem, non tenetur post obitum patris ad aliam restitutionem, nisi in quantum consuetudo loci exigit, ut cum reliquis cohæredibus succedat etiam in onera ac debita patris, & pro rata acceptæ dotis. *Ad 3.* Supposito quod obligetur ad restitutionem, non potest id exequi, nisi post mortem mariti, si ille non consentiat; vel potest in testamento suo providere, ut fiat restitutio. *Ad 4.* Si dos a patre constituta est ante



ante usurariam acquisitionem bonorum, ad nullam prorsus tenetur restitutionem: attamen ad hæreditatem defuncti patris admittenda teneretur restituere male parta pro ratione portionis suæ. *Pontas.*

*Nota.* Si etiam constaret, patrem fuisse publicum usurarium, dubitari tamen vix posset, multas pecunias ab eo acquisitas fuisse titulo iusto ac legitimo, v.g. per contractum censualem, in quo revera intercessit periculum fortis, vel titulo emptionis, legati &c. Cum ergo possessor per confusionem bonorum fiat eorundem dominus, valide disposuit.

**CASUS XIX.** Elpidius & Mævius acquisiverunt hæreditatem patris sui, qui Principis negotiis præfectus, & per decennium cambio addictus e vita migravit relicta fama, quod commercio usurario multa bona corraserit. Possuntne frui tota hæreditate paterna, quin teneantur in conscientia partem hæreditatis erogare in pauperes per modum restitutionis, cum notitiam non habeant eorum; quibus pater fors damnum aliquod intulit?

*¶.* Quamvis Elpidius & Mævius teneantur erogare elemosynas de superfluis, non tamen obligantur, nisi in casu extremæ aut valde urgentis necessitatis, elargiri elemosynam de sibi necessariis præcise ob eam rationem, quod ipsorum pater Principis negotiis præfectus & cambio addictus fuerit; cum ejusmodi officia absque injustitiæ nota & absque usurario commercio administrari possint. Multo minus ad restitutionem tenerentur, si ipsorum pater notabilia legata in pauperum favorem reliquerit. *Pontas.*

**CASUS XX.** Cassius maritus Michellinæ filix Cræsi divitis campforis nonnullis abhinc annis certo comperit, patrem uxoris suæ quondam præfuisse telonis regis, ac per usurarium commercium & aliis injustis modis sua multa, quæ habet, comparasse bona. Jam quaeritur, an Cassius, cui uxor 4500. florenos in dotem attulit, teneatur restituere quidquam de dote ista, utpote parte bonorum injuste a Cræso acquisitorum.

*¶.* Juxta *S. Beuve tom. 3. casu 252.* non tenetur Cassius restituere censum annuum ex dote uxoris suæ acceptum, aut partem summæ principalis bona fide consumptam; tenetur tamen ipsam, quam adhuc in manibus habet, summam principalem, & census restituere, quos percepturus est, aut jam percepit ab eo tempore, quo bona ipsius fides cessavit. Si autem nesciat, quibus restituendum sit, injuste parta convertenda sunt in elemosynas pauperum, supposito consensu

uxoris; hæc enim nil consentiat, æquum non est, ut maritus propria autoritate restitutionem faciat; quia ipsi non competit jus libere disponendi de bonis dotalibus uxoris, ea invita. Ad hæc id fieri non posset sine evidenti periculo bina vice eandem faciendi restitutionem: defuncta enim conjugæ adhuc superstes compelleretur 4500. florenos reddere hæredibus defunctæ. Sufficit itaque Cassio, ut repudiata hac dote omnem Michellinæ curam relinquat satisfaciendi obligationi conscientiæ suæ. *Pontas.*

**CASUS XXI.** Catharina mortuo suo marito certo compèrerat, eum comparasse 1000. florenos commercio usurario, illosque non fuisse restitutos. An tenetur ipsa eos restituere?

¶ Si Catharina post obitum mariti sui communioni bonorum renunciavit, ac suis propriis bonis contenta sit, non tenetur ad ullam restitutionem. Si vero præter suam dotem bona mariti, aut eorum partem possideat, tenetur ad restitutionem juxta proportionem male acquisitorum. Idem dicendum, si vivente marito ex usuris ejusdem commodum tulit; *Pontas.*

**CASUS XXII.** Hermelaus mercator inter alia bona sua possidet summam 1000. Imperialium mutuis usurariis acquisitorum, nec ad restitutionem induci potest. Potestne uxor dictam summam restituere marito inscio, aut etiam invito?

¶ Licet author opusculi 73. *de Usuris*, quod inter opuscula D. Thomæ reperitur. cap. 16. censeat, uxorem posse restituere inscio, non autem invito marito, id tamen in præsentibus casu haud permittendum videtur; quia facta ab uxore restitutio prorsus nihil conducere ad salutem mariti, quamdiu is animum retinet non restituendi. *Pontas.*

**CASUS XXIII.** Thieboldus colias cum Leandro rationibus reperiebat, se illi debere centum florenos, quos cum solvere non posset, Aristarchus amborum amicus, utrumque obligaturus, offert Thieboldo dictam summam, quam hic ocysus Leandro tradidit. Paulo post autem moritur Thieboldus, qui solvendo non erat. An jam Leander in conscientia tenetur Aristarcho restituere præfatos centum florenos?

¶ Qui mutuam dat pecuniam, transfert dominium ejusdem in mutuatarium, qui fit verus dominus mutui acceptæ pecuniæ. Hinc Leander non tenetur ad ullam restitutionem; imo Aristarchus nec in foro externo eum desuper convenire potest. *Pontas.*

**CASUS XXIV.** Ildephonſus mutuos dedit Theophilo centum Imperiales ad annum, eosque elapſo termino inſtanter repetit ad faciendum lucrum ſuo in commercio. Theophilus vero, licet ſolvendo eſſet, non tamen reſtituit, eo quod ipſemet ſua in negotiatione per hanc ſummam quidpiam lucrari intenderet, eamque contra omnem juſtitiam & mala fide ultra triennium retinet, certus, Ildephonſo tantum animi non eſſe, ut ſibi capropter litem moveret. An in foro interno tenetur Theophilus reſtituere lucrum duobus poſt lapſum termini annis ex hac ſumma comparatum?

*ꝑ.* Non tenetur Ildephonſo totam omnino lucrum reſtituere, quod ſibi comparare potuiſſet ſuo ex commercio, ſi dictam ſummam ad manum habuiſſet, ſed ſolum tantum lucri, quantum alias ex ejusmodi ſumma percipi conſuevit in exercita negotiatione, idque habita ratione laboris impenſi ac induſtriæ, impenſarum faciendarum, & denique periculorum ac infortuniorum, quæ in hujusmodi commercio facile accidere poſſunt. Ita docet S. Thomas in 4. diſt. 15. q. 1. art. 5. quæſtiunc. 2. ad 4. *Pontas.*

*Nota.* Cum mutuum fit contractus bonæ fidei, videtur, Theophilum obligari ad compenſandum Ildephonſo totum lucrum ceſſans, ordinarium ac moraliter certum, quo ipſum privavit ob moram ſolutionis.

**CASUS XXV.** Maximinus tradidit Joanni amico ſuo centum Imperiales ad Hubertum deferendos, a quo eos mutuos acceperat. Joannes autem in via a latronibus hiſce pecuniis ſpoliatus eſt. An Maximinus hanc caſu fortuito ablatam latroni ſummam Huberto reſarcire tenetur?

*ꝑ.* Ampliſſimum diſcrimen eſt inter reſtitutionem aut debitum, ad quod quis tenetur ex contractu, dum agitur de re reſtituenda in ſpecie, & inter obligationem reſtituendi rem eandem in individuo: dum enim contractus ex ſua natura non exigit, ut ipſum individuum reddatur, ſed ſolum ſpecies, ut contingit in mutuo, in quo debitor non tenetur reddere eosdem nummos in individuo, quos commodatos accepit, ſed tantum ſummam ejusdem valoris, nunquam liberatur quis ab obligatione reſtituendi aut ſolvendi debitum, niſi creditor, aut ex ejusdem commiſſione alius actu receperit ſummam mutuo datam. Ex quo ſequitur, in præſenti caſu Maximinum teneri de caſu fortuito, quo centum Imperiales perierunt, & obligari in conſcientia ad alios centum Imperiales Huberto numerandos. *Pontas.*

**CASUS XXVI.** Theodatus & Flavianus facto inventario Julii patris sui defuncti hæredes declarati jam solverunt creditoribus 3500. florenos, licet tota hæreditatis portio tantum 3000. florenos constitueret; intelligunt insuper ex inventario, 500. florenos a patre ex mutuis usurariis fuisse comparatos, quos, cum essent opulentiissimi, facile restituere possent. Tenenturne sub ratione hæredum restituere hanc summam?

¶. Si quis successionem acceperat beneficio inventarii, non tenetur ad solutionem debitorum, nisi quousque se extendit portio hæreditaria. Hinc Theodatus & Flavianus, licet aliunde opulenti sint, non tenentur dictos 500. florenos restituere; cum creditoribus patris jam solverint summam ipsa portione hæreditatis majorem. Ex eadem ratione idem dicendum, si bona defuncti publica autoritate vendita non sufficerent ad expungenda omnia debita; quo in casu hæredes isti obligari non possent ad residuum debitorum expungendum. *Pontas.*

**CASUS XXVII.** Clara parentibus orbata, a quibus jure hæreditario 4000. florenos acceperat, religionem ingredi cogitat; sed cum sciret, partem hæreditatis provenire ex lucro usurario, a patre suo fors bona fide comparato, dubitat, an in conscientia teneatur restituere asseverantibus, a se patrem has exegisse usuras; vel an totam hanc summam monasterio inferre possit, quin indagare debeat, qua ratione pater bona hæc acquisierit.

¶. Si dubium Claræ de injusta acquisitione bonorum sit bene fundatum, omni studio tenetur indagare veritatem rei; & si certo innotescat, patrem a quibusdam exegisse census usurarios, tenetur iisdem restituere, nec salva conscientia bona hæc in monasterium transferre posset, quod ingredi cogitat. Ex solo testimonio eorum, qui a patre se defraudatos queruntur, si de bona fide ipsorum non sit plene convicta, ad nullam tenetur restitutionem. Denique, etsi certa esset, partem bonorum injuste fuisse acquisitam, nesciret tamen, quibusnam debeatur restitutio, posset omnia bona paternam donare monasterio; quia sic impenderet in opus verum, id quod juxta S. Thomam 2. 2. q. 62. art. 5. ad 3. ad deonerandam illius conscientiam satis est. *Pontas.*

**NOTA.** Clara solum obliganda est ad restitutionem, si certa sit usuraria patris acquisitio; non autem si duntaxat prudenter de ea dubitet, nec dubium hoc possit tolli per certitudinem.

**CASUS XXVIII.** Amandus tutor Antonii ex pecuniis pupilli mutuo datis modo usurario eidem lucratus est 150. florenos. Potestne ex his ipsis pecuniis restituere injuste acquisita? An vero sufficit, si pupillum ea de re moneat, dum eidem de tutela sua rationem reddit?

3. Tenetur Amandus ex aere proprio restituere injustas usuras: debuisset enim pecuniam pupilli ita collocare, ut legitime fructificet. Dum igitur obligationi huic non satisfecerit, tenetur ipse non solum pupillo compensare damnum, sed & dictas usuras restituere. *Pontas.*

**CASUS XXIX.** Petrus in urgenti necessitate mutuum a Matthæo accipit summam 1000. florenorum ad tres annos cum promissione solvendi decem pro centum. Exacto triennio Matthæus obligatur a confessario, ut restituat injuste accepta pauperibus, non Petro, utpote merito privando restitutione usurarum, quas solvere nunquam debuisset. An iuste egit confessarius?

3. Juxta D. Thomam 2. 2. q. 62. art. 3. ad 2. restitutio facienda est Petro: solum enim ille, qui solvendo peccavit contra legem prohibentem, meretur privari solutis; nulla autem lex, nec divina nec humana inhibebat Petro solvere census usurarium in urgenti necessitate. Addi potest in favorem Petri, quod, etsi libere Matthæo usuras solverit, non tamen absolute renunciasse censeatur proprietati eorum, quæ solvit; quia solutio non fuit facta absque omni repugnantia, & cum omnimoda libertate, sed intervenit *involuntarium mixtum*, ut loquuntur Theologi. *Pontas.*

**CASUS XXX.** Falcidius mutuos accepit a Quintino ducentos florenos, & in affectionem debiti tradidit ei horologium aureum & monile margaritis distinctum. Post aliquot menses domus Quintini conflagravit; quo in incendio etiam horologium & monile perierunt, aut a furibus ablata fuerunt. An jactura hujus pignoris ferenda Quintino?

3. Jactura pignoris ex casu mere fortuito ferenda est Falcidio, quem traditio pignoris non privavit ejusdem proprietate. Si vero damnum evenisset ex dolo vel culpa lata aut *levi* Quintini, hic quoque ferre jacturam deberet, non tamen ex culpa *levissima*. Ratio, quam Inst. Lib. 3. Tit. 15. §. 4. Imperator Justinianus allegat, est, quia in omnibus contractibus utrique parti favorabilibus non præstatur culpa *levissima*, sicut nec casus pure fortuitus, sed tantum dolus & culpa lata ac *levis*; contractus autem pignoratitius utrique parti est favorabilis; creditori quidem, cui dato pignore magis

assecuratur debitum; & debitori, qui ope pignoris in necessitate facilius invenit mutuum subsidium. *Pontas.*

**CASUS XXXI** Gabinus promittit Gabriellæ matrimonium, & in sponfionis suæ arham 500. florenos ipsi in manus tradit; licet universa bona illius mille tantum florenos conficerent. Post aliquot temporis intervallum absque ulla causa promissi pœnitens tradens ipsi 500. florenos repetit. Teneturne Gabriella restituere hanc summam; maxime si Gabinus spondeat compensationem damni, quam vel ipsa jure petere potuerit, vel iudex aut æqui arbitri pronunciaverint?

¶. Gabriella ad nullam tenetur restitutionem: qui enim ad asseruendam fidem ac promissionem suam pignus tradit, censetur consentire in illius jacturam, si absque justa ratione promissis stare neglexerit. *Mutare consilium*, inquit regula juris 33. in 6. *quis non debet in alterius detrimentum.* *Pontas.*

**CASUS XXXII.** Henrieta filiafamilias Martialis, a quo per violentiam deflorata fuerat, minitabatur actionem criminalem, nisi dots loco daret 2000. imperiales. Martialis his minis perterritus dedit postulatam summam: Henrieta autem elapsis aliquot mensibus, cum nec commissum delictum nec illata violentia culquam innotuisset, eodem cum successu ac emolumento matrimonium contraxit, ac si dictam violentiam nunquam passa fuisset. An non tenetur restituere 2000. Imperiales; eo quod nil detrimenti incurrerit ex facto Martialis?

¶. Licite ac juste Henrieta retinet dictam summam; licet eam necdum acceptam jure a Martiali postulare non posset ante sententiam judicis: nunquam enim metus ex causa justa incussus, quantumcumque gravis, irritat donationem vel promissum, aut quemvis alium contractum, ut probat Azorius Instit. moral. part. 3. L. 4. c. 23. ex legibus Romanis, & ex unanimi Theologorum atque Canonistarum consensu. *Pontas.*

**NOTA.** Henrieta non haberet quidem jus determinate exigendi hanc summam; haberet tamen jus agendi apud judicem pro honestiori dote ad compensandam verecundiam a marito fuisseendam, si fors virgo non esse deprehenderetur. Si autem stuprator offerret æquam summam in compensationem injuriæ, posset & deberet ea acceptari ab oppressa.

**CASUS XXXIII.** Anatolius pro uno die operam suam locavit Leonidi ad transportanda vitra aliaque vasa fragilia, & nonnulla eorum confregit. Teneturne refarcire damnum?

¶. Si id ex culpa ipsius accidit, etiam levi, tenetur Leonidi refarcire damnum juxta legem *Si merces.* 25. §. 7. ff. Lib.

19. Tit. 2. quæ dicit : *Qui columnam transportandam conduxit, si ea, dum tollitur, aut portatur, aut reponitur, fracta sit, ita id periculum præstat, si qua ipsius eorumque, quorum opera uteretur, culpa acciderit. Culpa autem abest, si omnia facta sunt, quæ diligentissimus quisque observaturus fuisset.* Pontas.

NOTA. Omni lege civili; quæ procedit ex præsumptione, potentior est intentio contrahentium, ex usu aut circumstantiis sufficienter declarata. Non est autem verosimile. locatores suæ operæ, pærumque tenui aut mediocri fortuna præditos, & in rebus propriis quandoque incurios, se obligare velle ad amissionem omnium suorum bonorum, si committant culpam levem.

CASUS XXXIV. Alexius Juvenali Parisiis Aureliam profecturo commodavit equum, monito simul, ut de nocte silvam declinet latronibus infestam; hic autem spreto monito, velocitate equi armisque suis confusus per silvam iter instituit, ac graviter vulneratus equum cedere coactus est. Teneturne Alexio compensare pretium equi?

ꝑ. Cum hic agatur de commodato, & Juvenalis ipsemet ultro sese exposuerit periculo, tenetur Alexio solvere pretium equi, interveniente culpa etiam *levissima*. Commodatum, ait Lex Si ut certo, §. 2. ff. Lib. 13. Tit. 6. *plerumque solam utilitatem continet ejus, cui commodatur; Et ideo verior est Quinti Mutii sententia existimantis, Et culpam præstandam Et diligentiam.* Concordat etiam jus canonicum. Pontas.

CASUS XXXV. Albinus Conradus homini prudenti ac fidei dedit negotium reducendi ad Damianum equum sibi commodatum; Conradus autem pleno in meridie in via a prædonibus invasus amittit equum. Cuinam equi jactura ferenda est?

ꝑ. Si Albinus ab homine ignoto monitus fuisset, ut remittat equum, & huic equum reducendum tradidisset, absque dubio Albinus teneretur Damiano equi Domino solvere equi pretium. Verum in præsentē casu ad nihil tenetur; cum omnis casus fortuitus recidat in dominum rei, ut habetur Leg. *Argentum* 20. ff. Lib. 13 Tit. 6. ubi dicitur : *Argentum commodatum si tam idoneo servo meo tradidissem ad te perferendum, ut non debuerit quis asstimare futurum, ut a quibusdam malis hominibus diriperetur, tuum, non meum, detrimentum erit, si id mali homines interceptissent.* Pontas.

CASUS XXXVI. Paternus commodavit Juliano duo argentea candelabra, quæ Julianus cistæ clave obferatæ una cum propria sua supellectile argeitea inclusa asservabat in inferiori aula domus anterioris. Fures autem fractis emolis-

que ferreis fenestrarum clathris noctis beneficio hanc aniam ingressi omnes hujus cistæ supellectilem abstulerunt. Tene-  
turne Julianus in foro conscientiae Paterno restituere pretium  
candelaborum ?

ꝑ. Ad resolutionem præsentis casus aliorumque hujusmo-  
di distinguendæ sunt tres culparum species. Prima est culpa  
*lata* ; dum negligitur illud , quod nemo solet negligere ; &  
hæc culpa gravis est & inexcusabilis. Secunda dicitur culpa  
*levis* , quando negligitur id , quod homines ejusdem profes-  
sionis , status ac conditionis non consueverunt negligere.  
Tertia est culpa *levissima* , dum non omnis adhibetur indu-  
stria , quam adhiberet homo prudentissimus ac diligentissimus.  
His præsuppositis manifestum esse videtur , Julianum ab om-  
ni culpa immunem non esse , & saltem levissimam contraxis-  
se ; cum homo prudentissimus atque solertissimus nunquam  
res pretiosas , ut sunt utensilia argentea , in cubiculo domus  
inferiori plateam respicienti , in quod omnes adventantes  
ordinarie ingrediuntur , sed reponit in loco tutiori , ac fur-  
bus minus accessibili. Jam vero in contractu commodati ille ,  
in cujus solius utilitatem cedit , tenetur de damno etiam ex  
culpa levissima emergente , ut ait Imperator Justinianus Instit.  
L. 3. Tit. 15. §. 2. *Is , qui utendum accepit , sane quidem ex-  
actam diligentiam custodiendæ rei præstare tenetur ; nec sufficit  
ei tantam diligentiam adhibuisse , quantam suis rebus adhibere  
solutus est , si modo alius diligentior poterat eam rem custodire.*  
Julianus igitur tenetur Paterno restituere candelaborum præ-  
tium. *Pontas.*

CASUS XXXVII. Germanus cum percepisset , Leandrum  
amicum suum iter decem circiter leucarum institutum , ob-  
tulit ipsi equum suum per tres jam menses absque omni la-  
bore stabulantem , veritus , ne ex ipsa hac otiositate morbum  
contraheret. Leander oblato usus est equo , qui in itinere in-  
flammatione tonsillarum laborare cœpit ; cum vero istam  
morbi speciem non intelligeret , neglexit accedere veterina-  
rium , quem dimidia circiter leuca ab urbe , quam petebat ,  
remotum consulere potuisset , in urbe peritiorum reperturum  
se ratus. Ast equus , antequam in urbem venerat , periit.  
Teneturne in conscientia solvere pretium equi ?

ꝑ. Cum Leandri culpa levissima sit , obligari in conscien-  
tia non potest ad solvendum pretium equi. Exigua oppidi ab  
urbe distantia , & conceptum consilium peritiorum in ea re-  
periendi equorum medicum sunt duæ circumstantiæ , quæ  
Leandrum ut plurimum excusare videntur. Ad hæc si com-  
moda-



modatum cedit non solum in utilitatem commodatarii, sed & commodantis, ut fiebat in præfenti casu, commodatarius non tenetur ad compensationem damni ex culpa levissima accidentis, ut colligitur ex lege *In rebus.* 18. ff. Lib. 13. Tit. 6. *Pontas.*

CASUS XXXVIII. Aurelius titulo precarii commodavit Bernardo pallium, quod ex ipsius imprudentia post biduum fuit furto ablatum. Teneturne Bernardus solvere pretium pallii?

3. Qui titulo precarii quidquam accipit, solum tenetur de damno proveniente ex dolo vel culpa lata. Hinc si pallium ablatum fuit Bernardo ex ipsius culpa *levi* tantum in sensu, quo terminum hunc leges accipiunt, in foro interno non tenetur ad solvendum valorem pallii. *Dolum solum*, dicitur Leg. Quæsitum. 8. §. 3. ff. Lib. 43. Tit. 16 *præstat is, qui precario rogavit; cum totum hoc ex liberalitate descendat ejus, qui precario concessit; Et jatis fit, si dolus tantum præstetur. Culpam tamen (latam) dolo proximam contineri quis merito dixerit.* *Pontas.*

CASUS XXXIX. Meletius rogavit Leonardum, ut sibi ad tempus ex ipsius dependens arbitrio gratuitum concederet usum quorundam mobilium sibi necessariorum. Leonardus annuit ipsius petito, elapso tamen mense ea repetiit. Meletius vero ob quasdam rationes restitutionem earum recusat invito quidem Leonardo. Post quatuor dies contigit, ut a furlibus prædicta mobilia ablata, aut incendio consumpta fuerint. Quis igitur eorum jacturam harum rerum ferre tenetur?

3. In casu proposito de *precario* agitur; hinc Meletius, qui has res precario acceptas reddere suo domino eas repenti renuit, tenetur earum jacturam ferre, *Pontas.*

CASUS XL. Sejus acceptata ab Alberto oblata sibi gratuita procuracione negotiorum ipsius semper quidem bona fide egit, cum aliqua tamen negligentia, quæ in causa fuit, quod Albertus in prosecutione cujusdam litis expensas facere debuerit centum florenos. Tenetur Sejus Alberto restituere hos 100. florenos?

3. Certum est, quod procurator & mandatarius, etsi gratis in se suscepit curam gerendi negotia alterius, obligetur in conscientia ad adhibendam eandem curam, quam homo prudens ac diligens in rebus suis propriis adhibere consuevit. Tenetur igitur Sejus Alberto præstare damnum ex sua negligentia illatum, & restituere centum florenos inutiliter expensos. *A procuratore dolum & omnem culpam, non etiam improvisum*

*calum præstandum esse juris auctoritate manifeste declaratur. Leg. A procuratore. 13. Cod. Lib. 4. Tit. 35. Pontas.*

*NOTA.* Si negligentia fuit talis, qualem Sejus in suis propriis facile committeret negotiis, præsumi non potest, eum habuisse intentionem se obligandi gratuito ad præstandam culpam ejusmodi levem.

**CASUS XLI.** Lucius Titio mandat curam suorum negotiorum, & culturam agrorum pertinentium ad Marcium amicum suum. Titius gratuito mandatam sibi provinciam in se suscipit; postea autem ex ipsius negligentia accidit, ut Marcio damnum 500. florenorum illatum sit. Peccavitne Titius sua negligentia? num etiam tenetur rescire damnum Marcio illatum, quocum nullam inest conventionem?

*ꝯ.* Titius sua negligentia peccavit, & tenetur refundere Marcio damnum, quod intulit: sufficit enim, quod convenit cum Lucio etiam de agris Marcii. *Mandatum inter nos contrahitur, sive mea tantum gratia tibi mandem, sive aliena tantum, sive mea & aliena; aliena tantum, veluti si tibi mandem, ut Titii negotia gereres.* Leg. *Mandatum.* 2. ff. Lib. 17. Tit. 1. Notandum tamen, quod hucusque dicta solum intelligenda sint de procuracionibus aut commissionibus, per quas alicui expressis terminis injungitur onus per modum conventionis obligatoriae; non autem de commentationibus, quibus unus alteri sua commendat negotia, v. g. precatione, consilio vel alio modo non habente vim conventionis aut obligationis, relicta illi plena libertate curandi vel non curandi negotia ipsi commendata. *Pontas.*

*NOTA.* Vide notam in responsione ad cas. 40.

**CASUS XLII.** Bartholus rogavit Ægidium, ut apfissimo, quo fieri posset, tempore pratum suum demetendum curaret. Annuit Ægidius; sed, cum tempus maxime opportunum neglexisset, scenum ex ingruente pluvia notabiliter corruptum est. Teneturne in conscientia ad aliquam compensationem; quamvis solum eam curam in se suscepit, ne Bartholi offensam incurreret?

*ꝯ.* Excusari non potest Ægidius a culpa saltem levi; & hinc tenetur rescire damnum, sive dein gratuito acceptaverit hanc commissionem, quod in jure *mandatum* dicitur, sive pro certa pecuniæ summa a Bartholo promissa hanc curam & laborem in se suscepit, quod vocatur *locatio operarum.* *Pontas.*

Vide cas. 40. 41.

**CASUS XLIII.** Dracontius acceptata a Claudio sibi commissa negotiorum gratuita procuratore, eorum gerendorum tandem pertæsus officio suo deesse cœpit, ex quo Claudius damnum passus est 400. florenorum. Teneturne Dracontius reparare damnum?

¶. Si Dracontius de mutatione voluntatis suæ prius Claudium non monuit, cum tamen id fieri potuisset, tenetur Claudio resarcire damnum. *Quod si, cum possit, nunciare cessaverit, quanti mandatoris intersit, tenebitur: si aliqua ex causa non poterit nunciare, securus erit. Leg. Si quis. 27. §. 2. ff. Lib. 17. Tit. 1. Pontas.*

**CASUS XLIV.** Gratianus nobilis juvenis Parisiis obiit, quem Alphonsus amicus ipsius humandum curavit, persolutis in sumptus funerales 150. florentis. Verum hæres Gratiani de expensarum excessu conquestus noluit integram compensationem præstare Alphonso Num salva conscientia?

¶. Si constat, dictas expensas prudenter & bona fide fuisse factas, hæres Gratiani in conscientia tenetur Alphonsum indemnem reddere. Si vero constaret de opposito, hæres posset deducere partem sumptuum superfluum, & non teneretur in foro interno ad solutionem expensarum imprudenter factarum. *Pontas.*

**CASUS XLV.** Eustochius Principem suum ut officialis domesticus in Germaniam comitatus domum suam reliquit ruinæ proximam, quin cuiquam ejusdem curam commisisset. Sempronius amicus ipsius domum ex omni parte fulcris sustentandam curavit: verum post ætidium ea vehementi vento concussa penitus corruit, frustratis sine suo expensis Sempronii. Cum postea Eustochius domum rediisset, petit ab eo Sempronius 60. florenos ad fulciendam domum expensos. Num juste hanc compensationem denegat Eustochius?

¶. Omnes leges in eo conveniunt, ut, quisquis ex mera benignitate ac amicitie studio in urgenti necessitate absentis negotia gerit, indemnus fervetur. *Si quis absentis negotia gesserit, licet ignorantis, ait L. Si quis. 2. ff. Lib. 3. Tit. 5. tamen quidquid utiliter in rem ejus impenderit, habeat eo nomine actionem.* Hinc Eustochius tenetur Sempronio resarcire expensos sexaginta florenos. *Pontas.*

Vide cas. seq.

**CASUS XLVI.** Probus sciens, Rollando amico suo absentis, nec ante semestre redituro intentatam a Cajo fuisse actionem pro solutione mille florenorum, quos sibi deberi falso affirmabat, spondanee amici causam defendendam suscipit, cum sufficientes haberet probationes injuste a Cajo factæ peti-

stitutionis. Cum autem ante aliquot menses Rollandus oblisset, Probus a defendenda causa ipsius penitus abstinet, quo factum, ut dicti mille floreni Cajo adjudicati fuerint. An hæres Rollandi cognita causæ serie iuste a Probo petit compensationem mille florenorum?

ꝑ. Leges civiles neminem cogunt ad suscipiendam curam negotiorum alienorum, nisi quis ad id teneatur vi officii v. g. tutoris vel curatoris. Si quis vero ultronee ac propria voluntate alterius negotia curanda suscepit, tenetur ea prosequi usque ad finem, nec ipsi liberum est a suscepta cura desistere; ex quo sequitur, quod teneatur rationem reddere suæ administrationis. Rationem allegat Imperator Justinianus Instit. L. b. 3. Tit. 28. §. 1. *Sicut is, qui utiliter gessit negotia, dominum habet obligatum negotiorum gestorum; ita & contra iste quoque tenetur, ut administrationis reddat rationem.* Tenetur itaque Probus reparare damnum illatum hæredi Rollandi. Nec juvat dicere, quod mors Rollandi plane libertatem ipsi dederit ab incepto negotio desistendi: nam & hoc effugium sublatum est Lege Nam & Servius. 21. §. 2. ff. Lib. 3. Tit. 5. dicente: *Si vivo Titio negotia ejus administrare capi, intermittere mortuo eo non debeo . . . . nam quæcumque prioris negotii explicandi causa geruntur, nihilum refert, quo tempore consummentur, sed quo tempore inchoarentur.* Pontas.

Vide cas. 45.

CASUS XLVII. Valerio in regione longinqua degenti intentata est actio injusta; & Palæmon amicus Valerii sua sponte absque omni mandato amicum absentem contra actores defendendum suscipit. Verum pendente lite ex defectu prudentiæ commisit notabilem errorem, aut saltem levem, Valerio tamen valde nocivum. An tenetur reparare damnum Valerio illatum?

ꝑ. Si nemo alius negotia absentis Valerii curare voluerit, Palæmon solum tenetur ad reparandum damnum culpa gravi & notabili illatum. Si vero rationabiliter prævidere potuit fore alium, qui negotia ejusdem gerere vellet, & semet ipsum illi prætulerit, tenetur ad reparationem damni non solum ex culpa notabili, sed etiam levissima illati, cum alium fors diligentiorum ac peritiorum impedierat in gerenda cura negotiorum Valerii. Observandum hic, quod quandoque quis secundum Glossam etiam teneatur de casu fortuito. v. g. 1. Si quis se ingesserit causæ pupilli, semper perquam favorabili. 2. Si propria sponte alienis se negotiis immiscuit, alter us bona usurpandi animo. 3. Si ultro pro alio novas & extra ordinarias causas attentavit nulla re urgente, ut si illo  
inficio

in sclo alicui se implicuisset commercio. 4. Si casus fortuitus accidisset ex commissa ab eo culpa. 5. Si denique injustæ moræ reus foret. *Pontas.*

**CASUS XLVIII.** Aristus causam amici sui Claudii absentis, cujus omnia bona sequestrabantur, suscepit ex amicitæ motivo; quam ob rem coactus erat aut mutuam accipere pecuniam pro censu annuo, aut propriam suam impendere, quam alias in commercium lucratorium expendisset. Teneaturne Claudiu in conscientia non solum summam principalem restituere, sed & persolvere censum annum, aut compensare Aristo damnum ex impensa propria pecunia emergens?

3. Tenetur non solum restituere Aristo summam principalem mutuo acceptam, sed & præstare censum pro dicta pecunia. Tenetur insuper compensare lucrum, quod iuste ac legitime Aristo accedere potuisset, si pecuniam suam collocaisset in commercium. *Ob negotium alienum gestum sumptuum factorum usuras præstari bona fides suavit.* Leg. *Ob negotium.* 18. Cod. Lib. 2. Tit. 19. *Pontas.*

**CASUS XLIX.** Fabricius gemmarius ad incitas redactus jam instar servi conductitil operam suam locat illis eandem professionem exercentibus ad vendendas & emendas gemmas, qui ipsi pro mercede industriæ suæ solvunt dimidium pro centum absque eo, quod ipsemet ab emptoribus obtenturus est. Huius Paulinus & ipse gemmarius committit vendendum adamantem pro 3000. florenis, si fieri possit. quem Fabricius exhibet Barnabæ; qui pro eo solum 2150. florenos offerebat. Cum vero Paulinus pluris æstimaret adamantem, Fabricius altera die ipsum adit, illique significat, oblatos sibi esse pro adamante 2250. florenos; Paulinus vero expresse vult, ut adamas aliis etiam ac pluribus venalis exponatur, tenteturque, an non 2500. aut saltem 2400. florenis vendi possit; hoc pretium si obtineri non valeat, assentit tandem, licet ægre, ut vendatur 2250. florenis. Fabricius secum reputans, brevi tempore haud modicum sibi lucrum ex hoc adamante accessurum, eum sibi retinet, solutis Paulino ex ære proprio 2250. florenis, a quo insuper recipit 70. florenos, mercedem industriæ suæ. Elapsa vix septimana Fabricius denuo accedit Barnabam, eique significat, Paulino haud alio quam 2400. florenorum pretio venalem esse adamantem, quos ille solvit, additis in lucrum Fabricii pro negotiationis industria 30. florenis. Et sic factum, ut Fabricius hac occasione lucratus fuerit 250. florenos. Jam quæritur, an Fabricius adamantem pro se ipso emere potuerit, & tamen pro sua industria ab emptore

ptore secundo ac venditore primo recipere 100. florenos : & si ad restitutionem teneatur , cuiam & quomodo facienda sit restitutio.

3. Bona fides anima esse debet omnium contractuum , conventionum , ac reciprocorum inter homines officiorum. Paulinus ex parte sua optima fide egit cum Fabricio ; hic autem contractus cum Paulino conventioni in pluribus infidelis existit , dum suum mandatarii ac proxenetæ officium infcio mandante ac constituyente dimisit , ac semetipsum adamantis emptorem fecit , neglectoque commodo Paulini uice lucro proprio inhævit ; licet proxeneta utilitatem illius , a quo merces vendendi negotium accepit , eadem cura , solertia ac fidelitate promovere teneatur , qua rebus propriis invigilare solet. Hinc non solum tenetur Fabricius restituere Paulino 150. florenos injuste ipsi substractos , sed etiam receptos a Paulino & Barnaba mercedis instar 100. florenos. *Pontas.*

**CASUS L.** Genesius thesaurarius Principis summam 25000. florenorum , quam a variis fundorum aut ædium locataris receperat , quæque ad solvendum officialibus ac famulis aulicis salarium destinata erat , commercio aut cambio ad duos vel tres menses commisit , & inde lucratus est 2000. florenos. Potestne salva conscientia hoc lucrum sibi retinere ? An non Principi illud cedere tenetur ?

3. Absque injustitia hoc lucrum sibi retinere potest Genesius ; dummodo nec Principi , nec iis , in quorum salarium hæc summa destinata erat , ullum damnum intulerit : lucrum enim hoc unice attribuendum est ipsius industriæ , & non pecuniæ , utpote quæ ex natura sua sterilis nihil potest producere. Præterea ejusmodi aulæ ministris exacte reddenda est ratio acceptarum pecuniarum , & propterea ab ipsis ordinarie cautiones exiguntur. Accedit , quod Principes ac Magnates plerumque sciant , thesaurarios suos , quamdiu hujusmodi pecuniæ in eorum hærent manibus , eas in lucrum suum convertere , ut adeo tacite consentire videantur. Sic respondet S. Antonius 2. part. Summ. Theol. Tit. 1. §. 1. *Pontas.*

**NOTA.** Tenetur tamen Genesius ad restitutionem Principi aut famulis , si solutionem illi vel istis faciendam diutius retardasset ; aut locataris , si ab iis anticipatam solutionem extorsisset ; aut ærario Principis , si illi post mortem solum cederet sua debita activa incertæ solutionis.

**CASUS LL.** Amabilis habens actionem contra quemdam privatum , advocatum suum elegit Bartholum , illique anticipato solvit decem aureos , ut ad defensionem causæ se præpararet.

pararet. At lite nimium protracta Bartholus moritur, priusquam defensionem causæ incepisset. An hæredes ipsius tenentur restituere dictos aureos Amabili illos repetenti?

R. Non tenentur: Bartholus enim jam discutiendam suscepit causam Amabilis ante obitum suum, paratusque erat ad eam defendendam, si eo superstite in iudicium deduci potuisset. *Divus Severus ab hæredibus advocati mortuo eo prohibuit mercedem repeti; quia per ipsum non steterat, quo minus causam ageret.* Leg. Præses. 1. §. 13. ff. Lib. 50. Tit. 13. Pontas.

NOTA. Ex hoc ipso responso sequitur, hæredes ad restitutionem obligandos, si Bartholus discussionem causæ neglexisset.

CASUS LII. Heraclides triginta aureos, quos Phocioni abstulerat, exposuit lufui, in quo 250. florenos lucratus est. Teneturne cum triginta aureis etiam lucrum Phocioni restituere?

R. Juxta D. Thomam 2. 2. q. 78. art. 3. C. non tenetur restituere lucrum, sed solum ablatos aureos, & compensare damnum rei ablatæ domino illatum. Cabassutius Jur. Can. Theor. & prax. l. 6. c. 11. n. 2. hanc allegat rationem; quia id lucrum est fructus ejus singularis industriæ aut fortunæ: hæc autem cum sint personalia, si nullum pactum in oppositum intercessit, non fructificant nisi soli personæ, in qua sunt. Pontas.

NOTA. Peccavit tamen Heraclides gravissime furtivam pecuniam exponendo periculo deperdendi, aut difficilem vel omnino impossibilem reddendi restitutionem.

CASUS LIII. Nebridus & Licinius ad decem annos societatem universalem inierunt omnium bonorum suorum, mobilium & immobilium, præsentium & futurorum absque ulla exceptione. Contigit autem biennio post, ut Nebridus jure hæreditario aquireret domum, cujus redditus per quinque annos sibi soli reservavit, nullam Licinio partem competere ratus. Verum Licinius dimidium pretii ex locata domo sibi deberi prætendit. Num jure?

R. Nebridus teneturolvere Licinio dimidium pretii ex locatione domus percepti: eadem enim est ratio societatem bonorum inter se habentium & cohæredum. Nec etiam bona fides Nebridium eximit a restitutione fructuum hucusque perceptorum. Pontas.

CASUS LIV. Leo in publica urbis platea invenit crumenam decem aureos Francicos continentem, ignorans, ad quem pertineat hæc pecunia. Vel invenit quidpiam aliud æstima-

firmatione dignum in platea vel alio in loco. Teneturne restituere? Et posito quod teneatur, cuinam & quomodo facienda est restitutio?

¶. Juxta S. Thomam 2. 2. q. 62. art. 5. ad 3. Leo non potest sibi retinere hos aureos; & si ignoret ad quem pertineant, tenetur eos convertere in usus, quos eorum domino judicaverit utiliores & magis acceptos, ut saltem fructus spirituales hujus boni temporalis redundant in dominum. Tenetur igitur Leo has pecunias erogare in pauperes, & si ipsemet sit pauper, consulere confessarium, a quo permitti poterit, ut inventam summam sibi retineat. Verum si pretiosas gemmas aut margaritas ad litus maris in arena dispersas reperiret, eas sibi vindicare posset. *Pontas.*

¶. Nota. Hinc responsioni opponi posse videtur communis sensus omnium hominum, qui inventores arbitrantur felices, quales tamen non essent, si daretur obligatio justitiæ inventa erogandi in causas pias. In Germania plerique Doctores, maxime insigniores docent, res inventas, si non reperiat dominus, posse retineri ab inventore; cumque obligatio eas convertendi in causas pias vel deobligatio dependeat ex intentione ac tacto contractu populi, cujus os sunt Doctores, dicendum, quod in Germania hæc obligatio non detur; quia universim in rebus disciplinæ ac arbitrariis Doctores formant mentem populi, sicque vel inveniunt vel faciunt legem.

**CASUS LV.** Gualterus inventa crumena triginta aureis referta omni, qua potuit, diligentia per sex menses inquisivit in dominum, sed frustra. Consultit igitur eapropter confessarium, eoque authore inventam pecuniam donat communi civitatis hospitalli, in cujus territorio eam invenerat. Elapso vix mense comperit, crumenam pertinere ad Benedictum, qui & eandem repetit. Teneturne Gualterus in foro interno restituere dictam summam ex propriis?

¶. Non tenetur restituere ex propriis: possessores enim bonæ fidei rebus ad alium pertinentibus bona fide consumptis solum tenentur restituere id, ex quo facti sunt locupletiores. Hinc Gualterus, qui inventam pecuniam volente confessario donavit hospitali, coram Deo & mundo absolvendus est ab obligatione restituendi. Observandum tamen, in ejusmodi casibus res inventas non nisi hac conditione esse donandas, ut, si dominus earum cum tempore innotescat, restituantur illi. *Pontas.*

¶. Nota. Hic casus ostendit, exoptabilis esse Domino rei, si inventor non obligetur ad expendenda inventa in causas pias, ut semper possit facile conveniri professor rei. Et vere in hoc casu ad restitutionem obligandus videtur confessarius, præsertim si suavisset, ea sibi

vel



vel suis applicanda in stipendia missarum; eo quod usus fuisset sententia mere probabili in præjudicium tertii, & ob jus incertum privasset dominum rei jure certo domini civilis vel actionis utilis pro recuperatione rei.

**CASUS LVI.** Metellus sacculum repererat viginti quinque florenos una cum aliquot chirographis tabellario solvendis continentem, eumque ad Fabium amicum suum pertinere comperit, ad quem ocyus per famulum domesticum inventa remittit; sed ea omnia a duobus militibus forte occurrentibus famulo errepata sunt. Teneturne Metellus ad restitutionem?

*ꝑ.* Dicendum videtur, Metellum in conscientia haud obligari ad ullam restitutionem: juxta principium jura enim *Cap. Cum gratia. unic. Lib. 3. Tit. 15. quoties omni debitoris culpa seclusa res debita perit, domino suo perit.* Tota ergo jactura ferenda est Fabio. *Pontas.*

**CASUS LVII.** Crassus foricarius labore suo distentus forte reperit capsulam cupream quadraginta aureos continentem, eosque suis necessitatibus applicat. Teneturne eos restituere? & cui?

*ꝑ.* Si Crassus persuasum sibi habeat, hanc summam non esse legitime a se acquisitam, vel solum prudenter de eo dubitet, tenetur in conscientia ad restitutionem: nam semper datur obligatio restituendi rem male fide acquisitam, licet jam consumptam, & solum dubium sufficit ad destruendam bonam fidem. Si vero Crassus hos aureos bona fide consumpsisset in firma persuasione, faventem fortunam eorum dominium in se transtulisse, non tenetur restituere, nisi in quantum factus est ditior: in eo enim casu obligaretur ad restitutionem, quamvis ea fieri non posset sine proprio incommodo. *Pontas.*

*NOTA.* Hæc responsio probari haud posse videtur: non enim proprium cujusque judicium in regulam erigendum, sed per sanam doctrinam regulandum est. Crassus adhibita morali diligentia pro detegendo vel inventæ domino eam tamdiu servet, donec ejusdem detegendi omnis spes evanescat.

**CASUS LVIII.** Callistrates præmeditate occidit Medericum opificem, qui unice per laborem suum nutrieat patrem, uxorem & infantulum, omnes ad comparanda sibi vitæ necessaria impotentes. An Callistrates a confessario obligandus est, ut præfatis necessariam, eorumque conditioni competentem sustentationem procuret? Potestne ipsi denegari absolutio, si id oneris non suscipiat?

*ꝑ.* Qui

q. Qui occidit alterum extra casum justæ ac necessariæ defensionis propriæ vitæ, tenetur coram Deo refarcire omnia damna per homicidium illata juxta æquitatem & æstimationem hominum prudentum & doctorum; & consequenter Callistrates tenetur sollevare non præsentem solum, sed & futuram necessitatem, ad quæ pater, uxor, & infantulus occisi fuerunt redacti. *Si interfector sustentabat reliquas personas*, inquit S. Antoninus 2. part. Summæ Theol. Tit. 2. c. 2. §. 2. *ut patrem, filios & hujusmodi operibus manuum suarum, teneatur interfector omnibus illis ad tantum, quantum illis abstulit subsidii propter occasionem ejus.* Si pœnitens hanc obligationem acceptare renuat, deneganda est ipsi absolutio. *Pontas.*

CASUS LIX. Plüstrates Clodionem, cui jam diu infensus erat, obviam forte sibi factum aggredditur, illique lectu gladii manum amputat. Teneturne ad aliquam restitutionem?

q. Si Clodion sit epifex, & mutilatio sit in causa, quominus sustentationem suam sibi comparare possit! tenetur Plüstrates sub peccato mortali reparare omne damnum sua mutilatione illatum. Ita S. Thomas 2. 2. q. 62. art. 2. ad 1. Et quia damnum illatum redundare potest in familiam mutilati, & durare quoad dies vitæ, mutilator etiam respectu hujus circumstantiæ juxta S. Antoninum supra citatum ad reparationem damni tenebitur. *Pontas.*

CASUS LX. Protasius non tam nobilitate quam morum pravitate insignis, cum frustra tentasset corrumpere Amaliam filiamfamilias proxime nupturam, nares illi amputavit aut oculum effodit. Teneturne ad aliquam restitutionem?

q. Si Amalia non possit in hoc statu inire matrimonium ejusdem emolumenti, quo antea, absque dubio Protasius tenetur illi reparare damnum a se illatum, v. g. augmento dotis, ita ut hoc modo æque proficuum connubium sperare possit. *Pontas.*

CASUS LXI. Odo nobilis contra Balduinum hominem plebejum vindictam meditatus falso affirmat, se ab eo furto fuisse læsum. An tenetur Odo reparare damnum, quod Balduino sua calumnia intulit? Aut posito, quod verum dixerit, ad quid tenetur?

q. Si Odo falso Balduinum furti infimulavit, tenetur id declarare: *tenetur restituere famam confitendo, se falsum dixisse*, ut ait Doctor angelicus 2. 2. q. 62. art. 2. ad 2. Si vero propalatum crimen veritate nitatur, & si propalatio sit injuste facta & animo vindicativo, fateri tenetur, se ex passione sic fuisse locutum, hominemque hunc injuste diffamasse. Si modus iste ad reparationem damni baud sufficiat, juxta eundem S. Thomam ibid. *tenetur, quantum potest, sine mendacio tamen.*

Si

Si insuper per calumniam intulit proximo *damnum* in bonis fortunæ, etiam istud refarcire tenetur. *Pontas.*

*Nota.* Si quis diffamando proximum vera dixit, & videat, bonam famam diffamati esse nocivam Deo, Ecclesiæ, Reipublicæ vel communitati, non tenetur restituere seu reparare famam. Si autem videat, ejus famam esse utilem Ecclesiæ vel Reipublicæ, tenetur ejusdem famam celebrare in aliis objectis.

**CASUS LXII.** Hippolytus atrociter columniatus est Sabinum, qui tamen testibus fide dignis se purgavit a calumnia, & effecit, ut Hippolytus pœnam in calumniatores latam subire coactus sit. An Hippolytus nihilominus tenetur revocare, & insuper compensare expensas, quas Sabinus facere debuit ad sui defensionem?

*¶.* Si revocatio jam sit inutilis Sabinio, Hippolytus non tenetur revocare: tenetur tamen in conscientia reparare *damnum*, quod per calumniam passus est Sabinus, & restituere expensas in suam defensionem necessario factas. *Pontas.*

**CASUS LXIII.** Farulphus calumnia & infamia affecit Theocritem vicinum suum, qui tamen generose injuriam ipsi condonavit. An nihilominus teneatur Farulphus reparare famam offensi, expresse hanc obligationem offendenti condonantis?

*¶.* Tenetur duntaxat satisfacere Deo per sinceram poenitentiam, & vivere cum Theocrite ex præscripto charitatis proximo debitæ. Facta autem condonatione ad reparationem famæ non tenetur, maxime si Farulphus sit persona privata, de cujus fama nec Ecclesiæ nec Reipublicæ particulariter interest. *Pontas.*

*Nota.* Etsi Theocrites sit persona privata & pauperrima, tenetur tamen calumniator revocare, si falsa dixit, etsi ipse supremus Princeps foret: in Christo enim omnes pares sumus, & calumnia gravius affligit miseros quam divites.

**CASUS LXIV.** Clemens & Judas mercatores ac concives mutuis se calumniis dilacerarunt. Unus eorum sese offert ad reparandam alteri injuriam, qui autem non solum idem facere recusat, sed & concivem suum diffamare pergit. An prior tenetur sub peccato mortali reparare famam alterius?

*¶.* Cum ambo sint ejusdem conditionis, & utriusque delictum æquale, uterque tenetur æqualiter ad reparationes famæ læsæ. Cum igitur unus eorum huic obligationi satisfacere renuat, alter quoque ab ea eximendus videtur: necesse

tamen est, ut ambo coram Deo factam sibi invicem injuriam ex corde condonent. Observandum hic, quod, si inæqualis forent conditionis, & unus alteri notabiliter graviolem intulisset injuriam, ille, qui gravius offendit alterum, non posset uti jure compensationis. *Pontas.*

NOTA. Ne detur mutua prioritas excusationum in peccatis, tenetur quilibet prævenire alterum revocando calumniam & condonando injuriam.

**CASUS LXV.** Olivierus judicialiter fuit accusatus de commisso furto, & Artus testis fide dignus contra ipsum deponit. Olivierus autem ex actis authenticis probare potest, Artum in alla occasione falsum deposuisse testimonium, & hæc acta in judicio exhibet, quæ Artus publice diffamatus est. Teneturne Olivierus coram Deo injustam Arto diffamationem resarcire? & quomodo?

¶. Supposito, quod Oliviero, alia sese purgandi via non patuerit, & quod exhibitio actorum servare valeat ad sui defensionem & testis reprobationem, utpote jam semel de falsitate convicti, Olivierus ad nullam tenetur famæ reparationem. *Si autem detectio criminis alieni*, inquit Sylvius in 2. 2. q. 62. art. 2. *quæsitio 10. non sit necessaria ad famæ tuæ defensionem; sive quia potes aliter eam tueri, ut juramento vel testibus; sive quia tale crimen alienum detegere est ad tuam defensionem impertinens; peccas contra justitiam illud detegendo, & ad restitutionem obligaris.* *Pontas.*

NOTA. Id Oliviero licet, si est innocens. Si autem est reus, & contra ipsum jam aliunde probatio habeatur semiplena, tenetur fateri crimen. Exceptio tamen contra Artum uti potest, ne habeatur pro legaliter convicto.

**CASUS LXVI.** Graciliannus conscius furti a Rauldo secreto commissi, eum, ut ipsius exitum promoveat, judicis denunciat. An tenetur Rauldo reparare injuriam ex mera vindicta illatam?

¶. Gracilianus non peccavit quidem contra justitiam, peccavit tamen contra charitatem; & hinc ad nil aliud tenetur quam ad poenitentiam de suo peccato contra charitatem proximi commissi. *Aliquis potest alicui famam tripliciter auferre*, inquit S. Thomas 2. 2. q. 62. art. 2. *ad 2. uno modo verum dicendo & juste; puta cum aliquis crimen alicujus prodit ordine debito servato: & tunc non tenetur ad restitutionem famæ &c.* *Pontas.*

**CASUS LXVII.** Marcellus textor sericarius publico rumore furti notabilis Parisiis commissi infamatus inde aufugit pœnam evasurus, & Lugdunum se contulit, ubi crimen hoc penitus ignotum erat, & verosimiliter nunquam innotuisset, nisi Eutropius furti conscius id ibi manifestasset, & insuper iis indicasset, qui Marcelli operam conduxerant. Peccavitne Eutropius, & num etiam ad aliquam reparationem famæ tenetur?

g. Hand dubie peccavit gravissime contra præceptum charitatis naturale & divinum, quod vult, ut non faciamus alteri, quod nobis fieri nolumus; & quidem vix possibile erit eum excusare a peccato mortali in hisce circumstantiis facti; eo quod, ut supponitur, nec bonum publicum nec cuiusquam privatum eum moverit ad hanc manifestationem. Licet verum sit, Marcellum commissio furto publice infamatum excidisse jure ad famam suam Parisiis, & ubique demum, ubi publica crimen ipsius notitia patet; non tamen inde sequitur, illum hoc jure suo sine justa causa privari posse etiam in locis remotioribus, in quibus mala ipsius agendi ratio erat incognita, & fors nunquam in notitiam ventura impofterum. Nihilominus si Marcellus de furto judicialiter convictus publice pœnam afflictivam aut infamatoriam subiisset, Eutropius ad nullam teneri reparationem videtur ob factam Lugduni publicationem; quia 1. quilibet habet jus sciendi judicia publica ubicumque demum lata. 2. Quia mens legis est, ut infamia publica constituat partem pœnæ per sententiam condemnatoriam in reum latæ. Verum cum sententia publica judicialis in Marcellum non fuerit pronunciata, Eutropius in conscientia obligatur non solum ad reparationem pecuniariam, sed etiam, quod difficilius est, ad restitutionem famæ læsæ. *Pontas.*

**NOTA.** Si Marcelli crimen jam erat notorium Parisiis, & si timetur, ejus bonam famam fore nocivam Lugdunensium non nullis, non videtur dari obligationem restituendi. Vide *Cas. 66.*

**CASUS LXVIII.** Bertholdus contra regulas fraternæ correctionis publice divulgavit crimen occultum Natalis, & quidem ita, ut non amplius possit restituere ablatam Natali famam. Potestne, aut etiam tenetur jacturam famæ reparare oblata summa pecuniaria?

g. Juxta S. Thomam 2. 2. q. 62. art. 2. ad 1. certum esse videtur, quod Bertholdus per pecuniam teneatur reparare jacturam famæ ablatæ. *Consentiunt omnes, inquit Covarruvias var. resol. L. I. c. 2. n. 8. famam posse pecunia compensari; tamet*

*met si maxima affirmationis fama sit. Sic etenim aurum est pretiosius argento; & tamen magnum pondus argenti prævalet parvo auri ponderi. Ex quo patet, famam & honorem, ut res exteriores, hominum arbitrio subiici. Pontas.*

NOTA. Propalatores criminis veri non obligandi esse videntur ad restituendum in pecunia. Aliquando etiam Reipublicæ interest nosse vere malos.

**CASUS LXIX.** Cleonides ante duos vel tres annos honori cujusdam puellæ detraxit, quæ tamen hoc non obstante prosperrimum contraxit matrimonium, suoque cum marito in summa vivit concordia. Cleonides jam tandem confitetur hoc peccatum, quod hucusque memoriæ non occurrerat. An a confessario obligandus erit ad reparandam puellæ injuriam?

R. Si detractio in audientibus nullam fecit impressionem, vel si detrahens verosimile judicet, detractorem jam esse oblivioni datam, vel denique si malum de puella propalatum postea certo innotuit, non est obligandus ad reparationem famæ. Idem dicendum; si quis per reparationem injuriæ sese exponere deberet periculo vitæ, aut sustinendi notabile malum in bonis aut persona sua. Verum si etiam diffamatus de vita periclitaretur, calumniator ad reparationem teneretur cum periculo propriæ vitæ; dummodo per detectionem calumniæ suæ possit salvare innocentem: *Hoc tamen intellige, inquit Cabasilus L. 6. c. 22. n. 2. modo suam declarando nequitiam liberaturus sit innocentem: nemo enim tenetur ad inutile opus cum proprio gravi incommodo. Pontas.*

NOTA. Hæc doctrina, quod periculum incurrendi notabile malum a restitutione famæ excuset, nisi diffamatus ipse periclitaretur de vita, adversari videtur naturali principio: *Quod tibi non vis fieri &c.* saltem in casu, quo quis falsum crimen sparsit de aliquo.

**CASUS LXX.** Theophrastes Superior monasterii sciens, quod quidam suorum subditorum perversam inter alios doctrinam seminaret, eum clam corripit ex præscripto Evangelii; cum autem nulla fuisset secuta emendatio, rem detegit toti Capitulo adhuc penitus inscio. Teneturne Superior reparare famam hujus subditi?

R. Non tenetur ad ullam restitutionem. *Quando iudex aut quisvis alius Superior, ait Sylvius in 2. 2. q. 62. art. 2. quesito 10. servatis debitis circumstantiis subditorum peccata occulta manifestat, vel ad eorum correctionem, vel ad aliorum exemplum, nulli restitutioni est obnoxius. Idem dicendum de subito*

subito denunciante alterum de simili facto apud Superiorem.  
*Pontas.*

NOTA. Hæc vera sunt, si quis doceat propositionem a generali Conclio damnatam in terminis, vel professioni fidel aperte contrariam. Circa ea vero. quæ Roma non damnat accedente uniformi assensu Ecclesiæ, si quis diffametur ut hæreticus, vel suspectus de hæresi, ad restitutionem tenentur sic diffamantes.

**CASUS LXXI.** Theodimus a Godefredo Marcelli famulo emit adamantem pro summa 150. florenorum, licet, ut probe sciebat, Marcello ablatum a famulo, & eum donavit amico suo. Teneturne Theodimus restitue Marcello adamantem, vel justum ejusdem valorem, licet nihil commodi exinde percepit?

¶ Si famulus non restituat, absque dubio Theodimus tenetur restituere vel adamantem, vel justum ejusdem valorem. *Rapinam emere non licet, nisi ea intentione, ut, cui est ablata, reddatur.* Can. *Rapinam.* 5. 14. q. 5. Ratio est; quia, qui recipit rem, quam scit esse furtivam, nunquam illius acquirit dominium, etsi per plurimum jam manus transierit; nec unquam possessor probare poterit, rem ad se pertinere. *Pontas.*

**CASUS LXXII.** Brutus abstulit Desiderio atramentarium argenteum, & vendidit Samsoni, qui illud bona fide emptum vel donavit amico, vel vendidit aurifabro; vel casu fortuito perdidit. Teneturne Samson postea comperiens, dictum atramentarium a Bruto fuisse furto sublatum, saltem ejusdem valorem restituere Desiderio?

¶ Juxta S. Thomam 2. 2. q. 62. art. 7. C. in præsentia causa non tenetur: bona enim fides ab hac obligatione ipsum eximit. Si tamen possessor bonæ fidei vendidit rem alienam durante bona fide majori pretio, ac emerat, tenetur excessum restituere vero domino rei, si innotescat. Si autem nihil lucri aut commodi inde percepit, nulla datur obligatio restituendi pretium rei, quam alienavit, aut durante bona fide perdidit, ut docet S. Raymundus in Summ. L. 2. Tit. 6. §. 7. *Pontas.*

Vide Caf. 96.

**CASUS LXXIII.** Silvanus horologium argenteum furto a se sublatum vendidit Bertrando, qui non quidem certo sciens, dubitans tamen, an non sit res furtiva, pro eo persolverat 25. florenos. An Bertrandus tenetur horologium restituere?

¶ Si Bertrandus horologium emit animo illud retinendi, non obstante suspitione furis, peccavit mortaliter, & tenetur exacte inquirere; dumque comperit, horologium esse furto

furto sublatum, tenetur ad restitutionem pretii, etiam si quacumque demum ratione non amplius esset possessor horologii. Qui dubitans, rem esse furtivam, nihilominus illam sibi emit, inquit Sylvius in 2. 2. q. 62. art. 6. quæsit. 3. concl. 1. peccat mortaliter, & tenetur diligenter inquirere, an vere furtiva sit: quo comperto debet eam cum fructibus etiam consumptis restitueri illi, ad quem pertinet: neque potest eam venditori reddere Pontas.

CASUS LXXIV. Tullius jam ante decem annos furatus est cuidam mercatori 1000. imperialas, quos hucusque non restituit, licet facile potuisset. Ast nunc tandem restituere cogitat; sed quærit, num etiam censum annum pro istis decem annis persolvere teneatur, ab eo tempore scilicet, quo furtum commisit.

¶. Si Tullio constat, quod sua restituendi mora mercatori damnum intulerit 750. florenorum, quam summam census annuus pro 1000. imperialibus per decennium conficit, tenetur etiam una cum summa ablata restituere censum decennalem. Si vero mercatori ex ablatiis nil lucri decessit, nec qu'dpiam damni emerfit, & Tullius ante hoc tempus restituere non potuisset, sufficit restitutio solius summæ principalis. Pontas.

CASUS LXXV. Didacus ejusdam camporis numerator, cum per furta minuta sæpius repetita in consuetis solutionibus modo unum, modo duos, nunquam tamen ultra quatuor vel quinque crucigeros, sibi retinuisse, notabilem factis summam corrasit, & hoc non obstante sub pœna peccati mortalis ad restitutionem se haud teneri arbitratur ex hisce rationibus. 1. Quia nulli privatorum utpote divitum tantum damni intulit, ut sub pœna tam gravi ad restitutionem obligari possit. 2. Quia nullus læsorum præsumendus est habere intentionem exigendi restitutionem rei tam exilis sub pœna adeo gravi. 3. Quia foret impossibile debitam omnibus facere restitutionem; cum non amplius sciret quinam læsi fuissent. Sufficiuntne hæc rationes ad eximendum Didacum a restitutione?

¶. Rationes istæ nec ab obligatione restituendi eximunt Didacum, quæ per furta hæc minuta acquisivit, nec a peccato mortali, ni restituat. Prima ratio prorsus debili nititur fundamento; nam licet quisvis in particulari non adeo graviter damnificatus fuerit, ut sub gravi peccato exigi possit restitutio, omnes tamen damnificati simul sumpti certe notabile damnum passi sunt. Secunda ratio, quæ primæ innititur,



titur, ejusdem debilitatis est: licet enim quisvis privatus per furtum minutum læsus in particulari non habeat animum sub peccato mortali obligandi Didacum ad restitutionem, indubitatum tamen est, quod taliter læsus, si sciret, Didacum per ejusmodi furta minuta sæpius repetita fuisse locupletatum, sub gravi obligatione restitutionem sibi fieri vellet, idque exigente bono publico. *Tertia ratio omnino nulla est; quia, dum damnificati non noscuntur, restitutio fieri debet Ecclesie vel pauperibus. Pontas.*

*NOTA.* Obligandus est ex rationabiliter præsumpta mente damnificatorum, & ex mente Christi exigentis prudentem usum clavium, ne soveatur impunitas scelerum, ut successive male parva expendat in causas vere plures, designando summam annuam viribus poenitentis proportionatam.

**CASUS LXXVI.** Protogenes unum agri jugerum a vicino suo conitum ita destruxit, ut vix quidpiam fructus tempore messis inde retulerit. Teneturne vicino tantum restituere, quantum fructus ex hoc jugero sperari poterat; & quidem in eo valore, quo frumentum tempore messis stetit?

3. Juxta S. Thomam in 4. dist. 15. q. 1. art. 5. quæstionem. 2. ad 4. non tenetur restituere tantum, quantum frumenti ager absolute proferre potuisset; quia ex variis casibus accidere potest, ut ager speratas fruges non pariat. Tenetur tamen restituere tantum, quantum ager ita conitus juxta æstimationem viri prudentis ac æqui & agriculturæ periti arbitri consideratis omnibus circumstantiis verosimiliter protulisset. *Pontas.*

*NOTA.* Non solum valor spei, sed etiam impotentia recuperandæ spei in agricola paupere allis frumentis & simul pecuniis destituto compensari debet.

**CASUS LXXVII.** Geraldus viri nobilis famulus per anni spatium plures vini lagenas ex cella heri sui surripuit, easque cum focilis suis consumpsit. Teneturne restituere valorem vini?

3. Quando res aliena consumitur mala fide juxta D. Thomam Quodl. 12. art. 25. C. semper datur obligatio restituendi. Hinc Geraldus ejusque focil furci complices tenentur restituere valorem vini. *Pontas.*

Vide Cas. 95.

**CASUS LXXVIII.** Anselmus abstulit Nicasio agricolæ quinquaginta modios frumenti optimi, quod ad conferendos agros suos erat; & hinc non nisi frumento longe deteriori agros conferere potuit, quo factum, ut fructuum quarta

parte minus collegerit, quam collegisset ex frumento ablato. Teneturne Anselmus restituere non solum justum quinquaginta modiorum pretium, sed etiam quartam partem fructuum, quam ex defectu melioris sementis colligere non potuit? Aut si Nicasius agros omnino conferere non potuisset, an Anselmus teneretur restituere præter quinquaginta modios omnes fruges inde producendas?

3. Absque dubio in utroque casu Anselmus tenetur ad plenam ac totalem restitutionem non solum rei ablatæ, sed & ad integram compensationem totius damni ex ablatione Nicasio emergentis. *Pontas.*

CASUS LXXIX. Michael, Protasius, Simeon & Victor ex condicto & collatis consiliis Basilio abstulerunt 200. imperiales, quos Victor apud se depositos servat. Basilius probe gnarus, Victorem, cui plurimum erat obstrictus, esse e numero furum, remisit illi roganti intuitu obsequiorum olim sibi ab eo præstitorum obligationem restituendi. An per hoc & reliquis obligatio restitutionis remissa esse censetur?

3. Ille, qui rem furto ablatam possidet, tenetur ad restitutionem ante alios complices, qui omnes una cum ipso in solidum obligantur. Hinc si damnificatus rem ablatam possidenti remittat obligationem restituendi, eandem & reliquis delicti sociis remisisse censendus est. *Si ex pluribus obligatis uni accepto feratur, inquit lex Si ex pluribus 16. ff. Lib. 46. Tit. 4. non ipse solus liberatur, sed & hi, qui secum obligantur. Nam cum ex duobus pluribusque ejusdem obligationis participibus uni accepto fertur, ceteri quoque liberantur: non quoniam ipsis accepto latum est, sed quoniam velut solvisse videtur is, qui acceptilatione solutus est.* *Pontas.*

NOTA. Rationabiliter præsummi potest, Basilium noluisse deobligare tres alios a sua obligatione solvendi in solidum tres partes damni. Lex ethnica disponit pro foro externo; sed pro foro interno legem suribus ponit sola intentio damnificati.

CASUS LXXX. Tribonius regimini civitatis præfectus recipit a Metello fundorum ad civitatem pertinentium conductore donum 100. imperialium, eoquod occasione novæ locationis pretium ejusdem annuatim persolvendum 250. florenis diminuerit. Potestne Tribonius retinere hoc donum? An non tenetur ad aliquam restitutionem civitati aut Metello conductori præstandam?

3. Si diminutio Metello concessa justa est, Tribonius eam debuit gratis concedere, & tenetur restituere donum Metello: Tribonius enim est quasi iudex & arbiter in designan-

do pretio locationum a civitate constitutus ; juxta S. Augustinum autem Ep. 153. *non debet judex vendere judicium.* Si autem concessa diminutio injusta est , non solum tenetur restituere donum , sed etiam reparare damnum per dictam diminutionem civitati illatum. *Pontas.*

**CASUS LXXXI.** Romanus Capitaneus navis mercatoriae cum portui jamjam appropinquans ex mera parsimonia rectorem navis adhibere nollet , ea ad scopulum allisa est , & inde Hieronymo & Basilio , quorum mercedibus navis onusta erat , damnum illatum est plusquam 1000. imperialium. Num refarcire tenetur Romanus hanc jacturam ?

¶ Quisnavet navarchus renetur de damno ex defectu experientiae suae aut industriae emergente. *Si magister navis, ait Lex Item. 13. §. 2. ff. Lib. 19. Tit. 2. sine gubernatore in flumen navem immiserit , & tempestata orta temperare non potuerit , & navem perdidit , vectores habebunt adversus eum ex locato actionem.* Tenetur igitur Romanus reparare damnum culpa sua illatum. *Pontas.*

**CASUS LXXXII.** Casparus furatus est patinam argenteam in domo , quam frequentabat , eamque deaurandam curavit , ne eadem esse noscatur. Teneturne eandem patinam licet deauratam restituere , an tantum ejusdem valorem ?

¶ Si res furto ablata extat adhuc in natura , eadem ipsa debet restitui juxta S. Thomam 2. 2. q. 62. art. 5. ubi ait : *Restituere nihil aliud esse videtur , quam iterato aliquem statuere in possessionem vel dominium rei suae.* Ast vero si ejusmodi res fuerit meliorata , ut in praesenti casu , sufficit restituere valorem rei. *Pontas*

Vide cas. seq.

**CASUS LXXXIII.** Columbanus abstulit Claudio horologium pendulum sonans , cujus motus ad biduum durabat , duae tamen rotulae fractae erant. Columbanus vero rotulas novas fabricari , motumque ad dies quindecim extendi curavit , imo & tabulam horariam ac cardines deaurari fecit. Potestne , dum horologium restituit , factas expensas repetere a Claudio ?

¶ Tria distinguenda sunt expensarum genera , nimirum *necessariae* ad conservationem rei furto ablatae , *utiles* non tamen *necessariae* , & *voluntariae* ad proprium placitum , seu *voluptuariae*. His suppositis censetur , Columbanum posse exigere expensas factas in duas rotulas utpote *necessarias* , & in prolongationem motus tanquam rem utilem , non autem expensas factas in deaurationem , utpote rem mere *voluptuariam* , & fors *superfluum*. Haec vero dicta locum non ha-

berent in casu, quo Columbanus ad amittendas omnes expensas judicialiter condemnatus fuisset, cui sententiæ teneretur se submittere tanquam pœnæ propter furtum perpetratum jure promeritæ. *Pontas.*

**CASUS LXXXIV.** Ascanius subreptum Lambertino pallium coccineum vendidit Ægidio pro 15. florenis, qui per tres menses eo usus optima fide denno illud vendit cuidam amico pro 22. florenis. Comperit autem postea Ægidius, dictum pallium Lambertino fuisse furto sublatum; hinc querit, an non per bonam fidem, qua pallium emerat, ac denuo vendiderat, ab omni restitutione eximatur.

ꝑ. Non obstante bona fide Ægidius tenetur Lambertino restituere septem florenos, quos ex venditione pallii lucratus est: hoc enim lucrum injustum est & repugnans juri naturali. *Si quis*, ait Cabassutius L. 6. c. 17 n. 8. *dum bona fide possidebat rem alienam, alteri vendiderit, ad id solum tenetur, quod amplius acceperit juxta S. Thomam.* Et si Ægidius ab Ascanio gratis accepisset pallium, integrum pretium ex venditione redactum, scilicet 22. florenos teneretur Lambertino restituere. *Pontas.*

**CASUS LXXXV.** Alphonfus Tribonius advocato abstulit 50. volumina in folio Salmurii reposita, eaque Burdigalam misit, quo ipse profectus est, ibi domicilium fixurus. Teneturne hæc volumina propriis sumptibus Salmurium remittere?

ꝑ. Absque omni dubio tenetur ad hoc. *Redintegranda sunt omnia expoliatis; & in eo loco, unde abscesserant, funditus revocanda.* Can. *Redintegranda.* 33. q. 1. Aliud dicendum foret de eo, qui invenit rem pertinentem ad alium, aut quidpiam alienum bona fide possidet: talis enim non tenetur ad expensas in restitutionem faciendas. *Pontas.*

**CASUS LXXXVI** Theonillus ovem Cornelio abductam gregi suo adjunxit, quæ postea agnellos genuit. Teneturne in conscientia ovem una cum agnellis restituere?

ꝑ. Tenetur omnino juxta Cælestinum III. Cap. *Gravis.* 11. Lib. 2. Tit. 13. Nam ovis est res fructificans, cujus fructus dominus ovis percepisset, si sublata non fuisset: interim tamen deduci poterunt expensæ in nutritionem ovis & agnellorum factæ. *Pontas.*

**CASUS LXXXVII.** Attalus Germano furatus est 500. florenos, & 1000. florenos debet Theodoro; ast tota ejus substantia ad 1000. duntaxat florenos sese extendit. Cuinam horum prius solutio fieri debet?

¶. *Justitiæ conformius est prius bonum ablatum restituere quam debita persolvere.* Hinc Attalus prius tenetur Germano restituere ablatus 500. florenos, & dein dimidiam partem debiti solvere Theodoro: non enim licet contracta debita expungere ope æris alieni; & propriis bonis ad debitorum solutionem non suppedientibus, nulla datur coram Deo solvendi obligatio. Cajetanus in Sum. v. *Restitutio*, c. 8. n. 5. existimat, quod si lex aut consuetudo loci aliud statuerit, eidem sese conformare oporteat. *Pontas.*

NOTA. Consuetudo non potest reddere licitam occultam retentionem alienorum: cum enim occulta sit, non potuit illi unquam conformiter accedere consensus legalis Principis. Lex iusta autem talia permittere nequit, nisi causa maximæ necessitatis publicæ, quæ utrum versetur in non nullis loteriis ad furtiva privilegiatis, examina- bit Deus.

CASUS LXXXVIII. Victreius furatus est triginta aureos Mauritio, viginti Joanni, quinquaginta Geminio, centum Mario, & Proculo centum. Omnia hæc per furtum aqua sita jam consumpsit, exceptis centum aureis Proculo ablati. Jam vero pro viribus restituere cogitat; hunc in finem vendidit residuam, quam habebat, suppellectilem pro centum aureis. Cum vero hæc summa addita centum aureis Proculo surreptis, quos adhuc possidebat, ducentos tantum efficiat aureos: sicque centum adhuc deficient ad totalem restitutionem, quærit, qua ratione restitutio sit inter illos dividenda.

¶. Præ aliis restituendum est Proculo, cujus centum aureos adhuc possidet, de quibus nil competit cæteris. Residui centum aurei dividendi sunt inter reliquos, juxta proportionem tamen damni per furtum illati. *Pontas.*

NOTA. Cum agatur in foro interno ad mentem solius Dei, ordo restitutionis, deductis prius illis alienis, quæ in individuo vel in æquali extant, regulandus esse videtur secundum primam regulam omnium obligationum erga proximos mere personalium, nempe secundum ordinem charitatis divinæ & humanæ. Nec obstat, quod lex civilis circa creditores non privilegiatos juxta rationem debitorum æqualiter dividat damna: ea enim ad vitandas lites sic disponit non attenda prioritatem creditorum, aut lege charitatis internæ. De cætero hic ordo restitutionis non convenit cum regula occurrente ad cas. 91.

CASUS LXXXIX. Donatus convenit cum quodam milite de remuneratione viginti imperialium, si Petrum inimicum suum egregie fustibus exciperet. Miles id executus petit a Donato promissam pecuniam, sed decem tantum obtine

re potuit imperiales. An tenetur Donatus etiam reliquos decem perfolvere? Num miles promissas pro ejusmodi executione pecunias retinere potest?

3. Nec Donatus tenetur implere promissum, nec miles acceptos decem imperiales salva conscientia retinere potest; cum hæc inter utrumque conventio adversetur legi naturali, divinæ, ecclesiasticæ ac civili. Decem imperiales autem nequaquam restitui debent Donato, sed pauperibus, aut applicari in alias causas pias: Donatus enim, qui has pecunias pro actione prava dedit, æque iis privari meretur ac miles, qui eas pro peccato recepit; cum uterque peccaverit contra justitiam & contra charitatem. Sic sentiunt S. Thomas & S. Antonius. Concordat & lex *Ubi autem*. 3. ff. Lib. 12. Tit. 5. *Ubi autem & dantis & accipientis turpitudine versatur, non posse repeti dicimus; veluti si pecunia detur, ut male judicetur. Pontas.*

1. Nota. Hæc recte dicuntur, quamvis contra communem; circa leges enim naturales Deus nos judicabit non juxta opiniones auctoritatis extrinsecæ, sed juxta legem inscriptam cordibus.

**CASUS XC.** Laurentius furatus est Theotimo 500. florenos, qui inde ad gravem redactus est paupertatem, & totidem Fabio viro diviti. Jam dimidiam solum ablatorum partem restituere potest. Quinam ipsi ordo servandus?

3. Juxta S. Thomam Opusc. 73. c. 18. restituere tenetur ablata Theotimo utpote egenti, postposito Fabio jam aliunde opulento. *Pontas.*

**CASUS XCI.** Nicolaus furatus est 10. florenos Gabinio & totidem Titio, utrique prorsus æqualiter vel pauperi vel diviti. Quomodo facienda est restitutio a Nicolao, qui non nisi dimidiam ablati partem restituendo est?

3. Si neuter damnificatorum restitutionem exigit, restitutio facienda est illi, cui prius furatus est Nicolaus: sic enim jus naturale exigit. Verum si alter, cui Nicolaus posterius furatus est, restitutionem petat sive judicialiter sive privatim, hic in restitutione præferendus foret; quia *vigilantibus jura subveniunt*. Si uterque versaretur in necessitate extrema, restitutio inter eos æqualiter dividenda foret. *Pontas.*

Nota. Sola prioritas petitionis dependens a contingente concursu circumstantiarum non potest tribuere prioritatem juris in foro interno.

**CASUS XCII.** Remigius miles abstulit Martino equum, quem mense Septembri pro triginta aureis emerat, eum re-tenturus usque ad Martium, quo tempore, cum equi pro ex-ercitu coemerentur, non dubitabat, se quinquaginta aureos pro eo obtenturum. Tenetne Remigius restituere Martino non solum triginta aureos, quos equum emerat, sed & illos viginti aureos, quos ex venditione equi brevi lucrari po-tuisset?

*R.* Haud dubie in conscientia tenetur Remigius non solum restituere triginta aureos, sed etiam reparare Martino lucrum, quo ipsum privavit, deductis tamen expensis & periculo. *Si vero sint res, quæ ablatæ sunt, ait S. Thomas Opusc. 73 de Usur. c. 20. quæ ex sui natura possunt secundum naturam tem-poris augeri & crescere in pretio; tunc tenetur spoliator resti-tuere pretium ipsarum rerum, quod valitura erant secundum na-turam rei & temporis. Pontas.*

**CASUS XCIII.** Andreas, Ægidius, Ludovicus & Ber-tinus abstulerunt omnes fructus ex horto Oliverii. Andreas erat principalis author furti, & omnium maxime reus: in-terim tamen Oliverius condonavit Andræ obligationem re-stituendi. An per hoc etiam reliqui ipsius complices sunt pa-riter deobligati a restitutione?

*R.* Si complices sublatos fructus non detinent, censendi sunt & ipsi deobligati a restitutione, præsertim si Oliverius Andræ ostendisset, eodem etiam erga complices se esse ani-mo. Quisquis vero eorum ablatos fructus apud se detineret, teneretur eos restituere. Item si reliqui tres fructus furti fulissent ex mandato aut commissione Andræ, & Oliverius illis condonasset restitutionem, Andreas propterea non excu-saretur ab obligatione restituendi, saltem nisi Oliverius gene-ralem condonationem restitutionis eis impertitus fuisset. *Pontas.*

Vide cas. 79.

**CASUS XCIV.** Felix & Godefredus abstulerunt Flaviano horologium argenteum, illudque vendiderunt Norberto, qui noverat, horologium esse furto sublatum. Quisnam ex his tribus tenetur restituere?

*R.* Authores furti solum tenentur ad restitutionem, si Norbertus non restituat, qui mala fide possidet horologium. *Si sciens emeris rem furtivam, domino teneris restituere, etiam cum iactura soluti a te pretii, ait Cabassutius L. o. c. 23. n. 4. Pontas.*

**CASUS XCV.** Blesilla cujusdam mercatoris famula ce-laria singulis septimanis duas vini mensuras surripit, easque servo

servo mercium tabernæ præfecto porrigit præter portionem ordinariam illi debitam. Quisnam eorum tenetur ad restitutionem? an famula, quæ abstulit? an servus, qui vinum ablatum consumpsit?

3. Servus, qui vinum hauserat; tenetur primus ad restitutionem. Ratio est; quia ille, qui rem mala fide consumpsit, considerandus est, ac si etiamnum possessor foret: *Pro possessore habetur, qui dolo desit possidere* Reg. jur. 36. in 6. Si autem hic non restituat, ancilla restituere debet. Una parte valorem ablati restituente, altera ad nullam amplius restitutionem tenetur. Observandum tamen, quod si Blesilla fecisset restitutionem, & servus illi promississet indemnisationem, hic ad eam præstandam in conscientia obligaretur. *Pontas.*

NOTA. Si furtum non contigit ex mandato vel instinctu servi, prius ad restitutionem obliganda videtur Blesilla authrix furti, quam participans. Vide cas. 77.

CASUS XCVI. Fullonius abstulit Joanni argenteum atramentarium, quod postea donaverat Titio probe gnaro, illud fuisse furto sublatum; & Titius paulo post amisit atramentarium. Quis amborum tenetur ad restitutionem?

3. Ambo in solidum obligantur ad restitutionem Joanni faciendam, qui habet jus conveniendi, quemcumque voluerit. Fullonius tenetur restituere ratione *injuriæ acceptio- nis*, & Titius ratione *rei acceptæ*, ut loquitur S. Thomas 2. 2. q. 62. art. 6. ad 1. Beneficium discussionis, quo uti possunt in solidum obligati ad debitum *civile*, si eidem non renunciaverunt, nunquam se extendit ad debita contracta per delictum. *Pontas.*

NOTA. Prius tenetur restituere author furti quam participans v. g. donatarius, si neuter possideat rem: hic enim ordo restitutionis distans lumine naturæ agnoscitur ab authoribus. Vide cas. 72.

CASUS XCVII. Flaminius ante quinque vel sex annos Cæsari hero suo abstulit 20. dupliones Gallicos. Sincera autem tandem poenitentia ductus hanc pecuniæ summam dedit confessario suo, ut redderet Cæsari. Confessarius postmodum ingressus, ut pecuniam deferret ad Cæsarem, cum navigio flumen traliceret, in aquas ejectus ac submersus est; sicque casu fortuito & pecunia periit. Teneturne Flaminius alios 20. dupliones Cæsari restituere? An semper ad id teneretur in simili casu, si sæpius accideret?

3. Jux-



¶. Juxta S. Thomam 2. 2. q. 62. art. 6. C. obligatio ex delicto non tollitur, donec res restituenda pervenerit in manus domini sui. Hinc Flaminus obligatur ad restituendos Cæsari alios viginti dupliones; & hoc in omni alio casu simili toties, quoties accideret. Allud dicendum foret, si ipse Cæsar designasset confessarium pro facienda restitutione. *Pontas.*

NOTA. Quamvis confessarii non sint mandatarii constituti a dominis damnificatis; videntur tamen ad hoc admittendi tanquam judices constituti a Deo, & tacite acceptati a populis. Quis autem debitorum conveniatur de novo, si pecuniam deposuit in manus judicis?

CASUS XCVIII. Rufina defuncto marito, ex quo prolem non susceperat, ex bonis utrique parti communibus clanculo subtraxit crumenam 500. florenos continentem, & ornatum muliebrem 200. florenis constantem adjuvante Angelica affine sua, cui in remunerationem decem dupliones dederat. Potestne confessarius obligare Angelicam ad ampliorum restitutionem quam decem duplionum?

¶. Angelica a confessario non solum obliganda est ad restituendos decem dupliones, quos in remunerationem operæ ad furtum præstitæ receperat, sed etiam ad reparationem totius damni hæredibus defuncti per hoc furtum illati: cum enim non minus fuerat causa furti ac ipsa Rufina, cum ea in solidum obligatur ad restitutionem, ita, ut si Rufina non velit aut non possit restituere, ipsa teneatur ad totum. Si autem plus restituere non possit, quam quod percepit, obliganda saltem est a confessario, ut omni modo possibili urgeat Rufinam ad restituendam reliquam partem. *Pontas.*

NOTA. Imo tenetur Angelica denunciare complicem, si præmonita nolit restituere, procurata tamen prius sibi impunitate; vel saltem comminatione denunciationis ad restitutionem adigenda est.

CASUS XCIX. Gunebaldus agricola frumentum ablaturus vicino suo jussit pastorem suum scalam afferre, eamque sustinere, ut in horreum facilius eluctari posset, ac interea fideles servare custodias, ne in flagranti deprehenderetur. Id omne executioni datum, & Gunebaldus repetitis vicibus duodecim frumenti modios abstulit; ac post aliquot menses subitam mortem oppetiit, nulla facta restitutione aut dispositione, ut restitutio fiat a suis liberis. Teneturne pastor ad restitutionem, qui non nisi metu suum amittendi servitium adactus hero suo operam præstitit?

g. Pastor hic vere cooperatus est furto, quod commisit herus ipsius; & hinc tenetur ad restituendum ablati frumenti pretium. *Ad restitutionem tenetur aliquis*, ait. S. Thomas 2. 2. q. 62. art. 7.<sup>o</sup> *non solum ratione rei alienæ, quam accepit, sed etiam ratione injuriæ acceptionis. Et ideo quicumque est causa injuriæ acceptionis, tenetur ad restitutionem.* Pontas.

NOTA. Obligandus est ad monendam uxorem ac liberos sub comminatione denunciationis judicialis, ut restituant.

CASUS C. Natalis occulta clave instructus ad referendam Flori vicini sui cellam vinariam intra sex menses abstulit integrum fere dolium vini optimi pluries amicis suis propinati, qui nullam de furto habebant notitiam. Florus detecto Natalis furto criminalem illi processum intentavit, qui autem rem advertens relicta patria alio secessit. Tenenturne amici illius in foro interno ad restitutionem vini ablati, saltem pro rata portionis, quæ cuilibet obtigit?

g. Non tenentur ad ullam restitutionem; quia bona fide consumperunt vinum, nescientes esse furtivum. Tenerentur autem restituere, si res furtiva adhuc extaret in natura, & necdum fuisset consumpta, aut si lucrum exinde percepissent. Unde sequitur, quod, si amici Natalis ad refectorem ordinariam vinum sumere consuevissent, & suo proprio vino servato usi fuissent vino Flori, quamvis bona fide, tenerentur restituere pro ratione lucri exinde percepti; quia evidens est ex lege, quod etiam possessor bonæ fidei restituere teneatur id, *ex quo factus est ditior*; quod & conforme est legi naturali, quæ non permittit, ut quis ditescat ex alieno. Pontas.

CASUS CI. Leonardus ablata noctu ex taberna Stephani tria panni volumina ad Flavianum cognatum suum detulit, a quo tamen post octiduum furi restituta fuerunt. Tenenturne Flavianus furti conscius Leonardo non restituente ad restitutionem panni?

g. Cum sciverit Flavianus furtum, illudque occultaverit, tenetur una cum fure in solidum ad restitutionem: cooperatus est enim efficaciter ad furtum illud celando, & rem ablatam furi restituendo, quam ex manibus non dimittere, sed potius Stephano restituendam curare debuisset. Pontas.

CASUS CII. Nobilius consilium dederat Cajo, ut Joanni patruo suo auferat 200. florenos ad sustentandum commercium suum, cui jam prope collapsio alia ratione subvenire haud

hand posset. Sequitur consilium Cajus, animo tamen restituendi, quamprimum posset. Nobilius autem dati consilii poenitens ac veritus, ne ipse ad restitutionem hujus summæ a confessorio obligaretur, eo retractato ab ejusdem executione Cajum avertere conatus est; sed nil egit, & furtum fuit perpetratum. Teneturne Nobilius in defectu Caji ad restitutionem?

9. Cum primum Nobilius consilium, etiam postea retractatum, vere furti causa extiterit, excusari haud posse videtur in defectu Caji a facienda restitutione. *Tenetur consiliator aut palpo, id est adulator, ad restitutionem*, ait S. Thomas 2. 2. q. 62. art. 7. C. quando probabiliter aestimari potest, quod ex hujusmodi causis fuerit injusta acceptio subsequuta. Pontas.

CASUS CIII. Salomon & Andreas Bartholomæo clam declarabant, se Stephano furatum ire. Bartholomæus applausit & consensit eorum proposito, laudavit insuper illorum industriam, consuluitque, ut conceptum exequerentur propositum. Teneturne Bartholomæus æque ac illi commissio furto ad restitutionem?

8. Juxta S. Thomam 2. 2. q. 62. art. 7. C. non omnis consensus obligat semper ad restitutionem, sed solum ille, sine quo injustitia non fuisset commissæ sine ipsius consensu vel consilio; ut denuo docet D. Thomas in 4. dist. 15. q. 1. art. 5. quæstione. 3. C. Cabasutius advertit, quod dubitans, an efficaciter cooperatus fuerit ad damnum proximi, probabilius teneatur restituere, si præcipue ac primarii furti authores non restituant. Notandum denique, quod dantes consilium etiam bona fide & absque omni malitia contrahant culpam notabilem, quæ in jure dicitur culpa levis, & consequenter teneantur ad reparationem damni suo consilio illati, si consilium dederunt ex officio, vel honorarium receperunt ab illis, a quibus fuerunt consulti, ut sunt v. g. advocati, procuratores, & alii hujusmodi: consilia enim eorum admittuntur; quia ex suo illa suggerunt officio, & necessariam ad hoc habilitatem possidere supponuntur. Pontas.

CASUS CIV. Ulysses Jacobo declaraverat, se Petro furaturum 100. dupliones; Jacobus autem ipsi consulit, ut tantum auferat quinquaginta, id quod executus est Ulysses. Teneturne Jacobus ob datum consilium restituere Petro quinquaginta dupliones, posito quod Ulysses non restituat? Aut si Ulyssi a proposito damnificandi Petrum penitus abducto author fuisset, ut Paulo potius utpote ditiori tantundem auferat, an in foro conscientie condemnandus esset ad aliquam restitutionem Paulo faciendam?

3. Quoad primum Jacobus non potuit absque injustitia hujusmodi consilium suggerere Ulyssi. Idem dicendum quoad alterum: nunquam enim licet consulere actionem jure naturali vel divino prohibitam, & essentialiter malam. Hinc in utroque casu, si Ulysses non restituat, tenetur Jacobus reparare damnum, cujus vere causa extitit pravo suo consilio. Idque clare patet ex pluribus locis D. Thomæ supra citatis. *Pontas.*

NOTA. Si Jacobus efficaciter ac sincere dissuasisset totum malum; nec tamen habuisset medium illud impediendi, non peccasset suadendo minus malum; manente tamen obligatione denunciandi furem modo dicto ad casum 98.

CASUS CV. Joannes & Petrus jure hæreditario successerant in bona Bernardi patris sui, qui paulo ante mortem suam Placido abstulit 100. florenos nec restitutos, nec hæredibus proficuos; quia ab ipso defuncto jam dissipati fuerant. Tenenturne Joannes & Paulus ad restitutionem?

3. Hæredes defuncti, qui bona aliena diripuit, tenentur reparare damnum furto illatum, ut ait S. Thomas q. 4. de malo. art. 8. resp. ad arg. 15. & cum juxta eundem peccatum patris transeat ad filium *quantum ad poenam*, Joannes & Petrus tenentur restituere hos 100. florenos. *Pena temporalis*, inquit idem ibid. ad 7. *qua filius quandoque punitur, habet pro causa culpam in patre præcedentem.* *Pontas.*

NOTA. Si bona forent immobilia tantum, eaque inalienabilia vel inonerabilia sine aliorum consensu v. g. domini directi aut familiæ, eaterus obligatio ex bonis furtivis consumptis, nec æquivalenter extantibus non transfret ad hæredes.

CASUS CVI. Numerianus vir dives ac beneficus propinquam sibi mortem intuens condito testamento holographo pure ac simpliciter legavit duo meliorum vinearum suarum jugera cuidam conventui Religiosorum mendicantium, paupertate non minus quam regulari disciplina conspicuo. Defuncto Numeriano Zenobius ipse filius occultato testamento duo vinearum jugera per totam vitam suam possidet; donec tandem morti proximus duobus filiis suis Jacobo & Juliano declaraverit, hæc duo jugera pertinere ad prædictum Conventum, illisque Numeriani testamentum exhibuerit cum mandato, ut Religiosos continuo in possessionem mittant, quod & fideliter executuros se sponponderunt. Verum filii de adimplenda patris sui Zenobii voluntate minime solliciti, post mortem ejus diviserunt inter se hæreditatem defuncti,

in quam & ipsa duo jugera trahebantur, quæ Juliano obli-  
gerant. Julianus quoque e vita migravit nulla facta resti-  
tutione, & duo lita jugera partitis defuncti bonis transferunt  
ad aliquem cohæredum Jacobi. Denique Jacobus actuali  
morbo periculose decumbens obtinere nequit absolutionem,  
nisi plenam Religiosis præstet satisfactionem, quam quidem  
præstare statuit, in executione autem gravissimas difficulta-  
tes reperit; cum ipse non possideret hæc jugera, & possessor  
se se opposeret. Jam quæritur, quomodo hoc Jacobo pro-  
positum ad felicem exitum perducendum. Potestne cum Re-  
ligiosis transigere oblata numerata pecunia, ea tamen condi-  
tione, ut singulis mensibus pro anima Numeriani privatam  
missam celebrent? An facta hac transactione omnis erga il-  
los Jacobo remissa est obligatio? An in solidum una cum  
jugerum detentore tenetur ad faciendam restitutionem? Num,  
quod fructus a morte Numeriani perceptos attinet, pariter in  
solidum tenetur ad integram eorundem restitutionem, suppo-  
sito quod ex parte Religiosorum nulla ipsis fiat condonatio?

¶. Evidens est Zenobii filiorumque ejus injustitia, quæ  
naturam habet quasi sacrilegii. Hoc supposito, ante omnia  
a Jacobo Numeriani testamentum exhibendum est publico No-  
tario, ut communitas religiosa authenticum extractum obti-  
neat. Quod attinet Zenobium, non debuisset illi sufficere,  
suis liberis solam vineæ restitutionem præcipere, sed etiam  
addere obligationem restituendi justum valorem omnium fru-  
ctuum perceptorum; cum hæc duplex obligatio æqualiter sit  
necessaria. Nec Jacobus Zenobii filius nec actualis duorum  
jugerum possessor secunda conscientia cum Religiosis transigere  
possunt, nisi declarata prius veritate facti. Dein non possunt  
Religiosos obstringere ad celebrandas missas, nec alla iis one-  
ra imponere, nec obligare illos ad acceptandam certam pe-  
cuniæ summam loco duorum jugerum. Denique obligatur  
Jacobus in solidum una cum detentoribus vineæ ad integram  
restitutionem Religiosis debitam; & ad hanc restitutionem te-  
netur ex proprio, si detentor jugerum adduci non possit, ut  
aliquam restitutionis partem conferat. Eodem modo in soli-  
dum tenetur ad restitutionem omnium fructuum perceptorum  
deductis expensis. Id quod apprimè justitiæ consentaneum  
est, cum post mortem parentis sui semper fuerit, & etiam-  
num sit injustus detentor testamenti a Numeriano avo suo ere-  
cti, sicque vera & unica causa exti erit totius damni mona-  
sterio illati. *Si culpa tua datum est damnum, inquit Grego-  
rius IX. Cap. Si culpa. fin. Lib. 5. Tit. 36. vel infuria irrogata*

*ta, seu aliis irrogantibus opem forte tulisti . . . jure super his satisfacere te oportet. Pontas.*

NOTA. Circa fructus non amplius in æquivalenti extantes posset restitutio regulari per legem charitatis juxta dicta ad Caf. 88.

**CASUS CVII.** Franciscus mercator per exercitias pluribus annis usuras tria florenorum millia lucratus restitutionem jam meditatur. Sed præter hæc debet bis mille florenos pro mercibus credito sibi subministratis, & omnes ipsius facultates quatuor florenorum millia non excedunt. Teneturne restituere lucrum usurarium præ aliis debitis legitime contractis?

**g.** Tenetur expungere bis mille florenorum debita ante restitutionem lucris usurarii juxta Card. Cajetanum in Summ. V. *Restitutio.* c. 8. n. 6. & 7. Expunctis his debitis facienda est ex residuis restitutio lucris usurarii, si id non amplius existat in natura: si enim extaret adhuc, prius deberet restitui. Ratio responsionis, quam affert Gaucericus in suis annotationibus ad cit. c. 8. Summæ Cajetani, est hæc: quia justitia exigit, ut restitutio prius fiat illi, qui nullo modo consensit in amissionem bonorum suorum, quam ei, qui aliquali saltem ratione consensit, ut is, qui usuras persolvit. Si autem Franciscus præcedentes usuras solvendo impar evasisset per debita posterius contracta, ut si v. g. debuisset solvere dotem, aut contractum quemdam gratulum iniisset; quo in casu restitutio usurarum perceptarum præferenda foret solutioni debitorum posteriorum. Ratio Cajetani est hæc: quia hujusmodi contractus supervenientes usurariis debitis non debent tollere aut impedire jus illarum, quibus debent usuræ restitui; constat autem, quod illorum jus tolleretur ex hujusmodi supervenientibus contractibus eo ipso, quod ex illis contrahens redditur impotens ad restituendum usuras; quia in restituendo hæc, id quod debebatur pro usuris, oporteret dari pro ipsis contractibus. Idem quoad omnia hæc sentiunt Grassius Decis. aur. L. 2. c. 133. n. 8. & Navarrus Man. c. 17. n. 53. Pontas.

**CASUS CVIII.** Martinus cum Aurelia Parisios iter pedes faceret, offendit in Benedictum silva intermedia egressum, & ex eo sciscitatur, an silva non esset prædonibus infesta. Benedictus, qui diu occultum odium foverat erga Martinum, respondet, viam esse tutissimam, nihilque latere periculi; etsi re ipsa in tres prædones incurrerit, quos ægre equi velocissimi beneficio effugerat. Martinus iter persecutus incidit in prædones, & centum, quos secum habebat, florenis spoliatur. Teneturne Benedictus in conscientia Martino restituere summam a prædonibus ablatam?

**g.** Jux.

¶. Juxta S. Thomam 2. 2. q. 62. art. 7. tenetur : patet enim, Benedictum revera consensisse in furtum Martino illatum, eumque totius damni causam extitisse. Quia, ut ait Sylvius Var. resol. V. *Restitutio*. 1. non tantum non manifestavit fures, sed eos occultavit, mendaciter negando, eos esse in itinere. 2. Quia damnum secutum quidem est ex perversa furum voluntate, sed cui ipse per mendacium cooperatus est. 3. Quia non habuit se negative, sed positive, mendaci nimirum sua assertione juvando fures, qui prædā expectabant.

CASUS CIX. Theodorus & Mævia per quæstum peccaminosum centum florenos lucrati sunt. Tenenturne ad restitutionem, cum peccatum non sit titulus legitimus juste aquirendi?

¶. Verbis hæc: *acquirere per peccatum* vel quæstum peccaminosum multiplex potest sensus attribui. Sic 1. potest quis acquirere quidpiam titulo legitimo, etsi peccet aquirendo, v. g. dum diebus Dominicis aut festis pro mercede absque ulla necessitate peragit opera servilia, aut dum mercator præfatis diebus publice venales exponit merces suas; & in hisce casibus non datur obligatio restituendi. 2. Non tenetur resti uere quis pecuniam ob admissum peccatum gratis datam, si nulla lex divina aut humana eam dari prohibeat; ut si Mævia a fornicatio admissi peccati causa centum florenos accepisset. Sunt tamen Authores insignes, qui censent, ejusmodi lucra, utpote injusta, retineri non posse, sed expendi debere in eleemosynas aut alias causas pias pro satisfactione peccatorum. S. Beuve tom. 3. cas. 148. 3. Quando quis cum alio convenit de danda pecuniæ summa pro ponenda actione peccaminosa, illam recipiens tanquam stipulatam pro peccato mercedem non tenetur ad restitutionem, nisi ejusmodi conventio a lege ut nulla declaretur, aut repugnet justitiæ commutativæ: in hoc enim casu conventio est nulla, & obligatio restituendi indispensabilis. 4. Si res per peccatum acquisita includit injustitiam, restitui debet, ut si Theodorus & Mævia centum florenos lucrati fuissent per rapinam, furtum aut usuram. 5. Lucra per simoniam acquisita restitui debent pauperibus. Ex hisce principiis facilis est responsio ad casum præsentem, ponderatis exacte circumstantiis concurrentibus. Pontas.

NOTA. Hæc responsio quoad n. 3. non satis coherere videtur cum responsione ad cas. 80. Tenendum est, omnes contractus sub conditione turpi initos esse jure naturali invalidos. Non igitur opus est lege irritante positiva

**CASUS CX.** Optatus inter bona Gilberti, cui ut hæres successerat, reperit aureum horologium viginti quinque duplionibus æstimatum, quod hucusque nunquam apud ipsum viderat. Novit Optatus, Gilbertum de commissis furtis vehementer fuisse suspectum, nec unquam ejusmodi conditionis fuisse, ut emere potuerit rem tanti pretii; hinc satis prudenter dubitat, an non horologium istud a defuncto fuerit furto sublatum. Teneturne Optatus pretium horologii erogare in pauperes, nemine illud reclamante?

¶. Cum dubium prudens ac bene fundatum sufficiat ad turbandam bonam fidem, Optatus tenetur omnem adhibere diligentiam ad indagandam rei veritatem; & si detexerit, horologium non pertinuisse ad Gilbertum, obligatur ad ejusdem restitutionem. Verum si adhibita omni possibili diligentia in veritatis notitiam venire non potuit, dubium ipsius deest esse prudens, & bona fides eum excusat ab obligatione restituendi. *Pontas.*

**NOTA.** Ex obligatione incerta non potest nasci onus restituendi certum. Tenemur quidem probabilliora sequi in dubio juris, non autem in dubio facti. Tenetur igitur Optatus asservere horologium tamdiu, donec spes detegendi verum dominum evanescat, sicque supponendo esse rem inventam præscribat.

**CASUS CXI.** Joannes, Jacobus, Petrus & Paulus adierant hæreditatem Ludovici patris sui defuncti, & cuilibet ex bonis ipsius cesserunt 10000. floreni. Ludovicus autem gravabatur debitis non nullis ante mortem necdum expunctis. An quatuor ipsius liberi obligantur in solidum ad expungenda hæc debita, ita ut duobus solutionem recusantibus, aut non habentibus, unde partem suam conferant, reliqui duo teneantur soli ad præstandam totalis summæ solutionem?

¶. Duo distinguenda sunt genera debitorum, ad quorum solutionem quis tenetur ante mortem. Alia proveniunt ex contractibus vel quasi contractibus, & sunt vel *hypothecaria* vel *personalia*; & alia proveniunt ex delictis aut quasi delictis. Si debita Ludovici sunt de primo genere & simul hypothecaria, quatuor hæredes tenentur in solidum ad ea expungenda; & pro rata partis ex hæreditate perceptæ, si sint personalia. Et hæc distinctio inter debita hypothecaria & personalia clare statuitur non solum a legibus Romanis, jure consuetudinario, & tribunalium stylo in omnibus supremæ Curis universaliter observato, sed etiam a jure canonico. Si autem debita Ludovici sunt de secundo genere, quod consistit in lucris illicitis, hæredes juxta leges civiles non obligantur.



gantur in solidum, nisi personæ læsæ defuncto ante suum obitum actionem intentassent. Nihilominus non conveniunt Canonistæ hac super re, aliis hæredes semper obligantibus, aliis non nisi conformiter ad consuetudinem loci, ubi casus contingit, eos obligantibus; & hæc secunda opinio præferenda est primæ. Observandum denique quoad illicite acquisita & ex usura provenientia, obligationem restituendi non cadere super lucra & emolumenta, quæ quis percepit ex summa usurarie aut quomodovis illicite acquisita, sed solum super ipsam summam. *Pontas.*

NOTA. Vide & sequere potius dicta ad casum 105. Si bona erant onerabilia absque alterius consensu, eo ipso in contractibus bonæ fidei præsumenda sunt, fuisse jure naturali obligata per modum hypothecæ privatæ.

**CASUS CXII.** Hyacinthus mercator possidet viginti millia florenorum legitime acquisitorum & quinque millia male partorum; moriens jam reliquit quinque millia Huberto nato minori filio per modum legitimæ; reliqua omnia transtulit in Judam filium natu majorem. Hubertus expresse monuit fratrem suum, inter bona hæreditaria patris reperiri 5000. florenos male partos, eumque ad faciendam restitutionem est exhortatus, oblata simul sua parte juxta proportionem adeptæ hæreditatis; quod tamen ut crederet, Judas adduci non potuit. Teneturne Hubertus recusante id fratre solus restituere integram summam male partorum, aut tantum pro rata portionis suæ hæreditariæ?

ꝰ. Restitutio 5000. florenorum male acquisitorum fieri debet juxta dispositionem consuetudinis pro diversitate locorum variam. Consuetudo frequentior est, vi cujus Hubertus ad restitutionem tantum contribuere deberet quintam partem, & Judas teneretur ad residuum. *Pontas.*

NOTA. Hæc consuetudo est juri naturali conformis, nisi summa Huberto relicta in individuo foret male parta.

**CASUS CXIII.** Caninius in mandatis dederat Diomedæ famulo suo, ut auferat Joanni crumenam 500. florenos continentem; & Afranius consuluit Diomedæ, ut exequeretur mandatum heri sui. Diomedes abstulit crumenam, eamque reposuit in manus Mæviæ consentiente Jacobo marito ipsius, ita ut utrique eorum furtum plene innotuerit. Julianus tandem, qui potuisset ac debuisset impedire furtum, noluit impedire. Quisnam ex his omnibus tenetur primus ad restitutionem? & hoc deficiente quis dein?

3. Si Mæviæ adhuc ad manus sunt 500. floreni, illa præ omnibus tenetur ad restitutionem, utpote possidens rem alienam. Cum plures in solidum restitutioni astringuntur, ait Cabbassutius L. 6. c. 23. n. 1. observandus est hic ordo, ut primum teneatur is, qui rem habet adhuc in sua substantia, aut certe æquivalenter, puta si ex aliena re jam consumpta factus est ditior. Deficiente Mævia tenetur præ reliquis Caninius, tanquam furti causa principalis. Hoc vero non restituente tenetur secundo ordine is, qui damnum alteri fieri mandavit, utpote causa damni principalis. Qui autem su' eo damnum fecerit, instrumentalis est causa. Idem ibid. Tertius igitur obligatur Diomedes, qui furtum perpetravit; & his tribus deficientibus Afranius, qui dedit consilium ad committendum furtum. Et si Mævia non amplius in sua possessione habeat rem ablatam, ipsa tamen & maritus aliis deficientibus tenentur ad restitutionem, cum certe participes fuerint commissæ injustitiæ. Denique reliquis omnibus deficientibus tenetur restituere Julianus, si ratione officii aut servitii sui debuit avertere omne damnum ab hero suo. De cætero notandum 1. Si possessor rei ablatæ restituit, omnes reliqui complices liberantur ab obligatione restituendi. 2. Idem dicendum, si restitutio fuit facta ab eo, qui dedit consilium. 3. Si il, qui fuerunt causæ furti minus principales restituerunt, causæ magis principales tenentur eos servare indemnes. 4. Denique si quis eorum, qui sunt causæ minus principales, obtinuit ab eo, cui debetur restitutio, condonationem suæ in particulari restituendæ partis, reliqui non amplius obligantur nisi ad restituendam suam pro se quisque partem pro integra damni reparatione. Pontas.

CASUS CXIV. Sylverius, Lampridius & Orontius ex condito noctu Gabrieli de consilio Jacobi abstulerunt quisque sex vini amphoras, aliis duobus interea excubias agentibus, ne primi tres deprehenderentur. An uno integrum damnum reparante reliqui ab omni restitutionis onere sunt liberi?

3. Quod responsum est ad casum præcedentem, id ipsum responderi poterit ad præsentem. Si Sylverius totum damnum illatum repareret, Jacobus, qui dedit consilium, & duo excubitores ab omni prorsus restitutionis obligatione liberi sunt. Lampridius tamen & Orontius tenentur Sylverio præstare indemnitate pro ratione portionis, quæ ipsis ex furto obligat. Pontas.

CASUS CXV. Gabriel, Andreas & quatuor alii domestici ante septem vel octo annos ex condito repetitis vicibus Ferdinando hero suo 250. florenos abstulerunt. Gabrielem  
hac

hac de re in confessione se accusantem obligavit confessorius ad restituendam totam summam; qui tamen pro excusatione reposuit 1. portionem ablati, quæ sibi obligit, vix triginta florenos adæquare. 2. Verosimile non esse, quod complices furti, aut saltem non nulli eorum non restituerint partem suam. 3. Evenire posse, ut sexies Ferdinando integra summa redderetur, si quilibet complicum in solidum obligetur ad restituendam totam summam.

3. Prima ratio Gabriellis non potest admitti; cum certum sit, quemlibet complicum furti obligari in solidum ad faciendam integram restitutionem ablati. Secundam rationem proprio Gabriel exemplo destruit, dum tamdiu confessus non fuit, aut saltem furtum in confessione non exposuit, id quod etiam a complicibus fieri potuit; credibile insuper non est ab ullo eorum restitutionem factam fuisse; cum sit rarissimum, fures esse & perseverare in concepto restituendi proposito. Tertia demum ratio nulla est; quia remanente semper perpetrati furti certitudine certa remanet restituendi obligatio, complicemque de facta restitutione certum esse oportet; meraque possibilitas Gabrielem coram Deo excusare non potest. Totum, quod in hoc casu facere potest Gabriel, est, ut inquirat, an restitutio facta fuerit; & posito, quod facta fuerit, tenetur suam ablati portionem, nempe 30. florenos restituere illi, a quo facta est integra restitutio. *Pontas.*

CASUS CXVI. Blasius vineam Christophori viri omnibus insensissimi ingressus sepes rumpere ac vites evellere incipiebat. Quatuor alii fortuito ibi se detinentes ceptam devastationem prosequabantur, quin tamen a Blasio fuerint instigati. Alii, duo primorum exemplum secuti idem fecerunt, ita ut brevi temporis intervallo vinea penitus fuerit destructa. Tenenturne singuli isti septem in solidum ad reparandum damnum?

3. Si omnes ex condicto delictum hoc commisissent, omnes, & quilibet in particulari, tenerentur in solidum reparare damnum illatum. Licet autem in præsentī casu nulla intervenerit conspiratio; cum tamen pravo exemplo maxima insit vis etiam alios trahendi in societatem criminis, & quo plures ad illud perpetrandum concurrunt, eo majori singuli accendantur audacia, etsi quilibet tantum proprio suo motu agat, satis probabiliter defendi potest, omnibus in particulari incumbere obligationem in solidum reparandi damnum, etiam illo non excepto, qui ex parte sua non nisi modicum contulisset. Sic sentit S. Bernardinus Serm. 33. in Dom.

4. Quadr. art. 2. cap. 1. Tom. 1. Nihilominus cum in casu

proposito damnum fuerit illatum successive, & diversis temporibus, non videtur quilibet in particulari obligandus in solidum ad reparandum integrum damnum, sed tantum pro ratione damni a se illati. *Pontas.*

**CASUS CXVII.** Fulcus & ducenti cum eo fanatici, quorum caput erat, ex condicto urbem quamdam expilarunt. Fulco in prædam venerunt 100. dupliones; conversus autem postmodum partem suam, cum plura non posset, restituendi promptum concepit animum. Cuiam facienda restitutio in hoc casu, in quo impossibile est particulariter nosse damnicatos?

R. Juxta S. Thomam in 4. dist. 15. q. 1. art. 5. quæstionem. 4. ad 3. restitutio facienda est pauperibus urbis, aut res ablata pro bono communi incolarum impendenda secundum arbitrium Episcopi, vel eorum, ad quos spectat cura loci illius. Reliquis ducentis interea semper imposita manet obligatio in solidum reparandi residuum damnum, prout & Fulco ipsi. *Pontas.*

**NOTA.** Quoad modum obligationis restituendi in solidum vide & sequere legem charitatis, de qua ad casum 88.

**CASUS CXVIII.** Petrus sciens, Didymum Religiosum professum dono accepisse horologium argenteum, illud ipsum furatur. Elapsis tribus mensibus Petrus rogat Didymum furti veniam & restitutionis condonationem; quam gratiam etiam Didymus illi annuit. Num liber exinde coram Deo Petrus est ab obligatione restituendi?

R. Idem hic dicendum est de debito, quod de donatione. Jam vero certum est, Religiosum professum nec donationem facere, nec debitum remittere posse. Hinc condonatio debiti Petro facta a Didymo coram Deo nulla est, Petrusque semper manet obligatus ad faciendam restitutionem monasterio; cum Didymus nihil possidere possit jure proprietatis. *Pontas.*

**CASUS CXIX.** Cassianus mercator cum bona fide & ex inadvertentia accepisset adulterinum duplionem pro genuino, præcepit uxori suæ, ut illum cum aliis commisceat, ac cum genuinis pro facienda solutione expendat; id quod uxor ex metu fuit execututa. Teneturne uxor proprio ac privato suo nomine ad restitutionem? aut num sufficit, si commoneat maritum de obligatione restituendi?

R. Maritus & uxor in solidum tenentur ad restitutionem. Maritus tamen tenetur prior, & eo deficiente uxor. *Pontas.*

**CASUS CXX.** Sempronia filia Mæviæ pluribus annis servit matri suæ sine ulla accepta mercede, iterata tamen sæpius proportionatæ remunerationis promissione. Mævia subito apoplexia tacta ac usu loquelæ destituta comprimit manum Semproniz; & moritur. Sempronia id pro signo interpretata factæ sibi donationis triginta duplionum, quos Mævia insciis reliquis Semproniz sororibus reconditos habebat, hanc sibi summam vendicat in justam recompensationem præstiti per tot annos servitii. An peccavit Sempronia? Num legitime hanc sibi summam acquisivit?

ꝑ. Non peccavit quidem Sempronia contra conscientiam suam; cum non crediderit se ullam committere injustitiam, aut Deum offendere: peccavit tamen contra legem, vi cuius nemini licet accipere rem alienam. Jam vero triginta dupliones non magis ad Semproniam, quam ad reliquas sorores ipsius pertinebant. Signum donationis a Mævia factum est valde ambiguum: poterat enim eadem vel ampliori verisimilitudine indicare desiderium auxilii spiritualis vel corporalis, aut provenire ex affectu amicitiz, aut omnino ex motu convulsivo. Hinc Sempronia reliquis sororibus suam ex retenta summa partem restituere tenetur. Servitia a Sempronia matri exhibita non tribuunt illi auctoritatem occulte sibi mercedem quærendi; quia filia tenetur gratis exhibere matri auxilia necessaria ac possibilia: ad hæc credibile non est, reliquas sorores in domo torpuisse otiosas, & nullum indigent matri præstitisse obsequium. *Pontas.*

**CASUS CXXI.** Leodegarius & Leander humularii commune frequenter exercebant commercium. Leandro defuncto Leodegarius defuncti hæredibus declaravit, in manibus suis quædam adhuc bona esse reposita ad Leandrum pertinentia, eaque illis reddidit addita simul & a se & a conjuge sua declaratione, sibi nulla alia superesse bona ad successores defuncti spectantia. Leodegarius & ipse post quatuor annos mortuus reliquit quatuor liberos, duos ex primo, ac totidem ex secundo thoro. Liberi ex primo thoro petierunt partem ex bonis paternis sibi competentem; sed noverca illis respondit, paratam se fore ad tradendam cuilibet partem suam, in conscientia tamen se obligari, ut indicet, bona sibi & Leodegario communia onerata esse debitis 1000. florenorum Leandri hæredibus persolvendorum; &, ut illos de dictorum veritate omnino convinceret, prima restituit 500. florenos ex parte sua, quam ex bonis communibus habebat dimidiam. Liberi ex thoro primo de veritate vel persuasi suam etiam partem contribuerunt. Sed ubi no erca illorum e vivis excesserunt

rat declaratione sua non retractata, liberi ex thoro secundo geniti coram iudice protestati sunt, se nullam de hoc debito patris sui habere notitiam, sique per sententiam iudicalem ab obligatione solvendi liberati fuerunt. Censendine sunt etiam liberi ab hac obligatione in foro interno?

¶ Cum declaratio matris sincera videatur, & nullus omnino supersit locus suspicandi collusionem cum hæredibus Leandri, prudenter remitti non potest liberis secundi thori obligatio suam quoque portionem conferendi ad expunctionem debiti paterni. *Pontas.*

**CASUS CXXII.** Humbertus debet Bernardo & pluribus aliis notabiles admodum pecuniæ summas, pro quibus creditores immisionem in bona illius obtinuerunt. Verum Humbertus Bernardo amico suo gratiam facturus integrum ei ex bonis suis debitum solvit. Reliqui creditores hoc cognito prætendunt, Bernardum in conscientia obligari, ut accepta in communem massam referat. Potestne Bernardus uti quovis, quod in promptu habet, remedio ab hac obligatione sese eximendi?

¶ Bona in favorem omnium creditorum arresto subiecta una cum fructibus inde provententibus pertinent ad omnes creditores in communi, & non ad quemquam in particulari. Hinc Bernardus non potest tuta conscientia se eximere ab obligatione ad communem massam repouendi, quæ ab Humberto acceperat. *Qui vero post bona possessa debitum suum recepit, ait Lex. Quod autem. 6. §. 7. ff. Lib. 42. Tit. 8. hunc in portionem vocandum, exæquandumque cæteris creditoribus: neque enim debuit præripere cæteris post bona possessa, cum jam par conditio omnium creditorum facta esset. Idem dicendum, dum debitor facit cessionem bonorum. Pontas.*

**NOTA.** Aliud dicendum, si Bernardus suam pecuniam commodasset ad breve solum tempus in usum determinatum privilegiatum v. g. sationem,

**CASUS CXXIII.** Hildebertus supplicavit pro aliquo officio annuorum reddituum 400. florenorum. Stephanus id sciens adiit collatorem, eumque rogavit, ne id conferat Hildeberto. Teneturne Stephanus ad reparationem damni illati?

¶ Semper datur obligatio reparandi damnum. dum quis aliquem impedit a consecutione juris sui per fraudem, violentiam, aut potentes preces ad persuadendum efficaces; quia manifestam committit injustitiam, aut saltem efficaciter cooperatur ad injustitiam illius, qui bonum illud impertiri tenet.

nebatur petenti. Eadem datur obligatio, dum quis minis, calumniis, aut alio modo injusto quempiam impedit a consecutione rei, ad quam nullum habet jus. Stephanus autem, cum simplicibus tantum precibus usus sit, & Hildebertus nullum habuerit jus ad officium, non tenetur ad restitutionem; licet peccaverit contra charitatem. *Pontas.*

**CASUS CXXIV.** Patritius ex odio erga Thomam impedit, ne ei conferatur Præbenda, qua dignus erat; vel collationem aut præsentationem jam factam revocandam curavit. Teneturne ad aliquam restitutionem?

¶. Potest quis impediri *jusse*, ne Præbendam obtineat, si scilicet pro bono Ecclesiæ intendatur, ut Præbenda conferatur digniori; & tunc nulla datur obligatio restituendi: & alio modo *injuste* v. g. adhibendo violentiam, minas, aut calumnias, vel ex spiritu odii & animo nocendi, ut fit in casu præsentante. Et tunc distinguendum est: si collator aut patronus necdum plene determinaverint, se collaturos Beneficium huic personæ, etiam dignæ, impediens tantum tenetur ad simplicem compensationem juxta arbitrium viri prudentis, ut docet S. Thomas 2. 2. q. 62. art. 2. ad 4. Si vero collator aut patronus jam promissit cuidam Beneficium, juxta eundem S. Doctorem impediens tenetur ad compensationem æquivalentem. Observandum hic ex S. Antonino 2. part. Sum. Theol. Tit. 2. c. 2. §. 6. quod, si quis impediret alterum a consecutione Beneficii solum animo illud sibi aut amico procurandi, nulla detur obligatio restituendi; quia non fit injuria illi, in cujus præjudicium petitur Beneficium a collatore vel patrono, utpote necdum perfecta collatione, & consequenter jure nemini adhuc acquisito. *Pontas.*

**NOTA.** Compensatio illa correspondens læsioni charitatis versari debet in genere obsequii indebiti charitatis, si inveniri queat occasio, aut certe iteratis precibus supplenda. Hæc autem obligatio non daretur, si quis haberet rationabile motivum dissuadendi vel impediendi alterius promotionem, v. g. ex lutatione commendandi certe digniorem.

**CASUS CXXV.** Epimenides sciens, a quodam amicorum suorum Lællum universalem legatarium solemnī testamento fuisse institutum, vehementer adeo sollicitavit amicum, ut mutato testamento ipse universalis legatarius institueretur; prout & amico defuncto in bonorum ejus possessionem successit. Teneturne Epimenides Lælio ad aliquam restitutionem?

§. Notandum, tres requiri conditiones, ut alterius bonum impediens teneatur restituere : 1. Ut impeditus facile potuisset rem obtinere, nisi hoc impedimentum obstitisset. 2. Ut impeditus potuisset iuste rem consequi. 3. Ut quis impediverit per dolum & fraudem, mendacium aut minas, aliamve actionem iustitiae oppositam : id tamen juxta Cabassutium Lib. 6. cap. 14. n. 8. solum intelligendum est de impedimento illi posito, qui nullum habebat jus ad rem. Hinc Epimenides ad nullam Lælio tenetur restitutionem ; quia amicum suum ad mutandum testamentum non induxit modo injusto, Læliusque nullum habuit jus ad hæreditatem, ac præterea testatori plena erat libertas revocandi testamentum suum.

NOTA. Cum charitas sui sit prior ac potior charitate erga proximum, Epimenides, si cætera sint paria, ne quidem peccavit contra ordinem charitatis commendando se ipsum vel amicum æque dignum præ alio non eminenter digniore. Si autem alius præoccupando jam cepisset quasi-possessionem in animo testatoris, non posset arbitrarie delicti sine violatione illius magnæ regulæ charitatis : *Quod tibi non vis fieri &c.*

CASUS CXXVI. Rex provinciam quamdam Alexandro commisit gubernandam assignatis ipsi redditibus 15000. florenorum cum multiplici jure util. Præter ista assignati sunt ipsi mille floreni pro Capitaneo custodiæ suæ. Alexander hos mille florenos sibi applicaturus Capitaneum custodiæ suæ assumpsit virum nobilem de suo servitio, cui de hac pecuniæ summa obtigit nihil, licet singulis annis solutionis apocham subscribere debuerit. Unde Alexander suum Capitaneique stipendium sibi retinuit. Potest Alexander secunda conscientia in proprium hos mille florenos reservare commodum, quin ad utiliam viro nobili teneatur restitutionem ? Idem queritur de præfecto ærarii, vel alio ejusmodi ministro, qui pro suis usibus retinet id, quod a Rege assignatur pro persona ipsi adjuncta.

§. Nec Gubernator provinciae, nec præfectus ærarii possunt in suum commodum applicare has summas ; cum evidenter id sit contra intentionem Regis. *Pontas.*

CASUS CXXVII. Demetrius nobilis Gallus ab Imperatore Posonii Gubernator constitutus præter nocturnas excubias etiam diurnas agi iussit a certa hominum copia, ut adventus hostium edito signo statim posset indicari vicinis oppidis, quorum singula in expensas harum excubiarum determinatam pecuniæ summam solvebant. Restituta pace Demetrius diurnas excubias inutiles esse ratus, eas omitti, & tantum nocturnas agi jubebat, licet vicina oppida easdem, quam



quas tempore belli, expensas solverent. Potestne Demetrius contributiones a vicinis oppidis factas in diurnas excubias, & restituta licet pace ac omisissis de die excubiis perceptas retinere salva iustitia? Et posito quod teneatur ad restitutionem, culnam facienda est restitutio?

¶. Gubernator absolute non potest sibi retinere has contributiones restituta pace ac omisissis excubiis perceptas. Considerare potius debet hanc impositionem ut injustam, & consequenter pro viribus eo tendere, ut aboleatur, aut saltem diminuatur, si in potestate ipsius sit: quod si non, saltem id boni contribuentibus procurare debet, ut Principi ob oculos ponatur, hanc exactionem finito bello jam esse injustam. Pontas.

CASUS CXXVIII. Aristus inclitavit Tullium ad corrumpendam aliquam foemnam. Teneturne ad reparationem Tullio faciendam?

¶. Tenetur coram Deo illi reparare damnum spirituale illatum, quantum potest. Tenetur modo sibi possibili restituere sibi damnum, ait Scotus in 4. dist. 15. q. 3. scilicet inducendo eum efficaciter ad poenitentiam, & ad actus virtuosos: & si sola inducio non sufficiat, quia facilius est pervertere quam convertere, tenetur & per se orando & per orationes aliorum procuratas impetrare illi conversionem, & per alios persuasores efficaces. Pontas.

CASUS CXXIX. Eustorgius mandavit Relio filio suo, ut Lælium verberibus excipiat, prohibita tamen ipsi occisione aut mutilatione. Filius autem paterni mandati limites transgressus vel mutilavit vel occidit Lælium. Teneturne Eustorgius reparare omnia damna inde secuta?

¶. Qui mandat actionem malam, principalis ejusdem causa est, & tenetur juxta S. Thomam 2. 2. q. 62. art. 9. C. reparare integrum damnum exinde secutum. Hinc & Eustorgius tenetur de omni damno ex actione filio demandata secuto. Pontas.

CASUS CXXX. Macrobius præcepit Judæ famulo suo domestico, ut necaret equum Caji inimici sui: postea vero facti poenitens revocavit mandatum suum. Judas nihilominus insuperhabita revocatione heri sui enecavit equum. Teneturne Macrobius in conscientia ad restituendum Cajo pretium equi?

¶. Quamprimum mandatum fuit revocatum ante executionem ejusdem, Macrobius non tenetur ad restituendum pretium equi; tenetur autem Judas, qui executus est mandatum, quod sciebat esse revocatum. Communiter concludunt Doctores.

*Doctores*, ait Cabassutius L. 6. c. 16. n. 5. *eum, qui mandaverat, si ante damni executionem mandatum penes mandatarium revocaverit, eximi ab onere restituendi . . . sic enim satis superque cessat mandati præcedentis influxus. Pontas.*

CASUS CXXXI. Henricus mutuòs dedit 1000. florenos Laurentio mercatori sericario. Cum autem ex communi rumore cognovisset: res Laurentii lapsui esse proximas, petiit ab eo solutionem. Laurentius libere fatetur, negotiationem suam pessimo esse loco, consentitque, ut omnes merces residuæ transferantur in securum locum, & ex earum venditione Henricus retineat mille florenos, residuum autem sibi reddatur; id quod executioni datum est. Verum Laurentius residuum ex mercium venditione pretium brevi dissipavit; exceptis 250. florenis adhuc in manibus Henrici hærentibus. Henricus postmodum a quodam Laurentii creditore in judicium vocatus favore & auctoritate amicorum suorum causam lucratur, procurata insuper creditoris condemnatione in actionis expensas 250. florenorum summam adæquantes. Jam queritur, ad quid teneatur Henricus, qui in omni suo agendi modo summam Laurentio charitatem exhibuisse se arbitrabatur, nec a longe suspicans, mali quid se fecisse.

3. Henricus vere est complex occultationis mercium Laurentii, & quidem non sine notabili damno creditoribus illato. Et hinc tenetur in conscientia ad præstandam illis indemnitatem quoad omnia, quæ Laurentius male dilapidavit, ac etiam quoad summam 250. florenorum in manibus suis relictam. Quod attinet 1000. florenos a Laurentio illi debitos ac perceptos; si hujus summæ solutio in judicio idoneis testibus probaretur, teneretur eam referre in massam communem; imo posset puniri ut complex decoctionis a Laurentio factæ. *Pontas.*

CASUS CXXXII, Caprasius Titii confessorius dedit ipsi consilium, ut restituat centum florenos; ad quam restitutionem tamen Titius non tenebatur. Obligandusne Caprasius ad reparandum Titio damnum?

4. Doctores non conveniunt circa hoc punctum. Nihilominus videtur, Caprasium teneri ad faciendam suo penitenti restitutionem 100. florenorum, si hoc ei consilium dedit ex malitia, ignorantia graviter culpabili, aut ex imprudentia inexcusabili. Et hæc est sententia S. BERNARDINI *Serm. 34. in Dom 4. Quad. tom. 1.* Cujus rationes sunt: *Prima, quia tenentur talia præcavere. Secunda, quia unusquisque tenetur sufficienter scire & exequi diligenter artem, qua in*  
pro-

*proficitur; maxime quando vergit in periculum alterius error suus. Tertia, quia eorum imperitia & negligentia habent quamdam efficacem causalitatem damnificationis illorum. Si tamen confessarius competenti scientia instructus erret, poenitentem eximendo ab onere restitutionis, ad quam obligatur, vel ad illam sine necessitate obligando, suggesto consilio, quod in conscientia dandum esse putabat, non videtur talis obligatus esse ad reparandum damnum in his circumstantiis illatum; dummodo in casu dubii consuluerit viros eminenti scientia conspicuos, si fieri potuerit. Pontas.*

*NOTA.* Hinc in materia restitutionis, si occurrat casus extraordinarius, de cuius resolutione confessario prudens occurrit dubium, peccat confessarius, nisi sibi tempus deliberandi vel peritiores consulendi exposcat, aut si poenitens redire nequeat, eum ad consulendum alium peritum suæ viciniae confessarium obliget.

**CASUS CXXXIII.** Theocrites homo privatus, catapultæ, duobus sclopis minoribus, & gladio instructus, ac cujusdam amici pariter armati comitatu stipatus plateam civitatis pertransit, & furem deprehendit, qui actu domum vicini sui spoliabat: quem, licet facillime abigere potuisset, tamen non abigit. Teneturne fure non restituente reparare damnum vicino suo illatum?

*¶.* Graviter in hoc casu peccavit Theocrites contra charitatem; ad restitutionem tamen non obligatur; quia non ex iustitia tenebatur impedire furtum. Si tamen ad officium hominis non spectat, ait S. Bernardinus l. c. & malis seu aliorum damnis, cum possit, non obstat; licet mortaliter peccet, quia non diligit proximum sicut se ipsum, non tamen satisfacere obligatur. Pontas.

*NOTA* Erronea est hæc ratiocinatio: non obligatur ex iustitia ad impediendum furtum, sed tantum ex charitate; ergo non tenetur restituere. Non obstat cum obstat possit, sit alieni criminis v. g. furti reus; ergo tenetur restituere.

**CASUS CXXXIV.** Theodemirus Iudex civilis & criminalis in quodam Provinciæ oppido novit, Julianum Jacobi tutorem usurpare ac diripere bona pupilli sui nemine se opponere auso; nec tamen malo medetur, etiam si desuper fuerit requisitus. Teneturne in conscientia ad reparandum omne damnum huic pupillo illatum?

*¶.* Cum Theodemirus ratione officii sui fuerit obligatus ad protegendum hunc pupillum, tenetur in solidum una cum tutore ad reparandum omne damnum illi illatum. Pontas.

NOTA. Recte dicitur *in solidum* : qui enim solum *ex charitate* tenetur impedire damnificationem proximi, non tenetur ad restitutionem *in solidum*, sed ex æquo juxta exigentiam læsi arbitrio boni viri, v. g. confessarii pro variis circumstantiis varie metiendam. Vide *Cas.* 88. 97. 124. 125.

**CASUS CXXXV.** Amaricus parochus vidit bona ecclesiæ suæ dissipari a curatoribus, qui potentia pollentes hanc *fieri* auctoritatem arrogarunt; quin se opponeret, veritus, ne simultatibus viam apperiret. Teneturne parochus deficientibus curatoribus ecclesiæ suæ reparare damnum illatum?

R. Ex responsionibus ad præcedentes casus fati colligitur, eum teneri. Deberet parochus in charitate curatoribus atrocem injuriam proponere, eisque gravem damnum reparandi obligationem inculcare, & si furdis loquatur, sese convertere ad Episcopum, aut implorare desuper legitimum judicem. *Pontas.*

**CASUS CXXXVI.** Palladins falsum deposuit testimonium circa rem uno abhinc anno factam, ratus tamen, se dicere verum; ac per hoc pars innocens 100. florenorum jacturam passa est. An defectus memoriæ eum excusat a peccato mortali, & obligatione reparandi damnum?

R. Si hic defectus memoriæ est pure naturalis, Palladius juxta S. Thomam 2. 2. q. 70. art. 4. ad 1. peccati mortalis condemnari nequit, nec, ut addit Cajetanus *in S. Thomam citat.* tenetur ad restitutionem damnum passo. Si tamen ejusmodi testis postmodum adverteret, se veritatem non dixisse, teneretur admonere reum, in cujus favorem deposuit, ut hic damnum parti læsæ repareret; & casu, quo hic restitutionem repudiaret, coram judice revocare deberet testimonium suum, si sine gravi periculo id fieri possit. *Pontas.*

NOTA. Tuta sententia est, ex culpa theologice levi non dari obligationem reparandi totum damnum grave.

**CASUS CXXXVII.** Timoleon civis in judicium vocatus ad dicendum de furto sibi noto testimonium, non omnem, ut potuisset, aperuit veritatem, suoque silentio causa existit, quod totum damnum non fuerit reparatum. Teneturne in conscientia fure deficiente resarcire integrum damnum?

R. Si Timoleon plenam detegendo veritatem non incurrisset grave periculum v. g. amittendi vitam aut bona sua, eximi non potest ab obligatione integrum resarciendi damnum; cum ipsius silentium omisse integræ restitutionis causa fuisse supponatur. *Pontas.*

**CASUS CXXXVIII.** Trebonianus Judex valde doctus ac idoneus scit, plures collegarum suorum proxime esse dispositos ad injustam ferendam sententiam, & metuens, ne ipsis displiceret diversa opinando, omnino non accessit iudicium, licet sibi perspectum haberet, se posse illos convincere de committenda injustitia. Teneturne Trebonianus coram Deo reparare damnum per iniquam reliquorum Judicum sententiam parti læsæ illatum?

ꝑ. Cum Trebonianus non habuerit causam legitimam se subtrahendi consensui judiciali, cui ex officio interesse decuisset, apparet, eum teneri ad reparandum parti læsæ damnum: non enim se opposuit injustæ sententiæ collegarum suorum, prout tamen ratione muneris, & in consensu debuisset. Idem dicendum foret, si Trebonianus adfuit quidem iudicio, eandem tamen cum reliquis sententiam tulisset, illis complacendi gratia. *Pontas.*

**CASUS CXXXIX.** Lyfidius & Mævius contendunt de proprietate domus cujusdam: septem Judices, quibus in hac controversia pronunciandum, Lyfidio infenti domum adjudicarunt Mævio, licet satis certi, eam pertinere ad Lyfidium. An omnes, & singuli in particulari tenentur Lyfidio ad restitutionem?

ꝑ. Omnes tenentur ad restitutionem, licet primi quatuor iudices teneantur præ posterioribus. *Si per injustum iudicium reus innocens damnatus fuit omnium iudicum suffragiis*, ait Cabassutius L. 6. c. 16. n. 2. illi, qui ultimi dederunt suffragium, post completum requisitum ad sententiæ validitatem numerum suffragiorum, videntur nihilominus obligari ad restitutionem. Ratio illius est; quia tres posteriores debuissent primis quatuor demonstrare sententiæ injustitiam. *Pontas.*

**CASUS CXL.** Alphius accepit tres dupliones ad faciendum aliquid, ad quod aliunde tenabatur. Teneturne has pecunias restituere?

ꝑ. Si ad faciendum id tenebatur ex iustitia, tenetur restituere has pecunias: v. g. si fuisset Judex, & accepisset has pecunias pro ferenda sententia; aut si ut testis suum vendidisset testimonium vel illud deponere recusaret, nisi illi quid detur ultra mercedem jure debitam pro suscepto in iudicio comparandi labore, aut sumptibus itineris eapropter faciendis; aut si invenisset summam pecuniæ, quam nollet reddere, nisi fiat aliqua remuneratio &c. *Pontas.*

**CASUS CXLI.** Fulgosus a quodam Episcopo obtinuit parrochiam intercedente illius cubiculario, cui Fulgosus dederat summam 150. florenorum, eidem promissam, casu quo

Beneficio isto potiretur. Jam quæritur, an Fulgosus teneatur reddere hoc Beneficium, & an cubicularius teneatur ad restituendos Fulgoso 150. florenos.

ꝑ. Juxta S. Thomam 2. 2 q. 100. art. 6. C. Fulgosus tenetur reddere Beneficium Episcopo, & cubicularius acceptos 150. florenos erogare in pauperes, quia non licet dare aut accipere temporale pro rebus spiritualibus. *Non debet fieri restitutio*, ait idem S. Doctor ibid. q. 32. art. 7. C. ei, qui dedit, sed debet in eleemosynas erogari. Et eadem ratio est in similibus, in quibus scilicet & datio & acceptio est contra legem. *Pontas.*

NOTA. Spectato solo jure naturæ male partorum per contractus turpes juxta veriorum sententiam jure naturali invalidos semper restitutio facienda est.

CASUS CXLII. Arthemius fruebatur præbenda, de qua canonice provisus non erat; quia pater ipsius eo incio ad obtinendam provisionem decem dupliones expenderat. Duobus post aditam possessionem annis venit in notitiam commissæ simoniæ, & conscientie suæ tranquillitatem conciliaturus præbendam dimittit in manus collatoris. Teneturne ad restituendos fructus perceptos ante cognitam suæ provisionis nullitatem?

ꝑ. Si ex perceptione fructuum non fuit factus ditior, ad nullam restitutionem tenetur: fuit enim possessor bonæ fidei. *Fructus bonæ fidei possessores reddere cogendi non sunt*, ait Lex *Senatusconsultum*. 1. Cod. Lib. 3. Tit. 31. *nisi ex his locupletiores extiterint.* *Pontas.*

CASUS CXLIII. Josephus commissam a se inculpabiliter simoniam post sex primum menses cognovit; & ex hoc statim suam sibi procuravit rehabilitationem, obtenta possessi Beneficii nova provisione. Teneturne restituere perceptos interea ex hoc Beneficio 100. florenos, & necdum consumptos?

ꝑ. Beneficiatus, cujus titulus est vitiosus ac nullus, nunquam potest fructus Beneficii facere suos. Hinc Josephus tenetur ad restitutionem horum 100. florenorum. Nilominus posset a Papa obtinere condonationem horum fructuum. *Pontas.*

NOTA. In casu, quo Papa convenienter adiri non potest, transactio seu compositio pertinet ad Episcopum, & in ejus difficili accessu ad confessarium nomine Dei, præsertim circa casus simoniacos mere occultos.

**CASUS CXLIV.** Decanus & canonici ejusdam ecclesiæ collegatæ simoniam commiserunt in collatione ejusdam præbendæ Julio facta, qui per integrum annum præbendæ fructus percepit, licet conscius commissæ simoniæ. Potestne is, aut debet huic ecclesiæ restituere fructus ex præbenda perceptos?

¶. Si omnes Canonici simoniæ, de qua agitur, rei non sint, sed tantum aliqui, Julius potest restitutionem fructuum facere eidem ecclesiæ; ita tamen, ut complices simoniæ nullum inde emolumentum capiant: excipienda nihilominus est portio distributionum quotidianarum & manualium, quas acceperat cum præjudicio Canoniorum nullo modo simoniæ participum; ad harum enim restitutionem obligatur. Si vero omnia membra Capituli simoniæ rea sunt, restitutio facienda est ecclesiæ alteri, aut pauperibus. Et hæc responsio sumitur ex D. Thoma 2. 2. q. 100. art. 6, ad 4. *Pontas.*

**CASUS CXLV.** Fortunatus presbyter ac Prior per sex menses non recitavit Breviarium. Teneturne restituere quamdam portionem fructuum, qui consistant in 50. florenis?

¶. Tenetur restituere partem dimidiam horum reddituum. *Officium, propter quod Beneficium ecclesiasticum datur*, inquit Bonifacius VIII. Cap. *Quia per ambitionem*. fin. in 6. Lib. 1. Tit. 3. Quod non solum intelligendum est de recitatione divini officii, sed & de omnibus aliis functionibus naturæ Beneficii annexis. *Pontas.*

Vide *Beneficiatus*. cas. 20. & 21.

**CASUS CXLVI.** Godefridus vir nobilis duo vel tria Beneficia simplicia valde pingua obtinuit pro Francisco secundo suo filio, undecim vel duodecim solum annos nato, & scholas frequentante, licet probe sciens, nullum illi ad statum ecclesiasticum esse animum. Franciscus revera Clericatum nunquam suscipere cogitans, & invitus de his Beneficiis provisorius, cum iis se abdicare ob inferiorem ætatem non posset sine consensu patris, absolute volentis eorum retentionem, usque ad annum ætatis decimum sextum Breviarium non recitavit, ubi defuncto patre ocysus sua dimisit Beneficia. Teneturne coram Deo restituere fructus ex his Beneficiis perceptos, quorum administrationem pater habuit?

¶. Non videtur obligari posse Franciscus ad restitutionem fructuum ex Beneficiis perceptorum; eo quod contra voluntatem suam iis provisorius fuerit, nec ea retinuerit, nisi quis iis se abdicare haud potuerit. Nihilominus licet ipse non teneatur ad restitutionem propter omissionem Breviaril,

tenentur tamen ad eam hæredes defuncti patris, in quorum emolumentum cedunt fructus percepti; & consequenter etiam Francisco eadem incumbit obligatio tanquam cohæredi pro rata portionis hæreditariæ. *Pontas.*

**CASUS CXLVII.** Bertrandus cujusdam ecclesiæ cathedralis Canonicus, licet sex mensibus absens, quotidianas tamen distributiones sibi persolvere curavit, concedentibus id reliquis Con - canonicis. An propterea liber censendus est ab omni onere restitutionis?

**R.** Ejusmodi condonatio a Con - canonicis Bertrando facta juxta Concilium Tridentinum Sess. 24. de reform. cap. 12. nulla est, utpote a jure prohibita. Hinc Bertrandus non potest ea uti tuta conscientia; sed tenetur ad restitutionem ecclesiæ aut pauperibus faciendam. *Pontas.*

**CASUS CXLVIII.** Gordius Canonicus per sex menses adstitit Horis canonicis negligenter, sine ulla attentione, & semper voluntarie distractus. Teneturne in rigore ad restitutionem fructuum suæ præbendæ pro rata hujus temporis?

**R.** Authores circa hanc questionem divisi sunt. Cabassutius cum aliis l. 6. c. 14. n. 14. censet, Gordium teneri ad restitutionem pro rata temporis; cui sententiæ & nos subscribimus, cum justitiæ contrarium sit sibi aliquod bonum attribuere, quod tantum testinatum est pro illis, qui digne Deo & Ecclesiæ serviunt. Confirmari potest hæc responsio ex decreto quarti Lateranensis generalis Concilii sub Innocentio III. 1215. cujus verba sunt: *Penitus jubemus, districte precipientes in virtute obedientiæ, ut divinum Officium nocturnum pariter & diurnum, quantum eis Deus dederit, studiose celebrent pariter & devote.* Glossa addit: *Studiose quantum ad officium oris, devote quantum ad officium cordis.* *Pontas.*

**NOTA.** Si Inattentio solum fuit interna, censeo Ecclesiam non obligare ad restitutionem, sicut ex eo capite non obligat ad novam recitationem Breviarii vel auditionem Missæ: Cum enim gravis materia actuum internorum non habeat mensuram determinatam, ea lex redderet innumeros perplexos sine necessitate.

**CASUS CXLIX.** Pompilius collator præbendæ cujusdam redditum 250. florenorum, illam contulit Jacobo minus digno præ Joanne illam perente, & singulariter merito. Teneturne Joanni ad restitutionem æquivalentem, eoquod peccavit contra justitiam?



3. Pompillus ad nullam tenetur restitutionem, etsi peccaverit contra justitiam distributivam; teneretur autem, si peccasset contra justitiam commutativam. S. Thomas 2. 2. q. 62. art. 4. C. Per justitiam commutativam redditur proximo, quod illi debetur. Cæterum obligatio restituendi ex tribus fontibus emanat. 1. Quando res aliena in manibus detinetur. 2. Quando res aliena injuste accipitur. 3. Quando intercedit legitima conventio, seu contractus. In casu autem præsentis nihil horum intervenit: nec enim Joannes habet jus in re aut ad rem intuitu hujus præbendæ; nec collator ex quâdam conventionione eam ipsi conferre tenetur *Pontas.*

NOTA. Benedictus XIV. concedit circa Beneficia curata actionem evidenter digniori.

CASUS CL. Sophronius Canonicus regularis gaudens pensione annua ex quodam officio claustrali, aut ex Beneficio, per meram parsimoniam congeffit 1500. florenos, eosque donavit nepti suæ quindecim aut sedecim annos ratæ. Summa hæc matris custodiæ tradita, pervenit in manus patris, qui ea brevi dissipata moritur. Neptis paulo post contrahit matrimonium, & in primo anno fit vidua. Teneturne neptis hanc suam mam restituere ecclesiæ aut pauperibus? Dubium neptis movetur ex eo, quod audiverit, Sophronium, utpote Religiosum, proprium possidere non posse.

3. Distinguendum est inter Religiosum simplici pensione fruentem, & officium claustrale vel Beneficium possidentem. Religiosus non potest habere administrationem cujusdam pensionis, nisi cum licentia sui Superioris, quæ concedenda non est, nisi pro necessariis ad sustentationem vitæ. Si Sophronius habet officium claustrale, aut Beneficium, de redditibus disponere potest ut sæculares. Hoc supposito, si Beneficiati ejusmodi sunt domini reddituum beneficalium, possunt pro suo libitu de illis disponere, quin peccent contra justitiam, etiam male utendo, licet peccent contra charitatem; & ii, qui aliquam exinde partem obtinuerunt, ad nullam tenentur restitutionem. Verum si tantum sunt Oeconomi fructuum Beneficalium, prout nos censemus, de eo tantum disponere possunt, quod est necessarium ad honestam sustentationem vitæ, & residuum tenentur erogare in pauperes. Nihilominus si neptis Sophronii bona fide ab eo accepit 1500. florenos, non videtur, eam teneri ad restitutionem; maxime cura exinde non sit facta ditior. S. Beuve tom. 3. cas. 137. *Pontas.*

**NOTA.** Religiosus non potest valide disponere de bonis annexis massæ aut personæ regulari. Canonicus autem Regularis, cum ex ipsa natura sui ordinis sit capax beneficiorum sæcularium, licet & valide disponit de redditibus beneficii sæcularis conformiter ad mentem Ecclesiæ. Idem dicendum de Beneficio regulari, in quo institutio ac denotatio tantum pertinet ad Episcopum, sic ut Vicarius regularis ad autum sui Superioris amoveri non possit. Ita docet Navarrus comm. 2. n. 6. & 7. & supponere videtur Pontasius hoc loco. Quod tamen intelligendum, nisi alia lex per consuetudinem introducta sit, aut nisi in ipsa incorporatione redditus Beneficii sine exceptione deputati fuerint pro sustentatione fratrum.

**CASUS CLI.** Adrianus tempore vindemiali locavit Bertholdo vasa vindemialia, quæ sciebat esse putrefacta. Bertholdo vnum immittente, illud aut fuit corruptum, aut effusum. Teneturne Adrianus ad reparandum damnum?

ꝑ. Adrianus peccavit mortaliter, & tenetur ad reparandum integrum damnum: idem enim tenendum de contractu locationis, quod de contractu emptionis & venditionis. *Si quis dolia vitiosa ignorans locaverit, ait Lex Sed addes. 19. §. 1. ff. Lib. 19. Tit. 2. deinde vinum effluerit, tenebitur in id, quod interest; nec ignorantia ejus erit excusata. Pontas.*

**CASUS CLII.** Si Adrianus credidisset, vasa locata non esse vitiosa, tenereturne tamen præstare damnum locatario illatum? Et, si non teneatur, potestne insuper percipere a Bertholdo prærium locationis?

ꝑ. Si Adrianus bona fide vasa locavit, nulla habita iusta ratione suspicandi aliquod vitium, & ea Bertholdo simpliciter tradidit, non affirmata eorum bonitate, sed relicta locatario plena libertate ea visitandi ac probandi ad nullam tenetur restitutionem; cum hæc ignorantia eum reum non constituat: quia tamen hæc vasa ad destinatum usum non erant idonea, Adrianus petere non debet solutionem pretii locationis, Verum si Adrianus hæc vasa locasset affirmata illorum bonitate per fidem suam, integrum damnum Bertholdo reparare teneretur. Et in hoc sensu intelligenda sunt verba legis ad casum præcedentem citata: *Si quis dolia vitiosa &c.* & alia Glossæ: *Ille tenetur (damni) siue scienter siue ignoranter locet, vel vendat vas corruptum. Pontas.*

**CASUS CLIII.** Daniel sub falsa promissione matrimonii, & violentis sollicitationibus corripuit Joannam octodecim annorum puellam: idque factum est notorium, & publicum. Teneturne puellæ ad aliquam restitutionem? An pari ratione teneretur, si nec fraude nec violentia fuisset usus?

ꝑ. Quod attinet primum, tenetur puellæ reparare damnum, eam ducendo, si fieri possit, & ipsa velit, aut eam dotan-

tando. Quoad secundum dico, Daniele ad nullam restitutionem teneri; *scienti enim & consentienti non fit injuria, neque dolus.* Pontas.

NOTA. Juxta probatorem sententiam, quod contractus turpes sint jure naturæ invalidi, etiam in primo casu Daniel ad nihil tenetur ante sententiam judicis, qui, si expedire videatur, ad hanc poenam potest condemnare reum.

**CASUS CLIV.** Constantina genuit ex adulterio infantem, qui cum aliis liberis pro legitimo habetur. Debetne confessorius eam obligare; ut veritatem suo marito vel huic proli declaret, ad præcavendam injustitiam, quam reliqui liberi paterentur? Et sub quibus conditionibus ea est absolvenda?

¶. Principium jure naturæ fundatum est, quod nemo teneatur se ipsum diffamare. Hinc Constantina non obligatur ad peccatum suum declarandum, nec marito, nec illegitimæ proli; imo ne quidem crederetur propriam alleganti turpitudinem, & proles adulterina semper haberetur pro legitima in foro externo, non obitante declaratione matris. Ad hæc, quamvis hæc proles teneatur restituere id, quod jam accepit, & ab ulteriori acceptione abstinere, supposito, quod matris suæ declarationi fidem adhibeat; certum tamen est, quod nullo modo teneatur credere id, quod ipsi pater vel mater hæc in re declararet. Interea, si Constantina moraliter certa foret, nullum ex sua declaratione marito facta oritur scandalum aut aliud malum, videtur dici posse cum S. Antonino, eam teneri ad declarandam veritatem; idem sentiendum, si prolem suæ declarationi fidem habituram crederet. Nihilominus tamen sanctus hic Archiepiscopus id restringit ad casum, quo jam antea apud maritum & alios sortis & gravis suspicio invaluisse, prolem hanc esse adulterinam. Ex quibus omnibus sequitur, confessorio Constantinæ sufficere debere, ut ei proportionatam delicto poenitentiam injungat; quin eam obliget ad declarandam turpitudinem suam. Pontas.

**CASUS CLV.** Fernandus suscepit prolem adulterinam ex Bertha Theodori conjugæ. Teneturne in conscientia deficiente matre reparare damnum inferendum, aut jam illatum liberis legitimis, vel hæredibus Theodori & Berthæ?

¶. Dubium non est, quin teneatur ad reparandum damnum, siue id consistat in expensis a Theodoro jam factis in sustentationem hujus prolis, siue consistat in parte ex hæreditate Theodori ab hac prole jam accepta, vel accipienda. *De adultero autem, cujus est filius, ait S. Antoninus 2. part. Summ. Th. Tit. 2. c. 7. §. 4. dicendum videtur, quod si scit, vel*

*credit verifimiliter, illum esse suum, ubi mater ipsa satisfacere non valet, videtur, quod teneatur de expensis educationis patri putativo; quia causam efficacem dedit tali damno. Nihilominus mater hujus proles tenetur prior ad reparandum damnum, si possit; si non possit, poenitentiam agere debet, & exhortari patrem adulterinae proles ad supplendum suum defectum. Pontas.*

Nota. Cum hæc restitutio fundetur solum in obligatione personali ex facto, a confessario nomine Dei ex æquo componenda est. Vide de Cas. 88.

**CASUS CLVI.** Alexander suscepta prole ex adulterio cum Antonia Ludovici uxore commisso, cogitat reparare damnum vivente adhuc Ludovico; sed nescit, quomodo, aut cui facienda restitutio. Quale igitur consilium ipsi suggere debet confessarius? Quid, & cui restituendum est?

g. Nec iustitia, nec ratio exigere videtur actualem ab Alexandro restitutionem portionis ex hæreditate Ludovici huic proli obventuræ liberis legitimis faciendam; cum hæc proles prævenire possit fata Ludovici; & in hoc casu restitutio foret nimia. Verum diligenter inquirere debet, quantas expensas Ludovicus fecerit in educationem, sustentationem statui congruam, aut etiam in promotionem proles putativæ ad statum aliquem stabilem; & ad id omne restituendum confessarius obliget Alexandrum, persuadeatque illi, ut serium concipiat propositum reparandi damnum, quod pati possent legitimi hæredes Ludovici, si proles hæc veniret in patrem hæreditatis, aut, posito quod sit proles unica, in totam hæreditatem succederet in præjudicium aliorum hæredum. Navarr. Manual. c. 16. num. 50. Pontas.

**CASUS CLVII.** Si Alexander, de quo in præcedenti casu sermo erat, sit morti proximus eo tempore, quo sese ad faciendam restitutionem offert, quomodo poterit illam facere, ut iusta sit, & competens, & quid agendum confessario, ut moribundi securam reddat conscientiam?

g. Confessarius non debet ipsum obligare ad reparandum damnum incertum, sed tantum ad certum, id est, ad omnes expensas rationabiles a Ludovico in prolem adulterinam jam factas; & respectu damni dubii obligandus est ad restitutionem juxta ætimationem viri prudentis, intelligentis, & non interessati. Navarr. ibid. Pontas.

**CASUS CLVIII.** Geruntius genitam ex quadam puella a se corrupta prolem secreto tulit in hospitale liberorum expositiorem ad evitandum scandalum, & salvandum suum ac  
puel-

puellæ honorem. Teneturne huic Hospitali restituere expensas ad nutritionem & sustentationem hujus prolis necessarias?

g. Si Geruntius est pauper, non tenetur; si autem ipsi sufficientia suppetunt media necessariam proli sustentationem procurandi, absque manifesta injustitia non potest omittere restitutionem. Qui etiam filios per adulterium vel fornicationem acquirunt, ait S. Antoninus p. 2. Tit. 1. c. 24. sed ad occultationem peccati, & tollendum scandalum mittunt ad hospitalia, tenentur illos alere expensis suis, & eis providere, si possunt. Pontas.

CASUS CLIX. Septem aut octo creditores Mœviæ obtinuerunt immisionem in quemdam illius fundum, eumque judicialiter elocarunt pro censu annuo 1100. florenorum. Titius unus ex creditoribus ægre ferens, fundum ob varias technas scemine tamdiu non posse vendi, sese emptorem fundi offert Mœviæ pro 20000. florenis sub nomine Caji, & insciis reliquis creditoribus; quamvis fundus valeret 30000. florenis. Mœvia acceptat hanc oblationem, &, ut Titius facilius iniret hunc contractum, Mœvia ipsi remisit 3000. florenos, quæ prætereundum poterat ex bonis venditis, tanquam vitalitium viduum. Jam quæritur, an Titius in foro interno teneatur aliis creditoribus ad restitutionem pro eo, quod bona minoris fuerint vendita; & an creditoribus etiam teneatur restituere 3000 florenos, vitalitium Mœviæ?

g. Titius tenetur ad restitutionem reliquis creditoribus non tantum quoad excessum pretii, quo bona juxta æstimationem prudentum potuissent vendi, sed etiam quoad omnes expensas, quas subire coacti sunt ob fraudem Titii; creditores enim minus læsi fuissent, si fundus justo pretio fuisset venditus. Quod attinet remissionem vitalitii a Mœvia Titio factam, ea non est habenda pro mera liberalitate, licet Mœvia plenum hujus vitalitii habuerit dominium. Denique non solius Titii intererat. Mœviæ tantum reliquere, ut congrue possit sustentari, sed omnium creditorum. Pontas.

CASUS CLX. Hercules ejusdem Ducis ac Paris Franciæ procurator domesticus promisit cuidam sartori, se curaturum, ut ipsi pro hero suo ac tota domo deinceps vestes conficiendæ forent, si pro se ac uxore sua easdem gratis conficeret. Conventio hæc ab utroque inita per septem aut octo annos fuit servata. Teneturne Hercules sartori ad quamdam restitutionem?

g. Non videtur Hercules peccasse contra justitiam commutativam; & hinc ad nullam tenetur restitutionem. Ratio est

est

est 1. Quia sartor per initam cum Herculo conventionem non modo nil detrimenti passus, sed satis notabili lucro potius est in compensationem modicæ utilitatis redundantis in Herculum. 2. Quia Hercules non tenebatur eum præferre aliis sartoribus. 3. Quia nullo usus est dolo, ut sartorem ad hanc conventionem induceret. Supponendum autem, quod Hercules nequaquam admissurus sit, ut sartor ultra condignam mercedem legitime debitam pro confectioe vestium quidquam exigit: si enim circa hoc quadam inter illos facta fuisset collusio, ambo in solidum tenerentur ad restitutionem. *Pontas.*

**CASUS CLXI.** Fuldradus matrimonio locaturus quamdam puellam cognatione sibi conjunctam, non nisi mille florensis divitem, eam Eusebio obtulit, cui assieverabat, puellam ter mille florenos numeratam habere pecuniam. Eusebius prorsus Fuldrado consiliis consentiebat ad faciendas nuptias, facta tamen declaratione, se, si hanc dotem puella non foret allatura, eidem se non esse nupturum. Fuldradus postquam etiam juramento affirmaverat hanc puellæ substantiam, tandem contractum fuit matrimonium. Eusebius cognita postmodum fraude Fuldradi petit sibi restitui duo florenorum milia promissæ doti deficientia. Num jure petit?

*Æ.* Præsentio Eusebii justa est, & Fuldradus tenetur ipsi præstare indemnitate, & defectum promissæ dotis compensare, utpote reus mendacii, perjurii, & manifestæ injustitiæ. *Pontas.*

**CASUS CLXII.** Eustachius mutuos dedit 250. florenos Rudolpho recepta ab eo obligatione ab unico tantum Notario sine testibus subscripta. Defunctis creditore & debitore cautio inter Rudolphi debitoris scripta reperiēbatur, quam Godefridus testamenti executor subtractam transmisit Joanni Eustachii filio. Hic suo eam procuratori monstrat, idque ex eo capit consilii, quod, si nulla præstitæ solutionis apocha inveniretur, ab hæredibus Rudolphi exigi possit solutio; necesse tamen esse, ut obligatio ab alio adhuc Notario subscribatur: quod & factum est, licet ab inito hoc contractu mutui decem jam anni effluxerint; sicque hæredes Rudolphi per sententiam judicalem ad solutionem hujus summæ condemnati sunt. Potuitne Godefridus hanc obligationem subtrahere & transmittere Joanni? An peccavit Joannes sequendo consilium a procuratore sibi suggestum? Teneturne Joannes, si non potuit exigere hanc solutionem, ad restitutionem 250. florenorum & omnium expensarum? Num potuit Notarius secundam cautionis subscriptionem facere absque peccato; & ad quid tenetur, supposito, quod

quod id non potuerit ? Teneturne Godefridus ad aliquam restitutionem ? Supposito etiam , cautionem jam antea fuisse subscriptam a duobus Notariis , num Joannes , qui facile credere poterat , debitum jam fuisse solutum aut gratis remissum ab Eustachio , tenetur restituere hæredibus Rudolphi 250 florenos ? Num eo nihil restituente ad id teneretur Godefridus , qui cautionem Joanni tradiderat ?

3. Godefridus manifestam commisit injustitiam ; debuit enim judicare , debitum aut jam fuisse solutum , aut gratis remissum Rudolpho ; nec Joannes hac cautione uti potuit , & procurare sibi solutionem , non obstante consilio a procuratore sibi dato : manifestum enim malæ fidei suæ argumentum dedit , dum cautionem decem annis post primam expeditionem per alterum Notarium subscribi curavit . Tenetur igitur Joannes hæredibus Rudolphi non solum ad restitutionem summæ 250. florenorum , sed etiam ad refundendas omnes expensas , quas illi facere debuerunt . Notarius , qui secundo subscripsit huic cautioni , peccavit mortaliter , & tenetur ad eandem restitutionem in solidum cum Joanne ; quia vere fuit causa effectiva damni Rudolphi hæredibus illati . Idem dicendum de Godefrido , utpote primo authore hujus injustitiæ . Denique , licet hæc cautio fuisset inventa cum subscriptione duorum Notariorum inter scripta Rudolphi , non potuisset tamen Godefridus absque injustitia illam Joanni tradere . *Pontas.*

CASUS CLXIII. Massæus mutuos dedit Florentio 200. florenos solvendo , quando debitori placuerit ; neque a tribus abhinc annis solutionem petiit Massæus . Oborta tandem inter eos dissensione Massæus in judicium vocavit Florentium , ut ediceret , an non ipsi deberet 200. florenos . Florentius ob hanc insolitam citationem ratus , a Massæo chirographum fuisse amissum , debitum negavit . Massæus studiose non produxit suum chirographum , nisi postquam Florentio causaverat expensas 75. florenorum , ad quas simul ac ad solutionem summæ fuit condemnatus . An non tenetur Massæus ad restitutionem expensarum , eoquod illas Florentio solum vindictæ animo fecerit ?

4. Debitor iste mala fide sua ipsemet hanc in se condemnationem attraxit ; & hinc Massæus non tenetur ad refundendas 75. florenorum expensas , etsi peccaverit contra charitatem : *Damnum , juxta Regulam juris 86. in 6. quod quis sua culpa sentit , sibi debet , non aliis , imputare.* Nihilominus , cum justum non sit , ut Massæus ex vindicta sua lucrum reportet , in conscientia tenetur hos , 75. florenos erogare in pau-

pauperes : *æque enim in omnibus fraus punitur*, ut ait lex in fraudem 45. ff. Lib. 45. Tit. 14. Pontas.

Nora. Massæus neque tenetur in pauperes erogare 75. florenos : poena enim pecuniaria ob peccata soli charitati contraria non habet locum in foro interno; imo ne quidem in foro externo ante sententiam.

**CASUS CLXIV.** Theodorus filiosfamilias quindecim annos natus, Canonicus cujusdam Ecclesiæ cathedralis præbendam suam resignavit Jacobo æque filiosfamilias octodecim circiter annorum, cum retentione pensionis ducentorum florenorum. Domus illius canonica vi recepti ordinis obtigit Juliano, qui & possessionem illius adiit; sed cognito pessimo ædificii statu Theodorum in jus vocavit ad solvendas necessariorum reparationum expensas: Theodoro autem, utpote filiosfamilias, nulla bona propria possidente, pensionem a Jacobo ipsi debitam arresto oneravit. Jacobus vero in judicio declaravit, se nihil debere Theodoro, id quod Julianus credidit, cum de bona fide Jacobi non dubitaret; & propterea egit contra Theodorum, eumque condemnari fecit in summam 250. florenorum pro reparanda domo, a quo tamen nihil accepit, eoquod Theodorus, cum hæc gererentur, e vita decesserit. Teneturne Jacobus in conscientia ad solvendos Juliano 250. florenos a Theodoro illi debitos? an etiam ob falsam declarationem Juliano refundere tenetur expensas litis?

g. Si falsa declaratio fuit facta sponte & scienter, Jacobus in conscientia tenetur ad solvendas Juliano reparationes domus & litis expensas: verum si hanc declarationem fecit invitatus, paterna deceptione inductus, ac fraudulenter persuasus, se nullam Theodoro debere pensionem, non tenetur ad restitutionem, nisi pro rata portionis hæreditariæ a patre acceptæ; sufficitque, ut reliquos suos cohæredes sollicitet, ut reliquum restituant, quisque pro ratione portionis suæ. Quod attinet expensas litis, intelliguntur hic solum legitimæ, & necessario faciendæ. Pontas.

**CASUS CLXV.** Athanasius homo pauperrimus fingit se incarcerationem ratione debiti 150. florenorum, rebusque compositis cum carceris custode amico suo, eidem duplionem promittit, si sibi permittatur, ut in carcere se detineat in vigilia Paschæ, ubi personæ quædam plæ solent visitare carceres, ibique ratione debitorum detentos liberare. Athanasius producit falsum creditorem secreti conscium, qui exhibito falso chirographo dicit, se fore contentum, si dimidium debiti solvatur, reliquam partem se debitori condonaturum; quod

&



& factum est, & Athanasius beneficio hujus stratagematis accepit 75. florenos. Peccavitne mortaliter Athanasius? nuni tenetur ad restitutionem 75. florenorum? & cui?

3. Absque dubio Athanasius peccavit mortaliter per falsitatem hanc gravem, & interpositione fidei publicæ confirmatam; teneturque ad restituendam pecuniã contra justitiæ leges acceptam; eaque applicanda est ad liberationem pauperum, vere ratione debitorum in carcere detentorum. Et hæc est mens legis *Jure. 206. ff. Lib. 50. Tit. 17. dicentis: Jure naturæ æquum est neminem cum alterius detrimento & injuria fieri locupletiores. Pontas.*

CASUS CLXVI. Wunibaldus licet sufficienter pro ratione status sui vivere posset, ex tædio tamen laboris mendicitate victum quærit. Teneturne ad restituendam hoc modo collectam eleemosynam? cui & quomodo facienda est restitutio?

3. Cum eleemosynas hasce dolo aquifierit, tenetur ad eam restitutionem: certum enim est, eum nunquam illas consecuturum fuisse, si erogantes scivissent, eum non esse indigum, solumque mendicare ex amore otii, acediæ aut avaritiæ. Catechismus Concilii Tridentini part. 3. de 7. præc. n. 17. ejusmodi simulatos pauperes in numerum furum refert. Restitutio autem facienda est veris pauperibus, quos dolose a se corrasis spoliavit eleemosynis. *Pontas.*

CASUS CLXVII. Damianus Notarius erecto instrumento admisit aliquam cautionem usurariam Ægidium inter & Paulum legendi scribendique ignaros, qua Ægidius Paulo creditori sese obligabat ad solvendam excessivam usuram. Teneturne Damianus Paulo nihil restituente ad restituendum Ægidio exactum ab illo censum?

3. Si usura innotuit Damiano, is regulariter loquendo tenetur ad restitutionem; imò meretur suo privari officio, & condemnari ad multam: quia revera se complicem reddidit injustitiæ Pauli. Dicitur, *regulariter loquendo*: si enim Damianus usurariam cautionem admisisset non nisi ad preces Ægidii, qui in urgenti necessitate constitutus rebus suis mederi non poterat, nisi exactam a Paulo usuram persolvendo, non obligaretur ad restitutionem; licet certum sit, illum peccasse mortaliter. *S. Antonin. 2. part. Sum. theol. tit. 1. c. 9. §. 6.* Addit Sanctus hic Præsul, quod si in instrumento facta sit expressa mentio de usura, Notarius non teneatur ad restitutionem: *nam potest; ut ait, qui mutuum accepit ad usuram, in judicio se juvare, ut non solvat. S. Beuve tom. 1. cas. 143. & tom. 2. cas. 145. existimat, quod, quando contrahentes sciunt lege-*

legere & scribere, & Notarius non sollicitavit usurarium ad dandum mutuum pro usura, ille ad restitutionem condemnari non possit; cum hoc modo non sit causa efficax usuræ.

**NOTA.** Cum etiam periculum sortis fundet iustum titulum exigendi censum, & hoc periculum a Notario æstimari non possit, licite scribit contractum, quamdiu de ejus injuria sibi certo non constat.

**CASUS CLXVIII.** Marcullus Notarius aliquod damnum intulit Juliano; eoquod instrumentum non rite confecerit. Teneturne ad reparandum damnum?

**ꝯ.** Tenetur ex quasi delicto ad reparandum damnum Juliano illatum; cum tantam teneatur habere scientiam, quantum officii sui ratio exigit. *Pontas.*

**CASUS CLXIX.** Eligius gregem habebat quadringentarum ovium, quem pastor quidam sollicite custodiebat; milites autem pastorem interceperunt, & ad castra vi abstraxerunt, sicque grex ovium agrum Medardi frumentarium invasit, qui ab Eligio indemnitate petit. Teneturne Eligius ad reparandum damnum?

**ꝯ.** Medardus jure petit indemnitate, & quidem conformiter ad leges tam civiles quam Canonicas. *Quodsi animalia tua nocuisse proponas, ait Gregorius IX. Cap. Si culpa. fin. Lib. 5. Tit. 36. nihilominus ad satisfactionem teneris, nisi eam dando passis damnum velis liberare te ipsum.* Verum cum in hoc casu nec culpa Eligii nec pastoris intervenierit, Eligius non tenetur in conscientia ad reparandum damnum, nisi ad id judicialiter condemnatur. *Pontas.*

**CASUS CLXX.** Cum grex armentorum ad Carpophorum spectans in campis pasceretur, pastore sopore oppresso, armenta campum ingressa, ubi Carpophorus non habebat jus pascendi, aut alium locum, ingentem ibi devastationem causarunt. Teneretur Carpophorus in conscientia ad reparationem damni?

**ꝯ.** Non videtur, Carpophorum posse eximi ab obligatione reparandi damnum: ipsius enim est reddere rationem gregis sui, & illius, cui illum custodiendum commisit. *Leg. ꝯ quadrupes. l. ff. l. b. 9. tit. 1.* Nihilominus non tenetur Carpophorus ad reparationem damni ipso facto, sed duntaxat post latam a Judice sententiam condemnatoriam. *Pontas.*

**CASUS CLXXI.** Taurus, quem habebat & sciebat Stephanus esse admodum ferocem, in publicis cum reliquo armentorum grege pascens se detinens, equum vel aliam pecudem ad Renatum pertinentem occidit. Teneturne Stephanus ad reparandum damnum, antequam a judice condemnatur?

**ꝯ.** Te-

γ. Tenetur; quia reuera in culpa fuit, eoquod hunc taurum non custodierit, & cum reliquis armentis in pascua emiserit. Responsio hæc convenit cum lege veteri Exod. 21. *Si bos alienus bovem alterius vulneraverit, & ille mortuus fuerit, vendent bovem vivum, & dividunt pretium; cadaver autem mortui inter se disperdient. Sin autem sciebat, quod bos cornupeta esset ab heri & nudius tertius, & non custodivit eum dominus suus, reddet bovem pro bove, & cadaver integrum accipiet.* Pontas.

CASUS CLXXII. Palamedes ex curiositate alebat lupum, sollicite tamen inclusum; nihilominus e custodia elapsus notabile damnum intulit ovium gregi ad Julium pertinenti. Teneturne Palamedes ad reparationem hujus damni?

β. Si lupus e custodia elapsus est sine culpa Palamedis, hic non tenetur reparare damnum. Cum vero evaserit custodiam nostram, Leg. Quod enim. 3. §. 2. ff. Lib. 41. Tit. 1. *& in naturalem libertatem se receperit, nostrum esse desinit.* Si vero elabatur animal non ex natura sua ferox, licet mali inferendi capax, & dampnum inferat, dominus feræ tenetur de damno illato. Si canis, cum duceretur ab aliquo, asperitate sua evaserit, Leg. Si quadrupes. 1. §. 5. ff. Lib. 9. Tit. 1. *& alicui damnum dederit, si contineri firmitus ab alio poterit, vel si per eum locum induci non debuit; hæc actio cessabit, & tenebitur, qui canem tenebat.* Pontas.

NOTA. Hæc duæ leges sibi invicem contradicunt. In foro interno nemo teneretur restituere ex culpa theologica levi. Palamedes potius obligandus ad restitutionem ex æquo, cum periculum ab ejusmodi animali sit inseparabile.

CASUS CLXXIII. Ansbertus Dux & Par Franciæ possidet silvam refertam cervis, capreis & apris, quæ animalia grandem in vicinos agros inferunt vastationem. Sex agricolæ supplicabant pro indemnitate & facultate has feras occidendi, aut saltem abigendi. Ansbertus neutrum concessit, prætendens jus suum vehandi. Peccavitne Ansbertus contra iustitiam? Num tenetur ad justam agricolis indemnitate?

γ. Juxta legem divinam Exod. 22. 5. *si læserit quispiam agrum vel vineam . . . pro damni æstimatone restituet;* & hæc lex neminem excipit ab obligatione. Hinc Ansbertus tenetur his agricolis reparare damnum. Notatu dignissimum est, quod scribit Tilletus in sua de Regibus Franciæ historia, Reges scilicet Philippum Pulchrum & Philippum Longum stricto conscientiæ debito sese obligatos exstimasse, ut ingena

tem pecuniæ summam per testamenta sua legarent agricolis fundos silvis regijs contiguos possidentibus in compensationem damni fundis hisce illati. Quis jam subditorum quantavis autoritate aut dignitate polientium ab hac obligatione se eximet, proposito tam insigni iustitiæ regiæ exemplo? *Pontas.*

**CASUS CLXXIV.** Pamelius videns, feras silvestres noctu devastare agros suos, profundas construit fossas in via strata, qua feras incedere sciebat, easque ramis ac frondibus tegit. Contigit autem, ut Matthæus rei ignarus hac via transiret, ac præceps in foveam ætus tibiæ & brachium frangeret, ita, ut per tres menses labori vacare non posset. Teneturne Pamelius ad reparandum Matthæo damnum?

*¶.* Pamelius nullo jure gaudebat has fossas construendi; dein etsi hoc jure gauderet, culpa tamen non caret, eoquod has fossas construxerit in via strata, qua incedere solebant homines. Hinc videtur, dubitari non posse, quoniam teneatur ad reparandum Matthæo damnum. *Si fossam feceris in silva publica*, ait L. *Si alius*. 7. §. 8. ff. Lib. 43. Tit. 24. *Et si bos meus in eam inciderit, agere possum hoc interdicto; quia in publico factum est.* *Pontas.*

**CASUS CLXXV.** Adolphus cum tempore opportuno spinas ac tribulos in agro suo incendiasset, suborto subito vento flamma in agrum vicini sui deportata est, & omne in eo frumentum consumpsit. Teneturne ad præstandum damnum?

*¶.* Leges civiles in hoc casu eximunt ab obligatione reparandi damnum. Nihilominus talis indulgentia approbari non potest: Exodi enim 22. 6. sic habetur: *si egressus (proserpendo) ignis iuenerit spinas, Et comprehenderit acervos frugum, sive stantes segetes in agris, reddet damnum, qui ignem succenderit.* Et certe potuisset Adolphus ejusmodi eventum facile prævidere, sive spinas comburendo in majori ab agris vicini sui distantia, sive combustionem differendo post messem collectam. *Pontas.*

*NOTA.* Lex Exodi est solum dispositiva pro foro externo ex præsumptione culpæ saltem levis, quæ, ubi agitur de periculo boni publici, graviter puniri potest.

**CASUS CLXXVI.** Nicasius cum ex negligentia paleas in horreo Juvenalis ignem concipere permetteret, tota domus conflagravit. Teneturne de damno, etsi culpa ipsius fuerit levissima?

3. Certum est, in foro externo Nicasium ad reparandum damnum condemnandum fore. Leg. *In lege.* 44. ff. Lib. 9. Tit. 2. Jus Romanum omnino vult, ut in ejusmodi casu damnificator, ubi damnum reparandi media non supererunt, corporaliter puniatur: *Qui ades, acervumve frumenti juxta domum positum combusserit, vinctus, verberatus, igni necari jubetur; si modo sciens prudensque id commiserit. Si vero casu, id est, negligentia, aut noxam sarcire jubetur; aut si minus idoneus sit, levius castigatur* Leg. *Qui ades.* 9. ff. Lib. 47. Tit. 9. Non videtur tamen ad id teneri in foro interno ante sententiam condemnatoriam. Nihilominus Lex naturalis exigit, ut reparet partem damni juxta judicium viri prudentis, considerantis qualitatem & circumstantias culpæ Pontas.

CASUS CLXXVII. Cum ignis corripuisset domum quamdam adjacentem domui Titli, quam & ipsam flamma brevi invasura erat, proximi vicini videntes, quod, si ignis Titli domum invaderet, suas pariter in eandem ruinam trahendas fore, illam diruerunt, ac solo æquarunt. Teneturne Titio ad reparandum damnum?

3. Cum ejusmodi eventus considerandi sint tanquam casus mere fortuiti, quorum damna unice in illos, quorum interest, redundare debent, vicini isti ad nullam Titio indemnitate tenentur, etiam si domum illius propria autoritate demoliti fuerint in absentia Magistratus aut Prætorum, ad quos solos alias spectat talia præcipere. Responsio hæc concordat cum lege *Quemadmodum.* 29 §. 3. ff. Lib. 9. Tit. 2. quæ in simili casu sic decernit: *Labeo scribit, si cum vi ventorum navis impulsæ esset in funes anchorarum alterius, & nautæ funes præcidissent; si nullo alio modo, nisi præcis fimbis explicare se potuit, nullam actionem dandam. Idemque Labeo & Proculus & circa retia piscatorum, in quæ navis incidet, æstimarunt.* Pontas.

NOTA. Ea licentia diruendi fundatur partim in pacto moribus comprobato, partim in lege non scripta, partim in consuetudine.

CASUS CLXXVIII. Medardus in domo sua propria, aut sibi locata Parisiis extra fenestras secundæ condignationis aliquam asserum contabulationem fieri curavit, ac in ea quædam vasa plantaria posuit. Hæc contabulatio licet solide affixa, venti impetu tamen soluta in nonnullas domum prætereuntes personas delabatur, quas inter non nemo vulneratus est. Teneturne Medardus ad reparandum damnum?

γ. Medardus peccavit contra leges politicas, & tenetur ad reparationem, ad quam a Judice condemnatus fuerit. Non tenetur tamen ad id in conscientia ante sententiam. *Pontas.*

CASUS CLXXIX. Blandina Theodati civis Parisiensis famula, aut domus locatarius per fenestram effudit aliquam materiam humidam, quæ in vestes cujusdam matronæ delapsa, illas penitus corripit. An Theodatus tenetur de damno a Blandina vel locatario matronæ illato?

γ. *Pena suum authorem teneat*, inquit Bonifacius VIII. in cap. *Si compromissarius.* 37. in 6. l. 1. tit. 6. Nihilominus leges civiles obligant Dominos domorum ad reparationem damni a suis domesticis cuiusdam illati: quando tamen dominus nihil participat de culpa domestici sui, in foro conscientie ad nullam tenetur reparationem ante sententiam condemnationis iudicis; & in præsentī casu tunc dominus habet suum recursum adversus Blandinam vel locatarium, qui absque controversia tenentur reparare damnum *Pontas.*

CASUS CLXXX. Polybius retibus ceperat duodecim anatas lacustres, illasque in tuto ac clauso loco asservatas uno mense aluit. Verum cum ancilla quondam loci januam apertam relinqueret, anates in proximum stagnum evolarunt, ubi paulo post Cajus sex earum sclopeto trajecit. Teneturne Cajus ad restitutionem Polybio id petenti?

γ. Polybius tamdiu solam habuit dominum harum anatum, quamdiu illas in sua habuit possessione; & hinc in stagno natantes non amplius pertinebant ad ipsum, & Cajus nullo modo tenetur ad restitutionem. Aliud tamen dicendum foret de animalibus naturaliter cicuribus & domesticis v. g. de gallinis, anseribus & columbis &c. Inter animantia etiam naturaliter fera recenseri possunt apes, donec in alveario inclusæ fuerint. *Fera igitur, bestia, & volucres & pisces, & omnia animalia, quæ mari, cælo & terra nascuntur, simul atque ab aliquo capta fuerint, jure gentium statim illis esse incipiunt*, inquit Justinianus Instit. Lib. 2. Tit. 1. §. 12. *Quidquid autem eorum ceperis, eousque tuum esse intelligitur, donec tua custodia coercetur. Cum vero evaserit tuam custodiam, & in libertatem naturalem sese receperit, tuum esse definit, & rursus occupantis fit.* Mox explicat, in quo consistat naturalis libertas: his verbis: *Naturalem autem libertatem recipere intelligitur, cum vel oculos tuos effugerit, vel ita sit in conspectu tuo, ut difficilis sit ejus persecutio.* *Pontas.*

CASUS CLXXXI. Conradus cum in domo sua vel horto aquis indigeret, puteum illas abunde subministrantem effodit curavit; sed per hoc fontem vicini sui exsiccarunt. Tenetur

ne vicino huic graviter conquerenti ad aliquam indemnitate[m] ?

ꝛ. Nulla vicino huic debetur indemnitas : dominus enim fundi eum sibi utilem reddere potest, prout opportunum judicaverit ; dummodo id non faciat animo nocendi proximo. Dein defectus aquæ aliunde est casus mere fortuitus. Hinc juxta communem Juris regulam : *Non videtur injurium facere, qui utitur jure suo.* Roboratur responsio Lege *Fluminum*, 24. §. 12 ff. Lib. 39. Tit. 2. *In domo mea puteum aperio, quo aperto venæ putei tui præcisæ sunt : an tenerar ?* At Trebatius, non teneri me damni infecti : neque enim existimavi, operis mei vitio damnum tibi dari in ea re, in qua jure meo usus sum. Id tamen solum locum habet supposito, quod hæc mutatio, seu novum opus non adversetur legi particulari, vel consuetudini, aut cuidam alteri titulo id prohibenti. *Pontas.*

NOTA. Si aqua vicini est æque bona, ipsique proficua, aut omnino necessaria, teneretur Conradus ex charitate moderari profunditatem putei ad libellam.

CASUS CLXXXII. Tarbulius læta minoris sclopi periculose vulneravit Sylvestrum, non ex malitia, sed ex imprudentia, quam homo prudens ac diligens evitasset. Teneturne in conscientia ad reparandum damnum, antequam a iudice ad id condemnetur ?

ꝛ. Juxta Innocentium IV. ad Lib. 5. Decret. Tit. 12. de homicidio. cap. *sicut dignum*. n. 4. & 5. Tarbulius ad nullam reparationem tenetur. Plures tamen alii docti interpretes in illius sententiam non concedunt, & dicunt, Tarbulium teneri etiam ante sententiam condemnatoriam de sua negligentia, quæ excusari non potest. *Pontas.*

NOTA. Quo majus est malum, quod potest incurri, eo majori diligentia illius periculum vitandum est. Et ideo Tarbulius, si constiterit, se advertisse aliquale periculum, ex æquo, ut se læso ad notabilem compensationem offerat, obligandus est.

CASUS CLXXXIII. An Tarbulio defuncto ad eandem reparationem tenentur hæredes ipsius ?

ꝛ. S. Raymundus in *Sum.* l. 2. t. 5. §. 24. censet, hæredes teneri ad eandem restitutionem ; cum hæredes aliquo modo onerentur culpa a defuncto commissâ juxta hanc regulam Juris : *Ex qua persona quis lucrum capit, ejus factum præstare debet.*

**NOTA.** Hæredes, nisi testator aliud ordinet, possunt supponere, eum vel nullam culpam theologicam in se agnovisse, vel jam satisfecisse.

**CASUS CLXXXIV.** Ephidius, cum videret domum Tullii vicini sui proximam minitari ruinam, illamque, si corrueret, domini suæ admodum fore damnificam, institit apud Tullium, ut domum suam aut demoleretur, aut fulcris sustentari curaret: Tullio autem rem hanc differente domus corruit, unamque domus Ephidii partem destruxit, ex quo is 3000. florentinum damnum passus est, eoquod multæ picturæ ac sculpturæ omnino perierint. Teneturne Tullius ad reparandum hoc damnum?

**R.** Si Tullius potuit avertere periculum ædibus Ephidii imminens, teneatur ipsi præstare damnum illatum. *Leg. Prator. 7. ff. Lib. 39. t. 2.* Verum si Tullius non potuit reparare aut subsistere domum suam, monitusque id declarasset Ephidio, simulque ipsi domum in hypothecam obtulisset, si ipsemet necessarias ad præcavendum damnum expensas facere vellet, id vero Ephidius recusasset; videtur æquitas naturalis deobligare Tullium a prætenso ab Ephidio indemnitate, vel saltem illam facere moderatiorem ex iudicio æqui iudicis. Quod attinet picturas & sculpturas, leges volunt, æstimationem damni non in omni rigore esse faciendum. *Ex damni infecti stipulatione*, ait lex *Ex damni. 40. ff. Lib. 39. Tit. 2.* non oportet infinitam vel immoderatam æstimationem fieri, ut puta ob telioria, & ob picturas: licet enim in hac magna erogatio facta sit, attamen ex damni infecti stipulatione moderatam æstimationem faciendam; quia honestus modus servandus est, non immoderata cujusque luxuria subsequenda. *Pontas.*

**CASUS CLXXXV.** Maurus & Adrianus in spatioso quodam compito ludum cuneorum exercebant, & Bernardus forte ex adverso transiens ingentem in tibia plagam accepit per globum a Mauro emissum. Teneturne Maurus Bernardo reparare expensas in chirurgum factas, & refundere lucrum interea cessans?

**R.** Juxta Legem *Sed & ff. 5. §. 1. ff. lib. 9. tit. 2.* damnum reparari debet ab eo, qui illius causa existit; & hinc Maurus tenetur Bernardo ex integro reparare damnum ex sua incuria aut negligentia vel ex culpabili ignorantia, aut ex alia culpa etiam levi illi illatum juxta aliam Legem 10. *ibid.* *Lusus quoque noxius in culpa est.* Aliud tamen dicendum foret de eo, qui imprudenter locum lusus globorum pertransiret eo tempore, quo ordinarie ludi solet, & vulnus acciperet a globo jam emissio, ut habetur *Lege Item. 9. §. 4. ibid.* *Si cum a-*



*lil campo jacularentur , servus per eum locum transferit , Aquilia cessat ; quia non debuit per campum jaculatorium iter intempestive facere. Qui tamen data opera in eum jaculatus est , utique Aquilia tenetur. Pontas.*

NOTA. Qui facile advertere possunt periculum casus fortuiti ex actione non necessaria vel utili , sed mere voluptuaria , eo ipso ex æquitate naturali tacite in se recipiunt periculum damni.

**CASUS CLXXXVI** Stephanus sæpe accipiebat bona fide nummos aureos, præscripto a legibus pondere carentes, illosque ad alios transmittit mercatores , qui eos pariter non examinato pondere expendebant , licet quandoque quatuor aut quinque grana iusto deessent ponderi. Teneturne ad aliquam restitutionem ?

R. Quando consuetudo viget generalis non ponderandi monetas aureas , quas quis recipit & iterum expendit in commercio , non censetur Stephanus obligandus esse ad aliquam restitutionem. Et hæc responsio fundatur in regula Juris : *Nemo v. detur fraudare eos , qui sciunt & consentiunt.* Pontas.

**CASUS CLXXXVII.** Tremerius quondam abstulit 50. florenos cuidam , cujus nec nomen , nec domicilium , nec patriam novit. Quid illi agendum , ut satisfaciatur conscientie sue ?

R. Hanc summam applicare debet in causas pias , maxime in eleemosynas pro salute illius , cui abstulit , sive jam obierit , sive adhuc vivat. S. Thomas 2. 2. q. 62. art. 5. ad 3. Pontas.

NOTA. In hac re ad præsumptam intentionem damnificatorum , ordinata charitate ad nutus divinos regulatam , respiciendum est. Cum ergo Deus dicat : *Misericordiam volo , & non sacrificium* , Matth. 9. censeo , ejusmodi restitutiones potius faciendas esse in vere pauperes pios observato ordine charitatis , quam in stipendia missarum erga quosvis male expendentis tales eleemosynas , aut vane. Suaderem , ut media pars applicetur in stipendia missarum erga Sacerdotes pauperes , pios , Ecclesie utiles.

**CASUS CLXXXVIII.** Rigobertus 100. florenos debet Dominico , qui jam per septem aut octo annos se detinet in Persia , ibique fixit domicilium : nulla autem Rigoberto relatio ad regnum Persarum. Quid ipsi agendum pro tranquillanda conscientia ?

R. Si absolute nullum reperiatur medium hanc summam reddendi Dominico , aut graves nimium obstant difficultates , hæc summa deponenda est in loco securo , & monendus

desuper Dominicus, quod recipere possit hanc summam ex manibus depositarii, quamprimum & quomodocumque voluerit. S. Thomas 2. 2. q. 62. art. 5. ad 3. Nec tenetur Rigo-bertus ad expensas in restitutionem faciendas, si hanc summam non aquo sicut modo injusto.

**CASUS CLXXXIX.** Clotharius, postquam Festo mille florenorum damnum intulerat, ab obligatione hic & nunc restituendi se excusat ex tribus his rationibus: 1. quia est nobilis, ac restituendo se & familiam suam ad mendicitatem esset redacturus. 2. Quia, etsi posset restituere, ad id tamen se obligari non patat; eoquod Festus sit prodigus, & publicus dissipator, qui restitutionem tibi summam exiguo tempore dilapidaret. 3. Quia sine sui diffamatione non potest fieri hæc restitutio. An istæ rationes coram Deo securam reddunt Clotharii conscientiam?

¶ Hæ rationes sufficere possunt ad excusandum coram Deo Clotharium ab obligatione mox restituendi. Prima ratio juxta S. Antoninum 2. parte Summ. Th. Tit. 2. c. 8. legitima est. *Ratio hujus est, inquit, scilicet quod talis restitutio potest differri; quia secundum Scotum creditor, id est, qui debet habere, magis debet velle in hujusmodi casibus, ut maximum incommodum seu damnum ejus, qui habet restituere, evidetur in modica restitutionis dilatione, quam suum incommodum modicum vel damnum ex carentia ad tempus suæ rei.* Secunda ratio æque probatur a S. Antonino l. c. ubi ait: *Tunc tenens non est detentor injustus: nam & depositum debet redditione strictissima, cum repetitur, reddi; & tamen invito domino, voluntate inordinata cum repetit, ut cum eo malum faciat, sibi vel alteri potest retineri.* Tertia demum ratio haud minus valet, si re ipsa ac vere intervenit: nam juxta eundem S. Doctorem, si possessor rei alienæ nec per sese ipsum, nec per aliam personam restituere potest sine diffamatione sui, non tenetur in conscientia restitutionem facere durantibus hisce circumstantiis: bonum enim famæ plurimum prævalet omnibus aliis bonis temporalibus juxta illud Prov. 22. v. 1. *Melius est nomen bonum quam divitiæ multæ.* Hinc Clotharius pro præsentis solum obligatur ad parcendum, quantum fieri potest, suis redditibus, ut conquirit media sensum id, quod debet, restituendi. Potest differre restitutionem, si Festus pergat bona sua prodigere; sollicitè tamen curare debet, ut restitutio ipsi suo tempore certa sit, prout fieret, si deponatur hæc summa in loco secreto, aut, si esset periculum diffamationis, faciat restitutionem per testamentum, aut personam aliam tertiam, probam ac discretam, cujus fides nimis suspecta est. Si tamen Festus gravi

gravi necessitate laboraret, nullo modo Clotharius excusari posset: faciendæ restitutione. *Pontas.*

NOTA. *Æquitas naturalis* petit, ut gravius onus indigentia ferat reus, quam innocens. Econtra si nec debitor nec creditor sit reus, in eam ferendæ indigentia ad majus onus obligare se præsumitur debitor, non tamen ad totum.

**CASUS CX.** Artemidorus Notarius regius, cui nuncus erat filius viginti annos natus, a sua infantia demens aut paralyticus, bis mille tantum florenos possidet, & similem summam diversis personis debet. Potestne tuta conscientia pensionem alimentariam ex hac substantia suo constituere filio, antequam suum creditoribus debitum persolvat?

¶ Juxta Cabassutium Lib. 6. c. 23. n. 5. potest in hoc providere filio; Idque desumitur ex Lege *Si pupillus*. 18. ff. Lib. 4. Tit. 6. *Si pupillus ex contractu suo non defendatur; ideoque bona ejus creditores possidere cœperint, diminutio ex his bonis fieri debet vescendi pupilli causa.* Personæ miserae omniq. vitæ subsidio destitutæ æquiparantur pupillis. *Pontas.*

NOTA. Competentia status non solum debetur personis honoratis, sed etiam rusticis.

**CASUS CXCI.** Fulgofus jam est in procinctu restituendi 100. florenos Friderico furto ablatos, dum comperit, patrem suum in extremam devenisse necessitatem, e qua ipsum eruere non posset nisi retenta hac summa. Potestne differre restitutionem, ut patri suo subveniat?

¶ Potest differre restitutionem, ut patri subveniat. D. Thomas 2. 2. q. 62. art. 5. ad 4. Hic tamen casus est rarissimus. *Pontas.*

**CASUS CXCH.** Waldradus debet Natali summam 1000. florenorum, ad cujus solutionem intra tres menses præstandam se obligavit per publicum instrumentum. Elapso hoc termino Waldradus non potest satisfacere suæ obligationi, nisi vendat domum & merces suas villori pretio, ex quo notabile pateretur damnum; Natalis autem ex dilatione solutionis non pateretur tale damnum. Teneturne Waldradus nihilominusolvere, non obstante damno perferendo?

¶ Excusatio Waldradi non admitteretur in foro externo; in foro tamen interno non tenetur ad restituendum, hic & nunc, nisi Natalis ipse laboraret indigentia: tunc enim teneretur ad restitutionem statim faciendam, non obstante peragenda jactura. Et sic senti Cabassutius L. 6. c. 21. n. 3. banc allegans rationem; *quia præcul dubio in pari causa melior*

*hac in re debet esse conditio creditoris utpote domini, quam ejus, qui alienum ob suam penuriam detinet. Idem observat, quod si debitum proveniret ex furto aut ex alia causa injusta, damnum ex parte debitoris sustinendum nunquam suppeditaret justam excusationem differendi solutionem. Pontas.*

**CASUS CXCIH.** Duodecim socii in nova quadam manufactura indigentes privilegio regio una cum utili quadam clausula, proponunt Juvenali consorti suo, ut rogatum accederet Ducissam, quæ magna pollet apud aulam authoritate, ipsique in recognitionem nomine omnium offerat 7500. circiter florenos, & si opus fore censeat, insuper augeat hanc summam. Juvenalis suscepta in se hac commissione loquitur Ducissæ, ipsique declarat, etiam sibi partem esse relinquendam ex hoc dono aureo. Ducissa consentit, & obtento a Rege privilegio recipit summam 7500. florenorum, de qua 1500 florenos donat Juvenali in puram gratificationem. Num hæc summa Juvenali fuit legitime acquisita?

¶ In hoc casu Juvenalis respiciendus est tanquam commissarius aut mandatarius societatis, qui voluntarie suam navat operam ad procurandum gratuito commune bonum societatis, cujus & ipse membrum est. Hinc obligatur in conscientia ad administrandum gratuito sociorum suorum interesse, juxta id, quod dicitur Leg. *Obligatio* 1. §. 4. ff. L' b. 17. Tit. 1. Mandatum, nisi gratuitum, nullum est: nam originem ex officio atque amicitia trahit. Juvenalis ergo societati declarare debuit, Ducissam fuisse contentam summa 6000. florenorum; residuum, quod ipsa reddidit, censetur pertinere ad societatem, nec illud Juvenalis retinere potest sine consensu suorum sociorum. *Pontas.*

Vide cas. seq.

**CASUS CXCV.** Cræsus dives telonarius a senatu taxatus ad 400000. florenos. Cum sibi persuasum haberet, hanc bonorum suorum taxationem dimidia parte esse majorem, accessit Paulinam, quæ magna apud aulam pollebat gratia, eidemque supplicavit, ut vellet suam conferre operam pro taxationis diminutione, oblato dono 5000. florenorum pro qualibet summa 50000. florenorum, cujus remissionem in favorem Cræsi fuerit obtentura: Paulina Cræso obtinuit remissionem dimidiæ taxæ, a quo percepit in gratificationem 20000. florenos. Potestne Paulina hanc summam lucrari, & sine peccato retinere?

¶ Paulina in casu præsentis nullatenus recipere potest hanc summam, aut receptam retinere juxta doctrinam sacræ Facultatis Parisiensis art. 89. *Qui gratia & authoritate, qua*  
pai-

*pollent apud Magnates . . . , abutuntur ad quæstum . . . , peccant, & restitutionis lege tenentur. Idem dicendum de præfectis aut procuratoribus Principum & Magnatum, qui pro summa pecuniæ vel insigni munusculo aliis procurant officia quæstoris, judicis & hujusmodi. Principum certissimum ac fixe tenendum est, vendi aut emi non posse nisi res ordinarie venientes in hominum commercio: favores autem ac gratiæ Principum sunt extra humanum commercium; ac consequenter nec emi nec vendi possunt. Pontas.*

*NOTA. Si constaret, advocatam esse concubinam Patroni, nunquam liceret, ejus intercessione uti, utpote semper fundata & fundanda in obsequio meretricio, seu contractu innominato; do ut des, facio ut facias.*

**CASUS CXCV.** Riberius mutuas dedit Augustino plures pecuniæ summas, quæ simul sumptæ conficiunt 1750. florenos, pro quibus Augustinus non solum sua illi reddidit chirographa, sed in suo diario etiam dies signavit, quibus quamlibet summam accepit, ibique inter alias summas annotavit tres, quamlibet 250. florenorum, primam acceptam 2. Januarii, secundam 23. Februarii, & tertiam 20. Martii. Elapsus sex mensibus Augustinus sex ejusmodi summas restituit consistentes in 1500. florenis; videns autem, quod Riberius septimam non exigat consistentem in 250. florenis, quam in suo diario annotaverat ut acceptam 20. Martii, ipsemet declarat Riberio, se adhuc hanc illi summam debere; sed Riberius non reperto septimo chirographo hanc summam acceptare renuit, non obstante iterata oblatione ab Augustino sibi facta; eoquod semper dubius hæreret, an non jam soluta fuerit hæc summa. Potestne tandem acceptare hanc summam 250. florenorum, quam Augustinus absolute vult restituere?

✧. Riberius potest eam acceptare; quia credibile non est, Augustinum in suo diario annotasse summam ut debitam adhuc, quæ tamen soluta jam sit. 2. Quia, cum hoc debitum sit scripto annotatum, positiva habetur probatio, debitum adhuc existare: positiva autem probatio prævalere debet simpliciter dubio. 3. Quia, cum Augustinus in rebus ac negotiis suis domesticis admodum exactus sit, præsumendum non est, eum falsum quid ac præjudiciosum sibi in suo annotasse diario. Pontas.

**CASUS CXCVI.** Emilianus, cum audiret, post menses imminuendum valorem pecuniæ, suam omnem tradidit Joanni amico suo, ut eam expenderet in commercio, ac post imminutionem pretii sibi iterum æqualem summam restitueret.

ret. *Accepta conditione Joannes expendit pecuniam Emiliani, & post imminutionem pretii separatim in sacculo reponit æqualem summam, destinatam ac proxime restituendam Emiliano. Interea autem crescit valor pecuniæ in sacculo contentæ. Ad quem pertinet lucrum?*

R. *Lucrum, quantumcunque notabile fuerit, pertinet ad Joannem, qui in se recepit omne periculum, & omnem imminutionem pecuniæ, semperque fuisset obligatus ad restituendam Emiliano integram summam ab eo acceptam: Joannes enim in hoc casu non est habendus pro simplici procuratore, cum semper habuerit dominium hujus pecuniæ. Pontas.*

**CASUS CXCVII.** *Diogenes pauper agricola in extremam paupertatem reductus tempore penuriæ, cogebatur secreto per aliquot menses furto auferre farinam vicino pistori, ne fame periret. Elapso hoc egestatis termino per laborem suum aut per eleemosynas tantum sibi comparaverat, quantum sufficiebat ad sustentationem suam, & etiam ad faciendam diviti pistori restitutionem ablatae farinæ. Parochus autem ipsi dicebat, eum ad nullam in conscientia obligari restitutionem. Potestne tunc conscientia sequi opinionem parochi sui?*

R. *Potest sequi; licet melius fieret restitutio: non abstulit, nisi quod vi juris naturalis ipsi licebat auferre juxta S. Thomam 2. 2. q. 66. art. 7. ad 2. ubi ait: Quia per talem necessitatem efficit suum id, quod talis accipit ad sustentandam propriam vitam. Nihilominus si quidplam de ablata farina adhuc in natura existeret, illud restituere teneretur. Pontas.*

**NOTA.** *Etiā in extrema necessitate bona non sunt absolute communia, sed solum conditionate cum onere restitutionis, si quis ad pinguiorem fortunam pervenerit.*

**CASUS CXCVIII.** *Eraldus nobilis cum in suo frumento ad messem jam maturo deprehenderet octo vel decem porcos ad Robertum pertinentes, eosque abigere non posset sine augmento illatæ ab iis vastationis, duos sclopo trajecit. Peccavitne? & num tenetur in conscientia ad valorem restituendum Roberto, qui porcos custodiri, & factam ab iis devastationem impediri non curavit?*

R. *Dubium non est, quin Eraldus peccaverit; cum in propria causa se judicem constituerit, licet potuisset ac debuisset recurrere ad judicem pro obtinenda justa compensatione. Nihilominus si damnum illatum justo valori porcorum occisorum æquivalet, in foro interno ad nullam Roberto tenetur reparationem damni. Si consuetudo regionis Eraldo per-*

permittat, ut ipse sibi iustitiam fieri curet, ad id duntaxat obligatur, ad quod obligat consuetudo. Denique ab onere restitutionis immunis foret Eraldus, si per sententiam iudicis fuisset absolutus ab obligatione reparandi damnum; aut si imporcos projecisset lapides, aut canem inelastasset, & isti in aquam præcipientes acti, aut alio modo perissent. *Pontas.*

**Nota.** Si a iudice sperari non posset certa reparatio damni, aut non sine periculo magnorum sumptuum damno prope parium, licite egisset Eraldus.

**CASUS CXCIX.** Sisinnius Toparcha in flagranti delicto apprehendit Lucianum agricolam, qui in districtu ipsius venabatur, aut columbas ejus trajiciebat; illum aggreditur, ac ablato sclopeto, minabatur illi actionem judicalem. Lucianus his minis territus relicto sclopeto duos insuper dupliones ipsi obtulit ad declinandam in iudicio persecutionem. Sisinnius hanc obligationem acceptavit. Teneturne ad aliquam restitutionem?

**3.** Censeo, Sisinnium nec accipere nec retinere posse duos dupliones a Luciano oblato: hæc enim solutio esset instar mulctæ; mulcta autem nec debetur, nec potest exigi, nisi a iudice imponatur. Si tamen Lucianus intulisset damnum datæ summæ æquivalens, eam accipere ac retinere posset, tanquam præstitam sibi indemnitate. Quod attinet sclopetum, non videtur, Sisinnium obligari ad illud restituendum; quia id genus armorum plebeis stricte est prohibitum, nec licet sclopetis publice venalia exponere; ita, ut Dominus, qui apprehendit rusticum hujusmodi instrumento instructum, propria autoritate possit illud confringere. *Pontas.*

**CASUS CC.** Andronicus Parochus vocatus ad excipiendam confessionem Gerardi excommunicati denunciati ob furtum 500. florenorum, quos abstulit Gabrieli, & periculose decumbentis, eundem absolvit ab excommunicatione & peccatis suis, eoquod simplicem fecisset promissionem restituendi hos 500. florenos una cum sumptibus actionis. Gerardus paulo post in phrenesin delapsus non potuit exequi promissum suum. An peccavit Andronicus? & num tenetur ad resarciendum Gabrieli omne damnum a Gerardo illatum?

**3.** Parochus iste gravissime peccavit contra iustitiam & obligationem suam; &, si Gabriel nequeat totum damnum sibi illatum recuperare, eximi non potest ab obligatione integrum damnum reparandi; cum ex imprudentia sua & nimia facilitate unica illius causa exititerit. *Pontas.*

**Nota.**

NOTA. Excommunicati notorii absolvendi non sunt, ne quidem in articulo mortis, nisi præstita possibili cautione de satisfaciendo læsis.

**CASUS CCI.** Tatianus mutuam dedit Jacobo summam 10000. florenorum, ex qua per quinque annos censum usurarium percepit. Eodem tempore debebant Regi pendii decimæ omnium bonorum, quæ quilibet possidebat. Num decimæ ex hac summa solvi debent a Jacobo, an a Tatiano?

3. Edicto, quo decimæ partis bonorum pensio fuit decreta, cautum est, ut omnes particulares personæ decimas bonorum suorum Regi persolverent, illasque possent suis deducere creditoribus ex censu illis persolvendo. Hoc supposito si Jacobus in declaratione bonorum suorum Regi facta mentionem fecit capitalis summæ 10000. florenorum a Tatiano mutuatae, & census præstandi, non taxabitur ad decimam, nisi post factam ex illius bonis hujus decimæ partis deductionem; quo casu Tatianus ad illam Jacobo restituendam non tenetur; eoquod Regi nihil persolverit. Si non fecit mentionem mutuatae summæ, Regique ex bonis suis decimas persolvit, Tatianus tenetur eam ipsi restituere. Denique si istæ decimæ Regi non fuerunt persolutæ, Tatianus eas solvere tenetur, quamprimum præfectus earum illas exegerit. *Pon- tas.*

**CASUS CCII.** Farinaclus Advocatus disertissimus suscep- tam in se causam, quam injustam noverat, tam dextre propugnavit, ut illam fuerit lucratus. Teneturne in conscientia ad restituendos 20. dupliones pro labore suo acceptos?

3. Evidens est, eum accepisse has pecunias contra justitiam; & consequenter tenetur ad restitutionem. *Si justitia sincerius consulatur, ait S. Augustinus Epist. 153. al. 54. justus dicitur advocato: redde quod accepisti, quando contra veritatem stetit, iniquitati adfueris, judicem fefelleris, justam causam oppresseris, de falsitate vicisti.* Tenetur insuper ad reparandum omne damnum adversæ parti illatum, illo non restituente, pro quo hanc causam injuste fuit lucratus. *Pontas.*

**CASUS CCIII.** Heraclides Advocatus consuluit Ludovico clienti suo litiganti cum Antonio, ut negaret verum aliquod factum, nisi vellet cadere causa sua. Ludovicus Advocati consilium secutus lucratus est causam suam. Teneturne Heraclides ad reparandum Antonio damnum in defectu Ludovici?

3. Certum tam juris canonici quam Romani principium est, illum, qui consulit furtum, ejusdem reum esse. Hinc Heraclides tenetur Antonio reparare damnum illatum, si il-  
lud



Iud non reparat Ludovicus. Sic respondet author Glossæ in constitutionem Innocentii IV. *Statuimus.* 1. Lib. 2. Tit. 9. in 6. in 6. inquit: *Scire debes, quod advocatus, qui docet clientulum falsum respondere, tenetur adversario illius damna restituere, quæ ab hoc pertulit; puta ex onere probandi, vel amissione causæ. Unde solent advocati dicere clientibus: si hoc confitearis, causam perdes; nec dicunt: si negaveris, animam perdes.* Pontas.

CASUS CCIV. Hyginus præmeditate occidit Paulum Renati patrem; & Petrus ac Jacobus soli sunt testes oculati. Ad supplicem Renati libellum fuit facta inquisitio contra Hyginum, & in iudicium vocati sunt Petrus & Jacobus una cum pluribus aliis ad perhibendum testimonium; sed nullus contra Hyginum testatus est. Jam quæritur, num Petrus & Jacobus, qui veritatem reticuerunt, ad restitutionem teneantur fisco, ad quem maxima bonorum Hygini portio pertinisset post latam in eum mortis sententiam.

¶ Lex pure pœnalis a potestate sæculari condita, quæ nec recipitur, nec in usum deducitur, & quidem cum consensu saltem tacito hujus potestatis sæcularis, in foro interno non obligat: *Lex in nihilo recepta in nihilo obligat*, inquit Navarrus Man. c. 23. n. 62. Ratio est; quia lex primum obtinet rationem veræ legis, dum promulgatur, & per acceptionem eorum, quos respicit, confirmatur. Quando lex secundum receptum usum est promulgata, obligat in conscientia. Dein potest lex recipi & vigere quoad certos articulos, non item quoad alios; quo casu ad hos posteriores nulla datur obligatio. Denique non obligat amplius lex, quæ fuit abrogata ab ipso Legislatore, aut per consuetudinem contrariam rationabilem & legitime præscriptam. His prænotatis dicitur, Petrum & Jacobum in casu proposito ad nullam fisco obligari restitutionem; quia lex pœnalis bona alicujus hominis ad mortem condemnati fisco adjudicans, locum & usum non habet, donec sententia a iudice fuerit pronunciata. Pontas.

CASUS CCV. Christianus contra Religiosos cujusdam Ordinis reformati male affectus ob perditam contra illos causam, persuasit Paulo, qui a decem annis frater laicus solus sartoris munere in Communitateungebatur, ut transfret ad Ordinem laxiorem; id quod cum dispensatione Romana etiam factum est. Teneturne Communitati ad aliquam restitutionem?

¶ Christianus excusari nequit ab obligatione reparandi damnum Communitati, quæ alterius sartoris operam conducere cogeatur: non enim peccavit solum contra charitatem, sed

sed etiam contra iustitiam; eoquod ex malitia huius Communitati damnum intulerit. Merbesius *Sum. Christ.* tom. I. part. 2. q. 172. conclus. 3. pag. 619. Peccatum Christiani ex eo fit gravius; quia causa existit cujusdam generis apostasie, in quam incidit Paulus. *Pontas.*

**CASUS CCVI.** Victorius famosus campfor tres habet commercio suo famulantes, Paulum, Petrum, & Claudium, qui cum illo de sua mercede convenerant, nimirum Paulus pro 200. florenis, Petrus pro 150., & Claudius pro 100. Petrus & Claudius non minus operæ præstabant hero suo, ac Paulus; & ideo idem cum Paulo sibi salarium deberi existimabant. Hoc nixi fundamento ex pecuniis pro hero suo acceptis tantum retinent, quantum cujuslibet salario a summa 200. florenorum deest. Tenenturne in rigore ad restituendum id, quod ultra constitutum salarium occulte sibi attribuerunt?

¶ Casuistæ, qui docuerunt, domesticos in hoc casu propria autoritate uti posse occulta compensatione, fuerunt censurati ab Universitate Lovaniensi, & pluribus Episcopis Gallicæ. Doctrina Facultatis Parisiensis hujusmodi domesticos expresse furti infimulat. Propositio horum perniciosorum Theologorum est hæc: *Famuli & famulæ possunt occulte heris surripere ad compensandam operam suam, quam majorem judicant salario, quod accipiunt.* Censura autem Cleri Gallicani anno 1700. fuit ista: *Hæc propositio falsa est, furtis viam aperit, & famulorum fidem labefacit.* Eandem propositionem anno 1679. condemnavit Innocentius XI. Hinc Petrus & Claudius tenentur restituere id, quod ultra constitutum salarium clam surriperunt.

**CASUS CCVII.** Albertus vir nobilis eum perdidisset horologium argenteum, ocyus in furti suspicionem attraxit Barnabam famulum suum; Idque manifestavit toti familiæ suæ; etsi falsum fuerit. Tenenturne a Barnaba calumniæ veniam petere, & reparare famam hujus famuli?

¶ Tenetur in conscientia Albertus ad reparandum Barnabæ famam injuste ablatam: non tamen tenetur ab eo petere veniam; sed sufficit, si 1. coram iisdem personis declaret, quod sine fundamento in suspicionem furti traxerit famulum. 2. Si cum eo agat cum plena confidentia, omni remoto contemptus aut alicujus diffidentiae indicio. 3. Si eum denuo in suum recipiat servitium, casu quo illud sive sponte sive coacte dimiserit. Ita Merbesius *Summ. Christ.* Tom. I. part. I. q. 178. conclus. 2. *Pontas.*

**CASUS CCVIII.** Pyfander ante triginta annos in Universitate Parisiensi per duos annos studiis vacabat ; & cum a patre suo per annum tantum recepisset 65. florenos pro sustentatione sua , non potuit solvere debitum Professori suo honorarium 24. florenorum. Jam Pyfander Professore nil unquam exigente domum rediit , ibique suscepto statu ecclesiastico obtinuit Beneficium , cujus redditus annui cum aliis bonis hæreditariis ascendunt ad summam 1250. florenorum. Teneturne 24. florenos restituere hæredibus sui Professoris ?

¶. Pyfander non censetur obligari ad hanc restitutionem ; licet generaliter loquendo Professores eo tempore jus haberent tale honorarium exigendi. Quia tamen tale salarium Professoribus tantum debebatur ab iis , quibus illud solvendi facultates suppetebant , & reliqui considerandi erant tanquam pauperes , Pyfander ut talis considerari debuit , & non obligatus tunc temporis ad solvendum salarium , non amplius obligari potest ; quia , ut habet axioma , *obligatio semel extincta nunquam reviviscit.* Pontas.

**CASUS CCIX.** Corentinus , postquam legerat publice affixam schedam , qua Jacobus triginta dupliones promittebat illi , qui sibi in manus deferret adamantem 2000. florenorum in quadam ecclesia perditum , sedulo illum quæsit , & in dicta ecclesia reperit. Accedit ocys Jacobum , & ab eo triginta duplionum solutionem petit , alias non redditurus adamantem. Jacobus veritus , ne corentinus , quem non noverat , restitutionem recusaret , triginta illi dupliones numerat , & suum recipit adamantem. Jam Confessarius Corentinum obligat ad restitutionem triginta duplionum ; Corentinus autem ratione factæ a Jacobo promissionis se excusat.

¶. Existimo , Corentinum in casu proposito teneri ad restitutionem acceptæ pecuniæ ; quia illam exegit , antequam reddiderit adamantem , suamque illum alias non reddendi mentem satis declaravit : nemo enim sine crimine retinere potest bonum alienum invito domino : facile insuper quisvis sibi imaginari potest , Jacobum non promississe triginta dupliones , nisi ex metu perdendi adamantem suum. Verum si Corentinus reddidisset adamantem , quin aliquid exegisset , Jacobus autem nihilominus ipsi dedisset triginta dupliones , gratificatio hæc juste ipsi foret acquisita ; licet longe melius esset nihil recipere Pontas.

**NOTA.** Non videtur solida hæc Pontasii responsio ; quia proclamatio præmii est tacita conductio innumerorum hominum ad laborem inquirendi sedulum & exactum : hi inter se certant cum industria pro præmio. Si ergo in aliis certaminibus aut ludiis potest leviter  
*Disq. Cas. Tom. III.* Y *bra*

brachio obtineri fors ingens, idem poterit fieri in præfenti. Et hinc, licet Corentinus teneatur quidem absolute reddere adamantem; licite tamen convenire poterit Jacobum coram iudice ad standum promissis.

**CASUS CCX.** Frecculfus patruus & tutor Mariæ & Ludovicæ, minis, vi, ac iniqua tractatione Ludovicam coegit, ut religiosum statum amplecteretur; quia erat valde deformis, ipsique odiosa. Teneturne ad aliquam restitutionem? & cui?

*ꝛ. Libertas inæstimabilis res est.* Unde nihil iustitiæ magis adversatur, quam aliquem privare libertate sua. Cum autem omne peccatum contra iustitiam obliget ad restitutionem, etiam Frecculfus obligatur ad reddendam Ludovicæ integram ac plenam libertatem 1. agnoscendo, quod eam coegerit ad amplectendum statum religiosum. 2. Eidem declarando, quod possit egredi e monasterio, ipsique procurando media annullandi vota sua. 3. Offerendo ipsi gratiam recipiendi eam in domum suam, & cum mansuetudine ac charitate tractandi. 4. Ex propria sua pecunia persolvendo omnes expensas in ingressum Religionis, ac commorationem in eadem factas, deductis tamen expensis, quas facere debuisset in alimentationem Ludovicæ, si mansisset in sæculo. *Merbesius Sum. Christ. tom. 1. part. 2. q. 173. conclus. 2. Pontas.*

**CASUS CCXI.** Lactantius mercator anno 1680. quingentos florenos mutuos dedit Josepho æque mercatori, qui tradidit ipsi chirographum, quo annus mutuatae pecuniæ non literis, sed numeris erat expressus. Lactantius non petita solutione usque ad obitum Josephi, & veritus, ne Jacobus unicus defuncti filius nuper primum a bello redax, ubi quindecim annis Regis stipendia meruit, & prorsus ignarus de statu rerum sui parentis, extingueret hoc debitum 500, florenorum jure præscriptionis, loco 1680. posuit 1689. Hac usus industria impediit quo minus posset Jacobus uti præscriptione, illumque obligavit ad solvendum debitum 500. florenorum. Teneturne in foro interno Jacobo ad restitutionem?

*ꝛ. Nunquam absque peccato potest fieri aut supponi falsum chirographum, aut quicumque alius titulus: hinc Lactantius graviter peccavit falsificando chirographum. & Jacobus filius Josephi, cum esset in bona fide, & ignoraret statum bonorum paternorum, potuisset absque peccato uti jure præscriptionis, ac se eximere ab obligatione solvendi 500. florenos. Non tamen censetur obligatus esse ad restitutionem; quia hæc summa legitime illi debebatur.* *Pontas.*

**CASUS. CCXII.** Euphrasius Notarius, creditor Barnabæ, cum recepisset summam 1000. florenorum, deducendam a summa 3000. florenorum eidem mutuo data, pro qua accepit cautionem datam primo Januarii 1660, neglexit petere solutionem residuorum 2000. florenorum usque ad primum Martii 1692; quia putabat, eum fore solvendo, & studiose intendebat, ut debitum in notabilem summam accresceret, sicque debitorem suum postea obligaret ad concedendum sibi pro solutione pratum sibi valde commodum. Facta autem reflexione, jam plusquam triginta annos fuisse elapsos a die datæ cautionis, & Barnabam uti posse jure præscriptionis, loco Nullionis posuit numerum novenarium, ut appareret, cautionem primum datam esse 1669. sicque præscriptioni locus non esset. Barnabas obtenta cautione in originali sibi communicata, & cognita Euphrasii falsificatione, tanquam falsarium in judicio ipsum detulit. Verum tribus annis in continuata actione elapsis Euphrasius lucratus est causam suam, & Barnabas fuit condemnatus non solum ad solvendo 2000. florenos residuos, sed etiam in expensas ac interesse 500. florenorum; quam integram solutionem sibi ocys fieri curavit Euphrasius. Appropinquante autem mox tempore Jubilæi Euphrasius hoc factum exposuit confessario; quem cum parum favorabilem expertus esset, reposuit, Barnabæ certo constitisse hocce debitum residuum 2000. florenorum, seque ab eo falsi accusatum fuisse solum animo eripiendi hanc pecuniæ summam sub prætextu præscriptionis; unde ipse sibi imputare deberet infelicem causæ judicatæ aleam, sicque se eximi ab omni obligatione restituendi expensas, & perceptum interesse.

¶ Ingens discrimen est inter summam principalem 2000. florenorum & inter expensas ac interesse 500. florenorum: summam enim principalem Euphrasius tuta conscientia retinere potest, ut legitime sibi debitam. Verum quod attinet expensas & interesse, tenetur in conscientia ad restitutionem; nam Euphrasius immutando annum datæ cautionis ansam præbuit Barnabæ actionem instituendi de falsificatione: *Qui occasionem dat, damnum dedisse videtur*, inquit Regula juris. Pontas.

**CASUS CCXIII.** Pothinus duos florenos cum dimidio accepit pro depositione testimonii in quadam causa, pro qua a Judice fuerat citatus. Teneturne ad restitutionem acceptæ pecuniæ?

3. Si has pecunias accepit pro pretio depositi testimonii, tenetur ad faciendam restitutionem; eoquod peccaverit contra iustitiam, quæ non minus testibus prohibet vendere suum testimonium, quam iudicibus iudicium. Non tenetur autem restituere, si eas accepit per modum iustæ compensationis expensarum necessario faciendarum, aut ex decreto iudicis. *Pontas.*

**CASUS CCXIV.** Fulcinius nocturno abstulit Jacobo equum aliquo morbo laborantem, qui quatuor aut quinque horis post commissum furtum repente occubuit. Teneturne restituere valorem equi?

3. Authores quoad hoc punctum in diversas abeunt sententias: iustum tamen magis videtur & tutius pro conscientia, sequi opinionem S. Thomæ, juxta quem 2. 2. q. 62. art. 6. C ille, qui abstulit rem alienam, ad restitutionem tenetur non solum ratione rei, sed etiam ratione injustæ actionis, quam commisit. Hinc Fulcinius tenetur Jacobo restituere valorem equi. *Pontas.*

*NOTA.* Tenetur fur a momento furti ad valorem rei, quem habuit tempore furti, & quanti interest Domino, animali non potuisse applicari debite somenta.

**CASUS CCXV.** Papyrius homo mediocris conditionis postquam vita excefferat, Jacobus ipsius hæres ab intestato reperit inter mobilia defuncti bona argenteum horologium pretio constans 20. florenorum; sed sciens Papyrium isto horologio nunquam usum fuisse, dubitat, an non in foro conscientie teneatur ad restituendum pauperibus iustum illius valorem. Quid respondendum ipsi a confessario?

3. Si Jacobi dubium legitimo nititur fundamento, a confessario ipsi consulendum est, ut faciat istam restitutionem. *Pontas.*

*NOTA.* Potius Christiane de Papyrio sentiendum, quod horologium vel invenerit, vel in pignus non redemptum receperit, vel in militia ex hoste occupaverit.

**CASUS CCXVI.** Candidianus dives agricola, ut desiderium Paulini filii sui secundum expleret, qui statum religiosum in ordine quodam Mendicantium amplecti volebat, convenit cum Superiore & Capitularibus, se ante illius Professionem daturum 1250. florenos præter summam 150. florenorum pro anno Novitiatus; id quod etiam executus est, non modico licet cum scrupulo. Potestne Superior & Conventus retinere hanc

hanc summam? & , si obligantur ad restitutionem, num ea facienda est Candidiano?

7. Religiosi isti absque omni jure receperunt summam 1250. florenorum, quam Candidianus non ex mera liberalitate ac gratuito ipsis numeraverat, sed sub conditione, ut filium suum ad professionem admitterent; & hinc tenentur ad restitutionem. Hæc autem restitutio non est facienda Candidiano, cum mala fide egerit & contra conscientiam suam, nec absque scrupulo, sed pauperibus; vel hæc summa applicanda est in alias causas pias, quin Superior aut Religiosi eam privata autoritate suo applicare Conventui possint. *Pontas.*

**NOTA.** Monasteria non illicite transigunt anticipato de legitima dotis. Pecant tamen in ordinibus clericalibus, si recipiant Clericandos ex motivo primario dotis: hoc est, alioquin non recipiendos. Ob eam tamen internam intentionem, quæ in foro externo est difficilis probationis, non datur obligatio restituendi.

**CASUS CCXVII.** Andronica vidua quinque liberorum parens, quorum secundus est adulterinus, videns, se periculose decumbere, nec posse exhereditare illum, lege id prohibente, omnes convocat deoneratura suam conscientiam ratione damni reliquis quatuor liberis inferendi, si æqualis inter omnes fieret divisio bonorum hæreditariorum, ipsis declarat, quempiam eorum esse ex adulterio natum, seque ad eum manifestandum, si vellent, paratam fore. Liberi mox consentiunt in hoc, ut mater adulterium non manifestet, seque invicem condonare damnum alterutri inferendum, quicumque ille sit. An isthoc remedium coram Deo in conscientia securam reddit Andronicam?

7. Alciatus approbat talem præcautionem ut sufficientem. Nihilominus præferenda videtur sententia Covarruvæ Episcopi Hispalensis contrarium sentientis: duplex enim metus, incurrendi infamiam & amittendi hæreditatem, censendus est plurimum posse in animis hominum infantium, ita, ut ipsis sufficiens libertas non relinquatur faciendi reciprocam condonationem; ex quo etiam non insufficienter tranquillari potest conscientia matris. *Pontas.*

**CASUS. CCXVIII.** Desiderius irregularis ex delicto se providi enavit a Collatore ordinario de parochia quadam, ex qua per duos annos redditus percipiebat; quamvis nec residentiam servaverit, nec toto illo tempore Breviarium recitaverit. Supplicavit postmodum Papæ pro rehabilitatione & condonatione fructuum; id quod ipsi etiam concessum fuit;

in supplicatione autem omissionem residentiae & Breviarii exponere non ausus, solam expressit irregularitatem. Estne securus in conscientia?

3. Ex triplici titulo Desiderius non potuit percipere fructus hujus Beneficii, nimirum ratione irregularitatis, ob omissionem residentiae & Breviarii; cumque in supplicatione solam expresseit irregularitatem, Rescriptum subreptitum est & nulum, ac consequenter fructus jam perceptos, non obstante condonatione a Papa sibi facta, tenetur restituere. Rescriptum solum id operatur, ut incipiat novus esse Titularis legitimus a die dati Rescripti. Ut autem fructus perceptos sibi attribuere possit, opus est novo Rescripto. *Pontas.*

CASUS CCXIX. Anatolius abstulit 250. florenos cuidam Abbati Commendatitio, & similem summam cuidam patrifamilias. Jam ad restitutionem paratus est; sed dubitat, num illis ipsis ea facienda sit; quia ambo jam per plures annos dissipant bona sua comessationibus, lusu ac venatione; imo in hunc ipsum finem contrahunt etiam debita; nec melius applicarentur pecuniae restituendae. Quid agendum Anatolio?

3. Quoad Abbatem restitutio facienda est ecclesiae aut pauperibus. *Si Prælatus*, inquit Cajetanus Summ. V. *Restitutio*. 4. n. 2. *est dilapicator rerum ecclesiae, & experientia teste, dilapitaret etiam hæc; non ei, sed illi ecclesiae, quæ est vera domina, restitutio in foro conscientiae fieri potest, & d. bet.* Quod attinet patrefamilias, restituendum est uxori ipsius, si prudenter res domesticas administrat; dummodo timenda non sit perturbatio ac discordia eam inter ac maritum, si hic forte in rei notitiam venerit. *Deficiente viri prudentia circa rem domesticam*, ait Gaugericus in Cajet. V. *Furtum*, *pertinet ad uxorem de bonis communibus disponere. Sic tamen id fiat, ut, quoad esse potest, caveatur omnis perturbatio regiminis domesticæ.* *Pontas.*

CASUS CCXX. Alpharius diaconus, viginti tres annos & dimidium natus, de Beneficio curato provissus intra annum Ordinem presbyteratus suscipere neglexit: continuata per alios duos annos possessione, in Curia Romana resignavit hoc Beneficium Remigio fratri suo presbytero & parochio alterius parochiae redditum admodum tenue. An hæc resignatio valida est, & Remigius canonice provissus post lapsum horum trium annorum? An non tenetur Alpharius ad restitutionem fructuum perceptorum ex hac parochia?

3. Quia



¶ Quia Alpharius intra annum non recepit presbyteratum, & insuper per alios duos annos retinuit parochiam, *ipso jure* ea privatus exstitit; & consequenter nullum habuit jus per simplicem resignationem eam dimittendi Remigio, qui proinde illegitime de ea provisorius fuit. Ad hæc tenetur Alpharius ad restitutionem omnium fructuum ultimis duobus annis ex Beneficio perceptorum, utpote illegitimus ejusdem possessor: imo obligatur etiam ad restitutionem fructuum primo anno perceptorum, si acceptavit provisionem animo non recipiendi presbyteratum intra annum. Ita Bonifacius VIII. Cap. Commissa. 35. L. 1. T. 6. in 6. Verum si Alpharius ob legitimum impedimentum non potuisset suscipere presbyteratum, juxta eundem Papam non excidisset suo Beneficio. *Pontas.*

CASUS CCXXI. Emericus cum recepisset 5000. florenos octiduo, antequam valor pecuniæ diminueretur, notabilemque jacturam timeret, hanc summam dedit cuidam actionario pro schedis nummariis. Justinus, qui gravis summæ debitum solvere debebat, obtulit se Emerico ad accipienda ejus chirographa juxta valorem suum intrinsecum, ac præstandam annuam pensionem 250. florenorum, licet tunc hæc chirographa tertia pretii parte publico edicto fuerint diminuta. Emericus acceptavit Justinæ oblationem, & inito contractu per duos annos censum recepit. Justinus postea Emericum certiore reddidit, quod tertiam pretii partem perdidisset, sibi que justam fieri remissionem petit. Teneturne Emericus fidem habere Justino? an obligatur ad faciendam petitam remissionem, reducendo 250. florenos per contractum importatos ad duas tertias? An ob eandem rationem reddere tenetur unam tertiam 500. florenorum lapsu duorum annorum jam perceptorum?

¶ Lucrum hoc est usurarium, quidquid de eo sentiant quidam Authores, qui considerant hujusmodi chirographa tanquam mercem currenti pretio æstimabilem. Hoc supposito si Emericus recepisset ab actionario chirographa 750. florenos continentia sub prætextu amittendæ alias unius tertię partis, justum non est, hanc tertiam a Justino, qui tantundem amisit exigere, supposito, quod jactura sit certa, & ipse Emericus sibi persuasum habeat, hanc jacturam Justino fuisse illatam: & in hoc casu Emericus debet reparare damnum Justino causatum, annuam pensionem ad duas tertias reducendo & reddendo duas tertias per biennium jam perceptas. Verum si Justinus non potest convincere Emericum de jactura, quam se passum fuisse ait, Emericus regulariter

lariter loquendo non tenetur ipsius verbis credere. Denique supposito quod Emericus receperit chirographa 750. florenos continentia pro 5000. florenis numeratæ pecuniæ, quos dedit actionario, & quod hanc summam expenderit sine suo damno, & quod non obligetur Justino, propterea non cessat obligatio hanc tertiam partem restituendi jacturam passio; qui si lateat, restitutio in eleemosynas vel alias plures causas facienda est. *Pontas.*

**CASUS CCXXII.** Hildebaldus filiasfamilias rixatus cum Henrico, tam crudum illius capiti ictum impexit, ut illud perirebrari debuerit, imo post octo aut decem dies Henricus ex hac plaga obierit. Framburgus Hildebaldi pater cognito hoc facto, & sciens, viduam Henrici jam obtinuisse decretum comprehendendi occisorem, una cum provisione 100. florenorum contra suum filium, eidem de fuga prospexit. Vidua autem intentata Framburgo actione prætendit, illum condemnari debere non solum ad solutionem 100. florenorum, sed etiam in expensas chirurgi & funeralia sui mariti. Potestne Framburgus in judicio se defendere a præstanda hæc solutione pro filii sui delicto? Potestne a iudice condemnatus ad hanc solutionem, in conscientia & absque injustitia se eximere ab obligatione solvendi?

¶ Jus naturale & divinum non permittit, ut delictum filii imputetur patri. Index igitur solum condemnare potest Hildebaldum in solutionem provisionis, in expensas, in damnum & interesse, atque ad poenam capitalem commisso homicidio promeritam. Cæterum Framburgus potuit, imo debuit filio suo de fuga prospicere. *Pontas.*

**CASUS CCXXIII.** Creditori cuidam syngrapha mutuo datæ pecuniæ furto ablata fuerat, cui substituit aliam recentiore, eamque in excussione bonorum debitoris exhibuit, & obtinuit solutionem, possibilibus aliis creditoribus, quorum debita quidem erant recentiora, syngraphæ tamen antiquiores. Potuitne recipere solutionem in præjudicium horum creditorum posteriorum?

¶ Non potuit eam recipere; sed tenetur ad restitutionem reliquis creditoribus vi juris consuetudinis. *Fronageau.*

**CASUS CCXXIV.** Quidam recepit census usurarios, aut jure hæreditario acquisivit bona ex usura provenientia. cuiusnam facienda est restitutio?

§. Illi facienda est restitutio, qui solvit hujusmodi census usurarios: si tamen census isti solverentur voluntarie, & mere gratuito, tanquam donum ex generositate factum retineri possent. *Fromageau.*

CASUS CCXXV. Petrus ingentes cumulavit divitias ex meris mutuis usurariis. Teneturne restituere, quæ hoc modo acquisivit?

§. Tenetur omnia restituere; & si restitutio non facta est in vita ipsius, ad eam tenentur hæredes: neque differenda est ejusmodi restitutio. Si li non reperiantur, quibus facienda est restitutio, summa restituenda erogari debet in pauperes. *Fromageau.*

CASUS CCXXVI. Mercatores compererunt, antequam publico innotuisset, Algerienses bellum indixisse Gallis; & hac occasione utendum rati, naves suas eodem pretio sibi affecurari curarunt, quo affecurari solent tempore pacis.

§. Non potuit id fieri tuta conscientia; tenenturque affecuratoribus reparare damnum per fraudulentam dissimulationem illatum. *De Lamet.*

CASUS CCXXVII. quispiam bona fide percepit census usurarium ex mutuo. Teneturne ad restitutionem?

§. Potest contingere, ut quis in casu valde extraordinario ratione bonæ fidei non obligetur ad restitutionem census usurarii ex mutuo percepti. Verum, quamprimum census esse usurarium semel innotuit, eum non amplius percipere potest. *De Lamet.*

NOTA. Ad casum extraordinarium pertinet repentina indigentia possidentis lucrum usurarium.

CASUS CCXXVIII. Quidam fuit vulneratus ab illis, quos ipsemet primus est aggressus: nihilominus falsi testimonii beneficio favorabilem pro se obtinuit sententiam. Potestne uti hac sententia?

§. Non potest; imo tenetur etiam reparare damnum illatum illis, contra quos obtinuit sententiam. *De Lamet.*

CASUS CCXXIX. Mercator quidam vendi ac tradi sibi curavit frumentum jam venditum, sed nondum traditum alteri. Potestne retinere lucrum ex hac emptione perceptum?

§. Tuta conscientia non potest lucrum retinere; sed tenetur illud restituere primo emptori. *De Lamet.*

CASUS CCXXX. Iudex quidam potitus est prædio vi Decreti, quo sub nomine alieno sibi illud adjudicavit. Potestne illud retinere?

g. Tuta conscientia non potest retinere. Aggravatur culpa ex eo, quod proximum consanguineum impedierit, ne prædium recuperare potuerit jure reuisionis. Tenetur insuper eidem sic oppresso reparare damnum, eique restituere prædium pro eodem summa, quam ipse vi decreti solvit. Et hæc obligatio afficit in solidum tam judicem, quam omnes alios, quicumque hujus injustitiæ sese reddiderunt participes. *De Lamet.*

CASUS CCXXXI. Tenenturne hæredes restituere bona reale acquisita, quæ in partem hæreditatis veniunt? Tenenturne ad id omnes simul, aut quilibet in particulari?

g. Quilibet eorum tenetur ad restitutionem pro ratione portionis suæ hæred teritiæ. *Fromageau.*

CASUS CCXXXII. Quidam induxit filiumfamilias, ut furetur patri suo pecuniam. Tenenturne sic inducens ad restitutionem?

g. Integram summam tenetur patri restituere, etiam defuncto filiofamilias. *Fromageau.*

CASUS CCXXXIII. Homicida detentus in carcere quadraginta nummos aureos illis se daturum promittit, qui evadendi viam sibi aperuerint. Id aggrediuntur duo, perficiuntque. Et hinc quadraginta aurei uni eorum numerantur, monito tamen, ut triginta aureos socio solvat illi debitos, Hic socio tantum solvit viginti tres. An tenetur septem, quos retinuit aureos, restituere? Et supposito, hanc acquisitionem quadraginta aureorum esse injustam, cuinam restitutio facienda est?

g. Condemnatus ad mortem occasione elabendi, si quam nanciscatur, uti potest. Qui operam suam ad homicidæ hujus fugam contulerunt, ferere quod non licuit: quadraginta tamen aureos restituere non tenentur; licet ille, qui septem aureos sibi servavit, eos socio tradere teneatur. *Fromageau.*

CASUS CCXXXIV. Sempronius videns, a Titio actum committi furtum decem modiorum tritici, ipsemet hac occasione tale furtum committit, de quo tamen non cogitasset, nisi suo Titius exemplo præiisset. Tenenturne Titius restituere pro Sempronio, si hic restituere nolit?

g. Non tenetur; quia Titius nec positive fuit causa furti a Sempronio commissi; sed tantum occasionem præbuit. Præbendo autem Sempronio occasionem furandi Titius non peccavit contra justitiam, sed tantum contra charitatem; & hinc non tenetur ad restitutionem. C. B.

**Nota.** Responsioni huic opponi potest 1. *Lex Qui occidit.* 20. §. 2. ff. L. 9. T. 2. *Qui occasionem praestat, damnnum fecisse videtur.* 2. *Authoritas Innocentii XI. qui censura conxit sequentem propositionem. : Qui alium movet aut inducit ad inferendum grave damnum tertio, non tenetur ad restitutionem istius damni illati.*

**CASUS CCXXXV.** Titius bona fide emit bovem, quem decem florenis plaris denuo vendit Paulo: postea autem comperiens, bovem hunc fuisse furto ablatum, & pertinere ad Franciscum, quaerit, utrum teneatur Francisco restituere lucrum ex venditione bovis Paulo facta redactum, nempe decem florenos.

¶. Non tenetur, nisi bos factus sit intrinsece melior. Ratio est; quia in casu, quo bos nullam recepisset mutationem intrinsecam, lucrum reportatum unice respiciendum est tanquam fructus industriae Titii. C. B.

**CASUS CCXXXVI.** Bertha frequenter a Francisco recepit munuscula, ea intentione sibi facta, ut tandem consentiat pravis ipsius desideris; sed Bertha constanter resistit. Teneturne restituere munuscula?

¶. Non tenetur Bertha restituere haec munuscula; quia ea acceptando nullam contraxit obligationem iustitiae erga Franciscum, vi cuius haberet jus exigendi, ut Bertha vel consentiat voluntati ipsius, vel reddat accepta. C. B.

**Nota.** Aut Bertha firmiter statuerat constanter resistere Francisco, aut dubia haerebat. In primo casu eum decepit, & hic agendi modus habebat rationem veri doll. In secundo casu recepta munuscula jam erant fructus iniquitatis. In utroque ergo casu tenetur restituere.

**CASUS CCXXXVII.** Cajus inter deposita a defuncto parochio, patruo suo sibi relicta, reperit monilia aurea, quae certo vel ad Petrum vel ad Paulum spectant. Cum autem detegi non posset, quis horum verus monilium dominus sit, quaerit novum parochum, cuius sint reddenda.

¶. Parochus tenetur ipsi respondere, ut pretium monilium dividat aequaliter inter Petrum & Paulum. C. B.

**Nota.** Tenetur potius monere ambos, & reddere illi, qui jus suum probaverit; vel ea deponere apud sequestrum a Iudice designandum.

**CASUS CCXXXVIII.** Agricola quidam, cui nec panis ad vescendum suppetebat, mutuos accipit ab aliquo decem florenos, cum obligatione eos reddendi tempore messis. Teneturne se ipse restituere hanc summam tempore praefixo?

¶. Te-

3. Tenetur : licet enim agricola iste fuerit pauperrimus actu , non tamen erat talis in spe ; hinc , sicut nec publice nec occulte potuisset cuiquam auferre decem florenos , nisi cum obligatione eos restituendi , ita non potuit recipere hanc summam ad sublevandam suam miseriam , quin eandem obligat onem contraheret. Dein , et si in extrema necessitate omnia fiant communia , sententia tamen adhuc valde probabilis est , quod quis in extrema necessitate constituto non teneatur subvenire gratis per donationem , sed licite possit illi dare mutuum. Hoc supposito , cum ille , qui dedit agricolæ mutuos decem florenos , iuste inierit hunc contractum , & agricola receperit , quod volebat , non videtur , quomodo hic vi huius ipsius contractus non obligetur ad restituendam summam tempore præfixo.

CASUS CCXXXIX. Res injuste ablata perit in domo furis ; ea tamen æqualiter perisset apud legitimum possessorem , domo ipsius in cineres redacta. Ad quid tenetur fur ?

3. Ad nihil tenetur ; quia nec ipse per furtum fuit factus ditior , nec dominus rei pauperior : sicut nec nauta tenetur ad restitutionem , licet contra voluntatem Domini sui merces transtulerit ex navi optime constituta in aliam male constitutam , in qua dein perierunt ; si navis prior similiter naufragio periit.

NOTA. Cum in optione domini sit , ex incendio salvare rem etiam viliores , & cum periculo vitæ , fur nihilominus ad restitutionem ex æquo obligendus est. Vide cas. 214.

CASUS CCXL. Titius cum quibusdam debitis esset oneratus , nec ea dissolvere posset , in hunc finem adhibe anulum aureum , a se inventum , cujus dominum detegere non potuit.

3. Licite in hunc finem utitur invento annulo : si enim non liceret , tunc ideo ; quia inventa , quorum dominus nescitur , erogari debent in pauperes , aut applicari in alias causas pias : in casu autem proposito Titius ex una parte est habendus pro paupere , cum debita sua solvere non possit ; & ex altera parte annulus aureus applicatur in causam piam , qualis est , impedire , ne debitor vexetur a creditoribus suis.  
C. B.

NOTA. 1. Inquirendum est , an Titius vere sit pauper absque ulla spe melioris fortunæ. 2. Consulendus est prudens director conscientie , cui nulla a proprio commodo pertimescenda est illusio.

**CASUS CCXLI.** Petrus bona fide possidet agrum per aliquod tempus ; dein , postquam per integrum annum dubitavit , an ager iste pertineat ad se , certum ipsi fit , agrum pertinere ad alium . Quid tenetur Petrus restituere ?

*g.* In primis tenetur restituere agrum , nisi dominum ejusdem adquisierit per præscriptionem : dein tenetur restituere fructus nondum præscriptos , deductis tamen semper pro indemnitate sua expensis in agrum factis . Præscriptio hujusmodi fructuum locum habet post triennalem possessionem , sive ea fuerit bona fide , sive fide dubia , dummodo eo anno , quo dubitavit de legitimitate possessionis , sufficientem diligentiam adhibuerit ad indagandam rei veritatem : tunc enim dubium non tollit possessionem bonæ fidei , nec impedit , quo minus tempus præscriptionis continuetur . Verum si fuit omissa debita diligentia pro indaganda rei veritate , tunc , cum statim ab initio possessionis dubiæ quis sit possessor malæ fidei , annus hujus possessionis dubiæ non potest computari inter annos necessarios ad legitime præscribendum . Denique si Petrus possedit agrum per aliquod tempus non sufficiens ad præscriptionem ejusdem , aut fructuum , teneretur restituere & agrum , & omne id , unde per possessionem ejusdem factus est ditior ; quia omni caret titulo ea retinendi . C. B.

*NOTA.* Ut quis præscribat rem , necesse est , ut eam possideat cum persuasionem , quod sit sua . Possessor dubitans , an res sit sua , nunquam sit possessor bonæ fidei ex eo , quod in veritatem rei sedulo indagaverit .

**CASUS CCXLII.** Duo homines , quorum unus se fingit pauperem , alter autem revera talis est , ingentes pecuniæ summas coacervant petendo eleemosynas .

*g.* Ille , qui se fingit pauperem , tenetur ad restitutionem ; quia erogantes ipsi elemosynam fuerunt decepti quoad objectum charitatis & misericordiæ suæ : error autem hujusmodi tollit consensum donantis , & consequenter impedit translationem dominij rei donatæ . Quod attinet alterum re ipsa pauperem , is ad nihil tenetur . Prudentis confessarij est ejusmodi pauperibus etiam vere talibus , validis tamen , ac ad laborem aptis inculcare hæc Apostoli verba : *Si quis non vult operari , nec manducet.* C. B.

*NOTA.* Si vere pauper habeat liberos , licite illos elocat ad honestam sustentationem , aut sibi ipsi de ea providet ex eleemosynis .

**CASUS CCXLIII.** Titius habet filiam nubilem; cum autem paupertate pressus eam dotare non posset, abstulit 500. florenos, quos pro dote dedit filię suę, quę etiam sic dotata facile maritum reperit. Aliquod annis post consummationem matrimonii maritus detegit, dotem ab uxore sibi allatam fuisse furto ablatam Cajo, Teneturne eam restituere?

**ꝑ.** Si dos nondum fuit commixta cum aliis bonis mariti, cenfeo, eum obligari ad restitutionem, supposito quod nondum legitime contra eam pręscripserit. Verum si tempus ad pręscriptionem requisitum jam effluxit, aut facta est commixtio dotis cum aliis bonis, non tenetur ad restitutionem. C. B.

**NOTA.** Commixtio honorum non liberat ab onere restituendi furtiva, ex quibus Titius factus est ditior. Neque enim Legislator titulum transferendi domini absolute indulget commixtioni furtivorum.

**CASUS CCXLIV.** Titius in confessione se accusat, quod abstulerit 100. florenos, quin tamen sciat, ad quem pertineant. Confessarius ipsum obligat ad distribuendam hanc summam in pauperes. Distributio hæc vix fuit facta, & Titius mox competit, hos 100. florenos pertinere ad Petrum.

**ꝑ.** Titius non tenetur altera vice solvere hanc summam, si ante factam distributionem in pauperes adhibuit omnem diligentiam prudenter exigibilem ad detegendum verum dominum hujus pecunię. C. B.

**NOTA.** Hinc confessarii potius obligent poenitentem ad deponendam pecuniam obligatam in loco tertio tuto per confessarium designando, donec omnis spes retegendi veri domini evanescat.

**CASUS CCXLV.** Titius vendidit dolium vini, quod cum aveheret ad emptorem, in via advertit, dimidium vini fuisse effusum; dolo hinc tantum aquę affudit, quantum vini defuit, ne tam facile adverteret emptor. Teneturne ad restitutionem? & ad quam?

**ꝑ.** Supposito quod venditor fuerit obligatus ad avehendum vinum ad emptorem, dico in primis, Titium teneri ad reparationem illato proportionatam damno; sive quia vendidit aquam pro vino, sive quia commixtio aquę vix non omnem vino vigorem adimit. Dein dico, si commixtio æquę vinum reddidit totaliter inutile emptori, venditor tenetur ad totalem reparationem damni. Si autem vinum sic mixtum potest adhuc servire emptori, venditor tenetur ad reparationem pro ratione damni, quod intulit emptori. C. B.



**CASUS CCXLVI.** Macarius furatus est pullum equinum, qui postea adolescens in insignem excrevit equum. An restitutio regulanda secundum valorem equi præsentem, vel secundum eum, quem habuit tempore furti?

3. Tenetur Macarius restituere tantum, quantum equus valet actu; quia in rebus recipientibus incrementum ab intrinseco, restitutio facienda est in pretio summo: omne enim incrementum inseparabile a re furto ablata, cedit totum in lucrum domini legitimi. C. B.

*NOTA.* Cum tamen valde incertum sit, an obtineri potuisset pretium summum, sola illius spes adhuc vaga non recipit in humano æstimationem commercio. Aliud dicendum, si jam constaret de ostendente summi pretium.

**CASUS CCXLVII.** Petrus lucratur in lusu chartarum; sive quia inspicit chartas colludentis, qui sua non satis occultat folia; sive quia durante lusu nosse didicit chartas sine ullo tamen signo ipsis impresso. Teneturne ad aliquam restitutionem?

3. Non tenetur restituere lucrum; quia ex propria culpa colludentis accidit, quod non sollicite sua occultet folia; & quod Petrus noverit chartas sine ullo tamen signo impresso, ipsius fortuna & astutia est. C. B.

*NOTA.* Cum lusus sit contractus bonæ fidei, qui ex intentione contrahentium legem accipit, ea inspectio & notatio chartarum sinceritati & æqualitati colludentium, ac proinde etiam justitiæ repugnat, atque ad restitutionem lucris obligat.

**CASUS CCXLVIII.** Titius abstulit vitulum valentem quinque florenos, quem tanta industria aluit, ut post aliquod tempus æstimatus fuerit 10. florenis: sed inadvertenter pretium ejusdem iterum decrevit, ita, ut tantum valeret septem florenos cum dimidio. Quomodo in hoc casu regulanda restitutio?

3. Titius utpote possessor malæ fidei tenetur restituere vitulum, si eum habet adhuc, in eo statu, quo esse supponitur, & legitimo domino reparare damnum, quod occasione furti pati potuit. De damno autem illato judicari poterit, si consideretur, quid valuisset vitulus, si ab ipso legitimo domino fuisset venditus; & hæc circumstantia adhuc clarior reddetur ex consideratione qualitatis ac professionis legitimi possessoris. Si non obstante hac consideratione res adhuc manet incerta, restitutio fieri debet juxta æstimationem & judicium peritorum in hac re. C. B.

*Nota.* Non reparandum omne damnum, quod dominus rei absolute pati poterat, sed quod verosimiliter passus erat.

**CASUS CCXLIX.** Titius confitetur, se furto abstulisse decem florenos; & addit, se non posse restitutionem facere illi, ad quem pertinent, quin incurrat infamiam. Confessarius hac ratione motus, eum obligat ad distribuendam hanc summam in pauperes.

¶. Si periculum per restitutionem incurrendi infamiam cessaret,posito quod restitutio fiat per tertium, responsio confessarii ineptissima est, quia salva fama Titii præceptum restituendi obligat ad inquirenda omnia media reparandi damnum per furtum illatum. Verum si Titius nullo modo posset evitare sui diffamationem, quomocumque demum fiat restitutio, hocque periculum sit perpetuum, bene sic egit confessarius; quia nemo tenetur sacrificare bona superioris ordinis bonis inferioris ordinis; & aliunde in casu, quo restitutio moraliter sit impossibilis, præsumpta legitimi domini intentio est, ut summa ablata distribuatur in pauperes. C. B.

*Nota.* Vix occurreret casus, in quo restitutio per æquivalens fieri nequeat absque infamia, si differatur sufficienti tempore, & interim deponatur res restituenda apud tertium. Posset etiam fieri per confessarium restitutio.

**CASUS CCL.** Famulus quidam domesticus hero suo quinquaginta interruptis vicibus aufert 24. florenos, sine ulla tamen intentione sensim deveniendi ad tantam summam, & quin unquam in actuali furto recordatus fuerit furtorum præcedentium.

¶. Tenetur sub peccato mortali ad restituendam integram summam. Modus, quo famulus iste abstulit successive hanc summam, eum quidem excusat a peccato gravi; sed cum obligatio restituendi non solum deducatur ex injusta acceptione, sed etiam ex notabili quantitate rei ablatae, certum est, famulum hunc domesticum teneri ad restitutionem. Responsio hæc fundatur in propositione 38. damnata ab Innocentio XI. C. B.

**CASUS CCLI.** Colonus quidam differt metere segetes, etsi herus id fieri mandaverit; & interea grando vix non totam depopulatur messem. Ad quantam reparationem damni colonus sic tenetur?

¶. Si dilatio coloni est theologice culpabilis, tenetur ad reparandum damnum pro ratione ubertatis fructuum speratorum; quia vere est causa hujus damni. Si autem hæc dilatio

do non est culpabilis, five quod segetes ad messiem maturæ factis nondum fuerint, five quod deficerent operarii ac messores, colonus ad nihil tenetur; quia in hoc casu damnum tantum per accidens contigit, & mandatam heri relate ad has circumstantias tanquam irrationabile cenferi potuit.

**NOTA.** Ex culpa theologicæ levi non datur quidem obligatio restituendi erga eos, erga quos non tenemur ad præstandam culpam levem ex contractu, *Colonus* vero obligatur ex contractu ad præstandam obedientiam & servitutem debito tempore & quidem in casu periculi gravium malorum sub gravi obligatione ex intentione principalis contrahentis seu primi obligantis, puta Domini directi, cuius est ponere legem contractui. Ponitens proinde restituat ex æquo.

**CASUS CCLII.** Quidam recreationis causa cum cane suo mitissimo verticem montis conscenderat; & oves ibi pascennes aspectu canis territæ, omnes sese de monte præcipites egerunt. Teneturne is ad aliquam reparationem damni?

✱. Non tenetur; quia nemo tenetur reparare damnum tantum per accidens, & nulla interveniente propria culpa causatum, ut contigit in casu præsentis: dominus enim canis, qui supponitur fuisse mitissimus, prævidere non potuit, eo viso gregem terreri, & sese præcipitem agere. C. B.

**NOTA.** Responsio admitti potest, si supponatur, quod homo iste gregem ovium a longe non adverterit: alias enim potuisset facile prævidere periculum, & debuisset ex iustitia sumere aliam viam.

**CASUS CCLIII.** Sylvester domi suæ numerosam habet familiam; cumque sit pauperrimus, durante hyeme ruri ligna quærit. Cum autem ligna arida non reperiret, sumit arborem actû fructus proferentem, aut proxime prolaturam.

✱. Si Sylvester in tantam extremitatem redactus est, ut absque subsidio lignorum ablatorum, aut ipse, aut quidam ex familia aut liberis suis de vita periclitaretur, omni culpa caret factum ipsius; quia in extrema necessitate, in qua Sylvester se deprehendit, omnia fiunt communia, & dominus arboris eodem modo ageret, si in statu Sylvestri foret constitutus. Si autem necessitas non fuit adeo urgens, male egit Sylvester, id quod ex propositione 36. ab Innocentio XI. damnata desumitur. C. B.

**NOTA.** Cum etiam in extrema necessitate, præsertim breviter transeunte, non fiant omnia absolute communia, tenetur Sylvester habere animum, quamprimum poterit, compensandi ablata.

test esse aperta, quin propterea fures ingrediantur. Hinc, quia Franciscus non fuit causa mali, non tenetur ad reparandum damnum. C. B.

*NOTA.* *Animadvertere debuerat*, inquit S. Thomas; & hæc inadvertentia est causa virtualis furi a prædonibus perpetrati. Dein non videtur eximendus ab omni restitutione; quia debuit judicialiter exigere solutionem. Ad hæc navans operam actioni illicitæ conjunctæ cum periculo remoto damni teneatur reparare damna secuta per accidens, v. g. Clericus venans, aut bacillis ludens. Ad quod autem iuste obligat iudex in foro externo, ex æquo obligare potest confessarius nomine Dei.

**CASUS CCLVIII.** Franciscus semper solet oves suas mittere ad communia pascua: quodam die tamen eædem pratum vicinum ingressæ, magnam ibi devastationem causarunt. Teneturne dominus ovium reparare hoc damnum?

ꝑ. Non tenetur; quia hoc damnum ex parte Francisci est tantum casuale: non enim prævidere potuit, ab ovibus suis in campo vicino devastationem fore causandam, postquam frequenter adeo in publica emissæ pascua nil mali unquam causarunt. C. B.

*NOTA* Si emittit oves sine custode, tenetur reparare damnum; quia, cum pascua sint communia, ad communitatem pertinet, contrahui pro eorum usu ponere legem. Communitas autem haud dubie in tali locationis contractu usufructuarios tacite obligat, ut, si absque custode oves emittant, in se recipiant periculum damni. Potuit insuper Franciscus ac debuit prævidere, quod, licet decies nil mali invenerit, id accidere possit undecima vice. Peccavit igitur non vigilando super gregem suum; & posito etiam, quod peccatum ipsius sit tantum veniale; damnum tamen illatum potest esse adeo notabile, ut sub mortali teneatur reparare saltem partem ejusdem.

**CASUS CCLIX.** Titio commodatus est equus, qui ipsi post modum furto abductus fuit: dubitat autem, an non ex negligentia sua id factum sit; & quærit, num teneatur ad restituendum pretium equi.

ꝑ. Si Titius certus non est, se fuisse negligentem, & equum ex sua negligentia fuisse furto abductum, ad nihil tenetur in foro interno; quia, quando culpa non est evidens, præsumptio stat pro innocentia. C. B.

*NOTA* Si Titio probabilius sit, se fuisse sua negligentia causam damni, obligandus est a confessario, ut satisfaciatur *ex æquo*. Qui dubitat de sua innocentia, non est certo innocens; & in dubio, si quis nota obligatur ad restituendam totum, ad quod teneretur certus de sua culpa, non potest saltem eximi ab omni restitutione.

**CASUS CCLX.** Mater quædam actu lactans prolem suam, obligabat se pro 30. florenis ad lactandam etiam prolem Titii, quæ autem brevi ex nimio languore obiit; eoquod huic sceminae sufficiens lac deesset ad nutriendos duos infantes. Num peccavit & restituere tenetur perceptam summam?

¶. Si scemina isthæc advertit, sufficiens sibi lac deesse ad necessariam nutritionem duorum infantum; & ob defectum nutritionis aut sollicitudinis maternæ proles obiit, cui pro solutione præstanda fuit alimentatio, peccavit mortaliter, & tenetur restituere partem summæ acceptæ. Si vero non advertit defectum lactis, & æquall prorsus cura ac sollicitudine fovit utramque prolem, non peccavit nec tenetur ad ullam restitutionem. C. B.

**NOVA.** Hujusmodi inadvertentia in his circumstantiis nec verosimilis videtur, nec excusabilis.

**CASUS CCLXI.** Antonius cecidit arbores in fundo vicini sui, quæ actu tantum valebant decem florenos, intra decem annos autem valituræ fuissent triginta florenis. Ad quid tenetur?

¶. Restitutio fieri debet juxta æstimationem viri prudentis. Ratio est; quia ex una parte dominus arborum habet jus exigendi reparationem damni respondentem spei, quam habuit, ex istis arboribus intra decem annos percipiendi triginta florenos; & hæc spes non parum augeat pretium actuale arborum. Quia tamen ex altera parte hæc spes non est adeo certa ac firma, ut non potuisset contingere, has arbores intra decem annos quidpiam sperati pretil amittere, injustum foret, actu has arbores triginta florenis æstimare. Necessè proin, ut consideratis omnibus restitutio fiat juxta æquum viri prudentis arbitrium. C. B.

**CASUS CCLXII.** Antonius graviter insensus Philippo concipit propositum ignem subjiciendi cuidam domui ipsius; sed in executione fallitur, & ex errore incendit domum Alberti.

¶. Tenetur ad reparandum Alberto illatum damnum; quia, quicumque directe vel indirecte habet animum nocendi proximo, tenetur ex hoc titulo ad reparationem damni illati: obligatio enim restituendi in genere deducitur ex omni actione formaliter injuriosa ac damnosa personæ individuae ac particulari. C. B.

**CASUS CCLXIII.** Titius Cajo vendit bovem; sed quindecim horis post initum contractum occumbit bos ex occulta infirmitate. Teneturne Titius ad restituendum pretium bovis, posito quod invincibiliter ignoraverit defectum illius?

¶. Te.

**R.** Tenetur : licet enim bona fides & ignorantia Titium excusent a peccato ; quia tamen occulta bovis infirmitas causa fuit erroris afficientis ipsam substantiam contractus , sequitur , hunc contractum fuisse nullum ; quia desuit consensus ad valorem contractus necessarius. C. B.

**NOTA.** Censeo , Titium ad nullam restitutionem obligandum , si ne quidem habuit prudens dubium de occulto defectu ; quia pretia rerum communi estimatione figuntur. Si autem habuit dubium , juxta qualitatem dubii in foro interno ad restitutionem obligandus est *ex aequo* : in foro enim externo ob præsumptionem scientiæ obligaretur ad restituendum *ex toto*.

**CASUS CCLXIV.** Bernardus Sempronio vendit equum ; & quia hic non inquit in qualitates equi , Bernardus ipse non detegit defectum occultum , quo laborat equus ; etsi sciat , Sempronium non fore empturum equum , si defectus hujus notitiam haberet.

**R.** Si defectus iste equum reddat nocivum aut inutilem emptori , Bernardus peccat graviter , & tenetur rescindere contractum ; quia omnis venditio est injusta , & consequenter nulla , ubi intervenit fraus notabilis , quæ dat causam contractui. Verum si equus iste ex suo defectu non sit inutilis emptori , Bernardus non peccavit , nec tenetur ad reparationem damni , supposito quod eum vendiderit justo pretio. Ratio est ; quia Bernardus solum usus est jure suo , quærendo scilicet commodum suum , quin ulli exinde noceat. D. Thomas 2. 2. q. 73. art. 3. C. C. B.

**CASUS CCLXV.** Agricola quidam emit bovem , quem paulo post iterum vendit quatuor florenis pluris , ac eum coemerat. Venditione facta comperit , bovem hunc fuisse furto surreptum Cajo ab eo ipso , a quo illum emerat. Ad quid tenetur hic agricola ?

**R.** Si agricola bovem emit infra justum pretium , tenetur reddere hos quatuor florenos tanquam partem pretii intrinseci bovis , quæ proin pro fructu propriæ industriæ haberi non potest. Si vero bovem emit justo pretio , ad nihil tenetur , ob rationem contrariam. C. B.

**NOTA.** Si ne quidem habuit dubium de furto , ad nullam restitutionem tenetur ante sententiam judicis forte præsumpturi scientiam & concessuri regressum. Secus obligandus est *ex aequo*. Vide Casum 259.

**CASUS CCLXVI.** Mercator quidam non rogatus Antonio mutuos dat 100. florenos , quos paulo post utiliter applicare pro commercio potuisset. Antonius acceptat hanc summam , eamque adhibet pro negotio , in quo multum lucratur.

tur. Jam mercatori censum solvere recusat, quem petit ratione lucris cessantis. Potestne mercator hunc censum exigere?

R. Non potest, quia ad hoc, ut mutuum dans habeat jus quidpiam exigendi titulo compensationis, tanquam conditio necessaria requiritur prævia monitio facta mutuuario de præstenda compensatione, & inita desuper conventio, antequam contractus concludatur; alias enim mutuarius semper & merito quidem dicere posset, se non fuisse accepturum mutuum sub hac conditione. Cum autem in præsentem contractum id observatum non fuerit, concludendum est, Antonium jure recusare solutionem census, C. B.

CASUS CCLXVII. Petrus mandat Cajo, ut furetur centum florenos, etsi prævideat, Cajum majorem summam ablaturum, si commode possit: & revera Cajus abstulit ducentos florenos. Teneturne Petrus ad restitutionem ducentorum florenorum, si Cajus non restituat?

R. Solum centum florenos tenetur restituere; quia obligatio restituendi fundatur in mandato, quod dedit Petrus ad committendum furtum. Jam autem, cum mandatum se tantum extendat ad centum florenos, etiam obligatio restituendi ulterius se non extendit, C. B.

NOTA. Responsio hæc manifeste adversatur decisioni Bonifacii VIII, Cap. *Is qui*, fin. Lib. 5. Tit. 4. in 6. ubi Pontifex ait: *Is qui mandator aliquem verberari, licet expresse iussibeat, ne occidatur ullatenus, aut membro aliquo mutiletur, irregularis efficitur, si mandatorius si ex mandati excedens mutilet vel occidat; cum mandato in culpa fuerit, et hoc evenire posse debuerit cogitare.* Et certe Petrus in parte proximum exponens periculo gravis damni, tacite in illud consensisse videtur. Tenetur ergo restituere 200. florenos; imo tenetur ad id, etiam si inhibuisset, ne Cajus plus quam centum furaretur.

CASUS CCLXVIII. Famulus quidam domesticus confitetur, se ex mandato heri sui abstulisse modium tritici, de quo tamen nihil pro se retinuerat. Confessarius eum nihilominus obligat ad restitutionem, si herus non restituat. Num bene ad id obligat confessarius?

R. Hic famulus est obligandus ad restitutionem; quia uterque, mandans furtum, & illud exequens, est causa totalis furti. Nec ille sit causa magis principalis quam hic. Obligatio igitur restituendi æqualiter respicit utrumque, quamvis mandans teneatur primus ad restitutionem, & dein solum exequens, si nimirum mandans non restituat. Confessarius igitur bene egit, famulum hunc obligando ad restitutionem, si herus ipse non restituat, C. B.

CA.

**CASUS CCLXIX.** Idem famulus domesticus, cum non posset restituere, petit ac obtinet a domino tritici condonationem furti. Num ex hac condonatione etiam herus hujus muli eximitur ab obligatione restituendi?

¶ Non eximitur; quia, cum herus fuerit causa principalis commissi furti, condonatio facta famulo non potest extendi ad ipsum: sicut enim ille, qui est causa principalis furti, semper foret obligatus ad reparandum damnum, etsi ille, qui est causa minus principalis, fecisset restitutionem; ita ille non eximitur ab obligatione restituendi, etiam si huic condonetur hæc obligatio. Et ita sentiunt plurimi Doctores. C. B.

**CASUS CCLXX** Petrus videns tabernam Sempronii adpertam, dicit Cajo: si tibi arident quædam bona mobilia Sempronii, modo poteris habere, quin ullus hominum id sciat. Teneturne Petrus ad restitutionem, si Cajus ibi furtum commisit, & nolit restituere.

¶ Non tenetur; quia non est complex furti a Cajo commissi; cum nec mandatum nec consilium dederit ad illud committendum. Solum igitur fuit occasio furti, & propterea peccavit contra charitatem; quin ulla ipsi incumbat obligatio ex iustitia. C. B.

**NOTA.** Hæc responsio adversatur Innocentio XI. damnanti propositionem ad artum 234. adductam. Saltem Petrus obligandus est ad restitutionem *ex æquo*: licet enim, se non fecerit participem furti alieni consilio strictè dicto; fecit tamen se participem *consensu*, sollicitatione, silentio, conniventia &c.

**CASUS CCLXXI.** Paulus potuisset alios in auxilium advocando impedire damnum per furtum suo vicino illatum: sed oblata a furibus summa pecuniæ ipsum induxit, ut taceret, & neminem advocaret. Potestne retinere hanc summam pecuniæ?

¶ Potest eam retinere, quia habet Jus a furibus solutionem exigendi sui silentii ipsis adeo utilis. Hinc, licet peccaverit tacendo, potest tamen retinere id, quod ipsi oblatum est tanquam pretium silentii. C. B.

**NOTA.** Hæc responsio est erronea ac scandalosa; & juxta Theologos sanctiores Paulus non solum non potest retinere pecuniam hac ratione acceptam, sed etiam tenetur ad restitutionem ablati, si fures non restituunt; quia per promissum pro pecunia silentium cooperatus est efficaciter ad furtum, & fures reddidit audaciores & in per-  
petratione pessimi facti securiores,



**CASUS CCLXXII.** Antonius occidendo Cajum tantum commisit culpam venialem ob defectum sufficientis advertentiae. Tenerne sub peccato mortali reparare damnum per hoc homicidium familiae Caji illatum?

*q.* Non tenetur: sicut enim Antonius, si occidendo Cajum omnino nullam culpam commisisset, ad nihil prorsus teneretur; si etiam, sic culpa est tantum levis, obligatio restituendi non potest esse adeo stricta & rigorosa; quia non minus repugnat, dari effectum sine causa, ac admittere effectum maiorem, quam causa est, a qua producitur. Ita Lessius L. 2. c. 7. n. 27. C.B.

*Nota.* Lessius addit, quod, dum de homicidio agitur, peccatum facile transeat in mortale; & in dubio nunquam iudicium sit ferendum in favorem homicidae.

**CASUS CCLXXIII.** Operarius quidam, laborans in agro heri sui, plures ibi reperit monetas aureas magni pretii. Num eas omnes retinere potest?

*q.* Supposito quod non sciatur dominus harum monetarum, querendum est, utrum operarius has monetas detexerit casu fortuito, vel adhibita ad id industria. Si primum, dico, operarium non omnes has monetas retinere posse; quia ius civile partem earum dimidiam attribuit domino agri; & cum haec lex poenalis non sit, eaque universaliter sit recepta, obligat etiam in conscientia independentem a sententia iudicis. Si secundum, sciendum est, utrum operarius has monetas quaesierit sine vel cum consensu heri sui, & an consensus iste non fuerit per fraudem obtentus. Si consensus accessit legitimus, operarius omnes monetas retinere potest; quia dominus agri censetur renuntiasse juri suo. Verum si non accessit consensus heri, aut per dolum fuit obtentus, dico, quod operarius, post sententiam iudicis, non antea, quia agitur de lege poenali, teneatur omnes monetas reperi- tas red- dere domino agri. C. B.

*Nota.* Operarius non tenetur restituere thesaurum inventum. Lex civilis non obligat circa hanc rem in conscientia ante sententiam iudicis, nec jure naturali, nec positivo; quia tale ius positivum nec probatur ex claro textu, nec ut tale agnoscitur; a Doctoribus vel populis.

**CASUS CCLXXIV.** Titius certus de contracto olim debito, sed incertus, an jam satisfecerit creditori suo, qui astra obiit, putat se esse exemptum ab obligatione solutionem praestandi heredibus defuncti.

*q.* Per

g. Per tale dubium non eximitur ab obligatione solvendi : dum enim quis dubitat , utrum sit adhuc debitor , nec ne , credere debet , se adhuc oneratum esse obligatione solvendi ; quia præsumptio stat penitus in favorem obligationis , quam quis certo scit se contraxisse , & quæ nec redditur dubia , nec tollitur per solutionem dubiam. C. B.

CASUS CCLXXV. Titius certam quantitatem fœni abstulit ; sed quia milites altera die violenter abstulerunt omne , quod reliquum erat , putat , se non obligari ad restitutionem.

g. Tenetur ad restitutionem : res enim injuste accepta debet restitui . etiamsi postmodum ab alio fuisset ablata. Ratio est ; quia res a possessore illegitimo detenta clamat ad legitimum dominum suum tamdiu , quamdiu ipsi potest restitui.

NOTA. Si certum sit , æque peritulum fuisse in domo veri Domini , non tenetur restituere ; quia Dominus prudenter non est amplius invitus. Aliud dicendum , si hoc non est certum , aut si ablatum sit in rationes communes communitalis.

Vide *Advocatus. Commodatum. Compensatio. Contractus. Donatio. Emptio. Judex. Mutuum. Societas. Tutor. Venditio. Usura.*

## RESTITUTIO IN INTEGRUM.

1. *Restitutio in integrum* est terminus juridicus , & definitur , *Prioris juris redintegratio , & in pristinum statum repositio.*

2. Remedium hoc a jure Romano introductum Prætor ut judex ordinarius concedebat his , qui in contractibus initis læsos se fuisse jure querebantur , eosque in eum statum restituebat , quo erant ante contractum : quo tamen remedio opus haud erat circa contractus ipso jure invalidos.

3. Causæ , ex quibus ordinarie conceditur restitutio in integrum , sunt sequentes : 1. Violentia. 2. Metus gravis , & minæ intentatæ ab eo , qui habet auctoritatem eas intendendi , & potestatem exequendi. 3. Fraus seu personalis dolus illius , quocum contractus fuit initus. 4. Minoræntitas , quando intervenit manifesta & notabilis læsio. 5. Absentia ex justa aliqua necessitate. 6. Error facti.

4. Ecclesia & Status semper habentur instar minorennium ; & hinc Alexander III. & Innocentius III. declararunt , quod si ecclesia ex culpa Episcopi aut curatorum negligentia se

læsam sentiat, ei jus competat petendi restitutionem in integrum etiam contra aliam ecclesiam, & ipsam summi Pontificis sententiam.

5. Dum minorennis obtinuit restitutionem in integrum, fidejussores ipsius nihil inde referunt commodi, sed manet adhuc eorum obligatio, & quidem merito; quia rationabiliter præsumi debet, eum, qui cum minorennem contraxit, non fuisse contracturum absque præstata ex parte minorennis cautione. Id autem extra casum minorennitatis locum non habet; cum in omni alio casu, quamprimum contrahens principalis restituitur in integrum, omnis quoque fidejussorum cesset obligatio.

6. Si læsus ultra dimidium in contractu venditionis petat, ut jure potest, restitutionem in integrum, ex arbitrio emptoris pendet vel rescindere contractum, vel supplendo defectum pretii retinere rem emptam.

7. Dum agitur de bonis mobilibus aut juribus successivis, venditor non admittitur ad petendam restitutionem in integrum; neque locum habet hæc restitutio, quando res immobilis venditur vi decreti judicialis.

8. Ordinarie conceditur quadriennium ad petendam restitutionem in integrum; & respectu minorennium incipit hoc tempus currere a die adeptæ majorænnitatis. Si autem violentia aut fraus in contractu intervenierit, eaque duret ultra quadriennium, etiam jus petendi restitutionem ultra id temporis extenditur.

CASUS I. Gorgias minorennis Claudio vendidit domum; cum autem adeptæ majorænnitate agnovisset, se notabiliter fuisse læsum, petiit rescissionem contractus, paratus ad restituendum pretium acceptum. Estne hæc petitio justa, quocumque demum tempore ea fiat?

¶. Quantumcumque Gorgias fuerit læsus in hac venditione, si jam quatuor annos adeptæ majorænnitatis superavit, reclamans venditionem non amplius auditur. Quarto autem anno adhuc currente potest petere restitutionem in integrum, eamque obtinebit, si sufficienter probaverit læsionem: imo si Claudius in hac emptione commisit injustitiam tenebitur Gorgiæ etiam ad reparandum damnum. Pontas.

CASUS II. Damianus annos viginti natus, & consequenter adhuc minorennis renunciavit cuidam hæreditati, quæ ipsi videbatur negotiis ac debitis nimium onerata. Leander post Damianum proximus hæres illam acceptavit, ac exhibito multo conatu, ac vendita quadam parte bonorum debita

debita dissolvit, ac negotia perfectit. Damianus majorennis factus vult uti beneficio restitutionis in integrum. Potestne Leander absque injustitia illi sese opponere?

3. Prætenſio Damiani est injusta: debuisset enim petere restitutionem in integrum, dum res adhuc erat integra juxta legem *Quod si minor.* 24. §. 2. ff. Lib. 4. Tit. 4. ubi dicitur: *Scavola noster agebat, si quis juvenili levitate datus omiserit, vel repudiaverit hereditatem, vel bonorum possessionem; siquidem cum in integro sint, omnino audiendus est. Si vero jam distracta hereditate, & negotiis finitis, ad paratam præsentiam laboribus substituti veniat, repellendus est. Pontas.*

CASUS III. Cestius viginti & duos annos natus accepit hereditatem valde proficuum, omniaque dissolvit debita, quibus onerata erat, partim ex bonis hereditariis mobilibus, partim ex bonis propriis, ut bona immobilia in salvo constituerent. Anno elapso, cum pars bonorum immobilium casu fortuito periisset, vult Cestius susceptam acceptationis obligationem excutere & a creditoribus repetere solutam ipsis summam. Potestne id fieri salva justitia.

3. Non potest fieri absque injustitia: creditores enim nihil perceperunt, nisi quod legitime ipsis debebatur, & quod sibi comparare potuissent per venditionem bonorum mobilium & immobilium, antequam casu fortuito periissent. *Si locupletis heres exstiterit, ait Lex Verum* II. §. 5. ff. Lib. 4. Tit. 4. *& subito hereditas lapsa sit (puta prædia fuerunt, quæ chasmo vel per erunt, insulae excusæ sunt; servi suerunt aut decesserunt)* Julianus quidem sic loquitur, quasi possit minor in integrum restitui. Marcellus autem apud Julianum notat, cessare in integrum restitutionem: neque enim a latro lubrico captus est adeundo locupletem hereditatem; & quod fato contingit, cuius patrifamilias, quamvis diligentissimo, possit contingere. Pontas.

CASUS IV. Theodebertus minorennis 18. annorum commodatum a Leandro accepit equum 30. duplionibus constantem, eumque penitus inhabilem factum reddidit. Leander justam exigens indemnisationem obtinuit ab eo promissum scripto datum, quo se obligabat ad restituendum alium equum 20. duplionibus constantem; sed majorennis factus recusavit exequi promissum. facta insuper comminatione obtinendi literas rescissorias, si Leander ipsum vellet in judicio persequi. Potestne Theodebertus sic agere tuta conscientia?

*¶* Non potest : neque enim fuit læsus, nec deceptus ; in quibus solis casibus leges concedunt minorennibus beneficium restitutionis in integrum. *Deceptus non decipientibus opitulatur* : Senatusconsultum ) Leg. Et primo. 2. §. 3. ff. Lib. 16. Tit. 1. Pontas.

CASUS V. Andreas sedecem annos natus ex bonis maternis opulentissimus mandat Claudio consanguineo suo, ut quotlibet mense suppetit unum duplionem pro sustentatione patris sui nil bonorum possidentis : id, quod exequitur Claudius. Verum Andreas minorennitatem egressus contra Claudium literas rescissionis petere cogitat, ne factos ab illo in sustentationem patris sumptus refundere deberet. Potestne id ab Andrea fieri salva conscientia ?

*¶* Haud dubie injuste ageret Andreas hoc modo ; quia nulla omnino ipsi suppetit ratio, ex qua possit petere literas rescissorias : nihil enim egit Andreas, quod emolumento suo ac officio adversaretur ; imo stricte tenebatur assistere patri in necessitatibus, & sustentationis media ipsi subministrare, ad quod & facultates ipsi suppetebant. Pontas.

CASUS VI. Agapius minorennis inito cum Antonio contractu sub cautione Ludovici circa negotium quoddam, quo ut se posset exonerare, obtinuit literas rescissorias, quibus mediantibus obtinuit sententiam restitutionis in integrum. An vi hujus sententiæ Ludovicus deobligatur a sua cautione ?

*¶* Restitutio in integrum, quæ tollit obligationem Agapii minorennis, neutiquam deobligat Ludovicum fidejussorem ejus, nisi contracta ab Agapio obligatio fundetur in dolo aut violentia ab Antonio adhibita. *Si dolo malo apparuerit*, ait lex *Si ea. 2. Cod. Lib. 2. Tit. 21. contractum interpositum esse, manifesti juris est, utrique personæ, tam venditoris quam fidejussoris, consulendum esse.* Pontas.

CASUS VII. Geduinus, cum minis & violentia cogetur ad vendendam Julio Toparchæ villam, & Julius deinde illam dedisset Gualtero in solutionem summæ eidem debitæ ; obtinuit post obitum Julii literas rescissionis, & petiit a Gualtero restitutionem villæ ; quod cum Gualterus recusaret, inquit, se villam non ab eo accepisse, Geduinus cogitat eum in jus vocare. Potestne judicialiter agere contra Gualterum, antequam egerit contra hæredes Julii ?

*¶* Rescissio sortitur suum effectum non solum contra eos, qui modo injusto eidem ansam præbuerunt, aut qui eorum personam repræsentant ; sed etiam contra tertium possessorem. Hinc Geduinus absque injustitia potest agere contra Gual-

Gualterum ad recuperandam villam suam, restituto tamen ipsi pretio, quod expenderat. *Pontas.*

**CASUS VIII.** Fridericus tutor Remigii vendidit Samsoni domum sui pupilli ad dissolvenda ejusdem debita; Remigius autem majorennitatem ingressus turbat Samsonem in possessione jam sexennali domus, & vult rescindere venditionem a tutore factam. Potestne id fieri absque injustitia?

**y.** Leges prohibent alienationem bonorum immobilium ad pupillos pertinentium, nisi in judicio ea decreta fuerit. Ad conciliandam in hoc casu factæ venditioni legitimitatem requiritur. 1. Ut hæc debita ita urgeantur, ut ex dilatione solutionis minorennis notabile damnum pateretur. 2. Ut hæc debita alio modo persolvi nequiverint. 3. Ut non adfuerint alia bona mobilia, nec debita activa &c. ex quibus potuisset satisfieri creditoribus solutionem petentibus. & 4. Ut alienatio facta fuerit fundi minoris pretii & minus utilis pupillo. Si igitur Fridericus vendidit domum propria sua autoritate, & neglectis requisitis formalitatibus, licet egerit bona fide, Remigio jus competit petendi literas rescissionis contra venditionem a suo tutore factam, si ipsi magis proficua est possessio domus, quam pretium. Potest insuper actionem instituere non solum contra tutorem suum, sed etiam contra emptorem. Si tamen Samson fecit reparaciones utiles aut necessarias in domo, Remigius tenetur ipsi his expensas compensare. *Pontas.*

## RETRACTUS.

**1.** *Retrañtus* est jus, quo gaudet Dominus Feudalis, aut propinquus venditoris, retrahendi ex manibus emptoris fundum venditum soluto pretio in contractu constituto. Hinc duplex distinguitur species *retractus*, *Feudalis* nimirum & *Gentilitius*, seu, ut alias vocari solet *Redhibitio Gentilitia*. *Retrañtus* Feudalis fundatur in quadam conventionione saltem tacita, quæ Dominum inter & Vassallum intercedit: *Gentilitius* autem consistit in jure quodam per legem aut consuetudinem vim legis habentem introducto.

**2.** Jus *retractus* feudalis exerceri potest contra personas manus mortuæ, non obstantibus litteris amortizationis. Quoniam vero jus feudale divisum esse potest inter plures condominos feudi, non competit cuicumque demum eorum in particulari facultas *retractus* exercendi, nisi pro ratione portionis, quæ ei in bono feudali convenit, si & cæteri condomini

domini jus suum ei cedant. Dominus feudalis non potest exercere jus retractus, nisi interveniente autoritate judicis; & qui illud exercet, ultra pretium venditionis etiam tenetur solvere impenias contractus, jura dominii, reparationes necessarias, maxime eas, quæ factæ sunt autoritate judicis.

3. Retractus non censetur esse altera venditio; & hinc, qui retrahit, non tenetur solvere jura dominii, nisi quis hoc jure uteretur adversus ipsummet dominum, qui emit, aut qui jure retractus usus est feudi sui.

4. Jus retractus exerceri potest intra annum & diem, computatione facta a die cognitæ venditionis.

5. Vigent consuetudines, quæ deficientibus propinquis ex eadem linea ad jus retractus exercendum alios admittunt. Cæterum cujuslibet loci consuetudini in hærendum est: quandoque enim præfertur magis propinquus, si duo jus retractus sibi vendicent; & quandoque magis industrius, qui nempe prior illud petiit; aut si actio ab utroque eodem tempore fuit intentata, ambo admittuntur ad redhibitionem: verum si alteruter eorum desistat a prosecutione juris sui, alter obligatur ad retrahendum totum fundum, nisi forte primus acquiescit aliter cum retrahente convenerit.

6. Maritus potest exercere jus retractus nomine uxoris suæ, quin indigeat ejusdem procuratore. Bona mobilia, officia, usufructus non subjacent huic juri, sicut nec bona acquisita: potest tamen primus venditor ejusmodi bona acquisita retrahere, si ea titulo hæreditatis pervenissent ad aliquem consanguineum lineæ rectæ, qui postmodum ea vendidisset.

7. Prædium commutatum cum aliquo fundo proprio, retinet naturam ejusmodi fundi proprii, & consequenter redhibitioni obnoxium est. Propinquus non potest jus redhibitionis Gentilitiæ, quod sibi acquisitum est, in alios non propinquos transferre. Denique in redhibitione Gentilitiæ stricte observandæ sunt omnes formalitates requisitæ per consuetudinem loci, ubi prædia sita sunt; quin ulla sit ratio habenda consuetudinis, quæ viget in loco, ubi quis actionem redhibitionis persequitur.

8. Jurisconsulti adhuc alias distinguunt retractus species, *Consualis* nimirum, & *Conventionalis*. Censuralis permittit illi, qui dedit in Emphyteusim aliquem fundum, eundem retrahere ex possessione illius, qui eum postmodum emit, soluto tamen ipsi eodem pretio, quod ipse persolverat venditori. Retractus conventionalis proprie loquendo est facultas redimendi rem venditam, penitusque dependet a voluntate

&

& conventionē contrahentium; ac durat per triginta annos, imo & quadraginta, si actionem hypothecariam habet annexam. Ut penitus extinguatur hæc retrahendi facultas, opus est sententia judicis, qua declaretur venditor ista facultate excidisse.

NOTA. In hac re attendenda & sequenda sunt jura particularia consue- libet Regni, Provinciæ, Reipublicæ, vel Municipii; quibus defici- entibus jus naturale dubium regulari potest directive per consue- tudinem potiorum aliarum gentium.

**CASUS I.** Lucullus Mœvio vendidit domum ex hæredita- te paterna obtentam. Lyfander frater Luculli, aut quidam consanguineus habens jus retractus repetit a Mœvio domum, oblato eidem pretio pro ea expenso, non animo eam retinen- di, sed cedendi cuidam amico, qui eam affectat. Potestne id fieri tuta conscientia?

ꝰ. Nec Lyfander nec alius consanguineus Luculli potest uti jure retractus in favorem alterius amici. Hinc juxta Cabasilutium L. 6 c. 9. n. 11. in tribunalibus consanguinei non admittuntur ad retrahendum, nisi deposito prius juramento, quod habeant intentionem rem retrahendam servandi pro se ipsis. *Pontas.*

**CASUS II.** Aristippus civis Parisiensis emit domum cum adjacentibus decem jngeris agri & vineæ; quia autem timuit, ne Lucius consanguineus venditoris utatur jure retractus, neglexit reparationes ruinosæ domus, & culturam agri & vineæ. Lucius re ipsa Aristippo offert pretium domus, quod expenderat, ac eodem tempore petit ab eo reparatio- nem damni ob deteriorationem domus, agri & vineæ. Po- testne Aristippus tuta conscientia se defendere in judicio, si Lucius contra ipsum processum instituat?

ꝰ. Aristippus non tenetur ad ullam compensationem Lu- cio: sive enim damnum contingat in re empta ante retractum, sive post retractum, totum ferendum est retrahenti; si con- tingit ante retractum, retrahens sibi ipsi imputet, quo retrahere velit rem adeo vitiata; si contingit post retractum, illud imponendum non est primo emptori, cum ad eum non am- plius pertineant fructus rei emptæ. Imo si emptor fecisset quasdam reparationes in fundo empto, retrahens teneretur ip- si compensare expensas. Nihilominus verum est, ab emp- tore fundum aut prædium non esse deteriorandum; id si fa- ctum est, tenetur restituere rem emptam in statum pristinum. *Pontas.*



NOTA. In hac re potest peccari graviter contra charitatem, si detinens vel retrahens causet grave damnum vel fastidium absque necessitate vel notabili suo emolumento. Nansen innotabile constitutum Evangelii. *Quod tibi non vis fieri, alteri ne feceris.*

CASUS III. Scabinus Toparcha sciens, Germanum Vassallum suum Paulo vendidisse sylvam cædusam, usus est jure retractus feudalis, & numeravit Paulo summam Germano solutam, animo hanc sylvam cedendi cuidam Nobili, cujus fundi adjacent huic sylvæ. Potuitne sic agere tuta conscientia?

ꝰ. Scabinus nullam commisit injustitiam: in hoc enim differt retractus feudalis a Gentilitio, quod Dominus Feudi possit jus retractus exercere a se suum, sive in cujuscunque alterius commodum. *Pontas.*

NOTA. Vide Notam præcedentem. Certe cum emptio & venditio sint contractus bonæ fidei, abesse debent omnia tacita gravamina reciproca, non annexa per claram passionem vel legem.

CASUS IV. Petrus gaudens jure retractus commodat suum nomen cuidam tertio non habenti hoc jus pro obtinendo ipsi prædio.

ꝰ. Id non licet; tenetur hinc Petrus pro viribus adniti, ut alieno nomine retrahens restituat prædium; si nihil possit efficere, tenetur Petrus ipse parti læsæ reparare damnum juxta æstimationem viri prudentis. Si neuter horum reparet damnum, ad illud reparandum tenetur, qui alieno nomine retrahendi mutuas dedit pecunias ad sibi comparandum prædium. *Fromageau.*

CASUS V. Vir nobilis vult retrahere agrum venditum a suo consanguineo; cumque ipsi deesset numerata pecunia, eam ab alio mutuam accepit.

ꝰ. Non potest retrahere agrum venditum, si habuit animum immediate post retractum eum vendendi illi, qui mutuam dedit pecuniam, & ad id promissione se obstrinxit, casu, quo hæc sola ratio fuisset mutuum dandi: ab ejusmodi enim contractibus fraus quam longissime absit, necesse est. *Fromageau.*

## REUS.

Ea, quæ dicta sunt ad articulum *Astor*, sufficere possunt ad hunc quoque, de quo agitur, articulum *Reus*. Pauca solummodo notanda sunt. 1. Reus a legitimo judice judicialiter ac legitime interrogatus tenetur respondere, ac fateri verum.

verum. Etſi quandoque ab hac regula detur exceptio aut effugium, ut ex ſubjunctis caſibus patebit, nunquam tamen licet reo mentiri, etiãſi loquendo falſum tueri vitam poſſet. 2. Regulariter loquendo non acceptatur in iudicio accuſatio contra impuberes facta. 3. Conſiliarii aulæ ſuæ premorum Principum non poſſunt accuſari niſi coram Curia, cujus membra ſunt. 4. Reus non auditur deferens actorem ſuum de æquali crimine. 5. Reo, dum culpa ſe liberavit, indulgetur reſreſſus adverſus actorem & denunciatores ad compensationem dæmni perpeſſi & lucri ceſſantis. 6. Parochus de crimine delatus ad Superiorem ſuum poteſt interdici omnibus functionibus parochialibus, etiãſi nondum convictus, ſi dedit ſcandalum. Conſtituto tamen interea ad obeunda parochialia vicario non omnes parochiæ proventus poſſunt assignari, ſed tantum portio congrua.

**CASUS I.** Blaſius capitalis criminis reus, cum probe ſci-  
ret, actum eſſe de vita ſua, ſi verum ediceret, iudice in-  
terrogante negat, id ſe commiſiſſe.

ꝫ. Si iudex ſecundum ordinem juris a legibus præſcrip-  
tum proceſſit, reus ſub peccato mortali tenebatur ſateri ve-  
rum; gravius adhuc peccaturus, ſi falſum perjurio affirmaf-  
ſet. Si vero iudex non egit ſecundum formam in cauſis  
criminalibus a jure præſcriptam, Blaſius, cum non tenere-  
tur cum pro ſuo legitimo Snperiore agnoſcere, poterat ve-  
ritatem celare, ſed medio licito, nequaquam mentiend.

*Pontas.*

**NOTA.** Si iudex ſine ſufficientibus indicis de gravi crimine reum in-  
terroget, interrogatus declarare poterit, ſe non obligari ad reſpon-  
dendum. Ea declaratio erit inſtar conteſtationis judicialis, ſe uſu-  
rum æquivocatione, amphibologia, aut reſtrictione mentali, ſi re-  
ſpondere cogatur.

**CASUS II.** Hermocrates de homicidio accuſatus, cum  
teſtis ſolum unicus, licet de viſu, contra ipſum deponat,  
conſtanter fortiterque ad diverſa interrogatoria ſuam affirmat  
innocentiam. Potellne mendacium hiſce in circumſtantiis a  
peccato mortali excuſari?

ꝫ. Videtur Hermocrates in caſu propoſito a peccato mor-  
tali excuſari non poſſe. *Pontas.*

**NOTA.** Hæc eſt genuina reſponſio Pontafii, quem pro ſententia op-  
poſita adducit compiler horum caſuum. Sunt quidem non nulli  
Doctores, quos & ipſe Pontafius recenſet, qui ejusmodi mendacium  
a gravi peccati nota immunem exiſtimant; ſed quo nixi funda-  
*Diſt. Caſ. Tom. III.*

A a

men-

mento ? Certum est, tale mendacium deposito de veritate dicenda juramento injuriosum esse & Deo, & judici, & accusatori, illudque a gravi culpa eximere idem esse, ac fovere perjuriam, latissimam impunitati scelerum portam aperire, & justitiam legum non minus quam vigilantiam judicum reddere inutilem.

**CASUS III.** Theodemarus fuit accusatus de furto domestico quingentorum florenorum, deponente contra ipsum Ludovico, teste omni exceptione majori. Reus perbene gnarus, ex unius testimonio ad mortem se condemnari haud posse, obfirmato animo suam negando tueri innocentiam statuit. Potestne absolvi, si persistat in proposito salvandi vitæ ope mendacii ?

¶. Reus tenetur sub gravi peccato in his circumstantiis pandere veritatem judici habenti jus eam exigendi. Et hinc prudens confessarius negabit ipsi absolutionem, eamque non nisi post eventum sententiæ judicialis conferet, quam præstolari oportet. Si Theodemarus dimittatur, monendus sane a confessario de obligatione vitandi talia perjuriam, si fors simili casu involveretur. *Pontas.*

Vide *Irrregularitas* cas. 66.

**CASUS IV.** Nepotianus de gravi furto ac adulterio in judicium delatus, potuitne non obstante hac accusatione canonicè promoveri ad dignitatem in ecclesia cathedrali per resignationem ab avunculo sibi factam ? Aut si dignitas hæc foret electiva, possetne a Capitulo canonicè eligi ?

¶. Accusatio hæc est impedimentum canonicum in ordine ad promotionem per resignationem, non autem in ordine ad electionem ad dignitatem ecclesiasticam ; saltem si accusacionem nec præcessit, nec subsequuta est infamia. *Pontas.*

**NOTA.** Ut dilucidetur magis obscura satis hæc responsio, advertendum 1. fore indecentissimum promovere aut eligere hominem tam gravi accusatione oneratum ; nisi fors rationabilis causa suppetere justum sic contemptum monstrandi vel adversus accusatorem vel adversus accusationem. 2. Prorsus convenire, ut expectetur, donec accusatus de crimine se purgaverit. 3. In casu infamiæ summopore attendendum ad regulam juris 87. *Infamibus portæ non pateant dignitates ;* & quandoque tanquam infamatorium censendum esse, quod in vigore juris non est, ut videre est in articulo *Irrregularitas*. De cætero si accusatus per præsumptiones violentas, vel probationes plusquam semiplenas est convictus, plane est excludendus in virtute ac per extensionem constitutionis a Benedicto XIV. editæ 1742. In *Suapremo*, ubi declarat Pontifex, exigente bono publico ad poenam ordinariam procedi posse contra convictos, licet non confessos.

**CASUS V.** Epiphanius assassinii reus, & ob contumaciam ad mortem condemnatus, lictoribus eum prehenfuris violenter resistit, ut sic vitam salvaret, aut carcerem effugeret. Num resistendo peccavit?

ꝫ. Non potuit absque peccato violenter se opponere, si iuste ad mortem fuit condemnatus; licet fuga sibi consulere potuisset. Si vero iniuste fuit condemnatus, non peccavit defendendo se; nisi ex hac ipsa defensione oriretur scandalum, aut gravis seditionis periculum, quam limitationem addit S. Thomas 2. 2. q. 69. art. 4. C. Pontas.

**CASUS VI.** Cesselius subdiaconus ob imputationem criminis capitalis in jus vocatus, & ab Officiali desuper interrogatus, candide se reum fatetur. Poteritne ex sola confessione propria iuste ad poenam canonicam crimini debitam condemnari, non obstante regula juris: *nemo auditur perire volens*?

ꝫ. Cum ingens inter jurisprudentiam ecclesiasticam & civilem discrimen sit, Officialis potest Cesselium subicere poenae canonicae. Pontas.

**CASUS VII.** Brigitta commisit adulterium, de quo a proprio marito fuit accusata; crimen caeteroquin est omnino occultum. Teneturne sub peccato mortali id fateri iudici interroganti?

ꝫ. Non tenetur. Aliud esset, si crimen ita foret notorium, ut exinde jam sit secuta infamia publica ob signa evidendia, aut violentas suspiciones: tunc enim teneretur confiteri veritatem; etiam si non nisi semiplena adsit probatio. S. Thom. quodl. 5. q. 8. art. 16. Pontas.

**CASUS VIII.** Christianus pastor de sortilegio accusatus, & addictus torturae, vi tormentorum eo adigitur, ut contra propriam conscientiam reum se diceret, etsi perbene nosset, talem sibi confessionem mortem accitursam. Estne ipsi a confessario, cui suam exponit innocentiam, deneganda absolutio?

ꝫ. Est deneganda, si revocatio confessionis conducere possit ad conservationem vitae, & tamen eam facere recusset: talis enim recusatio a gravi peccato excusari haud potest. Pontas.

**NOTA.** Ad hanc revocationem obligandus est etiam ex eo; quia ejus infamia causaret gravissimam contritionem & praepudicium familiae & consanguineis.

**CASUS IX.** Antonius judicialiter, sed iniuste fuit accusatus de assassinio. Renatus scit ejus innocentiam; sed nequit

in ejus favorem deponere, utpote in testem non vocatus. Teneturne nihilominus manifestare veritatem, eamque omni possibili conatu probare, v. g. rem exponendo judici, vel alteri, qui utiliter operam præstare posset pro tuenda Antonii innocentia?

¶ Tenetur omnino. S. Thomas 2. 2. q. 70. art. 1. C. ubi ait: *Si testimonium requiratur ad liberandum hominem vel ab injusta morte, seu pœna quacumque, vel a falsa infamia, vel ab aliquo damno; tunc tenetur homo ad testificandum: Et si ejus testimonium non requiratur, tenetur facere quod in se est, ut veritatem denunciet alicui, qui ad hoc possit prodire.* Pontas.

## ROGATIONES.

Hæc vox *Rogationes* terminus est ecclesiasticus, ac tres dies precum publicarum immediate præcedentes festum Ascensionis Christi indicat. Initio sæculi nonn triduum hoc erat festivum. Usus Processionum his tribus diebus est antiquissimus. Tempore S. Mamerti, qui has processiones instituit, servabatur jejunium per triduum isthoc: ac sensim ab hoc fervore remissum est, & deventum ad soiam abstinentiam a carnibus; adeo, ut obligatio jejunii nostris jam temporibus penitus cessaverit, nec quempiam obliget sub pœna peccati.

CASUS I. Sigonius. a non nullis mensibus ex Italia rediit in Galliam, comedit carnes tribus diebus rogationum, quin crederet, se comisisse peccatum, maxime mortale; moventibus autem sibi scrupulum, & peccati mortalis incusantibus respondit, in ipsa urbe Romana carnes manducari hisce diebus; neque ab Ecclesia unquam legem latam fuisse abstinendi a carnibus; & consequenter consuetudinem abstinendi a carnibus vigentem in Gallia tanquam meram devotionem habendam esse. Suntne hæc rationes legitimæ?

¶ Sigonius, utpote sufficienter instructus de generali consuetudine observata in Gallia diebus rogationum abstinendi a carnibus, peccavit mortaliter agendo contra hanc consuetudinem, quæ originem suam ducit a lege ecclesiastica particulari, imponente obligationem abstinendi in pluribus diocæcesibus. Imo etsi nulla ejusmodi lex subsisteret, sufficit ad inducendam obligationem consuetudo generalis totius regni a pluribus jam sæculis observata juxta Sidonium Apollinarem L. 5. Ep. 14. & Concilium Aurelianense I. anno 511. Pontas.

**NOTA.** Sicut festa consuetudinaria non obligant sub peccato nisi interveniente auctoritate Episcopi, ita nec jejunia consuetudinaria in legem Ecclesie obligatoriam transire possunt sine assensione præceptiva Episcopi; quæ tamen non præsumenda, sed ex actis publicis legem uniformiter constituentibus vel supponentibus probanda est.

**CASUS II.** Rudolphus Episcopus jam ante aliquot annos statutum Synodale edidit, ut ejus omnibus diocesanis jejunium imponitur tribus diebus rogationum. Monasterium autem quoddam situm in hac diocesi, & exemptum a jurisdictione Episcopi non observat hoc statutum. Teneturne se conformare huic statuto? Et num peccant Religiosi mortaliter illud non observantes, sicuti peccarent non observando festa ordinata ab hoc Episcopo, aut violando interdictum latum ab Episcopo contra civitatem, in qua situm est monasterium?

**R.** Cum statuta Synodalia non censeantur esse facta, nisi dependenter a jurisdictione Episcopi, Religiosi exempti ab hac jurisdictione non tenentur ad observationem horum statutorum. Unde sequitur, memoratos Religiosos non peccare, si non jejunent diebus rogationum; interdictum autem se submittere, & observare festa tenentur ut juris communis; sic enim vult Concilium Tridentinum Sess. 26. de regul. & monialibus c. 12. Ubi tamen non fit mentio similis obligationis quoad jejunia particularia præscripta ab Episcopo; & consequenter ad ea non obligantur Religiosi exempti, nisi fundentur in consuetudine antiqua & generali totius Provinciæ, quæ in hoc casu haberet vim legis juxta Sylvium v. Rogationes. I. Nihilominus omne in tali casu scandalum abesse necesse est. *Pontas.*

**NOTA.** Omnes regulares, quamvis quoad pertinentia ad disciplinam regularem per summos Pontifices non raro eximi soleant a jurisdictione Episcoporum; circa pertinentia tamen ad disciplinam clericalem vix unquam eximuntur ab Episcopo, cui in ordinatione jurant obedientiam. Jejunia autem extraordinaria pertinent primario ad disciplinam clericalem exemplarem, quando indicantur ob necessitatem publicam.

## S.

## SACERDOS.

**CASUS I.** Lucio cujusdam parochiæ vicario ignominiosissime insultant complures parochiani; quas quidem injurias ex consilio sui parochi patienter ferre paratus est. At vero

unus parochianorum hac ipsius patientia audacior factus modis omnibus indignissime ipsum habet, sultibus cædit, in terram prostratum hinc inde trahit, pedibusque in eum insilit, nulla ipsius culpa, & prorsus innocentem. Potesne, vel etiam tenetur in conscientia rem deferre ad judicem, ut fiantur hæ violentiæ? Potesne petere, ut puniatur author tantorum excessuum in suam personam commissorum, conservando nihilominus sinceræ charitatis affectum, & animum ad amicabilem compositionem dispositum, mox ut fuerit rogatus? Statuta in reum corporali apprehensione poteritne vicarius sententiæ petere executionem, ut ei, a quo injuriam passus est, terrorem incutiat, & ad veniam exorandam inducat?

R. Potesse persequi reum Lucius, parochusque tenebatur suscipere defensionem sui vicarii ad vindicandum honorem sacerdotil, impediendosque imposterum tam enormes excessus. Interim tamen ad conciliandam causæ huic majorem auctoritatem optime fieret, si imploraretur Episcopus, ut tanquam supremus negotii hujus moderator suo nomine castigationem delinquentis peteret. Cæterum nec parochus nec vicarius curare debent, quicquid homines ignorantes ac malevoli hac occasione obmurmuraturi sint. Scandalum si quod oriretur, certe foret pharisaicum, illud accipientium malitiæ adscribendum, nec ullo modo his duobus sacerdotibus imputandum. *Fromageau.*

CASUS II. Polycarpus sacerdos nullam fere missæ sacrificio præparationem præmittens, inter meras plerumque distractiones illud celebrat, ac perraro actualem consecrandi intentionem habet. Num peccat? An quandoque etiam mortaliter?

R. Sacerdos hic omittendo præparationem, si per hanc intelligantur preces juxta Rubricas Missalis pro temporis opportunitate decendæ, non peccat graviter; quia nullum extat præceptum recitandi determinate illas preces. Nihilominus si distractiones essent valde notabiles ac diuturnæ, eæque ex ipsa omissione hujus vel alterius præparationis durante missæ sacrificio orirentur, hæc omissio posset esse grave peccatum. Defectus intentionis *actualis* nullum prorsus est peccatum; quia juxta sententiam communissimam ad valide & licite consecrandum sufficit intentio mere *virtualis*. C. B.

CASUS III. Wolfgangus sacerdos latini ritus post consecrationem Hostiæ & Calicis advertit, panem a se consecratum esse corruptum. Quid ipsi agendum, si non amplius haberi possit panis azymus?

R. Li.

3. Licet ad valorem Sacramenti sufficiat panis triticeus, azymus sive fermentarius, ut definitum fuit in Concilio Florentino, tenentur tamen de necessitate præcepti sacerdotes Græci consecrare in pane fermentato & latini in azymo: hæcque obligatio adeo stricta est, ut neque ad audiendam missam in die festo, neque ad ministrandum infirmo viaticum liceat ab hoc ritu recedere. Unicum Authoris excipiunt casum, dum scilicet quis post consecrationem & Hostiæ & Calicis deprehendit, panem consecratum esse corruptum; quia præceptum integrum perficiendi sacrificium est divinum, atque adeo prævalere debet alteri præcepto, quod tantum est ecclesiasticum. C. B.

CASUS IV. Mævius & Theresia dispensationem obtinuerunt, ut possint conjungi in matrimonium, tamen absque ceremoniis, tempore, quod ex lege Ecclesiæ nuptiarum solemnitas interdicta sunt, elapso jam hoc tempore sollicitant sacerdotem quemdam, ut pro ipsis dicat missam *pro sponsis*, nuptiisque pro more benedicat. Licetne id simplici sacerdoti?

3. Neutiquam hoc licet: benedictio enim nuptiarum pertinet ad solemnitatem matrimonii, hancque impertiri est de jure illius, cujus est assistere matrimonio, proprii scilicet contrahentium parochi. Quapropter, nisi sacerdos hic fuerit speculiter ad id deputatus a parochio sponsum, poenam suspensionis incurrit, latam a Concilio Tridentino Sess. 24. c. 1. & reservatam quoad absolutionem ordinario proprii parochi. C. B.

## SACRAMENTUM.

1. Vox hæc, *Sacramentum*, varias significationes recipit; hic tamen solum agitur de Sacramentis novæ legis evangelicæ, quæ sunt septem, prout nos fides docet, nimirum Baptismus, Confirmatio, Pœnitentia, Eucharistia, Ordo, Extrema Unctio, & Matrimonium. Omnium horum Sacramentorum Institutor est Christus. Definitur Sacramentum novæ legis, *Invisibilis gratiæ signum visibile ad nostram sanctificationem divinitus institutum.*

2. *Materia Sacramentorum* consistit aut in rebus corporeis ac permanentibus, ut est aqua in baptismo, panis & vinum in Eucharistia, oleum in extrema unctione; aut in actibus sensibilibus ad proprium effectum per formam determinatis, ut est contritio & satisfactio in Sacramento Pœnitentiæ.



3. *Forma* consistit in verbis a Ministro prolati, aut in alio signo verbis æquivalente. In primis sex Sacramentis necessaria sunt verba expressa; in ultimo, nempe matrimonio sufficit signum verbis æquivalens.

4. In quolibet Sacramento duplex distinguitur materia, *remota* scilicet, quæ est v. g. in Baptismo aqua elementaris; & *proxima*, quæ est applicatio aquæ, seu ablutio. In Sacramento pœnitentiæ materia *remota* sunt peccata pœnitentis, & *proxima* actus contritionis, confessionis & satisfactionis. In extrema unctione materia *remota* est oleum infirmorum; *proxima* unctio facta a presbytero in corpore infirmi.

5. Mutatio essentialis materiæ aut formæ reddit Sacramentum nullum; non item mutatio tantum accidentalis.

6. Matera & forma in Sacramentis moraliter loquendo eodem tempore debent applicari, exceptis Sacramentis pœnitentiæ & matrimonii, in quibus longior, quam in aliis, mora temporis potest intercedere.

7. Intentio ministri absolute necessaria est, vel *actualis*, vel *saltem virtualis* conferendi Sacramentum tale & taliter, quæ & qualiter Christus instituit, & Ecclesia solet administrare. Vide *Intentio*.

8. Dividuntur Sacramenta ulterius in Sacramenta *mortuorum*, & Sacramenta *vivorum*. Sacramenta mortuorum sunt ea, quæ primam gratiam conferunt illis, qui eam nunquam habuerunt, ut Baptismus; aut quæ primam gratiam de novo conferunt illis, qui ea per peccatum exciderunt, ut Sacramentum pœnitentiæ. Reliqua Sacramenta conferunt novam gratiam; in recipiente autem jam antecedenter requiritur status gratiæ.

9. Theologia tria potissimum in quolibet Sacramento distinguunt, videlicet *Sacramentum tantum*, *Rem Sacramenti tantum*, & *Sacramentum & rem*. Per *Sacramentum tantum* intelligunt Sacramentum, abstrahendo ab ejusdem effectu: Per *Rem Sacramenti tantum* ipsum effectum Sacramenti indigunt: & *Sacramentum & rem* intelligunt Sacramentum simul, & ejusdem effectum.

10. Sacramenta producent gratiam *ex opere operato*, id est, *ex vi operis* sine respectu ad merita ministri aut recipientis, dummodo digne recipiatur. Sic enim v. g. ad baptismum ab adulto digne suscipiendum requiritur actus fidei, spei, & dilectionis initialis, non per modum meriti, sed per modum dissolutionis congruæ. Præter gratiam habitua-lem & sanctificantem conferunt etiam gratias particulares actua-

actuales pro necessitate eorum qui digne ea recipiunt : & ultra has gratias Sacramenta Baptismi, Confirmationis, & Ordinis imprimunt in anima characterem indelebilem, quo ab aliis distinguuntur, qui hæc Sacramenta non receperunt.

II. Omnes preces, omnesque ceremoniæ, ac ritus, quibus utuntur ministri Sacramentorum, ab Ecclesia eo fine instituti sunt, ut indigentur tum eorum effectus, tum dispositiones, quibuscum suscipienda sunt, ac obligationes, quas suscipientes contrahunt.

CASUS I. Reinaldus probe gnarus, Felicem parochum suum ejusdem criminis esse reum, in eoque perseverare, querit an possit absque peccato ab ipso recipere Sacramentum poenitentiae, vel sacrae Communionis, & an possit etiam illum sollicitare pro illorum administratione ?

¶ Si parochus declaratus non est suspensus, excommunicatus, aut degradatus, sed in suo toleratur ministerio; potest Reinaldus absque peccato ab ipso suscipere utrumque Sacramentum; quia communicat Ecclesiae, dum communicat ministro Ecclesiae, quin partem habeat in peccato ipsius. Si autem parochus esset degradatus, excommunicatus aut suspensus, & sic non toleratus ab Ecclesia, peccaret Reinaldus ab eo recipiendo Sacramenta. S. Thomas 3. part. q. 64. art. 6. ad 2. Quod attinet secundum, Reinaldus in casu necessitatis absque peccato potest ad eum recurrere, sed extra casum necessitatis tutum non foret in conscientia eum sollicitare ad obundas Ordinis sui functiones. Nihilominus Reinaldus posset eum sollicitare pro administratione Sacramentorum, si ipsum prius vidisset gementem, suspirantem, lacrymas fundentem, aut percutientem pectus, vel alia poenitentiae signa edentem; ex quibus legitime inferri posset, eum esse conversum. *A ministro quantumvis malo, inquit Sylvius in 3. part. Summ. D. Thom. q. 64. art. 6 licet communiter recipere & petere Sacramenta, imo & ipsum inducere ad ea ministranda, quamdiu toleratur ab Ecclesia; si ipse sit talis, utpote pastor, cui incumbat ex officio illa ministrare, petens autem sit parochianus: tunc enim qui petit, utitur jure suo, & petit rem bonam, quam alter potest & debet bene facere. Dixi communiter; quia si æque commode possit haberi Sacramentum ab eo, qui sine peccato ministrabit, ex charitate prætermittendus tunc est is, qui nascitur a peccato non recedere. Pontas.*

CASUS II. Si Felix non esset parochus Reinaldi, sed solum confessorius illius ordinarius; possetne Reinaldus ab eo

recipere Sacramentum, non obstante, quod certo sciat, eum constitutum esse in statu peccati mortalis?

g. Sylvius celebris D. Thomæ interpres loco supra citato existimat, quod si hic presbyter censura ligatus non sit, Reinaldus absque peccato ad illum accedere possit pro recipiendo Sacramento; dummodo 1. sit obligatus ad recipiendum Sacramentum, ut v. g. tempore paschali, aut finitæ ac periculose valetudinis; 2. si non potest ad alium sacerdotem recurrere; & 3; si Felix actu sedet pro sacro tribunali poenitentiae. *Pontas.*

Vide *Absolutio, Confessio, Parochus.*

## SACRILEGIUM.

1. Per *Sacrilegium* intelligitur abusus rerum sacrarum ad profana; sive deus ejusmodi usus ex natura sua sit criminofus, ut sunt fortilegia & incantationes; sive primum fiat criminofus ex ipsa applicatione rerum unice ad cultum Dei ac Religionis destinatarum ad profana. *Sacrilegium est violentia rei sacræ*, inquit Polmanus.

2. Tres potissimum enumerantur species rerum sacrarum. *Prima* comprehendit res ex sua natura sacras, ut sunt Scriptura sacra, & Sacramenta; aut quæ sunt consecratæ ac dedicatæ Deo ab Ecclesia in cultum ipsi ac Religioni debitum, ut sunt vasa sacra, vestimenta ad ministerium Altaris destinata, aut quæcumque aliæ res, quæ ad decorem Ecclesiæ & exornationem templorum adhibentur. *Secunda* comprehendit personas sacras, quales sunt sacris Ordinibus initiati, & Religiosi. *Tertia* demum species comprehendit loca sacra, ut sunt Ecclesiæ, & Cœmeteria.

3. *Sacrilegium* committitur 1. per profanationem Scripturæ sacræ, & Sacramentorum. 2. Contumeliose tractando Crucem signum redemptionis nostræ, effigies Christi. B. Virginis, aut Sanctorum. 3. Indigne habendo sacras Reliquias. 4. Ad usus profanos applicando sacras vestes ministrorum Altaris, aut ornamenta Altarium & Ecclesiarum, aut res specialiter ab Ecclesia consecratas ac dedicatas Deo in contestationem cultus supremi ipsi debiti. 5. Percutendo aut injuriose tractando vasa sacra Clericum, aut Religiosum vel Monialem; quo in casu incurritur etiam excommunicatio ipso facto. Committitur quoque sacrilegium, dum ejusmodi personæ religiosæ peccant contra castitatem vel dum alius in hoc genere peccat cum illis. 6. Denique per

per indignum ac profanum usum altarium, ecclesiarum, cœmeteriorum, aliorumque locorum sacrorum.

CASUS I. Vitellus in ecclesia cuidam argenteum horologium furatus quærit, an commiserit verum sacrilegium, & num teneatur in confessione declarare, hoc furtum in ecclesia fuisse commissum.

¶. Furtum potest fieri sacrilegium tribus modis; nimirum quando adfertur res sacra in loco sacro; quando auferitur res profana in loco sacro; & quando res sacra auferitur in loco profano. *Sacrilegium committitur*, ait Joannes VIII. Can. *Quisquis* 21. 17. q. 4. §. 2. *auferendo sacrum de sacro, vel non sacrum de sacro, sive sacrum de non sacro*. Hinc Vitellius commisit verum sacrilegium; teneturque id declarare in confessione. *Pontas*.

NOTA. Licet in tali furto concurrat irreverentia erga locum sacrum; quia tamen est clandestina, non videtur excedere culpam levem, licet in specie furti sit peccatum grave.

CASUS II. Polycarpus per testamentum summam 150. florenorum reliquit pro fabrica ecclesiæ parochialis. Hæres autem ipsius interceptit testamentum, illudque combussit, ne teneretur solvere hoc legatum. Commisitne sacrilegium speciatim in confessione exponendum?

¶. Generaliter loquendo, dum aliqua res legitime ad ecclesiam pertinens subducitur, est sacrilegium. Jam vero ecclesiæ parochiali acquisitum est jus proprietatis in summam legatam; & hinc hæres non potuit absque sacrilegio speciatim in confessione exponendo retinere hanc summam. S. Thomas 2. 2. q. 99. art. 2. C. *Pontas*.

CASUS III. Petrus in ecclesia spoliavit confessionale, abstulitque breviarium ac alios libros, quos confessarius ibi reclusos habebat. Petrus autem tenet sententiam eorum, qui negant, ad rationem sacrilegii sufficere, si præcise auferatur in ecclesia res quæcumque demum. An hoc non obstante Petrus per hoc furtum commisit sacrilegium?

¶. Non commisit sacrilegium; quia in eorum sententia ad sacrilegium in furto ratione loci sacri committendum requiritur, ut res ablata directe pertineat ad ecclesiam; per accidens autem est, quod breviarium a'liique libri ablati in ecclesia fuerint asservati. Hinc Petrus per hoc furtum non commisit sacrilegium. C. B.

**NOTA.** Sententia rationi conformior, communior, pro conscientia ac confessione securior est, quod omne furtum in domo Dei perpetratum sit sacrilegium. *Qui monasteria & ecclesias infringunt*, ait Joannes VIII. Can. ad cas. 1. citato, *& deposita vel alia qualibet exinde abstrahunt, velint sacrilegi canonice sententia subigantur.*

**CASUS IV.** Confessarius quidam existimavit, poenitentem quempiam commisisse sacrilegium, eoquod in ipso accessu ad S. Communionem alienius peccati mortalis in confessione ex oblivione omissi recordatus, sacram Eucharistiam sumperit, quin prius elicuisset actum contritionis. Num bene ita sentit confessarius?

**R.** Male sic judicavit confessarius: si enim poenitens peccati ex oblivione omissi fuit recordatus eo tempore, quo non amplius poterat se subducere a sacra mensa absque verecundia aut scandalo eorum, qui enim recedentem vidissent, non tenebatur elicere actum contritionis; eoquod a peccato ex oblivione omisso indirecte jam fuerat absolutus. Si vero poenitens potuisset recedere a sacra Communione absque ulla inconvenientia, ut potest contingere in multis circumstantiis, fuisset obligatus ad novam confessionem, solusque actus contritionis non fuisset sufficiens. Ex quo sequitur, opinionem hujus confessorii nunquam approbari posse. C. B.

**CASUS V.** Sacerdos quidam verba & sententias sacrae Scripturae saepe adhibet in discursu familiari, imo ad lusum & indecentes facetias. An committit sacrilegium?

**R.** Committit sacrilegium, si sunt verba aut sententiae sacrae Scripturae formaliter tales, id est, quae a Spiritu sancto dictatae sunt. Gobat de blasph. c. 20. n. 720. Regin. Lib. 19. c. 4. n. 57. Culpa tamen non esset adeo gravis, si ejusmodi verba aut sententiae contineantur quidem in sacra Scriptura, sed a proferente ex alio auctore particulari, maxime profano desumerentur.

**NOTA.** Licet unus vel alter actus sic jocularius non excedat culpam levem; habitus tamen sic jocandi non est excusandus a peccato gravi: actus enim frequentati in genere irreverentiae, v. g. erga parentes, magistros, amicos, Superiores &c. coalescunt in objectam displicentiae gravis, vel in contemptum interpretativum.

## SANCTIFICATIO FESTORUM.

**CASUS I.** Advocati & procuratores pro clientibus suis  
quan-

quandoque plurimum occupantur diebus dominicis & festis, Num licet?

R. Occupatio eorum non censetur esse labor servilis, nec prohibita legibus divinis vel ecclesiasticis. Accedit, quod ejusmodi labor sit probatus per consuetudinem universalem & publicam, cui Ecclesia sese non opponit. Nihilominus incumbit memoratis personis sanctificare dies dominicos & festos, non solum audiendo Sacrum, id quod est strictæ obligationis, sed etiam erogando in pauperes partem lucri hisce diebus percepti. *De Lamet.*

NOTA. Author potius debuisset eos obligare ad audiendum verbum Dei in parochia propria.

CASUS II. In quadam communitate religiosa, ubi esus carniarum in perpetuum interdictus est, Religiosus quidam quotidie sub solis occasum, ne dominicis quoque ac festis diebus exceptis, in præterfluentem immittit retia ad capiendos pisces, altero die mane extrahenda. Num id licet?

R. Piscatio quidem diebus festis ac dominicis est licita, dummodo non multum temporis aut laboris in ea collocetur; nihilominus tamen melius foret, si Religiosus iste a ponendis retibus abstinere diebus dominicis ac festis; licet satis graves rationes non suppetant ut peccaminosam condemnandi hanc consuetudinem jam a longo tempore introductam, nec aliunde præbentem occasionem scandali. *Fromageau.*

Vide *Dominicæ & Festa. Labor servilis.*

## SARTOR.

In hoc titulo agetur & discutietur, quid Sartoribus circa conficiendas virorum & mulierum vestes liceat vel non liceat.

CASUS I. Hubertus sartor jam ab anno confecit vestes muliebres in ea forma, ut pectus ad mamillas usque videri & per hoc viris ansa peccati dari possit; a suo confessario admonebatur, ut a tali forma vestium abstinere. Ille vero respondit, se a confectioe vestium talis formæ abstinere non posse sine magno suæ sustentationis detrimento; cum ejusmodi forma vestium sit universalis. An tuta conscientia potest pergere in confectioe talium vestium?

R. Dantur artes, quæ sine peccato absolute exerceri non possunt; cum ex se ipsis ac directe peccandi occasionem præbeant.

beant. Sunt autem & aliæ, quæ ex se ipsis ad peccatum non inducunt. Hinc. S. Thomas 2. 2. q. 169. art 2. ad 4. ait : *Siqua ars est ad faciendum aliqua opera, quibus homines uti non possunt absque peccato, per consequens artifices talia faciendo peccarent, utpote præbentes directe aliis occasionem peccandi; puta si quis fabricaret idola, vel aliqua ad cultum idololatricæ pertinentia. Siqua vero ars sit, cujus operibus homines possunt bene vel male uti, sicut gladii, sagittæ & alia hujusmodi, usus talium artium non est peccatum.* Ars Huberti est de hoc posteriore genere, ut advertit S. Beuve tom. 3. cas. 185. & vestes ab eo confectæ non impediunt, quominus puellæ ac mulieres possint alio modo contegere pectus, ad quod & tenentur. Hinc Hubertus potest absque peccato continuare exercitium artis suæ. *Pontas.*

*Nota.* Qui ejusmodi modos vestium, Christianam modestiam positive docentes, vel respectu multorum in vitia ex fragilitate humane naturæ proclivium propinquum periculum gravium peccatorum absque necessitate creantes inveniunt, vel inventos in morem introducunt, vel introductos sponte recipiunt, suoque exemplo confirmant; vel ubi prohibere possent, non prohibent, vel prohibitiones a Principe aut Episcopo factas non observant, sunt in statu peccati mortalis, &, nisi emendent, absolutionis incapaces.

**CASUS II.** Sergius sartor cuidam sceminæ nobili, ipsa petente, emit quindecim ulnas panni serici ad conficiendas vestes. In ipsa autem emptione advertit, unam ulnam non esse bene tinctam, hinc pro hac ulna mercatori detraxit a pretio totam unam imperialem, in confectioe vero vestium istam defectuosam panni ulnam intra plicas perbene occultare scivit, ut nec minimum quid adverteretur. An iste sartor pro sua industria præfatum mercatori detractum imperialem sibi servare potest?

3. Non potest: nam 1. Sergius erat mandatarius; mandatum vero est *officium gratuitum ab eo qui suscepit exhibendum.* 2. Consideranda est intentio mandantis; in præsentî autem casu certum est, intentionem matronæ non fuisse, ut sartor ex commissa sibi emptione occultum pro se quærat lucrum. 3. Nec potest allegare sartor suam industriam, quam per se jam adhibere tenebatur ex munere mandatarii ac commissarii: non enim ex alia ratione ad emptionem panni matrona elegit sartorem, quam quia eum habiliorẽ aliis ac magis industrium credidit; & hinc industria & major notitia circa pretium rerum hujusmodi non potest separari a persona. *Pontas.*

**CASUS III.** Arnaldus sartor pro conficienda Hieronymo veste emit omnia necessaria pro 18. florenis. Sed cum in emptione multum temporis insumplerit, ac merces minori pretio obtinuerit, ac alias vendi solent, scripsit viginti florenos. Egitne injuste?

3. Arnaldus injuste egisse videtur, non obstantibus allegatis rationibus: nam 1. sartores apprimè sciunt, quæ necessaria sunt, & norunt pretium mercium non minus ac ipsi mercatores; & hinc multo haud indigent tempore ad compositionem. 2. Qui sartoribus ad ejusmodi negotium utuntur, non habent intentionem illis peculiariter solvendi impensum emendis rebus tempus; & sartor ipse ægerrime ferret, si illi, pro quo necessaria emit, innotesceret, se quidpiam pro emptionis industria ac labore retinuisse. 3. Mandans si sciret, sartorem pro emptione pretium exacturum, constitueret haud dubie alium, qui ausque mercede emeret, vel ipse emeret. Verum quidem est, quandoque multum temporis insumendum ad emptionem mercium; in hoc autem casu potest sartor amplius exigere mercedem laboris, nequaquam autem secreto quidquam sibi vendicare sub prætextu impensu temporis, aut majus rebus empris assignare pretium, ac ipse expenderat. Id tamen sartoribus dandum videtur, ut, si necessaria ad vestes in maxima quantitate emerunt, possint alicum mercatorem insar quidpiam lucri percipere, dum postea minutatim vendunt. *Pontas.*

**CASUS IV.** Christina nobilis matrona, cum ipsa mercatorem adire nollet, sartori committit, ut pro conficienda veste quindecim ulnas panni atalici emit. Sartor recta pergit ad ipsam fabricam, ubi ejusmodi panni conficiuntur, & ipsis mercatoribus suppeditantur, ulna pro 11. libris, quam dein vendunt pro 12. libris. Sartor quoque ulnam recipit pro 11. libris. Potestne hoc lucrum sibi retinere, supposito, quod Christina pro ulna 12. libras numerare debuisset?

3. Videtur hoc lucrum inter fructus sartoris industriales numerari posse; eoquod Christina non adiisset ipsam fabricam, & mercatori cuius solvere debuisset 12. libras pro ulna, & insuper sartori ob notabilem distantiam fabricæ plus temporis insumendum fuerit ad emptionem. Nihilominus id lucri capere non posset sartor absque injustitia, nisi certus sit, eodem pretio vendi has merces in fabrica omnibus aliis mercatoribus. *Pontas.*

**CASUS V.** Jovius sartor solet retinere secamenta & lacinias ex panno residuas, easque vendere iis, quibus usus esse possunt. Peccatne? num tenetur ad restitutionem, etiam  
hujus.



hujusmodi lacinias retineat in compensationem temporis impensum ad emptionem panni & eo pertinentium?

g. Idem dicendum de Jovio, quod de iis, qui committunt furta minuta, & exinde dilatescunt. Jovius juxta Conferentias Condomienſes tom. 1. conf. 15. sect. 3. has lacinias retinere non potest sine consensu eorum, ad quos pertinent. Pontas.

NOTA. Resolutio dependet ab intentione rationabiliter præsumpta conducentis operam sartoris. Si conducent potest & solet asservare lacinias in fruges utiles, non censetur eas donare.

CASUS VI. Sebastianus rogat Matthiam sartorem, ut secum adeat mercatorem pro emendo panno ad vestem conficiendam. Matthias ducit illum ad mercatorem, qui 40. crucigeros ultra summum pretium pro ulna exigit, quin Matthias se opposuerit; eoquod aut amicus aut debitor mercatoris esset. Teneturne Matthias Sebastiano ad restitutionem?

h. Tenetur omnino cum mercatore ad restitutionem in solidum; eoquod damni causa existerit: annuendo enim precibus Sebastiani tacite se obligavit ad impediendam deceptionem ac fraudem mercatoris. *Dare alicui occasionem periculi vel damni*, ait S. Thomas 2. 2. q. 77. C., *semper est illicitum*. Et rursus ibidem art. 1. C. *Fraudem adhibere ad hoc, quod aliquid plus justo pretio vendatur, omnino peccatum est, in quantum aliquis decipit proximum in damnum ipsius*. Pontas.

Vide *Emptio* cas. 18. *Larvatus*. *Vestitus laicalis*.

## SATISFACTIO SACRAMENTALIS.

CASUS I. Parochus quidam ruralis, ut parochianos suos alliceret ad frequentem confessionem, ipsis pro peccatis etiam gravissimis tantum injungit opera altunde præcepta; v. g. auditionem Sacri diebus dominicis & festis. An bene agit?

g. Male agit iste parochus. Ministri Sacramenti poenitentiae juxta leges prudentiae Christianae semper debent injungere poenitentiam proportionatam gravitati peccatorum & qualitati poenitentis, ne, ut advertit Concilium Tridentinum, se reddant participes peccatorum alienorum, quibus sic connivere videntur. Quia autem hæc doctrina subverteretur, si motivum alliciendi populum ad frequentem confessionem praxin hujus parochi redderet licitam, dicendum est, hunc modum agendi nequaquam probari posse. C. B.

**CASUS II.** Confessarius quidam Petro pro poenitentia injungit, ut singulis diebus dominicis per mensem audiat duo Sacra; Petrus autem ex mera negligentia interest quidem duobus Sacris, sed simul ac eodem tempore ad duo altaria celebratis. Num bene?

ꝑ. Petrus non satisfecit poenitentiae injunctae: licet enim quis satisfacere possit eodem tempore ac per unicum actum duobus praeceptis, quando aliunde non constat de alia intentione praecipientis; nihilominus, dum de hac intentione constat, non potest satisfieri, nisi per distinctos actus distincto tempore positos. Quia autem confessarii ejusmodi poenitentias imponendo ordinarie habent intentionem obligandi poenitentem ad audiendas duas Missas distincto tempore, dicendum est, Petrum non satisfecisse duabus suis obligationibus, dum audit duas Missas simul ad duo altaria celebratas. C. B.

**CASUS III.** Franciscus matri suae ad extremam miseriam redactae dedit eleemosynas, quas vi poenitentiae a confessario injunctae distribuere debuisset in pauperes. Satisfecitne?

ꝑ. Non satisfecit obligationi suae; nam cum filius jure naturali teneatur necessariam sustentationem praebere matri suae, summa eidem data non habet rationem eleemosynae, sed perfoluti debiti. Jam autem, cum intentio confessarii non fuerit obligandi poenitentem ad aliquid, ad quod ex alio titulo tenebatur, certum est, Franciscum donando matri suae summam, quam in eleemosynas pauperum distribuere debuisset, non satisfecisse poenitentiae injunctae. C. B.

**CASUS IV.** Cajus, qui commisit plurima peccata gravissima, recusat in hac vita alia opera satisfactoria exercere, quam quae ipsi in confessione imponuntur. Potestne excusari a peccato gravi?

ꝑ. Potest: licet enim sit utilissimum satisfacere Deo pro suis peccatis per pia opera gratuito assumpta, non tamen existat praeceptum ad id obligans; prout ex ipso Conellio Tridentino Sess. 14. de poenit. c. 8. colligitur, ubi solum dicit, satisfactionem vi praecepti esse necessariam, cum in Sacramento poenitentiae a confessario imponitur. C. B.

**NOTA.** Obligatio vivendi in continua poenitentia etiam justis imposita, an non potiori ratione respicit peccatores?

**CASUS V.** Sejus per notabile tempus differt impletionem injunctae sibi poenitentiae; & eam tandem perfolvit in statu peccati mortalis. An peccat graviter?

R. Peccat graviter sine rationabili causa, ut supponitur, differendo injunctam poenitentiam: non tamen peccat eam persolvendo in statu peccati mortalis; sicut ille non peccat, qui in statu peccati mortalis recitat divinum officium, aut jejunat &c. C. B.

NOTA. Amplissimum est discrimen inter hominem, qui post relapsum serio a Deo petit veniam peccati sui, & eum, qui cum omni tranquillitate perseverat in peccato volens, absque omni proposito redeundi cum Deo in gratiam. Dein peccator semper peccat, ad minimum venialiter, quoties orat ad Deum pro remissione peccatorum sine attritione & proposito emendationis; ita tamen; ut non ipsa oratio, sed tantum omissio concomitans sit peccatum.

**CASUS VI.** Confessarius quidam Cajo pro poenitentia injunxit, ut quotidie per annum recitet Psalmum *Miserere*. Cajus acceptat quidem poenitentiam, sed eam non persolvit; putatque id fieri posse absque scrupulo; eoquod peccata illa emendaverit, pro quibus hæc poenitentia fuit injuncta.

R. Non potest excusari Cajus; quia hæc poenitentia est satisfactoria, utpote sola, quæ ipsi fuit imposita. Ex hoc autem titulo ea obligat semper: Sacramentum enim non debet frustrari una partium suarum essentialium. C. B.

NOTA. Ipsa actualis satisfactio est solum pars integralis Sacramenti. Satisfactio autem in voto, seu propositum implendi satisfactionem est pars essentialis.

**CASUS VII.** Petrus confitetur, se sæpius relapsus fuisse in idem peccatum; & confessarius pro poenitentia ipsi injungit recitationem integri psalterii cum obligatione recitandi rosarium quinque decadem toties quoties relapsurus sit in idem peccatum. Petrus rediens ad confessionem accusat se, quod ter omiserit injunctum rosarium. Teneturne omittas has preces supplere?

R. Non tenetur; quia rosarium in quemlibet eventum relapsus a Petro recitandum potius considerari debet tanquam remedium præcavendi peccata in futurum, quam ut pœna pro peccatis præteritis. Hinc licet Petrus peccaverit non adhibendo præscriptum a confessario pro diminuendo peccatorum numero remedium, cum tamen finis, quem sibi confessarius præstituit, locum jam amplius habere non possit, certum est, poenitentem ad supplenda omittia rosaria non teneri. C. B.

NOTA. Cum confessarius sit non solum iudex, sed & medicus poenitentis, potest ac debet præcavere relapsus in eandem ægritudinem per congruam medicinam, qualis est poenitentia conditionata peragenda in

In casu relapsus; hanc si respuat poenitens, indignus est absolutio-  
ne. Jam vero qui non curat relapsum, prout non curare censetur  
negligens media præservativa a confessario præscripta, neque cura-  
bit peccata committenda per neglectum horum mediorum, si a con-  
fessario obligari non debeat ad supplendas omissiones. Ad hæc ip-  
se poenitentiae medicinales ac præservativæ participant de ratione  
poenitentiae propriæ satisfactoriæ ac vindicativæ, quæ intuitu ea-  
rum plerumque solet alleviari.

**CASUS VIII.** Titius cum frequenter omittat poenitentias  
etiam notabiles sibi impositas, confessarius ipsi injungit poe-  
nitentiam gravem, vere tamen enormitati peccatorum pro-  
portionatam, & simul declarat, non nisi veniale peccatum  
fore, si eam non peragat. Num bene agit confessarius?

3. Confessarius licite sic agit: sicut enim exigente ratio-  
nabili causa pro peccatis gravibus potest injungere poeniten-  
tiam levem; ita si ad bonum spirituale poenitentis conducere  
videatur, potest injungere poenitentiam de se gravem sub ob-  
ligatione tantum levi eam peragendi. Ratio utriusque est;  
quia Sacramentum poenitentiae ita institutum est, ut ejusdem  
minister credita sibi facultate ligandi atque solvendi eo modo  
utatur, quem pro salute poenitentis congruentiorem fore ju-  
dicaverit. C. B.

**NOTA.** Poenitentiam gravem pro peccatis gravibus injunctam omitte-  
re ex mente Christi & ex ipsa natura Sacramenti peccatum semper  
grave est; quam Christi oeconomiam subverteret confessarius, si poe-  
nitentem tantum sub peccato veniali obligaret ad peragendam poe-  
nitentiam gravem prudenter, ut supponitur, impositam, & mini-  
sterii sui potestate abuteretur; quia, cum graviter pro ratione cri-  
minum ligare ex commissis sibi dispensatione teneatur, leviter tan-  
tum ligat contra voluntatem Domini sui.

**CASUS IX.** Livius libenter vellet liberari ab injuncta  
poenitentia, quam acceptavit animo eam adimplendi. Po-  
testne propria sua auctoritatis eam immutare? Num eam  
mutare potest alius confessarius, quin obliget poenitentem ad  
repetendam priorem confessionem?

3. Poenitens ipse eam immutare non potest. Ratio est;  
quia commutatio poenitentiae est actus jurisdictionis, quæ  
certo convenire non potest poenitenti, etiam si talis commuta-  
tio fieret in melius. Confessarius autem potest ex rationa-  
bili causa poenitentiam ab alio confessario injunctam commu-  
tare in æqualem, aut etiam leviolem, si gravis id petat ra-  
tio cognita prius confessione facta priori confessario: neque  
per hoc talis confessarius exercet suam auctoritatem in pri-  
mum confessarium, sed solum in poenitentem, qui se ipsi

subijcit; ita, ut secundus confessorius suam quidem profert sententiam, quin tamen sententiam primi confessorii revocet. C. B.

NOTA. Cum poenitentia debeat esse proportionata non solum personæ & conditioni poenitentis, sed etiam gravitati, numero & tenuitate peccatorum, impossibile est secundo confessorio obligationi suæ satisfacere sine nova confessione poenitentis. Insigniores tamen Theologi docent, in ejusmodi casu, si prudenter dubitari non possit de valore primæ confessionis, opus haud esse confessione ita exacta, distincta ac extensa, ut erat prima; sed sufficere, si confessorius secundus noscat statum poenitentis quoad substantiam; hanc autem notitiam absolute requiri, ne poenitentia prima, cæco modo mutetur; aut alia substituatur sine omni delectu, & absque consilio.

## SCANDALUM.

1. Theologi *Scandalum* ita definiunt: *Offendiculum spirituale, quo quis offendit & in peccatum ruit.* Duplex distinguitur scandalum, scilicet *activum* & *passivum*, id est, datum & acceptum. Scandalum activum juxta Tertullianum est *dictum vel factum minus rectum proximo præbens occasionem ruinæ spiritualis*; ad quam definitionem addendum adhuc est, *omissio dicti vel facti*: licet enim quidpiam non facere aut non dicere ex natura sua peccatum non sit, potest tamen contingere, ut quis peccet in quibusdam circumstantiis non faciendo aut non loquendo; cum scilicet tenetur loqui aut facere quidpiam, ne proximo præbeatur occasio offensionis. Scandalum passivum est, quod accipitur ex facto vel dicto alterius non recto, vel quandoque recto, vel saltem indifferente,

2. Supponendum est, quod dans scandalum aut habeat intentionem expressam, aut saltem interpretativam proximo præbendi occasionem peccati, etsi contingere possit, proximum non scandalizari. Si intentio est expressa, scandalum erit formale; si vero intentio tantum est interpretativa, etiam scandalum est tantum interpretativum.

3. Duplex porro datur species scandali passivi; nimirum *acceptum & datum simul*, definiturque a Polmano, *proximi ruina spiritualis orta ex alterius dicto factove minus recto*; & *acceptum solum & non datum*, quod idem Theologus definit, *ruina spiritualis propria malitia vel infirmitate accepta, orta ex dicto factove alterius recto vel indifferente*. Scandalum acceptum propria malitia simile est scandalo Phariseorum. Si vero accipitur tantum ex infirmitate aut defectu iudicii absque justa causa, dicitur *scandalum infirmorum acceptum* tanq

*tantum*, & distinguitur ab eo, quod Theologi vocant *acceptum & datum*.

4. Omne scandalum formale, aut interpretativum est ex sua natura peccaminosum; daturque stricta obligatio in confessione declarandi præter actionem ipsam etiam circumstantiam scandali, utpote valde notabilem, & notabiliter augmentem malitiam actionis.

CASUS I. Parochus quidam bonum opus inchoaverat, quod ipsi videbatur necessarium aut saltem utile pro bono parochiæ suæ; sed parochiani exinde scandalizabantur, dictum vel factum in malam partem accipiendo; sicque, dum voluit procurare salutem parochianorum suorum, ipsis præbuit occasionem peccandi per murmuraciones, injusta ac temeraria judicia. Teneturne parochus in hoc casu abstinere a bono hoc opere, & illorum infirmitati cedere? atque si non abstineret, num reus foret dati scandali?

¶ Hæc quæstio unice respicit scandalum passivum: scandalum enim activum semper est peccatum. Si bonum opus, de quo agitur, est de necessitate salutis, parochus nec potest, nec debet ab eo abstinere sub prætextu scandali; quia peccaret mortaliter abstinendo, id quod nunquam licet, ex quacumque demum causa. Si autem hoc bonum opus non est de necessitate salutis, distinguendum est: vel enim scandalum procedit ex malitia, & tunc nulla ejusdem habenda ratio, sed continuandum est bonum opus: vel procedit ex infirmitate vel ignorantia, & tunc expedire videtur, ut differatur executio boni operis, si absque periculo peccandi differri possit, usque dum melius edoceantur infirmi ac ignorantes. Et hæc est doctrina D. Thomæ 2. 2. q. 43. art. 7. C. Item q. 3. de virtutibus art. 1. ad 3. & in 4. dist. 38. q. 2. art. 4. q. 1. & 2. *Pontas*.

CASUS II. Leodegarius & Damasus prætendunt simul jus legitimum ad quamdam parochiam, ille ex resignatione sibi facta, hic ob gradum Doctoratus. Uterque uno eodemque tempore possessionem capere volunt; verum omnes parochiani Damasum parochum habere volentes, cum tumultu & violentia sese opponunt Leodegario, indubitatum licet jus habenti. Teneturne Leodegarius in conscientia cedere jure suo, prævidens, scandalum alias non fore cessaturum?

¶ Leodegarius tenetur cedere juxta S. Basilium Reg. Brevior. interrogat. 64. dicentem, quod, quando agitur de re prorsus a nobis dependente, eidem teneamur renunciare, si eam prosequi non possumus sine scandalo proximi. Idem do-

et S. Thomas 2. 2. q. 43. art. 4. Accedit, quod si Leodegarius ultima tentaret, & parochiam consequeretur invitis parochianis, non solum non prodesse posset Ecclesie, sed potius eidem noceret.

**CASUS III.** Agobardus parochus ruralis certorum fructuum decimas colligebat vi juris in consuetudine immemorali, aut in titulis legitimis fundati. Omnes illius parochiani vehementer exinde scandalizantur, & avaritiz infimulatum cum indignatione ac contemptu eum ubique traducunt. Teneturne in conscientia renunciare his decimis, si alias scandalum, quod jam per tres annos durat, tolli nequeat?

*Res.* Nullo modo Agobardus tenetur cedere jure suo. Ratio est; quia non est dominus bonorum ecclesiasticorum ex sua parochia provenientium, sed solum depositarius; & ut talia tenetur suis successoribus conservare jus illa percipiendi. Imo licet Agobardus verus esset proprietarius horum bonorum; non tamen teneretur renunciare juri suo: nemo enim tenetur bona temporalia, quorum habet dominium, cedere his, qui scandalizantur ex eo, quod non cedantur; quando tale scandalum provenit ex malitia, ut in casu proposito. Nihilominus si scandalum oritur ex aliorum ignorantia vel infirmitate, quandoque dimittenda sunt bona temporalia, dum alio modo scandalum tolli non potest; vel saltem admonendi fumentes scandalum de injustitia, quam committunt sumendo scandalum, & sic privando alios bonis suis. Sic quoad omnia sentit D. Thomas 2. 2. q. 43. art. 8. C. Item in 4. dist. 38. q. 2. art. 4. q. 3. C. & in Epist. ad Rom. c. 14. lect. 3. *Pontas.*

**CASUS IV.** Arnaldus Episcopus videns, usum in sua dioecesi consuetudine publica, antiqua & generali invaluisse, durante visitatione in pluribus locis vehementer ex cathedra contra hoc vitium invehitur est: verum multi his concionibus scandalum passi ipsius doctrinam hac in materia respiciebant tanquam novitatem, famam illius misere proscindebant, odia aliorum concitabant, & impediabant fructum, quem absque injusto hoc scandalo facere potuisset. Potestne ulterius contra hoc vitium detonare, non obstantibus malis eventibus exinde secuturis? Aut num ad evitandum majus malum ab eo cessare debet?

*Res.* Cum hoc scandalum sit injustum, & pessime fundatum, Episcopus non debet cessare ab inculcanda hac occasione suis dioecesanis veritate. *In quantum sine peccato possumus vitare proximarum scandalum, debemus, inquit S. Gregorius Hom.*

7. In Ezech. *Si autem de veritate scandalum sumitur, utilius permittitur nasci scandalum, quam veritas relinquatur. Pontas.*

CASUS V. Apollonius iudex regius in difficili rerum articulo constitutus, ubi vi officii sui animadvertere deberet in delinquentes propter seditionem popularem: cum autem id perficere non posset, quin grave nasceretur scandalum, melius ipsi visum est ab eo abstinere. Potuitne id facere secunda conscientia?

3. Si Apollonius praevidit, ex inflata in casu proposito delinquentibus poena maiorem orituram fore perturbationem, sine laesione conscientiae suae abstinere potuit a condemnatione reorum ad promeritam poenam. *Pena insignitur, ait S. Thomas 2. 2. q. 43. art. 7. ad 1. ut medicinae quaedam ad cohibenda peccata. Et ideo in tantum habent rationem iustitiae, in quantum per eas peccata cohibentur. Si autem per inflictionem poenarum manifestum sit plura & maiora peccata sequi, tunc poenarum inflictio non continebitur sub iustitia. Pontas.*

CASUS VI. Briandus ordinem Capucynorum ingredi cogitans, hoc suum propositum exequi non poterat, quin parentes ac propinqui vehementer scandalizarentur; quia erat filius unicus, nobili stemate natus, ac ditissimo proxime ineundo matrimonio destinatus. Potestne in hoc casu Religionem ingredi, contempto omni scandali eventu?

3. Scandalum, de quo hic agitur, considerandum est tanquam effectus modicae religionis ac pietatis eorum, qui scandalizantur; & consequenter impedire non debet Briandum, quo minus exequatur propositum suum; maxime cum hoc scandalum sit tantum passivum. S. Thomas in 4. dist. 38. q. 2. art. 4. q. 2. ad 2. Imo si Briandus votum emisisset ingrediendi Religionem, iuxta eundem S. Doctorem teneretur eam ingredi, non obstante quocumque scandalo. *Pontas.*

CASUS VII. Athenobius Mariam uxorem suam non solum osculatur, sed & eam in partibus pudibundis aliquando tangit, Claudio & Antonio medicae virtutis viris praesentibus, ac etiam illam ipsius uxorem esse nescientibus: unde hi motibus concupiscentiae aguntur, iisque assensum praebent. Peccatne lethaliter Athenobius peccato scandali, licet non intendat ad peccatum inducere Claudium & Antonium?

3. Certum est, Athenobium peccare graviter, quamvis forte sine culpa sic erga uxorem sese gerere posset, ubi nullus adesset testis, modo id fieret in ordine ad actum conjugalem;



lem; at non potest id agere aliquo præsente & attendente sine peccato scandalii: non enim solum peccatum, verum etiam, quod peccati similitudinem refert, inducit scandalum. Hinc graviter peccat Athenobius, dum in casu proposito neglecta proximi salute ab actu alias licito non abstinet. S. Thomas 2. 2. q. 43. art. 1. ad 4. Et in 4. dist. 38. q. 2. art. 2. q. 3.

*Pontas.*

**CASUS VIII.** Ludovica puella miræ pulchritudinis ac prudente novit impudicos erga se Claudii amores, eumque singulis fere diebus accedere ecclesiam, ubi ipsa solet missam audire, & locum, ubi ea cum quadam consanguinea sua deambulare consuevit. Teneturne Ludovica, etsi nil mali intendat, manere domi ad tollendam Claudio scandalii causam, quem certo scit lapsum esse in peccatum mortale, quoties sibi obviam factus fuisset?

*g.* Non videtur, Ludovicam in casu proposito in conscientia obligari ad intermittendam ecclesiæ frequentationem, aut consuetam deambulationem; dummodo voluntarie Claudio non præbeat ullam occasionem scandalii: sic enim censeretur esse causa illius. *Nihil ad nos, inquit S. Ambrosius, si petulantibus oculis aut ætas expetitur aut pulchritudo. Ars delit, nullum est crimen decoris; illecebra facessat, inoffensa est species & forma & gratia.* Pontas

**CASUS IX.** Infalibiliter maximum evenire debet scandalum publicum ex actione quadam Titii toti jam vicinæ nota. Cajus hoc scandalum facile impedire posset Titium excusando per mendacium officiosum. Potestne sic mentiri, ut tanto malo, & multis peccatis mortalibus inde consecuturis occurratur?

*g.* Tale mendacium foret peccaminosum: & consequenter nunquam permixtum. Cajus igitur non potest per ejusmodi mendacium impedire scandalum, de quo agitur, & sequelas exinde orituras. Regula illa, *ex duobus malis minus est eligendum ad cavendum majus*, unice locum habet in casu, ubi quis in inevitabili agendi necessitate constituitur, in qua Cajus non est: potest enim filere, & nemo ipsum cogit ad mentiendum. Pontas.

*Vide Mendacium.*

**CASUS X.** Adalarus natione Sinenfis, Regis Sinenfis domesticus vi muneris sui ordinarie sublevat hunc Principem coram suis idolis prostratum, & in aliis occasionibus ad Religionem indifferentibus. Potestne postmodum conversus ad fidem Catholicam absque peccato idem obire servitium?

*g.* Hoc

¶. Hoc ministerium Adelari non est condemnandum tanquam actio vere peccaminosa in casu proposito ; dummodo non præbeat occasionem scandali Christianis Senensibus , aut aliis videntibus atque scientibus. Ratio responsionis petitur ex S. Scriptura ; Propheta enim Elifæus non imputabat Na-amano ad peccatum , quod se inclinare deberet ad sustentandum Regem coram Idolo Remnon se prosternentem. Nihilominus omnem a ministerio Adelari occasionem scandali abesse necesse est ; ex eo enim actio ipsius redderetur peccaminosa. *Pontas.*

CASUS XI. Sarinus sacerdos in mari ab Algerianus captus , ac mancipatui additus cogeatur a barbaris tempore quadragesimæ manducare carnes sale conditas , unice in derisionem ac contemptum Religionis Catholicæ oblatas , si fame perire mallet ; quas cum primis diebus manducasset , quidam fideles vehementer fuerunt scandalizati. Debitne in hoc casu Sarinus absolute his carnibus abstinere , licet nec panem manducandum haberet , & potius fame perire , quam manducare ejusmodi carnes ?

¶. Solum exemplum Eleazari sufficit ad convincendum quemlibet Christianum de obligatione in simili casu potius sese morti exponendi , quam ut causam præbeat talis scandali. Et hinc Sarinus tenebatur imitari exemplum hujus Judæi. *Pontas.*

NOTA. Est ingens discrimen inter casum Sarini & Eleazari. Sarinus potest & tenetur dicere ; Ecclesiam non obligare ad abstinendum a carnibus in casu necessitatis ; ac proin tenebatur potius comedere carnes , quam mori.

CASUS XII. Festus clericus commoratur cum quadam vidua consanguinea in domo procul distita a facello , in quo Capellani munus obit ; id quod multis præbet occasionem male suspicandi de eo. Potestne tuta conscientia diutius retinere idem domicilium ?

¶. Tenetur relinquere domum illam , & alibi sibi quærere domicilium. Imo ipsa vidua tenetur dimittere Festum e domo sua , ut sic omnis tollatur occasio scandali. *De Lamst.*

CASUS XIII. Viduus quidam habuit prolem ex ancilla sua , nec tamen eam vult ejicere domo sua sub prætextu , quod jam per decem annos non amplius peccaverit cum ea. Estne deferendus ad officialem , aut ad judicem laicum , ut sic compellatur ejicere ancillam ?

3. *Neutrum est consulendum* : Episcopus tamen , & parochus constanter eum hortari debent , ut tollat scandalum. *De Lamet.*

CASUS XIV. Canonicus quidam secum in domo retinet consanguineam vitæ parum ædificatoriæ ; id quod toti urbi cedit in scandalum. Canonicus iste in morbum incidit, & petit sibi administrari Sacramenta. Num ea ipsi conferenda sunt ?

3. Nec absolutionem , nec S. Communionem potest recipere , nisi prius domo expelli iusserit hanc consanguineam. Si Capitulum ipsius habet jurisdictionem etiam pro foro interno in membra Capituli , nullus parochus aut vicarius potest valide confessionem ipsius excipere , nec debet illi S. Communionem præbere sine licentia eorum , qui exercent jurisdictionem Capituli. Imo Capitulum potest compellere hunc Canonicum ad ejiciendam consanguineam suam ratione scandalii , quam præbet. Insuper Capitulum habet jus inquirendi contra talem Canonicum , etque per sententiam suspendendi ab ordinibus suis , & cuilibet confessario inhibendi , ne usum ipsi Sacramentum administraret , antequam obedientiam præstet. *De Lamet.*

NOTA. De hoc jure Capitulorum in Germania non constat. Si Canonicus non confiteatur pravam consuetudinem peccandi cum consanguinea , non potest a confessario obligari ad eam statim ejiciendam , ne populus confirmetur in erronea persuasione. Multo minus potest ipsi a parocho denegari communio , nisi sit notorius impoenitens concubinaris , vel inobediens.

## SCHOLASTICUS.

1. *Scholasticus* dicitur ille inter Canonicos , qui Doctor Theologiæ ad annunciandum verbum Dei & prælegendam aliis Canonicis in ea nondum versatis Theologiam destinatus est.

2. Prædicatio Verbi divini primum olim ac ordinarium Episcoporum officium erat , ita ut cathedram conscendere presbytero nunquam liceret in præsentia ac sine permissione Episcopi. Cum autem mirabiliter ac immensum accresceret numerus fidelium , & exinde necessario augerentur labores Episcoporum , nec aliæ legitimæ causæ deficerent , ministerium prædicationis Verbi divini presbyteris deferre compellebantur. Imo successu temporis visum est magis conducere ad bonum fidelium , si in ecclesiis episcopalibus instituerentur

rentur ordinarii concionatores, quibus & speciales redditus ad congruam sustentationem fuerunt assignati.

3. Præbendæ destinatæ Scholasticis subjacent juribus graduatorum. In Scholastico non solum requiritur scientia Theologiæ, maxime moralis, sed etiam aliæ qualitates ad hoc, ut cum fructu publice annunciet Verbum Dei; omnem insuper respectum ad interesse proprium a præcellenti adeo ac sancto ministerio abesse oportet. Doctor juris canonici non manuteneretur in possessione hujus officii, si ad id obeundum Doctor Theologiæ, aut etiam Licentiatus se offerret.

CASUS I. Uranius Episcopus cum in sua diocesi non reperiret idoneum Doctorem Theologiæ pro officio Scholastici ecclesiæ suæ cathedralis, assumpsit Doctorem ex jure canonico, virum doctum ac pium. An id licet?

3. Non videtur in hisce circumstantiis Uranius egisse contra leges ac constitutiones Ecclesiæ. Fagnanus in Cap. *Quia non nullis*. L. 5. Tit. 4. ait: *Si non invenitur Theologus facta diligentia non solum in loco, sed etiam extra; poterit non solum Canonista assignari, sed cuilibet*. Verum ejusmodi casus hoc tempore non nihil videtur metaphysicus; cum multitudo Doctorum ac Licentiatum in Theologia delectum Scholastici pro diocesi Episcopo reddat facillimum. Pontas.

CASUS II. Fulgentius Scholasticus in ecclesia Metropolitana quotannis per quinque circiter menses abest a sua ecclesia, se non esse obligatum ratus ad continuam residentiam ratione muneris sui. Estne securus in conscientia, maxime si absit tempore Adventus & Quadragesimæ, ubi solent vocari Concionatores exteri?

3. Scholastici æque obligantur ad residentiam, ac alii Canonici. Hinc Fulgentius non est securus in conscientia. Pontas.

CASUS III. Felicianus Scholasticus ordinarie negligit dimidium divini officii sub prætextu, quod ab eo eximatur ratione beneficii sui, vi cujus obligaretur ad concionandum. Estne tutus in conscientia?

3. Verum est, quod Scholastici officium sit concionari & docere, ita, ut ex hoc principio regulanda sit assistentia in choro, quantum nimirum habita ratione studiorum id fieri possit. Si itaque Felicianus tantum studiorum causa abest a choro, tutus est in conscientia. Pontas.

CASUS IV. Ferdinandus Scholasticus, postquam insuperat ut alii Canonici permissum tempus absentiae, ab Episcopo per duos menses fuit applicatus ad missionem, quo  
tem-

g. Tenetur; sed, dum studiis occupatur ad digne obe-  
undum munus suum, dispensatur a choro. Potest insuper  
frui permissio tempore vacationum simul & interrupta vice,  
vel distinctis vicibus. *De Lamet.*

CASUS VIII. Scholasticus quidam fuit provisor a Rege,  
etsi non habuerit qualitates requisitas.

g. Cum Regem deceperit, dicendo se esse Doctorem,  
etsi tantum fuerit Baccalaureus, beneficium ipsius juri devo-  
lutionis potest subici: ut enim legitime Scholasticus possi-  
deat Præbendam suam, necesse est, ut per decem annos stu-  
diis vacaverit in universitate quadam privilegiata. Schola-  
sticus lectiones potest instituere in domo sua, si locus spe-  
cialis ad id non est assignatus a Capitulo. Episcopus non  
habet immediatum jus circa lectiones Scholastici, sed Capita-  
lum. *De Lamet.*

CASUS IX. Quænam sunt obligationes Scholastici?

g. In Gallia juxta leges tam ecclesiasticas quam politicas  
tenetur concionari singulis diebus dominicis & festis solem-  
nioribus, ac unam vel duas per hebdomadam lectiones insti-  
tuere. Episcopus & Capitulum possunt diminueri numerum  
conclonum & lectionum, quando populus non est frequens,  
& pauci tantum Clerici in ecclesia, ubi residet Scholasticus.  
*Promageau.*

NOTA. In Germania Scholastici præfunt quidem adhuc scholis cathe-  
dralibus; docere autem aut concionari ab eorum officio jam vix non  
penitus semotum videtur.

CASUS X. In quadam ecclesia Scholasticus non concio-  
natur. Potestne Episcopus ipsi injungere, ut singulis diebus  
dominicis conclonem habeat;

g. Potest non solum id ipsi injungere, sed etiam de-  
terminare horam conclonis, quam pro Clero & populo ma-  
gis opportunam judicaverit. Si Scholasticus ipse conclones  
non habeat, tenetur eas per alium habendas curare, etiam  
tempore absentiae suæ. *De Lamet.*

Vide *Canonicus. Distributiones quotidianæ.*

## SCRUPULUS.

*Scrupulus* est perplexitas ac inquietudo animi absque  
ullo fundamento rationabili. Ad formandum scrupulum tria  
concurrunt; nempe *defectus fundamenti solidi*, quod ab eo  
distingui non potest, quod est legitimum; *male fundata for-  
mido,*

*mido*, ne quis peccet, aut desit obligationi suæ; & *agitatio*, *perturbatio*, ac *stimulus conscientiæ*. Scrupulus potest præcedere, vel subsequi vel etiam comitari actionem, circa quam versatur. Morbus hic animi est molestissimus, ad eumque evitandum vix ulla sollicitudo superflua est.

CASUS I. Basilina scemina pientissima a tribus mensibus sæpissime turbatur ac exagitur pravis cogitationibus, maxime contra fidem ac Religionem. Estne rea peccati, quando horribiles hujus generis cogitationes ipsius phantasiam obfident? An prudenter abstinere a sacra Communione propter internam suam persuasionem graviter peccandi, si accederet sine prævia confessione? Potestne S. Communionem absque peccato omittere, licet eam demandaverit confessorius?

3. Antequam respondeatur, sciendum est, quid sit *opinio*, *dubium*, & *scrupulus*, & in quonam differant. Opinio est acceptio unius partis cum formidine alterius; ita tamen, ut hæc formido tantum oriatur ex debilitate rationis illius partis, de qua quis opinatur. Dubium est cognitio duarum rerum contrariarum, neutram earum judicando magis veram. Scrupulus in eo sensu, quo sumunt Theologi, nimirum pro anxietate conscientiæ, est dubium habens annexam formidinem imprudentem, ac ex levibus conjecturis, ac incertis indiculis proveniente, quæ agit animum, ingeritque apprehensionem peccati, ubi non est. Scrupuli ex tribus diversis causis possunt provenire. *Prima* causa est homo ipse, qui, quin cogitet, illis locum præbet suo temperamento, aut constitutione. *Secunda* causa quandoque Deus est; & *tertia* subinde etiam dæmon. Dixi, *primam* causam scrupulorum quandoque esse *ipsum hominem*, scilicet per temperamentum suum melancholicum, & complexionem frigidam, quæ complexio naturaliter disponit ad timorem, ac dubitationem ob malam dispositionem cerebri. Aliquando etiam scrupulositas oritur ex modo vivendi inordinato, ac ex regiminis corporalis, negligentia. Et demum potest hoc malum alicui evenire 1. quando quis parum doctus, & multum timidus incumbit lectioni librorum veras materias tractantium, quæ aut ipsius captum excedunt, aut attonitum reddunt. 2. Quando quis in fervore inordinatæ devotionis proprio motu, & absque consilio assumit exercitia spiritualia, vel opera poenitentiae, sine quibus suam salutem securam non fore sibi imaginatur. 3. Quando quis cum nimia speculatione aut cruda, nimirum imaginatione impendit sese considerationi rerum sacrarum sub imaginibus corporalibus exhibitarum. 4.

Quan-

Quando quis nimium occupatur in examinanda conscientia absque necessitate, & frequenter etiam contra consilium confessorii. *Secunda* scrupulorum causa quandoque *Deus* est, qui certas quasdam animas electas vult humilitare, ac per ejusmodi anxietates animi ad majorem perfectionem adducere, tepidasque non nunquam excitare ad fervorem, ac amorem sibi debitum. *Tertia* denique scrupulorum causa sæpissime *dæmon* est, qui semper omnes nervos intendit, ut timoratos ad peccatum inducat, vel saltem conscientie pacem disturbet, & bona eorum opera reddat imperfecta, aut denique, ut ad suæ salutis desperationem eos adigat. Hinc sapienti directori conscientiarum diligenter examinanda est causa scrupulositatis in pœnitente: & ad hoc necesse est 1. ut cognoscat temperamentum, genium, ac inclinationes naturales pœnitentis. 2. Qualis fuerit præteritæ vitæ ratio ac conditio, an ordinata, vel inordinata? His prænotatis respondetur ad casum propositum, quod nimirum *Basilina* non sit rea horribilium cogitationum, quibus invita suam imaginationem obfessam cernit; dummodo eas detestetur. Imprudenter autem agit, dum propria autoritate a sacra Communione abstinere: exponendæ potius essent anxietates confessorio, illique hoc in articulo perfecta præstanda foret obedientia. Denique peccat *Basilina* contra obedientiam, & præsumptionis se ream constituit, dum S. Communionem se privat contra præscriptum sui directoris. *Pontas.*

CASUS II. *Synesius* vir pius, sed excessive scrupulosus, valde dubitat, utrum in confessione ante duos annos exposuerit aliquod peccatum, quod credit esse mortale. Teneaturne absolute ad illud constendum, quamprimum Sacramentum pœnitentiæ accesserit; ita, ut id non faciendo novum peccatum mortale committeret, suamque confessionem nullam redderet?

5. Si *Synesius* omnem possibilem diligentiam adhibuit in sua, de qua agitur, confessione, credere debet, se jam fuisse confessum illud peccatum, quod ipsi movet scrupulum; consequenter non tenetur illud de novo declarare in proxima confessione. Nec obicli potest, *Synesium* sic agere contra suam conscientiam: nam, ut *Reginaldus prax.* forl pœnit. L. 13. c. 11. n. 107. ait: *Conscientia est, quando judicium de agendo aut non agendo firmatum est in unam partem potius quam in alteram oppositam.* Sed scrupulus juxta *Navarrum* in Can. Si quis autem, de pœnit. dist. 7. n. 17. non est judicium, sed potius apparentia & argumentum contra judicium. *Pontas.*

**CASUS III.** Halmonius sacerdos plurimæ virtutis comperit, se fore ab Episcopo constituendum confessorium in quadam communitate monialium, ubi novit, plures earum longo jam tempore gravissimis torqueri scrupulis. Hinc veritus, ne ad hoc munus sit idoneus, ante illius acceptationem quærit, quibus qualitatibus & talentis instructus esse debeat confessorius in ordine ad ejusmodi personas; & quænam talibus præscribenda sint remedia?

¶ Censeo, primam qualitatem ejusmodi confessorii esse, ut teneram erga tales personas foveat charitatem, ita, ut illas semper tractet summa cum patientia ac lenitate, juxta S. Antoninum 1. part. Sum. tom. 3. c. 10. §. 10. Quod attinet remedia illis applicanda; *primum* est, idque tutissimum ac omnium excellentissimum, ut confessorius talibus personis persuadeat absolutam necessitatem perfectæ obedientiæ in omnibus, quæ certe & manifeste divinx legi non repugnant. *Secundum* est, ut pœnitentem eo adducat, ut ipse credat, se esse scrupulosum. Poterit autem talis pœnitens ex hisce de sua scrupulositate convinci, si nimirum scrupulositatem asserat confessorius, quem ipse pœnitens pro docto habet; si infestatur a cogitationibus variis, quas tamen abhorret; si facile dubitat, se peccasse in rebus levioribus, ubi homines pii nullum inveniunt peccatum; si consulto viro docto ac experto, ut antea insinuet inquietudinem suam; si pergit confiteri simplices imperfectiones aut leviuscula peccata tanquam peccata mortalia; si alii sanæ rationis ac boni animi homines nullam prorsus sentiunt difficultatem in dubiis, quæ talis sibi format; si, dum viveret in pietate & desiderio perfectionis, pro indifferentibus habuit, quæ nunc timet totidem esse peccata. *Tertium* remedium est magna in Deum confidentia. *Quartum*, ut animum non statim abjiciat ob relapsum in peccata tantum venialia. *Quintum* contemptus scrupulorum, & maxime pravarum cogitationum, ac sollicita abjectio omnium idearum ex animo, ex quibus nasci possunt ejusmodi cogitationes. *Sextum* fuga familiaritatis cum scrupulosis. *Septimum* frequens Communio etiam sine prævia confessione, dummodo id fiat cum consilio confessorii. *Octavum* denique est frequens lectio sacræ Scripturæ. Pontas.

**CASUS IV.** Acharius sacerdos piissimus, sed scrupulis maxime obnoxius constitetur Ferdinando, seque de plurimis accusat, quæ a se peccaminose patrata dubitabat, & asseverare non poterat, utrum ante actionem conscientix dictamen sibi formaverit; modo male se egisse sibi persuadebat, modo



modo ingruentem cogitationem se excussisse putabat. Quid faciendum confessario? & quomodo tractandus est Acharius?

¶. Ingens fiat discrimen rationem inter & imaginationem necesse est; nam potest contingere, ut ratio certa sit, nihil timendum esse; nihilominus tamen imaginatio turbata sit ac formidolosa. Hoc ergo discrimen Ferdinandus faciat intuitu Acharii. *Pontas.*

CASUS V. Lomerius presbyter valde scrupulosus concepto deponendæ confessionis generalis proposito sæpe interrumpit recitationem Breviaril, & peccata tunc in memoriam recurrentia scripto annotat, doctus ab experientia, quod si id non faceret, postea haud amplius peccatorum posset meminisse. An in hoc dignus est reprehensione; præsertim si sibi persuadeat, negligentiam illa scribendi, esse voluntatem obliviscendi?

¶. Observandum est, quod omnes scrupulosi generalem confessionem tutissimum scrupulis suis remedium esse existiment: qua in re insigniter decipiuntur; quia experientia docet, deposita vix confessione eosdem redire scrupulos, anxietatemque eorum non solum non diminui, sed & augeri. Hoc supposito probari non potest, quod Lomerius aut quisvis alius ad recitationem divini Officii obligatus illam interrumpat ad scribenda peccata tunc currentia; imo censeo, id sine peccato fieri non posse. Falsum insuper est, negligentiam in his circumstantiis peccatum annotandi esse voluntatem obliterandi. Denique si toleraretur ejusmodi libertas sub recitatione Breviaril peccata annotandi, janua panderetur voluntariis distractionibus. *Pontas.*

CASUS VI. Isamburga multæ virtutis foemina singulis fere octiduis frequentat Sacramenta; sed, cum esset valde scrupulosa, vix unquam confessiones peragit, quin non secunda aut etiam tertia vice redeat ad confessarium, de quodam peccato omisso sese accusatura, aut clarius explicatura circumstantias peccatorum, quorum absolutionem jam perceperat. Peccatne confessarius contra charitatem secundum illi reditum prohibens, & redentem non audiens, maxime diebus, ubi illi accedenda est S. Communio?

¶. Confessarius ante omnia, si id nondum factum sit, debet 1. eam edocere differentiam inter peccatum mortale & veniale, ut in hoc nequeat suam prætereignare ignorantiam. 2. Non dari obligationem sese singillatim accusandi de peccatis venialibus, ut datur de peccatis mortalibus, aut illis, quo

*Dist. Cas. Conf. Tom. III.*

C s

credu.

credantur esse mortalia. 3. Non dari obligationem exponendi circumstantias peccati mortalis, quæ non sunt aggravantes. 4. Non per solam peccatorum suorum specificationem impetrari veniam & absolutionem, sed etiam per veram contritionem & sincerum propositum non amplius relabendi. 5. Den que debet illam eo inducere, ut perfecta sincera confessione, & præmisso exacto conscientie examine, ex poenitentiae tribunali egressa, unice occupetur in salutaribus munitis a confessario obtentis, ac in debita præparatione ad digne obeundam S. Communionem. Si h's non obstantibus pergat redire post primam perfectam confessionem, absolute non est audienda. *Pontas.*

*Nota.* Scrupulos etiam inculcanda est illa generalis regula, quod ne quidem detur obligatio confitendi circumstantias speciem mutant, si in illa alia specie non superaddunt malitiam gravem. *Monendi quoque sunt, peccata per oblivionem non voluntariam omittisam fuisse per absolutionem remissa indirecte, ut proin non sit periculum sacrilegæ communionis.*

**CASUS VII.** Lucia puella tantis agitatur scrupulis ratione confessionum præteritarum, ac etiam ultimæ generalis, quam summa cum diligentia, omnique meliori, qua potuit, dispositione peregit, ut ultra sex menses nulla conscientie quiete perfruatur, nec eam recuperandam speret, nisi novam deponat confessionem generalem; id quod jam per tres menses instantè petit a confessario suo. Debetne confessarius ex charitate id ipsi indulgere?

*g.* Pontasium quinquaginta octo annorum experientia docuit, confessarium Lucie debere esse inexorabilem in deneganda licentia novam confessionem generalem obeundi; cum certissimum sit, hac ratione non eximendos animo Lucie scrupulos, sed potius augendos. Optimum, ne dicam unicuique, remedium in hoc casu est, proprio iudicio renunciare, & perfecte obedire confessario suo. Observandum tamen est, quod, si Lucia habuisset consuetudinem sæpe committendi peccata mortalia, in eaque perseverasset post ultimam confessionem generalem, in hoc casu videatur illi a confessario concedi posse licentia novam repetendi confessionem in supplementum præcedentis, si iudicaret, illam ex defectu boni propositi fortasse fuisse nullam; sed id concedi non deberet, antequam correctionem præ se tulisset, & sinceram facere poenitentiam saltem inchoasset. *Pontas.*

**CASUS VIII.** Demetriades monialis, cum in libro quodam legisset, qua attentione ac devotione recitandum sit divinum Officium, ad tantam redigebatur scrupulositatem, ut sæpius

sæpiissime eadem verba, eosdem versus, & quandoque easdem horas repeteret, se requisitam in recitatione attentionem non habuisse rata; id, quod ipsam non raro impedit a præstandis cæteris Religionis exercitiis.

Armandus presbyter eadem torquetur pœna, & sæpe quinque aut sex horas infumit in recitatione Breviarii, identidem repetendo verba, versiculos, ac integras frequenter horas; non obstante omni confessarii sui dehortatione. Hac carnislicina detentus non solum aliis suis deest obligationibus, sed etiam sæpe nocturna quiete destituitur. An tam iuste quam illa per dispensationem eximendi sunt ab obligatione recitandi Breviarium?

¶ Quoad primum casum Superiorissa absolute moniali prohibere debet omnem repetitionem, utut tacitissimam, dum Breviarium suum cum choro recitat. Quod si illa chorus sequi prorsus nequeat, Superiorissa permittere potest, ut Breviarium suum recitet privatim prohibita tamen constanter omni repetitione. Si etiam id sperato careat successu, Superiorissa cum consilio & consensu Superioris omnino eam eximere potest ab obligatione recitandi divinum Officium.

Quod attinet Armandum, si alla remedia adhibita nihil proficiant, censeo, non abs re fore, in Curia Romana petere dispensationem ab obligatione recitandi Breviarium, statum ipsius a confessario ejusdem fideliter exposito. *Pontas.*

NOTA. Circa ejusmodi objecta, circa quæ concurrit declaratio deobligatoria cum dispensatione, possunt dispensare Episcopi potestate ordinaria eo ipso, quod reservatio sit dubia, aut omnino nulla, & Superiores regularium privilegiati.

CASUS IX. Non nemo ex mero studio complacendi patri suo contra propriam inclinationem ingressus est communitatem quamdam, ubi tantum emittuntur vota simplicia. Nihilominus religiose admodum ibi vivit, & vocationem suam ratam habens, omnes obligationes suas exacte adimplet. Estne, cur ea propter scrupulis angatur?

¶ Non est, cur ullum sibi formet scrupulum: Deus enim, ut ad suum nos trahat servitium, sæpe utitur motivis humanis, quæ per charitatem postmodum depurantur. *Fromageau.*

NOTA. Quod si etiam propterea peccasset, aut professionem emisisset nullam, ratihabitione, quamvis occulta, sanantur præterita; quia professio externa habitualiter ac moraliter perseverat.

## SECRETARIUS.

1. Nomen *Secretarii* tribuitur varils variarum conditio-  
num personis. Sic prætermisſis Secretariis Principum ac Tri-  
bunalium dicuntur etiam Secretarii ſcribæ conſiliariorum aut  
aliorum inferioris conditionis Officialium ; & horum offi-  
cium eſt caularum in iudicio diſcutiendarum aut diſcuſſarum  
ſummarium conficere.

2. Epifcopi quoque quosdam fuorum Officialium Secreta-  
rios vocant, qui vel Clerici ſunt vel laici ; hiſce ex officio  
incumbit acta publica iuriſdictionem epifcopalem concernen-  
tia conficere, expedire, & ſigillo Epifcopi munitis ſubſcri-  
bere. De hiſ poſterioribus hic ſolum agetur, ac diſcutietur,  
quale ſalarium ipſis conformiter ad Concilium Tridentinum  
perſolvi debeat, aut vi conſuetudinis.

CASUS I. Dominicus Secretarius cujuſdam Epifcopi val-  
de magnum exigit pretium ac ſalarium pro expeditione pro-  
viſionum Beneficialium, litterarum diſmiſſionalium & aliarum  
ejuſmodi, ſicut etiam pro jure ſigilli epifcopalis, quod ſibi  
locatum tenet. Peccatne? Num peccat Epifcopus quoque  
id ſcens, injuſtarumque Secretarii exactioſum ſe reum  
facit?

1. Ambo coram Deo ſunt valde culpabiles. Concilium  
Tridentinum Seſſ. 24. c. 1. de reform. prohibet quidquam ac-  
cipere pro ejusmodi expeditionibus, etiamſi ſponte oblatum.  
In iis tamen locis, in quibus non viget laudabilis conſuetu-  
do nihil accipiendi, Notariis, quibus nullum ſalarium eſt con-  
ſtitutum, decimam duntaxat aurei partem Concilium permit-  
tit pro officio exercendo, ita tamen, ut ex Notarii commo-  
dis nec directe nec indirecſte Epifcopis aliquod emolumentum  
proveniat. Patet igitur, non ſolum exactioſes Dominici eſ-  
ſe condemnandas, ſed & intereſſatam conniventiam Epifco-  
pi. Pontas.

NOTA. Decima pars aurei tempore Concilii Tridentini valore ſuo ex-  
trinſeco ſerme idem valuit, quod nunc valet dimidium aurei. Id  
patet ex fundationibus miſſarum & ex pretio mercium. Imo ſæ-  
culo decimo quinto decima pars aurei idem valuit, quod nunc va-  
let integer aureus.

CASUS II. Cuidam Epifcopo particulare provenit emo-  
lumentum a ſuo Secretario, ac ſigilli impreſſione. An  
juſte?

Epif-

¶. Episcopus nec a suo Secretariò nec ab Impressione sigilli quidquam emolumenti licite percipere potest : Secretarius Episcopi modicum quidquam accipere potest ob laborem, quam in scribendis litteris, ac imprimendo sigillo habet. Interim tamen Episcopo non licet elocare officium Secretarii, aut ipsius salarium ; quod utique moderatum esse decet. *De Lamet.*

CASUS III. Secretarius cujusdam Episcopi plus exigit pro *Visa* & aliarum litterarum expeditione, quam per Concilium Tridentinum licet. Justene ?

¶. Absque Simonia non potest plus exigere quam dictum Concilium permittit. Episcopus suo Secretario salarium ex propriis suis redditibus persolvere debet, si jura secretariatus non sufficiant ad sustentationem Secretarii. *Fromageau.*

CASUS IV. Si vero Secretarius Episcopi plus exigit, aut accipiat, quam Concilium Tridentinum permittit, qualis consuetudo in tota viget diocesi ? An ob hanc rationem securus est in conscientia ?

¶. Hæc ratio illum non constituit securum in conscientia ; imo ipsi deneganda est a confessario absolutio, si admonitus talem consuetudinem sequi cogitet deinceps quoque. *Fromageau.*

## SECRETUM.

Nomine *Secreti* hic venit id, quod regulariter loquendo celari, ac occultum servari debet, quin vel ulli hominum ejusdem notitia communicetur. Obligatio servandi secretum est juris naturalis ; hinc inviolabiliter id servandum est, ut docet S. Thomas. Nihilominus dantur duo casus, in quibus exceptioni locus. 1. Quando quis scit sub ratione secreti, a quopiam crimen agitari contra Principem, aut bonum publicum, aut etiam ad totalem perniciem cujusdam hominis privati. 2. Dum agitur de impedimento dirimente matrimonii, cujus quis habet notitiam per solam viam secreti. Confessio autem Sacramentalis nullam omnino admittit exceptionem ; nec ullus reperitur casus, quo unquam liceat revelare secretum confessionis.

CASUS I. Geminus scit, a Mœvio crimen aliquod secreto fuisse perpetratum, ex quo tamen nec bonum publicum, nec privati cujusdam quidpiam patitur. Ipsi Superiori vel iudex rem subodoratus, sed tamen dubius adhuc, potestus

in conscientia extra juris ordinem, omnisque consuetis formalitatibus illi præcipere secreti revelationem? & teneturne Geminus mandatis obtemperare?

ꝑ. Superior iste aut iudex nequit sine peccato præcipere revelationem delicti; nec si id præciperet, Geminus teneretur obedire. Ita docet S. Thomas in 4. dist. 19. q. 2. art. 3. q. 1. ad 5. Addit tamen S. Doctor, quod, si iudex præciperet in iudicio servato ordine juris, subditus teneretur obedire & manifestare veritatem; quia *publicans peccatum occultum vitat majus malum, scilicet disciplinæ juris enervationem.*

NOTA. Etiam extrajudicialiter subditus tenetur pandere secretum, si crimen sit adeo tenax & habituum aut contagiosum, ut raro habeat constantem emendationem, ac proin relinquat periculum probabile boni publici vel animarum.

CASUS II. Corfinianus cælebs ætatis 35. annorum, opulentissimus, nulloque oneratus debito passivo, tribus jam annis turpiter abutebatur. Leodegunda ancilla sua, ex eaque prolem susceperat, quin stagitiosa vitæ licentia publice innotuerit, licet multi sinistre suspicarentur. Nonnullis abhinc annis Leodegunda ab eo recessit, & satis opulentum contraxit matrimonium cum Claudio, usque nunc eorum, quæ contigerant, ignaro, eique per sex annos plures peperit liberos. Corfinianus morti proximus deposuit in manus parochi sui crumenam obsignatam, ac continentem 40. aureos, quorum quisque 15. florenos valebat; idque in præsentia Petri, Joannis, & Jacobi amicorum suorum, quos secreti fide obligavit, quam si sponderunt etiam: dein rogavit parochum, ut de hac pecuniæ summa disponderet juxta intentionem suam in confessione declaratam. Defuncto Corfiniano hæredes hanc crumenam duobus ante mortem diebus conspicati, & non ignari, multos ejusmodi aureos ibi esse repositos, undique disquirebant; nec crumena autem, nec aureis repertis suspitioni involvebant Guillelmum, bonum defuncti amicum, & ultimis morbi diebus ad illum sæpius invisentem, eumque de commisso pecuniæ furto infirmabant; obtinuerunt etiam, & publicari fecerunt monitorium; duo quoque falsi testes deposuerunt contra Guillelmum, ita, ut hic in periculo versaretur condemnationis, ac amissionis bonorum, honoris, ac reputationis. Ex altera parte spargitur rumor inter plures loci incolæ, hanc summam Leodegundæ fuisse destinatam, illique a parochio traditam: cujus rei certitudo remota haberi non potuit; quia Petrus, Joannes, & Jacobus

bus huic traditioni non interfuerunt, & parochus interea o-  
 vita discessit, nulla facta hujus traditionis declaratione. Hinc  
 quaeritur, an Petrus, Joannes, & Jacobus crumenæ de-  
 positæ testes teneantur in conscientia servare promissam Cor-  
 finiano fidem, quantumcumque etiam damnum possit accide-  
 re Guilielmo? An tenentur declarare veritatem cum peri-  
 culo, ne damnum recidat in Leodegundam, de qua fortis  
 jam est suspicio acceptæ 40. aureorum summæ, sicque ipsa  
 publice, & maxime apud maritum suum dissimetur, ac utra-  
 que pars injuste condemnatur ad restitutionem? Aut deni-  
 que num tenentur fateri rem, non obitante dispendio, quod  
 hæredibus Corfiniani, qui possent actionem instituere ad re-  
 petendam crumenam & quadraginta aureos, vel ad declaran-  
 dum usum illorum a parochio factum, & ad dicendum, an  
 fecerint, depositum a parochio fuisse traditum Leodegundæ,  
 infamiam incursum ob malam famam de præterita suæ vitæ  
 libidine circumvolantem?

3. Petrus, Joannes, & Jacobus non possunt in hoc casu  
 servare promissum Corfiniano secretum, quin Guilielmus  
 injuste patiatur ingens detrimentum in bonis fortunæ & fa-  
 mæ. Hinc ipsorum silentium foret peccaminosum, & gra-  
 viter delinquerent contra justitiam & charitatem, expositum  
 relinquendo tantis innocentem calumniis, cujus famam suo  
 plene salvere possunt testimonio, declarando, crumenam  
 & aurum inclusum a Corfiniano in manus parochi fuisse de-  
 positum cum mandato de illo disponendi juxta intentionem in  
 confessione indicatam. Quantum ad id, quod spectat Leo-  
 degundam, dicendum ipsis, se nihil habere addendum suæ  
 declarationi in favorem Guilielmi factæ, nisi quod semper  
 parochum habuerint pro viro honesto ac optimo; hinc sibi  
 plene persuasum esse, eum suo non defuisse officio in exe-  
 quenda Corfiniani voluntate. Si judex ulterius interroget il-  
 los super eo, quod innotuit ex sparso rumore, Corfinianum  
 nimirum hos aureos apud parochum deposuisse, Leodegun-  
 dæ numerandos; respondendum ipsis, quod hanc pecuniam  
 eidem numerari non viderint; quod parochus non dixerit,  
 quem in finem pecunia expendenda, & cum tanquam de-  
 functi confessorius hoc depositum receperit, etiam id dicere  
 nec debuerit, nec potuerit; rumorem autem levi negotio  
 malitiose ac temerarie contra Leodegundam spargi potuisse;  
 & sic hi tres testes & suæ satisfaciunt conscientiæ, nec ullam  
 Leodegundæ inferent injuriam. Denique nihil sinistri timen-  
 dum hæredibus defuncti parochi; satisfaciunt enim respon-  
 dendo, se nullam rei quæsitæ habere notitiam, atque si paro-  
 chus

chus recepiſſet a defuncto Corſiniano depositum, ſe exiſtima-  
re, quod, cum ſit res confeſſionis, non deſuerit ſuæ obli-  
gationi illius intentionem exequendi; hujus autem proba-  
tionem ſibi non incumbere. *Pontas.*

**CASUS III.** Edmundus ſub fide ſecreti cognovit, a Dio-  
doro ignem horreo ſui vicini fore injiciendum. Teneturne  
promiſſum ſervare ſecretum? vel poteſtne absque peccato  
indicare iis, qui hoc incendium poſſunt impedire?

ꝑ. Tenetur in caſu propoſito revelare ſecretum, quod ten-  
dit ad ruinam proximi. *Pontas.*

**CASUS IV.** Gentianus juratus Gabrielis inimicus cum  
primo Martii exteram petere regionem ſtatuſſet, dixit ſub  
ſecreto ad Paulum amicū ſuum, ſe noctu ante abitum Ga-  
brieli fore ablaturum ſummam ducentorum duplionum au-  
reorum, quod in cubiculo Gabrielis aſſervari noviſſet. Po-  
teſtne Paulus monere Gabrielem de furto committendo, ac  
nominare furem?

ꝑ. Poteſt, imo debet Gabrielem monere de damno infe-  
rendo; ſed nequit ſine gravi peccato nominare furem: ſuf-  
ficiet enim ad præcavendum furtum, ſcire, illud fore com-  
mittendum; quin opus ſit ſcire authorem furti, cujus ſamæ,  
quamdiu poteſt, debet conſuli. *Pontas.*

**CASUS V.** Paſcalis Renato declaravit, ſub fide ſecreti,  
a ſe perendie ſeditionem in plebe civitatis eſſe excitandam  
contra miniſtros & commiſſarios regionum tributorum exactio-  
ni præpoſitos; cumque propoſitum ſuum executioni dediſſet,  
carceri mancipatus fuit. Inſtituto contra ipſum proceſſu plu-  
res in judicium vocati ſunt, ut de veritate facti teſtarentur,  
inter quos erat etiam Renato. Teneturne hic in conſcien-  
tia manifeſtare judici, quod ex Renato perceperat ſub pro-  
miſſa ſervandi ſecreti fide?

ꝑ. Tenetur in conſcientia id declarare judici juriſdice Inter-  
roganti: hujusmodi enim crimen non ſolum damnoſiſſimum eſt  
multis perſonis privatis, ſed etiam Publico, & injurioſum  
authoritati Principis. S. Thomas 2. 2. q. 70. art. 1. ad 2.  
*Pontas.*

**CASUS VI.** Mutius offert ſe ad manifeſtandum Cæſario  
ſecretum ſummi momenti, ea tamen conditione, ut illud  
ſervet, ac ſi in confeſſione cognoviſſet. Cæſario fidem ſuam  
promittenti declarat ſecretum Mutius. Teneturne Cæſarius  
eandem fidelitate illud ſervare, ac ſi per ſolam confeſſionem  
illud accepiſſet?

ꝑ. Non



3. Non de facili recipiendum est aliquod secretum sub hac conditione. Cæsarius tamen tenetur illud servare eadem fidelitate, exceptis casibus supra memoratis, in quibus huiusmodi secretum revelari potest. S. Thomas in 4. dist. 21. q. 3. art. 2. quæst. 2. ad 2. *Pontas.*

CASUS VII. Vincentius Canonicus ejusdam ecclesiæ cathedralis præfens in Capitulo, ubi agebatur de electione Decani, atque videns, nonnullos Canonicorum cum magno contemptu loqui de aliquo ad hanc dignitatem proposito, hule, utpote amico suo, totam rei seriem declaravit. Violavitne secretum capitulare?

3. Hæc revelatio Vincentium perjurii reum constituit: quilibet enim Canonicus præstat juramentum servandi secretum de omnibus in Capitulo pertractatis, ubi plena cuilibet libertas loquendi sub bona fide servandi secreti. *Pontas.*

CASUS VIII. Basilus magni momenti secretum commisit Melchiori ordinis ejusdam reformati Religioso, cui Superior regularis secreti revelationem præcepit. Peccatne Melchior non obediendo?

3. S. Thomas quodlib. 1. art. 15. C. resolvit hanc quæstionem duplex distinguendo secretum: primum est, quod vergit in præjudiciam proximi, & absque peccato celari non potest: alterum, quod celari potest sine peccato; & quantum ad hoc, cum Religiosus in rigore loquendo non teneatur obedire Superiori suo nisi in illis, quæ directe aut saltem, indirecte regulam sui ordinis concernunt, tale secretum Religiosus nullo modo Superiori præcipienti manifestare debet: violaret enim absque ulla ratione fidelitatem, quam se servaturum promiserat. *Pontas.*

CASUS IX. Hieronymus ejusdam Seminaris janitor, qui omnes litteras ad degentes ibi alumnos datas recipit, nonnullas ex mera curiositate infringit, & perlectas tam accurate denuo obsignat, ut nullum fracti sigilli vestigium deprehendi possit. Peccatne contra fidem secreti?

3. Litteræ eum in finem muniuntur sigillo, ut illarum tenor occultetur aliis. Hinc Glossa in Decretalem quamdam Innocentii III. eos, qui litteras infringunt, poenæ falsariorum subiecit; & juxta D. Thomam 2. 2. q. 59. art. 4. C. *Facere injustum in genere suo est peccatum mortale.* Cum Itaque Hieronymus committat Injustitiam non solum adversus scribentem, sed etiam adversus illum, ad quem scribitur, peccat mortaliter. Nihilominus hæc responsio locum non habet intuitu Superiorum in pluribus communitatibus, ubi consuetudo viget, ut Super-

rior aperiat litteras ad suos subditos scriptas. Imo etiam homo privatus potest quandoque alterius aperire litteras, ex consensu nimirum expresso aut iuste præsumpto ejus, qui scribit, aut illius, ad quem scribitur. *Pontas*

CASUS X. Petro creditum est aliquod secretum, quod vergit in præjudicium salutis, reputationis aut bonorum Antonii. Teneturne illud servare?

¶ Non tenetur. *De Lamet.*

CASUS XI. Adolescens quidam in Seminario ab alio una & altera vice fuit sollicitatus ad turpia, qui tamen tentationi semper resistit. Paulo post sollicitans adolescenti illi indicaverat, se perversionis suæ prænitentia ductum esse, eumque rogat, ne quid Superiori palam faceret. Hic nihilominus rem narrat suo confessorio, a quo fuit obligatus, ut seductorem deferat ad Superiorem; ad quod tamen adduci non potuit. Teneturne in conscientia seductorem indicare Superiori?

¶ Videtur, etiam teneri; quia fraterna correctio censeri non debet in his circumstantiis sufficiens, ratione sequelarum, quæ oriri possent intuitu sollicitantis ad malum. Nihilominus, antequam res deferatur ad Superiorem, monendus foret sollicitans, ut a communitate recedat. *Fromageat.*

¶ Vide *Correctio fraterna. Impedimentum matrimonii in genere, Cas. 8. Monitorium. Sgillum Sacramentale.*

## SEPULTURA.

1. *Sepultura* quatuor diversas habet significationes. 1. Indicet locum sepulture. 2. Significet tumulum, seu monumentum super sepultum erectum. 3. Jus sepulture in certa quadam ecclesia denotat. 4. Significat officium seu ministerium, quod fidelibus exhibetur eorum corpora in sepulchrum inferendo. Sepultura omni tempore etiam apud paganos magni habita est; antiqui Patriarchæ, eximique Sancti corporibus suis ipsimet sollicite de sepultura profregerunt, eaque privari semper summi opprobrii instar fuit habitum: & hinc Ecclesia sepulturam denegat iis, qui excommunicati, aut nominatim interdicti obierunt, & loca sacra, in quibus talis inhumatus fuerit, consecratione sua excident, ac profana reputentur & polluta.

2. Parochi possunt absque simoniæ labe quidquam exigere pro sepeliendis corporibus defunctorum in subsidium suæ sustentationis : sordidæ tamen exactiões semper fuerunt prohibitæ, ut sapientes simoniam. Quisquis testamentum conficere potest, potest etiam eligere locum sepulturæ, & si in testamento de hoc nil ordinavit, debet sepeliri in parochia loci, ubi mortuus est. Juxta antiquos Canones nemo sepeliendus est in ecclesia, sed solum in porticu ecclesiæ, in propylæo, vel in cœmeterio : verum hæc prohibitio non fuit generaliter observata.

CASUS I. Landericus jam per aliquot annos ob suas blasphemias, concubinatum, & consuetudinem se inebriandi publice notus subitanea obiit morte in actuali ebrietate absque ullo pœnitentiæ signo edito. Potestne parochus Landericum sepelire more aliorum Christianorum ple defunctorum ?

ꝑ. Propria ac privata authoritate non potest Landerico denegari sepultura ecclesiastica, sed debet propterea consulti a parocho Episcopus, & ipsius observari mandatum. Si vero responsum Episcopi tam mature obtineri non possit, inhumandum est defuncti cadaver adhibitis consuetis ceremoniis. In Gallia nullus pro publico peccatore habetur nisi talis declaratus fuerit per sententiam in eum latam. *Pontas.*

CASUS II. Turibium in quodam viculo ad parochiam S. Galli spectante, & ab ecclesia parochiali integro milliari distante mortuum vicarius parochi inhumavit in loco auctoritate Episcopi non benedicto, in quo tamen jam plures alii dicti viculi incolæ sepulti fuerunt ob nimiam distantiam ab ecclesia, & viam, præsertim tempore hyemis, propemodum inexplicabilem. An id absque peccato fieri potuit ?

ꝑ. Quamvis per leges Romanas locus evaserit sacer per ipsam sepulturam hominis ; id tamen non obtinet de jure canonico, nec reputatur locus sacer, nisi sit benedictus & auctoritate Episcopi destinatus ad Christianam sepulturam. *Locus, si pontificali auctoritate est sepulturæ destinatus, religiosus est, inquit Sylvester v. Sepultura. etiamsi nullus sit ibi sepultus . . . Si vero non est sic deputatus, secundum Canones non est religiosus, etiamsi sit ibi aliquis sepultus.* Unde facile eruitur, & vicarium graviter peccasse & parochum sepelitionem fidelium permittentem in loco non benedicto contra prohibitionem ac universalem consuetudinem Ecclesiæ. *Pontas.*

*Nova.* Procuranda proin est benedictio cœmeterii, quam Episcopus, si personaliter sine magnis sumptibus accedere non possit, tenetur pro ecclesiis pauperibus simplicibus sacerdoti committere.

**CASUS III.** Petronius parochus jus, quod habet sepellendi corpora defunctorum suorum parochianorum in cœmeterio vicinæ parochiæ, vendidit ejusdem paroco pro 60. florenis cum consensu curatorum ecclesiæ. An ista venditio licita est?

g. Cum jus Petronii sit pure spirituale ac ecclesiasticum, vendendo hoc jus valde graviter peccavit, utpote vendendo quidquam ad ecclesiā & non ad ipsam pertinens. Neque parochus ille licite potuit dictum jus emere. *Pontas.*

**CASUS IV.** Simerius Religiosus bis ex monasterio suo aufugit, dissamatoriumque contra Ordinem libellum scripsit. Comprehensus autem iustis apostatarum pœnis subjectus est. Nunquam tamen adduci potuit, ut retractaret, ac pœnitens malitiam suam agnosceret, ita ut paschali etiam tempore SS. Sacramentis privari mallet. Estne sic constituto in periculosa aggritudine concedenda extrema unctio, & post mortem ecclesiastica sepultura?

g. Dicto Religioso non solum Sacramenta deneganda sunt, sed etiam post obitum sepultura ecclesiastica. *Fromageau.*

**CASUS V.** Colonella obstetrix infantem ex utero materno pedem emittentem baptizavit in hoc pede sub conditione; quia dubitabat, an viveret infans, qui demum in lucem editus nullum prorsus vitæ signum dedit. Desertur absente paroco ad capellanum pro sepultura; hic autem recusat eum sepelire in loco sacro. Num bene?

g. Infans iste sepeliendus est in loco sacro: in dubio enim de valore baptismi præsumptio stat in favorem infantis. C. B.

**CASUS VI.** Cotinus presbyter brevi ante mortem petit, ut sepeliatur indutus habitu confraternitatis, cujus membrum erat. An prudenter?

g. Voluntas Cotini nequaquam est adimplenda: Rituale enim Romanum expresse jubet, ut presbyteri ac clerici sepellantur in habitu eorum Ordini conveniente. C. B.

**CASUS VII.** Chrysanthus homo opulentissimus simul ac humillimus ante mortem jussit, ut corpus suum absque omni funebri pompa ad tumulum deferatur. Parochus autem ultimæ huic dispositioni sese opposuit. Num iuste?

g. Si per pompam funebrem intelligatur funebelis conventus ad sepulchrum in depositione Nobilium aut altiarum sublimioris conditionis personarum non nunquam fieri

cum multis impensis animæ defuncti nil profuturis, male se opponit parochus; & laudanda est Chrysostomi dispositio. Si vero pompæ funebri nomine veniant pilæ ac religiosi ritus ad exemplum Apostolorum ac sanctorum Patrum ab Ecclesia in sepeliendis fidelium defunctorum corporibus instituti, parochus jure se opponit: Rituale enim Romanum Tit. *De exequiis*, præscribit, ut parochi sacras ceremonias ac ritus, quibus Ecclesia in exequiis defunctorum uti solet, exacte observent. C. B.

## S E R V I T U S.

1. Hæc vox *Servitus* in triplici sensu accipitur. 1. Sumitur pro servitio famuli, quod præstare tenetur domino suo. 2. Pro mancipatu seu subjectione necessaria ac coacta. 3. Pro onere annexo alicui fundo, prædio &c. in favorem cujusdam, qui non habet fundi aut prædii dominium, ut est jus itineris, luminis, aquæductus, aquam hauriendi ex puteo vicino. Et de hoc genere servitutis hic agitur.

2. Est autem hæc servitus vel *activa* vel *passiva*. Prior est *jus*, quo *res immediate habet aliam rem sibi obnoxiam*. Jurisconsulti alias duas servitutis istius species distinguunt, *urbanam* scilicet & *rusticam*. Juxta Polmanum servitus urbana est *jus*, quo *prædium urbanum habet aliud sibi obnoxium*: tale jus est v. g. quod habet proprietarius domus deducendi aquas ex suo testro in fundum vicini sul, vel trabem aut ligna domus ædificandæ stabiliendi supra murum domus contiguae &c. Servitus rustica est *jus*, quo *prædium rusticum habet aliud obnoxium*.

3. Jus servitutis, cum sit odiosum, semper fundari debet in aliquo titulo.

CASUS I. Dionysius Toparcha habet jus agendi currum per fundum Petri; sed cum viæ vix non penitus essent destructæ, Petrum ad reparationem earum compellere nititur, qui tamen id perficere recusat. Quisnam horum tenetur reparare viam?

1. Si Petrus non ipso servitutis titulo viam reparare tenetur, reparatio incumbit Dionysio, nisi jam sit in possessione juris obligandi Petrum ad reparationem. In omnibus servitutibus, habetur leg. *Et si forte*. 6. §. 2. ff. L. 8. T. 5. *refectio ad eum pertinet, qui sibi servitutem adserit; non ad eum, cujus res servit, Pontas.*

**CASUS II.** Nicasius, cuius domus ex una parte incumbit muro domus vicini sui jam ruinoso, vicinum jure servitutis obligare vult ad reparationem dicti muri, & ad expensas fulcrorum necessariorum ad fulciendum interea tectum domus. Vicinus vero contendit, se jure servitutis solum teneri ad dimidium expensarum. Cuiam jus favet?

g. Vicinus Nicasii tenetur ad integram reparationem muri, ita ut molem domus incumbentem sufficienter sustentare possit. *Leg. Et si forte.* jam citata. Fulcra autem ad sustentandam interea domum suam propriis Nicasius sumptibus procurare tenetur. Item si murum reparandum Nicasius picturis aut aliis ornamentis condecorandum curasset, ipsi quoque eorum reparatio incumberet. *Leg. Quidam.* 13. ff. L. 8. T. 2. *Pontas.*

**CASUS III.** Marcellinus possidet domum, cujus murus ædificium sui vicini sustentat; cum vero dictus murus minaretur ruinam, vicinus pro refectione muri instat. Marcellinus autem requisitis ad reparationem pecuniis destitutus, cedere fundum statuit, cui murus inextructus est. An per hoc liberatur ab obligatione reparationis?

g. Servitus inheret fundo, non personæ; & hinc per cessionem fundi Marcellinus liberatur ab onere reparationis. *Leg. Et si forte.* supra citata. *Pontas.*

**CASUS IV.** Durandus gaudet jure aquam ducendi ex fundo Caroli; & hoc jus cessit Paulo vicino suo pro 20. imperialibus. An Carolus huic cessioni sese potest opponere, & aquam alio divertere, ne Paulus ea servitute uti possit?

g. Jure se opponit Carolus huic cessioni: jus enim aquæductus non potest alteri, cuicumque demum, communicari nec per venditionem, nec per permutationem, nec etiam per cessionem gratuitam; hinc quamprimum Durandus cessat uti jure suo, cessat etiam obligatio Caroli, qua tenebatur erga Durandum. *Leg. Cum essent.* 33. ff. L. 8. Tit. 3. *Pontas.*

*NOTA.* Aliud dicendum foret, si Durandus Paulo cessisset fundum vel domum, cui est annexum jus activum ejusmodi servitutis.

**CASUS V.** Pamphilus possidet domum, cui annexa est duplex servitus passiva: 1. Ut altius non tollatur. 2. Ut stillicidia excipiat vicinæ domus Baldolini. Primæ servituti renunciavit Baldolinus pro accepta summa 150. florenorum, quin ulla fuerit mentio facta secundæ servitutis. Com jam  
Pam-

Pamphilus domum suam altius ædificare cepisset, ita ut altior domo vicina fieret, sese opposuit Balduinus contendens, domum Pamphili tali modo stillicidia suæ domus non amplius excipere posse, ut antea. Pamphilus autem præten-  
dit, sublata servitute prima cessare etiam secundam. An hæc ratio valet?

3. Juxta leges Romanas, quibus sua vis inest, quamdiu per contrariam Principis constitutionem, aut legitimam consuetudinem his non derogatur, sublata una servitute non cessat etiam altera, nisi expressa etiam de ea facta fuerit mentio. Hinc Pamphilus non potuit altius ædificare domum suam in præjudicium secundæ servitutis, quæ est receptio stillicidiorum sui vicini. Leg. *Si domus*, 21. ff. Lib. 2. Tit. 2. *Pontas*.

CASUS VI. Blasius gaudet jure agendi currus suos per pratum Renati, quo tamen jure per decem jam annos usus non est; eo quod via publica ipsi videretur commodior. Cum autem denuo uti vellet jure suo, resistit Renatus allegans præscriptionem. Justene agit Renatus?

R. Vere amisit Blasius jus suum ob præscriptionem Renati juxta legem *Sicut*, 13. & legem *Cum talis*, 14. Cod. Lib. 3. Tit. 34. Hinc Renatus absque injustitia potest resistere Blasio. In illis tamen servitutibus, quæ in eo consistunt, ut stabiliatur status locorum, & innovationes impendantur, ut est obligatio altius non extollendi ædificium, locum non habet præscriptio, nisi ipse status locorum mutetur. Leg. *Hæc autem*, 6. ff. Lib. 8. Tit. 2. *Pontas*.

Vide *Dos. Caf.* 15.

## SIGILLUM SACRAMENTALE.

1. Agitur in hoc articulo de secreto, quod inviolabiliter servare tenetur confessorius circa ea omnia, quæ poenitens declaravit in tribunali Poenitentiae.

2. Regula hæc generalis est, nullamque patitur exceptionem. Etiam si poenitens sua exponeret peccata absque ulla intentione absolutionem recipiendi, obligatio tamen secreta servandi est eadem; quia est sacrilegium, ut ait D. Thomas.

3. Verum quidem est, quod, si poenitens concedat confessorio facultatem aliquem confessionis articulum alicui declarandi, hic absque peccato uti possit hac facultate; sed prudentia exigit, ut non utatur ejusmodi facultate sine causa urgentissima ac necessaria, idque adhibita omni possibili  
præ-

præcautione, ne cuiquam præbeatur occasio suspicandi, violari sigillum confessionis.

4. Revelatio confessionis est crimen, cujus punitio ad solum judicem ecclesiasticum pertinet, ita ut sic delinquens nunquam trahi possit ad forum sæculare, quod ipsum Parlamentum Tolosanum lata desuper sententia stabilivit.

CASUS I. Cyrillus accepit confessionem Odeberti, qui se accusavit de commisso assassinio. Paulo post comperit Cyrillus, promulgatam esse sententiam excommunicationis in eos, qui habent notitiam auctoris hujus homicidii, nec eum denunciant; imo ipsemet personaliter est citatus ad manifestandam rei veritatem, additis minis, eum nominatim pro excommunicato declarandi, si id recusaret.

¶. Non potest revelare crimen Odeberti ex sola confessione cognitum, quin se sacrilegii reum constituat. *Pontas.*

CASUS II. Si Odebertus Cyrillo, qui antea erat confessarius ipsius in confessionali declarasset crimen suum, non animo confitendi, sed ex motivo aliquo particulari, nullatenus ad confessionem spectante; quid tunc dicendum?

¶. Cyrillus non teneretur ad sigillum sacramentale; quia hæc declaratio, cum non fuerit facta in ordine ad absolutionem consequendam, non obligat ad sigillum confessionis sacramentalis, licet fuerit facta in loco destinato ad administrationem poenitentiae, in quo eadem facilitate, sub prætextu confessionem peccatorum deponendi, confessarius potest ludibriis ac injuriis onerari. Nihilominus Cyrillus posset teneri ad secretum naturale, si Odebertus peccatum suum manifestasset ad petendum consilium. *Pontas.*

CASUS III. Julius confessarius quærit, an non possit absque peccato mortali saltem tacite ac indirecte violare sigillum confessionis, quando alio modo non potest salvare sua bona, honorem & vitam.

¶. Nec sic quidem potest violare sigillum confessionis absque peccato enormi ac gravissimo; cum ad illud teneatur jure naturali, divino ac ecclesiastico. *Pontas.*

CASUS IV. Dydimus excepit confessionem Pauli, ipsique denegavit absolutionem; eoquod nollet relinquere occasionem proximam peccandi. Irritatus per hoc Paulus in ipso confessionali ausus est procacibus verbis insultare Dydimi. Post aliquot menses instituta de pravīs moribus Pauli juridica inquisitione, etiam Dydimus citatur ad judicem ad deponendum testimonium circa præfatum articulum. Potestne testari?

¶. Dy-



¶. Dydimus absolute tenetur servare sigillum. *Pontas.*

CASUS V. Leufridus diaconus scire cupiens peccata ejusdam personæ, accessit confessionale, seque simulavit confessarium ordinarie hinc confessiones excipientem, nonnullosque pœnites jam actu admittit non tamen collata absolutione sacramentali. Teneturne ad sigillum?

¶. Aequè tenetur ad sigillum, ac verus confessarius. Imo & lalcus juxta S. Thomam ad hoc obligaretur. *Pontas.*

CASUS VI. Anselmus excepit confessionem Jolandæ, quæ se accusavit de peccato cum adolescente quodam commissio. Pœnitente jam exeunte ex confessionali Anselmus recordatur, se eam non interrogasse, an Adolescens commoraretur in eadem secum domo; hinc surrexit ex confessionali, ut de hoc illam interroget, & si ita foret, eam jubeat a domo discedere.

¶. Non potuit hoc fieri sine fractione sigilli. Anselmus debuisset revocare pœnitentem ad confessionale, dicendo, se habere, quod illi loquatur, & ibi interrogare. *Pontas.*

CASUS VII. Jodocus parochus ex sola Benedicti confessione scit, quod sit hæreticus, jam plures seduxerit, & etiamnum seducere pergat, sine proposito se convertendi. Potestne uti hac notitia?

¶. Jodocus non potest Episcopo denunciare personam confidentem; sed tantum monere illum, plurimum interesse, ut invigilet gregi suo, ne quis illum seducat; ubi tamen omnis adhibenda præcautio, ne sic se explicet, ut persona, quæ illi confessæ est, agnoscatur, aut in suspicionem trahatur. Dein excipiendo aliorum confessiones, eos conetur confortare in fide, convenientia eisdem consilia suppetitando, sub terminis tamen generalibus. *Pontas.*

CASUS VIII. Damasus excepta confessione ejusdam blasphemæ publicæ, in aliquo conventu amicorum mores ejusdem ore omnium traduci audivit; hinc eum defensorum dixerat, ipsum jam sincere ac serio conversum, ex quo illum a blasphemis suis absolvisset. An licite?

¶. Peceavit Damasus contra sigillum confessionis. *Pontas.*

CASUS IX. Jodanus & Chrysogonus confessarii in aliquo monasterio monialium, cum ambo sæpius alternatim excepissent confessionem alicujus monialis, interdum colloquantur de illius defectibus, ac præsertim de difficultate ejusdem circa obedientiam erga Superiores; idque eo solum

sine, ut facillius ipsi consulant, & uniformiter in ejusdem directione spiritali operentur. An violarunt sigillum?

3. Si defectus hujus mentalis sciunt independenter a confessione, possunt de illis conferre, animo, ut lis medeantur; sed semper summopere cavendum, ne aliquid proferant, quod sciunt ex sola confessione. Si autem hos defectus sciunt solum ex confessione, non possunt de illis colloqui absque fractione sigilli. *Pontas.*

**CASUS X.** Catharina puella omnium existimatione pientissima, graviter ægrotans vocat confessarium suum, eique declarat, se jam ab octo mensibus cum dsmidio esse gravidam, foetumque adhuc vivere. Confessarius eam exhortatur, ut statum suum alteri personæ declaret; quod cum illa recusaret, confessarius absque absolutione eam dimisit. Altera die ingravescente morbo puella denuo vocat confessarium, qui eam jam in agonia deprehendit, & absolvit.

3. Perbene quoad omnia egit confessarius. Notandum autem, confessarium hunc non potuisse manifestare, puellam esse gravidam, etiam si certo præviderit, foetum sine baptismo moriturum. *Pontas.*

*Nota.* Vide & sequere *Notam* infra ad *Casum* 12. Cum enim puella, in priori confessione de sua obligatione monita, de novo vocet confessarium, eo ipso præsumitur dare licentiam ad usum notitiæ sacramentalis, quam per se tenetur dare.

**CASUS XI.** Adrianus Episcopus & Placidus Abbas regularis sciunt ex sola confessione, duos subditorum suorum exercentes curam animarum, aut habentes aliquod officium, vitam ducere admodum depravatam occasione Beneficii, aut officii. Possuntne uti hac notitia?

3. Non possunt hos suos subditos absque violatione sigilli sacramentalis amovere Beneficio vel officio, imò nec subtrahere officium, ipsis solum in animo destinatum. Notitia ex confessione hausta solum uti potest confessarius in sequentibus occasionibus. 1. Ut roget Deum pro conversione pœnitentis, ad quod & tenetur. 2. Ad consulendum virum doctum, qua ratione sit agendum cum pœnitente in casu valde arduo; quod & ipsum cum summa præcautione fieri debet, ne vel minimum gravamen creetur confitenti. 3. Ad propriam correctionem, ut si Superior ex confessionibus inferiorum cognoscat, mala agendi ratione se justis suorum querellis ac murmurationibus ansam dedisse. 4. Ut indaget in vitia, quæ ex confessione scit esse communia in vicinia, & maxi-

maxime grassantia; ad quod autem summa requiritur prudentia. 5. Ut sibi caveat a damnificatione per furtum inferenda, non a quopiam domesticorum, qui forte ipsi confessus fuerat, sed a societate prædonum, quos ex confessione scit, viciniam infestare. *Pontas.*

**CASUS XII.** Ferdinandus Episcopus statuit parochiam quamdam conferre Medardo, quem sacerdotem singulari virtute præditum existimabat. Cum vero aliquando haberet occasionem excipiendi confessionem ejus, utpote apoplexia tacti, reperit eum esse merum hypocritam, imo ne quidem presbyterum, sed tantum diaconum, quamvis publice haberetur pro presbytero, & functiones sacerdotales exerceret. Quid agendum?

¶ Episcopus non obligatur in conscientia insistere suo priori proposito conferendi Medardo parochiam: imo tenetur potius sub peccato mortali mutare suum propositum. *Pontas.*

**NOTA.** Ex fida confessione non nascitur obligatio sigilli sacramentalis, sed tantum secreti naturalis, cujus obligatio cedit obligationi altioris ordinis. Si autem non fit fida, sed seria animo obtinendi absolutionem, poenitens præsumitur dare licentiam ad usum notitiæ sacramentalis, quem poenitens ex ipsa natura actus poenitentialis tenetur per se dare; dummodo fiat sine revelatione confessionis, & rationabili gravamine poenitentis.

**CASUS XIII.** Licinius Visitator generalis in quodam Ordine religioso, reperit, Superiorem cujusdam monasterii actu complexisse annos sui regiminis per constitutiones Ordinis designatos. Audita secreto confessione illius, ob sua eum peccata prorsus indignum reperit officio Superioris. Post aliquot dies proceditur ad novam electionem; vota sunt divisa in hunc ipsum Superiorem, & alium quemdam, ita, ut Licinio decidenda res.

¶ Licinius absque ulla injuria potest hunc Religioso votum suum denegare. *Pontas.*

**NOTA.** Licet responsio ad hos duos posteriores casus videatur non concordare cum responsione ad casum 11., & adversari decreto Urbani VIII. ac declarationi Cardinalium de 1682., in quibus absolute reprobatur omnis usus notitiæ sacramentalis cum gravamine poenitentis, vide tamen superius *Notam* ad Casum 10. & 12. Aliud enim est *revelatio* confessionis, aliud *usus notitiæ sacramentalis* sine revelatione.

**CASUS XIV.** Matthæus usurarius ex professo, tempore paschali confitetur suo paroco, a quo tamen non absolvitur.

Hinc petit, & obtinet ab eo licentiam confitendi Theophilo vicino parochio, promittens, se allaturum testimonium de sua confessione: verum nec ab isto absolvitur.

¶ Theophilus non potest absque fractione sigilli Matthæo denegare testimonium depositæ confessionis, in quo simpliciter testetur, eum fuisse confesum. Sic & parochus, qui ex confessione sui vicarii scit, eum vivere luxuriose, non potest ipsi denegare testimonium vitæ & morum, quando hoc petit in præsentia cujusdam, qui scit, hunc vicarium confesum fuisse parochio; imo etsi nemine præsentem solus a solo peteret. Idem dicendum in pari casu de rectore Seminarii, ac de Episcopo, prout & de parochio ex sola confessione sciente impedimentum dirimens matrimonium, cui assistere tenetur. *Pontas.*

NOTA. Ex istis terminis; in *præsentia cujusdam &c.* colligere licet, à Pontasio distingui revelationem confessionis ab usu notitiæ sacramentalis. Vide *Notam* ad *Cas.* 10. 12. 13.

**CASUS XV.** Philemon in confessione se accusans de furto, ex imprudentia, ac sine ulla necessitate detegit complicem suum. An etiam quoad hunc sigillum obligat?

¶ Confessarius tenetur ad sigillum non solum respectu poenitentis, sed etiam respectu complicis. *Pontas.*

NOTA. Dependet ab intentione poenitentis necessaria vel præsumpta, an, & quousque debeat aut velit concedere licentiam pro usu hujus notitiæ sacramentalis, attamen absque revelatione confessionis & absque præjudicio, seu iusto gravamine poenitentis.

**CASUS XVI.** Isaacus parochus ex confessione cujusdam parochianæ suæ deprehendit, non solum eam furio & luxuriæ esse deditam, sed etiam plures parochianorum suorum utriusque criminis esse complices.

¶ Si parochus absque manifestatione peccatorum hujus scæminæ per notitiam complicum possit malis hisce mederi, ipsaque poenitens libere ad id concedat facultatem, ea uti potest. *Pontas.*

NOTA. Vide *Notam* ad *Cas.* 15.

**CASUS XVII.** Hector excipiens confessionem Judithæ, ex ea percipit, quod in confessionali fuerit sollicitata a priori suo confessario, & sciat insuper, plures alias personas ab eo sollicitari.

¶ Hector

¶. Hector absque violatione sigilli sacramentalis potest cum consensu Judithæ confessorium illud denunciare Episcopo, si ipsa adduci non possit, ut id in se suscipiat. Verum si alicubi, certe in similibus casibus plusquam necessaria est prudentia ob sequelas, quæ facile exinde oriri possunt. Pontas.

NOTA. Per constitutionem Benedicti XIV. *Sacramentum penitentiae*, editam 1741. tenetur ipsa persona sollicitata suo nomine denunciare sollicitantem. Quomodo id faciendum, prudens ac discretus docebit confessorius.

CASUS XVIII. Franciscus Gualteri famulus confessus est, se cum duobus aliis famulis abstulisse hero suo pecuniam. Ut vero obtineret ablatis condonationem, tum etiam, ut præcaveret ulteriora furtiva a reliquis duobus famulis committenda, dedit confessorio licentiam id manifestandi Gualtero; qua licentia confessorius etiam usus est. Num bene?

¶. Gualterus obligatur ad non manifestandum peccatum Francisci. Pontas.

CASUS XIX. Libertus mercator Lubecensis, nec sciens linguam Gallicam nec latinam, confessus est in Gallia per interpretem. Num hic tenetur ad sigillum?

¶. Interpres tenetur ad strictissimum secretum. Pontas.

CASUS XX. Liminius confessorius aliquando exactus in observatione sigilli, solet tamen nonnunquam manifestare peccatum veniale, quamvis expresse non dicat, se hoc aug. divisisse in confessione.

¶. Talis manifestatio est tantum peccatum veniale, si fiat solum ex indeliberatione ac inadvertentia. Pontas.

NOTA. Usus proin notitiæ solum sacramentalis poenitente præsumptivo invito, etiamsi duntaxat cedat in levissimum ejus rationabile gravamen, vel præjudicium, est peccatum mortale, nisi indeliberatio, vel inadvertentia a mortali excuset.

CASUS XXI. Amadeus confessorius Bertrandi diligenter quidem cavet, ut loquendo de Bertrando non revelet aliquod illius peccatum, ne quidem veniale; nullum tamen sibi movet scrupulum manifestandi alias res, quas ex eo in confessione percepit. Num frangit sigillum?

¶. Violat sigillum confessionis, si talia narret, ex quibus agnosci possit aliquod peccatum Bertrandi; peccat insuper peccato scandali dati audientibus, qui facile judicant, talia libere proferentem aut sigillum confessionis fregisse, aut, quod pejus est, etiam primum ad revelanda vera peccata. Pontas.

**CASUS XXII.** Ennius excepit confessionem Jódoci, qui se accusabat de peccatis quibusdam publicis ac valde scandalosis. Itaque existimat, illi juxta consilium sui Episcopi imponendam esse pœnitentiam publicam; sed timet, ne per hoc indirecte manifestentur peccata pœnitentis.

q. Timor iste est irrationabilis: non enim violatur sigillum confessionis per injunctionem pœnitentiæ publicæ pro peccatis publicis. *Pontas.*

**CASUS XXIII.** Hilarus parochus advertenter ac deliberate revelavit confessionem cujusdam suorum parochianorum. Quam pœnam incurrit?

q. Non est suspensus *ipso jure*; meretur autem deponi per sententiam juridicam Episcopi sui. *Pontas.*

**CASUS XXIV.** Maceus confessarius in parochia quadam, nesciens, quomodo se gerere debeat erga aliquem sacerdotem consuetudinarium, qui confiteri consueverat, consulit suo nomine proprium præfati consuetudinarii parochum, virum omnium opinione doctissimum, sic tamen, ut modo aliquo imperfecto detexerit ipsum pœnitentem. Num bene egit?

q. Confessarius iste male egit consulendo proprium pœnitentis parochum, & adhuc pejus id faciendo suo nomine. Videtur tamen, Maceum non peccasse mortaliter; quia personam pœnitentis tantum detexit modo confuso & imperfecto, idque solum ex scrupulositate & anxietate mentis. *Pontas.*

**CASUS XXV.** Nicomedes advocatus advertens in parcho suo ingens desiderium sciendi aliquod secretum, quod etiam ei detegit; ea tamen conditione, ut illud recipiat sub sigillo confessionis; quamvis id actum fuerit extra confessionale, & alias advocatus iste parcho suo nunquam confessus fuerit.

q. Parochus tenetur servare secretum, ac si ipsi innotuisset in confessione. Nihilominus illud ex gravi causa v. g. ut obediat judici, vel consulat bono publico, revelando non peccaret contra sigillum confessionis. Notandum autem, non de facili aliquid esse recipiendum sub hac conditione. *Pontas.*

*Nota.* Cum hic modus loquendi non contrahat obligationem secreti sacramentalis, patitur duas exceptiones.

**CASUS XXVI.** Cosmas laicus proxime assumens confessionem intellexit quendam peccata personæ confitentis, ea-

que declaravit cuidam amico, cui nota erat persona confitens. Tenenturne ambo sigillo?

9. Tam Cosmas quam amicus ejus tenetur ad strictissima servandum secretum. *Pontas.*

CASUS XXVII. Quæritur 1. Num confessorius proprio mbitu possit revelare peccata sui pœnitentis, sub prætextu promovendi bonum ipsius spirituale.

2. Potestne confessorius petere licentiam a pœnitente revelandi confessionem ipsius, ratione utilitatis exinde in pœnitentem redundaturæ?

3. Potestne confessorius hac licentia a pœnitente obtenta, de rebus in confessione declaratis conferre cum Superioribus pœnitentis?

4. Tenenturne persona pœnitens, quæ habuit turpe commercium cum Clerico, eum nominare, confessorio id postulante?

5. Potestne confessorius, qui simul est judex ecclesiasticus, excipiens confessionem cujusdam pœnitentis, quæ se accusat de turpi peccato cum Clerico commisso, eam obligare, ut veniat in domum suam, & extrasacramentaliter deponat contra hunc Clericum; aut ei, si id facere renuerit, denegare absolutionem? Potestne eam obligare, ut talem Clericum deferat ad judicem?

6. Potestne aut debet confessorius talem pœnitentem obligare ad concedendam licentiam ejusmodi Clericum deferendi ad judicem, aut ad Superiores; Ipsique denegare absolutionem, ni ipsa deferat, aut eum deferendi licentiam confessorio concedat?

7. Quomodo utendum confessorio tali licentia?

8. Possuntne Superiores uti tali notitia ad exprobandum suis subditis crimen?

9. Possuntne Superiores firmiter insistere rei, quam tantum sciunt ex eo, quod pœnitens eam declaraverit in confessione, eamque revelandi confessorio facultatem dederit?

10. Licetne hoc medio uti ad deferendam Superioribus pessimam vitæ, rationem parochi aut aliorum, qui absque hoc reprehendi aut convinci non possunt?

11. Potestne parochus hac ratione parochianorum suorum vitia detegere, ea ex cathedra arguere, iisque mederi? possuntne id ipsum Missionarii durante sua missione?

γ. Inprimis in genere. 1. Confessorius tenetur servare sigillum jure divino, & ex institutione Sacramenti. 2. Omnis notitia in confessione ex pœnitente hausta in foro interno suis tanquam limitibus constringi debet. 3. Confessorio

fario neque cum ipso pœnitente de peccatis suis loquendum extra confessionale. 4. Confessarius potius debet subire mortem, quam uti notitia in confessione hausta, ac prodere secretum. 5. Confessarius non debet a pœnitente licentiam petere personam quampiam deferendi ad Superiorem. Vide exceptionem in *Respons.* ad 2. His suppositis, in particulari.

*Ad 1.* Confessarius, qui proprio motu sub quocumque pretextu secretum confessionis violat, meretur deponi, ac per petuis carceribus mancipari.

*Ad 2.* Confessarius potest petere a pœnitente licentiam utendi notitia in confessione hausta ex gravi necessitate, aut utilitate pro bono saluti pœnitentis, eaque uti, si libere ac expresse eam concedat pœnitens. Cavendum autem summo opere, ne imites facti sibi concessionis transgrediatur, & ultra intentionem pœnitentis ea utatur, ac ne scandalum vel minimum ex hac oriatur.

*Ad 3.* Per licentiam hanc a pœnitente confessario factam non censetur concessum, ut de re in confessione percepta nominatim conferat cum Superiore pœnitentis.

*Ad 4.* Pœnitens non debet in confessione nominare suum complicem, si absque eo potest explicare peccatum suum: imo confessarius ipse tenetur personam pœnitentem impedire, ne nomet complicem, si advertat eam ad hoc dispositam ac paratam.

**NOTA.** Benedictus XIV. in duabus constitutionibus confessariis prohibet passim a pœnitentibus exquirere nomina complicum.

*Ad 5.* Pœnitens non potest obligari ad deponendum contra suum complicem, etiam confessarius simul sit Officialis aut Promotor.

**NOTA.** Potest tamen, & debet confessarius pœnitenti declarare ipsius obligationem, denunciandi Superiori perniciosos bono publico v. g. seductores juventutis ad magiam, sodomiam &c. & si hoc recusent, deneganda est ipsis absolutio.

*Ad 6.* Etiam si persona pœnitens foret obligata ad deferendum complicem, ad quod tamen non obligatur, nihilominus confessarius ordinarij non debet in se suscipere facultatem deferendi.

**NOTA.** Quando agitur de damno gravissimo boni publici, quod quis tenetur præferre vitæ aut famæ propriæ, complex tenetur denunciare reum cum proprio præjudicio, postulata tamen sibi impunitate.

*Ad*



**Ad 7. Confessarius non debet acceptare huiusmodi facultatem, multo minus ea uti.**

**NOTA.** Quando poenitens non potest personaliter denunciare complicem perniciosum bono publico, confessarius tenetur acceptare facultatem mouendi Superiorem de capienda informatione, quatenus opus, ex ipso poenitente.

**Ad 8. Et 9. Superiores non possunt uti notitia per licentiam a poenitente confessario factam hausta ad reprehendendos aut puniendos subditos delatos.**

**NOTA.** Cum Benedictus XIV. in sua *Constitutione* de obligatione denunciandi confessarios sollicitantes ad turpia permittat procedi ad reprehensionem & punitionem denunciati, idem observandum circa alia crimina nociva bono publico, siue poenitens ea denunciaret personaliter per se ipsum, siue suo rogatu per confessarium; dummodo Superior per se, vel delegatum excipiat attestationem poenitentis fide digni &c.

**Ad 10. Si nulla alia ratio præsto est convincendi huiusmodi parochos criminosos, omnino abstinendum est interea ab eorum correptione.**

**NOTA.** Unus quidem denunciantis testimonium non sufficit ad puniendum denunciatum. Si tamen ex qualitate & numero plurium denunciantium habeatur moralis certitudo de delicto, juxta Benedictum XIV. potest procedi ad poenam ordinariam, ubi id exigit bonum publicum.

**Ad 11. Parochus non potest uti notitia ex sola confessione parochianorum suorum hausta ad hoc, ut medelam ferat vitis in parochia grassantibus. Idem dicendum de Missionariis, etiam concessa ad id a poenitentibus licentia. Fromageau.**

**NOTA.** Hoc intelligendum in eo sensu, ut parochus vel Missionarius non loquatur de vitis parochiæ propriæ vel alterius determinatæ, præsertim exiguæ. Ut enim concionator prædicet contra vitia grassantia abstrahendo a circumstantia locorum, personarum, & temporum, ex qua poenitentium quis coram aliis posset suffundi rubore, nullus consitentium potest esse prudenter invitus.

**CASUS XXVIII. Confessarius quidam in conversatione cum Episcopo suo ex inconsideratione dicit; plures personas sibi confessas se accusasse, quod emerint venena a pharmacopola quopiam in quadam urbe diocesana degente.**

**¶.** Episcopus nullatenus potest uti hac notitia ex imprudentia confessarii hausta, etiam ad bonum spirituale pharmacopolæ. *Fromageau.*

**NOTA.** Si ea venditio possit tribui imprudentiæ pharmacopœe nimis creduli de usu licito venenorum, non foret illicita illius admonitio pro majori in posterum cautela, abstrahendo tamen a circumstantiis relativis ad præteritum.

**CASUS XXIX.** Confessarius quidam interrogatur a iudice. Quid illi respondendum?

ꝑ. Respondere debet, se confessarium esse, & nihil habere, quod dicat. Neutiquam autem ei licet effugium querere per mendaciam, dicendo; se non excepisse confessionem criminosi *Homageau*.

**CASUS XXX.** Parochus scit ex confessione personæ matrimonium contrahere volentis, ob stare impedimentum dirimens. Potestne denegare benedictionem nuptialem contracturis, si vel sit, etsi de impedimento moniti, publice contrahere matrimonium?

ꝑ. Si aliunde non sciat impedimentum dirimens nisi ex confessione, non potest denegari benedictio; neque id fieri posset sine læsione sigilli Sacramentalis. *De Lamet*.

**CASUS XXXI.** Parochus ex confessione sciens, plura jam a famulo domestico sibi furto ablata fuisse, plures adiutus, qui prius patuerant, obductis seris occludit; nec eo amplius utitur ad numerandas pecunias, prout antea consueverat. Violatne secretum confessionis?

ꝑ. Violat; quia ob scientiam haustam in confessione facit & omittit aliquid, quod nec fecisset, nec omisisset, si confessionem non excepisset; id quod palam fieri non potest absque violatione secreti confessionalis. C. B.

**NOTA.** Non est fractio sigilli, nec usus illicitus notitiæ sacramentalis, si absque infamatione vel nota suspectionis apud alios homines confessarius famulo vel subdito subtrahat occasionem peccandi, quam poenitens per se tenetur vitare aut optare, ut sibi præcindatur.

**CASUS XXXII.** Confessarius quidam dicit amicis suis, in certo pago gravissima committi crimina. Potestne sic loqui absque violatione sigilli?

ꝑ. Non potest: etsi enim confessarius non violaret sigillum sic loquendo de magna urbe; quia tamen hic agitur tantum de quodam pago, in quo plebs degit non numerosa, certum est, a confessario per ejusmodi locutionem ansam præberi variis suspitionibus de personis particularibus, quod sufficit ad violationem sigilli. C. B.

**CASUS XXXIII.** Confessarius quidam ruralis rogat quempiam ex amicis suis in urbem episcopalem abeuntem, ut si

bi petat licentiam pœnitentem aliquem ab incestu absol-  
vendi.

y. Si ejusmodi declaratio potest occasionem præbere de-  
tégendi quodam modo illum, qui hoc crimen commisit,  
confessarius violat secretum. Si autem nec a longe timenda  
sit ejusdem manifestatio, non violatur sigillum. Confessa-  
rius tamen prudentius ageret, si hanc licentiam petat per  
obsignatas literas. C. B.

NOTA. Ejusmodi commissio est contra omnes leges prudentiæ: quia  
antiam præbet variis observationibus, conjecturis ac suspicionibus de  
confanguineis aut affinibus, quos inter peculiaris familiaritas &  
amicitia notatur. Maxime in Gallia aliisque locis, ubi hodieum  
juxta veterem disciplinam confessio paschalis soli parochio deponen-  
da est, ea retractio pœnitentis merito timenda foret.

**CASUS XXXIV.** Presbyter quidam audita confessione  
Petri, quæ erat satis proluxa, alta voce dicit, eum non  
fuisse absolutum, eoquod confessionem suam nondum fini-  
liet. Num violavit sigillum sic loquendo?

y. Violavit: nam, eum ex confessione proluxiori, ma-  
xime virorum, si non sit confessio generalis, homines or-  
dinarie inferant aut ingentem peccatorum numerum, aut de-  
fectum notabilem ex parte pœnitentis, certum est, confes-  
sarium sic loquendo saltem indirecte declarasse, Petrum aut  
reum esse plurium peccatorum, aut eum non esse bene di-  
spositum. Cum autem in casu non dicatur, confessionem Pe-  
tri fuisse generalem, omnes insuper adstantes sciant, eam  
fuisse admodum proluxam, dubitari non potest, quin pres-  
byter iste sigillum confessionis violaverit. C. B.

NOTA. Pessime egisset hic confessarius; etiamsi addidisset, Petrum in-  
choasse confessionem generalem; id quod coram adstantibus mani-  
festare saltem fuisset inutile.

**CASUS XXXV.** Sacerdos quidam, confessarius ordina-  
rius Titli, in præsentia plurium personarum dicit, eum esse  
scrupulosum. Num violat secretum confessionis?

y. Violat, saltem nisi jam antea notorium fuerit, eum  
esse scrupulosum. Ratio est; quia sub sigillum cadunt non  
solum peccata pœnitentis, sed etiam defectus occulti sive  
physici, sive morales, quorum manifestatio pœnitenti posset  
pudorem injicere & confusionem, eique reddere confessio-  
nem, onerosam, ac odiosam. C. B.

**CASUS XXXVI.** Confessarius quidam reprehenditur,  
quod abolverit Arsenium ab excommunicatione, quam pu-  
blice incurrerat; ille autem respondet: Absolvi illum, &  
qu-

quidem iuste potui ipsum absolvere. Num violat sigillum sacramentale ?

3. Violat; quia declarat peccatum in confessione perceptum : licet entis hæc manifestatio non sit odiosa poenitenti, nihilominus ea opponitur virtuti Religionis, quæ nunquam permittit revelari peccata in confessione declarata. C. B.

Vide *Absolutio*, *Approbatio*, *Confessarius*, *Confessio*, *Contritio*, *Secretum*, *Occasio peccandi* cap. 3.

## S I L V A.

1. Hic comprehenduntur variae lignorum species, ut alta ac proceræ, cædua, ædificiis ac navigiis apta, foco destituta, arida & exsucca.

2. Silvæ quædam sunt regię, aliæ Communitatum ecclesiasticarum tam sæcularium quam regularium, & aliæ privatorum.

3. Abbates alique Beneficiati, cum tantum sint administratores & œconomi bonorum Beneficialium, non possunt arbores altas ac proceras cedere absque permissione regia; imo nec ligna cædua, nisi requisiti prius rei saltuarie Præfectis.

4. Arbores proceræ censentur inter bona immobilia, subjacentque, antequam cæsæ sint, juri retractus, non autem manus injectioni, nisi reali. Ligna cædua autem habentur pro bonis mobilibus, etiam si cæsa nondum sint, neque juri retractus subjacent, licet manus injectioni sint obnoxia, ut ligna proceræ jam cæsæ.

5. Jus cognoscend super possessione ac proprietate silvarum est penes Prætores; circa depopulationes autem & strages silvarum cognoscendi jus habent Præfecti rei aquariæ ac saltuariæ.

CASUS I. Ulysses agricola pauperrimus tanta necessitate premitur cum uxore ac liberis, ut ex defectu ligni nec calefacere hypocautum, nec cibum coquere posset. Suadetur ipsi, ut noctu silvam petat regiam, aut aliam ad Dominum loci pertinentem, ex eaque ligna pro sua necessitate asportet.

3. Ulysses ob extremam paupertatem absque peccato potest ex his silvis asportare pro necessario usu ligna arida, exsucca, putrida, aut vepreta, spineta, rubos & similia exigui valoris; dummodo stragem non edat notabilem. *Pontas*.

**CASUS II.** Bartholomæus & Lucia in contractu matrimoniali communia fecerunt decem jugera silvæ cædnæ; & hinc, Lucia anno ante cætionem hujus silvæ absque prole fatis functa, Bartholomæus prætendit partem lignorum cæforum pro ratione temporis, quo vixit in conjugio cum Lucia; quia hæc bona erant utrique communia.

¶ In quibusdam locis ligna cædua decimo quovis anno cæduntur; in aliis decimo quinto; in aliis vigesimo primum. Ex quo sequitur, superstiti conjugum in salvo esse jus suum commodum percipiendi ex ejusmodi bonis communibus. Hinc absque injuria Bartholomæo denegari non potest pars lignorum, quam prætendit; & si ipsi denegaretur, posset agere contra hæredes uxoris suæ defunctæ. *Pontas.*

**CASUS III.** Mobertus agricola possidet domum ac villam; quæ cum necessario reparandæ essent, jus se habere non dubitabat necessaria ad reparationem ligna cædendi in vastissima silva communitalis, cujus ipse membrum erat. Incolæ vero reliqui opponebant sese, non aliud Moberto jus concedentes, quam ligna cædendi pro foco suo necessaria.

¶ Male se opponunt incolæ: Mobertus enim jure in silva communi ligna cædit non solum pro foco, sed & pro reparatione ædificiorum suorum necessaria. *Pontas.*

**NOTA.** Hic observandæ leges vel consuetudines particulares locorum. Si Mobertus haberet nudam casam vel domum recenter structam ex solo privilegio Principis, non est verosimile, Principem voluisse præjudicare jurebus communitalis.

**CASUS IV.** Julius Abbas commendatitius vult cædere quædam jugera lignorum in silva pertinente ad Abbatiam suam, ex eorum venditione lucrum capturus.

¶ Injuste agit Jullus: Beneficiatus enim non habet dominium fundorum Beneficii sui. *Pontas.*

## S I M O N I A.

**I.** Ex definitione S. Thomæ *Simonia est studiosa voluntas emendi vel vendendi aliquid spirituale vel spirituali annexum;* sub quibus verbis S. Doctor comprehendit omnem conventionem aut contractum non gratuitum. Hinc simoniacum est, sive temporale detur tanquam pretium Beneficii, sive tanquam motivum illud eo certius obtinendi. Dux sunt species Simonie, una est prohibita jure divino, altera jure eccle-

ecclesiastico ; prior est , si quis offerat quidquam temporale , ut obtineat aliquid ex sua natura spirituale , ut sunt Sacramenta , vel ut obtineat spirituali annexum , ut sunt Beneficia , & sacra vasa : posterior est , quæ solum per Canones prohibetur ; talis est permutatio Beneficii propria autoritate facta cum alio Beneficio ; vel si quis emat officium , seu munus , cui annexum est jus exercendi jurisdictionem ecclesiasticam.

2. Simonia subdividitur in *mentalem* , *conventionalem* , & *realem* : Mentalis est sola mala seu perversa voluntas absque ullo contractu seu pacto expresso vel tacito. Conventionalis est ea , in qua præter malam voluntatem accedit conventio peccaminosa expressa , aut mala intentione facta ; & hic observandum , ob talem Simoniam non incurri censuras , si mere conventionalis ac absque effectu sit. Realis demum in eo consistit , quod facta conventio simoniaca actu ab utraque convenientium parte executioni sit data.

3. De aliis tribus modis , quæ Simonia committi potest , & dicuntur *a manu* , *ab obsequio* , & *a lingua* , sermo infra recurret.

4. Est insuper Simonie species , quæ vocatur *confidentialis* ; & hanc Pius IV. & Pius V. damnarunt , ac declararunt , eam committentes esse privandos omnibus Beneficiis & officiis ecclesiasticis , eosque & in futurum esse inhabiles ad ea aquirenda absque legitima dispensatione. Committitur autem hæc Simonia , dum vel expressa vel tacita sit conventio obtentum beneficium cedendi tertio , aut partem fructuum reddendi illi , qui Beneficium contulit ; aut alteri , quem ille designaverit.

5. Conventus Cleri Gallicani censura notavit anno 1700. sequentes propositiones :

*Propositio LXIX.* Non est contra iustitiam , Beneficia ecclesiastica non conferre gratis , quia collator conferens illa Beneficia ecclesiastica , pecunia interveniente , non exigit illam pro collatione Beneficii , sed veluti pro emolumento temporali , quod tibi conferre non tenebatur.

*Propositio LXX.* Dare temporale pro spirituali non est Simonia , quando temporale non datur tanquam pretium , sed duntaxat tanquam motivum conferendi , vel efficiendi spirituale ; vel etiam quando temporale est solum gratuita compensatio pro spirituali , aut e contra.

*Propositio LXXI.* Et id quoque locum habet , etiam si temporale sit principale motivum dandi spirituale ; imo etiam si sit

fit finis ipsius rei spiritualis, sic ut illud pluri æstimetur, quam res spiritualis.

**CENSURA.** Hæ propositiones temerariæ sunt, scandalosæ, perniciosæ, erroneæ; hæresin simoniacam sacra Scriptura, canonibus & pontificiis constitutionibus reprobata, mutato tantum nomine, per fallacem mentis sive intentionis directionem inducunt.

6. Propositiones istæ jam antea ab Alexandro VII. & Innocentio XI. damnatæ fuerunt.

**CASUS I.** Potamion Episcopus collaturus Beneficium curatum amplissimum evidenter digniori sex vocat presbyteros ad concursum seu examen, eique spondet Beneficium, qui præ cæteris se magis probaverit idoneum. Sedulius unus ex prædictis sciens, Sylvianum scientia facile emmentissimum compariturum ad concursum, promittit ei centum aureos hæc conditione, ut tentamen pro consequendo Beneficio non subeat. Annuit iste, & hac ratione Sedulius Beneficium adeptus est. An in hoc casu propter instam conventionem & subsequutum effectum Simonia intervenit? Num etiam interveniret, si Sedulius rei cursoriæ Præfecto dedisset pecuniam hæc conditione, ut Sylviano equum deneget, ne possit cursorem mittere Romam ad impetrandum in Curia Beneficium, antequam concursus instituat?

*ÿ.* In primo casu intervenit realis Simonia; eoquod Sedulius non nisi ope pecuniæ obtinuerit Beneficium, quod ob eminentiam doctrinæ merito sibi sperare potuisset Sylvianus. Idem dicendum circa secundum casum, quia Sedulius data pecunia præclusit impetrationem Beneficii Sylviano, qui ejusdem provisionem in tempore adhuc Romæ obtinere potuisset. Unanimis Theologorum Parisiensium doctrina est hæc: *Exigere, dare, accipere aut promittere aliquid temporale pro Beneficio ecclesiastico obtinendo, sive per modum pretii, sive per modum motivi, aut gratuita compensationis, Simonia crimen est.* Et denuo: *Qui munus aliquod aut officium data pecunia, aut alia re pretio æstimabili sibi comparat ad intentionem, ut Beneficia obtineat, simoniacus est.* Quibus verbis omne effugium intercluditur vanis subtilitatibus ac ingeniosis speculationibus laxiorum Casuistarum hominibus placencia loquentium. In utroque igitur casu Sedulius reus est Simonia; cum pecuniam dederit animo obtinendi Beneficium. *Pontas.*

**CASUS II.** Theopompus noviter fuit electus Archiepiscopus Diarbeckensis, interdictis tamen sibi omnibus dignitatibus suæ functionibus, nisi Præfecto Turcico prius solvisset 5000, florenos. An licite possessionem sui archiepiscopatus adire potest mediante solutione hujus summæ?

*q.* Aut Theopompus legitime fuit electus, vel non? si primum, jam acquirit jus in re ad suam dignitatem; hinc cum consecratio ipsius & possessionis aditio non nisi injustissime impediatur a Præfecto Turcico, absque Simonia potest solvere petitos 5000. florenos. Verum si non fuisset canonicè electus, & dictam summam daret ideo, ut dignitatem hanc obtineret, absque dubio reum se faceret Simonie realis. *Pontas.*

**CASUS III.** Pontianus presbyter, Doctor ac Professor Theologiæ, vir pietate & sapientia conspicuus ab Irenæo patrono præsentatus fuit ad parochiam. Dum autem de doctrina sua suspectus haberetur, licet absque omni fundamento, non potuit ab Episcopo obtinere collationem & necessarium *Visa*. Pontianus per hanc denegationem injuriam sibi factam ratus, obtulit Secretario Episcopi viginti aureos, & sic collationem ac institutionem obtinuit. An non intercessit Simonia?

*q.* Nominatio ad Beneficium, per quam jus ad rem acquiritur, non sufficit ad hoc, ut quis se redimere possit ab injusta vexa; sed requiritur jus in re, quod tamen Pontianus per solam præsentationem necdum consecutus est: hinc etiam denegatio episcopalis *Visa* non potest dici injusta vexatio. Pontianus ergo, si intuitu oblatæ Secretario Episcopi pecuniæ parochiam obtinuit, veræ Simonie reus est. *Pontas.*

**NOTA.** Injustitia vexæ non desumitur tantum ab injusta exclusione a jure certo, sed etiam a jure spei v. g. a concursu, a communi examine, a defensione. Hinc si Pontianus scit, se esse certo innocentem, non est reus Simonie.

**CASUS IV.** Judas aspirans ad parochiam vacantem Juvenali Patrono, quem sciebat pecuniarum indigum ad prosequendam litem, donat triginta aureos, ut ipsius lucretur amicitiam, eumque ad sui præsentationem ad parochiam inducat; quin tamen illam postulasset. Juvenalis in recognitionem præsentavit Judam, qui obventa institutione canonica sumpsit possessionem parochiæ. Estne Judas Simonie reus?



g. Natura Simoniae consistit potissimum in voluntate obtinendi spirituale per temporale aut temporale per spirituale. Juxta S. Bonaventuram in 4. dist. 25 art. 1. c. 4. ad committendam Simoniam sufficit spirituale non dare gratuito, aut non dare temporale nisi pro spirituali tanquam fine principali. Concordat in eo etiam D. Thomas in 4. dist. 25. q. 2. art. 2. quaestione. 1. C. Ex quo sequitur, Judam esse reum Simoniae realis, & incurrisse poenas in simoniacos latas; cum triginta aureos Juvenali non dederit, nisi ex motivo obtinendi parochiam. Pontas.

CASUS V. Antonius patronus, homo pecuniae cupidissimus, offert Leandro praesentationem ad vacantem parochiam pro quinquaginta aureis. Leander interposito etiam juramento hanc summam daturum se spondet, sine animo tamen complendi promissum. Antonius igitur hac promissione inductus praesentat Leandrum, qui etiam post obtentam institutionem canonicam adiit possessionem parochiae; & cum ab Antonio summa promissa postularetur, respondit, se absque labe Simoniae promissum stare non posse, provisionemque suam, si quid solveret, fore nullam. An Leander ob solam fictam promissionem, quam nunquam adimplere cogitaverat, Simoniam commisit?

g. Idem est in ordine ad committendam Simoniam juxta D. Thomam 2. 2. q. 100. live solum, & quidem ficte, promittatur, live actu detur temporale pro spirituali: quis semper verum est dicere, rem spirituales obtineri pro temporalibus, quando obtinetur intultu promissi, sine quo non fuisset obtenta, ut in praesenti casu. *Sanctorum Patrum sententiis consona sentientes*, inquit Patres Concilii Melphican. sub Urbano II. 1090. celebrati, *Dei & Apostolorum ejus parte praecipimus, ne quis ulterius dato vel promisso, vel pretio vel servitio ea intentione impenso, vel precibus episcopalem nitatur assequi dignitatem ... Hoc idem etiam de omni ecclesiastica dignitate vel officio, Apostolica potestatis auctoritate praefigimus. Alias & dator & acceptor proprii Ordinis dignitate priventur.* Pontas.

CASUS VI. Albertus titulum habens in quadam Capellania, cum se ad statum clericalem haud vocatum sentiat, declarat Titiae amicae suae, se simpliciter velle resignare titulum ad dictam capellam Bremondo ipsius filio sine ullo motivo temporalis commodi. Interea elapso octiduo petit a Titia, ut sibi commodet 100. imperiales; Titia etiam hanc summam cum consensu sui confessorii commodavit Alberto,

*Lit. Cas. Conf. Tom. III.*

*E e*

*&*

& quidem adhuc illo tempore, quo Albertus factam resignationem potuisset revocare. An Titia rea est Simonia?

g. Si Titia nullum omnino inuit pactum expressum, vel tacitum, & commodando dictam summam non intendit Albertum permovere, ne revocet factam resignationem, nec Simonia nec ullius peccati rea est. *Pontas.*

CASUS VII. Attilius presbyter in se suscepit munus Eleemosynarii apud quemdam ministrum regum ea principali intentione, ut autoritate hujus ministri aliquam Abbatiam obtineret; hinc etiam per decennium strenue suo functus est munere. Interea tamen præter 200. florenos, quod annum salarii erat, expendit de proprio peculio 500. florenos in sumptus pro conservando sub charactere necessarios. Tandem obtinuit Abbatiam, cujus annui redditus sunt 2000. floreni. An Simonia se reum fecit Attilius?

h. Si in acceptatione muneris Eleemosynarii principalis Attilii intentio fuit curandi solum spiritualia in domo ministri, licet secundaria ipsius intentio fuerit per bonam suam conversationem suo tempore promerendi aliquod Beneficium, excusari potest ab omni Simonia. Verum cum in casu ponatur, principalem ejus intentionem fuisse per sua servitia assequendi Beneficium, a Simonia purgare se non poterit: ea enim committitur, quandocumque pro consequendo spiritali datur temporale, quale est servitium. *Bonum temporale, quod potest aliquis ab alio expectare, ait S. Thomas in 4. dist. 25. q. 3. art. 3. C. vel est ex parte animæ, sicut amicitia aut favor; Et quantum ad hoc est munus a lingua: vel ex parte corporis, sicut aliquis actus corporaliter exercitus; Et quantum ad hoc est munus ab obsequio: vel est aliquid exteriorum bonorum; Et sic est munus a manu. Quantum ad primum, committitur Simonia per munus a lingua; quia lingua opinionem exprimit Et gratiam conceptam. Quantum ad secundum, per munus ab obsequio. Quantum ad tertium, per munus a manu. Si igitur ex triplici hoc rerum temporalium genere quidquam pro re spiritali detur, Simonia committitur. Verum quidem est, in casu Simonia a lingua vel ab obsequio de se non incurri censuras, nec privationem Beneficii; ille tamen, qui obtinuit Beneficium per Simoniam a lingua vel ab obsequio, non est legitimus possessor ac Titularis in foro interno; ideoque non potest illud resignare aut retinere, nisi ex permissione confessorii, qui eam ex justa causa concedere potest: confessorius enim habet jus cognoscendi & judicandi de actibus poenitentis internis. *Pontas.**

**CASUS VIII.** Lucillus presbyter & Doctor Theologiæ suscepit munus Vicarii generalis, aut Missionarii apud quemdam Episcopum ex hac principali intentione, ut per hoc, quod se impendat functionibus pure spiritualibus, obtinere possit dignitatem aut præbendam in ecclesia cathedrali. An ipsius intentio simoniaca est, aut vitiosa?

¶ Intentio Lucilli certe vitiosa est, quia juxta S. Bernardum *de vita & moribus Clericorum* c. 5 invertit ordinem naturalem utendo rebus spiritualibus tanquam motivo acqui- rendæ rei temporalis, quo fit, ut finem ordinet ad media; cum tamen media ordinanda essent ad finem. Pontas.

Vide *Cas.* xi.

**CASUS IX.** Sidonius Episcopus unam præbendam dedit suo nepoti, & alteram suo cognato hac intentione, ut suas partes in capitulo, cujus aliqua membra se ipsi opposue- runt, redderet fortiores, & etiam ut sua familia fieret illu- strior. An reum se fecit Simoniae mentalis?

¶ Juxta S. Thomam in 4. dist. 25. q. 3. art. 3. ad 7. ejus- modi intentiones sunt simoniacæ. Qui intendit aliquod bonum in se ipsum redundans; ait, sic quod magnificetur per hoc & no- bilitetur domus sua, vel quod ipse in consanguineis sit fortior; & sic ipse aliquid accipere sperat, pro quo spiritualia dat & Si- moniam committit, & reducitur ad id munus in quo continetur commodum, quod ex tali ratione sperat. Pontas.

**CASUS X.** Didacus Decanus ecclesiæ cathedralis exhibuit aliqua beneficia temporalia Jacobo & aliis suis Conca- nonicis ea de causa, ut eos sibi reddat faventes non ex mo- tivo proprii commodi, sed procurandæ Dei gloriæ, boni Ecclesiæ, & salutis proximi causa in deliberationibus capitularibus, in quibus sæpe contrarios sensit. An simoniacum quid intercessit?

¶ S. Thomas Quodl. 4. art. 23. C. nullam in hoc casu Simoniam reperit; cum nulla intervenerit pactio aut conven- tio Didacum inter & Canonicos, quibus beneficia tempora- lia præstitit, ut circa spiritualia gloriam Dei concernentia sibi consentientes haberet. Alioquin, ait S. Doctor Opusc. 17. c. 13. si non liceret aliquem per temporalia beneficia provocare ad aliquod spirituale bonum; illicitum esset, quod in quibusdam ec- clesiis quædam distribuuntur his, qui ad Officium divinum ac- cedunt. Pontas.

**CASUS XI.** Quidam Episcopus jam per plures annos se- cum habet Clericum, qui munus Eleemosynarii obibat, &

huic Clerico ratione præstitorum servitiorum cogitat conferre Beneficium. An id fieri potest absque Simonia?

§. D. Thomas 2. 2. q. 100. art. 5. ad 1. distinguit duplex servitium, quod Eleemosynarius aut capellanus domesticus Episcopo præstare potest; unum spirituale, quod tendit ad gloriam Dei, & utilitatem Ecclesiæ ac ministrorum ejus; alterum mere temporale, ut est v. g. cura & administratio bonorum patrimonialium ad Episcopum vel ejusdem familiam pertinentium, cura causarum forensium &c. Primum genus servitiorum non solum Clericum non reddit indignum, sed potius dignum Beneficio; non autem alterum, & absque Simonia Episcopus non potest remunerari id genus servitil per collationem Beneficii. *Pontas.*

Vide cas. 4. & 8.

CASUS XII. Alexander Abbas pauperes habens consanguineos, quibus tamen omnibus succurrere non potest, consultit Joanni cognato suo, quem generosi animi esse sciebat, Prioratum, cujus annui redditus 1000. imperiales sunt, hac intentione, ut suis succurreret consanguineis, alias oerte istum Prioratum collaturus alteri. An ista intentio Alexandrum immunem reddit a Simonia?

§. Non est quidem simoniacum conferre Beneficium consanguineo gratis ex solo motivo affectionis erga illum, illicitum tamen est juxta S. Thomam 2. 2. q. 100. art. 5. ad 2. carnemque sapit & sanguinem. Si autem sic conferatur Beneficium cum pacto, aut etiam cum primaria conferentis intentione, ut provifus, ex redditibus Beneficii succurat pauperibus consanguineis collatoris, ut fit in præsentis casu, aperta intervenit Simonia. *Pontas.*

CASUS XIII. Archenbaldus, jure præsentandi ad parochiam gaudens, præsentavit quemdam presbyterum ex hac unica ratione; quia a suo amico literas recommendatitias attulerat, quin tamen aliunde ipsius merita nosset. An reus est Simonie, præcipue si sibi commendatus indignus est Beneficio?

§. Præsentatio hæc est simoniaca. *Videtur ad munus a lingua principaliter intendere*, ait S. Thomas 1. c. ad 3. *qui preces pro indigno porrectas exaudit; unde ipsum factum est simoniacum.* Si vero præsentatus est dignus, juxta eundem S. Doctorem præsentatio non est simoniaca; quia meritum est causa legitima cuiquam conferendi Beneficium. Nihilominus si quis præsentat aliquem non intuitu meritorum, sed  
ex

•x mero respectu humano, certe committit Simoniam ob vitiosam intentionem. *Pontas.*

**CASUS XIV.** Jeremias jus habens præsentandi præsentavit ad quoddam beneficium Leonfredum, subjectum maxime dignum, ex hac principali intentione, ut præsentando tale subjectum sibi aquirat æstimationem, approbationem, & laudes aliorum hominum. An ob talem intentionem Simonia reum se fecit?

•y. Reus est Simonia mentalis; quia ipsius præsentatio non fuit gratuita. Ita docet S. Gregorius Papa in C. *Sunt nonnulli*, ubi ait: *Sunt nonnulli, qui quidem nummorum præmia ex Ordinatione non accipiunt, & tamen sacros Ordines pro humana gratia largiuntur, atque de largitate eadem laudis solummodo retributionem quærunt: hi nimirum, quod gratis acceptum est, gratis non tribuunt; quia de impenso officio sanctitatis nummum expetunt favoris.* Idem docet S. Thomas in 4. dist. 25. q. 3. art. 3. ad 4. *Pontas.*

*Nota.* Cum intentio obtinendi laudem non fundet passionem ullam aut obligationem, non est Simonia, licet si venialiter deordinata. Vide *Caf. 15.*

**CASUS XV.** Janianus Capellaniam sui Patru, qui sibi resignationis ejus spem fecerat, obtenturus sacros ordines recepit eo maxime fine, ut obtenta Capellania commodius vivere posset. An hic finis & hæc intentio Simonia caret?

•y. Juxta Concilium Tolosanum 1056. celebratum Clericus ad ipsam abbatialis dignitatis causa monachus effectus, nullatenus admittendus est. Hinc videtur concludendum a pari, Clericum non posse admitti ad presbyteratum, si solum ipsius intentio sit acquisitio Beneficii. Ex hoc igitur sequitur, Janianum absque peccato non potuisse recipere presbyteratum, si solum intenderit per hoc acquirere Capellaniam sui Patru, Ita Fagnanus in Cap. *Cum autem nostram*, n. 19. Janianus autem non tenetur quidem ad renunciationem Beneficii, sed tamen ad agendam de commissio peccato poenitentiam. Id genus hominum deordinata hac ac vitiosa intentione sacros Ordines suscipientium luculenter manifestat, statum ecclesiasticum non considerari a se ut normam sanctitatis & virtutis, sed solum ut medium aquirendi sustentationem ac commoditates corporales, ut ait Catechismus Concilii Tridentini de Sacram. Ord. n. 7. *Cujus quidem rei argumento est, quod nisi opulentum aliquod ecclesiasticum Beneficium eis deferatur, nullam sacri Ordinis cogitationem habent.* *Pontas.*

**CASUS XVI.** Palladius parochus, offert resignationem Beneficii sui in favorem Lucii, hac conditione, ut sibi Lucius restituat 10. florenos pro provisione sui Beneficii, & alios 50. florenos in litem causa sui Beneficii motam a se expensas. An Palladius has summas a Lucio accipere potest absque Simonia, si hic in solutionem consenserit, quamprimum Palladius subscripserit procuracionem resignationis in sui favorem?

*¶.* Sub quocumque demum prætextu Palladius non potest recipere pecuniam absque Simonia reali: solutio enim hujus pecuniæ Lucio esset medium acquirendi Beneficium, quod Palladius non esset resignaturus nisi sub conditione numerandæ sibi pecuniæ. Ita S. Thomas 2. 2. q. 100. art. 2. ad 5. Sic quoque decidit Alexander III. in causa simili Clericum inter & Religiosos agitata circa Beneficium quoddam, Clericus Beneficio se cessurum spondebat, si sibi a Religiosis solverentur tres marchæ argenti in compensationem expensarum, quas fecerat pro acquirendo Beneficio. Contractum autem hunc pro approbatione ac confirmatione sibi exhibitum Papa reprobavit ut illicitum. *Pontas.*

*NOTA.* Cum hæc Simonia sit tantum juris ecclesiastici, & parvitas summe non sit præsumenda, fuisse a Papa comprehensa in reservationibus facultatum episcopaliū ultra montes, censeo, Episcopos ultramontanos in hoc genere Simonie dispensare posse.

**CASUS XVII.** Rutilius parochus in sua parochiali domo nova duo construi curavit cubila, & adjacentem emit hortum: resignaturus jam suum Beneficium Cæsari hanc addit conditionem, ut compenet expensas in constructionem duorum cubilium, & emptionem horti factas, nimirum 350. florenos. An ista resignatio simoniaca est?

*¶.* Certe simoniaca est: duo enim ista cubilia & hortus sunt pars Beneficii, hinc illa emere est emere ipsum Beneficium. Deinde si ista cubicula & hortus non fuerint necessaria, sed tantum ad commoditatem servient, non potest compensationem expensarum & commoditatum suarum exigere; si vero fuerint necessaria, parochianorum expensis paranda fuissent. *Pontas.*

**CASUS XVIII.** Statilius acceptavit resignationem parochiæ a suo Patruo hac conditione oblatam, ut 50. florenos elargiatur pauperibus parochianis; & hanc conditionem implevit. An ista conventio simoniaca est?

γ. Omnes conventiones, quæcumque demum, exceptis his, quæ onera concernunt Beneficio annexa, reddunt resignationes, permutationes, & renunciationes Beneficiorum illicitas ac simoniacas; a cuius labe solus Pontifex eas purgare potest. *Licet sint hæc pietatis opera, ait Cabassutius L. 5. c. 3. n. 5 habent tamen materiam temporalem pretio æstimabilem; & si fiant ex pacto consequendi rem sacram, in Simoniam degenerant.* Non potuit ergo Statilius sub dicta conditione acceptare resignationem Beneficii a Patruo sibi factam. *Pontas.*

CASUS XIX. Telemachus & Saturninus ultra annum jam litigabant de quadam parochia, ad quam uterque iudicio advocatorum suorum ius liquidum habere se contendebat. Hortante autem quodam parocho hanc tandem transactionem inierunt; nimirum ut Telemachus cedat jure suo ad parochiam, Saturninus autem procuret ipsi Capellaniam simplicem patronatus laici, cujus quidem titularis non est, actualem autem possessorem facile ad resignationem, permoturum se spondet: ad hæc offert Telemacho 40 aureos in compensationem expensarum in litem hucusque factarum. Estne hæc conventio canonica? An non potest dici, Saturninum hanc summam dare ad redimendam injustam vexam Telemachi? Supposito quod hæc ratio conventionem a Simonia non excuset, an non bona fides eos eximat a pœnis in simoniacos latis, & a restitutione fructuum; maxime cum hæc transactio solum amore pacis, & finiendæ tandem litis causa ini-ta fuerit?

γ. Conventio hæc non est canonica: in omni enim permutatione legitima requiritur, ut permutantes actu sint provisi de Beneficiis permurandis; Saturninus autem non possidet actu Capellaniam, sed solum eam Telemacho procuraturum, & insuper 40 aureos daturum se promittit in compensationem expensarum litis. Hinc Saturninus parochiam non obtinet, nisi sub conditione numerandæ Telemacho pecuniæ, & procurandæ ipsi Capellanix; id quod eum Simonix realis reum constituit. Neque a Simonia excusat falsus prætextus injustæ vexæ; quia ex testimonio advocatorum utriusque jus est indubitatum, & consequenter uterque illud absque injustitia prosequi potuisset. Denique nec prætenso bona fides, quæ fundatur in ignorantia crassa & culpabili, contrahentes excusat a labe Simonix, & hinc nec a censuris in simoniacos latis, & ab obligatione restituendi fructus Beneficii. *Pontas.*

NOTA. Sicut vota dubii valoris non sunt reservata Papæ, ita nec casus Simonia dubia, vel certe malitiæ quoad gravitatem dubia. Poterit proin circa ejusmodi casus dispensare Episcopus. Vide cas. seq.

**CASUS XX.** Bertinus & Albertus jam per sex menses litigant inter se ratione cujusdam parochiæ, cujus annui redditus efficiunt summam 600. florenorum. Tres celebres Advocati asserunt valde justam habere causam Bertinum, & alii tres Advocati idem judicant de causa Alberti. Verum cum Alberto pecunia ad proseguendam litem deficiat, Bertino cessionem sui juris offert pro 100. aureis, & Bertinus consensit. An hæc pactio est simoniaca? Num idem dicendum, si Bertinus cederet jus suum Alberto hac conditione, ut sibi solvat centum aureos pro fructibus grossis, quos intra sex menses suæ provisionis parochialis percipere debuisset, & tamen non percepit?

3. Conventio, qua Albertus cedit jure suo in favorem Bertini, certe est simoniaca; jus enim ad Beneficium, cum sit res pure spiritualis; pretio æstimari & pecunia acquiri non potest. Aliud tamen dicendum de cessione Bertini Alberto faciendâ: Bertinus enim posset exigere centum aureos ut fructus legitime sibi debitos ob servitia Beneficio præstita; cura justum sit, ut pro functionibus parochialibus fructus recipiat pro ratione temporis, quo parochiæ deservit. Cavendum autem, ne conditio solvendorum centum aureorum ingrediatur tractationem cessionis, ut tollatur omnis apparentia ac suspicio Simonia. Cedendum igitur pure ac simpliciter, reservata tamen facultate exigendi solutionem pro fructibus sibi debitis, & necdum perceptis. Et si Albertus postmodum hanc solutionem præstare recuset, poterit via juris ad id compelli. Pontas.

**CASUS XXI.** Jacobus resignavit parochiam suam Joanni reservata sibi pensione 200. florenorum; Joannes autem post tres menses eam permutavit cum parochia Petri, qui, ne mortuo Joanne teneretur superfluis Jacobo solvere pensionem 200. florenorum, sequens executus est consilium a Doctore quodam amico suo sibi suggestum: 1. Reservat sibi ex prioris sua parochia 150. florenos annuatim a Joanne solvendos, 2. Scripto privato propria manu signato ac in manu Doctoris illius depositato consentit, ut dicti 150. floreni solvantur Jacobo nomine Joannis in partem pensionis ab hoc Jacobo præstandæ; reliquos 50. florenos singulis annis Jacobo se supplementum spendet. 3. Denique addit, pensionem 150. flo-



renorum sibi reservatam solum tamdiu esse solvendam, quamdiu solvenda esset Jacobo pensio 200. florenorum. Quæritur jam 1. An non contractus iste Simoniam involvit? & supposito quod ita, esse a Joanne & Petro Roma petendum Breve absolutionis & condonationis perceptorum fructuum? An non interea, usque dum Breve Roma obtineatur, Episcopus eos rehabilitare potest in ordine ad exercendas functiones suas, ut hac ratione evitetur scandalum. 2. Supposito quod contractus non sit simoniacus, teneturne Petrus solvere 200. florenos Jacobo ante judicalem condemnationis sententiam, non quidem vi contractus ac privatae syngraphæ, sed vi tituli in parochia a Jacobo resignata, quo Petrus facta permutatione gaudet; quamvis vi contractus solum ad quartam partem teneatur? 3. Posito, quod Petrus teneatur ad solutionem 200. florenorum, an non potest exigere pensionem 150. florenorum a Joanne; quamvis illam sibi non reservaverit nisi ea conditione, ut hi 150. floreni pro se & Joanne solvantur Jacobo; cum ambo existimaverint, contractum suum esse canonicum? 4. Si Jacobus, qui vi contractus a Joanne solutionem 150. & a Petro 50. florenorum recepit, & hanc summam 200. florenorum solummodo a Joanne recepisse se testatus est, de annua pensione in futurum remittat 50 florenos, contentus pensione 150. florenorum, cuinam hæc condonatio facta esse censetur, Joanni aut Petro, si eorum conventio simoniaca est? 5. Posito quod Petrus solus totam summam 200. florenorum Jacobo solvere debuerit, & Joannes salva conscientia 150. florenos solvere non potuerit, ut cum Petro convenerat, & conventio jam per plures annos executioni data est, an non restitutio facienda est? & cui? quomodo? & a quo? 6. Si Petrus parochiam suam permutare vellet cum Beneficio Titii; hic autem in eam consentire nolle nisi ea conditione, ut sibi a Jacobo pariter 50. floreni condonarentur, an Petrus ante executionem propositæ permutationis apud Jacobum instare potest, ut continuet in favorem Titii condonationem 50. florenorum, ejusque continuandæ scriptam cautionem tradat? 7. Si contractus Petrum inter & Joannem est simoniacus, & Petrus solus stimulante conscientia in poenitentiaria Romana petiit ac obtinuit Breve absolutionis, teneturne desuper monere Joannem semper adhuc in bona fide persistentem? 8. Posito denique, quod Petrus teneatur, aut saltem consultius judicet monere Joannem de Simonia, si qua subit, & ideo ipsi declaret, se tuta conscientia non amplius recipere posse 150. florenos, aut concedere,

ut Jacobo solvantur juxta contractum privatum; potestne Petrus nihilominus acceptare solutionem pensionis, aut permittere, ut Joannes eam solvat Jacobo ut antea, si Joannes aut ex ignorantia, aut ex generositate, aut ex amicitia erga Petrum vellet continuare solutionem pensionis?

3. Contractus iste est indubitato simoniacus, ut manifeste desumitur ex decretalibus variorum Pontificum, ac canonibus plurium Conciliorum; inter quæ Concilium Rothomagense de anno 1581. ait: Omnes pensiones & pactiones super Beneficiis, in quibus non intervenit Sedis Apostolicæ approbatio, illicitas & simoniacas declaramus. His prænotatis respondetur *ad 1.* Petrus & Joannes indigent absolutione Papali, condonatione fructuum & rehabilitatione. Sed usque dum ea Roma adveniat, poterit ille Episcopus dare facultatem exercendi functiones parochiales, a quibus tanto tempore abstinere non possent sine scandalo parochianorum ac propria infamia: in ejusmodi enim casu præsumendum non est, Pontificem habuisse intentionem sibi reservandi hanc potestatem, utpote quæ antiquitus connaturaliter pertinet ad jurisdictionem episcopalem. *Ad 2.* Petrus tenetur solvere Jacobo pensionem integram 200. florenorum, non obstantem conventionem, quam cum Joanne iniit, quartam solum partem solvendi: Jacobus enim resignavit parochiam suam ea conditione, ut sibi solvatur annua pensio ex redditibus resignati Beneficii. *Ad 3.* Cum contractus sit simoniacus, & consequenter conventio nulla, vi cujus Joannes tenetur Petro solvere pensionem 150. florenorum, Petrus nullum habet jus exigendi hanc summam: licet enim etiam Joannes culpam contraxerit, verum tamen semper est, titulum Petri esse nullum; quia nulla in Beneficio potest constitui pensio sine auctoritate Papæ; imo ipsa permutatio Beneficiorum fieri non potest absque auctoritate legitimi Superioris. *Ad 4.* Facta a Jacobo voluntaria condonatio 50. florenorum in solius Petri cedit commodum; quia pensio ecclesiastica nil aliud est quam reservatio partis fructuum beneficialium exsolvendæ a successore resignantis. *Ad 5.* Petrus ut titularis ecclesiæ, cuius ad pensionem 200. florenorum Jacobo præstandam solus teneretur, & tamen singulis annis 150. florenos a Joanne solvendos curaverit, tenetur ad restitutionem: titulus enim, ex quo hanc a Joanne summam exegit, nullus est. Restitutio autem juxta S. Thomam non Joanni, sed pauperibus facienda est aut ecclesiæ. *Ad 6.* Petrus potest quidem petere continuationem condonationis 50. florenorum in favorem Titii, idque in scripto; cum hic fa-

vor

ver ex parte Jacobi foret mere gratuitus, & cederet in commodum titularis parochiæ. Verum si Petrus hanc conditionem non nisi sub conditione permutationis cum Titio faciendæ obtineret, pactio esset simoniaca. *Ad 7.* Petrus tenetur in conscientia monere Joannem de Simonia contractura hunc inficiente, si eam ignorat: alioquin enim eum relinqueret in ignorantia vincibili, & in possessione Beneficii canonice non obienti, ac consequenter in evidenti periculo damnationis. *Ad 8.* Si denique Petrus Joanni declaravit, se jure non posse exigere pensionem annuam 150. florenorum, nec etiam permittere, ut ista summa pro se solvatur Jacobo vi privati contractus, & Joannes nihilominus continuaret solutionem, posset Petrus eam recipere; dummodo non fiat ex redditibus Beneficii, sed ex bonis propriis Joannis. *Pontas.*

**CASUS XXII.** Frodulphus Religiosus titulo gaudens cujusdam Capellanix reddituum 100. florenorum, eam cedit Abbati suo pro Prioratu reddituum 400. florenorum. Gilbertus ejusdem monasterii Religiosus obtulit Frodulpho alium Prioratum reddituum 750. florenorum, quam in provincia extera possidebat, his tamen sub conditionibus: 1. Ut sibi procuraret præfatum Prioratum 400. florenorum. 2. Ut annuatim sibi solvat pensionem 150. florenorum, ut commodius vivere possit. Frodulphus rem proposuit Abbati suo, qui & in pactum consensit, addita tamen limitatione, ut Frodulphus pensionem 150. florenorum solvat non ex redditibus Prioratus, sed ea sumatur ex pensione ipsi a matre moriente constituta in quodam prædlo, quod pro securitate pensionis Gilberto oppignorari deberet. Hanc limitationem accepit Frodulphus, & mox cum Gilberto contractum iniit a duobus Notariis signatum. His ita actis uterque pure ac simpliciter resignat in manus sui Abbatis, qui Gilberto contulit Prioratum 400. florenorum, & Frodulpho alterum 750. florenorum, quem possedit Gilbertus. An consensus Superioris tollit in hoc casu Simoniam?

4. Contractus iste indubitato est simoniacus; quia resignatio Frodulphi, quæ quidem videbatur pura & simplex, involvit pactum & conditionem sine qua non, ut scilicet ab Abbate obtineat Prioratum 750. florenorum, quem Gilbertus cessit ea sub conditione, ut obtineat illum Prioratum 400. florenorum una cum pensione mere laica 150. florenorum; ex quo sequitur, Frodulphum & Gilbertum incurrisse penas in simoniacos latas. Conventio hæc est insuper vitiosa ratione pensionis 150. florenorum stipulatæ eum in finem, ut Gilbertus commodius possit vivere, id quod voto paupertatis

tis adversatur. Consensus Abbatis omnino non excludit Simoniam : Abbas hac in re nequaquam cum Religiosis suis dispensare potest. *Nec asimet Abbas*, inquit Innocentius III. Cap. *Cura ad monasterium*. 6. Lib. 3. Tit. 35. *quod super habenda proprietate possit cum aliquo monacho dispensare*. Ratio, quam aliter est hæc ; quia abdicatio omnis proprietatis statui religioſo non minus essentialis est quam continentia. Denique vitiosus ac injustus est contractus iste ex eo ; quod Frodolphus propria auctoritate & sine consensu communitatis religioſo disponat de redditibus prædii, cujus proprietas utique non penes ipsum, sed penes monasterium est. *Pontas.*

CASUS XXIII. Anſonius parochiam suam resignavit Simeoni reservata sibi pensione 200. florenorum, in cujus aſſecurationem Simeon ipsi cautionem civilem præstitit. An in hac pactone cum permittu Papæ facta Simonia intervenit ?

q. Si in hoc casu Simonia intervenit, ea est tantum juris ecclesiastici, circa quam Papa dispensare potest. Quamvis juxta leges canonicas nunquam liceat petere aut acceptare cautionem pro pensione in Beneficio constituta ; non tamen committitur Simonia, si cautio acceptetur permittente ac approbante Pontifice. *Pontas.*

CASUS XXIV. Manfredus Clericus tonsuratus fundavit in ecclesia collegiata Canonicatum ea intentione, ut Capitulum Canonicatum hunc ipsi conferat, quod & factum est. An Simonice reus est ?

q. Haud dubie Manfredus commisit Simoniam, utpote dans temporale pro dignitate ecclesiastica æquibenda ; imo ipsum Capitulum, si Canonicatum ipsi contulit mere intuitu hujus boni temporalis, Simonice reus est. Addit tamen Innocentius III. Cap. *Tua nos*. 34. Lib. 5. Tit. 3. hanc exceptionem : *Si vero pure ac sine pacto vel conditione qualibet offerat, rogans humiliter, ut in Canonicum admittatur, & bona sua retinere sibi liceat pro præbenda, & Clerici ejusdem ecclesiæ pure consentiant, hujusmodi receptio fieri poterit absque scrupulo simoniacæ gravitatis*. *Pontas.*

Vide cas. seq.

CASUS XXV. Polydorus aspirat ad Canonicatum in ecclesia cathedrali, scitque Patritium ecclesiæ hujus Canonicum præbendam suam facile permutaturum cum Beneficio simplici ; hinc consilium suum executurus Polydorus fundat Capellam, eamque dotat annuis redditibus 300. florenorum. Capella hæc Polydoro vix collata est, offert eam Patritio permutandam cum Canonicatu ; & actu permutatio suam forti-

ta est effectum. An non peccavit Polydorus & Simoniam commisit?

γ. Certe hæc permutatio est simoniaca: Polydorus enim absque Simonia non potuit capellam fundare eo fine, ut sibi conferatur, multo minus ea intentione, ut vix obtentam mox permutaret cum præbenda Patritii. Ut quis digne recipiat Beneficium, requiritur, ut non solum possit, sed & finire velit eidem deservire: *Cum illi sint in Ecclesia idonei reputandi*, ut ait Gregorius IX. Cap. Super. 15. Lib. 3. Tit. 5. *qui servire possunt & volunt*. Polydorus igitur graviter peccavit, & excommunicationem incurrit. *Pontas.*

NOTA. Fundator potest ponere legem foundationi de se iustam assentiente Episcopo. Hinc cum intentio fundatoris non sit certo simoniaca, casus non est reservatus Papæ. Vide dista ad casum 19.

CASUS XXVI. Sempronius titularis capellæ fundatæ in ecclesia cathedrali eam permutare cogitat cum simplici Beneficio Theodati minorum longe reddituum. Capitulum autem, quod jure collationis gaudet, consentire renuit; eo quod Sempronius ad titulum dicte Capellæ subdiaconus ordinatus fuerit. Verum ad tollendam hanc difficultatem pater Theodati spondet, se in favorem Sempronii titulum constituturum in fundis suis propriis, ut sic Capella Sempronii reddatur libera; & ad id consensum Capituli petit. *Estne hæc agendi ratio simoniaca?*

γ. Quamvis regulariter loquendo licitum sit titulo beneficii substituere titulum patrimonialem, dummodo hæc immutatio fiat autoritate legitimi Superioris; non tamen hoc patris Theodati consilium videtur probari posse ut canonicum: licet enim Theodatus nec donet nec promittat quidpiam temporale Sempronio, sufficit tamen, quod pater ipsius, tanquam tertius, hac ratione tanquam medio utatur comparandi filio Beneficium, quod videtur simoniacum 1. Quia constitutio tituli in favorem Sempronii est favor pure temporalis & pretio æstimabilis. 2. Quia pater non offert constitutionem tituli nisi ad facilitandam inter ipsum & filium permutationem. *Pontas.*

CASUS XXVII. Abbatis quædam Ordinis Cisterciensis possidebat Prioratum reddituum 150. florenorum, quem utpote commodissime adjacentem communitas religiosa alterius Ordinis suo cum monasterio unire cogitabat. Abbas Cisterciensis cum Capitulo consentit etiam in hanc unionem, ea tamen conditione, ut Abbatis Cisterciensi in perpetuum an-

dua

naa pensio solvatur 150. florenorum. An est vitiosus contractus iste ?

Contractus hic est simoniacus ; hinc executioni dari non potest : jus enim Abbatæ in Prioratum est res pure spiritualis, & pro pecunia vel pensione vendi non potest. *Pontas.*

NOTA. Certum non est, contractum de sola permutatione reddituum stabili esse simoniacum jure divino, aut reservatum Papæ.

**CASUS XXVIII.** Cajetanus obtentæ in ecclesia cathedrali præbendæ possessionem aditurus præsentavit se Capitulo, a quo tamen admittus non est, nisi solutis prius 100. florensis pro jure Cappæ ; quæ summa ab immemoriali tempore ab omnibus Canonicis ante aditam possessionem solvi consuevit. An commisit Simoniam ?

g. Concilium Tridentinum Sess. 4. de reform. cap. 14. damnat hanc praxin ; nisi id, quod exigi solet, impendatur ad causas pias, aut in utilitatem ecclesiæ. Hinc si Canonici istos 100. florenos inter se partiti sunt, Simoniam commiserunt. *Pontas.*

NOTA. Si prima divisio bonorum communium capitularium fuit justa, etiam reservatio aliquota ex qualibet præbenda erit justa.

**CASUS XXIX.** Ovidius obtenturus Prioratum, quem conferendi jus habet Diodorus, scit, Lucillum intimum Diodori amicum suis obitare votis ; hinc eum lucraturus aureum ipsi offert horologium, & hoc medio Prioratum obtinuit. Commisitne Simoniam ?

g. Cum mediante dono Ovidius obtinuerit Beneficium, ad quod nullum habuerat jus, evidens est, collationem hanc esse simoniacam. Lucius III. cuidam Prælato a majori Canoniceorum capitularium parte electo, cujus amicus animum cujusdam capitularis pecunia inflexerat, ne electioni adversari pergeret, Cap. *Matthæus.* 23. Lib. 5. Tit. 3. sic rescripsit : *Quia igitur consilium requisisti, quid tibi sit faciendum ; respondemus, quod multum tibi consulis, si administrationem celeriter ac sponte dimittas, illius verbi memor existens : Nihil prodest homini, si mundum universum lucretur, animæ vero suæ detrimentum patiatur.* *Pontas.*

**CASUS XXX.** Bartholomæus licet canonicè in Episcopum fuerit electus, quinque tamen Canonici ipsi haud faventes absque omni legitima ratione obstruxerunt illi, dum possessionem capere volebat ; quapropter illis 100 aureos secreto dari curavit, ut sese opponere desistant ; qui & aqul-

eve-

everunt, & electus possessionem adlit. Commisitne Simoniam?

ꝑ. Cum Bartholomæus per canonicam electionem jam acquisierit jus ad episcopatum, non commisit Simoniam. S. Thomas 2. 2. q. 100. art. 2 ad 5. sic ait: *Antequam alicui jus aquiratur in episcopatu vel quacunque dignitate vel præbenda per electionem, vel provisionem seu collationem, simoniacum esset adversantium obstacula pecunia redimere: sic enim per pecuniam pararet sibi viam ad rem spiritualem obtinendam. Sed postquam jus alicui acquisitum est, licet per pecuniam injusta impedimenta remove, Pontas.*

CASUS XXXI. Christianus legitime consecutus est parochiam, ad quam & Cæcilius sibi jus arrogat, & Christiano litem desuper movet: ad hæc etiam Epigonius ex condicto cum Cællio Christianum de falso crimine accusat; qui ut se redimeret de his vexationibus, cuilibet eorum donavit viginti aureos. An Simonizereus est?

ꝑ. Juxta S. Thomam l. c. & S. Antonium 2. part. Summ. Theol. Tit. 1. c. 4. §. 2. Christianus absque peccato potuit se redimere a duplici ista vexatione; cum jus legitimum habuerit in parochia. Ex hoc principio plures ejusmodi casus resolveri possunt. Cum autem in hisce occasionibus facile ignorantia aut prædominans passio intervenire possit, nemo in simili casu sibi met ipsi fidat, & quidpiam molitur nisi de consensu Episcopi. Quod attinet accusationem de crimine, eoque atroci ac vere commisso, licet eo fine fiat, ut Beneficiatus suo privetur Beneficio, non licet amolari accusationem ope pecuniæ. *Pontas.*

CASUS XXXII. Episcopus præbendam contulit Narcisso, cui mox Palæmon vir contentiosus ac potens litem desuper intentaverat, quam Narcissus prosequi non valebat. Hinc Episcopus quietam Narcisso præbendæ possessionem cupiens hortatur Palæmonem, ut a lite desistat, ipsique, si obsequatur, munus Vicarii generalis & Officialis promittit. Acceptavit conditionem Palæmon; sicque ipse Vicariatum, & Narcissus quietam præbendæ possessionem obtinuit. An non vitiosa est hæc transactio?

ꝑ. Iniqua vexatio ac lis injusta considerari debet tanquam res vere temporalis, & dignitas Vicarii generalis ut res pure spiritualis: hinc Episcopus absque Simonia non potuit hanc dignitatem conferre Palæmoni ex memorata ratione, & hinc nec Narcissus secura conscientia potest retinere præbendam. *Pontas.*

**CASUS XXXIII.** Melchior Clericus tonsuratus cum noleret restituere depositum centum aureorum a Titio Abbate sibi creditum, Abbas, ut suum recuperaret depositum, ipsi contulit Prioratum 250. florenos annuos redditus proferentem. Potuitne id fieri absque Simonia?

y. Juxta D. Thomam in 4. dist. 25. q. 3. art. 3. ad 2. Abbas iste Simoniam commisit. *Non est autem dubium, inquit S. Doctor, quod Simoniam committeret, si quis aliquod spirituale debitori suo daret, ut, quod suum est, recuperaret. Pontas.*

**CASUS XXXIV.** Vincentius jam ab aliquot annis titulum habens ad quemdam Prioratum, cujus redditus sunt 2000. floreni, statul clericali vult renunciare, & Mariam nepotem Pauli presbyteri, hæredem ditissimam, ducere in conjugem. Ut autem facilius Pauli, utpote tutoris Mariæ, consensum obtineret, declaravit illi, se ipsi resignaturum suum Prioratum, consensit in isthoc matrimonium. An ambo Simoniam commiserunt?

y. Hic casus nostris temporibus valde frequens est præsertim apud homines altioris conditionis; hujus autem solutio facilis est. Omnis conventio sive expressa, sive tacita resignandi Beneficium ex motivo principali consequendi commodum temporale pretio æstimabile reddit resignantem, & resignatarium Simonia reum vel reatis vel conventionalis; hinc in proposito casu Paulus & Vincentius Simonie rei sunt, ac censuras incurrerunt. At, si Paulus consensisset ex alio fine in dictum matrimonium, etiam Vincentius Prioratus resignationem non obtulisset, aut persuasus, Vincentium promissum non adimpleturum, tunc non censendus esset reus Simonia; cum resignationem Prioratus solum ex hoc motivo acceptarit, quia *gratis potest recipi, quod gratis offertur*. Verum cum homines in hoc puncto nimis libimet ipsis blandiri soleant, regulariter loquendo tales resignationes non sunt consulendæ, nec approbandæ. *Pontas.*

**CASUS XXXV.** Tichonius canonicatus, quo provissus erat, possessionem sumens cuilibet Canonico duas chirothecas distribuit vi consuetudinis immemorialis. An Simonia in hoc casu intervenit?

y. Sacra Congregatio Concilii Tridentini prohibet hanc consuetudinem ut contrariam Concilio Tridentino: talia enim munuscula, licet exigua, non ex sola liberalitate fieri videntur, aut sine pactione, quæ forsan nomine & prætextu



textu consuetudinis latet, ut advertit Fagnanus in c. *Tus nos*; de Simi. n. 38. *Pontas.*

NOTA. Certe cum quilibet in Capitulum receptus debeat hæc solvere videtur ea lex fundari in natura originalis reservati.

**CASUS XXXVI.** Sylvianus Episcopus alteri Episcopo litem movit de jure collationis, & visitationis ecclesiæ parochialis in confinibus suarum diocesium sitæ; tandem transactionem & conventionem interunt, ita, ut uni sit jus visitationis, & alteri jus collationis. Num simonia intervenit?

g. Ut conventio inita sit immunis a simonia, requiritur, ut sit approbata a legitimo Superiore, & nunquam detur res temporalis pro spirituali. Hoc supposito, evidens est, conventionem, de qua hic agitur, non esse simoniacam: nam 1. ipsimet Superiores transactionem fecerunt. 2. Utrumque jus tam collationis quam visitationis est res spiritualis; hinc nullus alteri dat temporale pro spirituali. Committeretur autem simonia v. g. 1. Si Episcopus litigans cum Toparcha loci de jure patronatus terminaret litem hac transactione; ut sibi salvum maneat jus patronatus, cedat autem Toparchæ ligna cædua prius ad Beneficium pertinentia. 2. Si Episcopus litigante cum domino loci territoriali de jure piscandi aut vendendi, Episcopus illi pro hoc jure promitteret, se Beneficium proxime vacaturum collaturum ejus filio. *Pontas.*

**CASUS XXXVII.** Joannes obtinuit Beneficium mediante solutione præstita 100. imperialium; id ipsum confessus est, & etiam a censuris absolutus. An igitur tuta conscientia retinere potest Beneficium? Et si illud retinet, an facit fructus suos?

g. Quamvis Joannes in confessionali absolutus fuerit a censuris, tenetur tamen absolute sub mortali renunciare Beneficio, utpote simonice obtento, nisi a Superiore novam obtinuerit collationem Beneficii. Tenetur etiam ad restitutionem fructuum, quos suos facere non potuit. Si aliquis scienter & propria sponte simonice accipiat ecclesiasticum Beneficium, ait S. Thomas 2. 2. q. 100. art. 6. ad 3. non solum privatur eo, quod accepit, ut scilicet Beneficium resignet cum fructibus inde perceptis, sed etiam ulterius punitur. Idem dicendum de eo, qui prorsus ignorans Simoniam obtinuit Beneficium simonice v. g. machinationibus cujusdam tertii, ita ut nulla prorsus culpa obtinenti imputari possit: quo in casu non tenetur quidem restituere fructus bona fide jam consumptos; tenetur tamen restituere adhuc existentes. *Pontas.*

**CASUS XXXVIII.** Victorius pater Petri obtenturus filio Beneficium, in scio filio obtulit pecuniam collatori Beneficii: elapso anno rescivit Petrus hanc Simoniam. An tenetur dimittere Beneficium, & novam provisionem Roma obtinere? an etiam censuras incurrit?

¶ Cum Petrus commissæ a suo patre Simonie non fuerit particeps, non incurrit censuras; ipsius tamen provisio nulla est, & tenetur dimittere Beneficium; non quia eo indignus est, sed quia titulus, quem ad illud habet, nullus est. *Ad hoc quod aliquis privetur eo quod accepit, non solum est pena peccati sed etiam quandoque est effectus acquisitionis injustæ; puta cum aliquis emit rem aliquam ab eo, qui vendere non potest. S. Thomas 2. 2. q. 100. art. 6. ad 3.* Interim non opus est, ut pro rehabilitatione Romam recurrat, hanc enim obtinere potest ab Episcopo, cum ipsemet non est Simonie reus. *Pontas.*

**CASUS XXXIX.** Urbanus presbyter ordinatus est per Simoniam se in scio a patre suo commissam. Lapsu temporis id comperiens potestne absque peccato exercere actus Ordinum?

¶ Juxta D. Thomam l.<sup>c.</sup> non potest exercere actus Ordinum. Si vero, ait S. Doctor, eo nesciente nec volente, per alios alicujus promotio simoniace procuratur, caret quidem Ordinis executione. Ratio est; quia non potest licite retineri id, quod contra voluntatem Domini acquisitum est; sed cum aliquis Ordo mediante pecunia acquiritur, contra voluntatem Christi Domini acquiritur, qui expresse voluit, ut a suis ministris, qui sunt Episcopi, spiritualia gratis dispensentur. *Pontas.*

**CASUS XL.** Claudius legitimo ad quemdam Prioratum titulo jam per decennium gaudens alium Prioratum obtinuit simoniace. An ideo ipso jure utroque Beneficio privatur?

¶ Aliqui Doctores tenent quidem affirmativam. Videtur tamen defendi posse negativam; & quidem 1. Quia Bulla Pii V. in hac materia non facit expressam mentionem de hoc; dein cum privatio sit lex poenalis, restringenda est ad proprium suum sensum. 2. Inhabilitas & Irregularitas post legitime obtentum Beneficium incurra non inducit vacationem illius ante sententiam judicis. 3. Non est recedendum a jure antiquo, nisi novum jus statuerit quidquam contrarium. 4. Constitutio Pii V. non obligat in foro interno nisi post sententiam judicis. 5. Cum agitur de lege poenali, & lex non satis se explicat, benignius interpretanda est. Et denum 6. In dubio poena in jure statuta non censetur incurri ipso jure ante sententiam judicis. *Pontas.*

**CASUS XLI.** Gerundius jamjam eligendus ad quoddam Beneficium erat, cum Joannes ipsius inimicus ex malitia dat aut promittit pecunias conferenti Beneficium pro Gerundio rei hujus inscio, ut tali modo ejus electio fiat simoniaca. & eo ipso reddatur indignus Beneficio, An tenetur renunciare Beneficio? Item posito, quod Gerundius sciat Simoniam Joannis, attamen se illi opponat, & nullo modo in eam consentiat, an tenetur dimittere Beneficium sic collatum?

ꝯ. Juxta doctrinam S. Thomæ juste retinet Beneficium: *Tenetur resignare Beneficium, ait l. c. nisi forte inimicus ejus fraudulenter pecuniam daret pro alicujus promotione, vel nisi ipse expresse contradixerit: tunc enim non tenetur ad renunciandum, nisi forte postmodum pacto consenserit solvendo, quod fuit promissum. Pontas.*

**CASUS XLII.** Rollandus jam per triennium pacificus possessor est Beneficii occulta Simonia obtenti. Potestne uti privilegio triennalis possessionis? Et si illo uti non possit, & etiam dimittere teneatur Beneficium, an tenetur etiam ad restitutionem perceptorum fructuum Beneficii, cui per totum triennium sedulo interviit?

ꝯ. Quamvis possessio triennalis sub titulo colorato tollat omnes defectus, titulum reddentes illegitimum, juxta regulam de triennali possessione; excipitur tamen juxta eandem regulam casus Simoniae, utpote criminis nimium detestabilis, quam ut excusari aut tolerari possit. Rollandus igitur tenetur dimittere Beneficium, etiam si per plures annos illud possedisset, & insuper restituere perceptos fructus. *Pontas.*

**CASUS XLIII.** Si Episcopus sit Simoniae occultae reus, eoquod cuidam parochiam contulerit pro summa 500. florenorum, debetne recurrere Romam, aut ad Metropolitatum pro absolutione a censuris, & dispensatione ab irregularitate, vel potest absolvi & rehabilitari a suo confessario?

ꝯ. Potest absolvi & rehabilitari a quocunque confessario, quem ipsemet in hunc finem elegerit. Ita Gregorius IX. in cap. *Ne pro dilatione.* fin. lib. 5. tit. 38. & Concilium Tridentinum sess. 2. c. 6. de reform. Idem jus etiam habet absolventi, & rehabilitandi suos dioecesanos in tali casu, siue in propria persona, siue per alium presbyterum, cui id commiserit. *Pontas.*

**CASUS XLIV.** Hubertus diaconus commisit Simoniam, utpote inentionem habens 100. imperiales donandi pro obtinendo Beneficio. Verum hæc Simonia tantum erat mentalis, & executioni non fuit data. An nihilominus subjacet poenis in simoniacos latis?

¶. Per Simoniam pure mentalem non incurruntur pœnæ in simoniacos latæ ; reus tamen est coram Deo. In foro externo igitur Hubertus non subiacet pœnis, quæ incurrerentur, si ipsius crimen Ecclesiæ esset notum. *Quoad Deum sola voluntas facit Simoniam*, ait S. Thomas 2. 2. q. 100. art. 6. ad 6. *Sed quoad pœnam ecclesiasticam exterioriorem non punitur ut simoniacus, ut abrenunciare teneatur, sed debet de mala intentione pœnitere.* Et hæc est praxis Pœnitentiariæ ac Rotæ. Sufficit ergo, si Hubertus coram Deo pœnitentiam agat de suo peccato. *Pontas.*

CASUS XLV. Evandrus dedit 20. aureos Bonaventuræ pro Capellania simplici : ast peracta pœnitentia de hoc crimine Roma obtinuit novam provisionem, & a censuris absolutus est. Bonaventura pari modo absolutionem obtinuit, & etiam Evandro dictos 20. aureos restituit. An ambo securi sunt in conscientia ?

¶. Non censentur esse securi : restitutio enim viginti aureorum non debuisset fieri Evandro, sed Ecclesiæ : huc enim tales restitutiones fieri oportet. Hinc si Evandrus negligat restituere hanc summam Ecclesiæ, Bonaventura eandem summam Ecclesiæ restituere tenetur. *Pontas.*

CASUS XLVI. Bercorius Religiosus oblata suis confratribus pecunia, emit eorum vota, ut Provincialis eligatur sui ordinis, quo etiam finem suum obtinuit. An ipso facto excommunicationem incurrit, licet Provincialatus non sit Beneficium ?

¶. Haud dubie eam incurrit juxta Constitutionem Pauli II. x464. Illius igitur electio ipso jure est nulla, & tenetur renunciare suo officio. *Pontas.*

CASUS XLVII. Valerius Clericus tonsuratus annos 25 natus, sciens Regem in collatione Beneficiorum illos aliis præferre, qui ipsi a servitilis sunt, emit munus Eleemosynarii, aut primarii Capellani Regii hoc fine, ut successu temporis obtineat aliquam Abbatiam. An non duplicem commisit simoniam, nimirum *realem*, emendo munus clericale, & etiam *mentalem*, dictum munus emendo hac intentione, ut suo tempore obtineat Beneficium ?

¶. Si munus Eleemosynarii consideretur secundum se abstrahendo ab intentione ementis, videtur illud emi posse, supposito quod nihil spirituale annexum habeat : verum hoc ipsum suppositum difficultatibus obnoxium est. Quod attinet emptionem hujus muneris relate ad finem, distinguendum est cum S. Thoma quodlib. 8. q. 6. art. 11. inter duas intentionum species, *principalem* nimirum, & *secundariam* : illi, qui

qu<sup>1</sup> emptione talis muneris principaliter intendunt suis servitiis obtinere Beneficium, sunt æque simoniaci ac Canonici, qui solum ideo se Officio præsentem fiunt, ut distributiones aquirat, & talis simonia a S. Gregorio & S. Thoma vocatur *munus ab obsequio*. Verum si tali emptione principaliter intendatur digna executio hujus officii, non sunt simoniæ rei emptione talis muneris, quamvis secundario etiam intendant obtinere Beneficium. His suppositis Valerius suam mentem examinet coram Deo, an emendo munus Eleemosynarum sciverit, se vi hujus muneris aquiraturum jus exercendi functiones spirituales aut ecclesiasticas, & an ipsius, intentio principalis fuerit, tali ratione obtinendi Beneficium. *Pontas.*

*Nota.* Circa ejusmodi intentiones potest una esse primaria ordine *appropriationis practica*, altera *affectionis solum speculativa*.

**CASUS XLVIII.** Theotimus emere volebat officium Capellani ordinarii Principis; sed monitus, id absque simonia fieri non posse, a proposito destitit: quærit tamen, utrum antiqua ac generalis consuetudo, vi cujus absque scrupulo hujusmodi officia emuntur, non excuset a simonia. Quid respondendum?

¶. Capellani aulici tenentur missam celebrare coram Principe, idque vi officii sui; unde evidens est, Theotimum absque simonia non posse emere hoc officium, utpote pure ecclesiasticum. Idem dicendum de Clerico capellæ, cujus officium pariter est spirituale, consistitque in eo, ut sacerdoti celebranti serviat ad altare, ad quod obendum tonsura indiget. *Pontas.*

**CASUS XLIX.** Theotimus constitetur, se commississe simoniam emptione muneris Capellani Regii, & confessorius respondet, eum incurrisse *ipso jure* excommunicationem majorem; & propterea eum remittit pro absolutione obtinenda ad Episcopum. An confessorius bene respondit?

¶. Juxta S. Beuve tom. 2. casu 53. excommunicatio *ipso jure* est solum de jure novo statuta tanquam pœna simoniæ commissæ *in Ordine aut in Beneficio*, non vero pro simoniæ alio modo commissæ, ut in præsentis casu; hinc Theotimus non incurrit excommunicationem majorem ipso jure, nec ideo opus habet recursu ad Episcopum. Dein neque inhabilis propterea est ad hoc munus, quamvis simoniace obtentum, qualis tamen esset ad Beneficium, & exercitium Ordinis, si illud vel illum simoniace aquirisset: jus enim in tali casu, uti præsens est, nihil de inhabilitate dicit. Sufficit ergo, si suo ordinario confessorio confiteatur peccatum em-

ptione dicti muneris commissum, & de eo poenitentiam agat. Per hanc responfionem tamen absit, ut præjudicetur censuræ latæ ab Urbano IV. ac corpori juris insertæ Cap. Sane. 1. Lib. 5. Tit. 1. Extrav. comm. *Tam dantes quam accipientes hujusmodi excommunicationis sententiis eo ipso decernimus subjacere, a quibus (præterquam in mortis articulo) absolvi nequeant absque Sedis Apostolicæ licentia speciali. Pontas.*

CASUS L. Sylvester recepit presbyteratum oblata in hunc finem pecuniæ summa, & hoc crimen confessus est, ac ab eo absolutus. Potestne celebrare missam absque scrupulo?

q. Ut licite possit missam celebrare, haud sufficit confessio: per Simoniam enim incurrit excommunicationem majorem, suspensionem & interdictum, ut declaravit Paulus II. Cap. Cum detestabile. 2. Lib. 5. Tit. 1. Extrav. comm. Antequam igitur Sylvester absolvatur a peccato, absolvendus est a censuris. Pontas.

CASUS LI. Præses conferentiarum ecclesiasticarum diocesis Rupellensis in prima conferentia proposuit hanc quæstionem: an Papa plenitudine suæ potestatis possit tollere omnem Simoniam, ita ut licitum reddatur ipsius autoritate & dispensatione, quod alies fieri non posset absque Simonia. Quid respondendum?

q. Omnes Theologi in eo conveniunt, Papam non posse omni suæ potestatis plenitudine tollere omnem Simoniam; quia id, quod jure naturali & divino in puncto Simonie illicitum est, licitum reddere non valet: hoc tamen jure gaudet circa Simoniam, quæ est juris ecclesiastici. Jus naturale & Divinum fundatur in justitia naturali, & voluntate Divina a nullo hominum mutabili; jus vero humanum ecclesiasticum, aut civile solum fundatur in voluntate hominis legem ferentis, quæ utique mutationi obnoxia est. S. Thomas 1. 2. q. 97. art. 3. c. Pontas.

CASUS LII. Nicasius & Ægidius, uterque Sacerdos, ambiunt officium Sacristiæ cujusdam ecclesiæ parochialis; cui tamen officio annexa est obligatio curæ infirmorum. Tandem Ægidius cum Nicasio convenit hoc modo, quod ipsi vellet procurare hoc officium hac conditione, ut sibi modicam pensionis, aut reddituum portionem relinquat. Quæritur 1. an peccarint per ambitionem, & 2. an Simonie sint rei, & 3. an censuras incurrerint?

q. Non potest licite ambiri officium, cui annexa est administratio Sacramentorum. Hinc Nicasius & Ægidius, a peccato excusari non possunt. 2. Juxta S. Thomam 2. 2. q. 100. art. 6 c. eorum conventio est simoniaca. 3. Nec tamen incur-

cur-

currerunt ullam poenam canonicam; quia poenae contra simoniacos latae de iure non incurruntur, nisi solum ab iis, qui Simoniam commiserunt *in Ordine* aut *in Beneficio*. *Pontas.*

CASUS LIII. Sablnianus parochus a Sylvio petenti, ut in vicarium reciperetur, petit 60. aureos; & his solutis eum recepit. Numquid uterque Simoniae reus est?

R. Certum est, utrumque commisisse Simoniam: Paschalis Papa enim Can. *Si quis* 7. 1. q. 3. non solum condemnat eos, qui emunt Beneficium, sed etiam eos, qui emunt rem ecclesiasticam qualemcunque. *Pontas.*

CASUS LIV. Capitulum quoddam suscepit & suo aggregavit collegio duos Clericos supernumerarios contractu publico, nimirum, ut quam primum vacaverit locus in Capitulo, isti suo ordine succederent in praebendam vacantem, & de redditibus, emolumentis, & officiis participarent; hac tamen conditione, ut uterque in die suae receptionis Canonici solvat summam 100. flor. Quæritur jam 1. an iste contractus sit simoniacus. 2. an etiam simoniacus sit, si dicti 100. floreni pro augmento reddituum ecclesiae fuerint exacti. 3. An Canonici dictos Clericos possint excludere a participatione omnium emolumentorum, reddituum, & officiorum suae ecclesiae ratione conditionis ipsis propositæ, & ab illis acceptatæ. 4. Posito quod dictus contractus sit simoniacus, an ideo praebendæ Canonice sint subjectæ devotioni? 5. An etiam Beneficia, quæ isti Canonici postea consequerentur, subjaceant præfatæ devotioni? 6. An, si contractus est simoniacus, sæpius memorati Clerici a Capitulo expellendi, & eorum locus in Capitulo pro loco vacante habendus sit.

R. ad 1. Contractus, ejusdemque executio simoniaca est. Ratio est; quia incorporari cuidam ecclesiae ad exercendas ecclesiasticas functiones cum jure succedendi in praebendam primo vacaturam est res pure spiritualis. *Ad 2.* Simoniacus foret contractus, etsi exacta pecunia cederet in augmentum reddituum ecclesiae; quia nunquam licet vendere rem spirituales, sub quocumque demum prætextu. *Ad 3.* Canonici dictos Clericos excludere possunt ab omnibus redditibus ecclesiasticis, utpote non nisi supernumerarios. *Ad 4.* Praebendæ Canonice non subjacent devotioni; eo quod Simonia eorum non respiciat Beneficium. *Ad 5.* Idem dicendum de Beneficiis, quæ Canonici postea consequerentur. *Ad 6.* Duo Clerici expellendi sunt a Capitulo tanquam indigni, utpote recepti modo illegitimo, & con-

tractu ipso jure nullo; propterea tamen non sunt inhabiles ad Beneficia postmodum obtinenda. *Pontas.*

**CASUS LV.** Fabianus parochus pro administratione Sacramentorum recipit pecunias. Num Simoniam committit? Peccantne etiam dantes pecuniam?

ꝑ. Juxta S. Thomam in 4. dist. 25. q. 3. art. 2. q. 1. C. absque Simonia Sacramenta non possunt conferri pro pecunia: qui enim dispensat Sacramenta, non est eorum dominus, sed solum minister; nec gratia est pretio æstimabilis: & hinc Sacramenta gratiæ pro pecunia venalia exponere simoniacum est. Hoc non obstante potest citra Simoniam quidpiam recipi in sustentationem eorum, qui ministrant Sacramenta; idque legibus Ecclesiæ, ac receptæ approbatæque consuetudini conforme est, ut idem S. Doctor advertit 2. 2. q. 100. art. 2. C. Hinc si Fabianus consuetam pecuniam ut justam recompensationem ministerio suo debitam recipiat, Simoniam non committit. Idem dicendum de stipendio, quod pro missa offertur, ut docet idem angelicus Doctor 2. 2. q. 100. art. 2. ad 6. Ex eadem ratione parochus pro benedictione nuptiali licite recipit, quod a consuetudine vel ab Episcopo determinatum est; maxime cum matrimonium etiam considerari possit ut contractus civilis & officium naturæ. *Pontas.*

**CASUS LVI.** Jacobus parochus infantem baptizare recusat, nisi prius sibi solvantur consueta pro baptismo. An absque Simonia dari potest, quod petit? Et si non potest, an in tali casu infans baptizari potest a laico primum obvio, etiam in præsentia parochi?

ꝑ. Juxta S. Thomam 2. 2. q. 100. art. 2. ad 1. Cum non liceat dare pecuniam tanquam pretium Sacramenti baptismi, in præsentī casu idem agendum est, ac si parochus præsens non esset; hinc si infans baptizandus in periculo mortis versaretur, baptizari deberet a primo occurrente, etiam præsentē parochō: si vero omne periculum abesset, recurrendum prius foret ad Superiorem. Addit S. Doctor in 4. dist. 25. q. 2. art. 2. q. 5. ad 2. *Possēt tamen licite aquam a sacerdote emere, quæ est purum elementum; quia aqua non est sacrum quid: sed Et si sit sanctificata, non operatur ad baptismum de necessitate ejus existens. quasi sanctificata, sed quasi aqua; Et ideo non emittit aquam sanctificatam, sed aquam.* *Pontas.*

**NOTA.** Parochi tenentur prompto administrare Sacramenta, quin anticipato possint exigere consueta, primum subsequenter pro eorum sustentatione contribui solita.



**CASUS LVII.** Riberius presbyter, cui a diœcesano Episcopo commissum erat absolvere Fabium a censuris, ante absolutionem ab eo exegit quamdam pecuniæ summam. Estne Simonie reus?

3. Haud dubie Simonie reus est, si hanc summam exegerit pro gratia absolutionis; si vero eam exegerit tanquam multam pecuniariam, ad quam Fabius tenetur ob suum peccatum, non commisit Simoniam. S. Thomas, 2. 2. q. 100. art. 2. ad 2. Iterum S. Doctor hanc praxin non esse approbandam docet.

**CASUS LVIII.** Polichronius Episcopus, a suis diœcesanis pro quolibet dispensatione, quam eis concedit, exigit imperialem, quandoque etiam plus. Potestne id facere absque Simonia?

3. Absque Simonia pro concessione dispensationis non potest quidpiam exigi. *Pro certo statuendum est, ait Cabassutius L. 5. c. 6. n. 1. nihil posse exigi vel dari in pretium dispensationis, nec summam ipsi Pontifici; cum dispensatio sit actus ecclesiasticæ & spiritualis potestatis, quæ non potest citra Simoniam iuri divino oppositum pecunia compensari.* Concilium Tridentinum prohibet Episcopis quidquam recipere pro dispensationibus. Nihilominus dispensationem petentibus licet imponere taxam ad præscriptum rationis & æquitatis compositam, applicandam tamen à utilitatem ecclesiæ, aut subsidium pauperum. Pontas.

**NOTA.** Hic modus loquendi: *exigi aliquid pro dispensationibus*, est scandalosus: dicendum potius: *exigi solutionem taxæ pro sustentatione ministrorum & tribunalium.* Ponere autem taxam inuitis pro subsidio pauperum vel ecclesiæ nec decet nec licet. Mos iste, ubicunque viget, est prorsus abolendus: neque enim actus ordinis, vel jurisdictionis ecclesiæ ultra sustentationis congruæ subsidia sub tributo ponit decet.

**CASUS LIX.** Sanctius Doctor Theologiæ ab Episcopo ad examinandos Clericos ad parochias aspirantes constitutus, sæpe recepit ab examinatis imperialem in compensationem temporis & laboris a se pensum. An reus est Simonie?

3. Absque Simonia nec ante, nec etiam post examen recipere potuit pecuniam tam; Immo juxta Concilium Tridentinum commisit Simoniam realem. *Caveantque examinatores, inquit Concilium, ut quidquam prorsus occasione hujus examinis, nec ante nec post accipiant: alioquin Simonie vitium tam ipsi quam alii dantes incurrant, a qua absolvi nequeant, nisi dimissis Beneficiis, quæ quomodocunque etiam ante obtinebunt; & ad alia in posterum habiles reddantur.* Pontas.

**NOTA.** Episcopus habens pingues redditus tenetur ex suis redditibus constituere sufficientis numeri idoneos ministros. Væ illis in iudicio Dei, qui redditus episcopales in usus profanos infumunt, & ministris congrua salaria non præbent, sicque eos ad querendas ejusmodi fordidas sportulas cogunt.

**CASUS LX.** Eustratius presbyter calicem habens, jus pretium est 105. florenorum; & hunc vendidit Hieronymo pro 115. florenis, quia consecratus est, & si consecratus non esset, Hieronymus iter decem leucarum suscipere debet, ut consecrationem ejus procuraret. Estne hæc venditio simoniaca?

**ꝑ.** Eustratius commisit Simoniam, & quidem realem jure divino prohibitam. *Vasa sacra*, ait S. Thomas in 4. dist. 25. q. 3. art. 2. q. 3. ad 1. nullo modo ratione consecrationis vendenda sunt, ut scilicet pro consecratione eorum aliquid plus exigatur. *Pontas.*

**CASUS LXI.** Calippus obtenturus Reliquiarium argenteum Sanctorum reliquiis refertum, quod Nutelius possidet, dedit ei pro illo duos aureos. An hæc venditio simoniaca est?

**ꝑ.** De hac venditione idem dicendum quod prius dictum est de venditione sacrorum vasorum: absque Simonia pro talibus rebus non potest recipi aut donari nisi justum pretium ipsius materię. Interim tamen doctores in eo generalliter conveniunt, quod nimirum liceat emere reliquias ab hæreticis vel ethnicis, ut ex manibus infidelium eripiantur. *Pontas.*

**CASUS LXII.** Germana recepta in monasterium valde opulentum debuit pro expensis in novitiatu factis solvere dicto monasterio 115. florenos. An non intervenit Simonia?

**ꝑ.** Non intervenit Simonia: Novitius enim aut Novicia non habet jus exigendi sustentationem suam expensis monasterii, etiam si divitis. Concilium Tridentinum Sess. 25. de regular. & monial. c. 18 dum prohibe ante professionem aliquid recipi, excipit expensas pro novitiatu factas. *Pontas.*

**CASUS LXIII.** Anberga susceptionem in monasterium Ordinis S. Bernardi petens recepta est a Superiorissa & tota communitate, quæ tamen cum ipsius patre istum inlere contractum: 1. Ut ultra pensionem 50. florenorum pro novitiatu teneatur pater etiamolvere expensas in medicum, & medicamenta, si forsan durante novitiatu ægrotaret filia. 2. Si tempore novitiatus ipse filium oreretur, alios 150. florenos solvat pater pro expensis in infirmitate filię factis, & pro funeralibus. An hic contractus simoniacus est?

g. Iste contractus absolute immunis est a simonia, cum in nullo puncto respiciat receptionem Aubergæ ad professionem solemnem in religione. *Pontas.*

CASUS LXIV. Petronilla aspirans ad monasterium valde opulentum obtulit Superiorissæ omnia sua bona, nimirum fundum, cujus annui redditus sunt 500. floreni; & consensu unanimi recepta est in monasterium, & finito novitiatu admissa est ad professionem solemnem. An intervenit in hoc casu simonia?

g. Si intentio Petronillæ, & eam recipientium pura, justa & recta sit, non intervenit simonia; Ecclesia enim nunquam prohibuit monasteriis accipere quidquam voluntarie oblatum ab illis, qui religionem ingredi cogitant. Verum personæ, quæ tales donationes faciunt, non possunt stipulari, ut oblationes a se factæ sequantur professionem in alium forsitan conventum post professionem mittendam. *Pontas.*

CASUS LXV. Euprepia Novitia ad professionem non est admissa, nisi promissa summa 1000. imperialium, quam etiam solvit. An commisit simoniam?

g. Juxta S. Thomam in 4. dist. 25. q. 3. art. 2. q. 2. ad 7. si monasterium non habeat sufficientes opes ad sustentandas plures professas, tunc potest exigi a professoris aliqua pecunia, non ratione professionis quod foret simoniacum, sed ut habeat monasterium, unde eas sustentare possit. Hoc supposito hujus puellæ ingressus in religionem est simoniacus, si monasterium aliunde bona possideat sufficientia ad sustentandas plures professas, & tamen petitos 1000. imperiales solvit. ut clare decisum est in Concilio Lateranensi IV. sub Innocentio III. Cap. *Quoniam*. 40. Lib. 5. Tit. 3. Observandum hac in re 1. quod omnes Superiorissæ monialium, sive earum monasteria sint exempta sive non, teneantur figere numerum monialium ad proportionem reddituum & eleemosynarum, quas annuatim percipiunt, & ex quibus honeste pro decencia status sui vivere possunt, ut in pluribus Conciliis constitutum est, maxime Arelatenſi de anno 813. 2. Ut sanum de paupertate vel opulentia monasterii iudicium ferri possit, deducendæ sunt omnes expensæ superflue non solum in ædificia, ac commoditates inutiles, sed etiam in cibum & potum, in mobilia domus & sacristiam; et si hisce deductis solum remanent necessaria ad nutritionem ac sustentationem jam receptorum, nec superfit, unde monasterium alere possit de novo ingressum petentes, vere dici potest, monasterium esse pauper; quod tamen hisce deductionibus non factis cer-

to diei non potest. Hac computatione ponderata si vacat locus, non potest admissio denegari puellæ ingressum petenti, etiam si nec ullam dotem nec pensionem secum ferret. Si vero numerus monialium, quæ ex redditibus monasterii alligantur, jam sit completus, & puella recipi petat ut supernumeraria, non datur obligatio eam recipiendi, potestque Superiorissa, etiam inconsulta communitate ipsi dare repulsam, nisi offerat sufficientem pensionem vitalitiam, ne monasterio sit oneri. Dicitur, *vitalitiam*; quia juxta D. Thomam 2. 2. q. 100. art. 3. ad 4. simoniscum foret exigere nimis amplam aut omnino perpetuam. Denique ut tuta conscientia quantitas pensionis determinari possit, inspiciendæ sunt rationes præteritorum annorum, id est, expensæ annia præteritis factæ in quamlibet monialium decenter sustentandam. Pontas.

CASUS LXVI. Dionysius dedit 1000. Imperiales, qui ab eo exigebantur, ut ad professionem admitteretur in quodam monasterio sufficientibus redditibus vi foundationis prædito; cujus tamen varia ædificia valde reparatione indigebant, ad quam faciendam dicta summa destinata erat. Dionysius igitur bona fide agens ab omni peccato se immunem esse credidit, præsertim cum sciret, neminem in dictum monasterium admitti, nisi secum dotem aliquam afferret, & etiam in aliis monasteriis talem esse praxin. An simoniæ reus est non obstante bona fide?

3. Dionysium bona fides, quæ in consuetudine hujus & aliorum monasteriorum, & necessitate faciendæ ædificiorum reparationis nitebatur, excusat a peccato mortali, consequenter etiam ab excommunicatione majori. *Anathema est æterna mortis damnatio*, ait Concilium Meldense de anno 845. Can. Nemo. 41. II. q. 3. *Et non nisi pro mortali debet imponi crimine, Et illi, qui aliter non potuerit corrigi.* Pontas.

NOTA. Ingens discrimen faciendum est inter monasteria Ordinum clericalium pro directione animarum in parochiis, seminaris, cathedralis, professoris, missionibus, confessionalibus &c. fundatorum, & inter monasteria religiosorum maxima parte sibi solis & Deo vacantium. Peccant mortaliter, qui in monasterio, vel Ordine clericali intuitu emolumenti temporalis dant votum Novitio ad functiones clericales parum habili præ eminenter aptiore.

CASUS LXVII. Domitilla Novitia ante professionem rogabat patrem, ut de sua dote cum monialibus tractet. Pater aliquam pecuniæ summam obtulit monialibus, quæ tamen cum illum opulentum esse virum nosset, & eum maxime desiderare, ut filia monialis fiat, scirent, non solum obla-

oblatam summam non acceptarunt, sed etiam duplo majorem, quam alias exigi solebat, exigunt dotem. Pater Domitillæ perbene scit, dictas moniales incursumas simoniam ac mortaliter peccaturas, si petita reciperent. An & ipsemet sese reum faceret simoniæ, si nihilominus exactam daret summam?

¶. Sacri Canones simoniacum in religionem ingressum prohibentes tam dantes quam accipientes pecuniam simoniæ reos declarant, cujus etiam ambo coram Deo rei sunt. Hinc patet, patrem una cum monialibus, si dictam summam daret, fore simoniæ reum. *Pontas.*

CASUS LXVIII. Ambrosius plurimum valens apud Gustavum primum Aulæ ministrum, magna apud Regem auctoritate pollentem, rogat eum, ut suæ filiae receptionem in monasterium, aut filio suo Abbatiam, ad quam nominandi jure Rex gaudet, procurare vellet, ipsique satis aperte indigne inquit, se ipsum donaturum quamdam imaginem pictam 200. aureis æstimatam, quam cupide appetit. Gustavus votis Ambrosii satisfecit, & dictam obtinuit imaginem. An tanta conscientia imaginem acceptare potuit Gustavus? Et si non potuit, teneturne eam restituere Ambrosio?

¶. Utriusque agendi ratio est simoniaca; quia intercessit inter eos pactum saltem tacitum, per oblationem picturæ ab Ambrosio factam, & a Gustavo acceptatam executioni datum. Hinc Gustavus tenetur restituere picturam aut justum ejusdem valorem, non Ambrosio, qui per simoniam jure suo excidit, sed pauperibus aut ecclesiæ, ut docet D. Thomas 2. 2. q. 100. art. 6. ad 1. De cætero notandum, quatuor modis committi posse simoniam. 1. A conferente Beneficium & eo, cui confertur; si nimirum hic collatori dat pecuniam, aut aliud æquivalens, ut sic ab eo obtineat Beneficium. 2. Quando collator confert Beneficium pro pecunia, aut alia re temporali, quam recipit a quodam tertio, etiam inscio eo, cui Beneficium confertur. 3. Committitur simonia a solo obtinente Beneficium, si etiam inscio collatore offert pecuniam aut temporale quid cuidam tertio, qui procuravit sibi Beneficium. 4. Denique quando amicus aut consanguineus impetrantis Beneficium dedit pecuniam aut aliud temporale amico vel consanguineo collatoris. *Pontas.*

NOTA. Cum intercessio ministri ad Regem se habeat per modum precationis pauperum ad Deum, non videtur, Ambrosium esse simoniacum reum. Vide *Casum sequentem.*

**CASUS LXIX.** Justina habens actionem in judicio, cum tempus ferendæ sententiæ instaret, quibusdam pauperibus, in quorum pietate confidebat, erogavit eleemosynas hac conditione, ut Deum quotidie pro felici successu suæ actionis precentur. An in hoc casu aliqua datur species simoniæ?

¶ Certum est juxta S. Thomam in 4. dist. 25. q. 3. art. 2. q. 2. ad 9. cum oratio sit quidquam spirituale, eam pretio pecuniæ nec emi nec vendi posse: nihilominus tamen potest aliquis elargiri eleemosynam alicui alteri, ut ejus particeps fiat orationis: eleemosyna enim, quæ datur pauperibus, non ideo datur, ut oratio quasi ematur; sed ut animus pauperum provocetur, ut gratis, & libentius orent pro elargiente eleemosynam, ut idem S. Doctor advertit 2. 2. q. 100. art. 2. ad 3. Justina igitur nullam prorsus in hoc casu commisit simoniam. *Pontas.*

**CASUS LXX.** Balduinus judex convenit de quadam pecuniæ summa, eamque recipit pro ferenda sententia. An reus est simoniæ? An idem dicendum de teste, qui pro suo deponendo testimonio pecuniam recipit; aut de Advocato pro defensione causæ, & dato consilio pecuniam exigente?

¶ Judex tenetur *ex officio* judicium ferre, & reddere justitiam, cui illa debetur; hinc Balduinus, si judex est in spiritualibus, absque simonia non potuit vendere suum judicium. 2. Testis tenetur in conscientia deponere testimonium, si ad id judicialiter est requisitus, quia propter simoniæ reus est, si in spiritualibus testimonium suum vendat. 3. Advocatus non tenetur causæ gratis præstare suum patrocinium, aut dare consilium, ut docet S. Thomas in 4. dist. 25. q. 3. art. 2. q. 2. ad 9. Nihilominus juxta eundem S. Doctorem 2. 2. q. 71. art. 4. ad 3. potest testis juste aliquid petere, non ut pretium pro testimonio & asserta veritate, sed ut salarium pro itinere & impenso tempore: *Testes accipiunt*, ait, *non quasi pretium testimonii, sed quasi stipendium laboris, expensas vel ab utraque parte vel ab ea, a qua inducuntur; quia nemo militat stipendiis suis unquam, ut dicitur 1. Cor. 9. Pontas.*

**CASUS LXXI.** Quidam Nobilis rusticum quemdam urgebat, ut fundum suum conduceret, addito promisso, filium ipsius spem habiturum obtinendi Beneficii proxime vacaturi, si pretium conductionis, quod petit, solvat.

¶ Uterque simoniæ reus est, Nobilis & agricola, imo & filius ipsius, si conventionis hujus notitiam habuit, & antequam Beneficium consequeretur, in eandem conferret. Si autem filius rem plane ignoravit, nec excommunicationem

nem nec cæteras pœnas incurrit ; licet ejusdem provisio sit nulla, & ad omnium fructuum perceptorum, in quantum inde ditior evasit, restitutionem teneatur. *Fromageau.*

**CASUS LXXII.** Canonicatus vacans in quadam cathedrali ecclesia promissus est cuidam hac conditione, ut duas Capellanas, quas habet, resignaret alii, qui, cum sit graduatus, jus habet ad dictum canonicatum.

R. Ista conditio simoniaca est ; interim nominatus ad hunc canonicatum potest eum retinere, si, dum ejus possessionem sumpsit, conditionem præfatam ignoravit ; duas tamen suas capellanas non debet dimittere : hoc enim idem esset, ac factam conventionem approbare. *Fromageau.*

**CASUS LXXIII.** Possuntne fieri foundationes conditionatæ ?

R. Jure ecclesiastico reſiciuntur tanquam simoniacæ ; hinc etiam permixtæ non sunt. *De Lamet.*

**NOTA.** Si in conditionem veniat pactio curæ animarum episcopalis, aut pastoralis, recte reſicitur tanquam simoniaca jure divino. Si autem pactio versetur circa Beneficium simplex, simonia est tantum juris ecclesiastici, dispensabilis ab Episcopis ultramontanis. Vide cas. 25.

**CASUS LXXIV.** Sigardus parochus scit, collatorem parochiæ sperare ac præstolari pro collatione aliquam remunerationem. Potestne parochus absque simonia indirecte ianuere, eam se facturum ?

R. Neutiquam id signo etiam obscurissimo indicare potest ; imo quamvis hæc collatoris præstolatio primum post collatum jam Beneficium parochi innotuisset, nec tunc aliquam ipsi remunerationem offerre posset, ne simoniacæ collatoris intentioni assensum præbere videretur. *Fromageau.*

**CASUS LXXV.** Asterius fundavit capellam, aut saltem ad ejusdem foundationem ac dotationem multum contribuit hac conditione, ut primus titulum ad eam obtineret. Estne simoniæ reus ?

R. Cum Asterius dederit temporale, ut consequeretur spirituale, absque dubio simoniam, & omnes pœnas in simoniacos latas incurrit. *Fromageau.*

**CASUS LXXVI.** Potestne tuta conscientia ambiri dignitas ecclesiastica, cui annexum est imperium temporale independentens ?

R. Nunquam licet ambitione querere dignitates sive sæculares sive ecclesiasticas, etiam si istæ solum ambiantur intuitu

tu imperii temporalis annexi. Simoniacum quoque est emere vota electorum ad ejusmodi dignitatem parata pecunia, aut electores in suas partes trahere per promissiones pensionum, Beneficiorum, aut aliorum commodorum temporalium. *Fromageau.*

**CASUS LXXVII.** Petrus Religiosus cujusdam monasterii, cui plura annexa sunt Beneficia, quæ Religiosis presbyteris secundum ætatem obtenti presbyteratus conferri solebant, promittit, se soluturum debita, quæ quoddam horum Beneficiorum premabatur, hac conditione, si illud obtenturus esset; prout & assentientibus Abbate ac conventu obtinuit. An non simoniaca est hæc collatio?

ꝰ. Simoniaca est; & ab hac labe consensus Abbatis ac conventus Petrum nequaquam purgare poterit. *De Lamet.*

**CASUS LXXVIII.** Capitulum quoddam ecclesiæ collegiatæ oretenus declaravit, se in gremium suum ut privilegiatos recepturum omnes filios eorum, qui centum imperiales ad reparandam ecclesiam contulerint, ita ut iisdem proveniuntibus, distributionibus, privilegiis, ac juribus frui possint, quibus fruuntur jam incorporati. An hæc agendi ratio non est simoniaca?

ꝰ. Certum est, & Capitulum promittendo, & eos, qui centum imperiales pro incorporatione offerebant, simoniam commisisse; ita ut Capitulum summas acceptas, & admissi omnes proventus perceptos restituere, ac in pia opera conferre teneantur. *De Lamet.*

**CASUS LXXIX.** Paulus permutaturus parochiam suam cum parochia Joannis, quam permutationem & Episcopus vehementer peroptat, imo & jubet, suspicionem capit, Joannem simoniacum, ac consequenter nulliter obtinuisse parochiam suam; id quod quidem ex rumore publico, convincenter tamen ac judicialiter probare non posset. An hoc non obstante tuta conscientia Paulus permutare potest?

ꝰ. Jussu Episcopi hæc permutatio fieri potest; instituenta tamen est in Curia Romana cum declaratione suspicionis de Simonia. Curandum insuper est, ut provisionibus inseratur hæc clausula: aut alio quovis modo vacet. *Fromageau.*

**CASUS LXXX.** Seminarium quoddam cum non haberet ecclesiam propriam ad officia divina celebranda, a Capitulo Canoniorum ejusdem loci aliquam emere cogitavit, quæ Canonici habentes ecclesiam noviter constructam non amplius indigebant. Potestne absque Simonia fieri hæc emptio?



¶. In hac emptione ac venditione nil reperitur, quod de se malum sit, aut quod sacris canonibus adversetur; hinc cum finis hujus emptionis sit cultus divinus, ac celebratio sacrorum mysteriorum in hac ecclesia perficiendorum, ea omnino vendi ac emi potest; dummodo intervéniant autoritas Superioris. Cavendum tamen, ne ex eo, quod ecclesia & locus sacer sit, majori pretio vendatur, ac ipsa structura valet, abstrahendo a consecratione, maxime cum ex ipsa hac ratione consecrationis minoris æstimanda sit; quia non nisi ad peculiarem ac determinatum usum adhiberi potest. *Fromageau.*

NOTA. Valorem ecclesia non habet nisi quoad materialia applicabilia & vendibilia in commercio humano ad usus profanos. Cum ergo materialia ecclesiæ veteris a benefactoribus structæ aut eorum exsecrationem eam venalitatem in commercio humano non habeant, vendi non possunt absque turpitudine reducibili ad quandam speciem Simonia.

CASUS LXXXI. Pinnus confanguineus fundatoris cujusdam capellæ, ejusdem redditus augere proponit, hac tamen conditione, ut illi, penes quos ad eam nominandi jus est, patronatum capellæ sibi cedant. An non vitiosum est hoc propositum?

¶. Conventio isthæc simoniaca est: Episcopus tamen ipsi concedere potest id, quod petit. Pro majori vero securitate recursus ad summum Pontificem suadet, cui exacte explicandæ erunt omnes circumstantiæ. *Fromageau.*

CASUS LXXXII. Sara Abbatisa resignatura Abbatiam suam pensionem perit, quæ tamen non ex redditibus Abbatia allunde valde tenuibus, sed ex summa pecuniæ, quam resignatura in perpetuum datura est monasterio, desumenda foret. An id absque Simonia fieri potest?

¶. In casu resignationis nunquam potest constitui pensio, quæ ex Beneficii resignati bonis non sumatur. Tota hæc conventio est simoniaca; quia pro pecunia Beneficium daretur. *De Lamet.*

CASUS LXXXIII. Petrus Beneficium suum resignavit simoniace; conditiones vero resignationis Romæ non fuerunt acceptatæ. An hoc non obstante incurrit poenas simoniacorum?

¶. Non incurrit; resignatio est irrita, & perseverat adhuc esse titularis sui Beneficii, ut antea. *Fromageau.*

**CASUS LXXXIV.** Quoddam Capitulum retinet partem reddituum ex Beneficiis, ad quæ jus nominandi habet.

¶ Tuta conscientia non potest id facere, nec etiam potest obligare parochos ad canendas Canonicoꝝ loco horas canonicas; hinc qui sub tali conditione conferunt, vel acceptant Beneficia, incurrunt pœnas contra simoniacos in jure latas. *Fromageau.*

**NOTA.** Sitalia Beneficia fuerunt olim incorporata Capitulo jam ante leges de Simonia juris ecclesiastici, cum assensu Episcopi possunt pensiones ab immemoriali tempore consuetæ continuari titulo reservationis. Vide *Casum* 28.

**CASUS LXXXV.** Alexius Clericus per sex annos Instruẽtorem egit filioꝝ cujusdam nobilis eo animo, ut in recompensationem Beneficium obtineat.

¶ Coram Deo Simonix reus est, & tenetur aut dimittere Beneficium, aut procurare novam provisionem, & absolutionem a censuris, quas incurrit. *Fromageau.*

**NOTA.** Hoc verum est, si competens salariuꝝ non accepit. Si autem hoc accepit, non est reus Simonix ob concomitantem spem beneficii ex propiori notitia Patroni de suis talentis.

**CASUS LXXXVI.** Titius Beneficii resignationem offert Mœvio hac conditione, ut resignatarius possessionem Beneficii non capiat ante certum tempus, ut interea resignans ejusdem redditus percipere possit. An non simoniaca est hæc resignatio?

¶ Est simoniaca: id enim nil aliud foret, quam pro re spiritali temporalem dare. Ad hæc quodvis pactum in re beneficiaria prohibetur. *Fromageau.*

**CASUS LXXXVII.** Krisius Abbas redditus Abbatix suæ locavit patri suo. An id licet?

¶ Si finis locationis fuerit, ut pater exinde lucrum percipiat, locatio isthæc simoniaca est: Abbas enim nec partem reddituum sui Beneficii donare potest alieni consanguineoꝝ suorum, nec etiam pensionem ad dies vitæ statuere. Verum si pater dudum factam locationem usque ad tempus stipulatus absolute continuare velit, reverentiæ filialis gratia Abbas potest connivere: Interim tamen locationem renovare ipsi haud licet. *Fromageau.*

**CASUS LXXXVIII.** Crispus resignatarius mediante summa pecuniæ a resignante obtinuit licentiam cap'endi possessionem resignati Beneficii. An id non est simoniacum?

¶. Est simoniacum; & solus Papa resignationem cum clausula, *retentis fructibus* permittere ac firmare potest. *Fro-mageau.*

CASUS LXXXIX. Titius permutavit Beneficium suum, & sub prætextu variarum reparationum in domum beneficialem factarum convenit cum conpermutante de solvenda sibi pecuniæ summa. An id citra Simoniam fieri potest?

¶. Permutatio hæc est simoniaca. Simoniaci pariter foret permutatio, si conpermutanti promittatur Beneficium aliud necdum vacans. *De Lamet.*

NOTA. Hæc Simonia tantum est juris ecclesiastici, & ideo dispensabilis per Episcopos saltem ultramontanos.

CASUS XC. In quadam ecclesia cathedrali viget peculiare statutum nunquam ex resignatis præbendis pensionem sibi retinendi. Ad constitutionem hanc eludendam Canonicus resignat Beneficium suum cum reservatione pensionis, addito pacto expresso vel tacito ante additionem Beneficii pensionem redimendi. An nulla intervenit Simonia?

¶. Resignatio hæc est simoniaca; & ille, qui hac ratione canonicatum obtinuit, si notabili auctoritate nixus Simoniam non intervenire existimavit, tenetur restituere fructus perceptos necdum consumptos, & pro nova provisione ad Episcopum recurrere. Si vero ignorantia illius voluntaria fuit, agendum cum eo est tanquam cum vero simoniaco. *De Lamet.*

CASUS XCI. Titius parochus ob temporale commodum redundaturum in fratrem suum revocavit resignationem parochiæ factam a se in favorem cujusdam suorum nepotum. An commisit Simoniam?

¶. Nec Titius potuit revocare resignationem, nec nepos absque Simonia promittere pecuniam, ut facta in favorem suum resignatio denuo vigorem suum recuperaret. Uterque poenas in simoniacos latus incurrit. *De Lamet.*

CASUS XCII. Sossinius parochus convenit cum quodam laico de resignatione parochiæ in favorem filii ipsius facienda, si pater solvat 50. florenos pro structura quadam in domo parochiali erecta. An id simoniacum?

¶. Parochus Simoniam commisit una cum laico, si hic dictam summam persolvit, nec enim ignorantia excusat. Filius, si conventionis hujus conscius ab Episcopo confirmationem petit, pariter simoniæ reus est. Resignans & resigna-

tarius incapaces sunt ad quævis Beneficia obtinenda, nisi Romanæ rehabilitati fuerint. *De Lamet.*

NOTA. Simonia hæc denuo juris tantum ecclesiastici esse videtur, circa quam dispensare possunt Episcopi ultramontani.

**CASUS XCIII.** Clarius sollicitat pro optinendo Beneficio, cujus titularis in articulo mortis constitutus est. Num bene?

ꝑ. Id non licet, ne detur occasio Beneficiati mortem optandi, cui quis successurus est. Multo minus potest promitti servitium aut obsequium illi, qui alteri Beneficium procuraturus est etiam habili ac summe idoneo. Beneficio, quod cantum requirit, ille cæteris dignior habendus est, qui ob perfectam cantus scientiam inagis promoturus est utilitatem ecclesiæ, in qua ejusmodi Beneficium vacat. *Fromageau.*

**CASUS XCIV.** Antherus Clericus provifus est Beneficio per resignationem alterius, qui ad illud jus non habebat; eo quod id per fraudem & Simoniam obtinuerit. An Antherus vere Titularis est?

ꝑ. Non est Titularis, nisi Romanæ provisioni clausula inserta sit: *Quovis modo vacet.* Restituendum est Beneficium illi, qui ad id a collatore nominatus fuit; dummodo & ab isto non fuerit pravis artibus obtentum. Si nemo ad illud jus habet, tunc actualis ejus possessor illud resignare potest subiecto digno. *De Lamet.*

**CASUS XCV.** Chremes parochus vendit administrationem Sacramentorum, & depositiones mortuorum; ac pro testimoniis baptismatis, confirmationis, obitus &c. nimias exactiones facit. Peccatne?

ꝑ. Quoad primum reus est Simoniae, & quidem juris divini. Quoad alterum peccatum avaritiæ ac veri furti committit: non enim licet parochi plus exigere, quam quod per constitutiones diocesanas & consuetudinem taxatum est. Sic pro attestato baptismatis &c. sine gravissimo peccato non potest recipere triginta crucigeros, ubi vi constitutionum aut consuetudinis solum duodecim aut quindecim solvendi forent. A confessario deneganda est ipsi absolutio, nisi injustas ejusmodi exactiones restituat. *De Lamet.*

**CASUS XCVI.** Cassaltius obtento in Curia Romana Beneficio regulari cum clausula, *pro cupiente profiteri*, novitiatum ingreditur. Antequam autem ad professionem admitte-  
retur; petunt Religiosi, ut scripto declaret, se nec victum  
neq

nec vestitum unquam a monasterio petiturum. An id fieri potest?

R. Aperta hic intervenit Simonia: Religiosi enim tribuunt Cassiano rem spirituales, characterem scilicet religiosi Ordinis per professionem ea conditione, ut victus ac vestitus a monasterio petendi juri renunciet, quod temporale est. *Fromageus.*

CASUS XCVII. Petrus pingue suum Beneficium cum Beneficio Pauli valde tenui permutare cogitat: varias autem Paulo condiciones adimplendas proponit. Licetne hoc?

R. Omnis permutatio, quæ sub conditione fit, Simoniam continet vel joris ecclesiastici vel divini; & joris divini quidem, cum in permutatione exigitur aliquod commodum temporale, ita ut sine illo permutatio non fieret. *De Lamet.*

CASUS XCVIII. Marianus presbyter a duobus compatriotibus promissum præsentationis ad parochiam oretenus jam obtinuit. Verum ut promotio ipsius sit honorificentior, & tertium lucraturus donis egit. An licite?

R. Manifestam commisit Simoniam: dedit enim temporale pro re pure spirituali, quod semper simoniacum est. Motivum quod habuit Marianus, ut scilicet præsentatio ipsius sit honorificentior eum non excusat: nam, licet duo compatrioti vota sua ipsi promiserint, fieri tamen potuisset ut aliter animam mutaret; & hinc dum votum tertii mediantibus donis lucrari studuit, per rem temporalem nominationem sui ad parochiam certam reddidit, quod absque Simonia fieri non potuit. C. B.

CASUS XCIX. Polianus presbyter durante vacante Beneficii multis multisque modis per varia servitia ac obsequia sibi devincere studuit amicum Patroni, ut sic suam commendaret votamque faceret habilitatem. An Simonia argui potest?

R. Distinguendum est: aut enim præcise intendit laudem suæ habilitatis, aut eam intendit eo fine, ut nominetur ad Beneficium. Si primum, juxta communem Doctorum sententiam non committit Simoniam; quia ejusmodi laudatio de se est quid temporale, & consequenter dedit temporale pro temporali. Si secundum, tunc juxta eorundem Doctorum opinionem Simonia se reum constituit; quia laudem quærere ea intentione, ut nominetur ad Beneficium, idem est, ac dare temporale pro spirituali. C. B.

*Nota.* In dubio præsumendum est, quod ejusmodi agendi ratio omni peccato careat, & solum fiat ad ingenerandam clariorem de suo talento notitiam.

**CASUS C.** Orsius parochus, pingue admodum possidens Beneficium, doctrina catechetica solum infantes divitum imbueri solet; a quorum parentibus singulis mensibus offeruntur munuscula, neglectis pauperibus. Estne simoniacus?

*Ans.* Si quædam conventio sive expressa sive tacita intervenit parochum inter & parentes; Simoniacæ reus est; quia munuscula recipit tanquam pretium rei spiritualis. Si vero nullum intercessit pactum, nec expressum nec tacitum, non est simoniacus; licet peccet gravissime in re summi momenti negligendo ea, quæ per se sunt annexa muneri parochiali.  
**C. B.**

## SIMONIA CONFIDENTIALIS.

1. *Simonia Confidentialis* in eo sensu, quo hic sumitur, est conventio expressa aut tacita inter duos Clericos inita, ut cujus unus Beneficii titulum recipit, ut in alium, de quo pacti sunt, transferat, vel illi, aut sibi met ipsi fructus Beneficii vel in totum, vel ex parte reservat.

2. Qui sic recipit Beneficium, ipso facto est excommunicatus, & collatio ei facta nulla est ipso jure. Tenetur insuper restituere omnes fructus perceptos, quando talis conventio est ex utraque parte completa; & quamvis non sit completa ex utraque parte, provilio tamen nulla est, & collatio pertinet ad Papam, excepto Galliarum Regno, in quo Confidentialarii possunt renunciare Beneficio in manus Ordinarii, qui illud postmodum confert, cui libuerit; modo renunciatio fiat, antequam quis privetur Beneficio per sententiam judicis.

3. Qui acceptat Beneficium per Simoniam confidentialem, etiam privatur aliis Beneficiis, quæ possidebat antea in illis regionibus, in quibus recepta est Bulla Pii V. Pariter & mediatores ejusmodi conventionis simoniacæ excommunicationem incurrunt juxta Extravag. *Cum deestabile*.

4. Non potest præscribi contra Simoniam confidentialem per triennem possessionem Beneficii: si tamen ea fuisset commissæ per tertium infcio Titulari, is potest post triennium pacificæ possessionis retinere Beneficium, si primum post lapsum triennii in ejusdem notitiam devenit. Plura hac de re vide in Titulo *Simonia*.

**CASUS I.** Eudemundus nobilis volens suo filio Titio procurare Præbendam in ecclesia cathedrali, eam ab Episcopo petit pro Manlio; huic tamen insinuat, sibi gratum fore, si eam post sex menses resignaret suo filio, tunc habituro ætatem per Sacros Canones ad talia Beneficia requisitam: aut saltem ipsi daret pensionem annuam 75. florenorum ad proseguenda studia. Pensione acceptata, impetrata est Manlio Præbenda, quam & resignavit post sex menses Titio. An nulla hic Simonia?

1. Certum est, in hoc casu intervenire Simoniam confidentialem. Nihilominus dici non potest, Manlium ex eo esse privatum aliis Beneficiis, quæ possedit antea legitime obtenta, sed solum eum posse privari illis Beneficiis per sententiam iudicis. Observandum hic est, Confidentiam posse committi non solum in præsentatione, & collatione; sed etiam in resignatione & electione; quando similis conventio initur cum Patronis, Collatoribus, Resignantibus, aut Electoribus. *Pontas.*

**CASUS II.** Tribonianus volens filio suo procurare Capellaniam simplicem, quam ipsi offert Paulus Patronus ecclesiasticus, impetravit, ut ea conferetur Petro Sacerdoti, amico suo, ea tamen conditione ac promissione, ut eam resignaret suo filio, quamprimum accepisset primam tonsuram. Petrus id se facturum promittit, ac filio Triboniani accepta tonsura resignat in Curia Romana Beneficium, quod illud pluribus jam annis possidet, in hodiernum usque diem ignarus, quomodo hoc sibi Beneficium procuratum fuerit.

2. In hoc casu vera intervenit confidentia; & hinc filius Triboniani non est canonice institutus in Beneficio, teneturque in conscientia Capellaniam dimittere. Si Paulus Patronus Capellanix est complex hujus confidentiæ, non solum incurrit excommunicationem *ipso facto*, prout & Tribonianus ac Petrus, sed etiam *ipso jure* privatus est pro prima vice jure præsentandi ad hanc Capellaniam proxime vacaturam; & hinc tenetur in conscientia prætermittere terminum nominationis suæ, quin aliquem præsentet, ac interim monere dignum aliquem Clericum, ut procuret sibi provisionem Romæ, vel ab Ordinario *jure devoluto*. Filius Triboniani tenetur restituere fructus etiam bona fide perceptos, in quantum adhuc extant, aut in quantum factus est ditior, si ante lapsum triennii commissæ confidentiæ notitiam habuit. Si tamen bona fide ac pacifice per triennium possedit Capellaniam, & primum post triennium obtinuit notitiam commissæ Si-

monie confidentialis, tuta conscientia & Beneficium & fructus retinere potest. *Pontas.*

CASUS III. Parochia ad S. Gordianum vacabat mense Aprilis. In favorem Graduatorum destinata: Ennodius Colator eam contulit Fabio, v. Gradus sui eam perenti, hac tamen conditione, ut eam sibi resignaret pro alia parochia, quam ipsi se collaturum spondebat. Utrumque bona fide ex utraque parte executioni datum est.

¶ Uterque, Ennodius & Fabius, commisit Simoniam realem duplicem, & incurrit penas a Canonibus statutas. *Pontas.*

CASUS IV. Quirindus parochus ad S. Odomarum permittit suam parochiam cum parcho ad S. Crispinum Luciano, ea tamen conditione, ut Lucianus resignet parochiam ad S. Odomarum Francisco. Lucianus ex parte sua implet pactum data Francisco procuratore ad resignandum, quæ fuit Romam directâ. Verum cum adverteret, pactum fuisse simoniacum, & Quirindum jam esse in possessione parochiæ ad S. Crispinum, statuit sibi reservare parochiam ad S. Odomarum, ac revocare suam resignationem, antequam esset admissa Romæ.

¶ Cum Simonia in hoc casu commissa ex una parte sit realis, & ex altera confidentialis, revocatio procuratoris ad resignandum facta Francisco non purgat pactum illicitum, neque impedit, quo minus etiam Lucianus excommunicationem incurrat. *Pontas.*

CASUS V. Rutillus volens Protogeni suo nepoti procurare Capellaniam, resignat Marcello suam Præbendam, ea conditione, ut Protogeni suam Marcellus Capellaniam resignet, cujus redditus sunt 100. floreni. Conventio hæc ex utraque parte adimpleta est.

¶ Etiam si hæc conventio Rutillum inter & Marcellum non continere: eo tamen juris divini, quam tamen continet; nihilominus semper foret illicita, & contineret Simoniam juris ecclesiastici. *Pontas.*

CASUS VI. Manilius parochus ad S. Jobum volens procurare Joanni nepoti suo Capellaniam Antonii vicarii sui, suam huc resignat parochiam, addita conditione, ut suam Antonius Capellaniam resignet Joanni; hoc ni fieret, neque se habere animum resignandi. Antonius resignationem parochiæ sibi factam quidem acceptat; sed nec directe nec indirecte acceptat conditionem appositam resignationi; imo obfirmatum gerit animum retinendi suam Capellaniam, quam etiam actu retinet post jam adeptam parochiam.



g. Censeo, Vicarium incurrisse censuras; quia per suum silentium sufficienter consensisse videtur in pactum simoniacum. *Pontas*

CASUS VII. Crispinianus habens Præbendam valde modicam & tenuem, petit a Capitulo aliam pinguiorem actu vacantem. Capitulum hanc illi annuit, ea tamen conditione, ut adepta illius possessione priorem pure ac simpliciter in manus Capituli dimittat. Utrumque adimpletur.

g. In hac conventionione nulla intervenit Simonia confidentialis. *Pontas*.

CASUS VIII. Blandinus Ægidio nepoti suo vacantem in ecclesia cathedrali Dignitatem procurare volens, eam pro se petit ab Episcopo collatore ejusdem, qui etiam eam ipsi confert, et si sciverit, Blandinum hanc dignitatem resignaturum Ægidio. Blandinus capit possessionem, & post paucos dies eam resignat Ægidio nepoti suo.

g. Non videtur, intervenisse confidentiam realem; & hinc Blandinus non incurrit poenas ecclesiasticas. Nullominus graviter peccavit Blandinus acceptando Beneficium absque intentione retinendi illud, aut, in eo deservendi. Ratio responsionis quoad primum membrum est; quia, licet Episcopus præsenserit intentionem secretam Blandini Beneficium resignandi suo nepoti, plenam tamen ipsi libertatem reliquit propositum suum exequendi, vel non; quia nulla hac super re inter illos stipulatio intercessit, neque inter Blandinum & nepotem; cum ille nulla se obligatione devinxerit Dignitatem resignandi, sed integram sibi libertatem reservaverit eam retinendi pro se, aut resignandi, cuicumque deam voluerit. *Pontas*.

CASUS IX. Ivo parochus ad S. Albinum, quæ parochia est patronatus laici, cum ab Episcopo suo obtinuisset aliam parochiam, primam dimittit Patrono, eum rogans, ut ad illam præsentare vellet fratrem suum, id quod etiam obtinet.

g. In hoc casu nulla intervenit confidentia, si renunciatio ab Ivone fuit facta pure ac simpliciter, sine ullo pacto cum Patrono inito. *Pontas*.

CASUS X. Petrus, Paulus & Joannes Canonici conspirarunt, se curaturos, ut Titius eligeretur in Cantorem a Capitulo. Itaque cum adeunt, promittentes, se illi daturus votum suum, ac reliquos Concanonicos ad idem sollicitaturos, hac tamen conditione, ut Dignitatem Cantoris postea permittet cum Petro præsimplici Prioratu. Id Titius se facturum spondit; & Capitulum pactioni huic, de qua ha-

bebat notitiam, favens, elegit Titium in Cantorem. Nihilominus Episcopus, qui prætendebat jus conferendi hanc Dignitatem, eam contulit Mævio. Tres dein Canonici agnoscen-  
tes, suam pactionem fuisse simoniacam, renuntiaverunt expres-  
se pacto, declarantes Titio, quod possit retinere suum Can-  
toris Beneficium, nec illud amplius exigi a Petro.

¶ Titius, cum non sit canonice electus, & Simoniam incurrerit, ut tres Canonici, non potest tuta conscientia se defendere contra Mævium, qui ipsi litem intentavit, ut se retineret in possessione Dignitatis ab Episcopo sibi collatæ: jus enim Titii absolute nullum est, ut proin non solum non possit agere contra Mævium, sed neque ullam pro cessione Beneficii compositionem inire. *Pontas.*

CASUS XI. Abbas quidam recipit Beneficium, sciens, intentionem Collatoris esse, ut illud resignet alteri, pensione sibi reventa.

¶ Interventit in hoc casu Confidentia tacita. *Fromageau.*

CASUS XII. Clericus quidam obtinuit Roma dispensationem, ut possit retinere Beneficium per Simoniam confidentialem obtentum. Licetne huc prærer istud Beneficium etiam aliud possidere?

¶ Non potest possidere aliud Beneficium, nisi id expres-  
sis terminis in dispensatione contineatur. *Fromageau.*

CASUS XIII. Resignatarius quidam per concordatum cedit suo resignanti decimas quasdam pertinentes ad Prioratum curatum. Decimæ autem istæ una cum 10. florensis, quos per modum supplementi ipsi se daturum obligat, non excedunt pensionem Romæ impositam Beneficio. Interventne in concordato isto Simonia?

¶ Etsi nulla interveniat Simonia; videtur tamen concordatum istud esse contrarium menti ac constitutionibus Ecclesiæ, & propinquum saltem Simonie confidentiali. *Fromageau.*

CASUS XIV. Devolutarius quidam suum interponit nomen ad obtinendum Beneficium pro alia persona.

¶ Habetur pro Confidentiaro. *De Lamet,*

CASUS XV. Quidam Beneficii resignationem obtinet, sciens, resignantem eodem tempore eam revocaturum, ut Beneficium sibi reservet, casu quo resignatario defuncto ipse adhuc viveret.

¶ Committit Simoniam confidentialem, quæ omnes provisiones Romanas reddit invalidas. Nihilominus juvenilis ætas, & ignorantia talem eximere posset a pœnis in Confidentarios latis, ita, ut posset retinere Beneficium. *De Lamet.*

**CASUS XVI.** Parochus quidam petit Capellaniam, & promittit, se redditus exinde perceptos daturum matronæ quidam, ut possit presbytero suo domestico missam celebranti stipendium persolvere.

*γ.* Tuta conscientia non potest petere hanc Capellaniam. *Fromageau.*

**CASUS XVII.** Gallus rogat Episcopum, ut Beneficium quoddam conferat uni ex fratribus suis. Erat in hujus Episcopi potestate Beneficium, quod ex sua natura regulare erat, sed in commendam semper collatum fuerat. Non poterat hinc illud Galli fratri conferri, quin prius collatum fuisset Regulari. Episcopus ea de re agit cum fratre cujusdam Religiosi, qui promittit, si Beneficium hoc conferretur fratri suo Religioso, se curaturum, ut hic illud resignat fratri Galli. Id omne fuit executioni datum.

*γ.* Omnia hoc in negotio peracta confidentiam continent. *De Lamet.*

*Vide Beneficium. Collatio. Patronus. Permutatio. Provisio. Resignatio. Simonia.*

## SOCIETAS.

*1. Societas est conventio circa res honestas ac licitas a duobus vel pluribus inter se inita, qui pecuniæ summam aut aliud pretio æstimabile in communem massam congerunt, ut exinde facilius ac certius lucrentur. Dicitur 1. Circa res licitas ac honestas: conventio enim inter duos prædones inita injuste rapta inter se partiendi non est societas. Dicitur 2. Qui pecuniam suam congerunt &c. nam fundus societatis est communis omnibus societatem constituentibus, sicut & omnibus sociis commune est lucrum & damnum. 3. Denique dicitur: Ut exinde facilius ac certius lucrentur, ex quo colligitur finis, quem associati sibi præstunt.*

*2. Duæ distinguuntur species societatis, una quæ consistit in commercio pecorum; & altera quæ consistit in pecunia vel alia re pretio æstimabili mercatori credita.*

*3. Societas ut sit legitima, tres requiruntur conditiones: 1. Ut ille, qui pecuniam aut aliud quid ad societatem confert, periculum sortis principalis subeat, nec sibi assureare possit aut reducere ullum interesse ex eo, quod contulit. 2. Ut quilibet sociorum conferat aliquid pretio æstimabile, sive deinde sit pecunia, sive merx sive opera, labor, industria, aut quid aliud.*

aliud. 3. Ut servetur æqualitas in lucro, jactura, expensis, damno &c juxta proportionem sortis, quam quilibet sociorum contulit.

4. *Propositio LIV.* damnata a conventu Cleri Gallicani anno 1700. hæc est: *Contractus, qui vocatur Mohatra, id est; contractus, quo a mercatore res majori pretio ad certum tempus solvendo venditæ, ab eodem minori pretio, stante eodem contractu. parata pecunia redimuntur, est licitus, etiam respectu ejusdem personæ, & cum contractu retrovenditionis prævie inito cum intentione lucri. Censura est ista: Hæc propositio continet doctrinam falsam, scandalosam, perniciosam in praxi, palliativam usurarum, verbo divino scripto, & non scripto contrariam, reprobata a Clero Gallicano, & sæpius jam Conciliorum ac summorum Pontificum decretis damnatam.*

5. Denique observandum, in contractu Societatis nullum illius membrum absque usura posse a consortibus exigere allocationem suæ sortis principalis a se in Societatem collatæ.

CASUS I. Reynerius gemmarius in sua arte perquam petitus iulit cum Raymundo ad quatuor annos societatem. Raymundus contulit summam 10000. florenorum, Reynerius vero solam suam industriam. Reynerius cum consensu Raymundi dictam summam impendit in emendas gemmas, e quibus elapso quadriennio lucrum 5000. florenorum acquisierunt; quod lucrum juxta conventionem inter se factam æqualiter dividerunt. An hæc societas legitima est? an Reynerius dividendo dictum lucrum cum Raymundo iuste egit?

3. Hæc societas licita est, & Raynerius absque injuria potuit dividere acquisitum lucrum cum Raymundo: industria enim & labor pecuniæ loco sunt. Ita coiri posse societatem, inquit Justinianus Instit. Lib. 3. Tit. 26. §. 2. non dubitatur, ut alter pecuniam conferat, alter non conferat, & tamen lucrum inter eos commune sit; quia sæpe opera alicujus pro pecunia valet. Pontas.

CASUS II. Raymundus parata pecunia opulentus, sed commercii ignarus ad quadriennium societatem iniit cum Reynero, ita, ut Raymundus contulerit 1000. florenos, Reynerius vero solam suam industriam & laborem. Quadriennio elapso nullum omnino remansit lucrum. Reynerius nihilominus petit dimidiam summam dictorum 1000. florenorum in recompensationem suæ industrie & laboris;

Ray-

Raymundas vero contendit, nimum peti a Reynerio, imo stricte loquendo se nihil debere Reynerio. Quid agendum?

w. Societas ut iusta dici possit, quatuor requiruntur conditiones. 1. Ut in commune deponant socii, quod in societatem conferunt. 2. Ut lucrum & iactura sint communia sociis. 3. Ut quilibet sociorum de lucro aquirat juxta proportionem ejus, quod contulit. 4. Ut quilibet eorum etiam subeat periculum sortis suæ, deductis tamen expensis pro communi societatis bono factis. His præsuppositis, cum industria Reynerii loco pecuniæ fuerit, & quilibet iacturam in societatem collatam fuisse debeat, sequitur, iacturam industriæ, cum illa sortis loco fuerit, soli Reynerio esse ferendam, Raymundo vero suam, quam contulit, deberi summam, quin eam cum Reynerio dividere teneatur. Rationem asserit Cabasutius L. 6. cap. 23. n. 3 inquit: *Si pecunia pereat, perire illi debet, qui eam contulit. Ergo si superfit, eidem tradenda est, ut qui sentis onus, sentiat quoque commodum.* Observeandum nihilominus 1. Restituendas esse illi, qui industriam suam loco pecuniæ contulit, expensas pro bono societatis factas. 2. Si socii convenerint, ut conferens industriam etiam recipiat dimidium summæ pecuniæ ab altero collatæ, aut si id de consuetudine sit, tunc conformiter ad conventionem aut consuetudinem agendum esse, ut idem advertit Cabasutius. *Pontas.*

CASUS III. Athenodorus & Landericus interunt inter se societatem ratione alicujus manufacturæ; prior cum sit peritus artifex, suum laborem & industriam; alter vero 6000. florenos contulit: & quia intimi amici erant, ac bona fide agebant, de divisione lucri non sunt pacti, nec etiam de iactura forsan futura. Triennio elapso facta computatione remansit lucrum 5000. florenorum; de cujus lucri divisione valde dissenserunt: Landericus enim contendebat, sibi deberi summam 3750. florenorum ob collatam a se summam 6000. florenorum; Athenodorus vero petit dimidium lucri, cum sine sua industria Landerici pecunia non fructificasset. Quid juris?

y. Dum portiones lucri & damni per contractum societatis non fuerunt determinatæ, divisio in æquas partes facienda est: *Si non fuerint partes societati adjectæ, æquas eas esse constat, ait Lex Si non fuerint.* 29. ff. Lib. 17. Tit. 2. Hinc partitio æquanda est inter hos duos, cum & conditio eorum exæquari possit per æqualitatem lucrorum ex diversis eorum collationibus profluentium. *Pontas.*

CASUS IV. Geranus confert Licio in societatem 10000 imperiales, pro quibus modicum sane lucrum exigit; quod

quod Licinius omne periculum in se receperit, & Gerano cautionem fortis præstiterit. Confessarius Gerano desuper movet scrupulum, & petit dissolutionem hujus contractus; Geranus autem hisce rationibus se tuetur: 1. In contractu commodati, depositi aut locationis possum pacisci, ut jactura rei commodatæ, depositæ aut locatæ mihi ferenda non sit, etiam non transferam dominium rei in commodatarium, depositarium aut locatarium, sed semper perseverem esse dominus rei. Ergo a pari in contractu cum Licinio satis est, quod ipsum indemnem servem ob periculum in se susceptum cedendo ipsi lucrum notabiliter majus. 2. Iste contractus, cum non transferat in socium dominium pecuniæ, non continet in se naturam & rationem mutui, adeoque nec usuram. Quid tenendum?

3. Sunt quidem Authores, etiam recentiores, qui hunc contractum existimant licitum, inter quos aliqui censent, contractui societatis superaddi posse contractum alium, nimirum assecurationis fortis principalis hac conditione, ut minus lucrum exigatur juxta proportionem periculi, quod alter in se suscipit. Non tamen videtur hæc sententia defendi posse; & confessarius bene obligavit Geranum ad rescissionem hujus societatis, utpote juxta S. Antoninum 2. part. Summ. Theol. Tit. 1. cap. 7. §. 37. & Glossam in Can. *Plerique*. 3. 14. q. 3. usurariæ. Quamvis naturale quasi sit contractibus commodati, locati & depositi, ut periculum v.g. libri commodati, equi locati & pecuniæ depositæ sufferendum sit domino rei, non tamen necessarium est, nec ad essentiam horum contractuum requiritur, ut commodans, locans & deponens semper subeat periculum rei commodatæ, locatæ aut depositæ; cum natura & essentia commodati sit, ut res gratis concedatur ad usum, quin amittatur ejusdem dominium; sicut natura locati exigit, ut concedatur usus rei locatæ pro justo pretio, & depositi, ut custodiatur res deposita. At ut contractus societatis sit legitimus, requiritur, ut periculum fortis principalis sit penes eum, qui illum in societatem contulit. Ad alteram rationem quod attinet; dum Licinius, qui a Gerano 1000. Imperiales recepit, & præstita hujus summæ assecuratione omne periculum in se solum suscepit, ita ejusdem obtinuit dominium, ut possit de ea disponere pro suo beneplacito, emere merces quas voluerit, & eam in usus alios convertere prout placuerit, dummodo similem summam, non eosdem nummos, denuo sub tempore Gerano restituat. Hinc propter assecurationem hanc contractus iste inter Licinium & Geranum transit in verum mutuum palliatum sub nomine societatis; & consequenter  
Gera-

Geranus affecurata sibi summa 1000. imperialium non potest ullum a Licinio lucrum percipere absque usura. *Pontas.*

NOTA. Hæc postrema tamen locum non habent in Germania, ubi licitus est contractus censualis personalis. De cætero mereretur hæc questio prolixiorum ac exactiorum disquisitionem. Vide Tractatum de *Usura & Censibus* Coloniz editum 1769.

**CASUS V.** Lazarus & Lyfimachus collatis a quolibet 1000. imperialibus contractum societatis inierunt, conveniuntque, ut ambo periculum sortis suæ subeant, & tam lucrum quam damnum forsan emerfurum utrique sit commune. Lazarus vero Balduino amico suo declaravit, quod si summæ eum Lyfimacho in societatem collatæ cautionem præstet, modicumque sibi lucrum relinquat, omne reliquum lucrum, quod valde notabile futurum speraret, ipsi cedere velit; quam conditionem Balduinus etiam acceptavit. An hæc conventio licita est?

R. Nec a Lyfimacho, nec a Balduino potest Lazarus collatæ summæ affecurationem petere; cum absque injustitia nec ullum e societate possit percipere lucrum, nisi periculum sortis subeat. Interim tamen posset Balduino omne jus suum, quod vi societatis habet, cedere. Posito vero, Lazaro licere talem inire conventionem cum Balduino, non tamen licet taliter convenire cum Lyfimacho: talis enim conventio esset verus contractus mutui. *Pontas.*

NOTA. Author supponit, a Lazaro ob lucrum cessans, vel damnum emergens potuisse ex mutuo hoc palliato Balduinum obligare ad sibi solvendum modicum Lucrum. Hæc responsio potest admitti, si quantitas hujusmodi lucri non excedit censum licitum ex mutuo; alioquin foret usarium.

**CASUS VI.** Maximianus & Bertrandus societatem inter se inierunt, & uterque æqualem summam 5000. florenorum ad illam contulit. Bertrandus negotiationis Maximiani imperitus convenit cum eo, ut quolibet anno recipiat quamdam pecuniæ summam, etiam si sua negotiatione nihil lucratum fuisset, & hoc ob periculum sortis, quod in se suscipere debet. An Bertrandus dictam recipere summam licite potest?

R. Non potest eam licite recipere: conditio enim adjecta conventioni destruit essentiam contractus societatis, quæ subsistere non potest, nisi uterque socius æqualiter tam de lucro quam de damno participet. Bertrandus igitur de determinata summa certus, sive dein Maximianus sua negotiatione lucretur, sive perdat, non esset vere associatus Maximiano, & ejusdem cum eo conditionis; & in hoc casu

su

tu si intendis habere lucrum & non damnum, usura est, ut ait S. Bernardinus serm. 39. ser. 6. post Dom. 4. Quadrag. Pontas.

NOTA. In casu præcedente ostensum est, hunc palliatum Societatis contractum habere re ipsa rationem mutui. Cum ergo etiam ratione periculi census juxta communem doctrinam exigi possit, non debuit ab authore hic contractus absolute condemnari tanquam usurarius. Vide *Medium*.

CASUS VII. Nicander inivit societatem cum Pamphilo, qui tantum suum laborem & industriam, Nicander vero 4000. florenos contulit ea lege, ut Pamphilo certa quædam summa pro parte lucri e societate emerfuri affecretur. An id licet?

g. In præsentī casu, cum non adsit æqualitas lucri vel damni, non datur vera societas, sed potius contractus locationis, nimirum *locatio operarum*, qua Pamphilus suam operam locat Nicandro, quod utique nec injustum nec illicitum est; dummodo omne periculum sortis & depositæ pecuniæ in se suscipiat Nicander. Pontas.

CASUS VIII. Emanuel præfectus ejusdem novæ manufacturæ a Margaretha 5000. florenos mutuos accepit pro suo commercio; cum vero Margaretha adverteret, nullum e sua pecunia redundare fructum, Emanuelem rogat, ut aut restituat summam, aut in societatem se recipiat. Emanuel illam admittit in societatem hac lege, ut periculum sortis subeat juxta proportionem summæ 5000. florenorum. Margaretha, acceptata hac conditione se verum societatis membrum esse eredit; interim tamen aliquo agitur scrupulo ex eo, quod Emanuel cum suis sociis determinavit certam summam 600. florenorum, quam ipsa singulis annis luci loco evitandæ computationis gratia recipiat. Potestne Margaretha recipere istam summam tuta conscientia vi factæ conventionis?

h. Si Margaretha tenetur omne, quaecunque demum sit, periculum subire juxta proportionem collatæ summæ, societas legitima est, & potest recipere dictam 600. florenorum summam. Ast si vi contractus solum teneatur in se suscipere pericula particularia determinata, ut forent v.g. revocatio privilegii, bellum, erectio similis manufacturæ in viciniis &c. tunc societas injusta esset & illegitima: essentialē enim est contractui societatis, ut omnes socii suscipiant omnia pericula, & participant de quolibet damno juxta proportionem sortis in fundum societatis collatæ, ita ut lucrum alia ratione obtentum esset usurarium. Quod attinet lucrum certum annuatim determinatum ad 600. florenos cum



cum consensu partium, id Margaretha tuta conscientia percipere potest ad evitandam molestant rationum discussionem: lucrum enim majus quidem, sed incertum absque injuria reduci potest ad minus, certum tamen. *Pontas.*

CASUS IX. Gosselinus & Andreas inferunt in commercio frumenti & vini societatem, collata utrinque æquali pecunie summa hac lege, ut Gosselinus duas tertias lucri ex frumento facti referret, & solum unam tertiam damni ex commercio vini emergentis ferret. An iste contractus justus est? An Gosselinus non tenetur restituere Andree?

ꝑ. Licitus est hic contractus: liberum est enim membris societatis convenire de hoc, ut unus eorum majus lucrum & minus damnum quam alter referat; quod tamen ita intelligi debet, ut Gosselinus sibi majorem partem lucri attribueri non possit, nisi ex eo, quod deductis damnis ex utroque commercio emergentibus residuum fuerit. *Sape, Inquit Imperator §. 2. Instit. Lib. 3. Tit. 26, quorundam ita pretiosa est opera in societate, ut eos justum sit conditione meliore in societatem admitti. Quod tamen ita intelligi oportet, ut si in alia re lucrum, in alia damnum illatum sit, compensatione facta, solum quod superest, intelligatur lucro esse. Et ut habetur Leg. Mucius 30. ff. Lib. 17. Tit. 2. Neque enim lucrum intelligitur, nisi omni damno deducto.* *Pontas.*

CASUS X. Oldradus, Antonius, Gabriel & Bernardus societatem inter se inferunt, cujus finis est exsiccatio cujusdam paludis. Verum Oldradus ad instantiam suorum sociorum ultra portionem jam cum reliquis in societatem æqualiter collatam anticipato obtulit summam 7500. florenorum hac conditione, ut intra annum sibi hæc summa restituatur. Ast cum Antonius finito anno solvendo non esset, Oldradus solutionem ex fundo communis petit; reliqui vero se opponunt. Quid juris?

ꝑ. Petitio Oldradi justa est; nam, cum pro bono communi societatis præfatam summam anticipato obtulerit, quilibet sociorum tenetur juxta suam portionem indemnem reddere Oldradum; & si, dum unus eorum solvendo non est, totalem summam recipere non possit, id; quod deest, ex ipso fundo societatis jure exigere potest. Hinc priusquam Gabriel & Bernardus lucrum ex societate percipiant, Oldrado solvenda est summa 7500. florenorum, & postea, quod superest, dividendum inter ipsum, & duos reliquos. *Leg. Si unus. 67. ff. Lib. 17. Tit. 2.* *Pontas.*

CASUS XI. Florus gemmarius societatem inivit cum aliis quatuor ejusdem professionis viris, quorum quilibet in  
*Dist. Cas. Conf. Tom. III. H h fun-*

fundum societatis conferebat gemmas 5000 florenis æstimatas. Eidem Floro a suis sociis commissum est, ut in Hispaniam proficiscatur, & ibidem cum dictis gemmis negotiaretur, ut ipsi visum & societati proficuum fuerit. Florus in Hispania duobus mercatoribus Hispanis vendidit aliquas gemmas pro 12500 florenis; verum loco solutionis accepit schedam cambialem, pro qua intra quatuor menses ipsam pecuniam sit recepturus. At elapsis duobus mensibus dicti mercatores non amplius fuerunt solvendo. An hanc jacturam Florus sufferre debet?

¶ Si duo mercatores Hispani noti fuerint aliis ejusdem professionis mercatoribus Hispanis, & etiam Florus de eorum bona fide dubium non habuit, ac eos solvendo esse credidit, jactura 12500 florenorum non ab ipso solo, sed ab omnibus sociis ferendum est juxta proportionem summæ, quam singuli in societatem contulerunt. Magistris societatum pactum & prodesse & obesse constat. *Leg. item. 14. ff. Lib. 2. Tit. 14. Pontas.*

CASUS XII. Lombardus cum Jacobo inivit societatem negotiationis, & Jacobus consentiente Lombardo profectus est in Galliam pro communi societatis bono; in ipso autem itinere spoliatus, & una cum suo famulo vulneratus est. Potestne compensationem damni a suo socio ex ipsa in societatem collata summa exigere?

¶ Jure potest exigere indemnificationem; quia in negotiis societatis damnum isthoc accidit. *Leg. Cum duobus. 52. §. 4. Lib. 17. Tit. 2.* Notandum tamen 1. Quod hic solum agatur de pecunia communi societatis, aut destinata ad expensas societatis: si enim Jacobus pro suis privatis commodis ac usibus pecunias secum tulisset, earum jactura ipsi tollenda esset. 2. Ad hoc, ut pecunia censeatur pertinere ad societatem, non sufficit eam solum destinatum fuisse ad fundum societatis; sed requiritur, ut ea actu in societatem fuerit collata. Sic habetur *Leg. Si id. 58 §. 1. ff. ibid. Pontas.*

CASUS XIII. Guarinus & Ægidius ad quatuor annos inierunt societatem circa negotiationem vini. Cum vero Guarinus pro bono communi societatis in varias provincias ad emendum vinum profectus esset, durante absentia domi in rebus familie suæ privatis passus est damnum 600 florenorum. An hoc damnum ipsi refarciendum ex fundo societatis?

¶ Negative; quia ejusmodi eventus nulla ratione tangunt societatem, sed inter privata Guarini negotia pertinent; & consequenter Ægidius ad nullam ipsi compensationem teneatur. *Non compensaturum pro socio actione Labeo ait; quia id*

*non in societatem, quamvis propter societatem, impensum sit... nam nec compendium, quod propter societatem ei contigisset, veniret in medium; veluti si propter societatem hæres fuisset institutus, aut quid ei donatum esset. Leg. Socium. 60. §. 1. ff. Lib. 17. Tit. 2. Pontas.*

**CASUS XIV.** Fabricius cum aliis quinque societatem inivit; cum vero navis mercibus onusta exoneranda esset in aliam naviculam, ut eo facilius portum attingeret, merces Fabricii huic naviculæ impositæ casu fortuito, & improvise periere. An Fabricius solus hanc jacturam ferre tenetur?

3. Cum exoneratio facta sit in commune bonum societatis, jure exigere potest, ut ab omnibus sociis feratur jactura mercium. *Leg. Navis. 4. Init. ff. Lib. 14. Tit. 2. Pontas.*

**CASUS XV.** Radulphus in commercio sociali constitutus cum Samsonem per imprudentiam, quæ tamen in jure solum culpa levis dicitur, notabile in negotiatione damnum passus est. An id etiam Samsoni ferendum est?

3. In contractu societatis, si quis committat culpam, sive levem sive latam, ex qua societati damnum inferitur, hic solus tenetur reparare damnum; & hinc Radulphus tuta conscientia non potest adstringere Samsonem ad ferendam partem damni. *Culpa autem, ait Justinianus Instit. Lib. 3. Tit. 26. §. 9. non ad exactissimam diligentiam dirigenda est: sufficit enim talem diligentiam communibus rebus adhibere socium, qualem suis rebus adhibere solet. Pontas.*

**NOTA.** Theologicæ non est idem culpa lata, & levis. Socius ex levi culpa non tenetur in foro interno ferre totum damnum. *Vide Notam ad casum seq.*

**CASUS XVI.** Paulus socius Andreæ in quodam commercio sua negligentia societati intulit damnum 150. florenorum; quapropter Andreas ab illo petit, ut refarciat damnum. Paulus vero contendit, se societati sua industria lucratum fuisse alias 1000. florenos, quorum dimidia pars cedit Andreæ. An Andreas jure a Paulo exigit, ut solus damnum 150. flor. ferat?

3. Jure potest id exigere a Paulo etiam non obstante lucro 1000. florenorum; quilibet enim sociorum tenetur in tantum promovere bonum societatis, in quantum potest, nec potest exigere ullam compensationem damni sua culpa illati. *Non ob eam rem, L. Non ob eam. 25. ff. Lib 17. Tit. 2. minus ad periculum socii pertinet, quod negligentia ejus periisset, quod in plerisque aliis industria ejus societas aucta fuisset: Et hoc ex appellatione Imperator Antoninus pronuntiavit. Idem statuitur Leg. 26. ibid. Pontas.*

**NOTA.** In foro interno non datur obligatio ferendi totum damnum illatum ex culpa levi : neque enim Sociorum quis se ad hoc ultra adstringeret. Leges Romanæ, præsertim digesta, nec viguerunt in Germania ante annum 1500. ac modo vix ullibi amplius vigent : & ubi pro foro externo vigent, in similibus casibus disponunt solum ex præsumptione gravioris culpæ, vel poenaliter ad aliorum cautelam in futurum.

**CASUS XVII.** Tres mercatores, quos inter societas est, emerunt bona mobilia cujusdam defuncti, ac horum partem privatim variis vendiderunt personis ; Medericus vero, unus sociorum, advertens talem venditionem istorum bonorum non fore valde proficuum societati, magis conveniens esse credidit, si a Magistratu licentiam dicta bona publice vendendi, ac per modum inventarii publicandi obtineret, & id etiam factum est videntibus & scientibus suis sociis. Verum venditione peracta emerit damnum societati, & hoc à solo Mederico ferendum esse contendunt ipsius socii, cum istius venditionis author fuerit. An jure id exigunt ?

**ꝑ.** Membrum societatis in rebus societatem attingentibus nihil potest agere, nisi in illud consenserint etiam reliqua membra. Sabinus ait, *in re communi neminem dominorum jure facere quidquam invito altero posse.* Unde manifestum est, prohibendi jus esse : in re enim pari potiore causam esse prohibentis constat. Leg. Sabinus, 28. ff. Lib 10. Tit. 3. In præsentem igitur casu cum venditionem publicam, cujus author Medericus erat, reliqui socii, dictæ venditionis perfectam notitiam habentes, non inhibuerint, damnum, quod emerit, ab omnibus ferendum est : regula enim juris est : *Qui tacet, consentire videtur.* Socii ergo Mederici absque injuria non possunt in eum solum transferre damnum ex venditione publica ortum. Pontas.

**CASUS XVIII.** Lambertus villam suam, in qua quatuor equos, sex boves, decem vaccas, & 400. oves habet, locare aut in societatem conferre cogitat. Henricus igitur, ut villam recipiat, convenit cum Lamberto, se solam villam conducturum, & annuatim pro ea 400. florenos pro annuo censu soluturum hac conditione, ut ad certum tempus cuncta pecora in villa relinquuntur, quo temporis termino elapso iterum Lamberto restituantur in eodem valore, quo nunc æstimata sunt. An Lambertus adjunctam conditionem acceptare potest absque usura ?

**ꝑ.** Non potest acceptare absque usura ; nam talis conventio haberet rationem mutui, & Lamberto permaneret dominium pecorum, quin subire vellet periculum fortis, quod tamen subfundum est, ubi vera datur societas. Discrimen est

est inter equum locatum, & pecus alteri ad æstimationem concessum: pro equo enim locato, qui per usum deterioratur, potest exigi aliquis census, pecus vero ad æstimationem concessum nunquam perit concedenti. *Pontas.*

NOTA. Hic contractus, nisi excedatur in annuo censu, juxta prudentum æstimationem, non est usurarius. Author inter justos titulos pro censu non admittit *periculum fortis*, quod tamen Lambertus subit, si Henricus ex infortuniis, vel negligentis redigere-  
tur ad impotentiam restituendi prædium in statu pristino.

CASUS XIX. Lentulus ad tres annos conoessit cuidam conductori 500. oves & 20. vaccas hac conditione, ut elapsis tribus annis hæc pecora restituantur juxta æstimationem prius factam, aut eorum loco solvat pretium, Interea autem singulis mensibus pendat certam quantitatem lactis, casei, & lanæ. An hic contractus licitus est?

ꝑ. Certum est, contractum societatis, qui dicitur *reddito bestiarum*, esse injustum, si taliter concedens pecora nulum fortis periculum in se recipiat. Hinc Lentulus non potest licite exigere quidquam de lacte, caseo, & lana, neque aliud quidquam, nisi præberet pastum pro dictis pecoribus; tunc enim pro præstito pastu justum pretium posset recipere ab alio. *Pontas.*

CASUS XX. Genucius concessit Thierio sex boves, duodecim vaccas. & triginta porcos pro colendis suis agris, hac addita conditione, ut ista animalia alat, curet, & sub tecto conservet, ac insuper dimidiam partem partium restituat. An hæc societas usuraria est?

ꝑ. Ut hic contractus non sit usurarius, requiritur adhuc tertia conditio, scilicet ut Genucius in se suscipiat periculum pecorum: per hoc enim verus erit contractus societatis. *Pontas.*

CASUS XXI. Appius dedit Benedicto, agricolæ, titulo societatis duodecim vaccas, sex equos & 400. oves hac conditione, ut Benedictus in se solum recipiat horum periculum, & tempore societatis elapso restituat eundem numerum, aut pretium pecorum juxta æstimationem; Appius vero promisit, se illi maius lucrum cessurum, quam alias ipsi vi societatis competeret. An iste contractus licitus est?

ꝑ. Non reperitur hic contractus societatis, sed verum mutuum, ex quo Appius lucrum sibi quærit, quod est usurarium. *Pontas.*

NOTA. Vide notam ad cas. 18.

**CASUS XXII.** Desiderius dedit Philiberto sex boves ad quinquennium sub his conditionibus. 1. Ut in se recipiat horum periculum, quod aut ex incursione hostis, aut a fulmine, aut morbis istis animalibus propriis evenire posset. 2. Ut Philibertus alios eventus in se suscipiat, & teneatur alere, curare, & custodire boves, ac si ipsius essent, 3. Ut peracta messe tot tradat modios tritici, quot sunt boves, quorum modiorum quilibet pretio 6. florenorum æstimabilis sit. 4. Ut elapso quinquennio dicti sex boves vendantur, & eorum pretium in duas æquales partes inter se dividatur. Quid de hac societate dicendum?

R. Prima & secunda conditio hunc contractum reddunt illicitum; nam locans solus tenetur subire quodcumque periculum bouum sine notabili culpa conductoris emerfurum. Verum ut utriusque, Desiderii, & Philiberti obligatio magis perspiciatur, notandum 1. Quod in præsentī casu duo contineantur contractus, nimirum venditionis & locationis; in contractu venditionis emptor acquirit quovis anno quintam partem pretii bouum, & in contractu locationis locans locatario locat totum pretium bouum usque ad finem primi anni, quo finito locatarius fit dominus quintæ partis pretii bouum, & sic annuatim juxta proportionem. 2. Quod dominium rei venditione transferatur ad emptorem, quod tamen in locatione non fit. Desiderius igitur ut locans tenetur subire omne periculum bouum, quod absque fraude aut dolo evenit, excepto tamen eo, quod Philibertus acquisivit, nimirum quintam partem pretii bouum finito primo anno, & etiam deinceps juxta proportionem. Denique contractus, de quo hic agitur, etiam ex eo injustus est, quod Desiderius nihil recipiat lucrum. Verum ut æquum de tali lucro ferri possit judicium, consulendi sunt illi, qui in hac materia experientiam majorem habent. *Pontas.*

**CASUS XXIII.** Ladislaus vir opulentus inlit societatem animalium intra tres menses inchoandam cum Servatio agricola ad quinquennium, & inter se convenerunt, ut quilibet in societatem conferat decem boves aut vaccas & 500. oves. Verum constituto tempore Servatius suam partem conferre non potuit; hinc Ladislaus solus contulit 1000. oves & 20 boves aut vaccas hac tamen conditione, ut dimidia pars pecorum, quæ mutuo dedit Servatio, & ipsa etiam pecora, quæ ipse in societatem contulit ab expertis æstimentur. Servatius acceptavit hanc conditionem, ac insuper cum Ladislao in hoc convenit. 1. Ut ipse nutriat, & curet pecora, ac ipsis de tacto provideat. 2. Ut in hujus compensationem recipiat omne luc, & ex eo factum buty-

tyrum, nŕi & finum. 3. Ut partus animalium ad finem societatis æqualiter dividantur. 4. Ut damna ex neutrius culpa evenientia ab utroque æqualiter ferantur. 5. Ut ante divisionem partium Servatius restituat 500. oves & decem boves aut vaccas juxta æstimationem ab initio societatis factam, ac dein lucrum, quod supererit, æqualiter dividatur, An hic contractus usurarius?

ꝑ. Est legitimus, & ab omni usura immunis, posito quod mutuum Ladislai bona fide sit factum: lucrum enim, quod Ladislaus recipit, non est præcise ex mutuo, sed ex propriis suis pecoribus; hinc Ladislaus usuram haud commisit. *Pontas.*

CASUS XXIV. Paternus locat Clementi sex vaccas & sex equos ad triennium hac conditione. 1. Ut primo anno Paternus omne periculum aut damnum absque culpa Clementis eventurum in se recipiat. 2. Ut reliquis duobus annis Clemens ferret omne damnum etiam absque sua culpa eventurum. 3. Ut Clemens in compensationem suæ obligationis iisdem duobus posterioribus annis recipiat duas tertias lucri. An hic contractus est licitus, si consuetudo generalis alienius provincię ipsi patrocinetur, ac etiam in tribunalibus approbetur?

ꝑ. Certum est, hunc contractum esse usurarium, cum Paternus omne per duos posteriores annos eventurum damnum in Clementem transferat. Paternus enim, penes quem dominium remanet, fuisse debet etiam omne damnum solus. Paternum quoque neque cessio lucri excusat ab usura, neque etiam immunem reddit consuetudo provincię, aut authoritas tribunalium. *Pontas.*

NOTA. Vide notam ad *Cas.* 13. Sciendum, etiam Pontasium inter titulos in mutuo excusantes ab usura non admisisse periculum fortis.

CASUS XXV. Valerianus dedit Paulo titulo societatis quædam pecora ad sexennium hac conditione. 1. Ut Paulus ea nutriat, & de eis necessariam curam habeat. 2. Ut det singulis annis quatuor modios tritici pro quovis pecore. 3. Ut Paulus recipiat duodecimam partem gregis per sex annos, & denique finito sexennio pecora, & eorum partus æqualiter dividantur. An hæc societas licita?

ꝑ. Hic contractus est societas mixta, conjuncta nimirum cum venditione, & est licitus, si has tres conditiones habeat. 1. Damnum absque culpa socii eveniens ferendum est domino pecorum. 2. Socius in curandis ac conservan-

dis pecoribus, ac computatione lucri fidelem se exhibeat.  
3. In divisione lucri servetur iustitia. *Pontas.*

**CASUS XXVI.** Sylvanus contulit 400. oves in societatem, quam cum Roberto agricola observatis omnibus ad veram societatem requisitis conditionibus inivit. Robertus vero ad finem societatis indicat Sylvano, 20. oves perisse quodam morbo, & Sylvanus contendit, eas perisse ex culpa Roberti. Quomodo hæc contentio componenda?

*g.* Roberto incumbit probatio, quod oves ex sua culpa non perierint; & si hoc probare nequit, Sylvanus tuta conscientia illum adstringere potest ad solvendum pretium ovium, quæ periere. *Pontas.*

*NOTA.* Author supponit, in contractu societatis dominium pecorum & eorum periculum transisse ad societatem. Sed hoc dependet a particulari intentione contrahentium.

**CASUS XXVII.** Barnabas cum tribus opificibus inivit societatem; horum vero unus mortuus est. An per hoc solvitur societas?

*g.* Solvitur per mortem socii societas; nisi superstites socii eam continuare velint. *Leg. Actione. 65. §. 9. ff. Lib. 17. Tit. 2.* Idem quoad hoc effectus est mortis civilis ac naturalis. At aliud dicendum foret de locatore aut conductore mortuo. *Pontas.*

**CASUS XXVIII.** Patritius & Romanus in societatem, quam inter se inierunt, uterque 1000. imperiales contulerunt. Patritius vero anno ante finitam societatem mortuus est; hinc Romanus advertens negotium societatis haud ita prospere geri, præterdit; hæredem Patritii debere in societate succedere, quod tamen ipse recusat. Quid iuris?

*g.* Hæres Patritii non tenetur continuare societatem, utpote illius morte solutam. Excipiendus tamen ab hac regula casus, quo duo associati forent ad percipienda tributa Principi debita: In hoc enim casu hæres defuncti socii teneretur continuare societatem. *Pontas.*

**CASUS XXIX.** Galerius & Sylvius inter se inierunt societatem in commercio lanæ, atque convenerunt, ut societas etiam uno ex ipsis mortuo continuetur. Galerius post sex menses mortuus est. An ipsius hæredes, etiam invitati, ad continuandam societatem tenentur? aut si isti vellent continuare societatem, an etiam Sylvius eam continuare tenetur contra voluntatem suam?

*g.* 1. Contractus societatis non potest subsistere, nisi adsit consensus contrahentium, qui se ipsos mutuo eligere,  
ac



ac gratos invicem habere debent. 2. Hæredes socii defuncti non succedunt in societate. 3. Etiam si inter socios conventum fuerit expresse, ut uno eorum mortuo continuetur societas ab hærede, hæc conventio tamen non obligat neque socios superstites, nec hæredes defuncti socii ad continuationem societatis: His ex principiis patet resolutio hujus præsentis casus. *Pontas.*

**CASUS XXX.** Eutropius & Valerianus inierunt contractum societatis sub his conditionibus: 1. Ut Eutropius in eam conferat 5000. florenos, Valerianus vero suam duntaxat industriam, curam & laborem. 2. Ut periculum & expensæ necessariæ utrique sint communia, & æquale uterque recipiat lucrum, feratque æquale damnum. Verum Eutropius negotiorum Valeriani penitus ignarus verebatur, ne sibi damnum eveniat; hinc petit ab eo assecurationem suorum, quos contulit, 5000. florenorum, & promittit, se ipsi in compensationem periculi, quod in se solum recipiat, tres partes lucri cessurum. Brevi post idem Eutropius totum lucrum, quod decem pro centum fore sperat, incertum tamen, vendit Valeriano, dummodo solvat quinque pro centum; quin deinde Valerianus rationem reddendam habet computationis, expensarum, & lucri. Valerianus acceptavit, quidquid Eutropius proposuerat, & sic Eutropius singulis annis lucri loco recipit 250. florenos, ac insuper assecuratam habet suam partem fortis, quocumque demum successu societas continuetur. Valerianus autem, qui nullam pecuniam in societatem contulit, habebit lucrum valde probabiliter 15 aut 20. florenorum pro centum. An in hoc contractu non datur usura?

*ꝑ.* Hæc ipsa societas est coalitio trium contractuum, ut vocant, in unum redactorum, cujus injustitiam Sixtus V. condemnavit sua *Bulla* 1586. in *Bulla* de 1. Oct. 1586. ubi generaliter sine exceptione aut distinctione declarat usurarias omnes conventiones, pactiones & contractus, vi quorum præstatur cautio summæ capitalis iis, qui pecunias suas, aut alias res sub prætextu societatis tradunt. Consequenter *Sixtus V.* etiam omnes eos condemnat, qui secundo aliquo contractu cautionem fortis principalis præstant iis, qui societatem secum inierunt, & revera in præsentī casu secundus & tertius contractus penitus primum contractum societatis destruunt; cum societas non possit dari, si socii non participant de lucro simul & damno. Ex his igitur sequitur, Eutropium assecurationem summæ a se collatæ habentem, ac lucrum 5. florenorum pro centum percipientem, quodcumque demum damnum Valeriano obveniat, non ti-

tulo societatis, nōpote per secundum & tertium contractum destructæ, sed titulo mutui, specioso societatis nomine palliati, hoc lucrum percipere. *Pontas.*

**CASUS XXXI.** Quidam in societatem confert pecora. An cautionem fortis suæ exigere potest?

ꝫ. Absque usura non potest; nec etiam aliud lucrum ultra id, quod sibi competit, vi societatis exigere potest absque usura. Illi, qui ejusmodi lucrum perceperunt bona fide, ignorantes id non licere, tenentur restituere, si per hoc ditiores evaserunt; non tenentur autem restituere, si perceptum lucrum bona fide consumpserint. *De Lamet.*

Vide *Mutuum. Usur.*

## SOLUTIO DEBITI.

1. *Solvere debitum* in sensu suo naturali ac obvio nil aliud est, quam dare alteri, quod ipsi quomodocumque debetur.

2. Debita sunt varii generis ac naturæ: alia enim sunt *privilegiata*, alia *hypothecaria*; & hæc vel *simplicia* vel *chirographaria*. Pro omnibus his debitis expungendis & solvendis extant determinatæ leges, tum ut secure solvantur, tum ne quis indebitum, aut bis cogaturolvere idem debitum.

**CASUS I.** Landradus cum debitis formalitatibus commisit Gratiano procuracionem pro urgenda solutione complurium summarum pecuniarum a variis sibi debitarum; sed post mensem revocavit hanc procuracionem. Gratianus autem interea recepit 300. florenos a Joanne Landrado debitos. Estne Joannes jam liber a debito, quo Landrado obstringebatur, & quidem etiam pro foro interno?

ꝫ. Si Joannes habuit notitiam revocate procuracionis, male solvit, nec est liberatus a debito. Si vero penitus ignoravit factam revocationem, & bona fide tradidit dictam summam Gratiano, existimans, eum adhuc esse procuratorem Landradi, ipsi Landrado solvisse, & tam pro foro interno quam externo a debito ulteriori liber censendus est: culpa enim Landradi est, quod Joanni debitori suo non declaraverit revocationem datæ Gratiano procuracionis, cui nihil solvisset prius commonefactus. *Sed & si quis mandaverit, dicitur Leg. Vero. 12. §. 2. ff. Lib. 46. Tit. 3. ut Titio*

*Titio solvam, deinde vetuerit eum accipere; si ignorans prohibitum eum accipere, solvam, liberabor, sed si sciero, non liberabor. Pontas.*

**CASUS II.** Andreas pluribus disparatis debitis obligatur Titio, quorum tota summa conficit 900. florenos; debet scilicet 300. florenos, pro quibus hypothecam constituerat domum suam; 200. florenos sub cautione cujusdam amici; denique 400. florenos, ex quibus annuus census præstandus. Solvit jam Andreas 450 florenos, sine declaratione tamen, ad quænam debita determinate hæc solutio referenda sit. Titius post lapsum temporis petit ab Andrea annuum censum ex 400 florenis, quem negat Andreas, debitum censuale præstita solutione 450. florenorum jam expunctum reponens. Cuinam horum favet causæ æquitas?

¶ Favet Andreæ, & petitio Titii iniqua est: quando enim debitor disparatas summas debet creditori, illius optioni relinquitur ac arbitrio, quamnam prius velit expunctam; quin creditori jus competat recusandi solutionem; dummodo sit integra. Et si determinatum non fuerit, ad quod debitum referenda sit solutio; certum tamen est, debitorem eam tacite retulisse ad illud, quo magis gravatum se sensit. Et id conforme esse videtur æquitati naturali. Id ipsum quoque deciditur Leg. *Quotiens*, 1. ff. Lib. 46. Tit. 3. ubi dicitur: *Quotiens quis debitor ex pluribus causis unum debitum solvit, est in arbitrio solventis dicere, quod potius debitum voluerit solutum, & quod dixerit, erit solutum: possumus enim certam legem dicere ei, quod solvimus . . ., æquissimum enim visum est, creditorem ita agere rem debitoris, ut suam ageret.* Supponitur autem, census annuos jam omnia prius fuisse solutos: solutio enim ad summam principalem referri nequit, quamdiu census annui anteriores necdum fuerunt persoluti. *Pontas.*

**CASUS III.** Propertius mercator solvendi impotens præfert aliis creditoribus consanguineum suum, qui ex credito numero est. An licite?

¶ Si reliqui creditores convenerint cum debitore, & parte solutionis, quam offert, contenti sint, creditor consanguineus poterit accipere ac retinere valorem crediti: tunc enim creditorea consentur remississe debitori, quidquid bonorum superest; de quibus proin disponere poterit pro libitu in favorem sui consanguinei, ipsi solvendo integrum debitum. *Fromageau.*

NOTA. Si summa consanguineo debita conficeret notabilem debitorum partem, ex cuius subtractione singuli vel aliqui creditorum paterentur respective magnam iacturam, intentio condonantium creditorum se eousque non extenderet. Hinc ejusmodi casus perito confessorio relinquendi, & juxta præsumptam singulorum creditorum intentionem ex æquo resolvendi sunt.

Vide *Debita. Juramentum. Premissio.*

## SOMNIUM.

*Somnium* est motus imaginationis, qui sensibus dormientis repræsentat objectum cum aliqua impressione juxta naturam rei repræsentatæ; rei imaginatæ simile, & aliquam impressionem relinquens; & hæc impressio quandoque tam vehemens est, ut homo, licet penitus somno obrutus, obstupescat, ac exhorrescat. Somniorum causa quandoque alia non est, nisi dispositio temperamenti; quandoque etiam somnia oriuntur ab objectis, quibus imaginatio hominis in die vehementer affecta est: somnia ortum suum habere quoque possunt a malitia dæmonis malos per ea sibi proponentis fines. Aliquorum somniorum etiam Deus auctor fuit, uti somni Jacob, Joseph &c. Pleraque somnia, exceptis his, quorum Deus auctor est, sunt vanæ & inanes idææ, quibus nulla adstruenda fides est.

CASUS I. Marcellus cum sæpius expertus esset, ea, quæ ipsi in somniis repræsentabantur, postea evenisse, incipit somnia fidem adstruere, & ea diligentius observare, ac interpretari, ut tali modo eventus, quos timet, aut desiderat, prævidere possit. An talis divinatio peccaminosa est?

g. Dantur quatuor diversæ somniorum species, quorum aliqua bona, & aliqua mala sunt. 1. Quædam somnia juxta D. Thomam 2. 2. q. 95. art. 6. C. immittit Deus per ministerium angelorum, ut sunt ea, quæ sacræ paginæ commemorant. 2. Dantur somnia, quæ solum a dispositione temperamenti proveniunt, suntque pure naturalia; ex quibus medici quandoque varias desumunt conjecturas de interiori constitutione somniantis. 3. Somnia non nulla oriuntur ex inclinationibus, cogitationibus ac studiis, quibus homo per diem sæpius & intensius occupatus erat: *Multas curas sequuntur somnia*, dicitur Eccles. 5. v. 7. 4. Denique somnia quandoque per operationem ac fraudem dæmonis ingeruntur juxta S. Augustinum Epist. 9. alias 125. n. 3. Ex his patet, somnia oriri posse ex diversis causis; & cum tam facile cognosci haud possit, ex qua proveniant, nullam eis adstruendam esse fidem. Hinc si Marcellus serio existimat, per

per somnia posse prævideri futuros eventus casuales, bonos & malos, reus est divinationis superstitiosæ a sacra Scriptura, Conciliis & SS. Patribus condemnatæ. *Pontas.*

NOTA. Quando somnia, nec postulata, nec expectata a Deo, consistunt in repræsentatione symbolica ac consolatoria eorum, quæ homini in bivio salutis constituto imminet, eumque cum clara symbolisationis explicatione manifeste ad bonum dirigunt, ea Deo veniunt.

CASUS II. Lactantius, homo alias castissimus frequenter habet somnia prorsus castitati contraria, & videtur ipsi etiam in altissimo somno, se committere actiones turpissimas. An non saltem venialiter peccat?

R. Dæmon multorum malorum somniorum auctor est; interim tamen eorum effectus in imaginatione producti de se non sunt peccaminosi, nisi eis contentiatur. *Pontas.*

NOTA. Possunt etiam esse peccaminosi in causa, si quis de illis per obscenos sermones, aspectus, lectiones, cogitationes &c. causam culpabilem præbuit; vel si quis post evigilationem se his cum morosa delectatione detineat.

Vide *Superstitio*.

## SPICILEGIUM.

CASUS. Habentne pauperes jus spicas colligendi post messem?

R. Lex Levitici, quæ Judæis præceperat, ut, quæ superessent in agris post messem, spicas relinquerent in bonum pauperum, spectabat ad legem judicalem, quæ Christianos non obligat quidem, illis tamen ob oculos ponit, misericordiam exhibendam esse pauperibus. Si consuetudo, aut lex aliqua particulari in regno quodam aut provincia idem statueret, pauperes citra injustitiam impediri non possent a colligendis spicis. Posset Episcopus in ejusmodi regno aut provincia ædita constitutione hujus injustitiæ authores ad compensationem adigere, ac, si forte reluctarentur, prohibere, ne a confessariis absolvantur. Pauperi quidem, si stricte loquamur, ad segetum reliquias post messem colligendas accedenti, nullum veri nominis jus in easdem competit; sed eo tamen jure gaudet, ne vel metu, vel vi, vel fraude eas colligere prohibeatur. *Fromageau.*

## SPONSALIA.

1. *Sponsalia* de futuro sunt promissio inter duas personas habiles ad contrahendum de futuro matrimonio. Dicitur inter personas habiles ad contrahendum; nam requiritur 1. *Ætas* competens, scilicet ætas ad minimum septem annorum. 2. Præter hanc ætatem usus rationis sufficiens. 3. Ut non interveniat impedimentum dirimens aut aliud, quod non nisi per dispensationem tolli potest. His non concurrentibus invalida forent sponsalia.

2. Sponsalia contrahi possunt inter personas puberes aut impuberes, absolute vel conditionate; dummodo conditiones sint possibiles, licitæ & honestæ.

3. Cum matrimonium absolute liberum esse oporteat, non licet desponsatis convenire de multa pecuniaria præstanda a parte resistente. Ejusmodi pacta a legibus canonicis æque ac civilibus improbantur.

4. Impuberes a suis parentibus desponsati jus habent reclamandi contra sponsalia, dum attigerunt annos pubertatis, nimirum annum duodecimum completum respectu sæminarum, & decimum quartum respectu masculorum. Dum una pars nondum attigit pubertatem, pars altera expectare debet, donec attingat, ut desistere possit a sponsalibus; & tunc, quando utraque pars pervenit ad annos pubertatis, una pars renunciare poterit sponsalibus altera etiam invita. Quando puber & impuber, aut duo impuberes contrahunt per verba de præsentī, & congregiendi potentia in eis non supplet ætatem, eorum præsumptum matrimonium vim habet verorum sponsalium, & parit impedimentum dirimens publicæ honestatis. Verum a tempore Concilii Tridentini id non fit per matrimonium clandestinum, aut contractum cum consensu ficto; cum sponsalia esse non possint sine vero consensu.

5. Sponsalia etiam juramento firmata dissolvi possunt 1. mutuo sponсорum consensu. 2. diuturna nimis, trium scilicet annorum alterutrius absentia. 3. per ingressum alterutrius in Religionem. 4. per receptionem sacri Ordinis. 5. per matrimonium valide, etsi illicite, contractum cum alia persona. 6. per fornicationem alterutrius; in quo casu solum pars innocens renunciare potest sponsalibus. 7. superveniente impedimento dirimente. 8. superveniente deformitate aut infirmitate notabili ac stabili; idem dicendum, si superveniat magna Religionis, honoris aut bonorum mutatio. 9. superveniente capitali inimicitia inter sponfos.

CA.

**CASUS I.** Eligius filiam suam anno ætatis sexto cum dimidio desponsavit Iosepho, qui ejusdem erat ætatis. An sponsalia sunt valida? Potestne peccari mortaliter contrahendo sponsalia ante hanc ætatem?

*q.* Quoad 1. Regulariter loquendo hæc sponsalia sunt ipso jure nulla; quia desponsati necdum compleverunt annum ætatis septimum, saltem nisi ambo ea rationis ac iudicii maturitate polleant, aut possint dignoscere, ad quod se obligent. Ita Alexander III. & Innocentius III. Idem sentiunt S. Antoninus & S. Thomas. In sponsalibus, hic ait, in 4. diff. 27 q. 2. art. 2. ad 7. *si appropinquant contrahentes ad tempus septennii, contractus sponsalium habet robur* --- Hæc autem propinquitas a quibusdam determinatur tempus sex mensium; sed melius est quod determinetur secundum conditionem contrahentium, quia in quibusdam magis acceleratur rationis usus quam in aliis. Quoad 2. Mortaliter peccant tam liberi contrahentes ante annum ætatis septimum completum, si habeant sufficientem notitiam de præcepto Ecclesiæ, quam parentes, qui liberos sic desponsant. Nihilominus cum rarissime liberi ante hanc ætatem habeant sufficientem notitiam, & parentibus quandoque suppetant urgentissima motiva præveniendi tempus a legibus præscriptum, dici potest, in hoc casu non peccari mortaliter. *Districte inhibemus*, inquit Nicolaus I. *ne aliqui, quorum uterue vel alter ad ætatem legibus vel Canonibus determinatam non pervenerit, conjungantur, nisi forte aliqua urgentissima necessitate interveniente, utpote bono pacis talis conjunctio toleretur.* Pontas.

**CASUS II.** Briandus & Gabriela conjuges filium suum sex annos & quatuor menses natum desponsarunt Ludovicæ. Teneturne filius, postquam annos discretionis attigit, ratihabere hæc sponsalia suo nomine a parentibus inita? Licetne reclamare contra illa?

*q.* Non tenetur ea ratihabere; &, si annos discretionis affectus ea nec expresse nec tacite confirmavit, absque ullo peccato illdem renunciat. Pontas.

*Vide cas. 1.*

**CASUS III.** Joannes & Maria septennium ætatis quidem excedentes, sufficiente tamen usu rationis necdum pollentes a suis utrinque parentibus desponsati sunt.

*q.* Sponsalia hæc sunt invalida: non enim ætas constituit valorem sponsalium, sed legitimus consensus, qui præsumi non potest in infantibus evolutio rationis usu necdum gaudentibus. Juxta D. Thomam ad contrahenda valide sponsalia amplior requiritur ratio quam ad committendum peccatum mortale. Pontas.

**CASUS IV.** Vitellius & Fulvia desponsati sunt decimo & undecimo ætatis anno. Fulvia autem pubertatem adeptæ revocat promissionem suam, quin ullam revocationis causam alleget.

¶. Fulvia absque peccato potest agere apud judicem ecclesiasticum pro dissolutione sponsalium, & jure eam impetrat. Idem declarat Alexander III. addita hac exceptione: *nisi carnalis commixtio ante intervenerit, cum interdum illa tempus anticipare soleat pubertatis.* Id ipsum docet S. Thomas. *Pontas.*

**CASUS V.** Angelica anno ætatis octavo Bernardo desponsata revocavit promissionem suam undecim annos nata; pubertatem vero adeptæ non confirmavit revocationem.

¶. Revocatio est nulla, nullumque parit effectum; nisi post pubertatem confirmata fuerit: ut enim ejusmodi revocatio post adeptam pubertatem subsistat, necesse est, ut saltem tacite renovetur; & ita quidem, ut alteri parti innotescat mutatio voluntatis.

*NOTA.* Videtur ex Decretalibus Alexandri III. erui posse, eo tempore sponsalia impuberum dissolvi haud potuisse absque autoritate judicis ecclesiastici, cum desponsati post adeptam pubertatem resistere vellent. Modo autem ejusmodi sponsalia solvuntur absque autoritate judicis per solum mutuum consensum partium. C.A.

**CASUS VI.** Marcellus & Cæcilia undecim annos nati a parentibus desponsati sunt, promissumque futuri matrimonii juramento confirmarunt.

¶. Hoc promissum absque peccato revocari non potest. Alexander III. sic desponsatos etiam censuris ad implendum promissum compellendos esse censuit. Successor tamen ipsius Lucius III. rigorem hunc moderatus est. *Cum libera debeant esse matrimonia, ait hic Papa, monenda est potius (sponsa) quam cogenda, cum coactiones difficiles soleant exitus frequenter habere, scandalosas scilicet perturbationes, inimicitias ac implacabilia odia inter coactos ad matrimonium.* *Pontas.*

*NOTA.* Hoc juramentum ob imperfectionem judicii, ac proinde ob dubietatem de valore potest a confessoribus privilegiatis commutari.

**CASUS VII.** Paschalis & Agatha sponsalia inierunt anno ætatis decimo octavo & vigesimo. Terenturne sub peccato mortali mutuum promissionem implere contrahendo matrimonium, si nulla eximat eos legitima excusatio?

¶. Ut promissum in sponsalibus factum obliget, requiritur regulariter loquendo, ut sit voluntarium, reciprocum, acceptatum, & signo externo declaratum. Si igitur sponsalia



salja Paschalis & Agathæ fuerunt valida, & ab utroque bona fide inita, tenentur sub peccato mortali exequi promissum per contractum matrimonialem: omnis enim promissio facta cum libertate ac deliberatione in materia honesta, licita & magni momenti obligat in conscientia promittentem ad executionem promissi. Veritas hujus principii adeo nota est, ut nationes etiam barbaræ in eo conveniant, eosque, qui promissi fidem violant, ut inimicos societatis civilis detestentur. Cum ergo matrimonium sit res honesta, licita, & maximi momenti, graviter peccat resiliens absque legitima causa. Et hæc est unanimis Doctorum sententia. *Ex tali promissione, inquit S. Thomas, obligatur unus alii ad matrimonium contrahendum, & peccat mortaliter non solvens promissum.* in 4. dist. 27. q. 2. art. 1. ad 2. Pontas.

CASUS VIII. Hieronymus desponsatus est Justinæ ex metu gravi cadente in virum constantem; coactus insuper fuit juramento confirmare promissionem matrimonii. Suntne valida hæc sponsalia in foro interno conscientiæ?

q. Non convenit hac super re inter Doctores. Aliqui putant, sponsalia hæc esse valida; quia datur obligatio implendi juramentum quodcumque demum, si absque peccato impleri potest: Hieronymus autem potest implere juramentum sine omni offensa Dei; tenetur ergo in conscientia ducere Justinam. Alii timentur oppositum, & quidem cum majori probabilitate, dicuntque, sponsalia hæc una cum adjecto juramento confirmatorio esse nulla: matrimonium enim ex metu contractum, & votum Religionis ex metu emissum sunt invalida, cur non & sponsalia? Insistendo præcise juri naturali sponsalia ex metu gravi cadente in virum constantem inita non sunt pleno jure nulla; quia consensus etiam ex metu datus adhuc est voluntarius; possunt solum irritari a iudice ecclesiastico. Verum insistendo juri positivo, probabilius hæc sponsalia sunt invalida pleno jure; quia sunt invalida vi juris Canonici. Sic sentiunt Doctores celeberrimi fundati autoritate Urbani VIII. Episcopo Pisano præcipientis, ut in simili casu desponsatæ ex metu permittat matrimonium contrahere, quodcumque demum ipsi libuerit. Quia tamen hæc doctrina non est indubitato certa, consultum erit, ut pars metum passa & resiliere cupiens se convertat ad iudicem ecclesiasticum, qui declaret, metum fuisse gravem & sufficientem ad annullanda sponsalia; aut petat ab Episcopo dispensationem a juramento. Pontas.

CASUS IX. Titia a patre suo desponsata fuit Consilio, consentiens quidem, sed solum ex metu reverentiali erga patrem.

trem, quem valde durum vehementemque esse sciebat. Jam promissum suum retractare cogitat. Num licite?

ꝑ. Potest dici, eam excusari a peccato, saltem in foro interno, si non impleat promissum ex solo timore severitatis paternæ factum. Puella fortius ac facilius movetur metu quam vir. *Minor metus*, ait Glossa, *magis excusat faminam, quam virum*. Timor reverentialis juxta Navarrum proxime accedit in puella ad metum gravem. Pontas.

CASUS X. Ambrosius inuit sponsalia cum Paula in præsentia parochi & utriusque parentum. Paula autem, cum consensisset solum externe, recusat implere fictam hanc promissionem, & constitetur. Quid agendum confessorio?

ꝑ. Licet Paula non teneatur præse vi sponsalium ad exequendum promissum, quod implendi nunquam intentionem habuit, tenetur tamen in conscientia ratione fraudis ac injuriæ Ambrosio illatæ, aut scandali, quod ex ipsius rectificatione oriretur. Hinc si ad executionem promissi adduci non potest, tenetur saltem convenire cum Ambrosio de iusta compensatione, quam illi debet, si exigat. Ad alterutram harum obligationum Paula necessario adigenda est a confessorio. *Quamvis simulator*, inquit Sylvius, *non obligetur vi sponsalium, quæ nulla sunt, obligatur tamen ad contrahendum vel ad componendum cum persona, cui illi sit, tum propter injuriam ei factam, tum propter scandalum*. Pontas.

CASUS XI. Victorius cum Maria ejusdem secum conditionis ac fortunæ inuit sponsalia, fictæ, ac ea solum intentione, ut facilius cum ea peccare posset, promissionem autem nunquam executurus. Oritur obligatio ex his sponsalibus?

ꝑ. Si Victorius corripit puellam, & ea exinde contraxit infamiam, nec ullam damni compensationem acceptare velit, Victorius absolute & in conscientia tenetur eam ducere, licet sponsalia ex defectu veri consensus sint nulla. Et ab hac obligatione nullatenus eximi potest. Pontas.

CASUS XII. Attilius, postquam jam emiserat votum perpetuæ castitatis, contrahit sponsalia cum Julitta, eaque juramento confirmat.

Votum ab Attilio emissum reddit sponsalia illicita simul ac invalida; & ideo non potest exequi promissionem matrimonii, sed stricte tenetur servare votum, & agere poenitentiam de juramento temerarie ac injuste addito. Sic sentit S. Antoninus nixus autoritate S. Augustini, qui ait *de juramento non ob hoc fuisse institutum invenitur, ut esset vinculum iniquitatis seu cujuscunque criminis*. Idem declaravit Celestinus III. Pontas, Vide Fornicatio Cas. 6.

**CASUS XIII.** Julianus sponsalia inlit cum Ursula. Potestne tuta conscientia emittere votum castitatis perpetuæ, & sic se eximere ab obligatione sponsalium?

¶. Utraque sententia, negativa & affirmativa suos numerat authores. Nos tuemur affirmativam: promisso enim matrimonii semper censetur fieri sub hac conditione tacita: *nisi Deus me ad sanctiorem vitam statum vocaverit*. Si votum præcessit sponsalia, ea sunt invalida; si vero votum subsequitur sponsalia, causa datur sufficiens ea dissolvendi. Dum concurrunt duæ obligationes impossibiles, juxta S. Thomam ea adimplenda est, quæ fortius ligat; fortius autem ligat, & longe major est obligatio voti erga Deum, quam obligatio sponsalium erga puellam; quia votum simplex non minus obligat erga Deum quam votum solemne. Pontas.

**CASUS XIV.** Rutilius desponsatus Paulinæ peccavit cum consanguinea sponsæ in tertio gradu.

¶. Affinitas per hoc peccatum contracta non dirimit sponsalia; cum Concilium Tridentinum hoc impedimentum restrinxerit ad secundum gradum. Pontas.

**CASUS XV.** Hugo desponsatus Theresiæ, ne eam ducere teneretur, studio & ex mera malitia contrahit impedimentum dirimens peccando cum matre aut sorore sponsæ.

¶. Coram Deo non tollitur per hoc obligatio sponsalium, teneturque Hugo, quantum potest, rescire damnum illatum, petendo scilicet dispensationem ab impedimento, eaque obtenta ducere Theresiam; quam si impetrare non possit, tenetur alia ratione sufficientem compensationem præstare judicio viri prudentis. Pontas.

**CASUS XVI.** Lucianus Marcellinæ desponsatus est. Jam rumor publicus ac communis spargitur eum peccasse cum sorore Marcellinæ, quæ & ipsa id comperit.

¶. Marcellina tuta conscientia potest resilire. Immo si in hisce circumstantiis nuberet Luciano, voluntarie sese exponeret periculo contrahendi matrimonium invalidum, quod absque gravi peccato fieri non posset. Pontas.

**CASUS XVII.** Optatus inlit cum Rosa sponsalibus contrahit postea matrimonium de præsentibus cum Isabella.

¶. Peccavit mortaliter: matrimonium tamen est validum, licet nullam habuerit rationem priora sponsalia dissolvendi. Ita declararunt Innocentius III. & Gregorius IX., qui ait, reo imponendam esse poenitentiam delicto proportionatam. In hoc casu pars innocens manet libera, quin necesse sit, ut sponsalia judicialiter declarentur irrita; cum ipso jure sint nulla; potest etiam a parte absque legitima causa resiliente petere compensationem damni. Pontas.

**CASUS XVIII.** Theophrastes desponsatus Catharinæ contra datam ipsi fidem duxit Antoniam. Ea post mensem mortua tenetur Theophrastes viduus ducere Catharinam adhuc cœlibem?

g. Non tenetur ad hoc vi sponsalium, quæ per matrimonium cum Antonia ipso jure facta sunt nulla; tenetur tamen vi obligationis naturalis ortæ ex promisso priori, quod per contractum matrimonium tantum suspensum denuo reviviscit sublato impedimento. Ita sentit Sylvius; potestque probari exemplo illius, qui solemniter professus est Religionem sine consensu uxoris suæ; hic mortua uxore non potest ducere aliam, sed tenetur implere votum suum, cujus obligatio non fuit penitus extincta, sed tantum suspensa, ut declarat Alexander III. *Pontas.*

**CASUS XIX.** Posito, quod sponsalia Theophrasten inter & Catharinam fuerint clandestina, num & ista memoratam in casu præcedente obligationem inducunt? Et in genere loquendo obligantne sponsalia clandestina sub peccato mortali, ut publica ac solemnia, ad ineundum matrimonium, ubi non datur causa legitima exemptionis ab hac obligatione?

g. Sponsalia clandestina æque sunt valida ac publica ac solemnia, eandemque inducunt obligationem. Nullatenus tamen sunt consulenda aut in praxin deducenda. Congregatio Cardinalium Concilii interpretum declaravit, Tridentinum solum irritasse matrimonia clandestina, nil decidendo circa valorem sponsalium clandestinorum. In Gallia non censentur valida sponsalia clandestina nisi scripto facta; id ni factum fuerit, non admittitur in judiciis ulla probatio. *Pontas.*

**NOTA.** In Bavaria paucis abhinc annis varia constituit Princeps circa sponsalia maxime clandestina, sed invito Episcopis; ita ut causa hæc necdum ex integro sit composita. Certum sane est, ex sponsalibus clandestinis, quæ in secretis parentibus, tutoribus aut curatoribus, prava plerumque intentione, in angulis, in ipso actu peccaminoso aut occasione ejusdem contrahuntur, incrementum scaturire plurimum peccatorum, contristationem parentum, discordias ac ininimicitias in familiis, scandala in communitatibus, multiplicationem procelium, quibus obruuntur Consistoria, ac demum infelicissima matrimonia. Hinc summopere conduceret ad bonum tam spirituale quam temporale subditorum, si Principes concorditer cum Episcopis absque ulla restrictione ut nulla declararent promissa ejusmodi tenebrosa, nullamque sic desponsatis in judicio actionem permitterent. Sic & cessaret obligatio naturalis, quam alias parit quodvis promissum honestum ac licitum; cum subtrahita ipsi materia subsistere jam non posset: lex enim naturalis nunquam obligat ad inhonestam, illicitam, iustisque humanis legibus oppositam. Ad hæc

Insignes Theologi docent, liberos inficilis aut invitis parentibus sese desponsantes semper peccare mortaliter; cum id fieri non possit sine gravissimo contemptu parentum, quos & Deus & natura in re tanti momenti ipsis dedit consiliarios.

**CASUS XX.** Cajetanus & Magdalena inierunt sponsalia; Cajetanus vero ex mera inconstantia datam fidem violat & ducit Bertam; quo facto & Magdalena nubit Joanni. Post aliquot menses Joanne & Berta mortuis nam Cajetanus viduus, qui primus fidem fregit, tenetur in conscientia ducere Magdalenam viduam?

g. Quidam Authores tenent affirmativam. Negativa autem videtur probabilior; quia ambo matrimonium contrahendo renunciarunt obligationi suæ ac juri reciproco. *Obligatio autem juxta Glossam semel extincta nunquam reviviscit. Pontas.*

**NOTA.** Non bene hæc cohærent cum responsione data ad casum 18.

**CASUS XXI.** Vincentius septemdecim annos natus & Sebastiana quatuordecim annorum, ambo ejusdem conditionis, sibi invicem promittunt matrimonium in præsentia parochi, sine consensu tamen parentum suorum. Tenenturne in conscientia exequi promissum, maxime secuta fornicatione?

g. Si parentes facto promisso se non amplius opponant, tenentur in conscientia illud implere; si vero se opponant, promissum est nullum, cum non fuerint sui juris, licet facto promisso fornicationem commiserint; ita quidem ut Vincentius non possit ullo modo exequi promissionem Sebastianæ factam, quædiu sub alterius est potestate. Nihilominus tenetur ex iustitia & ratione scandali implere suum promissum, quamprimum attigerit ætatem a lege requisitam; si illi, quorum potestati subjacet, ante hoc tempus denegent consensum. *Pontas.*

**NOTA.** Extra Galliam, ubi repetitur lex irritans talia sponsalia, ea non sunt invalida.

**CASUS XXII.** Protalius Luciae desponsatus contra datam fidem contraxit nova sponsalia cum Elisabetha, eaque juramento confirmavit.

g. Tenetur ducere Luciam non obstante promissione altera juramento firmata; cum & hæc promissio & additum juramentum sint contra iustitiam Luciae debitam, & consequenter nulla coram Deo & hominibus. *Cum juramentum, inquit Innocentius III. non ut esset vinculum iniquitatis, fuerit institutum Pontas.* Vide cas. seq.

**CASUS XXIII.** Eduardus triginta annos natus, & consequenter sui & actionum suarum dominus, contractis cum Euphemia sponsalibus promisit matrimonium jurato Farze, & occasione hujus cum ea peccavit.

§. Tenetur ducere Euphemiam, quam injuria Farze illata non potest privare jure suo ex sponsalibus antecedentibus utrinque bona fide contractis aequisito. Aliud dicendum foret, si Euphemia renuntiaret juri suo ex commiseratione erga Farzam summa cum infamia prostituendam, nisi nubat Eduardo. *Pontas.*

**CASUS XXIV.** Sylvester non determinate matrimonium promisit Mariæ, sed sub his terminis: *se non aliam ducturum nisi ipsam.*

§. Si Sylvester manere statuerit in cælibatu, non tenetur implere promissum, utpote solum terminis negativis conceptum, & in sensu conditionato prolatum; si scilicet nupturus sit, nupturum se Mariæ. *Pontas.*

**CASUS XXV.** Albinus pater trium filiarum unam se conjugem daturum promittit Barnabæ, qui interea peccavit cum una earum. Albinus id sciens, nondum determinavit, quam illi sit traditurus.

§. Albinus non amplius tenetur dare aliquam ex filiabus suis, & penitus solutus est a promissione facta Barnabæ, qui omni jure excidit per peccatum suum: non enim tenetur dare eam, quacum peccavit Barnabas; quia peccatum non potuit præjudicari juri optionis, quod habuit pater. Reliquas duas non potest dare ipsi ob impedimentum dirimens, quod peccando cum sorore contraxit Barnabas. Conveniens tamen foret, ut offerat Barnabæ illam, cum qua peccavit; quia hæc difficulter repertura esset alium maritum. *Pontas.*

**NOTA.** Cum neutra trium harum filiarum vera subsistunt sponsalia: non enim voluntas patris, sed assensus filiae constituit sponsalia.

**CASUS XXVI.** Gabinus cum Sylvia inlit sponsalia sub expressa hac conditione: si Gabinus reciperetur consiliarius in Parlamento Parisiensi. Gabinus constitutus quidem fuit consiliarius, sed in Parlamento Rothomagensi.

§. Sylvia tuta conscientia potest recusare matrimonium; cum stipulata conditio non fuerit impleta. Conditio tamen solum tacita & simpliciter subintellecta sponsalia non redderet invalida. *Pontas.*

**CASUS XXVII.** Palladius desponsatus est Dianæ hac conditione, ut ea hausto potu se reddat sterilem, in quod illa consensit.

§. Spon-

¶ Sponsalia hæc sunt absolute nulla, nec ullam inducunt obligationem contrahendi matrimonium. Ita docent Gregorius IX. S. Antoninus & S. Thomas. *Pontas.*

**CASUS XXVIII.** Theodebertus promisit matrimonium Paulinæ in præsentia parochi & utriusque parentum. Privatum autem declaravit Paulinæ, se nolle consentire, nisi ipsa sponderet, ad committenda furta, & negotia usuraria fidelem operam se præstituram.

¶ Conditiones bonis moribus oppositæ, nisi adversentur tribus bonis matrimonii, sunt ipso jure nullæ; nec potior earundem ratio habenda est ac impossibilem. Sponsalia sub tali conditione inita sunt valida; quia considerantur ut absque conditione & absolute inita, dummodo non fuerit expressa intentio suspendendi consensum usque ad impletionem conditionis. Si igitur hanc intentionem Theodebertus non habuit, tenetur ducere Paulinam; etsi ea non consentiat in furta & commercium ipsius usurarium. Si autem, inquit S. Thomas in 4. dist. 27. q. 2. art. 1. C. *fuit promissio sub conditione inhonestæ, ut si dicam: accipiam te, si furtis meis consentias; tunc stat promissio, sed tollenda est conditio.* Idem declaravit Gregorius IX. *Pontas.*

**NOTA.** Author cum suis Authoribus sequitur inconsequenter: si enim in priori casu sunt invalida sponsalia, idem dicendum in præsentī; cum non solum generatio proles, sed etiam societas perfecta subordinabilis ad finem naturæ humanæ ad substantiam matrimonii pertineat.

**CASUS XXIX.** Gilbertus sponsalia inierat cum Petronilla puella eximie pulchritudinis; contigit autem paulo post, ut notabiliter deformaretur, amisso uno vel utroque oculo.

¶ Gilbertus absque peccato potest resistere a sponsalibus. Notabilis mutatio sponsi vel sponsæ in corpore, in animo, in honore vel in bonis fortunæ est sufficiens ratio dissolvendi sponsalia, omnis enim mutatio superveniens sponsalibus, quæ si prius extitisset, impedisset sponsalia, tollit omnem obligationem juxta hoc principium generale, quod quilibet ad contrahendum matrimonium se obligans, semper ea conditione se obliget, nisi personæ, cui fides obstringitur, notabilis superveniat mutatio. Si cogèrentur personæ in ejusmodi circumstantiis ad matrimonium, effectus sane instantissimi timendi forent. Notandum, non omnem deformitatem supervenientem sponso æque sufficere ad solvenda sponsalia, ut sufficit deformitas superveniens sponsæ; quia non tam exquisitur pulchritudo in sponso, ut in sponsa. Si tamen deformitas sponsi adeo esset notabilis, ut magnam spon-

sæ crearet averfionem ac repugnantiam, idem & sponsæ permittendum foret. *Pontas.*

*NOTA.* Valde probabile est, quod, si ante sponsalia una pars detineatur intransigente corporali notabili, quam ex industria occultasset, pars ignorans non teneatur in conscientia exequi promissionem juxta regulam juris: *paria sunt non esse, & non apparere. C. A.*

**CASUS XX.** Claudius solemniter fuit desponsatus Franciscæ, quæ vi contractus sponsalitii dotem asserre tenebatur 10000. Imperiales. In eâ domus quædam, quæ præcipuam dotis partem constituebat, pridie diei nuptialis incendio perit. Et ideo Claudius sub prætextu tenuitatis bonorum superstitum Franciscam aucere renuit.

¶ Absque peccato potest Claudius respondere matrimonium cum Franciscâ, hæc tamen cum exceptione: *nisi dos ad levanda matrimonii onera sufficiens remaneat. Pontas.*

**CASUS XXXI.** Polybius cum Eleonora contrahit sponsalia; hæc dotem spondet 2000. Imperiales. Paulo post autem hæreditatem obtinet 20000. florenorum. Cum jam tantis divitiis auctæ matrimonium magis proficuum offerretur, recusat nubere Polybio.

¶ Tuta conscientia & absque peccato non potest recusare matrimonium cum Polybio, cujus ex parte nulla realis mutatio circa bona fortune accidit. Condicio illa tacita, *nisi mutatio notabilis supervenerit*, quæ ordinarie in contractu sponsalitio imbibita censetur, non debet referri ad personam contrahentem, sed ad eam, quæcum contrahitur. Nihilominus si confessarius Eleonoræ tantam ab hoc matrimonio in ea averfionem adverrat, ut passionis sequelæ exinde timeri debeant, non poterit per denegationem absolutionis eam compellere ad illud ineundum. *Pontas.*

*NOTA.* Confessarius rem relinquat judicio Judicis ecclesiastici, aut pro more regionis, politici, cujus est in negotiis publicis determinare indeterminata circa conditiones tacitas contractum neque a lege neque ab ipsis contrahentibus satis clare determinatas.

**CASUS XXXII.** Praxedes comperit, Blasium sponsum suum lapsum fuisse in hæresin; paulo post tamen pœnitentia ductum sese recepisse in sinum Ecclesiæ, ac publice abjurasse hæresin.

¶ Praxedes non potest obligari in conscientia, ut nubat Blasio. Ratio est 1. quia juxta S. Augustinum hæresis est quædam species fornicationis; fornicatio autem nulla reddit sponsalia. 2. quia abjuratio hærelis adhuc manet suspecta, & merito timendum, ne eam amor proprii commodi aut alius inordinatus affectus suggererit. *Pontas.*



**CASUS XXXIII.** Daniela desponsata Damaso tantam animi averfionem adversus illum concepit, ut ad matrimonium adduci haud posset. Potestne tata conscientia insistere proposito suo manendi in cœlibatu aut nubendi alteri?

ꝯ. Non potest propria authoritate dissolvere sponsalia; neque sufficiens ratio est dissolvendi ea, si hæc affectus mutatio proveniat ex naturali inconstantia personæ. Si tamen suborta averfio foret tam magna ac pertinax, ut sinistri ex matrimonio eventus timeri possint, dissolutio sponsalium a iudice ecclesiastico peti potest. *Pontas.*

**CASUS XXXIV.** Henrica desponsata Lamberto, ostiduo post Religionem ingreditur.

ꝯ. Multi Authores censent, sponsalia resolvi ipso jure. Cum pluribus autem aliis dicendum, ea resolvi quidem ex parte Lamberti manentis in sæculo, non autem ex parte Henricæ, quæ non nisi post emissam solemnem professionem liberatur ab obligatione promissionis suæ. Hinc si Henrica deponito ante professionem habitu in sæculum rediret, & Lambertus necdum contraxisset matrimonium cum alia, ea teneretur nubere Lamberto id petenti. Lambertus vero ab eo die, quo sponsa suscepit habitum monasticum, liber est ab omni obligatione sponsalium. *Pontas.*

**NOTA.** Hæc conditio, nisi scilicet sponsus vel sponsa assumpserit habitum Religionis, jure naturali aut etiam divino non est inibibita in contractu sponsalicio; & dispositio juris positivi humani ignorari potest. Supposita autem ignorantia dependet a iudicio Ecclesiæ, an per ingressum Religionis dissolvens sponsalia vere ducatur motivo altiori, ut mereatur hunc favorem legis.

**CASUS XXXV.** Alexander desponsatus Florentiæ contra datam fidem, quin sponsa causam dederit, recipit Subdiaconatum.

ꝯ. Certum est, per suceptionem Subdiaconatus sponsalia resolvi ipso jure, & utramque partem liberam esse ab omni obligatione; quia Subdiaconatus annexum habet votum solemne castitatis, redditque ordinatum inhabilem ad contrahendum matrimonium. Sic decidunt Bonifacius VIII. S. Gregorius M. S. Leo, & plura Concilia. *Pontas.*

**NOTA.** Peccavit tamen sic ordinatus graviter; & Papa haberet potestatem eum restituendi sponsæ, nisi sponsalia fuerint aliis ex causis merito irritabilia.

**CASUS XXXVI.** Germana contraxit sponsalia cum Paulino, quem existimabat probum ac moderatum; comperit autem paulo post, eum esse violentum & valde vitiosum.

3. *Causa hæc sufficiens est ad eximendam sponsam ab omni obligatione; quia certe non consensisset in sponsalia, si novisset vitia sponsi. Ad hæc merito timere posset sponsa, pessime se habendam, ac demum cogendam, ut petat separationem quoad habitationem, aut vitam vivat infelicitissimam. Pontas.*

*NOTA.* Dependet a sententia iudicis, an prudenter censeretur possit, intentionem puellæ fuisse tacite alligatam tali qualitati.

**CASUS XXXVII.** Columba inuito cum Cassiodoro contractu sponalicio fuit violenter oppressa ab Athanasio, omnibus licet viribus reluctans. Potestne Cassiodorus eam sub hoc prætextu respuere?

3. Si sponsus solus sciat factum, nec ulla in eum infamia sit redundatura, iuste non potest sponsalia dissolvere. Sunt Authores, qui eum ad id obligant saltem ex charitate, etsi ex iustitia non teneretur. Si autem Columba fuisset imprægnata, non teneretur eam ducere, etsi factum sit penitus occultum; quia ipse censeretur pater prolis, & proles ipsa præsumeretur legitima cum jure succedendi in bonis tam paternis quam maternis in præjudicium hæredum legitimorum. *Pontas.*

**CASUS XXXVIII.** Posito quod Columba ultro fornicationem commiserit ante contracta sponsalia, Idque Cassiodoro sponso primum innotescat post sponsalia, potestne eam in conscientia repudiare, cum ipse sibi elusum peccati conficius non sit?

3. Potest eam repudiare. Ratio est 1. Quia, nisi fornicatio sit prorsus occulta, infamia Columbæ in ipsum sponsum esset redundatura. 2. Quia improbitas sponsæ etiam in futurum suspectam reddit ejus continentiam ac fidelitatem, quæ eo facilius violari posset, quo magis peccatum sub velamine matrimonii occultari valeret. 3. Quia sponsus non censetur contrahere cum sponsa nisi sub tacita hac conditione: *modo incontinentiæ rea non fuerit.* Si vero Cassiodorus jam habuit notitiam peccati eo tempore, quo contraxit cum ea, tenetur eam ducere; quia censetur eidem condonasse culpam, & secuturam exinde infamiam. *Pontas.*

**CASUS XXXIX.** Victoria comperit, Romanum sponsum suum commisisse fornicationem ante contracta sponsalia.

3. Non videtur eadem libertas tam facile concedenda sponsæ, quæ conceditur sponso. Si tamen consideratis omnibus circumstantiis temporis, loci & personæ extet probabile periculum, ne sponsus in idem peccatum recidat post nuptias, spon-

sponsa licite refiliit. Sed antequam id fiat, diligenter pensandæ sunt circumstantiæ, examinandumque, an Romanum attingant. *Pontas.*

CASUS XL. Tullia scit, Rusticum sponsum suum commississe fornicationem a tempore initiorum sponsalium.

¶. Non est dubium, Tulliam iuste resiliere a sponsalibus; promissio enim futuri matrimonii tacite imbitam habet hanc conditionem: *modo continentiam servaveris*. Dissolutio sponsalium semper locum habet, siue sponsum siue sponsa fornicetur; cum hac in re sint ejusdem conditionis, & promissum non debeat contra promissum agentis. *Pontas.*

CASUS XLI. Sylveria Emmanuelli desponsata admisit a Luciano lasciva oscula vel tactus impudicos.

¶. Emmanuel habet sufficientem resiliendi causam. *Postest vir a sponsalibus recedere*, ait Sanchez, *si post fœmina tactus impudicos alterius, ut amplexus & oscula patiatur; quia est notabilis mutatio*; idque in magnum viri dedecus cedit. *Pontas.*

CASUS XLII. Isidorus, postquam sponsalia cum Apollonia inita firmaverat juramento, commisit cum ea fornicationem. Dein timens de ejus in posterum incontinentia ac infidelitate, cum tam facile possit seduci, statuit suscipere vitam monasticam, & desuper consulit confessarium.

¶. Confessarius nec debet nec potest probare consilium Isidori, quod exequi non posset sine consensu expresso ac libero Apolloniæ. Isidorus igitur indispensabiliter tenetur promissum ac juramentum implere. Ad hæc bonum famæ ac honoris, quo sponsam per corruptionem spoliaverat, est de jure divino, adeoque præferendum bono professionis Religiosæ, quæ tantum est de consilio. Ita sentiunt Bonifacius VIII. S. Antoninus, Sanchez & plures alii ab eo citati. *Pontas.*

NOTA. Nec juramentum, nec fragilitas, nec motivum Isidori est signum vocationis ad statum Religiosum.

CASUS XLIII. Quid si Isidorus jam tunc, dum peccaverat cum Apollonia sponsa sua, habuisset justam causam resiliendi, eoquod sciret, eam jam antea peccasse cum Jacobo post contracta sponsalia?

¶. Peccatum Apolloniæ præcedens in hoc casu Isidoro non potest esse sufficiens ratio ingrediendi Religionem, sed manet adhuc ligatus promissione sua eam ducendi, quam renovavit ac confirmavit per ipsam actum peccaminosum. *Sponsus a cedens carnaliter ad sponsam*, inquit Sanchez, *consentur remittere jus rescindendi sponsalia ratione causæ præcedentis igno-*

*rata, vel subsequenti, si illius causæ tempore copula conscius erat. Pontas.*

**CASUS XLIV.** Publius sponsus Justinæ lapsus est in hæresin.

*§.* Justina jure potest petere dissolutionem sponsallum, & nubere alteri. *Pontas.* Vide Cas. 32.

**CASUS XLV.** Kaynaldus sponsus Julianæ peccavit cum Publia, & Juliana cum Titio. Sponso & sponsæ innotuit alterius peccatum.

*§.* Nec sponsus nec sponsa potest resilire, utpote paribus delictis mutua compensatione sublatis. Et quamvis peccatum sponsæ turpius sit ac scandalosius quam peccatum sponsi, neutra tamen pars habet, quod alteri exprobraret, cum utraque para ejusdem peccati rea sit. *Pontas.*

**NOTA.** Censeo, quod utraque pars possit resilire: nam pars, quæ prior peccavit, amisit suum jus; & si pars innocens hoc illi jus per condonationem restituit, redit in jus pristinum inviolabile a parte altera.

**CASUS XLVI.** Gennadius sponsus Carolinæ secreto fornicatus est cum Joanna, inscia tamen sponsa sua, cui indubitatum jus competeret resiliendi, si id sciret. Jam quaeritur, utrum Gennadius tam male sibi conscius possit cogere Carolinam ad nuptias, quas illa averfatur, quin ullam causam legitimam allegare queat.

*§.* Potest Gennadius adigere sponsam ad implenda promissa. Ratio est; quia non tenetur ultro subire poenam promissam, quam judicis est inspicere. Puella, quæ scit, se non esse virginem, non tenetur desistere a jure sponsalium; immo potest sponsum cogere ad implendum promissum, etsi hic nunquam contraxisset, si novisset hunc defectum. Ergo idem dicendum de sponso. *Pontas.*

**CASUS XLVII.** Hermogenes legitime desponsatus Amaliæ, cum ea post inita sponsalia peccasset, propria auctoritate, non implorando sententiam judicis ecclesiastici, rescindit sponsalia, & ducit aliam.

*§.* Non videtur peccasse mortaliter, nisi fors per hunc actum disciplinæ ecclesiasticæ oppositum dederit grave scandalum. Immo potest dici, Hermogenem egisse ex præscripto charitatis, dum sic conservavit honorem ac famam Amaliæ. Notandum hic, auctoritatem judicis solum requiri ad dissolvenda sponsalia publica ac notoria; occulta enim & clandestina possunt ex gravi ac justa causa dissolvi privata auctoritate desponsatorum, aut eorum, quorum interest. *Pontas.*

**CASUS XLVIII.** Medardus habet causam legitimam publice notoriam resiliendi a sponsalibus cum Julitta initis. Teneturne hoc non obstante sub peccato recurrere ad judicem ecclesiasticum pro obtinenda dissolutione eorum?

y. Quidam Authores existimant, auctoritatem judicis ecclesiastici non esse necessariam, si adit causa justa, certa ac notoria, & scandalum non sit timendum. Alii docent, sponsalia valide contracta dissolvi non posse absque peccato nisi per judicem ecclesiasticum, exceptis tamen sequentibus casibus: 1. Dum una pars amplectitur statum Religiosum. 2. Dum vel sponsus vel sponsa actu contraxit matrimonium cum alio vel alla. 3. Si ex parte alterutrius superveniat fornicatio notoria. 4. Si detegatur impedimentum dirimens consanguinitatis aut affinitatis. 5. Denique, dum sponsus suscepit sacros Ordines. Addendum hic, quod, si sponsalia sint prorsus occulta, nec contracta coram parcho, prætermitti possit ad eorum dissolutionem judex ecclesiasticus, cum non possit oriri scandalum. *Pontas.*

*Nova.* Est in quinque his casibus non detur lex generalis requirendi auctoritatem judicis ecclesiastici ad dissolutionem sponsalium, posset tamen dari lex particularis diocesana, quæ omnino servari deberet. C.A.

**CASUS XLIX.** Eduardus sponsæ suæ, quæ peccaverat cum Arnaldo, in præsentia parochi declarat, se retractare suam sponfionem, utpote argumentis certis convictum de infidelitate ipsius.

y. Non sufficit hæc declaratio ad dissolutionem sponsalium; cum parochus hæc in re non sit Superior legitimus, sed Episcopus, vel Officialis, vel alius ab eo delegatus. *Pontas.*

**CASUS L.** Philogonius & Livia sponsalia inierunt coram SS. Sacramento, eaque juramento firmarunt, ac in testimonium vocarunt Christum in Sacramento præsentem. Viguit exinde turpe inter eos commercium, quod adventantes consanguines Philogonii eum ex Germania miserunt in Italiam negotiorum causa. Ante abitum renovavit promissum sponsæ suæ, vicissim integram fidelitatem spondenti. Ex Italia primo biennio plures ad sponsam dedit litteras ininterruptæ fidei suæ testes; sexennio autem abhinc nec litterulam.

y. Livia absque peccato potest alteri nubere, quin teneatur desuper monere Philogonium (immo ne quidem indiget relaxatione juramenti: leges enim desponsatis terminum expectationis fixerunt respectu absentium, intra eandem tamen provinciam existentium, duos annos; triennium vero pro  
exl;

existentibus in diversis provinciis. Non reperitur, qui terminum hunc longius protrahat. *Pontas.*

**CASUS LI.** Ludovicus promisit Lydiæ, se cum illa iuturum conjugium ad summum intra sex menses. Annus autem fere abiit, ex quo Ludovicus Lydiam non invisit, nec scribit, nec indicat perseverantiam propositi sui. Lydia hanc sponsi indifferentiam ægre ferens contrahit cum alio, secuta autem mox oppositione Ludovici.

¶ Non tenetur ullam hujus oppositionis rationem habere Lydia. *Ubi terminus apponitur, ait Innocentius III. ultra terminum non tenetur ad contrahendum; alias nihil operaretur oppositio termini. Pontas.*

**CASUS LII.** Sebastianus sponsus Monicæ abiit in regionem valde remotam, & quidem inscia sponsa, ibique moratur notabili temporis spatio.

¶ Monica certe potest petere rescissionem sponsalium. Ita declaravit Alexander III. *Pontas.*

**CASUS LIII.** Si autem Sebastianus abisset in regionem non admodum distantem a domicilio Monicæ, num ea ex iustitia tenetur expectare reditum sponsi, aut saltem illi declarare propositum suum quærendi alias nuptias, si certo tempore non sit rediturus? Potestne hoc tempore elapso nubere alteri?

¶ Si in utroque casu sponsus absens foret consentiente sponsa, hæc juxta quosdam Authores teneretur sequi dispositionem legum Romanarum casu 50. indicatam. Alii censent, non tam rigore insistendum his legibus, sed determinationem temporis relinquendam esse arbitrio judicis ecclesiastici; id quod æquitati & rationi multo conformius est, & in pluribus diocæsiibus usuvenit. *Pontas.*

**CASUS LIV.** Sempronius jam per octo menses desponsatus Titiaæ ipsum matrimonium ab uno tempore in aliud sub variis vanis prætextibus protrahit. Quid agendum sponsæ?

¶ Sponsa citandum curet sponsum ad Superiorem legitimum, ejusque sententiæ se conformet: nec enim, ut ait Glossa, in sua causa potest quis esse iudex. *Pontas.*

**CASUS LV.** Florinus peccavit cum Constantia, sine proposito tamen eam ducendi. Pater puellæ sciens, eam esse imprægnatam, vehementissime urget Florinum, ut eam ducat; hic autem reponit, parentes suos non consensuros, cum puella esset longe inferioris conditionis. Pater demum puellæ promittit dotem adeo notabilem, ut Florinus in præsentia parochi pure ac simpliciter jurato promiserit, se ducturum corruptam. Jam quæritur, utrum Florinus, qui per plures menses frustra apud patrem Constantiæ pro dote in-

sti-

stiterat, in conscientia teneatur puellam ducere, maxime ratione juramenti, etsi pater non nisi tertiam partem promissæ dotis offerat.

¶ Non tenetur, nec juramentum additum obligat; quia fuit alligatum promissioni patris & quantitati dotis. Ita sentiunt Sylvius & Navarrus nixi hoc principio: *judicio prudentis viri consideratis negotii circumstantiis nunquam promississet, si illud præcogitasset.* Pontas.

**CASUS LVI.** Antonius & Raynalda desponsati, refrigerante sensim mutua charitate & amicitia, remiserunt sibi invicem obligationem sponsalitiam propria auctoritate.

¶ Absque peccato id fieri potuit, etsi sponsalia fuissent juramento firmata. Ita declarat Innocentius III. concordatque regula juris: *Omnis res per quascunque causas nascitur, per easdem dissolvitur.* Reciproca utilitas partium fuit motivum sponsalium; & hac cessante mutuo consensu tollitur obligatio. Pontas.

**NOTA.** Si sponsalia fuerunt solemner contracta coram parcho & testibus, etiam dissolvenda sunt coram parcho & testibus.

**CASUS LVII.** Hubertus iniit sponsalia cum Julia, quæ accepto licet ab eo arrhæ instar munusculo recusat illi nubere. Teneturne arrham restituere? Aut num teneretur ad restitutionem, si ipsa volente Hubertus nollet eam ducere ex mera inconstantia?

¶ Quoad primam questionem Julia tenetur restituere arrham, nisi habeat legitimam causam resiliendi. Quoad alteram certum est, omni jure privati Hubertum ad arrham, Pontas.

**CASUS LVIII.** Martinus & Joana sponsalia contractantes convenerunt de multa pecuniaria solvenda a resiliendo. Martinus resiliit; teneturne solvere multam stipulatam?

¶ Joana non habet jus exigendi hanc pœam conventionalem; quia omnis ejusmodi pactio nulla est in sponsalibus, cum adversetur plenæ ac integræ libertati ad contractus matrimoniales requisitæ. Non solum Jus Canonicum, sed & Civile reprobatur id genus stipulationes; ex quo inferitur, eas nec in foro interno ullam habere vim obligandi, etsi fuissent juramento firmatæ; quia non licet exequi juramentum circa rem per leges Ecclesiæ prohibitam. Pontas.

**CASUS LIX.** Dionysius homo medioeris fortunæ contracturus sponsalia cum Natalia puella ditissima paciscitur cum ea, ut si ipsa resiliat absque culpa sponsi, teneatur compensare lucrum cessans, illud videlicet, quod consecuturus fuisset ex tam pingui matrimonio. Justane est hæc stipulatio?

¶ Sti-

§. Stipulatio hæc cum sit injusta, Natalia non tenetur ad ullam compensationem vi hujus conventionis; quia præter rationem casu præcedente allegatam Dionysius nullum habet jus ad illud lucrum ante actualem celebrationem nuptiarum. *Pontas.*

CASUS LX. Julia desponsata Thomæ potestne absque injustitia ab illo recipere summam pecunie titulo compensationis a Thoma injuste resiliante sibi oblaram? *2. 1.*

§. Si vere quoddam damnum passa est, potest eam recipere; immo justam damni reparationem poterit judicialiter exigere. Si vero nullum pertulit damnum, nec quidpiam recipere nec exigere potest titulo compensationis. *Pontas.*

CASUS LXI. Sponsalia absque testibus & assistentia parochi inita suntne valida? An ex his contrahitur impedimentum publicæ honestatis in ordine ad matrimonium?

§. Quoad utrumque attendendum est ad consuetudinem diocesum, & ad ea, quæ præscribuntur in Ritualibus. *Fromageau.*

NOTA. Impedimentum publicæ honestatis inducitur etiam per sponsalia clandestina; quia inhonestum est, conjunctionem animotum sponsalitiâ habere cum pluribus propinquis in primo gradu.

CASUS LXII. Berta contraxit sponsalia cum juvene, cuius effrenata vivendi licentia probro futura esset toti familiæ Bertæ, si ipsi matrimonio jungeretur.

§. Sponsalia hæc sunt invalida; quia ejusmodi matrimonium adversaretur pietati ac charitati parentibus & consanguineis debitæ. Berta insuper ageret contra justitiam; quia hæc conjunctio fieri non posset absque damno ac præjudicio quorundam ex familia Bertæ. *C. B.*

CASUS LXIII. Paulus post contracta cum Berta coram testibus sponsalia clam emittit votum simplex castitatis.

§. Paulus tenetur ducere Bertam, quod eruitur ex *Cap. Veniens. 5. Lib. 4. tit. 6.* ubi Alexander III. jubet poenitentiam imponi puellæ, quæ post contracta sponsalia votum castitatis emiserat; quod factum non fuisset, si per votum castitatis sponsalia solverentur. Accedit, quod in his circumstantiis votum non possit acceptum esse Deo; cum cedat in præjudicium illius, quocum sponsalia fuere inita. Hinc si Berta exigat, Paulus tenetur eam ducere non obstante voto. *C. B.*

NOTA. Si Paulus nolit ingredi Religionem, censeo hoc votum esse nullum, utpote imprudens, moraliter inobservabile, & cedens in notabile præjudicium sponsæ, cui gravissimum accideret, nunquam frui posse cupitis amplexibus, nisi per importunas vel inverecundas preces, etiam tunc ac toties iterandas, quoties in matrimonio ad-



verteret gravem tentationem. Hinc sponsus pro tranquillanda sua conscientia tenetur petere saltem commutationem sui voti; & si hoc non faciat, sponsa conscia habet causam resiliendi.

**CASUS LXIV.** Tarquinia marito suo periculose decumbente intensissimo dolore abripiebatur. Galenus olim cum ea luxuriose versatus, eam solabatur inquilens: quid multum angeris, si moriatur maritus, ocyus habebis alium: vis mihi nubere post mortem mariti? Illa subridens consentit, & defuncto marito ambo se vere desponsatos esse existimarent. Suntne valida hæc sponsalia?

¶. Non valent: siquidem, etsi omnes alias condiciones requisitæ adforent, deest tamen promissio Galleni reciproca & absoluta; dicta enim illius ad Tarquiniam ante obitum mariti ostendunt quidem animi propensionem ad eam ducendam, non autem positivam promissionem. Addo, hæc sponsalia etiam ex alio capite non valere; quia promissio ejusmodi facta vivente conjuge non solum est graviter illicita, verum etiam omnino nulla ac irrita. C. B.

● **CASUS LXV.** Sparso rumore de dictis in casu præcedente sponsalibus supervenit Cajo, sibi deberi prætendens Tarquiniam, & non alteri; eoquod cum ea jam contraxisset sponsalia, antequam nupserat marito primum defuncto. Num iusta hæc Caji prætentio?

¶. Iusta est, si absque causa legitima, ut supponitur, Tarquinia resiliivit a contractu sponsalicio cum Cajo inito, ac etiam in præsens non habeat justam causam repudiandi Cajum. Ratio est, quia promissio facta & acceptata cadit in debitum, cujus obligatio impotentia intermedia suspenditur quidem, non autem extinguitur nisi impotentia perpetua. Hinc si Tarquinia cogitet transire ad secundas nuptias, Cajoque, qui se ea indignum non reddidit, velit eam ducere, tenetur absque dubio illi nubere, & non alteri. C. B.

**CASUS LXVI.** Franciscus initis cum Berta sponsalibus peccat cum ea; paulo post detegitur ipsi causa legitima resiliendi, & quidem jam posita ante peccatum, sed ipsi tunc non cognita.

¶. Franciscus potest dissolvere sponsalia, supposito quod causa noviter detecta sit vere sufficiens; quia, cum voluntas non feratur in incognitum, nemo censetur per propriam actionem renunciare juri suo, quod tempore actionis ignorabat se habere. Hinc, etsi Franciscus peccando cum Berta videretur obfirmasse animum suum sponsalia ad effectum perducendi, jus tamen resiliendi, quod tunc habere se nesciebat, salvum persistit etiam post peccatum commissum, C. B.

**CASUS LXVII.** Petronius desponsatus Franciscæ viduæ comperit, eam post mortem primi mariti fornicatam fuisse cum Titio; quapropter cogitat rescindere sponsalia. Licetne hoc?

R. Licet, siue dein ante, siue post sponsalia cum Petronio inita Francisca peccaverit; quia promissio sponsalitia non amplius obligat, si postea ab alterutro sponforum vel committatur, vel commissum detegatur probrosum crimen, quo cognito promissio sponsalitia non fuisset facta, prout accidit in hoc casu. C. B.

**CASUS LXVIII.** Thadæus, postquam valide contraxit sponsalia cum Berta, nova init cum Theresia, eaque juramento confirmat. An priora sponsalia annullantur per posteriora?

R. Non annullantur; nam secunda sponsalia fuerunt illicita simul & invalida, nec juramento confirmari potuerunt; cum juramentum nunquam possit esse vinculum iniquitatis. C. B.

**CASUS LXIX.** Titius init sponsalia cum Berta sub hac conditione, si patris sui consensum obtinuerit intra annum; est pater moritur, antequam consensus ipsius fuerit requisitus.

R. Sponsalia hæc sunt valida in foro conscientiæ. Ratio est; quia conditio hæc tantum fuit adjecta ex metu offendendi patrem; eo autem mortuo cessat motivum additæ conditionis, quæ jam purificata censetur. Consequenter hæc sponsalia integrum vigorem suum retinent, ac si essent absolute contracta. C. B.

**CASUS LXX.** Lællus contractis sponsalibus cum Cassia sub hac conditione: *Si Papa dispensaverit in impedimento dirimente*, pendente adhuc conditione invenit aliam puellam Cassia pulchriorem ac diutorem, & cum ea init matrimonium, relicta Cassia. Peccavitne?

R. Probabiliter peccavit; quia, cum conditio appositæ sponsalibus cum Cassia esset honesta, ejusque impletio de jure possibilis, Cassia jurè potuit exigere a Lællio, ut per rationabile temporis spatium expectaret, donec scilicet posset per ac obtineri Romæ dispensatio, eaque obtenta & sic conditione effectum suum sortita promissum matrimonium exqueretur. C. B.

**NOTA.** Si Cassia sit juxta & graviter invita, certum est, Lællum graviter peccasse.

*Vide Dispensatio. Donatio. Fornicatio. Impedimenta matrimonii in genere.*

## SPURIUS.

*Spurii* in sensu lato dicuntur omnes, qui extra legitimum matrimonium nati sunt. Alii sunt *adulterini*, qui ex adulterio simplici vel duplici procreantur; alii *incestuosi*, qui ex personis cognationis vel affinitatis vinculo irretitis nascuntur; alii demum *sacrilegi*, qui ex persona vel personis specialiter Deo sacratis prodeunt; & hi omnes proprie dicuntur spurii, nec unquam possunt legitimari, suntque inhabiles ad omnia Beneficia & dignitates ecclesiasticas, nisi a Papa dispensationem obtinuerint.

CASUS. Titius Prior commendatitius in favorem filii sui spurii in Curia Romana obtinuit dispensationem, qua hic capax efficitur ad possidenda quæcumque Beneficia, quorum redditus 500. florenos non excedunt, exceptis solum iis, quæ pater ipse possidet. Pater his non obstantibus suum illi Prioratum resignat. Num licite? An filius, qui super hoc Beneficio litteras provisorias Roma jam accepit, potest permutare hoc jus, quod prætendit ad Beneficium? Num simoniam committeret, si sibi procuraret aliud Beneficium, ejusque Titulari asscueret Beneficium sibi a patre resignatum?

g. Titius sine nova dispensatione priori clausulæ derogante non potest filio suo Prioratum resignare; neque filius permutare potest jus, quod prætendit, utpote nullum. Deum certo committeretur simonia, si tali modo filius sibi procuraret aliud Beneficium. *Fromageau.*

Vide *Beneficiatus. Beneficium. Hares. Illegitimus.*

## STIPENDIUM MILITARE.

1. Exhortatio, quam narrante Evangelii textu olim ad milites habuit S. Joannes Baptista, satis demonstrat, militiam professos a regno Dei non excludi; potestque ea exhortatio applicari non tantum militi gregario, sed etiam præfectis militiæ ac officialibus: nempe tam isti quam illi contenti esse debent suis stipendiis, quæ a Principe percipiunt. Excubiarum Præfecto non licet, sub quovis prætextu negare vel disserre stipendia militibus, & interea moras ex moris neccendo in lucrum suum vertere pecunias unice ad hoc destinatas, ut distribuantur inter milites tempore a legibus & consuetudine definito. Injustissimus est hic agendi modus; tepescit & languet miles in militiæ muniis rite obeundis, si

stipendia ultra tempus consuetum differantur, indeque prætextus captant plerique quavis data occasione vexilla sua & militiam deferendi, aut omnino ad hostes transfugendi.

2. Capitanei vel Centuriones, qui, dum legiones recensentur, integras non habent suas centurias; & hinc, ut faciem suam supremo copiarum Imperatori vel Principi, milites suppositos immiscant, fures sunt ærarii Principis, si in stipendiorum distributione plenum accipiant æs militare, ac si completas habuissent suas centurias.

3. Copiarum duces in militari itinere constituti, qui ab annonæ castrensium procuratore vel in parata pecunia vel comestuum portionibus jus transitus vel mansionis exigunt pro majore militum numero, quam secum ducunt, pariter injuste defraudant ærarium Principis sui; quod quidem duobus modis potest contingere, vel nempe militum suorum numerum contra veritatem augendo. vel secum ducendo milites extraneos & adscititios reipsa ad se non pertinentes, pro quibus tamen comestuum exigunt, ac si vera legionum & centuriarum suarum membra essent aut supplementa.

4. Tandem vero officiales bellici, qui stipendia retinent suis militibus, furtum insignie committunt, & thesaurum iniquitatis sibi coacervant.

CASUS. Milites quandoque extra mansiones suas, maxime tempore hybernorum varis artibus & labori manuum vacant. Possuntne Capitanei ipsis retinere vel subtrahere stipendium sub eo prætextu, quod lucrum ipsis proveniens ex hisce laboribus multum superet stipendium militare?

¶ Absque summa injustitia id fieri non potest; tenenturque ejusmodi officiales ad plenissimam restitutionem omnium, quæ hactenus retinuerunt: & si nolint se se subicere oneri restitutionis, non sunt absolvendi. *Fromageau.*

## STRUMA.

*Struma* est affectus corporis consistens in tumore circa partes colli glandulosas, qui plerumque exoritur ex usu aquæ vividioris aut nimium frigida; valdeque communis est in Hispania & Comitatu Tyrolensi. Regi Franciæ speciale a Deo donum concessum creditur curandi strumas. Rex Angliæ quoque vi juris chimærici in regnum Galliæ hoc sibi donum arrogat; sed in effectu illud monstrare non præsumit.

CASUS I. Tiburtius ex eodem matrimonio continua serie septem genuit filios, quorum septimus, Marcus, nomi-

ne, factus est presbyter. Communis opinio, hunc habere donum sanandi strumas, eoquod esset septimus, effecit, ut ex tota vicinia hoc malo affecti catervatim accederent, per ipsius attactum & benedictionem a malo se liberandos rat. An nulla hic intervenit superstitio?

¶. Hæc praxis est manifestus abusus: ex eo enim, quod sit filius septimus, nec a natura habet hoc donum, nec ex virtute supernaturali. Et hinc est mera superstitio popularis, quam penitus extirpare oportet. *Pontas.*

CASUS II. Catullus ultra sexennium struma gravatus percipit, Regem Galliarum posse strumas curare. Cum multis igitur aillis hoc malo affectis Regem adit; & re ipsa curatus est per attactum regium factum cum quorundam verborum pronuntiatione. An nulla Intercedit superstitio?

¶. Curatio hæc absque omni superstitione aut abusu facta est: Rex Galliarum enim vere hoc gaudet dono ex virtute unctionis sacræ, quæ in ejusdem coronatione peragitur, ut plures graves Authores, & testes oculati id confirmant. *Pontas.*

## SUFFRAGIUM CAPITULARE.

Agitur in hoc articulo de jure Religiosi capitularis vocem suam manifestandi in Capitulo, ubi id rei gravitas, jus commune aut constitutiones Ordinis vel monasterii exigunt, quod maxime sit in scrutinio; & circa hoc omnibus *suffragii* jure gaudentibus plena libertas esse debet.

CASUS. Castalon Religiosus utroque oculo cæcus est. Gaudetne nihilominus jure suffragandi in electionibus & receptionibus Candidatorum, aliisque negotiis capitularibus?

¶. Oranino gaudet hoc jure, eoque privari non potest; & hinc omnia ipsi procuranda media, ut secure ac libere suffragium suum dare possit: tutius tamen foret pro conscientia ipsius, si ipsemet ultro renunciaret juri suo, cum facile decipi possit. Idem dicendum de Moniali eodem defectu laborante. *Fromageau.*

## SUPERIOR.

x. Agitur hic de *Superiore Regularium*, qui ita inter suos conversari debet, ut Christus conversatus est suos inter discipulos, sicque fratrum suorum perfectioni ac saluti studeat, ut Christus de discipulorum suorum sanctificatione erat sollicitus; cujus nempe actiones in omnibus suis operibus exprimere debet, &, ut ita dicam, efficere, ut invisibilis

Pastor fiat visibilis in sua, qua monasterium regit, sedulitate, exactitudine, discretione ac pietate. Hinc oportet, ut Superioris vivendi ratio sit adeo exacta, ac ab eo regulæ observantia tam accurate adimpleatur, ut exinde fratres subditi normam ac regulam obligationum suarum possint ediscere. Præterea studeat, ut ad Superioris dignitatem evectus semper in mente teneat verba Spiritus sancti Eccli. 32. v.1. *Rectorem te posuerunt, noli extolli: esto in illis quasi unus ex ipsis.*

2. Denique Superioris est, ut fratribus suis in omnibus observantiis communibus, in laboribus, in vigiliis, in jejuniis, in operibus etiam humillimis & abjectissimis nunquam non se socium præbeat, eandemque, ac cæteri, austeritatem in victu, eandem in vestitu simplicitatem teneat, ac in id solum intendat, ut sola virtute & dignis sublimitate ministerii sui actionibus ab aliis sese distinguat.

3. Hinc facile intellectu est, quantum intersit, ut indignis semper rejectis nunquam non vtri idonei eligantur, qui prima in communitatibus regularibus subsella occupent.

CASUS I. Laërtius Religiosus impudice cum sæmina conversatus est, id quod omnibus in tota communitate notum; culpam tamen suam coram universo Capitulo confessus est, egitque poenitentiam, ita ut penitus emendatus videatur. Potestne jam ad officium Superioris assumi?

¶. Nec in sua, nec in alia communitate aliis præfici potest; etsi veram de peccato suo poenitentiam egerit: quoad vixerit, ad omnem dignitatem inhabilis censendus est. *De Lamet. Vide Religiosus, cas. 64.*

CASUS II. Antiqua consuetudo est in quodam monasterio Mendicantium, ut Superiores honoraria, quæ ex habitis conclonibus percipiunt, sibi met ipsi pro suo arbitrio applicent, nece ad massam communitatis referant. Num licite?

¶. Nec Superior, nec Religiosus privatus ejusmodi honorarium sibi retinere, & ad usus arbitrarios convertere potest; cum monasterium illis victum & vestitum præbeat. Ejusmodi pecunie in communem massam monasterii conferri, & ad eorum, ad quos spectat, nutum applicari debent. Clemens VIII. Constit. 40. anno 1599. sic statuit: *Quo Tridentini Concilii decreta de paupertatis voto custodiendo fidelius observentur, præcipitur, ut nullus ex fratribus, etiamsi Superior sit, proventus, census, elemosynas sive ex concionibus, sive ex lectionibus; aut pro missis tam in propria ecclesia quam ubique celebrandis, aliove ipsorum iusto labore & causa, & quacunque nomine acquisita, tanquam propria, aut etiam nomine*

*mine conventus possidere possit ; sed omnia statim Superioribus tradantur, conventuique incorporentur ; atque cum cæteris illius bonis, redditibus, pecuniis ac proventibus confundantur, quo communis inde victus & vestitus omnibus suppeditari possit. Fromageau.*

NOTA. Author videtur loqui de honorariis perceptis ob conciones quadragesimales in urbibus majoribus habitas. Inspicienda est hac in re laudabilis consuetudo Ordinum & monasteriorum circa peculium privatum, habita etiam ratione diversitatis Ordinum.

Vide *Paupertas religiosa. Religiosus.*

## SUPERSTITIO.

1. In veteri testamento nunquam leguntur hæc verba, *Superstitia* aut *Superstitiosus* ; in novo vero pluribus in locis recurrunt. Juxta S. Thomam *Superstitio est vitium secundum excessum religioni oppositum, eoquod cultum adferat vel ei, cui non oportet, vel eo modo, quo non oportet.* Dividitur autem ordinarie superstitio in idololatriam, divinationem, vanam observantiam & magiam.

2. *Idololatria* est cultus divinus exhibitus creaturæ, quæ ut Deus habetur, & *Idolum* dicitur. Idololatria hæc potest esse externa vel interna, vel externa & interna simul ; qualiscunque autem sit, semper est peccatum mortale.

3. *Divinatio* est futurorum contingentium, id est, *provenientium a causa indeterminata prædictio* ; & solet dividi in plures species, ut per decursum hujus articuli patebit.

4. *Vana observantia* est eventus fortuiti *superstitiosa consideratio, mediæ inefficacis adhibitio ad consequendum certum effectum.* Quamvis hæc superstitionis species ex natura sua sit peccatum mortale, potest tamen quandoque esse solum veniale ex defectu advertentiæ sufficientis, ob simplicitatem, bonam fidem aut ignorantiam tantum leviter culpabilem illius, qui eam adhibet ; ut si v.g. miles ex ignorantia assidue gestaret aliquod scapulare, eoquod alii asseveraverint, se nunquam vulnerandum, quamdiu id gestaret, aut certe vulneratum non moriturnum absque confessione.

5. *Magia* denique *superstitiosa est ratio operandi mira ope dæmonis per signa ab eo instituta, vel invocatio dæmonis expressa vel implicita ad miri operis patrationem.*

6. *Superstitio* igitur duo habet objecta sibi invicem secundum quid adversantia, cultum scilicet falsi Dei. & cultum veri Dei modo indebito, seu divino instituto rationique distans : & de hoc posteriori cultu hic sermo erit.

7. Et iste cultus vel est *falsus* vel *superfluous*. Prior a Theologis definitur, quod sit *veri Dei cultus non verus* ; quin falsus

sus est vel *in se*, ut si sub prætextu honorandi Deum, aut ejus cultum dilatandi falsa confingantur miracula; vel quia falsus est *in sua significatione*, ut si veteres Judæorum ceremoniarum ritus observentur: utroque modo semper peccatur mortaliter. Posterior sen cultus superfluus definitur, *verri Dei cultus ab illius instituto alienus*, id est, contra consuetudinem, doctrinam ac mentem Ecclesiæ assumptus, ut esset v. g. oratio certis diebus, horis determinatis, corpore ad occidentem vel orientem verso, ac in fixo numero, aut de die aut nocte, domi vel sub dio peragenda &c.

8. Generatim loquendo primum Decalogi præceptum prohibet omnes superstitiones, cujuscumque sint generis. *Omnes superstitiones*, ait S. Thomas, *intelliguntur prohiberi in hoc quod dicitur: non habebis deos alienos coram me*: omnis enim superstitio necessario continet pactum saltem implicitum aut tacitum cum dæmone.

CASUS I. Florentius parochus antiquam secutus consuetudinem a suis jam prædecessoribus, & aliis vicinis parochis in praxin deductam imprimere solet clavem suæ ecclesiæ divo Petro sacræ ignitam capitibus boum, canum & aliorum animalium; & hoc ideo, ut a rabie præserventur. An hic usus superstitiosus est?

ꝫ. Redolet certe superstitionem; nam quo fundamento dici potest, clavem ecclesiæ S. Petri majorem habere virtutem præservandi a rabie quam clavem ecclesiæ S. Pauli, aut alterius Sancti? Delin supposita hac virtute, cur clavis potius ignita quam non ignita hac pollet virtute? Certe Florentius bene ageret, si talem consuetudinem aboleret, si id absque scandalo facere potest, consulto tamen prius suo Episcopo. Quod si eam abolere non possit propter obstinationem populi, consuetudini huic pertinaciter insistentis, eam absque peccato tolerari posse videtur, usquedum aliud statuerit Ecclesia. Illi, qui bona fide aut ex simplicitate talem consuetudinem sequuntur, non peccant mortaliter; cum talis devotio adhibendi clavem ecclesiæ S. Petri sit quidem cultus superfluus, non tamen stricte loquendo vera superstitio, Pontas.

Nora. Redolere superstitionem dicitur, quod vim tribuit ceremoniis ab Ecclesia nec institutis, nec positive approbatis, sed tantum toleratis ob traditiones populares circa earum originem sacram, quamvis judicio peritorum probabilius falsam.

CASUS II. Valentinus, qui pro viro singularis pietatis habetur, plures sanavit infirmos recitando super eos Evangelium



gellum S. Joannis : *In principio &c.* & quinque Pater & Ave cum aliis quibusdam precibus. An propterea superstitionis reus est?

g. Si Valentinus in suis precibus aliam intentionem non habet, quam ut Deo exhibeatur cultus ipsi debitus, ac solum de ipsius bonitate impetrare speret sanitatem iis, pro quibus orat, superstitionem non committit. Si vero potius ex his quam aliis precibus, aut ex determinato precum numero effectum expectat, majorem vel minorem orationum numerum ad effectum consequendum inutilem existimans, a superstitione excusari non potest. Generaliter loquendo formulæ precum privatarum & particularium valde suspectæ sunt, si iis potius quam aliis effectus alligatus esse credatur; maxime si non sint approbatæ ab Ecclesia. *Etiams proferre verba divina*, ait S. Thomas 2. 2. q. 96. art. 4. ad 1. *aut invocare divinum nomen, si respectus habeatur solum ad Dei reverentiam, a qua expectatur effectus, licitum erit: si vero habeatur respectus ad aliquid aliud vane observatum, erit illicitum.* Pontas.

Nora. Indubitate pro superstitionis habendæ sunt preces determinato numero vel ritu peragenda in ordine ad certum effectum obtinendum, nisi ille numerus vel ritus significantæ rei sacræ causa fuerit institutus vel approbatus a Papa, vel Synodo Episcoporum, vel ab Ordinario.

CASUS III. Nicephorus miles secuturus exercitum, inscribi procuravit albo cujusdam confraternitatis, persuasum habens, omnes signum dictæ confraternitatis portantes & quinque Pater & Ave quotidie recitantes infallibiliter obtenturos gratiam, absque confessione non moriendi. An superstitiosum hoc?

g. Haud dubie ob hanc falsam persuasionem superstitionis reus est: licet enim confratrum usus signum confraternitatis portandi laudabilis ac pius sit, cum per hoc aliud non intendant, quam ut per signum externum devotionem internam denotent, ac per illud admoneantur sui propositi, recitandi preces quasdam privatas, aut aliud pietatis opus peragendi; certe tamen erroneum est, si quis existimet, id esse infallibile medium non moriendi sine prævia confessione. Privilegium hoc pure imaginarium nec fundatur in promissione divina, nec in doctrina alicujus Sancti aut Doctoris orthodoxi; nec ejus concessio est in potestate Papæ vel Ecclesiæ, sed solius Dei, Domini vitæ ac mortis. Pontas.

CASUS IV. Microles & Irenæus per varias curationes morborum, ille in hominibus, hic in animalibus, magnam

sibi famam conciliârunt. Mirocles contra febrem maxime, colicam & dolorem dentium arcana possidet remedia. Sic febrem per trinam applicationem herbæ cujusdam ad carpum manus, interposito semper ab una applicatione ad alteram unus horæ intervallo. Colicæ medetur per pronuntiationem quorundam verborum ex idiomate peregrino. Dolorem dentium denique sedat per alium dentem alteri homini ob similes dolores evulsam. Irenæus ejusdem fursuris remediis curat morbos varios variorum pecorum. Ambo dicunt, se ea secreta remedia accepisse a suis parentibus jam mortuis, eaque se applicare pauperibus in vicinia optima intentione, ex motivo misericordiæ, & plerumque gratis. Parochus nō hominus id genus curationes taciti cum dæmone pacti effectus esse suspicatur. Quid sentiendum hæc in re?

g. Juxta S. Thomam 2. 2. q. 96. art. 2. ad 1. licet applicare res naturales, si quis credat in iis latere virtutem naturalem producendi certos effectus, nec interveniat alia prava intentio. Si itaque Mirocles credit, herbam applicatam habere virtutem pellendi febrem, non peccat per ejus applicationem. Si vero adduntur varii characteres, figuræ, verba aut alia vana signa, de quibus constat, quod non habeant virtutem naturalem cooperandi ad effectum intentum, eo ipso committitur superstitio. Et hoc re ipsa contingit in secunda ac tertia curatione: quam enim naturalem connexionem cum colica habent peregrina verba, quibus tantam vim tribuit sub falsa specie adjectæ orationis Dominicæ? Et quam virtutem habeat dens morbidus ad sanandum alium? Hæc itaque sunt manifeste superstitiosa; quia non sunt media proportionata ad effectum. Ita docent S. Basilus in *psal* 45 S. Augustinus *L. 2 de Doct. Christ.* c. 20. seu n. 30. & S. Thomas l. c. Consequenter, dum parochus hujusmodi curationes tam hominum quam pecorum morbidorum superstitionis arguit, & condemnat, agit, ut Concilium tolosanum anno 1590. habitum part. 4 c. 12. n. 5. omnibus parochis, concionatoribus & confessoribus agendum præcipit. Huc pertinent superstitiosæ observationes dierum faustorum & infaustorum, ut v. g. 1. Dum ancillæ nolunt mutare servitium suum die veneris. 2. Dum pro certo anni tempore bona vel mala tempestas futura judicatur ex eo, quod dies cujusdam Sancti fuerit serena aut pluvia. 3. Dum matrimonia die veneris contracta creduntur infelicia. 4. Dum unus ex accumbentibus ad mensam eo anno creditur moriturus, si assiderint tredecim. 5. Dum existimatur, prolem fore fortunatam, quæ prodiit ex utero capite tenui pellicula operto: unde apud Gallos ad designandam cujusdam fortunam est in pro-

proverbio: *il est né coiffé*. 6. Dum illum in pristinam ægritudinem relapsurum timetur, qui reconvalescens prima vice domo egreditur die veneris 7. Dum quibusdam herbis tanta virtus haud inesse existimatur, si non colligantur in festo nativitatis S. Joannis Baptistæ. 8. Dum iter non suscipiendum esse eo die, quo orta est tempestas, aut quo luna in hoc vel illo situ conspicitur, aut denique vineas plantandas non esse creditur anno biffextili &c. *Totum hoc*, ait S. Augustinus L. 10. de Civit. Dei. c. 11. *ad daemones pertinet, iudificatores animarum sibi et subditarum, & voluptuaria sibi ludibria de hominum erroribus exhibentes. Pontas.*

CASUS V. Chrysostomus morsus a cane, qui existimabatur esse rabidus, petiit a paroco panem benedictum; quia audierat, eum cum devotione interna comestum præservare a rabie. Licitene dari potuit in hunc finem? Num etiam oviculæ ab eodem cane morsæ panis benedictus comendendus præberi potest?

3. Licitè a paroco dari, & a Chrysostomo comedi potuit panis benedictus in finem memoratum; quia non solum conducit ad salutem animæ, sed etiam corporis, ut ex ipsa benedictionis formula constat, cujus verba sunt: *ut omnes ex eo gustantes, inde corporis & animæ percipiant sanitatem, ut sit omnibus sumentibus salus mentis & corporis, atque contra morbos & universas inimicorum insidias tutamentum.* Non licet autem benedictum panem dare brutis juxta S. Beuve Tom. 2. Cas. 12.; quia benedictio Ecclesiæ non ordinatur in hunc usum. *Pontas.*

NOTA. Quando prudenter dubitari potest, an non in morbis pecorum interveniat maleficium ex operatione daemonis, recte dantur etiam animantibus res benedictæ; quia ad hunc effectum per Ecclesiæ preces obtinendum ordinantur, & jubentur sensibilibus ad captum populi applicari ab Ecclesia.

CASUS VI. Quintinus nauta videns delphinos in maris superficie ludentes auguratur, gravem brevi exorituram tempestatem. Et Euphemius agricola media nocte audiens canem ante januam domus suæ ululantem, & corvum crocitantem, prædicit, quempiam ex suis domesticis aut vicinis brevi moriturum. Suntne ejusmodi divinationes superstitiosæ?

3. Præsagium Quintini nullatenus est superstitiosum: fundatur enim in ordine naturæ a Deo constituto; & omnes in mari navigantes ab experientia sciunt, quando delphini ludent, orituram tempestatem. Ejusmodi divinationum exempla ipsa scriptura nobis suppeditat Jerem. 8. v. 7. ubi dicitur: *Milvus in caelo cognovit tempus suum; turtur, & hirundo, & sica-*

*ciconia custodierunt tempus adventus sui.* Anguria hæc sunt naturalia. Divinatio autem Euphemii certe est superstitiosa, & pertinet inter insanas imaginationes hominum impiorum, ac reliquas gentilismi: quænam enim connexio inter ululatum caninum aut crocitantem corvinam & inter mortem hominis, quæ a solo pendet nutu divino? *Pontas.*

**CASUS VII.** Placidia devotioni erga B. Virginem specialiter addicta, eo tempore, quo SS. Sacramentum publicè in ecclesia fidelium adorationi exponitur, plerumque in facellum ejusdem ecclesiæ se recipit, ac coram imagine B. Virginis, quæ miraculosa dicitur, preces suas fundit. An non hæc devotio quamdam superstitionis speciem præferat?

*Æ.* Si Placidia B. Virginem colat solum ut advocatam potentissimam, quæ plurimum valet apud Christum filium suum, non potest superstitionis argui; cum ipsius devotio sit orthodoxa. Si vero plus confidentiæ ponat in B. Virgine, ac in ipso Christo dispensatore gratiarum, eamque Christo potentiores credat, superstitiose utique ac pessime ageret. *Pontas.*

**CASUS VIII.** Sunt quædam personæ de simplici plebecula, quæ collo appensa gestant amuleta, seu faculos, in quibus continentur ruta benedicta, initium Evangelii S. Joannis in charta pergamena scriptum, non sine multis ac discoloribus crucibus, particula cerei paschalis, fragmentum Corporalis ad missam jam adhibiti &c.; & hisce rebus specialem inesse virtutem asserunt contra maleficia & veneficia; commendaturque earum usus in pluribus libris desuper editis. An nulla in ejusmodi usu superstitio intervenit?

*Æ.* Communi Theologorum sententia usus ejusmodi amuletorum superstitiosus est ac graviter peccaminosus, nisi excuset ignorantia aut bona fides, quæ in simplici plebe facile intervenit, dum viros cæteroquin pios ac religiosos hujusmodi amuletis patrocinari videt. Libri talia amuleta eorumque usum commendantes, ut summe perniciosi proscribendi ac interdiciendi sunt. *Formageau.*

**NOTA.** Corporalla in demones, utpote spiritus, naturali virtute non agere, in sana philosophia ac theologia exploratum est. Plures libros operationibus demonum nimium tribuentes, & ab illis se præservandi, aut eas abigendi media præscribentes etiam benedicta, v. g. Hieronymi Mengi *flagellum demonum*, *Fustis demonum*, *Compendio dell' Arte Efforcifica*, & *possibilità delle mirabili & stupende operazioni de' demoni* ab Ecclesia proscriptos esse, ex indice librorum prohibitorum constat. Omnes Benedictiones non approbatas a sacra Rituum congregatione, nec contentas in Rituali Romano aut dioecesano esse prohibitas, certum est. Ecclesiam denique fidelibus abunde suppeditare in singulis dioecesibus ac parochiis res benedictas, ut aquam, vinum, salem, ceram, panem, herbas &c. quæ emergente casu ac exigentibus circumstantiis usui esse possint; nec pri-

valios quoscumque demum efficaciorē rebus benedictionem imperiri posse ac universalem Ecclesiam, pariter indubitatum est. Quid sequitur exinde? Id sequitur, quod monopolium circa res benedictas, ac benedictiones privatorum a communi Ecclesie usu ac consuetudine recedentes merito suspectum esse debeat, ne quid amplius dicam; cum vergat non solum in despectum universalis Ecclesie, utpote non cuilibet suorum fidelium tam liberahter providentis, sed & in vilipensionem Episcoporum, parochorum ac ecclesiarum parochialium, dum falsam ac superstitiosam in plebe opinionem fovet, ac si major prerogativa & plus potestatis concessum sit capitulis subsidiariis, ac ipsis primariis gregis custodibus a Christo & Ecclesia institutis.

**CASUS IX.** Deseruntur a mundinatoribus ac inter plebem distribuuntur sine scientia Episcopi variae precandi formulae omni approbatione destitutae, quibus mira sanandi & ab omnibus malis praeservandi vis adscribitur. An non inter superstitiosa pertinent?

g. Non licet absque approbatione ac licentia Episcopi inter plebem spargere novas precandi formulas, sive scriptas sive impressas; cum per sepe concurrere solent deceptiones populi per falsas promissiones gratiarum tam naturalium quam supernaturalium, confictas indulgentias &c. Si quis ejusmodi precatulunculis uteretur cum firma persuasionē, se infallibiliter fore sanandum aut praeservandum a malo, manifestam superstitutionem committeret. Si diceretur oratio Dominica, inquit Sayrus L. 4. c. 6. n. 8. *cum hac firma spe, quod prius revelabitur hora mortis, quod scientia divinitus infunderetur, quod inimici nocere non poterunt, esset superstitiosum.* Fromageau.

**NOTA.** Superstitio non consistit solum in eo, quod orationi determinatis verbis adstrictae tribuatur infallibilis vis; sed in eo etiam, quod tribuatur ulla vel minima vis: stultum enim, & religioni nostrae probrosum est, credere, Deum vel Sanctos circa preces vim determinatis verbis adscripsisse.

**CASUS X.** Terentius recusat interesse convivio, ad quod tredecim convivae accumbere videt; quia nimirum timet, ne unus horum convivarum eodem anno moriturus sit.

g. Si timor Terentii nititur persuasionē certa de futura morte alicujus convivarum, peccat graviter peccato superstitutionis: superstitiosum enim est, timere quidquam eventurum a causa, quae ad talem effectum producendum inutilis est ex sua natura, nec etiam a Deo virtutem procurandi hunc effectum obtinuit. Si vero timor Terentii fundatur solum in levi aliqua credulitate, non peccat graviter. C. B.

**NOTA.** Etiam levis timor vel credulitas pertinet ad genus superstitutionis. Sed in hoc genere, sicut in haeresi, ad quam reducenda est superstitio.

*superstitio, non datur obiective parvitas materiæ, sed tantum subjective ob indeliberationem actus.*

## SURDUS ET MUTUS.

1. Dantur duplicis generis *furdi*; quidam enim omnino sensu auditus carent, quidam vero audiant, si illis alta voce loquamur, aut mediante aliquo instrumento auribus applicato. Datur etiam surditas spiritalis, de qua Psal. 35. v. 3. dicitur: *noluit intelligere, ut bene ageret.* Hic de surditate solum corporali sermo erit.

2. Vox *mutus* derivatur a verbo *mutire*: dum enim muti sensa animi sui per locutionem exprimere tentant, plerumque eructant has syllabas *mu-mut*. Elucescet ex dicendis in hoc articulo, quod Ecclesia surdos & mutos non excludat a participatione Sacramentorum ad salutem necessariorum.

CASUS I. Pamphilus, a nativitate surdus & mutus, cum periculose decumberet, parentes illius illico advocant parochum; ut moribundum absolvat. Parochus vero, cum perbene nosset, sine fide neminem salvari, & Pamphilum non potuisse sufficienter instrui de mysteriis fidei, dubitat, an absolvere debeat moribundum; aut omnino sacrum eidem viaticum ministrare.

¶ Verum quidem est, adultum salvari non posse sine vera fide; dici tamen potest, conformiter ad principia D. Thomæ q. 14. de verit. art. 11. de fide. ad 1. surdos simul & mutos a nativitate obtinere a Deo donum fidei, si vivant juxta regulas rectæ rationis & luminis naturalis, ac insuper non extinguant in animo, aut suffocent desideria a Deo inspirata ad quærendam instructionem. Hinc si Pamphilus est baptizatus, & edidit indicia exteriora fidei v. g. vivendo more catholico, assistendo cum omni modestia ac reverentia divino officio, parochus absque omni temeritate poterit credere, cum de fide fuisse instructum per operationem divinam, vel per ministerium Angelorum; ac consequenter deneganda ipsi non est absolutio, maxime si prodatur aliquod signum poenitentiae; immo nec SS. viaticum denegandum erit juxta Authorem *Conferentiarum Petrocoriensium* Tom. 4. Conf. 1. q. 1. & S. Beuve Tom. 2. Caf. 10. 95. & 151. ac Tom. 3. Caf. 17. si exhibeat quædam indicia adorationis ac reverentiae erga augustissimum hoc mysterium, & ex signis colligi possit, quod discernat inter cibum hunc spiritualem & materiale. Primis Ecclesiæ sæculis ad Eucharistiam admittebantur etiam infantes ex uberibus matrum pendentes; & hodie adhuc viaticum ministratur adultis moribundis, si id petierint prius, quamvis jam amiserint usum

usum rationis, dummodo absque periculo irreverentiæ fieri possit. *Pontas.*

**NOTA.** Surdus & simul mutus a nativitate non potest absque miraculo sufficienter esse instructus de Sacramento Pœnitentiæ & Eucharistiæ, nisi sub ratione generica signi sacri seu mysticæ. Hinc, quia valde dubium est, an ista generica notitia sit sufficiens dispositio ad recipiendum fructum Sacramenti, Eucharistia ipsi nec publice nec privatim, absolutio autem solum privatim, sub conditione, si capax es, concedenda est.

**CASUS II.** Clodius parochus habet in sua parochia juvenem surdum simul & mutum, de cujus salute nullam omnino curam gerit; eo quod illum omnis instructionis ac doctrinæ incapacem existimet. An non peccat parochus?

**3.** Absque dubio gravissime peccat parochus: nam homo, etsi surdus & mutus a nativitate, sufficienter instrui potest de essentialibus fidei veritatibus per varia signa, quæ habent relationem ad illas, & per imagines mysteria Religionis exhibentes. Videntur autem præ aliis ad hoc conducere imagines repræsentantes. 1. Creationem hominis. 2. Nativitatem Christi. 3. Adorationem pastorum & magorum. 4. Præcipua miracula Christi. 5. Institutionem Eucharistiæ. 6. Præcipuas circumstantias passionis Christi & crucifixionis. 7. Resurrectionem. 8. Et ascensionem. 9. Missionem Spiritus sancti. 10. Quatuor novissima. Si hæc imagines proponantur seorsum ac successive, & ad singulas exprimentur convenientes affectus v. g. adorationis, reverentiæ, timoris, gaudii, doloris &c. certe imprimunt aliquam ideam ac notitiam Religionis cooperante Dei gratia, quæ in hujusmodi circumstantiis nunquam deest. Sic sentit & Author *Conferentiarum Andegavensium* mense Jul. 1704. *Pontas.*

## SUSPENSIO.

**1.** *Suspensio* est censura Ecclesiastica, qua ob grave crimen Clericus privatur exercitio Ordinis & Officii, administratione Beneficii, & possessione aut perceptione fructuum Beneficii in toto vel ex parte, ad certum tempus vel pro semper. Triplex igitur datur suspensio, nimirum ab *Ordine*, ab *Officio*, & a *Beneficio*. Prima privat functionibus actualibus *Ordinum* receptorum. Secunda privat exercitio jurisdictionis, & omnibus functionibus ratione Beneficii, vel muneris ecclesiastici obeundis. Tertia privat fructibus, qualescunque sint, & aliis commodis Beneficii. Hæc triplex suspensio potest simul in *figi* per sententiam Superioris, & tunc vocatur *totalis*; alias *dich-*

dicitur *partialis*; utraque tamen est mera pœna; quia pro principali objecto solum habet punitionem criminis.

2. *Suspensio ab Ordine tantum* non se extendit ad Ordines inferiores; hinc sacerdos solum suspensus a celebratione missæ potest licite exercere functiones subdiaconi & diaconi: idque conforme est antiquæ Ecclesiæ consuetudini, quæ in pluribus Conciliis presbyteros in pœnam delictorum suorum alligavit ministerio Ordinum inferiorum. Non ita tamen se res habet circa suspensionem ab exercitio Ordinis inferioris: hæc enim comprehendit etiam suspensionem ab exercitio Ordinis superioris; ita ut Clericus suspensus ab exercitio diaconatus irregularitatem incurreret, si obiret ministerium Ordinis altioris, juxta regulam juris: *Cui non licet quod minus est, nec ei licere debet quod est majus*. Polmanus tamen existimat, presbyterum suspensum tantum a diaconatu posse exercere eas functiones presbyteratus, quæ nullam ad diaconatum relationem habent, ut sunt v. g. concionari, & administrare Sacramenta.

3. *Suspensio lata in personam* inhæret eidem, quamvis in aliam migret diœcesin; & Episcopus alterius diœcesis non potest suspensio permittere in sua diœcesi exercitium Ordinum, a quibus in propria diœcesi fuit suspensus. Hinc sequitur, quod suspensus a Beneficio per sententiam judicis in sua diœcesi, eo ipso etiam suspensus sit a Beneficiis, quæ fors habet in alia diœcesi.

4. Suspensus a Beneficio juxta Canones non potest Beneficium resignare aut permutare; quia resignatio aut permutatio necessario supponit jus in Beneficio, quo jure suspensus per censuram privatur.

5. Clericus suspensionem incurrit ipso jure 1. Dum exhibetur falsus titulus simulati Beneficii, vel titulus patrimonii fictus, saltem in diœcesibus, in quibus in sic ordinatos hæc censura lata est. 2. Si recipiantur Ordines sacri ante ætatem requisitam, aut extra tempus a Canonibus præscriptum, aut absque dimissorialibus proprii Episcopi. 3. Si eodem die recipiantur duo sacri Ordines. 4. Si recipiatur Ordo sacer ante ordinem inferiorem. Idem dicendum de illis, qui excommunicati, aut simoniæ rei recipiunt Ordinem. 5. Si quis alium pro se substituat ad examen prævium ante Ordinationem. 6. Si quis se ordinari curavit ab Episcopo, quem scilicet esse excommunicatum, suspensum, aut interdictum denunciavit. 7. Si quis recipiat Ordines ab Episcopo, qui se Episcopatu, & functionibus episcopalibus abdicavit. 8. Si quis recepit Ordinem post contractum matrimonium, quamvis illud non fuerit consummatum. 9. Ipso jure etiam incurrit su.



suspensionem quisvis sacerdos tam regularis quam secularis, qui Benedictionem nuptialem impertitur personis alterius parochiæ sine licentia parochi, aut Episcopi contrahentium.

6. Omnes illi, qui suspensi ab Ordine aliquam functionem Ordinis exercent, mortaliter peccant, & etiam irregularitatem incurrunt.

7. Sensus a jurisdictione contentiosa non punitur irregularitate; cum eam simplex Clericus nondum aliquo Ordine initiatus exercere possit. Idem dicendum de illis, qui suspensi a Beneficio, ejus tamen percipiunt fructus, faciunt locationes aut aliis funguntur officiis Beneficio annexis; tales peccant quidem mortaliter, non tamen incurrunt irregularitatem. Sic etiam irregularitatem non incurrunt suspensi ab officio conclonatoris, si conclonatur; quia hoc officium seu ministerium non est essentialiter annexum Ordini.

CASUS I. Archambaldus Episcopus nominatim suspensus ab Ordine, vel a jurisdictione declaratus est; quia eodem die alicui subdiacono suæ diœcesis contulit Ordines diaconatus & presbyteratus. An nihilominus functiones episcopales exercere potest?

3. In jure Ordo & jurisdictio sunt duo valde diversa; cumque igitur pœnæ canonice sint materia odiosa, & consequenter non extendendæ, suspensus ab Ordine non censetur eo ipso etiam suspensus a jurisdictione, & vice versa; nisi jurisdictio sit necessario annexa Ordini, ut in Sacramento pœnitentiæ, quam proinde presbyter suspensus ab Ordine exercere non potest. Si ergo Archambaldus solum sit suspensus ab Ordine, non potest celebrare in Pontificalibus, nec consecrare ecclesias aut altaria; quia hi actus functiones sunt Ordinis, a quo suspensus est. Potest vero exercere actus jurisdictionis episcopalis, ut conferre Beneficia, approbare confessarios, ferre censuras, & ab eis absolvere in foro externo tantum; quia hi actus sunt actus jurisdictionis. Si autem est suspensus a jurisdictione tantum, tunc potest exercere omnes actus Ordinis. Observandum tamen, Episcopum nunquam censi suspensum, nisi expresse nominetur. *Pontas.*

CASUS II. Metrodorus parochus ruralis, quemdam amicum commodius ut convivio exciperet, illud in caupona parari curavit. Verum ipsius Episcopus omnibus clericis cauponas interdixit sub pœna suspensionis ad sex menses ipso facto incurrendæ, & absolutionem ab ea sibi metipsum reservavit. Quæritur igitur 1. An Metrodorus peccaverit mortaliter cum amico cauponam adeundo. 2. Utrum

fit suspensus non solum ab Ordine, sed etiam a functionibus parochialibus. 3. A quonam sit absolvendus.

3. Metrodorus peccavit mortaliter juxta S. Gregorium Cap. *Si quis*. 2. Lib. 1. Tit. 33. *Si quis venerit contra decretum Episcopi, ab ecclesia abjiciatur*. 2. Cum suspensio lata fuerit sub terminis generalibus absque ulla limitatione aut distinctione, vere suspensus est ab omnibus functionibus ecclesiasticis, & ab omnibus juribus ad Beneficium pertinentibus per sex menses. 3. Intra hos sex menses solus Episcopus eum absolvere potest a suspensione. Elapso autem semestri redit in omnia jura sua absque absolutione. Pontas.

NOTA. Si parochus per Episcopum absque malitia sibi formasset distamen, ab Episcopo hunc casum extraordinarium probabiliter sub lege generali non fuisse comprehensum, non tenet suspensus, nec teneretur se gerere pro suspenso.

CASUS III. Dominicus parochus invisens parochum alterius diocesis cum eo in caupona conversatus est; quamvis sciret, a Episcopo cauponas esse prohibitas clericis sub poena suspensionis ipso facto incurrendae. An suspensionem incurrit?

3. Non incurrit: statutum enim dioecesanum est lex annexa territorio dioecesano, & solum ligat eos, qui in eo morantur actu. Hinc Dominicus se extra territorium suae diocesis detinens non incurrit suspensionem, de qua in hoc casu agitur. Bonifacius VIII. in Cap. *Ut animarum*. 2. Lib. 1. Tit. 2 in 6. *Statuto Episcopi, inquit, quo in omnes, qui furtum commiserint, excommunicationis sententia promulgatur, subditi ejus furtum extra ipsius dioecesis committentes minime ligari noscuntur; cum extra territorium jus d'centi non pareatur impune*. Aliud dicendum de sententia personali; quia ea sequitur personam, in quam lata est, quocumque lerit; dummodo ea subiecta sit jurisdictioni Superioris, qui tulit sententiam. Pontas.

CASUS IV. Gerasimus presbyter ex sua diocesi discedens in alia suum fixit domicellum, in qua stabilito domicilio in quadam caupona suis cum amicis prandium sumpsit. Ignorans, in hac diocesi ingressum cauponae prohibitum esse Clericis sub poena suspensionis ipso facto incurrendae. An coram Deo ob suam ignorantiam a suspensione excusatur? An celebrando postea non incurrit irregularitatem?

3. Ignorantia tam iuris ecclesiastici, quam facti excusat a quacumque censura; dummodo ignorantia non sit crassa aut affectata. *Ut animarum periculis obviatur*, ait Bonifacius VIII. l. c. *sententiis per statuta quoruncunque Ordinariarum*

*prolatis ligari nolumus ignorantes ; dum tamen eorum ignorantia crassa non fuerit aut supina. Cum igitur Gerasimus nullam habuerit notitiam de statuto diœcesano, & nec somnauerit de incurrenda censura ex eo, quod ad cauponam diverterit, ibique cibum & potum sumpserit, non incurrit suspensionem aut irregularitatem, dum postea celebravit : ignorantia enim ipsius, utpote advenæ, certe non fuit crassa aut supina. Pontas.*

**CASUS V.** Episcopus publico statuto generaliter omnibus constitutis in Ordinibus interdixit hospitia sub pœna suspensionis ipso facto. Incurritne Hieronymus acolythus hospitium ingressus hanc censuram, aut etiam irregularitatem, si postea actum Ordinis exercet?

¶ Regulariter loquendo Hieronymus non incurrit suspensionem, ac proin nec irregularitatem : juxta communem enim loquendi modum Clericus non dicitur constitutus in Ordinibus, nisi post receptum subdiaconatum : in pœnalisibus autem, utpote materia odiosa, verba legis non sunt extendenda ultra significationem communem & ordinariam juxta illud Bonifacii VIII. *Odia restringi & favores convenit ampliari.* Quia tamen Episcopus habet jus hac lege comprehendendi etiam Clericos in minoribus solum Ordinibus constitutos, in hoc & simili casu exploranda erit mens legislatoris. Pontas.

**CASUS VI.** Voconius capacitati ac scientiæ suæ diffidens præfixo ordinationis die immiscuit se ordinandis, sicque absque omni examine ordinatus est diaconus. An incurrit suspensionem ab Ordine?

¶ Haud dubium est, Voconium suspensionem incurrisse, juxta Cap. *Immutuit*, 3. Lib. 5. Tit. 30. Loquitur ibi Cœlestinus III. de tribus Clericis, qui fortive Ordines susceperant, & ait : *Respondemus, quod ordinati in susceptis Ordinibus de juris rigore ministrare non debeant.* Dispensare tamen poterit Episcopus. Pontas.

**CASUS VII.** Mummius ab alterius diœcesis Episcopo subdiaconus ordinatus est, exhibitis consensibus Episcopi sui literis dimissoriis. An incurrit suspensionem ab Ordine?

¶ Incurrit suspensionem. Sic statuit Concilium Aurelianense anno 549. Can. 5. & quidem ipso jure & facto, ut colligitur ex Bulla Pii II. *Cum ex sacrorum*, 17. Nov. 1461. edita. Et hæc disciplina etiamnum viget. Si quis ab alio promoveri petat, inquit Concilium Tridentinum Sess. 23. c. 8. de reform. nullatenus id ei permittatur, nisi ejus probitas & mores Ordinarii sui testimonio commendentur : si secus fiat, ordinans a collatione Ordinum, & ordinatus a susceptorum Ordinum exercitio-

*ne, quamdiu proprio Ordinario videbitur expedire, sit suspensus. Pontas.*

**CASUS VIII.** Cyriacus solum annos viginti tres natus cum dimidio exhibito falso ex libro baptismali testimonio presbyter ordinatus est. An incurrit suspensionem? Et si eam incurrit, crimenque ipsius notorium est, ac in eo statu celebravit, a quonam absolvi poterit?

*y.* Certum est, eum incurrisse suspensionem, ac, si in eo statu celebravit, etiam irregularitatem. *Peccat mortaliter, inquit Navarrus Manual. c. 25. n. 70 qui ordinatur Ordine sacro extra tempora a jure statuta, vel ante legitimam aetatem, & est ipso jure suspensus, & si Ordine utitur, fit irregularis.* Si crimen Cyriaci sit notorium, ut in casu ponitur, necessario pro dispensatione recurrendum est ad summum Pontificem, eaque impetranda in Dataria. Si vero est occultum, potest dispensare Episcopus juxta Cabassutium L. 5. c. 16. n. 6. *Pontas.*

**CASUS IX.** Mutius acolythus Ordines recepit ab Episcopo, qui se abdicavit suo episcopatu & omnibus functionibus episcopalibus, cujusque sedem episcopalem jam occupavit alius. An suspensionem incurrit?

*y.* Incurrit. Ita Alexander III. Cap. *Requisivit.* x. Lib. x. Tit. 13. *Suspenditur ab Ordine suscripto, inquit Cabassutius, quisquis Ordinem sacrum suscepit ab Episcopo, qui episcopatus & Ordinis episcopalis usui renunciavit; & hac suspensio reservatur Papæ. Pontas.*

**CASUS X.** Humbertus in diocesi Passaviensi natus, transactis in servitio Episcopi Basileensis octo annis, ab eodem subdiaconatum recipit absque litteris dimissorialibus Episcopi sui, scilicet Passaviensis. Mortuo post trimestre Episcopo Basileensi Humbertus ab illius successore elemosynarius constitutus, elapso biennio ordinatus est ab eo diaconus & presbyter. An Humbertus, postquam decem annis dictis duobus Episcopis Basileensibus inservierat, potuit ordinari ab iisdem sine dimissorialibus Episcopi Passaviensis, quin suspensionem contraxerit?

*y.* Ex eo, quod Humbertus ordinatus fuerit subdiaconus ab Episcopo Basileensi, non incurrit suspensionem; cum jam ultra tres annos inter familiares hujus Episcopi fuerit commoratus: *Episcopus, inquit Concillium Tridentinum Sess. 23. c. 9. de refor. familiarem suum non subditum ordinare non possit, nisi per triennium secum fuerit commoratus.* Diaconatum autem & presbyteratum non potuit recipere ab Episcopo, cui solum per duos annos inter familiares servierat, quin suspensionem incurreret. Privilegium a Tridentino Episcopis concessum;

concessum, ut ejus familiares suos extradiecesanos in trienniali servitio secum commorantes ordinare possint absque dimissorialibus litteris a proprio Episcopo obtentis, non potest extendi ultra strictum verborum sensum, nec anni in servitio antecessoris transacti computari possunt cum annis servitii impensis Episcopo successori; quia privilegia, utpote vulnera legum, inter materias odiosas censentur, quas intra proprios legis limites restringi oportet. Potuisset tamen Humbertus diaconus & presbyter ordinari ab Episcopo Basileensi, si in ipsius dioecesi stabile domicilium figere decrevisset; supposito, quod id factum non fuisset in fraudem, ut se subtraheret jurisdictioni proprii sui Episcopi Passaviensis: interveniente enim ejusmodi fraude ipso jure suspensionem incurrisset. Pontas.

**CASUS XI.** Martinus dioecesanus Augustanus, ut rigorosum Episcopi sui examen declinaret, procuravit sibi tenue Beneficium in alia dioecesi, ea intentione, ut ab Episcopo Beneficii sui presbyter ordinaretur, & ordinatus rediret in dioecesin suam Augustanam; quod & factum est: nam suscepto presbyteratu mox resignavit Beneficium, antequam ejusdem possessionem adierat, & in dioecesin suam rediit. An non ipso jure suspensus est?

g. Est suspensus; quia, etsi ordinatus fuerit ab Episcopo Beneficii sui, non tamen usus est Beneficio, ut se constanter subjeceret Episcopo Beneficii, sed tantum ut se subtraheret jurisdictioni proprii Episcopi. Cum ergo sic egerit in fraudem, commodum referre non debet juxta regulam Innocentii III. *Fraus & dolus alicui patrocinari non debent.* Idem declaravit Congregatio Concilii 7. Oct. 1662. his verbis: *Sacra Congregatio Concilii sapientius declaravit, tametsi quis possit ordinari ab Episcopo loci Beneficii; si tamen adeptus sit Beneficium in fraudem, esse male promotum, ac si in susceptis Ordinibus ministraverit, irregularitatem contrahere.* Pontas.

**CASUS XII.** Manilius presbyter dioecesis Andegavensis transit in dioecesin Passaviensem, quamvis ab Episcopo suo ad id licentiam non obtinuerit. Elapso octiduo ipse sibi ejusmodi licentiam conscripsit; qua exhibita mox facultatem celebrandi impetravit, ac in quadam parochia, quo se contulit, singulis diebus celebravit. Confessarius, cui Manilius rem exposuit, respondit, eum ipso facto suspensionem incurrisse, & quidem ex duplici capite: 1. Quia fictio licentiae transeundi in aliam dioecesin est casus reservatus in dioecesi Andegavensi, cui annexa est suspensio. 2. Quia vi statutorum synodaliū dioecesis Parisiensis presbyter extraneus post quin-

decim sui adventus dies absque legitima licentia celebrans suspensionem incurrit. An confessarius bene respondit?

¶ Manilius non incurrit ipso facto suspensionem. 1. Non incurrit suspensionem latam ab Episcopo Andegavensi; quia fictio litterarum, cui est annexa suspensio, facta est extra dictam diocesim: statutum autem generale diocesimum solum ligat eos, qui acta se detinent in territorio jurisdictionis episcopalis. 2. Nec incurrit suspensionem comprehensam in statutis synodalibus diocesis Parisiensis; quia Manilius obtinuit licentiam celebrandi in hac diocesi, licet per fraudem. Licentia celebrandi datur quandoque, si visum fuerit, etiam illis extraneis, qui nullam ab Episcopo suo exhibere possunt facultatem diocesi sua exeundi; & hinc ea non respicit facultatem exeundi tanquam motivum, sed ad summum ut conditionem, nec licentia celebrandi essentialiter dependet ab obtenta prius a proprio Episcopo licentia transeundi in aliam diocesim. In *pœnis* juxta regulam juris *benignior est interpretatio facienda*; & juxta Gratianum dist. 1. de *pœnitentia* ad C. 18. *pœnæ proprium casum non excedunt*. Verum si Manilius ipsam licentiam celebrandi confinxisset, absque dubio suspensionem latam in diocesi Parisiensi incurrisset, & in ea celebrando, ipsam irregularitatem. Pontasius addit, se super hac questione consultuisse Superiores, eosque hanc suspensionem approbasse. Pontas.

CASUS XIII. Faustinus presbyter, cum in celebratione missæ non observaret præscriptas in missali ceremonias, per sententiam Officialis a sacerdotio suspensus est. Hoc non obstante publice oblit ministerium diaconi. An incurrit irregularitatem?

¶ Suspensus ab Ordine superiore v.g. sacerdotio, non eo ipso censetur etiam suspensus ab Ordine inferiore v.g. diaconatus; & hinc Faustinus non incurrit irregularitatem. Sacerdos suspensus ab officio sacerdotalibus, ait Navarrus Man. c. 27. n. 163. *administrando in Ordine inferiori, non peccat, neque est irregularis*. Pontas.

CASUS XIV. Octavianus ecclesiæ collegiatæ Canonicus suspensus declaratus est a Beneficio. An ideo etiam privatur titulo Beneficii?

¶ Certum est, quod non privetur titulo, sed solum jure administrationis tandiu, quamdiu durat suspensio. Ita Nicolaus III. Cap. *Cupientes*. 16. Lib. 1. Tit. 6. In 6. *Att perderet & titulum Beneficii, si temere contra censuram quidpiam attentasset*. Pontas.

CASUS XV. Guido parochus ad annum suspensus a Beneficio, sciens, se tandiu non posse percipere fructus Benefic-

ne-

neficii, illud vel resignavit, vel permutavit cum quodam Canonicatu, cujus etiam possessionem adiit. Estne hæc resignatio aut permutatio licita & valida?

¶. Juxta leges canonicas nec licite nec valide resignare potuit aut permutare; quia ejusmodi actus foret exercitium juris in Beneficio, quo tamen per suspensionem excidit. Potest tamen, si ex bonis patrimonialibus sustentari non possit, tantum percipere ex Beneficio, quantum absolute necessarium est ad sustentationem ipsius. In Gallia, nisi suspensus per sententiam juridicam privatus fuerit titulo Beneficii, poterit illud resignare, permutare, proventus administrare, eosdem locare aut percipere, *Pontas.*

CASUS XVI. Eparchius parochus a iudice ecclesiastico per sententiam suspensus fuit ab officio. An nihilominus percipere potest fructus sui Beneficii, ut antea?

¶. Non convenit inter Authores, utrum suspensus ab officio ut simul suspensus a Beneficio, nec ne. Sententia tamen negativa videtur probabilior: vires enim sententiæ, ut ait Ancharanus in Clem. *Cupientes*, de pœnis, *ultra intentionem proferentis non se extendunt*, & juxta regulam juris 195. ff. Lib. 50. Tit. 17. *Expressa nocent, non expressa non nocent*. Potest ergo Eparchius, etsi suspensus ab officio, tamen percipere fructus Beneficii. *Pontas.*

CASUS XVII. Gervasius parochus in diœcesi Augustana ab Episcopo suo suspenditur a Beneficio. An per hoc etiam suspenditur a Canonicatu, quem habet in diœcesi Constantensi?

¶. Distinguendum est, utrum illa suspensio in Gervasium lata sit per modum statuti, vel per modum sententiæ. Si lata est per modum statuti, tunc non suspenditur a suo Canonicatu; quia statutum est lex localis, quæ tantum ligat intra territorium Episcopi, nec ullum sortitur effectum extra illud territorium, ut declarat Bonifacius VIII. Cap. *Ut animarum*, fin. Lib. 1. Tit. 2. in 6. Si vero suspensio lata est per modum sententiæ, & quidem generaliter ac limitate, censura directe respicit personam Gervasii, eumque sequitur, quocumque pergat; & sic suspensus est etiam a Canonicatu Constantensi, & ab omnibus aliis Beneficiis, quæ possidet in aliis diœcesibus: ubi enim *lex non distinguit, nec nos distinguere debemus*. Aliud dicendum foret, si Gervasius tantum fuisset suspensus a Beneficio parochiali. *Pontas.*

CASUS XVIII. Marcus vicarius in quadam parochia ob scandalosam conversationem per sententiam iudicis declaratus fuit suspensus ab Ordine, ab officio & Beneficio; redit itaque in diœcesin, in qua natus est. An & ibi suspensione

ligatus manet, sic ut in ea celebrans irregularitatem incurrat?

*n.* Manet ligatus etiam in diœcesi originis suæ, & fiet irregularis, si celebret; & id tandiu, quamdiu non rehabilitatur & absoluitur ab Episcopo, qui tulit censuram. Si quis presbyter, vel diaconus, vel quilibet Clericus. . . post evocationem Episcopi sui non obedierit, sed inobediens perseveraverit, verba sunt Concilii Antiocheni Can. Si quis. 24. 7. q. 1. omnimodo ab officio suo deponi debere, nec aliquando spem restitutionis habere decernimus: si vero propter hanc culpam depositum alius Episcopus susceperit, Et ipse a communi synodo penam merebitur increpationis, tanquam ecclesiastica jura dissolvens. Pontas.

**CASUS XIX.** Eleonorus presbyter diœcesis Bambergensis a suo Episcopo per sententiam suspensus ab Ordine & ab Officio, obtinuit parochiam in diœcesi Trevirensi. Estne hæc collatio valida?

*y.* Beneficium est jus percipiendi ac possidendi quædam bona sacrata Deo, a Papa vel Episcopo constitutum, & collatum Clerico intuitu officii spiritualis. Hoc jus legitime conferri non potest nisi habili ac idoneo ad præstandum officium, aut ministerium obeundum dicto juri ex natura fundationis & intentione fundatoris annexum. Ad hoc autem requiritur in Beneficiato, maxime curato, præter debitam scientiam etiam integritas morum, & ea vel maxime. Jam cum Eleonorus a suo Episcopo fuerit suspensus & inhabilis declaratus ad ministeria ecclesiastica, qui poterit habilis censerî, & ad eadem assumi in alia diœcesi? Consequenter collatio parochiæ Eleonoro facta est invalida, utpote nec legitima nec canonica. Pontas.

**NOTA.** Occurrit hic, etiam studiosos quandoque ob corruptos mores aut capacitatem plusquam stramineam eicci ex uno gymnasio, & mox recipi in alio; aut poenitentes iuste non absolutos ab hoc consensuario, mox reperire alium, a quo sine hæsitatione absolvuntur.

**CASUS XX.** Maclovius parochus declaratur suspensus a Beneficio; durante autem suspensione obtinuit Canonikaturn. An hæc collatio est valida?

*n.* Si suspensus declaratus fuit ab omni Beneficio, tunc inhabilis est ad obtinendum novum Beneficium; quia Beneficium datur propter officium; ad hoc incapax est propter censuram. Verum si solum a parochia sua suspensus fuit, tunc valide illi conferri potuit Canonikaturn. Pontas.

**CASUS XXI.** Leporius parochus suspensus declaratus a Beneficio, in conscientia se obligari advertit ad dimittendam



dam parochiam. An eam dimittendo aliquam pensionem sibi reservare poterit, non obstante suspensione?

¶. Suspendio non reddit Beneficiatum incapacem pensionis. Hinc Leporius, si aliunde ob sua præclara merita & præstita servitia pensione dignus est, eaque ad sustentationem suam indiget, potest sibi eam reservare: pensio enim & Beneficium valde diversa sunt. *Pontas.*

**CASUS XXII.** Philostratus post contractum cum Titia matrimonium ipsa insula suscepit subdiaconatum & diaconatum. An ideo suspensionem incurrit ab exercitio horum Ordinum? Et, si suspensus est, a quonam absolvendus erit?

¶. Joannes XXII. Extravag. *Antiquæ. unic. Tit. 6.* declarat, eos, qui post contractum matrimonium sacros Ordines recipiunt, ipso jure incurrere suspensionem ab Ordine, Officio & Beneficio, etiam si matrimonium non fuerit consummatum. Juxta Ducasæ hæc suspensio est reservata summo Pontifici. S. Beuve autem existimat, in Gallia taliter suspensum absolvi posse ab Episcopo. *Pontas.*

**CASUS XXIII.** Bertulfus diaconus aut presbyter relicto suo domicilio migrat in regionem exteram, ibique concubinam suam ducit uxorem. An huic crimini annexa est suspensio?

¶. Juxta Concilium Romanum anno 1059. sub Nicolao II. celebratum Bertulfus suspensionem incurrit ab omnibus Ordinibus, Officiis ac Beneficiis ecclesiasticis. *Pontas.*

**CASUS XXIV.** Nymphidius presbyter secularis adstitit contractui matrimoniali, eique benedixit absque licentia proprii contrahentium parochi, aut Ordinarii. Num suspensionem incurrit?

¶. Certum est, eum suspensionem incurrisse, & ab hac absolvi non posse nisi ab Episcopo proprii contrahentium parochi. Sic statuit Concilium Tridentinum Sess. 24. de reform. matr. c. 1. his verbis: *Si quis parochus vel alius sacerdos, sive regularis sive secularis sit, etiam si id sibi ex privilegio vel immemorabili consuetudine licere contendat, alterius parochiæ sponfos sine illorum parochi licentia matrimonio conjungere aut benedicere ausus fuerit; ipso jure tamdiu suspensus maneat, quamdiu ab Ordinario ejus parochi, qui matrimonio interesse debebat, seu a quo benedictio suscipienda erat, absolvatur.* *Pontas.*

**CASUS XXV.** Parmenianus Religiosus apostata, necdum ab apostasia absolutus, per fraudem id effecit, ut ab Episcopo suo tres Ordines majores reciperet. An incurrit suspensionem? & a quo poterit absolvi?

2. Suspendus est ipso jure ab his tribus Ordinibus; & a solo Papa absolvi potest. Ita decidit Honorius III. Cap. *Consultationi*. fin. Lib. 3. Tit. 9. his verbis: *Respondemus, quod monachus aliquem sacrum Ordinem in apostasia recipiens, quantumlibet suo fuerit reconciliatus Abbati, & receperit pœnitentiam, absque dispensatione Romani Pontificis ministrare non poterit in Ordine sic suscepto. Pontas.*

CASUS XXVI. Basilus diaconus in examine ad presbyteratum rejectus, conciliavit sibi cubicularium Episcopi promissis eidem duodecim aureis, si admissionem ad presbyteratum procuraret. Cubicularius procuravit admissionem, & Basilus solvit duodecim aureos. Nam Basilus suspensionem incurrit?

3. Incurrit suspensionem præter alias poenas latis in simoniacos; solusque Papa potest eum absolvere, nisi crimen sit occultum: tunc enim etiam ab Episcopo absolvi posset. *Declaramus*, ait Paulus II. Extrav. *Cum detestabile*. 2. L. 2. Tit. 1. *quod omnes illi, qui simoniace ordinati fuerint, a suorum sint Ordinum executione suspensi. Pontas.*

CASUS XXVII. Boleslaus excommunicatione majore ligatus ob gravem percussione Clerici suscepit subdiaconatum, nondum impetrata ab olutione a censura; quamvis sciret, id absque gravi peccato fieri non posse. An suspensionem incurrit?

2. Ipso jure suspensionem incurrit, & quidem reservatam Papæ. Ita quoad utrumque statuit Innocentius III. Cap. *Cum illorum*. 32. Lib. 5. Tit. 39. *Pontas.*

CASUS XXVIII. Bartholomæus presbyter accusatur de gravi crimine; & judex sæcularis vel ecclesiasticus dedit mandatum citationis personalis vel incarcerationis. Poteritne Bartholomæus prosequi functiones suas clericales ante suspensionem?

3. Magnum est discrimen inter hæc duo mandata: mandatum enim incarcerationis, cum non decernatur nisi pro gravi crimine, sic infamat Clericum, ut functiones clericales peragere non possit; etiam si appellasset, vel obtinuisset decretum defensionis. Sed per solam citationem personalem non incurritur hoc interdictum; quia quoad Clericos nullibi reperitur in jure expressum. Et ex hac differentia inter sententiam citationis & incarcerationis depromitur responsio ad præsentem casum. In quibusdam tamen d'ocessibus, ut v. g. Parisiensi, existat peculiare statutum, quo Clerico, dum citatur personaliter, eo ipso interdiciuntur functiones Ordinis; quo pro n casu habendus est pro suspenso, & si hoc interdictum violet, eo ipso incurrit irregularitatem. *Pontas.*

CASUS

**CASUS XXIX.** Pomponius parochus a parochianis suis accusatus, quod pro administratione Sacramentorum & sepultura pecunias extorserit, non obstante statuto dioecetano, quo id prohibetur sub poenis in jure latis, ab Officiali condemnatus est ad restitutionem duorum aureorum, interdicta simul ipsi ad mensem celebratione missæ. An hoc interdictum vera suspensio est? Num irregularitatem quoque incurrit, si ante lapsum mensis celebret?

ꝑ. Vera suspensio est; & si Pomponius intra mensem celebret, absque dubio irregularitatem incurrit: Superior enim ecclesiasticus potest suspensionem extendere vel ad totum compæxum functionum clericalium vel solum ad partem, ad tempus perpetuum vel limitatum. *Pontas.*

**CASUS XXX.** Oliverius diaconus per sententiam Officialis ad tres menses suspensus ab exercitio Ordinum suorum, elapso tempore, celerius denuo suas exercuit functiones, quin a suspensione fuerit absolutus. An irregularitatem incurrit?

. Licite potuit Oliverius elapso termino suspensionis Ordinum suorum functiones obire; quin opus fuerit absolute. *Suspensio*, inquit V. G. Espen Jur. eccles. part. 1. Tit. 10. *ad tempus limitata*, ubi *tempus non durat, sed lapso tempore expirat, etiam sine judicis absolute; quemadmodum docent communiter Doctores.* In hoc suspensio ab excommunicatione differt; quod excommunicatio non tollatur nisi prævia absolute a Superiore legitimo obienta; suspensio vero ad certum tempus lata cesset ipso momento, quo determinatum tempus expirat, etiam sine absolute. *Pontas.*

**CASUS XXXI.** Laurentius presbyter Lugdunensis venit, Lutetias, ubi ob violatum statutum dioecetanum suspensionem incurrit. Redit denuo Lugdunum. An ab hac censura absolvi potest a suo Episcopo sine consensu Episcopi Parisiensis, in cujus dioecesi censuram contraxit? teneturne recurrere ad Papam, si celebrando in suspensione incurrit irregularitatem?

ꝑ. Potest absolvi ab Episcopo Lugdunensi; quia Episcopus domiciliil locum tenet illius, qui legem tulit. *Ratio est*, ut ait Bonacina de Censur. disp. 1. q. 3. punct. 2. *Quia usu id videtur receptum; usus autem & consuetudo conferre solet jurisdictionem; & est legitima legum interpret, quando dubitatur de mente legislatoris.* Idem dicendum quoad irregularitatem, si Laurentius eam incurrit. Aliud tamen foret, si Laurentius per sententiam, personaliter fuisset suspensus: tunc enim facultas absolvendi esset penes illum, qui pronuntiavit censuram. *Pontas.*

**CASUS XXXII.** Hieronymus parochus ab Officiali diocessano suspensus ab Ordine, Officio & Beneficio, appellavit ad Metropolitanum aliquot diebus, antequam jubilæum promulgaretur, contendens, sententiam suspensionis suæ esse injustam. Verum prævidens, sententiam definitivam non fore ferendam ante finem jubilæi, quod tamen lucrari sincere cupiebat, an non possit absolvi *ad cautelam*, ut fieri solet in excommunicatione, & id potissimum ex hac ratione, ut possit celebrare, aliasque functiones parochiales obire pro utilitate spirituali suorum parochianorum, qui alias difficulter lucrari possent jubilæum, cum cooperatorem aut vicarium non haberet.

¶. Potest absolvi *ad cautelam* a suo Metropolitanò aut ejus Vicario generali; quod probatur exemplo Honorii III. Cap. *Venerabili* 52. Lib. 5. Tit. 30. Verum Hieronymus Metropolitanò probare debet nullitatem sententiæ contra se latæ, & sufficientem præstare cautionem standi sententiæ definitiva, si causa cadat. Observandum hic absolutionem ad cautelam etiam locum habere posse in interdicto, sed solum personali, non autem in generali, quod fertur in integram civitatem aut parochiam. *Pontas.*

**CASUS XXXIII.** Aloysius & Hilarius Canonistæ disputant inter se; an Clericus possit suspendi ob culpam alterius, quin ipse peccaverit. Hilarius tenet affirmativam; & Aloysius negativam, nixus regula juris: *sine culpa non est aliquis puniendus*, & hac ratione; quia etiam excommunicatio valide non potest pronunciari contra innocentem. Cuiquam assentiendum?

¶. Assentiendum est Hilario. S. Thomas in 4. dist. 18. q. 2. ad 3. quæstion. 2. ad 1. ait: *Suspensio non tanta pœna est, quanta excommunicatio; quia suspensi non fraudantur Ecclesiæ suffragiis, sicut excommunicati. Unde etiam aliquis sine peccato proprio suspenditur, sicut & totum regnum supponitur interdicto pro peccatis Regis; Et ideo non est simile de excommunicatione & suspensione.* Allegata regula juris intelligenda est de casu, ubi nulla sufficiens puniendi causa adest: & in hoc sensu Bonifacius VIII. Reg. 23. in 6. ait: *Sine culpa, nisi subsit causa, non est aliquis puniendus.* *Pontas.*

**NOTA.** Prohibitum tamen est, integram communitatem religiosam ob delictum paucorum ab audiendis confessionibus suspendere.

**CASUS XXXIV.** Herculanus parochus de hæresi ac illicito cum suis pœnitentibus commercio accusatus, potestne ab Episcopo suspendi a Divinis, antequam inquisitio instituta fuerit in conversationem & vitam ipsius?

¶. Ob

γ. Ob publicum scandalum, five datum five acceptum, & ob infamiam, qua saltem ex communi rumore notatur Herculanius, potest ab Episcopo suspendi, usque dum, facta ab Officiali inquisitione in mores ipsius, sententia condemnationis pronuncietur. Si innocentem se judicaverit, innocentiam probare tenetur; si autem reus inventus & judicatus fuerit, dimissa parochia in Seminarium vel aliam communitalatem se conferre debet ad agendam pro arbitrio Episcopi poenitentiam. *Fromageau.*

CASUS XXXV. Albinus Clericus ab Episcopo suo interdictus ac suspensus, appellavit ad Metropolitanum, a cujus etiam Officiali denuo rehabilitatus est. Episcopus autem contra sententiam Officialis appellavit Roman; & Albinus durante hac appellatione obtinuit Canonicatum. *Estne hæc provisio legitima?*

γ. Albinus non potuit durante appellatione Episcopi sui provideri Beneficio; & hinc primum a censura absolvendus est, ut ipsi de novo Canonicatus conferri possit. *Fromageau.*

Vide *Censura. Interdictum. Irregularitas. Ordo. Titulus clericalis.*

## SUSPICIO.

1. Suspicio est interna mentis dubitatio, quam quis sibi format de probitate aut vivendi ratione alterius, & quæ inclinat ad iniquum ferendum judicium ob aliquam veri speciem. Suspensionem malam, seu legitimo destitutam fundamento, damnat S. Paulus, eamque 1. Tim. 4. v. 4. invidiis, contentionibus ac blasphemis annumerat.

2. S. Thomas tres distinguit suspicionis species seu gradus. 1. Quando quis ex levibus indicis dubitare incipit de probitate proximi, quod ex proclivitate humanæ fragilitatis frequentissimum est. 2. Dum quis, licet cum aliqua hæsitazione, credit, alium esse malum, aut malum perpetrasse, idque ex debilibus conjecturis colligit. 3. Dum judex ex mera suspensione aliquem condemnat, quod sine peccato mortali fieri non potest.

3. Observandum, hominem perversum facile suspicari, alium pariter esse perversum; majoremque longe propensionem in nobis esse male suspicandi de iis, quos averſamur quam de illis, quos diligimus.

CASUS

**CASUS I.** Berenice materfamilias suspicatur, filiam suam, quam excitati animi puellam esse noverat, nimis indifferentem esse ad liberiores agendi modum cujusdam adolescentis vicini, qui eam saepius invisere solet. Hinc severe interdicunt ipsi, ne usquam sola cum solo se detineat. An peccat mater sic suspicando?

¶ Berenice ne quidem leviter peccat; immo sic agere piæ matris est: suspicio enim tendens ad præcavenda mala non est illicita, ut docet S. Thomas 2. 2. q. 49. art. 8. C. sed potius laudanda. Frequentissimum est, quod amicitia etiam honesta inter personas juvenes diversi sexus, quantumcumque prudentes esse censeantur, exiguo tempore degeneret in amorem inordinatum, sensualem ac peccaminosum, maxime quando habent libertatem conversandi privatim. Totus mundus plenus est hujusmodi funestis exemplis ac eventibus tragicis. Pontas.

**CASUS II.** Domitius cum adgereret nimiam familiaritatem uxoris cum vicino suo, tam vehementem concepit malæ conversationis suspicionem, ut ab ea separare se cogitet, saltem quoad thorum. Num sic agere potest absque peccato?

¶ Triplex datur suspicio, temeraria scilicet, probabilis & violenta. *Temeraria* est, quæ legitimo caret fundamento; & hæc nunquam non peccaminosa est. *Probabilis* a peccato excusari potest. *Violenta* denique, seu indiciis ac conjecturis violentis innixa, vehementer inclinat in condemnationem personæ, in quam cadit hæc suspicio. His præmissis, si suspicio Domitii solum temeraria aut etiam probabilis est, non potest absque peccato ab uxore se separare, etiam quoad thorum. Verum si suspicio violenta est, & uxorem ad saniores agendi modum, quo extra omnem suspicionem se constituat, inducere non potest, sine peccato quoad thorum ab ea se separat. *Pro eodem*, ait Glossa, *reputatur fornicatio & fornicationis suspicio*. Pontas.

NOTA. Domitius tenetur uxorem monere, & opportunis mediis ad bonam frugem reducere, priusquam correctionis causa ab ea se separaret quoad thorum.

**CASUS III.** Arsacius cum videret juvenem & puellam frequenter satis libere ac nimis familiariter conversantes, existimat, aut saltem vehementem fovet suspicionem, eos vivere luxuriose. An per hanc suspicionem graviter peccat?

¶ Si id non suspicatur temerarie, seu ex levibus motivis, non peccat juxta S. Thomam quodl. 12. art. 34. Suspicio non habet rationem veri judicii, & de se non est peccatum mortale; posset tamen fieri graviter peccaminosa, si non solum ex motive

tivo insufficiente, sed ex deliberata malitia v. g. ex invidia aut ex odio erga proximum oriatur. Judicium temerarium plene voluntarium est, ejusque injustitia nulla sufficienti ratione excusari potest. Suspicio vero plerumque oritur ex errore intellectus, quo judicamus, rationes suspicandi esse sufficientes ad formandum prudens de aliena probitate dubium. *Pontas.*

NOTA. Suspicio non est judicium intellectus, sed dubium cum suspensione judicii. Dubium prudens non est peccatum. Judicium temerarium, quamvis dubiosum, semper est peccatum, grave vel leve pro qualitate præjudicii, cujus periculo exponit proximum.

## T.

## T A C T U S.

Non est hic sermo de *tactu* in genere, qui permultis in casibus potest esse absque ullo peccato, nec de tactibus, qui ex natura sua provocant ad lasciviam, sed solum de tactibus inter sponfos & conjugatos habitis, quorum aliqui mortaliter, alii venialiter peccaminosi, & alii ab omni peccato immunes existunt.

CASUS I. Firminus cum frequenter inviseret sponsam suam, tangit ejus faciem, manus, brachia, ac etiam figit oscula cum aliqua delectatione, quamvis brevi transeunte, & sine ulla intentione peccaminosa. Peccatne mortaliter?

ꝑ. Aliqui Authores volunt, eum peccare mortaliter, si delectatio est magna & longioris durationis; aliqui dicunt, eum non peccare mortaliter. Quin tamen aut hos aut illos absolute condemnemus, dicendum nobis videtur, ejusmodi actiones, si fiant a personis proclivibus ad peccata carnis, quas prava inclinatio ordinarie allicit ad concipienda prava desideria, esse peccata mortalia; quia talis corrupta inclinatio constituit evidens periculum incontinentiæ. Si vero tales personæ perraro ac non nisi ex improvviso abripiuntur ad prava desideria, ac insuper habeant curam resistendi, non videtur, eas condemnandas esse peccati mortalis; quia ejusmodi solutiores actiones non sunt peccata mortalia ex sua natura, neque sunt peccaminosæ, nisi vel ex prava intentione operantium, vel ex periculo incontinentiæ, cui se exponunt. Nihilominus tamen prima opinio sola tuta est in praxi. *Pontas.*

NOTA. Ex qualitate tactuum, actuum, & personarum confessarius quidem judicare potest de gravitate vel levitate periculi ad peccata carnis

nis vel ad graviores tentationes se tenentis ex parte consentientis; cum tamen ipsi perspecta esse nequeat qualitas periculi ex parte complicitis, poenitens absolute obligandus est ad evitandos tactus non necessarios causa honestatis publicæ.

**CASUS II.** Frodulphus conjugatus quærit a confessario, an amplexus & oscula, tactus & aspectus impudici, & morosæ delectationes sint peccata mortalia inter conjuges.

g. Dicendum, quod toties peccet mortaliter, quoties ex his accidit pollutio extra vas debitum, aut quoties illius periculum proximum sibi aut comparti imminet. Secus vero uterque venialiter duntaxat peccat; ac ne venialiter quidem peccat persona conjugata, quæ sine libidinoso appetitu sistente in sola voluptate talia conjugum ad actum conjugalem eo modo se comparanti in se permittit; cum hujusmodi tactus & oscula quasi dispositiones & præludia licita sint saltem respectu illius, qui citra voluntariam libidinem illa patitur; dummodo mensura debita ac modus conveniens observetur; quia cum licitus est finis, licita sunt & media, & cui licet operis consummatio, licet profectio & ejus inchoatio. Quod autem attinet ad delectationes morosas inter conjuges habitas, certum est illicitas esse, quando ad copulam statim habendam non referuntur: delectatio enim venerea etiam inter conjugatos est illicita, nisi ad copulam tendat. Porro in his discutiendis ac discernendis non mediocri prudentia opus est confessario. *Pontas.*

**NOVA.** Conjugatis omnes & soli illi tactus licent, qui absque probabili pollutionis præviæ periculo servantur ad excitandam sortius naturam in ordine ad finem conjugii, procreationem videlicet proles, melius assequendum.

## TENTATIO DEI.

Tentare quandoque in sacra Scriptura id significat ac experimentum capere. In hoc sensu dicitur: *Tentavit Deus Abraham &c.* Hic *tentationem Dei* esse dicitur, dum quis aliquid facit aut dicit absque rationabili causa, ea intentione, ut experimentum capiat divinæ potentiae, bonitatis aut alterius attributi divini, quin adhibeat parata ac opportuna media ad finem, quem intendit, assequendum; aut sine justa causa a Deo petit, quod non licet petere, ut si quis v. g. ex mera temeritate voluntarie sese exponeret periculo prolapsi in præcipitium, quod non declinat, licet facillime posset declinare, & Deo relinqueret curam se præservandi a lapsu. Dæmon tentavit Deum, dum Christo suggererat, ut de pinna templi



se præcipitet. Israëlitzæ tentarunt Deum Exod. 17. v. 7. *dicentes: Estne Dominus in nobis, an non?* Theologi peccatum tentationis Dei definiunt esse, *dictum vel factum ad capiendum de Deo experimentum per extraordinarium effectum, ab eo temere expectatum.* Discutietur in hoc articulo, quale sit peccatum tentatio Dei, & utrum quandoque non nisi veniale esse possit.

CASUS I. Scipio Aurellam iturus certo scit, in sylva, per quam transendum erat, esse latrones, qui itinerantes spoliant & occidunt; hoc tamen non obstante pergit per eam absque omni necessitate, soli se committens providentiæ divinæ. Potestne absque peccato tentationis Dei pergere in itinere suo, cum arma non haberet, ac alias viribus esset valde debilis?

R. Juxta D. Thomam 2. 2. q. 97. art. 1. C. non est tentatio Dei ob aliquam necessitatem aut utilitatem se committere providentiæ & auxilio divino. Verum in hoc casu, cum Scipio absque necessitate suum continuerit iter, & ideo vitam suam præsentissimo exposuerit periculo absque causa legitima, commisit peccatum tentationis Dei. Quando vero, addit S. Doctor, *hoc agit absque necessitate & utilitate, hoc est interpretative tentare Deum.* Et l. c. art. 3. C. *Manifestum est autem, quod tentare aliquem ad irreverentiam ejus pertinet: nulus enim præsumit tentare eum, de cujus excellentia certus est. Unde manifestum est, quod tentare Deum est peccatum religioni oppositum.* Pontas.

CASUS II. Arnobius parochus in publica exhortatione ad populum, explicans hæc verba: *Non tentabis* &c. docet, omnem tentationem Dei esse peccatum mortale. Verane est hæc propositio?

R. Regulariter loquendo propositio Arnobii vera est: tentare enim Deum ex natura sua peccatum mortale est; quia gravissimam Deo irreverentiam exhibet, qui in commodum phantasiæ suæ stabilitarum divinæ providentiæ legum mutationem aut expectat aut expetit, ut advertit S. Augustinus L. 22. contra *Faussum* c. 36. Nihilominus peccatum tentationis Dei ob circumstantias gravitatem culpæ imminuentes potest quandoque solum esse veniale. Pontas.

Nota. Circumstantia gravitatem hujus peccati allevians potest esse v. g. existimatio leviter tantum culpabilis, quod datur in hoc vel illo casu major necessitas, ac re ipsa datur, ut Deus operetur modo extraordinario præter naturæ ordinem; vel dum ex sinistra opinione leviter culpabili de præter operationum divinarum creditur, Deum facile & absque necessitate operari præter ordinem naturæ præstabilitum.

**CASUS III.** Diodocus Beneficiatus a longo jam tempore aversionem animi fovens erga alium Clericum, omnes preces suas, & ipsum quoque Officium divinum persolvit absque ulla præparatione. An tentat Deum, cum non faciat, quod potest & debet ad hoc, ut preces exaudiri merantur?

3. Juxta D. Thomam 2. 2. q. 97. orat. 3. ad 2 *quasi interpretative tentat Deum: et quamvis hujusmodi interpretativa tentatio videatur ex præsumptione seu indiscretionem provenire; tamen hoc ipsum ad irreverentiam Dei pertinet, quod homo præsumptuose & sine debita diligentia se habeat in his, quæ ad Deum pertinent. Unde etiam hujusmodi tentatio irreligiositatis species est. Ponias.*

**NOTA.** Revera non solum ad superstitionem ethnicam, de qua Matth. 6. referendum est multiloquium Clericorum horas canonicas & missam sine attentione ac devotione deperantium, sed etiam ad tentationem Dei, dum gratiam attentionis & devotionis necessariam se allecturos sperant sine debita præparatione. Huc spectant, qui animarum curæ præfetti, otio torpentes aut temporallibus nimium discenti, sine labore, sine studio sacras conscendunt cathedras, aut minus docendi assumunt in catechesibus, præcise ut pro recepta consuetudine concionentur & catechizent, non ut sanctificent animas, divinam benedictionem ac illustrationem adfore sperantes desidiæ suæ, sterilique declamationi ac nudæ vociferationi. *Deus non irridetur.* Gal. 6. v. 7.

## TESTAMENTUM.

1. In sacra Scriptura *Testamentum* pluribus in locis sumitur pro fœdere vel pacto, ac pro ipsa lege & promissionibus. Hic autem per testamentum intelligitur declaratio voluntatis circa ea, quæ quis de rebus suis fieri vult post mortem suam. Ex tribus potissimum cognoscitur valor aut nullitas testamenti. 1. Ex qualitate testatoris. 2. Ex conditione hæredis. 3. Ex forma exteriori actus testamentarii.

2. Testari non possunt filiifamilias, nisi de bonis castrensibus & quasi castrensis; item impuberes, mente capti, furiosi, civiliter mortui, surdi & simul muti. Si tamen quis sit solum mutus aut tantummodo surdus, potest testari, si scribere sciat. Cæcus potest quidem testari, adhibere tamen debet præter septem testes Notarium, aut testem octavum, qui scribat & alta voce legat testamentum in præsentia testatoris & omnium testium.

3. Ut quis legato frui possit, non sufficit, quod illius capax fuerit tempore confecti testamenti; sed requiritur, ut etiam capax sit eo tempore, quo testator obijt; saltem nisi legatum fuerit conditionatum: tunc enim sufficeret, si legatum sit capax tempore agimpletæ conditionis.

4. Quod

4. Quod attinet solemnitates ad actum testamentarium requisitas, respiciendum est unice ad leges & consuetudines provinciae, in qua testamentum conficitur, non attendendo ad locum, ubi testator ordinarium suum habet domicilium, vel ubi bona ipsius sita sunt. Sic vi juris Romani requiritur, ut testamentum sit in praesentia septem testium, & non solum ab his subscribatur, sed etiam a testatore, aut a teste octavo, si ipse testator scribere non possit; ut adeo opus non sit ministerio Notariorum, ubi eos praeterire libuerit. Testamentum secreto confici potest, illudque involucri tegi sigillo testatoris munito, & praesentibus septem testibus ad id rogatis Notario tradi, a quo involucri inscribendum, hunc N. praesentibus testibus N N. ad hoc rogatis hoc die sibi tradidisse hanc chartam clausam, qua testamentum suum contineri assererat, ac petiisse a se Notario & testibus, ut instrumentum desuper conficeretur, illudque Notarii & testium subscriptione ac sigillo muniretur, testesque una cum testatore ac Notario id executos fuisse, hoc sigillo usos.

5. Notandum hac super re. 1. Omnes testes uno eodemque sigillo uti posse. 2. Si testator scribere nesciat, loco illius subscribendum esse a teste octavo. 3. Patrem praetermissis omnibus hisce formalitatibus propria manu posse scribere testamentum, disponere de bonis suis inter liberos, & cuique suam designare portionem, immo & alia addere legata, si voluerit. Si tamen hoc testamentum postea revocare vellet, opus foret alio testamento publico, in quo praesentibus septem testibus declarandum, quod antea testamentum revocaverit.

6. Qui nec legere nec scribere scit, testamentum secretum condere non potest, ut communissime docent Auctores; quia, si legere nescit, etsi possit scribere nomen suum, facile contingere posset, ut a scriptore testamenti deciperetur; & in hoc sensu intelligenda sunt verba legis: *Si litteras testator nescit.*

7. Quoad testamentum adhuc observandum est. 1. Ut contineat institutionem haeredis. 2. Ut institutus haeres supervivat testatori. 3. Ut haeres acceptet haereditatem; alias enim testamentum fieret caducum & nullum quoad omnia in eo contenta: si tamen haeres per fraudem repudicaret haereditatem, animo eam veluti ab intestato absque omni onere legatorum transmittendi ad patrem suum, vel quemcumque alium, quorum de renuntiatione convenit, in hoc casu nulla habetur ratio renuntiationis. 4. Ut legata & fideicommissa in testamento contenta, etsi institutio per renuntiationem haeredis fiat caduca, firma persistant, & ab haerede ab intestato persolvi debeant; dummodo testamento affixa sit clausula coheredibus, seu

declaratio testatoris, quod etsi testamentum non valeat in forma testamenti, id tamen valere velit in forma codicilli aut donationis mortis causa. Si testatori tempus non suppetat aut copia condendi testamentum secundum, quo primum revocetur, potest illud revocare delendo nomina omnium hæredum, aut expungendo totum testamentum, quod hac ratione redditur nullum.

8. Vi juris Romani codicilli validi sunt, dummodo testator declarat voluntatem suam coram quibusque testibus, quin opus sit aliis formalitatibus. Per codicillum non potest expresse dari aut adimi successio; potest tamen id tacite fieri per fideicommissum, si scilicet rogetur hæres sive testamentarius sive ab intestato, ut hæreditatem cedat alteri personæ designatæ. Qui testari non potest, nec codicillum conficere potest. Ab eodem testatore plures codicilli confici possunt, dummodo sibi invicem non sint contrarii; quo in casu posterioribus insistendum foret. Codicillus se referre potest ad testamentum anterius; & sicque annullato testamento annullatur quoque codicillus. Si vero codicillus se non referat ad testamentum, subsistit, etsi annulletur testamentum.

9. Testamenta militum multis gaudent privilegiis. Milites in actuali expeditione constituti possunt testari absque omnibus solemnitatibus; & sufficit, si solum constet de voluntate testatoris. Milites autem in urbibus præsidarii aut in hybernis degentes non gaudent hoc privilegio. Dammati ad mortem ob crimen militare possunt testari, sicut & filii familias milites quoad peculium suum castrense vel quasi castrense. Vi juris Romani miles per simplicem codicillum potest hæredem instituere non solum quoad partem bonorum, sed etiam quoad omnia bona sua, quamvis nulla mentio fiat prolium testatoris. Testamentum militis elapso post dimissionem suam anno redditur invalidum; & si propter crimen aliquod probrosum fuerit dimissus, testamentum ipso instanti fit nullum. Quilibet Officialis & militiæ præfectus, qui copias suas sequi tenetur, potest condere testamentum militare.

CASUS I. Harduinus pupillus tredecim annos natus & dimidium, periculoso morbo decumbens condidit testamentum, & legavit Martiali discipulo suo 150. Frater defuncti prætendit, testamentum esse nullum, adeoque se non obligari ad solvendum legatum.

3. Testamentum Harduini est nullum; adeoque etiam legatum; impuberes enim sunt jure incapaces testamentum condendi. Aquiritur autem juxta jus Romanum pubertas in masculis anno ætatis decimo quarto, & in foeminis anno duodecimo completo. Pontas,

CASUS

**CASUS II.** Diomedes impubes adhuc condidit testamentum, & legavit Lucæ amico suo 500. florenos: moritur autem primum quarto aut quinto anno post adeptam pubertatem, quin condiderat novum testamentum. Hæres Diomedis, prætendens nullitatem testamenti, recusat solvere legatum.

¶. Testamentum hoc revera in sua origine nullum est; hinc Lucæ non debetur legatum. Defectus ætatis in testatore, dum condidit testamentum, non potest reparari tractu temporis, juxta regulam Juris: *Quæ contra jus fiunt, debent utique pro infectis haberi; & aliam: non firmatur tractu temporis, quod de jure ab initio non subsistit.* Sic & lex ait: *Si filiusfamilias aut pupillus tabulas testamenti fecerit, signaverit, secundum eas bonorum possessio dari non potest, licet filiusfamilias aut pupillus pubes factus decesserit; quia nullæ sunt tabellæ testamenti, quas is fecit, qui testamenti faciendi facultatem non habuerit.* Pontas.

**CASUS III.** Leander Filiusfamilias adhuc existens in patria potestate anno ætatis suæ vigesimo condidit testamentum, quo Ferdinando & Julio reliquit 1000. florenos. Etsi validum hoc testamentum, saltem pro foro interno?

¶. Testamentum hoc absolute nullum est: filii enim familias etiam juxta jus Romanum non possunt testari sine consensu patris sui; nisi habeant bona castrensia, aut quasi-castrensia, vel forensia. Pontas.

**CASUS IV.** Arsenius alias sui juris existens, ingressus est Ordinem Carthusianorum; & pridie ante professionem condidit testamentum in favorem suorum consanguineorum & amicorum. An hoc testamentum est validum?

¶. Religiosi non sunt inhabiles ad testandum, nisi post professionem solemnem. Et hinc testamentum Arsenii est validum. Pontas.

**CASUS V.** Freeculfus presbyter præter bona ex Beneficio suo parta nihil possidet. Potestne per testamentum de illis disponere in favorem suorum amicorum & propinquorum?

¶. Non potest de bonis beneficialibus disponere, nisi in favorem pauperum aut ecclesiæ. Sic volunt SS. Canones, sicque docet S. Thomas 2. 2. q. 185. art. 7. C. Et hæc responsio probatione non indiget. Potest nihilominus Beneficiatus partem notabilem ejusmodi bonorum ecclesiasticorum legare illis, qui sua ipsi servitia contulerunt, juxta Concilium Tolentanum IV. c. 36. Consuetudo quidem generalis est in Gallia, ut Clerici de bonis suis indiscriminatim per testamentum disponant in favorem hæredum suorum, iique illis succedant ab intestato; sed Cabassutius vehementer in hanc corruptelam invehitur. *Non obstat perversa ista consuetudo, inquit, quominus qui de proventibus ecclesiasticis in res profanas disponunt, sine in-*

*ter vivos sive per ultimas voluntates, peccent mortaliter & aeternae damnationi se obstringant. Similiter van Espen Jur. eccl. Univ. part. 2. tit. 32. c. 7. n. 32. dicit. Sicuti electio ad Beneficium ecclesiasticum minus digni, omisso digniore, non reprobat quantum ad forum contentiosum; quamvis eligens in foro conscientiae incurrat peccatum acceptionis personarum, & violationis iustitiae distributivae sit reus. Ita testamenta Clericorum de proventibus ecclesiasticis in usus profanos aut favorem consanguineorum non indigentium non reprobantur, sive non declarantur invalida in foro contentioso propter odia litium; sed non eximunt ipsos disponentes ab iniustitia, dum proventus ecclesiasticos simili modo dispensant contra intentionem offerentium & naturam ipsorum bonorum. Pontas.*

NOTA. Sententiam Pontasii fuso tuetur Amort, in Theol. Ecclesiastica, tr. de Just.

**CASUS VI.** Firminus auctoritate iudicis declaratus prodigus, & hinc prohibitus administratione bonorum, cum esset mortuus, reliquit inter alias chartas testamentum, quod condidit in favorem quorundam amicorum suorum. Estne hoc testamentum validum?

¶. Si testamentum condidit primum post interdictam sibi bonorum administrationem, nullum est ac invalidum. Ita expresse habetur in L. Is cui, 18 ff. Qui testam. facere possunt, Is, cui lege bonis interdictum est, testamentum facere non potest; & si fecerit, ipso jure non valet. Quod tamen interdictione vetustius habuerit testamentum, hoc valebit. Sunt quidem jurisperiti, qui ejusmodi dispositiones testamentarias habent pro invalidis, etiam si factae sint ante interdictionem bonorum; sed rationes eorum non sunt adeo ponderosae, ut a claro textu juris recedendum sit. Dicendum igitur, testamenta ante interdictionem facta esse valida; dummodo moraliter certum sit, illis diem anteriorem per fraudem non esse appositum, & contineant dispositiones rationi & aequitati conformes, maxime dum testator eo tempore, quo testamentum condidit, prodigus non fuerat. Pontas.

**CASUS VII.** Aelius ante biennium incidit in amentiam; gaudet tamen subin lucidis intervallis, & prudenter operatur. In his circumstantiis condidit testamentum. Estne validum?

¶. Testamentum hoc tempore lucidi intervalli cum debitis formalitatibus conditum absque dubio valet. Furiosi autem, ait Imperator Instit. Lib. 2. tit. 12. §. 1. Si per id tempus fecerint testamentum, quo furor eorum intermissus est, jure testati esse videntur. Pontas.

**CASUS**

**CASUS VIII.** Lyſimachus a nativitate mutus, non tamen ſurdus, condidit teſtamentum, & legavit Juvenali 500. florenos. Hæres Lyſimachi, ne teneretur ſolvere legatum, prætendit teſtamenti nullitatem. Num juſte agit?

ꝯ. Præſentio hæredis juſta eſt, ſi Lyſimachus non noverat ſcribere, dum condidit teſtamentum. Ita habetur *L. Diſcretis.* 10. Cod. Lib. 6. tit. 22 Ratio eſt; quia mutus ſcribere neſciens non poteſt declarare ſenſu animi ſui, niſi per ſigna Si vero ſcribere ſciret, certum eſt, legitimum fore teſtamentum ipſius; dum ſic exacte potuiſſet ſcripto manifeſtare voluntatem ſuam. *Pontas.*

**CASUS IX.** Vindonius illegitimus condidit teſtamentum, & legavit Blaſio amico ſuo 1000. florenos. Officiales autem ſiſci occupabant omnia bona deſuncti; & recusabant ſolvere 1000. florenos. Num juſte?

ꝯ. Si illegitimus abſque prole legitima, & ſine omni diſpoſitione de bonis ſuis diſcedat, in omnia ſuccedit ſiſcus juxta *L. Si ſpurus.* 4. ff. Lib. 38. tit. 8. *Si ſpurus inteſtato deceſſerit, jure conſanguinitatis aut agnationis hæreditas ejus ad nullum pertinet.* Si vero proles legitima habeat, in eorum favorem de bonis ſuis diſponere poteſt; immo hæ illi ſuccedunt ab inteſtato. Poteſt etiam teſtari in cujuſcumque demum favorem. Hinc Officiales ſiſci injuſte recusant Blaſio ſolutionem mille florenorum. *Pontas.*

**CASUS X.** Hilarinus condito teſtamento, in quo continetur multa legata in favorem propinquorum & amicorum ſuorum, commiſit crimen, ob quod dampnatus eſt ad perpetuas tærenes cum confiscatione omnium bonorum. An per hoc invalidatur ejus teſtamentum, maxime ſi appellavit a ſententia condemnatoria?

ꝯ. Certum eſt, quod condemnatus ad mortem vel allam penam, quæ mortem civilem inferit & confiscationem bonorum, non ſolum ſit inhabilis ad condendum teſtamentum, ſed & illud, quod ſors ante condemnationem condidit, nullum ſit: dicit enim *L. Ejus.* 8. §. 1. ff. Lib. 38. tit. 1. *Si cui aqua & igni interdictum ſit, ejus nec illud teſtamentum valet, quod ante fecit, nec id quod poſtea fecerit.* Verum ſi interpoſita fuerit appellatio, teſtamentum ſubſiſtit, uſque dum ſententia condemnationis per novam ſententiam deſinitivam confirmata fuerit. Et ſi moriatur Hilarinus ante hanc confirmationem, teſtamentum ſuum ſortitur effectum. *L. Accuſatorum.* 1. §. ſin. ff. Lib. 48. tit. 16. *Pontas.*

**CASUS XI.** Joſephus Hiſpanus venit in Galliam, ibique contracto morbo condidit teſtamentum, ac obiit. An hoc teſtamentum eſt validum?

3. Si Iosephus non obtinuit literas naturalisationis, testamentum est invalidum. Patitur tamen hæc lex exceptionem quoad extraneos, qui habent liberos aut alios consanguineos natos in Gallia, aut ibi naturalizatos: hi enim si moriantur, alienigenæ ejusmodi possunt ipsis succedere. Mercatores extranei pergentes ad nundinas Lugdunenses pariter sunt excepti: possunt enim testari; imo hæredes eorum ipsis succedunt ab intestato. Dantur etiam quædam provinciæ, quarum incolæ Reges Galliæ jure civitatis donarunt. Denique excipiuntur Legati, qui habent jus testandi, in quamcumque provincia se detinuerint. *Pontas.*

NOTA. Jus *Albinatus* seu alienigenatus una cum omnibus suis effectibus per concordata Gallos inter & omnia vix non regna, provincias ac civitates Imperiales inita ab aliquot annis jam penitus sublatum est; ita ut quisvis jam alienigena in Gallia degens pro libitu testari possit de bonis suis; quod & juri naturali & gentium certe conformius est.

CASUS XII. Gerbertus natus in Hollandia, ibi condidit testamentum. Tribus postea mensibus figit domicilium Massiliæ, ibique per mercaturam acquirit multa bona, & moritur. An frater ipseus, hæres unicus, existens in Hollandia habet jus ad hæreditatem; cum testamentum jam conditum sit, antequam Gerbertus venerit in Galliam?

3. Frater Gerberti poterit quidem succedere in bona defuncti sita in Hollandia; non vero in ea, quæ sita sunt Massiliæ, vel in alio loco Regni Galliæ, respectu quorum testamentum est absolute nullum. *Pontas.*

NOTA. Vide *Notam* ad casum præcedentem. \* Etiam Hollandi non amplius subjacent juri *Albinatus* in Gallia; daturque jam plena libertas testandi; & ab intestato succedendi.

CASUS XIII. Petilianus ex duobus suis fratribus habet duos nepotes, quorum utrique est nomen Joannes; & in testamento suo Petilianus nominat suum nepotem Joannem legatarium universalem. Cum vero post mortem Petilianus ambo nepotes litigarent inter se, utroque prætendente, designationem testatoris respexisse ad se, tandem convenerunt, ut dividerent hæreditatem. Sed Martinus hæres ab intestato prætendit, totam hæreditatem pertinere ad se. An jure id petit?

3. Pro generali regula habendum est, quod, si institutio hæredis est adeo æquivoca, ut nulla certa ratione agnosci possit, quem testator hæredem designare voluerit, testamentum sit nullum; quia talis institutio secum ad finem suum  
per



pertingere non potest. & privat fors hæreditate illum, qui jure ea potiretur. Hinc æquitas postulare videtur, ut Martinus tanquam hæres ab intestato in omnia defuncti bona succedat. *L. In tempus* 62. §. 1. ff. Lib. 28. Tit. 5. Si vero ex aliis certis indiculis constet, quem testator designaverit, licet in nomine erraverit, defuncti voluntas haud dubie implenda est juxta aliam *L. Si in nomine*. 4. Cod. Lib. 6. Tit. 23. *Si in nomine vel prænominem, seu cognomine, seu agnomine testator erraverit, nec tamen de quo senserit incertum sit; error hujusmodi nihil officit veritati.* Pontas.

NOTA. Ex intentione præsumpta testatoris videtur æquitati naturali conformius, si alteruter duorum nepotum ejusdem nominis capiat hæreditatem. Hinc suaderem, ut unus eorum sortiundo alteri cedat jus, sub pacto occulto alteri clam restituendi dimidium.

**CASUS XIV.** Bonifacius scripsit ac propria manu signavit eodem tempore duo exemplaria sui testamenti; unum non clausum tradidit custodiendum amico, & in eo legatarius universalis scriptus est Martinus; alterum ipse retinuit, & in eo scriptus est Medardus. Testamentum utrumque cæteroquin omni defectu caret. Quis jam erit hæres, aut legatarius universalis? num uterque?

§. Domatus Tom. 3. pag. 417. censet, hæc duo exemplaria habenda esse pro uno testamento valido; cum ista variatio fieri potuerit ex motivo rationabili ac legitimo v.g. occultandi unam partem dispositionis suæ ultimæ, dum alteram non celabat: & hinc Martinum & Medardum æqualiter esse legatarios. hæreditatemque inter eos dividendam. Idem sentit Bonacina de Contract. disp. 3. q. 17. punct. 8. §. 5. Expresse id ipsum determinatur *L. Tabulas*. 1. §. 6. ff. lib. 37. Tit. 11. *Sed etsi in duobus codicibus simul signatis alios atque alios hæredes scripserit, & utrumque exstet; ex utroque quasi ex uno competit bonorum possessio; quia pro unis tabulis habendum est, & supremum utrumque accipiemus.* Pontas.

**CASUS XV.** Dominicus in suo testamento relinquit Daniæli uni ex hæredibus suis præsumptivis fundos, quorum annui redditus sunt 1000. floreni, cum mandato, ut Deodato alteri ejusmodi hæredi tradat villam his fundis annexam reddituum annuorum 250. florenorum, quam Dominicus legitime sibi æquisitam putabat. Villa fuit tradita; sed, cum postmodum fuisset evicta ab aliquo Minorenni post adeptam ætatis veniam, Deodatus a Daniele petit satisfactionem pro evictione. An jure id petit?

§. Si villa Deodato fuit assignata tanquam cohæredi, sic, ut assignatio hæc habeat rationem partitionis bonorum hæ-

reditorum, Daniel tenetur Deodato de evictione juxta Leg. *Heredes*, 25. §. 21. ff. Lib. 10. Tit. 2. Si vero ex renore testamenti appareat, villam Deodato tantum assignatam fuisse per modum simplicis legati, Daniel non tenetur de evictione, ut desumitur ex Leg. *Cum pater*, 77. §. 8. ff. Lib. 31. Tit. 1. *Pontas*

CASUS XVI. Marcus duos habet filios, Joannem 25. annorum, & Ægidium adhuc duodenarium. His divisit bona sua. Ægidio assignat certum fundum, cujus usufructuarium constituit Joannem, usque dum Ægidius sui juris fuerit, cum mandato, illi exinde annuatim solvendi 100. florenos, ac insuper, quamprimum Majorennis fuerit, eidem numerandi 2000. florenos. Joannes post tres aut quatuor annos moritur, relictâ prole. Queritur, an usufructus pertineat ad prolem Joannis, quæ videtur succedere in omnia jura parentis, id quod etiam prætendit tutor ejusdem; an vero ad Ægidium.

¶. Secundum jus usufructus præfati fundi ex integro pertinet ad Ægidium. *Leg. liberta*, 21. §. *fn ff. lib. 33. tit. 1.* Ratio a lege assignata est; quod usufructus filio seniori solum fuerit concessus tanquam beneficium personale annexum curæ, quam habere teneretur pro sustentatione ac educatione fratris sui junioris. *Pontas*.

CASUS XVII. Firmilianus homo dives, cujus omnia bona consistunt in numerata pecunia, & aliis mobilibus, in testamento suo legatariam universalem instituit Luciam, quam cum per septem aut octo. annos habuit turpe commercium, in præjudicium quinque aut sex indigentium propinquorum suorum, alias ab intestato ipsi succedentium. An hi tuta conscientia possunt agere contra valorem testamenti?

¶. Tuta conscientia, & juxta impugnant hoc testamentum, utpote prorsus contrarium æquitati naturali, honestati, ac bonis moribus. *Muler*, inquit *L. Miles*, 41. §. 1. ff. Lib. 29. Tit. 1. *in quam turpis suspicio cadere potest, nec ex testamento melius aliquid capere potest.* *Pontas*.

CASUS XVIII. Marius non habet prolem legitimam, sed tantum quosdam propinquos, hæredes suos præsumptivos. Potestne tuta conscientia in hæredem universalem instituere Appium, prolem adulteram, quam suscepit constante matrimonio, aut incestuosam, susceptam ex puella consanguinea in tertio aut quarto gradu?

¶. Mar us nihil potest Appio relinquere, præter necessaria ad honestam sustentationem: proles enim, quæ in jure vocantur *spuræ*, id est, natæ ex parentibus, inter quos tempore natiuitatis earum non potuit supstistere matrimonium, per

per nullum testamentum possunt valide institui pro hæredibus parentum suorum in præjudicium aliorum hæredum legitimorum. *Qui ex damnato sunt coitu*, inquit Aubent. *Licet*. Cod. Lib. 5. Tit. 27. ab omni prorsus beneficio secludantur. Pontas.

CASUS XIX. Anatolius testamentum condidit adhibitis omnibus solemnitatibus a jure requisitis, & legatarium universalem sub quibusdam conditionibus instituit Stephanum. Altero anno scripsit aliud testamentum, & in eo instituit legatarium universalem Antonium cum onere solvendi Petro 300. & Paulo 600. florenos. Antonius, Petrus & Paulus mortui sunt ante Anatolium, qui & ipse post tres menses factis cessit, quin in secundo testamento quidpiam immutaverit. Num primum testamentum suum iterum effectum sortitur, & Stephanus jure succedit Anatolio?

R. Cum primum testamentum annulletur per secundum adhibitis debitis solemnitatibus conditum, Stephanus nullum habet jus ad capiendam hæreditatem, sed solum hæredes ab intestato; etsi alterum testamentum effectum suum non fuerit consecutum. §. *Posteriore*. 2. Instit. Lib. 2. Tit. 17. Hæc juris dispositio fundatur sequentibus duobus principiis: *Ambulatoria est voluntas defuncti usque ad vitæ supremum exitum*. l. *Quod si*. 4. ff. Lib. 34. Tit. 4. *Et novissima enim voluntas servatur* L. *Translatio*. 6. ibidem. Pontas.

CASUS XX. Andulfus dives operarius, periculose decumbens condidit testamentum suum coram uno Notario in præsentia unius amici tanquam testis, ac in eo varia fecit legata in favorem propinquorum suorum, ac Noëmi cujusdam amici. Filii Andulphi recusant solvere hæc legata, prætendentes, testamentum esse nullum. Possuntne tuto conscientia recusare hanc solutionem?

R. Dantur multi Authores, qui putant, testamentum esse validum jure naturali, etsi in confectione ejusdem observatæ non sint una, aut plures formalitates a jure requisitæ. Præterenda tamen est contraria sententia fundata in hac lege: *imperfectum testamentum sine dubio nullum est*. Nihilominus videtur, quod inter præfatas duas opiniones possit iniri via media, dicendo, quod in foro interno conscientia quilibet possit relinqui in sua possessione, usquedum de testamento controversia mota fuerit, & judex de testamenti obligatione definitivam sententiam protulerit; quin exinde hæredes naturales impediuntur ab impugnando testamento; sic, ut cuiuslibet relinquatur libertas bona fide, quam habet, defendendi jus suum. Gabassut, l. 6. c. 3. Pontas.

**CASUS XXI.** Honoratus condidit testamentum admodum favorabi Placido cuidam consanguineo suo. Paulo post mutata voluntate declaravit tribus personis, se nolle prius testamentum haberi pro valido, & actu jam scribere coepit aliud testamentum, quo tamen nondum absoluto nec subscripto obiit. Num subsequens declaratio confirmata per ea, quæ jam scripsit, reddit prius testamentum invalidum?

*g.* Nec declaratio, nec ea, quæ scripsit in secundo testamento, primum reddunt invalidum: non enim sola voluntas testatoris reddit ejusmodi dispositionem validam: oportet etiam adhiberi solemnitates a jure requisitas. Hinc etiam ad invalidandum testamentum sub debita forma conditum requiritur actus consimilis sub eadem solemnitate juxta regulam juris: *Utile non debet per inutile vitiari* Bonif. VIII. Reg. 37. de Reg. jur. in 6. *Pontas.*

**CASUS XXII.** Sixtus civis Parisiensis testamentum suum dictavit Antonio amico suo; ipse tamen illud subscripsit, & paulo post obiit. Possuntne hæredes ad intestato facta in eo legata in pignore, eo quod, ut vult lex Principis, testamentum non sit scriptum propria manu testatoris?

*g.* Diversæ circa hunc casum dantur opiniones. Nihilominus, quia juxta consuetudinem Parisiensem testamentum debet esse receptum a duobus Notariis, si non sit scriptum ac signatum propria manu testatoris, testamentum Sixti pro invalido habendum est; & ut tale judicaretur in foro externo. *Pontas.*

**CASUS XXIII.** Sidonius commorans in pago sex leucis disto Parisiis, sito tamen intra districtum jurisdictionis Parisiensis, cum nec adesset parochus, nec Notarius, scripsit suum testamentum in præsentia vicarii, & quatuor testium idoneorum. An hæredes tenentur in conscientia illud exequi, cum certi sint de voluntate testatoris?

*g.* Si vicarius parochi habet litteras commissionis a Vicario Generali, subscriptas a parochio, & registratas in tabulario judicis secularis, representat personam parochi, & habet jus excipiendi testamenta. Si ergo vicarius præfatis litteris instructus excepit testamentum Sidonii, valet; alias foret invalidum juxta consuetudinem Parisiensem, & jurisprudentiam Regni; etsi validum esset in aliis quibusdam locis, si etiam in simpliciter tantum declaratione testatoris illud consideret. *Pontas.*

**CASUS XXIV.** Romualdus condidit testamentum suum in præsentia Notarii, & duorum idoneorum testium; quorum tamen unus postea commisit homicidium, & ad mortem ant

tri-

triremes damnatus est; alter vero incidit in amentiam. An testamentum nihilominus manet validum?

g. Hæc mutatio in testibus testamentum non reddit invalidum: non enim ipsis deerant qualitates requisitæ ad idoneitatem testis, cum actu signarent testamentum; & hoc sufficit. *Conditionem testium*, ait L. *Ad testium*. 22. §. 1. ff. Lib. 28. Tit. 1. *tunc inspicere debemus; cum signarent, non mortis tempore*. Si igitur tunc, cum signarent, tales fuerint, ut adhiberi possent; nihil nocet si quid postea eis contigerit. *Pontas.*

CASUS XXV. Veranus civis Sancti macloviensis cum plurima ex commercio sibi bona peperisset, nec haberet propinquos nisi in gradu admodum longinquo, condidit testamentum suum, ac in eo plenam Henrico intimo amico suo relinquit potestatem nominandi hæredem, quemcumque vellet, cum onere tamen præstandi quædam pia legata. Henricus post mortem Verani testatoris nominat Benedictum consanguineum defuncti in quinto gradu. Estne hoc testamentum legitimum? Num Benedictus jure succedit in bona defuncti?

g. Viget quidem in quibusdam locis consuetudo sic testandi, ut v. g. in Hispania, & admittitur, ut quis in testamento suo eligat quemcumque, qui de bonis testatoris disponat pro suo arbitrio, & hæredem nominet. In Gallia tamen & in Germania ejusmodi testamenta non censentur legitima. *Illa institutio: quos Titius voluerit*, inquit L. *Illa*. 32. ff. Lib. 28. Tit. 5. *ideo vitiosa est, quod alieno arbitrio permixta est: nam satis constanter veteres decreverunt, testamentorum præ ipsa per se firma esse oportere, non ex alieno arbitrio pendere*. *Pontas.*

Nota. Jure naturali hæc denominatio hæredis valet, sed non jure civili Romano, ubi receptum est. Illud in foro interno regulat; illud in foro externo.

CASUS XXVI. Simeon, commorans Parisiis, cum urgeretur vicina mortis, nec præsentibus statim haberet testes, scribendum curavit testamentum suum a Notario in eadem domo commorante, illudque instar testium subscripserunt puer tredecim annorum, pueri mater, ac matertera. Estne testamentum validum?

g. Testes ejusmodi non sufficiunt ad valorem testamenti, nam nec impuberes, nec femine, imo nec Religiosi juxta Edictum Parlamenti Parisiensis de anno 1659. possunt agere idoneos testes in consecutione testamenti. *Pontas.*

**NOTA.** Religiosi, quos jam ratio status, quem profitentur, arcere deberet a munere testis in re testamentaria plerumque litigis exposita, etiam in non nullis Germaniæ provinciis per peculiare leges Principum a testamentis abesse jubentur.

**CASUS XXVII.** Chrysanthus per testamentum heredem instituit Leonem nepotem suum cum obligatione, ut non utatur beneficio inventarii: existimabat enim, hoc sibi dedecori fore. Addit præterea, se legare 1000. florenos Bertrando: cognato suo, casu, quo Leo vellet fieri hæres beneficiarius. Leo post mortem Chrysanthi utitur beneficio inventarii. Teneturne in conscientia legatum solvere Bertrando?

**Ans.** Chrysanthus non potuit obligare Leonem, ut hereditatem pure ac simpliciter acceptaret; cum id adversetur dispositioni legum cuiuslibet hæredi permittentium beneficium inventarii, si ejusdem usum sibi prosequi judicet. Hinc Leo non tenetur ad solutionem 1000. florenorum Bertrando sub præfata conditione legatorum. *L. Nemo. 55. ff. Lib. 30. Tit. 1. Pontas.*

**NOTA.** Jure naturali cuivis licet renunciare favori indulto a legibus. Non ergo repugnat honestati, si testator hæredi non necessario apponat conditionem renunciandi.

**CASUS XXVIII.** Leidradus nobilis duos habebat filios, quorum natu major cum secutus esset mimos & histriones, aut omnino latronibus se adjunxisset, illo exhæredato pater omnia sua bona transferibit natu minori. An hic tuta conscientia omnia bona retinet, quin partem cedere debeat fratri suo?

**Ans.** Cum in præsentis casu causa exhæredationis sit iusta, non est dubium, omnia bona patris iuste retineri a filio natu minore. Novella 115. c. 3. §. 4. & 10. Juxta hanc legem dantur adhuc plures aliæ iustæ causæ, ex quibus liberi a parentibus possunt exhæredari: 1. Si liberi parentes suos in criminalibus causis accusaverint, quæ non sunt adversus Principem aut Rempublicam. 2. Si filius incestum commiserit cum noverca sua. 3. Si pater aut mater in carcere aut captivitate detineatur, & filius non pro posse eos liberare studuerit. 4. Si filia vitam luxuriosam honesto matrimonio a parentibus oblato prætulit. 5. Si quis ex parentibus in amentiam delapsus fuerit, & filius aut filia ei obsequium & competentem curam non præbuerit. 6. Si filius vel filia per violentiam, aut aliis malis artibus parentes prohibuerit testamentum condere. 7. Si filius vel filia fidei catholicam deseruerit. Denique in Gallia inter exhæredationis causas habet locum etiam ista: si liberi contrahant matrimo-

nium

nium sine consensu parentum, tutorum aut curatorum; nisi filius jam compleverit annum ætatis trigesium, & si a vigesimo quintum. *Pontas.*

*Nota.* In Germania quoad trahentes ab una Religione ad alteram in Imperio toleratam eatenus pro lege habetur reciproca consuetudo locorum particularium, transeuntes exhæredantium, vel non exhæredantium.

**CASUS XXIX.** Sylvanus filius legitimus Joannis & Mariæ, cum acquisitis ex commercio magnis divitiis præoccuparetur morte, condidit testamentum, & exhæredavit patrem suum; eoquod suæ matri veneno struxerit mortem, vel quod se de capitali crimine accusaverit, quamvis illud non attingat Principem aut Rempublicam. Potuitne ex his rationibus absque peccato exhæredare patrem suum?

*g.* Juste ex his rationibus potuit exhæredare patrem suum, aut quemvis alium consanguineum. *Novell. 115. c. 4. §. 5.* Observandum tamen, quod exhæredationis causa in testamento non tantum allegari, sed & sufficienter probari debeat. *Pontas.*

**CASUS XXX.** Marcius in testamento constituit, ut domus sua vendatur, pretiumque exinde redactum erogetur in eleemosynas, aliasque pias causas. Executor testamenti autem videt, eas esse circumstantias temporis, ut domus non possit vendi, nisi dimidio minoris, ac valeret. Potestne differre venditionem domus in tempus favorabilius pro majori sublevamine pauperum?

*g.* Non potest absque peccato per notabile tempus differre hanc venditionem; quia ex hac dilatione sequeretur retardatio remedii, quo forte defunctus maximopere indiget. *S. Thomas quodlibet. 6. art. 14. in argum. Sed contra Pontas.*

**CASUS XXXI.** Nicolaus depositarius testamenti, quod Publius civis Parisiensis condidit, illud aperuit, ac reperit, se esse nominatum executorem, atque in eo contineri legatum 1500. florenorum pro Paulino. Hoc ergo legatum Nicolaus ex generositate animi statim Paulino solvit; sed hæres Publii recusat solutionis hujus inire rationem, eoquod Paulinus a Parlamento Burdigalensi ante annum ratione duelli ad mortem fuerit condemnatus, sicque factus sit legati incapax. An jure id hæres recusat, non obstante, quod Nicolaus bona fide egerit?

*g.* Jure recusat; quis, dum Nicolaus solvit legatum, nondum obtinuerat possessionem bonorum defuncti testatoris, legatumque solvere non poterat, nisi confecto prius inventario juxta consuetudinem Parisiensem, & debite vocatis ad id hæc.

hæredibus. Ad hæc insinuari prius debuisset hæredibus, quoniam scripti sint legatarii. Hæc responsio sequentibus innititur rationibus. 1. Absolulte necessarium est, ut legatarii sint de jure habiles ad recipiendum legatum. 2. Potest contingere, quod plus fuerit legatum, quam jure permissum sit. 3. Potest tanta esse legatorum quantitas, ut necessario reductio fieri debeat, ne tota absorbeatur hæreditas. 4. Denique hæres potest habere graves rationes impugnandi valorem testamenti. *Pontas.*

CASUS XXXII. *Æmilianus* presbyter aut Religiosus ex Ordine quodam reformato a *Mævio* suo cognato fuit nominatus in executorem sui testamenti. Potestne absque peccato acceptare hoc officium, & tam valide quam licite exequi testamentum?

3. Si *Æmilianus* est presbyter sæcularis, potest esse executor testamenti juxta *Cap. Tua nobis*, 17. Lib. 3. Tit. 26. Idem potest, si *Æmilianus* est ejusmodi Ordinis, cujus constitutiones id non prohibent. *Cement. Religiosis*, unic. Lib. 3. Tit. 6. Requiritur tamen ad id insuper licentia a Superiore. De cætero hæc in re ubique servanda est locorum consuetudo. *Pontas.*

CASUS XXXIII. Maritus & uxor mutuum condiderunt testamentum; sed uxor mortuo marito ejusdem testamentum suppressit.

3. Mutare quidem aut revocare uxor potest proprium suum testamentum, cum, quamdiu in vivis est, non sit ultima voluntas; nequaquam autem tuta conscientia suppressere potest testamentum defuncti mariti absque injustitia atque infidelitate erga ipsum, qui non alia intentione ultimam voluntatem suam uxori concedidit, nisi ut post mortem executioni mandetur. *De Lamet.*

CASUS XXXIV. *Cajus* in testamento hæredem instituit matronam quamdam ea conditione, ut ipsa hæreditatem assignet uni ex prolibus testatoris, quam ipsa pro suo arbitrio determinare vellet. Cum jam quædam ex filiabus *Caj*i nuptura esset, rogatur matrona, ut huic hæreditatem assignet, quod & factum est. Comperit autem postea, testatoris filium, licet ipse ob crimen condemnatus hæreditatis esset incapax, reliquisse filiam valde pauperem. Quæritur jam, an non hoc intellecto, quod prius nesciverat, assignationem hæreditatis revocare, & partem nepti testatoris tradere possit.

3. Assignatio hæreditatis a matrona filie nupturæ facta justa est ac legitima, nec amplius revocari potest. *Hortari*  
ta.



tamen potest filiam testatoris, ut saltem partem cedat filie fratris sui valde indigenti. *De Lamet.*

**CASUS XXXV.** Titius in confectione testamenti sui prætermisit aliquam solemnitatem a lege vel consuetudine requisitam.

¶. Testamentum hoc est nullum; rigor tamen iste non semper concernit etiam pia legata, maxime si non sint notabilia. Omne testamentum quoad substantiam suam vitiosum est nullum; & hæredes non tenentur ad solutionem piorum legatorum in eo contentorum, si testator ea assignavit in fundis ad se non pertinentibus. Nihilominus respectus ac gratitudo debita defuncto, cujus voluntatem hæres novit, videtur eum obligare ad explenda ejusmodi legata, si non sunt notabilia. *Fromageau.*

**CASUS XXXVI.** Petrus ante mortem hæredem suum obligat in testamento, ut singulis annis 50. florenos impendat in dotationem cujusdam puellæ orphanæ. Potestne hæres iste hanc summam dare puellæ habenti quidem patrem, ex quo tamen nec minimum subsidii expectare potest?

¶. Potest hæres dotare ejusmodi puellam: licet enim ea non sit orphana, sumendo hunc terminum rigoroſe; quia tamen omni assistentia a patre suo privata existit, non minus, ac vera orphana, concludendum est, hanc puellam omni subsidio paterno destitutam recipere posse dotem a testatore assignatam veræ orphanæ. Nihilominus si simul pro dote sollicitaret orphana vere talis, ea præferenda foret, saltem nisi altera majori paupertate premeretur. C. B.

**CASUS XXXVII.** Sylvius ante mortem notabile legatum assignavit uxori suæ, ea tamen conditione, ut maneat in statu viduitatis. Debeturne ipsi hoc legatum, si ingredietur Religionem?

¶. Debetur ipsi; quia sic leges volunt, ne quis desiderio possidendi legatum retrahatur ab amplectendo statu perfectiore. Accedit, quod adhuc verum sit, eam perseverare in statu viduitatis, dum Religionem ingreditur. Immo etiam fors ea testatoris intentio aut cogitatio non fuerit, ea tamen potest ac debet præsumi, quotiescumque alia intentio legibus adversatur, ut in præſente casu. C. B.

*Vide Legatum.*

## TESTIS.

1. *Testis dicitur ille, qui testatur de eo, quod aut vidit aut audivit, neque accusatum vel ab accusatione liberat, vel magis implicat.*

*Dist. Cas. Conf. Tom III.*

Na

CA-

2. Testes alii sunt irreprehensibiles, contra quorum testimonium excipi non potest; alii reprehensibiles, quibus scilicet objici potest crimen inducens infamiam, vel alius defectus, ex quo testimonium eorum repudiari potest; sive ejusmodi defectus sit talis ex natura rei, ut est privatio rationis; sive ex dispositione juris, ut si probaretur, testem jam semel in judicio falsum deposuisse, aut pecunia vel alia ratione corruptum fuisse.

3. Causæ criminales auditione, iterata interrogatione, & confrontatione testium instruuntur. Si accusatus ante iteratam interrogationem testem admisit, eum repudiare amplius non potest, id est, quando post confrontationem in sua depositione persistit, nec ei objici potest variatio essentialis in depositione ac confrontatione.

4. Falsum testimonium plectitur morte, si ab eo innocentis vita dependeat; in aliis vero casibus, maxime in causis civilibus poena infligitur mitior.

5. Consanguinei ad quartum usque gradum non admittuntur ut testes pro suis consanguineis, vel contra eos, in causis civilibus, idque in utroque foro, ecclesiastico & civili; excepto tamen casu, quo de ætate vel propinquitate agitur circa causas matrimoniales, aut Ordines recipiendos.

6. Testis, qui non fuit citatus, & juramentum non deposuit, in judicio nunquam admittendus est, nisi forte sit actu præsens in judicio, & a judice compelleretur ad deponendum testimonium circa aliquod factum; quo in casu testimonium ipsius nequaquam suspectum esse debet.

7. Judex non potest condemnare accusatum ex simplici depositione unius testis: duo autem testes oculati, non suspecti, plenam probationem faciunt.

CASUS I. Florianus assassinio interfecit Rollandum, & hujus notitiam habent ipsius frater, soror, & confessorius, cui id ex confessione Floriani innotuit: hi tres in judicium vocati sunt, ut suum quilibet deponat testimonium. An ad hoc tenentur in conscientia?

R. Nec frater nec soror ad id tenentur, nisi agatur de casu extraordinario & privilegiato, aut lex localis ita disponat. *Lege Julia publicorum judiciorum cavetur, ait Canon Si testes. 3. §. 4. q. 2. & 3. ne invito denunciatur, ut testimonium litis dicat adversus socerum, generum, vitricum, privignum, sobrinum, sobrinam, sobrinove natum, eosque, qui priore gradu sint.* Multo minus testimonium ferre licet confessorio, qui criminis notitiam solum ex confessione habet. *De illis, qui homini sunt commissa in secreto per confessionem, inquit S. Thomas 2. 2. q. 70. art. 1. ad 2. nullo modo debet testimonium ferre; quia*

*quia hujusmodi non scit ut homo, sed tanquam Dei minister; & majus est vinculum Sacramenti quolibet hominis præcepto.*  
Pontas.

**CASUS II.** Babyllas secrete occidit quemdam pauperem hominem; cumque contra illum jam semiplena habeatur probatio, Tulliam Advocatum consulit de mediis vitam suam tuendi: brevi post Tullius vocatur in judicium ad testificandum contra Babyllam. An tenetur agere testem.

g. Cum non agatur de damno publico, aut de damno personæ privatæ aut evitando aut reparando, Tullius non tenetur agere testem. Pontas.

**CASUS III.** Ermelius accusatus de peculatu Paulum rogavit, ne contra se testem agat, quod & Paulus addito juramento promisit: Paulus vero paulo post citatur a iudice ad deponendum testimonium. An non obstante juramento tenetur testem agere?

g. Juramentum Pauli temerarium, injustum ac illicitum est, nec absque novo peccato illud adimplere potest; cum iudex habeat jus exigendi ab eo declarationem veritatis, prout & Paulus non obstante juramento in conscientia eam declarare tenetur. Ita Alexander III. Cap. *Intimavit* 18. Lib. 2. Tit. 20. Ratio hujus responsionis est 1. Quia obligatio testificandi fundatur in jure publico, cui derogare aut renunciare persona privata non potest, quocumque demum interposito juramento. 2. Quia adversatur bonis moribus inducere quemquam ad celandam veritatem, quàm nosse boni publici plurimum interest, ne plura crimina maneant impunita. Pontas.

**CASUS IV.** Augustus communiter pro viro probò habitus commisit crimen occultum, nulli hominum nisi Jacobo vicino suo notum. Paulus juratus Augusti adversarius & iudex criminalis inimicum suum perditurus aut saltem infamaturus procedit contra illum per viam inquisitionis, quatuorque vicinos illi vocat in judicium, ut testes agant contra Augustum. Tres eorum declarant, se nullam habere notitiam de auctore criminis, & quidam nec minimam contra Augustum suspicionem. Interrogatus jam Jacobus teneturne coram Deo iudici manifestare veritatem rei?

g. Non tenetur: nemo enim tenetur deponere testimonium contra accusatum, nisi quando iudex procedit secundum formam in jure requisitam, id est, nisi præcedat evidèntia, vel saltem violenta præsumptio facti, de quo quis interrogatur; aut nisi accusatus jam prius fuerit infamatus de crimine, quorum neutrum in præsentì casu intervenit. Id clare colligitur ex Cap. *Inquisitionis*, 21. §. 1. Lib. 5. Tit. 1.

Excipiendus tamen est casus, quo agitur vel de reparatione gravis damni ab accusato cuiquam illati, vel de periculo inferendi bono publico, aut etiam personæ privatæ; ut explicat D. Thomas 2. 2. q. 70. art. 1. C. *Pontas*.

CASUS V. Thomas vocatus est in iudicium, ut testetur contra Henricum de crimine quodam, quod hic illi ut amico sub secreto aperuit. An interrogatus tuta conscientia potest reticere veritatem, quam solum sub secreto noverat?

R. Si crimen Henrici nec vergit in præjudicium totius Status, nec cujusdam privati, aut si vergat, crimen jam actu perpetratum est ab Henrico, & solum agitur de pœna ipsi indulgenda, Thomas in conscientia non tenetur prodere, quod tantum scit sub fide secreti naturalis. Idem dicendum, si agitur de crimine primum committendo, ex quo tamen nec reipublicæ nec cuiquam privato notabile damnum timendum foret. Ita docet D. Thomas 2. 2. q. 70. art. 1. ad 2. Quod etiam extendi potest ad ea, quæ quis sub fide secreti commisit advocato, procuratori, medico, chirurgo, obstetrici &c. *Pontas*.

CASUS VI. Si vero in posito casu Thomas a iudice ad respondendum adigeretur sub comminatione carceris, aut alterius gravis pœnæ, quam declinare non posset nisi manifestando secretum: an tenetur dicere veritatem non obstante obligatione secreti? An non potest uti restrictione mentali?

R. Absque peccato, immo perjurio Thomas non potest uti ulla æquivocatione aut restrictione mentali: testis enim judicialiter & in forma iudicii ordinaria interrogatus deponit iuramentum de dicenda veritate; non potest ergo respondere contra mentem & conscientiam suam, nec in alio sensu, quam quo interrogatur. Ita S. Isidorus Can. *Quacunque*. 9. 22. q. 5. Thomas igitur debet adhibere omnia, quæcumque prudentia christiana suggerit, vel declinando jurisdictionem iudicis sub aliquo prætextu, vel discedendo e loco, vel dicendo, nil sibi esse quod respondeat. Si hæc omnia nihil proficiant, & videat sibi testimonium recusanti imminere periculum gravis mali, juxta Cassutium L. 4. c. 5. n. 1. simpliciter dicenda veritas non obstante secreto, ad quod servandum sese obligasse non censetur, nisi sub tacita conditione, si id sine gravi damno proprio fieri possit. *Pontas*.

NOTA. Quando iudex, hostis, latro &c. scit, vel saltem scire tenetur, se injuste a quopiam extorquere iuramentum, eo ipso etiam scit, vel scire tenetur, interrogatum non obligari ad dicendam sinceram veritatem. Itaque si interrogatus expresse protestetur, se ulu-

usurum æquivocatione vel restrictione mentali, five protestetur tacite per ipsam evidentiam juris naturalis, non peccabit sic æquivoce aut cum restrictione jurans, urpote id sciente iudice, hoste vel latrone. Quando autem iudex iuste ac legitime desert cuiquam juramentum, nunquam juranti licet uti æquivocatione aut restrictione.

**CASUS VII.** Henricus testis oculatus est, quod Hieronymus occiderit Guntherum, sicque familiæ occisi grave damnum intulerit. Teneturne Henricus judicialiter in testem vocatus deponere contra Hieronymum, posito etiam, quod ad tuendam propriam vitam servato moderamine inculpatae tutelæ Guntherum occiderit? An ad idem teneretur, si solus esset testis furti a Joanne commissi titulo iustæ compensationis?

¶ Nec contra Hieronymum nec contra Joannem Henricus testimonium deponere in conscientia tenetur; cum neuter poenam capitis incurrerit, aut mortaliter peccaverit. Ita docet Navarrus Manual. c. 25. n. 46 & Caballutius Lib. 4. c. 5. n. 2. ait: *Non tenetur aliquis testificari, etiam requisitus, citatus, & sub poena excommunicationis obtestatus, qui scit rem, de qua inquiritur, factam fuisse sine culpa saltem mortali, ut si, qui furti accusatum, rem subtriverit titulo iustæ compensationis; aut homicidium, de quo inquiritur, fuisse factum cum moderamine inculpatae tutelæ.* Pontas.

**CASUS VIII.** Henricus & frater ipsius a iudice, ut testes agant, vocati, & juramentum deponere iussi dicendæ veritatis in causa homicidii ab Andrea perpetrati, simpliciter testantur. Augustum ab Andrea fuisse occisum, non addendo, quod Augustus fuerit aggressor, & Andreas eum occiderit propriam viam tuendi necessitate compulsus. An mortaliter peccarunt testes isti? An & perjurium commiserunt reticendo circumstantiam aggressionis? Tenenturne etiam reparare integrum damnum a se illatum?

¶ Rei sunt peccati mortalis & perjurii: intentio enim iudicis erat comperendi veritatem vel in gravamen vel in levamen accusati. Cum ergo veritatem reticuerint, & ex reticentia gravissimum damnum emerferit, illud in conscientia reparare tenentur. Pontas.

**CASUS IX.** Marculus accusat Lucium, quod Paulum occiderit, & producit duos testes idem asserentes. At illi duo testes æque irreprehensibiles testantur, Lucium esse innocentem, & Paulum fuisse occisum a Stephano. An iudex ob æqualitatem testimoniorum Lucium tuta conscientia ab accusatione absolvere ac liberum dimittere potest?

g. Juxta S. Thomam 2. 2. q. 70. art. 2. ad 2. judex pronunciare debet in favorem accusati. *Pontas.*

**CASUS X.** Felix judicialiter accusavit Siranum de homicidio, & duos in rem hanc testes exhibet, qui circa ipsum homicidium quidem conveniunt, non concordant autem circa notabiles circumstantias: unus enim testium asserit, homicidium fuisse perpetratum die Lunæ, alter ait, id commissum fuisse die Martis. Vel unus affirmat, homicidium commisisse in ipsa domo, alter extra domum in platea. Quid agendum judici?

g. Judex tanta conscientia non potest condemnare Siranum: depositiones enim testium variantes circa primarias circumstantias non sufficiunt ad condemnationem rei. *Discordia testium in aliquibus principalibus circumstantiis*, inquit S. Thomas 2. 2. q. 70. art. 2. ad 2. *aufert efficaciam testimonii; quia si discordant in talibus, videntur singulares esse in suis testimoniis, & de diversis factis loqui: puta si unus dicat, hoc factum esse tali tempore vel loco; alius alio tempore vel loco, non videntur de eodem facto loqui.* *Pontas.*

**CASUS XI.** Laurentius Jacobum & Joannem ut testes producit contra Lucium, quem accusavit, quod occiderit Albertum; ast dicti duo testes discordant in quibusdam circumstantiis non quidem ad substantiam facti pertinentibus, aliquam tamen relationem ad illud habentibus. An judex condemnare potest Lucium ad penam capitalem?

g. Potest ac debet condemnare reum: circumstantiæ enim ipsam rei substantiam non immutant s. non solent ordinarie magnam impressionem facere in animis eorum, quorum omnis attentio fertur in ipsam substantiam actionis, de qua testantur. Addit tamen S. Thomas 2. 2. q. 70. art. 2. ad 2. *Quod tamen prudentia judicis relinquitur discernendum.* *Pontas.*

**CASUS XII.** Si in priori casu Jacobus & Joannes quidem testentur, Albertum occisum esse a Lucio; unus eorum autem dicat, se non amplius recordari diei & loci in quo occisus sit, & alter diem & locum assignet; an judex condemnare poterit accusatum?

g. Juxta S. Thomam l. c. potest condemnare: non enim in testimonio eorum reperitur contrarietas; nec testimonium unius enervatur per testimonium alterius. *Pontas.*

**CASUS XIII.** Petrus & Paulus ob multa mendacia, & pravas actiones, de quibus judicialiter jam reprehensi sunt, infames, testes agunt contra Joannem de homicidio accusatum. An judex accusatum ob tale testimonium condemnare potest observato justitiæ rigore?

g. Jux

3. Juxta regulam generalem juris testes debent esse irreprehensibiles; hinc si aliæ probationes contra Joannem non adsint, nisi testimonium horum testium, contra eos excipere potest Joannes, & rationes suas illos repudiandi viva voce, & non scripto, proferre. Judex igitur tuta conscientia non potest Joannem condemnare ad poenam capitalem. Excipiendus tamen est casus, in quo agitur de crimine læsæ Majestatis. *Pontas.*

NOTA. Quamvis testes infames circa crimen læsæ majestatis *administrative* admitti possint, pro commotivo tamen, determinativo intellectus ad ferendum judicium moraliter certum, testimonium eorum admitti nequit.

CASUS XIV. Theologus, & Canonista agitant inter se hanc quæstionem: an detur casus, in quo ad faciendam fidem unicus sufficiat testis; Theologus tenet negativam, Canonista vero affirmativam.

3. Si agatur de re ad forum contentiosum jam deducta, Theologus bene tenet negativam: judicialiter enim sententia ferri non potest ad unius hominis testimonium; cum ipse Christus dicat Matth. 18. v. 16. *In ore duorum vel trium testimonium stet omne verbum.* Si vero agatur de casibus extrajudicialibus, certum est plures dari, in quibus testis unicus fidem facit: v. g. 1. Quando res in nullius vergit præjudicium, ut si sciendum, an quis sit baptizatus, an ecclesia consecrata, an infirmus petierit confessarium, antequam ratione aut usu linguæ privaretur &c. 2. Quando duo litigantes aut dubitantes de re quadam compromittunt in testimonium tertii. 3. Quando agitur de correctione fraterna. *Pontas.*

NOTA. Cum testimonium unius hominis omni exceptione majoris de proprio visu & auditu aliquoties moralem certitudinem pariat, ad prudentiam Legislatorum pertinet, an & ad quales poenas taliter convicti ordinandi sint?

CASUS XV. Albertus omnibus suis vicinis insensos Vinebaldum tam verbis quam rebus male excepit; hinc a Vinebaldo apud judicem accusatus est, & duo suorum vicinorum, ad testificandum non vocati, ultro contra ipsum deponunt. An Albertus ob eorum testimonium ad aliquam poenam condemnari potest?

3. Depositi horum testium est nulla, & judex ob horum testimonium non potest Albertum ad ullam poenam condemnare. *Ea, quæ lege fieri prohibentur, si fuerint facta, non solum inutilia, sed pro infestis etiam habeantur.* Ita Theo-

dofius & Valentinianus Imperatores Leg. *Non dubium*. 5. Cod. Cod. Lib. 1. Tit. 14. *Pontas*.

**CASUS XVI.** Aristides falsum testimonium deposuit contra Justinum, quod nempe Ludovicum occiderit, & accedentibus etiam aliis violentis præsumptionibus Justinus, qui tamen revera innocens erat, condemnatus est ad mortem. An Aristides in conscientia tenetur revocare suum testimonium; etiamsi prævideat, se poena talionis afficiendum?

q. Certe tenetur revocare: nam in æquali periculo potior est innocentis conditio, quam illius, qui sua malitia in meritum hominem in id periculum adegit, ut ait Cabasutius L. 4. c. 5. n. 6. *Pontas*.

**CASUS XVII.** Jodocus vocatus in judicium deposuit falsum testimonium in re, quam certo sciebat nullius esse momenti. An peccavit mortaliter?

q. Omne perjurium a teste coram judice commissum est peccatum mortale; hinc Jodocus deposuit falso testimonio peccavit mortaliter, cum juramentum emisit dicendæ veritatis. Ita docet S. Thomas 2. 2. q. 70. art. 4. C. *Pontas*.

**CASUS XVIII.** Robertus & Antonius citati in judicium ad deponendum testimonium contra Petrum de homicidio accusatum, accincti jam ad iter in exterarum regiones suscipiendum, coram Notario declaraverunt, se oratos esse testes compulsi a Petro homicidii; & hanc suam declarationem scriptam, ac sigillo obsignatam transmiserunt jud. cl. An judex ex his declarationibus condemnare Petrum potest?

q. Tutæ conscientia non potest condemnare Petrum: omnis enim declaratio non facta judicialiter coram judice, qui ipse testes interrogare debet, nulla est. Leg. *Jurisjurandi*. 9. Cod. Lib. 4. Tit. In ejusmodi igitur casu judex debet se ipsum conferre in locum testium, si fieri possit, vel rem committit ere alteri juxta leges scilicet, consuetudinem & acceptum usum suæ provincie. *Pontas*.

*NOTA.* Pertinet ad declarationem supremi provincie Legislatoris, an pro tali casu ejusmodi declarationem velit æquiparari testimonio vocali.

**CASUS XIX.** Ambrosius debet centum florenos Desiderio; cum autem hic non obtinisset syngrapham debiti ab Ambrosio, probat debitum per testes, per sponsum scilicet filie suæ, per duos propinquos quamvis remotioris lineæ, & per quemdam domesticorum suorum. An ex horum testimonio Ambrosius condemnari potest ad solutionem?

q. Spon-



3. Sponsus filix utpote affinitate junctus cum creditore non est testis idoneus; nec propinqui ad testimonium admittuntur nisi intra gradus a lege vel consuetudine permisso. Denique regulariter loquendo etiam testimonium famuli domestici rejicitur. Exciplendus tamen est casus, quo agitur de crimine læsæ majestatis vel quovis alio vergente in damnum boni publici. Observandum insuper, etiam famulum domesticum in testem pro domino suo recipi. 1. Quando agitur de facto domestico, ubi alii testes facile haberi non possunt. 2. Quando factum contingit de nocte in domo, ut adulterium, homicidium, furtum & similia. Pontas.

NOTA. Circa causas levioris momenti plus a Judice tribuendum præsumptioni individuali pro veracitate personali testis, quam præsumptioni generali ex qualitate domestici vel sponsi.

CASUS XX. Mogerius incola cujusdam parochiæ contendit cum Lupercio suo parcho de possessione cujusdam silvæ, quam Mogerius actu possidet. Judex ad dirimendam litem jussit produci testes, qui de tempore possessionis sue deponant testimonia. Quatuor testes asserunt, Mogerium silvam jam a triginta annis possidere; sex alii testes vero affirmant, eum dictam silvam per annos plusquam quadraginta possidere. An ob istam contrarietatem judex non potest sententiam ferre in favorem Mogerii?

3. Juxta S. Antonium 3 Parte Tit. 9. c. 2. §. 2. Judex, si poterit, debet concordare testimoniorum contrarietatem, & si hoc non est possibile, debet ferre sententiam juxta testimonium plurium idem testantium, nisi ex altera parte obstat singularis personarum qualitas, vel eorum testimonium videatur evidenter probabilius ob aliquas circumstantias, *Ad multitudinem tantum respicere non oportet*, inquit Innocentius III. Cap. In nostra. 32 Lib. 2. Tit. 20. *sed ad testimonium qualitatem, & ad ipsorum deposita, quibus potius lex veritatis assistit.* Pontas.

CASUS XXI. Hierophilus parochus dioceseos Tornacensis solemnizavit matrimonium præsentibus duobus duntaxat testibus; cum tamen in Gallia vi constitutionis regis de anno 1697. ad valorem matrimonii requiratur præsentia quatuor testum. Objiciebatur dicto parcho, quod peccaret mortaliter; ipse autem defendebat, se ne quidem venialiter peccasse. Quid sentiendum?

3. Constitutio regis vel Principis in regno aut provincia habet rationem veræ legis, cui parochus se conformare debet. Quamvis igitur matrimonium hoc in præsentia parochi & duorum testium juxta præscriptam a Concilio Tridentino

tino formam contractum sit validum, Hierophilus tamen peccavit mortaliter; quia violavit legem a Principe latam, de se justam, promulgatam, ac sine oppositione receptam. Pontas.

Vide *Impedimentum Claudivinitatis*. Cas. 25. & 26.

## THESAURIS.

1. *Thesaurus* in genere significat quancumque rem pretiosam, sacram vel profanam; sic thesaurus dicuntur Sacrae Reliquiae, vel copia auri aut argenti. Dicuntur etiam *Thesaurus Ecclesiae* merita corporis mystici, cujus caput Christus est, & Sancti membra. Denique thesaurus proprie dicitur, prout & hic sumitur, antiqua depositio auri, argenti, aliarumve rerum pretiosarum in aliquo loco reconditarum, & noviter detectarum, quin sciatur, ad quem pertineant.

2. Non potest dici, si modo Christiano loqui velimus, inventionem thesauri sorti, casui, ac caecae fortunae adscribendam esse: inventio enim ejusmodi est potius referenda ad aliquam superiorem intelligentiam omnia provide disponentem, ac ordinem rerum ac causarum sapienter dirigentem.

CASUS I. Gualterius emphiteuta in fundo pertinente ad Gabrielem parochum loci, sibi ab eodem locato reperit 200. aureos, quorum aliqui primum ante duos vel tres annos cusi fuerant. Quæritur, num hæc summa inventa habenda sit instar thesauri, ita, ut Gualterio, parocho & ecclesiae, ac fisco Principis sua cuilibet pars debeat.

3. *Thesaurus* proprie dictus non pertinet ad eum, in cujus fundo reperitur; cum non sit verus possessor: is enim, dicitur Leg. *Possideri*, 3 §. 3. ff. Lib. 41. Tit. 2. *qui nescit, non possidet thesaurum, quamvis fundum possideat*. Non potest autem dici, inventam summam habere rationem thesauri proprie dicti; ea potius habenda est instar rei pertinentis ad quempiam privatum, qui eam hoc loco vel perdidit vel recondidit animo denuo recipiendi aut recuperandi eam. *Thesaurus*, ait Lex Nunquam 31. ibid. *Est vetus quædam depositio pecuniæ, cuius non extat memoria, ut jam dominum non habeat. . . . Alioquin si quis aliqui d vel lucri causa, vel metus, vel custodia condiderit sub terra, non est thesaurus*. Ex quo sequitur, verum hujus pecuniæ dominum adhuc habere animum recuperandi rem suam, & Gualterium teneri ad restitutionem, quamprimum detectes fuerit dominus rei. Quod si post diligentem inquisitionem verus dominus non compareat, Gualterius juxta S. Thomam 2. 2. q. 62 art. 5. ad 3. tenetur inventa erogare in pauperes aut applicare ad alias causas pias juxta intentionem veri domini. Si Gualterius ipse foret pauper ac indigens, posset de licentia & cum approbatione confessorii partem inven-

torum

torum aut etiam totam summam in proprium suum, convertere commodum. *Si ipse indigens foret, eam retinere potest,* ait S. Bernardus *Serm. 33. in Dom. 4. Quadrag. art. 1. cap. 1.* De cætero notandum, quod juxta leges Romanas ille, qui reperit thesaurum in fundo alterius, partem dimidiam teneatur cedere domino fundi, si autem reperit in suo fundo, totum retinere possit. In Gallia dum quis reperit thesaurum in fundo alieno, una pars tertia spectat ad inventorem, altera ad dominum fundi, tertia ad dominum territorialem. Si vero reperit in fundo suo, partem dimidiam sibi retinere potest, altera relicta domino territoriali: & hæc praxis etiam locum habet pro foro interno. *Pontas.*

**Nota.** Insignes Theologi docent, tam inventorem rei perditæ quam repertorem thesauri, si post factam morali cum diligentia inquisitionem omnis evanescat spes detegendi verum dominum, posse retinere inventa, quin teneatur ea expendere in causas pias, aut partiri cum alio.

**CASUS II.** Sigebertus profundam construens fossam reperit summam 5000. florenorum a longissimo jam tempore ibi detentam. Poteritne tuta conscientia hanc summam sibi retinere?

*y.* Si hic thesaurus a Sigeberto inventus est in proprio fundo, juxta consuetudinem gallicanam dimidium pertinet ad dominum territorialem; si in alieno, tertia tantum pars pertinet ad inventorem. Ubi autem non viget ea consuetudo, in primo casu integer thesaurus pertinet ad inventorem, in secundo pars dimidia ad dominum fundi. *Pontas.*

**Nota.** Hæc procedunt pro foro externo. In foro interno inventor potest omnia retinere solus. Vide dicta ad *Casum* 1.

**CASUS III.** Domus ruinosa destruitur, & invenitur thesaurus. Ad quem pertinet?

*y.* Insistendo præcise juri naturali, totus iste thesaurus pertinet ad inventorem. Verum leges volunt enim æqualiter dividi inter dominum fundi & inventorem, si consuetudo non exigat aliud. Si etiam Dominus territorialis ad thesaurum inventum habet jus, dividi debet in tres partes. *Fromageau.*

• **Nota.** Vide dicta ad *Cas.* 1. & 2.

**CASUS IV.** Intra fornecem cujusdam cellæ vinariæ reperitur thesaurus. Ad quem pertinet?

*y.* Jus commune vult thesaurum inventum in duas æquales partes dividi. Nihilominus quoad rem hanc insistendum est consuetudini locorum. *Fromageau.*

**Nota.**

NOTA. Si inventio necdum sit publicata & delata ad iudicem, vel hæredes, retineri possunt inventa, nisi probabilius, aut morali certitudine noscatur, abiconsa intra spatium temporis immemoralis pertinuisse ad personam, cujus supersunt hæredes. Vide *Inventa*.

## TITULUS CLERICALIS.

1. Hæc vox *Titulus* varios recipit sensus: sumitur quandoque pro Beneficio ecclesiastico, pro contractu aut alio actu contractui æquivalente, pro inscriptione alicujus operis; quandoque significat dignitatem, gradum, ac conditionem personæ &c. Denique sumitur pro *Titulo Clericali*, seu *Sacerdotali*, sub quo ordinare intelligitur titulus patrimonii; quo in sensu & nos hic sumimus.

2. Consistit *Titulus* in redditibus cujusdam Beneficii, aut in portione quadam bonorum patrimonialium, aut aliorum bonorum temporalium juxta acquisitionem. Beneficium quod habet locum *Tituli*, non potest resignari, nisi in quatuor casibus, ut ex sequentibus patebit.

3. Si *Titulus* consistat in bonis alterius speciei, in Gallia juxta edicta de eo certo & absque fraude constare debet coram iudice ordinario per quatuor incolas loci. Bona, in quibus fundatur ejusmodi titulus, non possunt abalienari, nec ullis sunt obnoxia obligationibus, aut hypotheecis à tempore, quo quis ad sacros Ordines fuerit promotus usque ad mortem ipsius. Episcopus, qui hac in re contra Edicta egreditur, tenetur illum sustentare, quem ad Ordines absque titulo admisit, usquedum ipsi de Beneficio providerit.

CASUS I. Antonius fuit ordinatus in subdiaconum ex titulo fraudulento: amicus enim ipsi contulit titulum; ipse autem amico in scripto promissit, se titulum nunquam extursum. An propterea incurrit aliquam pœnam canonicam?

3. Non videtur Antonium sic recipere potuisse subdiaconatum, quin suspensionem incurrisset. Authores vix non omnes hanc tenent sententiam, & inter eos etiam Navarrus Manual. c. 27. n. 158. fundaturque hæc responsio in jure antiquo, & in Concilio Tridentino Sess. 21. de reform. c. 2. *Patet*.

CASUS II. Anistius recepturus subdiaconatum producit titulum patrimonii, cujus annui redditus sunt 75. florenti; sed hic fundus ne quidem sufficit ad solvenda, patris defuncti debita, quæ ad minimum 2000. florenos conficiunt. An titulus iste illegitimus censendus est?

g. Si bona ista patrimonialia per modum hypothecæ sunt obligata creditoribus, titulus est fraudulentus & nullus; & Anistius suspensionem incurrit, si beneficio hujus tituli ordinari se faciat. *Pontas.*

CASUS. III. Asterius ordinatus in presbyterum sub titulo patrimonii præterdit, se posse ex sua diœcesi discedere, & in alia diœcesi suscipere munus Vicarii absque licentia sui Episcopi, nec se posse cogi ad deservendum in propria diœcesi, in qua non habet Beneficium. Justane est hæc præteritio?

g. Præteritio Asterii non potest defendi; nec potest sine consensu sui Episcopi à sua diœcesi in aliam transire ad obeundas sancti oras Vicarii. *Cum nullus debeat ordinari, inquit Concilium Tridentinum Sess. 23. de reform. c. 16. qui judicio sui Episcopi non sit utilis aut necessarius suis ecclesiis, sancta Synodus vestigia sexti canonis Concilii Chalcedonensis imitandis statuit, ut nullus in posterum ordinetur, qui illi ecclesie aut pro loco, pro cuius necessitate aut utilitate assumitur, non adscribatur, ubi suis jungatur numeribus, nec incertis vegetetur sedibus; qui si locum incongruo Episcopo deseruerit, ei Sacrorum exercitium interdatur.* *Pontas.*

NARA: In Germania Clerici passim ex una diœcesi transeunt in aliam, non requisito consensu Episcopi sui.

CASUS IV. Vitalis Acolytus obtinuit Prioratum per simoniam, in qua tamen nullam habuit partem, nec ullam ejusdem notitiam, nisi post aditam jam possessionem Beneficii. An poterit ordinari sub titulo hujus Beneficii, si nullum aliud titulum reperiat, non obstante interveniente simonia?

g. Verum quidem est, Vitalem non incurrisse poenas canonicas per hanc simoniam; non tamen potest ordinari sub hoc titulo, utpote absolute nullo. Potest autem facta prius pura ac simplici renuntiatione Beneficii sibi procurare novam provisionem, & dein ordinari. *Pontas.*

CASUS V. Balthazarus possidet præstimonium, cujus annui fructus sunt 100. floreni. An servit pro titulo?

g. Si præstimonium est perpetuum, ita ut possessori auferri non possit, rationem habet tituli, ad quem licite ordinatur Balthazarus. *Pontas.*

CASUS VI. Henicus Episcopus videt, Julianum Clericum tonsuratum, pium & doctum non habere titulum ad recipiendos sacros Ordines. Potestne ipsum nihilominus ordinare, si se obliget ad dandum ipsi in sua diœcesi aliquod officium sufficiens ad hoc, ut possit ipsi servire pro titulo?

3. *Potest*: sic enim statuit Concilium Mechlinense de anno 1570. c. 5. *De Ordinand.* Fagnanus insuper addit, quod, si Episcopus obligationi suæ defuerit, successor eandem adimplere teneatur. *Pontas.*

**CASUS VII.** Didymus Religiosus professus Ordinis S. Francisci vult ordinari in subdiaconum. Potestne Episcopus ipsum a mutare sine titulo?

3. Solus titulus Religionis sufficit, modo ille, qui petit sacros Ordines, habeat attestationem a suo Superiore, se esse Religiosum professum, & Religiosus talis ipse in presentia Episcopi contestetur, se sponte professionem emisisse, conformiter ad constitutionem Pii V. de anno 1568. Clerus gallicanus penulares ædiuper constitutiones edidit in Conventibus generalibus 1628. 1635. & 1645. vi quarum Episcopus ante admissionem Religiosi ad Ordines, obligare tenetur monasterium, ut ordinatum retineat ac servet, nec unquam dimittat, & si ille ex quocumque demum motivo discedat, ei de congrua sustentatione provideat. Quod si monasterium non habeat subsidia temporalia, spondere tenetur, se Religiosum non ejecturum absque consensu Episcopi. *Pontas.*

**CASUS VIII.** Benignus ordinatus ad titulum capellaniz simplicis, cujus redditus 150. floreni, nec habens aliunde sustentationem, eandem resignat in Curia Romana suo nepoti, ut ipsi serviat in titulum; nulla tamen facta mentione in procuratione ad resignandum, quod hoc Beneficium sibi met ipsi servierit in titulum. Potuitne absque peccato sic resignare? An hæc resignatio in foro interno est nulla?

3. Juxta Concilium Tridentinum Sess. 21. de reform. c. 2. Benignus non solum pessime egit resignando capellaniam; sed etiam resignatio est habenda pro nulla. Patitur tamen Decretum Concilii aliquam limitationem etiam in his provinciis, in quibus viget ejus observantia: 1. Quando resignatur Beneficium cum reservatione sufficientis pensionis. 2. Quando permutatur Beneficium cum æquali vel meliori. 3. Quando resignans possidet aliud Beneficium sufficiens ad sustentationem. 4. Quando resignans habet sufficientia bona temporalia ad congruam sustentationem. Observandum autem, hoc Decretum Concilii in Gallia non observari, quantum attinet ad nullitatem talis resignationis. *Pontas.*

**CASUS IX.** Achilles fuit ordinatus sub titulo patrimonii consistentis in redditibus annuis 50. florenorum, quos ipsi pater assignavit in fundo quodam. Pater post septem aut octo annos vendidit hunc fundum Briando, quin ipsi diceret, in eo titulum filii sui esse constitutum. Achilles noluit huic venditioni se opponere, ne patrem offenderet. Num peccavit Achilles.

Achilles permittendo alienationem tituli sui? An tuta conscientia potest compellere Briandum ad solvendam annuam pensionem 50. florenorum, immo etiam ad compensationem eorum, quæ a septem vel octo annis necdum soluta fuerunt, salvo ipsi recurſu in alia bona patris?

g. Achilles non peccavit; poteſtque a Briando exigere annuam ſolutionem 50. florenorum, & omnium reſiduorum, inquantum jus conſuetudinarum provincie non fuerit contrarium. *Pontas.*

CASUS X. Polybius viduus improlis vilens Joſephum Acolytum valde pauperem aſpirare ad ſacros Ordines. ipſi confert titulum 75. florenorum reddituum annuorum, & Joſephus ad ſubdiaconatum admiſſus eſt. Verum contracto poſtmodum matrimonio ac ſuſcepta prole Polybius revocat donationem. Poteſtne eam revocare tuta conscientia?

h. Verum eſt, ſuperveniente inſperato prole legitima donatorem poſſe revocare donationem factam, dum prole carebat; ſed, cum ſtatus clericalis ſit privilegiatus, & Eccleſia ſemper neceſſarium judicaverit, ut nemo admittatur ad illum ſtatum abſque titulo, iſte titulus nullo modo alienari poteſt. Hinc Polybius non poteſt revocare donationem factam Joſepho, nec illi propterea actionem intentare. *Pontas.*

CASUS XI. Urſinus homo plebejus degens in provincia, in qua exiguntur tributa perſonalia, ordinatus eſt in prebyterum ſuo titulo ipſi a patre aſſignato in quodam fundo nobili ferente annuos redditus 50. florenorum. Exactores tributorum exigunt ab Urſino tributum ex hoc fundo nobili; id ipſe recuſat, eoquod in hoc fundo habeat conſtitutum titulum, adeoque habendus ſit pro fundo eccleſiaſtico, ſaltem quamdiu viveret. An Urſinus tutus eſt in conscientia, ſi nil ſolvat?

i. Si Urſinus ita eſt diſpoſitus, ut velit ſolvere tributum, ſi exigatur, & certum fuerit, deberi tributum ex hoc fundo, tutus eſt in conscientia, etſi prima vice ſolutioni ſeſe oppoſuerit. *Pontas.*

## T O N S U R A.

1. Corona ſeu *Tonſura* eſt ſymbolum poteſtatis regie ſpiritualis, quam conſequuntur Clerici in ordine ad regimen aliorum fidelium. Primam ſuam originem tonſura repetita Nazaræis, fuitque inſtituta jam a tempore Apoſtolorum.

2. Per tonſuram quis fit Clericus; & quamvis non habeat rationem Ordinis, ſed ſimplicis duntaxat ceremonie ab Eccleſiâ,

Ecclesia instituta, est tamen dispositio, ac quasi janua ad Ordines. Nullum potest clericale ministerium exerceri, nullumque Beneficium possideri, nisi recepta prius tonsura. Nunquam admittitur Clericus ad petendum Beneficium, aut de eo litigandum, nisi prius in originali produxerit literas testimoniales de recepta tonsura.

3. Juxta jus antiquum annus ætatis septimus sufficiens vensebatur, ut quis prima tonsura posset initiari; sed moderno tempore communiter ætas profectior requiritur. Cæterum ut quis possit tonsura clericali initiari, necesse est, ut sciat legere, scribere, ac principales articulos fidei nostræ, & ut sit confirmatus. Concilium Rothomagense de anno 1582. requirit insuper, ut tonsurandus sit ex legitimo thoro natus. Proprius solum Episcopus potest diocæsano suo tonsuram conferre; & si quis eam consecutus fuisset ab alieno Episcopo, tenetur sibi Roma literas procurare, quæ dicuntur *perinde valere*. Iteratio denique tonsuræ non inducit irregularitatem.

**CASUS I.** Queriscus subdiaconus & Canonici nonquam deferat coronam clericalem, ac insuper gerit longiorem comam. An peccat mortaliter?

ꝑ. Sacri Canones obligant omnes in Ordinibus sacris constitutos ad deferendam coronam clericalem, & breviorem comam. Hinc dici potest, transgressores horum Canonum peccare mortaliter, si eorum inobedientia per notabile tempus duret. *Pontas.*

**CASUS II.** Mævius habens solum tonsuram sine ullo Beneficio querit, an teneatur recitare divinum Officium, aut sibi interdum assistere?

ꝑ. Ecclesia non obligat Clericos solum tonsuratos ad recitationem Breviaril, nec ad alias preces particulares, si nec Beneficium, nec pensionem clericalem habeant; certum tamen est, quod teneantur assistere Officiis ecclesiæ publicis, saltem diebus Dominicis & Festis. *Pontas.*

**CASUS III.** Theophanes cum afficeretur erga aliquem Prioratum sibi valde commodum, ut illum obtineat, recipit tonsuram absque ullo animo recipiendi Ordines. An commisit peccatum grave?

ꝑ. Quamvis non detur absoluta obligatio suscepta semel tonsura permanendi in statu clericali; peccat tamen graviter suscipiens tonsuram absque animo permanendi in statu clericali. Hinc Theophanes egit contra mentem Ecclesiæ, & tanta conscientia non potest retinere hunc Prioratum. *Pontas.*

**CASUS IV.** Mathurinus post secundas jam nuptias denuo in statum viduitatis redactus recipit tonsuram, quin declara-



rit irregularitatem ex bigamia contractam, animo tamen petendi dispensationem, antequam Ordines minores & Subdiaconatum recepturus esset. Potuitne sic recipere tonsuram, quin violarit leges Ecclesiæ?

¶. Supposito quod tonsura non sit numeranda inter Ordines, licet gravissimi Authores contrarium defendant, Mathurinus in præsentī casu non egit contra leges Ecclesiæ, etiam si irregularis fuerit: Irregularitas enim tantum importat inhabilitatem ad recipiendos & exercendos Ordines. Nihilominus pessime egit Mathurinus, dum de bigamia non monuit Episcopum, qui certe tonsuram ipsi non contulisset sine prævia dispensatione. *Pontas.*

CASUS V. Sothenes Patronus cujusdam Capellanix simplicis in diœcesi Ebroicensi, eandem obtulit Gerardo ex diœcesi Bajocensi oriundo, per decem jam annos commoranti in diœcesi Lexoviensi. A quonam horum trium Episcoporum Gerardus accipere debet tonsuram?

¶. Distinctio trium Episcoporum, scilicet originis, Beneficii, & domicilii solum respicit Ordines, & non tonsuram, de qua jus mentionem non facit. Hinc Gerardus non potest tonsuram accipere nisi ab Episcopo originis, nempe Bajocensi, cum adhuc considerandus sit tanquam simplex laicus, quoad hoc tantum Episcopo originis subjectus. *Pontas.*

CASUS VI. Raymundus natus in diœcesi Trecoriensi, ibique in casu necessitatis sine cæremoniis baptizatus a parocho, postea translatus est in diœcesin Venetensem, ubi suppletæ fuerunt cæremoniæ Baptismi, ipsique nomen Raymundi inditum. Post duodecim aut quindecim annos acceptis ab Episcopo Venetensi literis dimissorialibus tonsuram accepit ab Episcopo Rhedonensi. Jam, cum & Ordines suscipere cogitet, querit, an literas dimissoriales debeat petere ab Episcopo Venetensi, in cujus diœcesi fuerunt suppletæ cæremoniæ Baptismi, & ipsi nomen inditum; vel an teneatur recurrere ad Episcopum Trecoriensem, in cujus diœcesi natus est.

¶. Dantur duæ diversæ sententiæ quoad Episcopum originis: aliqui putant, illum esse Episcopum originis, in cujus diœcesi quis natus est, etiam si ibi non sit baptizatus; alii autem Episcopum originis esse censent, in cujus diœcesi quis baptizatus est, licet ibi natus non sit. Episcopus autem, in cujus diœcesi solum suppletæ sunt cæremoniæ Baptismi, & impositum nomen, non potest censeri proprius esse Episcopus; nec ullus Authorum id asserit. Hinc Raymundus non potuit tonsurari ab Episcopo Venetensi. Nihilominus, cum tonsura non sit Ordo, nonimus asserere, eam ab alieno Episcopo collatam esse abolute nullam, *Pontas.*

**CASUS VII.** Clericus quidam habet pensionem ex quodam Beneficio ; & tamen nec tonsuram defert, nec habitum clericalem.

7. Tuta conscientia non potest frui hac pensione ; & Episcopus habet jus eum per censuras compellendi , ut vivat clericaliter , aut renunciaret suæ pensioni *Fromageau.*

**CASUS VIII.** In quadam diocesi viget statutum , vti cuius nemo est admittendus ad tonsuram ante annum ætatis decimum quartum. Potestne Episcopus interdum agere contra hoc statutum ?

8. Absque causa legitima non potest illud transgredi. Nec spes, quam habet adolescens novem annorum ad aliquod Beneficium sibi oblatum, est sufficiens ratio, ut Episcopus contra hoc statutum ipsi conferre possit tonsuram. *Fromageau.*

Vide *Beneficium. Clericus. Ordo Cas. 18. & 19.*

## TRANSACTION.

1. *Transactio juxta Polmanum est Conventio onerosa, quæ res dubia & incerta componitur inter partes.* Transactio nunquam dirimit dissidii articulum, de quo transigentes non cogitarunt, sed illud solum, de quo inter partes expressis verbis conventum est, aut quod ex eo necessario consequitur.

2. Quando lis est cum duobus de eadem re, potest transigi cum alterutro, quin conventiones cum eo initæ possint prodesse alteri, quocum transactum non fuit.

3. Omnis transactio habet vim rei judicatæ, & rationem judicii eo firmitioris, quo contrahentes ultroneæ & majori cum libertate consenserunt. Licitum est, imo consuetum in transactione convenire de pœna in eum, qui exequi noluerit transactionem; eamque pœnam alter a transigente potest exigere.

4. Quævis transactio evadit nulla per fraudem, quæ ei dat causam. Jus acquisitum per testamentum semper subsistit, non obstante quavis transactione contraria cum hærede inita, quando hoc jus latebat tempore transactionis, & dein patuit per testamentum hætenus ignoratum. Aliud dicendum foret de transactione generali inita de omnibus prætensionibus ac juribus mutuis partium, & una pars contrahentium postmodum detegeret novum titulum sibi favorabilem.

5. Contrahenti alleganti, se fuisse læsum per transactionem, non datur actio in judicio ; quia sic lites in infinitum multiplicarentur.

6. Trans-

6. Transactio inita litis causa, quæ ignorabatur jam esse judicata, est nulla, si lis coram supremo Principe fuerit judicata. Verum si lis tantum judicata est à Judice subalterno, transactio suum sortitur effectum; à tali enim Judice datus appellatio prioris actionis judicialis suspensiva.

CASUS I. Tiburtius & Philibertus super diversis rebus litigantes, ut omnibus processibus simul finem facerent, transactionem generalem ineunt. Tiburtius præten dit, sibi a Philiberto deberi 1200. florenos, & Philibertus sese offert ad solvendos 1000. florenos. Tiburtius acceptat oblatum, & præstita solutione omnibus suis ulterioribus prætensionibus renunciat. Verum post sex menses Philibertus reperit apocham, qua agnoscit, se tantum amplius debuisse 600. florenos. Potestne Philibertus agere ad resolutionem transactionis; eoquod læsus fuerit?

¶. Transactio ista cum fuerit generalis, & fraus non intervenierit, Philibertus non potest agere ad rescissionem illius. Pro compensatione damni respicienda est terminatio litis, quæ fuisset ambigua. Pontas.

CASUS II. Frobertus & Natalls integro anno jam litigant de hæreditate inter se dividenda; tandem ambo litis pertæsi transigunt; sed post transactionem audiunt, jam ante biduum latam esse sententiam in favorem Froberti. An hic poterit rescindere transactionem, utpote sibi non ita favorem, ac est iente ta?

¶. Transactio post rem judicatam in scellis partibus inita valet, si sententia non fuit lata a supremo tribunali, a quo appellari non potest. Leg. *Et post rem.* 7. ff. Lib. 2. Tit. 15. Item Leg. *post rem.* 11. ibid. Et ex hoc principio præten sio Froberti decidenda est. Pontas.

CASUS III. Richardus Archidiaconus cujusdam ecclesiæ metropolitane, habens annexam suæ Dignitati præbendam obiit; & Mauritius ac Paulinus, unus provi sus in Curia Romana, alter ab Ordinario, litigant de successione in Dignitatem ac Beneficium Richardi. Re nondum judicata transigunt, ut Mauritius recipiat Archidiaconatum, & Paulinus præbendam; uterque etiam possessionem cepit non repugnante Capitulo. An hæc transactio est legitima?

¶. Certum est, eam esse nullam ac illegitimam; non enim est in potestate privatorum dismembrare Beneficia semel unita. Imo transactio ista est etiam simoniaca, & nec Mauritius, nec Paulinus possidere potest hæc Beneficia. Pontas.

CASUS IV. Nereus & Andreas litigantes de dependentia cujusdam feudi nobilis, tandem mirabiliter transigunt, ita, ut Andreas desistat a suis prætensionibus, Nereus autem teneatur

tur ipsi dare duos equos cursorios. Nereus habet quidem sex hujusmodi equos, quorum duos destinaverat Andreæ; sed illos omnes brevi post transactionem perierunt incendio. Teneturne emere alios duos ejusmodi equos, quos tradat Andreæ?

R. Si Nereus non fuit in mora solvendi eo tempore, quo contigit incendium, ad nihil tenetur Andreæ. *Leg. Si mihi. 92. ff. Lib. 46. Tit. 3.* Verum quia non est evidens, Nereum se tantum obligasse ad tradendos duos equos a se actu possessos; sed potius transgressisse videtur sub terminis generalibus, & promississe duos equos cursorios indiscriminatim sumptos, tenetur in conscientia emere duos alios equos, eosque tradere Andreæ.

## TRIBUTUM.

1. Per *Tributum* intelligitur *pensio imposita subditis ad Principis dignitatem impendiaque communia sustinenda*. Indubitatum est, jure a Principe subditis imponi tributum: cum enim status unus morale corpus efficiat, cujus membrum quisque privatus constituit, necessarium est, ut quisvis pro ratione facultatum suarum ad conservationem totius corporis contribuat, ejusque necessitatibus subveniat, quales sunt bellum pro patria, condigna sustentatio familie Principis, legationes necessariz ac utiles, salarium publicorum Officialium ac ministrorum patriæ, expunctio debitorum status, restauratio & conservatio pontium & viarum publicarum &c.

2. Tributum dividitur in personale & reale. *Personale* est, quod personis imponitur solvendum ex bonis mobilibus ac immobilibus, immo & industrialibus; vocaturque *Tributum capitis* seu *capitatio*. *Reale* est, quod imponitur fundis nulla habita ratione personarum.

3. Dantur & alia tributa, quæ exiguntur ex rebus mobilibus v. g. vino, sale, ligno, aliisque mercibus ac utensilibus, & vocantur *vestigalia* seu *pensio taxata super rebus in provinciam, civitatemque inveltis aut eveitis*.

4. Subditi tenentur Principi persolvere tributa: *Reddite ergo*, inquit Christus, *quæ sunt Cæsaris, Cæsari*. Et Apostolus: *Necessitate subditi estote, non solum propter iram, sed etiam propter conscientiam: ideo enim & tributa præstatis*. *Reddite ergo omnibus (Principibus) debita; cui tributum, tributum; cui vestigal, vestigal*. Datur ergo obligatio in conscientia Principi persolvendi tributa; eorumque defraudatio quandoque est peccatum mortale, diciturque in jure Romano *defraudati vestigalis crimen*.

5. Tributa ita debentur Principi, ut quibuscumque aliis debitis privatis, nisi speciali gaudeant privilegio, præferantur. Sunt, qui a persolutione tributorum ac vectigalium eximuntur v. g. ob dignitatem status, ut personæ ecclesiasticæ, aut ratione ministerii, quo funguntur, ut quidam Nobiles ac primarii Principis ministri aut legati extranei, ac demum ob peculiaria privilegia solis personis adhærentia, licet quandoque ex speciali Principis gratia etiam successoribus communicabilia. Merces quædam etiam ab onere vectigalium immunes existunt, ut v. g. libri. Cæterum hac in re ubique inspiciendæ sunt leges provinciales.

CASUS I. Humbertus & Arnaldus pauperes agricolæ, deputati ad taxationem tributî, Jacobum virum pagî sui præ cæteris ditiozem taxare non audebant juxta proportionem bonorum suorum; ex quo proinde major summa, ac oportebat, solvenda incubuit reliquis pagî incolis. Num peccarunt? Et posito quod peccaverint, an in conscientia tenentur reparare damnum Communitati illatum?

g. Juxta S. Beuve non solum peccarunt contra justitiam; sed & x, cum leges justam & æquam taxæ partitionem fieri velint, tenentur, & quidem quivis in solidum, Communitati læsæ restituere tantum x, quantum Jacobo remiserunt, si hoc non restituat. Pontas.

CASUS II. Gerardus ditissimus in sua parochia jam a quindecim annis solus cum consensu Communitatis singulis parochianis taxat quotam tributî integræ parochiæ impositi: in hac vero taxatione quosdam suorum consanguineorum & amicorum dimidia fere parte sublevat. Petrus & Paulus collectores tributî id tolerant, an coram Deo injustitiæ rei sunt, licet ejusdem complices non sint, & nec minimum exinde emolumentum capiant?

g. Cum taxatio quotæ ad solos collectores tributî spectet, & Petrus ac Paulus id a Gerardo fieri permiserint, participes esse reddiderunt omnium injustitiarum a Gerardo commissarum, ac si ipsimet easdem commisissent juxta regulam juris: *Qui facit per alium, periurum est, ac si faciat per se ipsum.* Hinc ad restitutionem quoque tenentur. Pontas.

CASUS III. Petrus cum Joanne & Ludovico collector tributî erat. Cum autem id pro anno sequenti taxandum esset, egestate coactus in aliam provinciam abiit, ut ibi lucraretur quotam tributî a se ipso persolvendam, & sustentationem familiæ suæ pro instante hyeme; constituit autem, qui loco sui collectoris partes expleret, virum probum ac justum, amicum suum, illique, ne quidquam contra justitiam ageret, expresse mandavit. Domum postea redux comperit, plures pauperes

nimum esse taxatos, & quosdam divites longe minores, ac par erat taxatione esse affectos. Verum cum amicus ille interea obisset, nescit jam, an particeps fuerit injustitiæ a Joanne & Ludovico commissæ. Hinc quærit, an teneatur ad aliquam restitutionem

g. Petrus ad nullam in hoc casu restitutionem tenetur; quia juxta S. Gregorium *rem, quæ culpa caret, in damnum vocari non convenit*. Ad hæc eo magis Petrus ab omni culpa excusari debet, quo urgentior erat causa absentiae suæ. Præsumere denique poterit, amicum, cuius probitatem noverat, juxta æquitatis ac justitiæ leges partes sibi demandatas explevisse. *Pontas.*

CASUS IV. In quodam pago a quindecim jam annis viget consuetudo, ut divites dimidio minus quam pauperes in persolutione tributi taxentur. Dionysius hæres unius ex collectoribus, qui ante decem annos obierat, quærit, an loco patris sui teneatur ad restitutionem.

g. Cum certum non sit, patrem Dionysii fuisse participem hujus injustitiæ, juxta regulam juris: *In obscuris minimum est sequendum*, Dionysius non potest obligari ad restitutionem. *Pontas.*

CASUS V. Maximinus advocatus valde dives; cujus omnes loci incolæ variis ex titulis debitores existunt, pro sua quota tributi solvit tantum decem florenos, cum tamen habita ratione honorum posset ac deberet centum florenos solvere; nec ullus ex communitate ob rationem allegatam ampliorem ipsi taxam imponere audet. Estne Maximinus securus in conscientia? An non tenetur coram Deo ultro majorem contribuere summam, illisque restituere, qui ob tenuem nimis ipsius tributum nimium hucusque fuerunt gravati?

g. In foro interno ad omnia tenetur: nisi enim substitisset dicta causa, collectores absque dubio taxam centum florenorum ipsi imposuissent, a qua imponenda solum metu absterrebantur. Juxta Sylvestrum de Priorio ii, qui occultant bona sua ad evitandam majorem taxam, quam solvere possent ac deberent, tenentur compensare damnum, quod alii exinde sustinent. Prorsus ergo excusari non potest dives, qui vix solvit decimam partem tributi pro ratione bonorum suorum secundum jus & fas alias præstandi, & cui taxa solum ideo alleviatur, ne pauperibus, supra quos eminet, malum inferat. *Pontas.*

CASUS VI. Sex Officiales judiciales in exigua quadam civitate collectores ac directores tributorum aliarumque exactio-  
um a duobus primis vel tribus annis aliam interunt  
rationem exactiones colligendi, ac prius vigerat  
enim

enim exactiones tributarie fiebant juxta numerum pecorum in dicta civitate valde copiosum; jam autem taxationes fiunt ex fundis. Hæc autem mutatio valde gravis accidit pauperibus incolis, qui haud multa possidebant pecora, plures tamen fundos; omnino autem proficua dictis Officialibus, qui plurima aiebant pecora, fundos autem numerabant paucos. An hæc mutatio fieri potuit absque injustitia? An non tenentur Officiales isti ad restitutionem?

¶. Si mutatio hæc facta est auctoritate legitima, & finis promovendi bonum communis, injuste non egerunt Officiales, nec ad compensationem damni obligari possunt; cum bonum communis semper preferendum sit bono privatorum. Si vero incolæ civitatis solum tacite connivendo eorum fidelitati ac æquitati reliquerunt taxationem tributorum, mutatio hæc juste fieri non potuit absque præscitu ac consensu communis; juxta regulam juris: *Quod omnes tangit, debet ab omnibus approbari*; prout & id statuerunt plures constitutiones Principum & supremorum tribunalium. Nihilominus, si Officiales etiam sine consilio civium hanc mutationem inierunt, agentes tamen bona fide solum bonum commune promovere intenderunt, non videtur eos obligandos esse ad faciendam læsis restitutionem; etsi per accidens proprium senserint commodum. Verum si mala fide egerunt, solum privato commodo suo intenti, a restitutione excusari non possunt. *Pontas.*

CASUS VII. Alexander magna apud Principem pollens gratia per Ministrum obtinuit diminutionem tributi pro parochia quoad jurisdictionem territorialem sibi subjecta, ita ut in posterum tantum 300. floreni exigenterentur, dum hucusque 600. floreni solvebantur. Deinde insinuat collectoribus, suam in impetratione hujus gratiæ intentionem fuisse alleviandi specialiter tributum suorum emphitevtarum. Itaque collectores cum consensu magnæ partis incolarum emphitevtis Alexandri solum imponunt taxam quindecim florenorum, cum servata proportionem facile quinquaginta solvere debulissent. An collectores sic volentes nomine communis exhibere gratitudinem Alexandro commiserunt injustitiam, ob quam teneantur ad restitutionem?

¶. Commiserunt injustitiam. Ratio est; quia intentio Principis aut Ministri non erat exhibendi favorem solum emphitevtis Alexandri, sed toti communitati, & maxime pauperibus loci; servata æqualitate justitiæ distributiæ. Et consequenter collectores tenentur ad restitutionem, nisi Alexander aut emphitevtæ ipsius restituant. Nec obstat, quod dicant, se non nisi in gratiæ signum ob impetratam a Principe

ripe gratiam leviolem Alexandri emphitevtis designasse taxam, & quidem cum consensu majoris partis incolarum : non enim sine vitio exhibetur gratitudo, quæ sine violatione legum iustitiæ exhiberi non potest, maxime si simul desit potestas & authoritas eam exhibendi, ut deerat in casu posito, in quo collectores non poteant hanc exhibere benevolentiam sine consensu unanimi totius communitatis, & maxime pauperum, qui præ aliis patiebantur. *Quod omnes tangit, debet ab omnibus approbari. Pontas.*

**CASUS VIII.** Ruffinus Francisco viro nobili in matrimonium dedit filiam suam, ei que simulatorie in dotem assignavit fundum annui redditus 1000 florenorum, receptis a Francisco litteris reversalibus, vi quarum tres tantum tertiæ partes horum reddituum filia in dotem deberentur, nempe 750 florenti, & reliqua pars 250. florenorum remaneret in dominio Ruffini, qui hac fundi usus est, ut sic se se eximeret a tributo ex quarta hac fundi parte solvendo. Tenetur incolis loci refarcire damnum? Aut in defectu ipsiusnum Franciscus & Notarius, qui subscripserunt litteras reversales, tenentur restituere?

¶ Cum Ruffinus maneat dominus quartæ partis fundi in speciem dotalis, nempe 250. florenorum, tenetur communitati ad restitutionem pro rata hujus partis : *Fraus enim & dolus juxta Innocentium III. C. Officii. 14. Lib. 3. Tit. 26. alicui patrocinari non debent.* Si Franciscus cum Ruffino colulit, & complex fraudis fuit, tenetur in defectu Ruffini restituere, sicut & Notarius, si & ipse bona fide non egit. *Pontas.*

**CASUS IX** In quadam conferentia Clericorum agitabatur questio : An Principes regio orti sanguine, quorum famuli domestici actuales ex speciali privilegio Regio exempti sunt a tributis, possint absque injustitia cuiquam conferre titulum famuli sui domestici, eumque sic eximere a tributo, licet nec salarium recipiat, nec ullum obeat servitium. An affirmativa, vel negativa sententia est tenenda?

¶ Indubitato negativa : peccarent enim contra justitiam Principes sic agendo, tum contra intentionem supremi Principis, tum in præjudicium aliorum. Privilegium exemptionis a tributis solum competit famulis Principum actuale servitium præstantibus, ac salarium recipientibus. Hinc ejusmodi famulus solum titularis non minus ac alii taxationi tributariæ subjicitur. *Pontas.*

**CASUS X.** Marcella ex redditibus annuis 175. florenorum baud exacte & fideliter perceptis valde magnam tributum quotam solvere debebat jam a quatuordecim annis. Hinc collectoribus tributum, incolis ac Syndico loci insinuat, se se



abituram in aliam parochiam ad filium suum parochum ibidem; ideoque se non amplius fore taxandam nisi pro hoc anno. Parochus filius spondebat incolis, se pro matre sua soluturum duodecim florenos, ea conditione, ut una cum aliis in eundem finem oblatis applicarentur, & mater in futurum a taxatione tributi eximeretur; id quod incolæ ob amorem ac gratitudinem erga parochum valde zelosum mox receperunt. Securine sunt in conscientia tam parochus quam mater ipsius, & incolæ loci?

¶. Dicendum, parochum nihil contra conscientiam suam egisse: egit enim bona fide & absque fraude. Pariter & parochiani egerunt licite ac laudabiliter. Et, cum Marcella incolis parochiæ, quam prius incoluerat, insinuarit suum discessum, tuta conscientia potuit sese eximere a taxatione. *Pontas.*

**CASUS XI.** Mauritius mercator negotiatur variis in locis intra & extra provinciam, ac sæpe defraudat vectigalia mercibus imposita, eas invehendo vel evehendo per vias insuetas, vel alio quovis modo decipiendo exactores, nec se peccare existimat; eo quod vectigalia sint immodica, & probati Auctores asserant, legem solvendi vectigalia esse tantum pœnalem, adeoque non obligare in conscientia, nisi post sententiam Judicis. An licite sic agit?

¶. Ut melius agnoscatur justitia vectigalium, notandum ex Cabassutio L. 6. Juris Can. Theor. c. 19. n. 2. quinque requiri conditiones, ut vectigalia sint legitima: 1. Vectigalia non possunt exigi nisi a supremo Domino in statu politico, sive præsit unus, sive plures. 2. Ut vectigal exigi possit, iusta legitimaque debet subesse causa; ita ut Princeps rationabiliter id non exigere non possit. 3. Exactio vectigalium major non esse debet, ac necessitas Principis & Status postulat. 4. Princeps vectigalia in pravos vel inutiles fines insumere non debet. 5. Vectigalia per longius temporis spatium, ac necessitas petit, exigi non debent. Hoc supposito dicendum, Mauritium absque peccato non potuisse per fraudem declinare vectigalia legitima a Principe imposita. Rationes allatæ nullius sunt roboris; quia non pertinet ad Mauritium aut alias personas privatas judicare de excessu vectigalium, cum non debeant, immo nec possint scire necessitates Status, pro quibus subditis imponuntur tributa. Quod attinet ad id, quod lex vectigalium sit tantum pœnalis, non obligans in conscientia ante sententiam judicis condemnantis, est opinio paucorum, jam pridem profligata a longe majori numero Doctorum; oppositumque omnino confor-

me principis Evangelii ac S. Pauli, & hinc unice tenendum.  
*Pontas.*

NOTA. Si evidens foret injustitia vestigalium, v.g. si manifeste ac palpabiliter repugnarent pactis reciprocis vicinorum Statuum, aut capitulationi juratæ cum Statibus provinciae initæ, aliud dicendum foret.

CASUS XII. Gilbertus secreto negotiationem falsæ exercet, quæ tamen sub pœna mortis, aut saltem triremium interdicta est. Peccatne mortaliter? Num & illi peccant, qui ab eo emunt?

¶ Peccat mortaliter; cum se per hoc commercium exponat periculo vitæ, aut saltem perdendæ libertatis. Non minus peccant ementes ab eo falsum; quia Gilberto peccandi occasum præbent. Addi potest, quod ejusmodi mercimonium exercentes frequenter negligant obligationes Christiani catholici, v.g. non audiendo missam diebus festis.  
*Pontas.*

NOTA. Etiam in hoc genere attendendæ sunt capitulationes Principum cum singulis provinciis initæ. Vide *cas. 11.*

CASUS XIII. Nobilis quidam jurisdictionem territorialem habens in pago redditus suos valde anget procurando emphiteutis suis minorem, ac præstare tenerentur, tributum taxationem. Num juste?

¶ Committit injustitiam, & tam ipsius emphiteutæ, quam collectores tributum tenentur cum ipso ad restitutionem. A parocho ipsis deneganda absolutio, nisi restituant, & in futurum ab ejusmodi injustitia desistere serio promittant. Nullus Superior dictum parochum cogere potest, ut eos contra propriam suam conscientiam absolvat. *De Lamet.*

## TUTOR.

1. Imperator Justinianus definit Tutelam his verbis: *Tutela est vis ac Potestas in capite libero ad tuendum eum, qui propter ætatem se defendere nequit, jure civili data, ac permixta.* Addit: *Tutores autem sunt, qui eam vim ac potestatem habent. Minorennis dicitur, qui necdum complevit annum ætatis vigesimum quintum, & nondum habilis ad regendum se ipsum, & ad administranda ac conservanda jura & bona sua indiget adminiculo tutoris aut curatoris juxta verba legis: Tutor non rebus dumtaxat; sed etiam moribus pupilli præponitur.*

2. Tutela per se ac naturaliter deferenda est consanguineo proximiori, si non obstant defectus eum excludentes ab hoc munere, aut rationes alleget legitimas eximentes eum ab hoc onere; quo in casu alius consanguineus aut affinis designandus est, aut in eorum defectu omnino exterus. In necessitate minorenni constitui possunt plures tutores. Pater est tutor natus suorum liberorum; & licet parentes nominare possint tutorem pro suis liberis minorennibus, potest tamen ex causis legitimis nominari alius.

3. Tutor a patre nominatus non tenetur præstare cautionem, quam tamen in majus emolumentum minorennis offerre potest; quo in casu omnibus aliis in tutela præferendus est.

4. Quilibet tutor confirmari debet a iudice domicilii minorennis, & post confirmationem deponere juramentum de fidei administratione bonorum ad minorennem pertinentium. Antequam huic administrationi se immisceat, autoritate iudicis conficiendum est inventarium: si tamen ante confectio-nem inventarii ex improvviso ingens negotium superveniret, tutor in bonum minorennis pro ratione exigentiae illud perficere possit.

5. Confecto inventario tutor diligenter conservare tenetur omnia jura, chartasque usui futuras pro re minorennis sui. Quod attinet fundos aliaque bona immobilia minorennis, ea post publicationem cum consensu consanguineorum elocanda sunt. Si autem non reperitur locatarius, tutor iis frui potest juxta conditiones ipsum inter & minorennis consanguineos stabilitas: & quia quandoque difficulter reperitur occasio utiliter disponendi de bonis ejusmodi, ordinarie de consilio & assensu consanguineorum tutori determinatur tempus, intra quod hæc bona in emolumentum minorennis convertenda sunt; vi legum tamen tutor nec per se ipsum nec per personas substitutas ea emere potest.

6. Circa pecunias pupillares nil gravioris momenti propria auctoritate moliri licet tutori; hinc nominandus a iudice certus numerus consanguineorum, aut iis deficientibus aliarum personarum, ex quarum consilio tutori agendum, ita ut absque prævia cum iis consultatione in favorem sui clientis nec intentare nec persequi litem possit.

7. Si bona non sufficiunt ad sustentationem minorennis, tutor non tenetur addere ex bonis suis propriis; hæc, si rem suam bene gessit, ipsi imputari possunt mali eventus, aut casus fortuiti.

8. Si minor habet plures tutores, qui communiter administrant bona ipsius, quilibet eorum in particulari obligatur  
mino-

minorenni in solidum; nec potest vi consuetudinis in variis provinciis receptæ minorennis adepta maiorenitate tutori suo condonare obligationem reddendæ rationis de sua administratione.

9. Bona tutoris a die, quo tutelam suscepit, minorenni sunt oppignorata; pront & omnia bona secundi mariti, si mater ad secundas nuptias transit, quin prius prolibus suis, quarum tutrix erat, tutorem nominandum curaverit, rationemque reddiderit, aut affectionem præstiterit de omnibus, quæ illi adhuc deberentur.

10. Quando tutor in eum statum redigitur, ut non sit solvendo, minor factus maiorennis non potest pro solutione convenire iudicem, qui tutorem nominavit; quia nominando illum solum confirmavit nominationem factam a consanguineis, & a nominato iuramentum recepit.

*NOTA.* Jus Romanum hac in re aliud decernit quam Gallicanum. Sic *Leg. Adversus*, 4. Cod. Lib. 5. Tit. 75. statuitur: *Adversus nominatorem tutoris vel curatoris minus idonei non ante perveniri potest, quam si bonis nominati, itaque fidejussorisejus, nec non collegarum, ad quorum periculum consortium administrationis spectat, excussis, non sit indemnitas pupilli, vel ad illi satisfactum.*

11. In obligationes defuncti tutoris succedit hæres illius; & si hæres iste gerendæ tutelæ capax est, ad eam obligatur quoad omnia, quæ ad ipsius notitiam pervenerunt, usque dum novus constituatur tutor; immo si ultro in tutelam gerendam sese immiscuit, eadem ipsi incumbit cura, quæ incumbebat defuncto tutori.

12. Tutor hypothecam habet in bonis minorennis, si hic tutori suo obligatur; immo hypotheca hæc est privilegiata & præferenda aliis hypothecis quoad ea, quæ tutor ex propriis pecuniis expendit ad conservanda vel recuperanda bona minorennis.

13. Tutela finitur adepta maiorenitate: hoc tamen non obstante tutor continuare tenetur curam suam pro rebus minorennis facti maiorennis, si eam deponere non potest sine detrimento illius. Eadem adhuc ipsi cura incumbit pro hærede minorennis defuncti. Finitur quoque tutela per mortem civilem tutoris ac minorennis; in hoc tamen posteriore casu tutor tenetur prosequi tutelam in favorem eorum, quibus administrationis tutelaræ reddenda ratio est. Denique tutela finitur per depositionem judicalem tutoris, quæ fieri potest ob prævaricationem, malam fidem, aut supinam ejusdem negligentiam.

14. *Fœmina non potest esse tutrix nisi suarum prolium.* Avia quoque potest esse tutrix nepotum suorum; tutela potest etiam relinqui secundo marito. Surdi, cæci, muti, paralytici, alique gravi infirmitate laborantes ab onere gerendæ tutelæ sunt exempti. Minorennis nunquam potest nominari in tutorem. Vir septuagesimum ætatis annum jam egressus potest recusare tutelam, si forte ad eam vocaretur; non tamen eam potest dimittere, si ætatem hanc durante tutela complevit. Si tamen quis jam numerat 68. aut 69. ætatis annos, & quatuor liberos, æquitas videtur exproscere, ut iudex a tutela eum liberet.

15. Qui habent quinque liberos legitimos adhuc viventes, a gerenda tutela eximuntur: inter ejusmodi liberos computantur quoque liberi filiorum & filiarum jam defunctorum, ita tamen, ut plures liberi ejusmodi filii vel filiæ habeantur tantum pro uno; non attenduntur autem in hoc casu liberi, qui post acceptationem tutelæ nascuntur.

16. Qui jam habet tres tutelæ distinctæ administratione gerendas, non potest cogi ad acceptandam quartam; immo si unius tutelæ administratio jam satis est onerosa, tutor potest recusare secundam.

17. Quando inter patrem minorennis & nominandum tutorem viguit inimicitia, eaque perduravit usque ad mortem patris, tutela illi committenda non est: generaliter enim loquendo æquitas naturalis exigit, ut tutor foveat internam affectionem erga minorennem, quod in hisce circumstantiis sperandum non est. Et hinc prudentia exigit, ut iudex non confirmet tutorem, qui videtur male affectus erga minorem, ejusque familiam; cum sic nec minorennis ullam sit habiturus confidentiam erga tutorem ejusmodi.

18. Qui per privilegium Principis sunt exempti a tutela gerenda, possunt eam recusare; sed ejusmodi privilegium non agit retro, & primum post nominationem obtentum non efficit, ut tutor tutelam semel susceptam possit dimittere.

19. Clerici in majoribus constituti non possunt cogi ad acceptandam tutelam aut curatelam: licet tamen iis acceptare tutelam in pupillos consanguineorum suorum.

20. Et si quis in tutorem nominatus appellet a sua nominatione ad judicem superiorem, tenetur tamen interea provisionaliter gerere tutelam, ne minorennis necessario ullo unquam tempore destituatur auxilio.

21. Dum quis semel accepit tutelam, non potest petere dimissionem ab ea propter causam jam prius existentem.

non tamen allegatam; si autem post acceptationem tutelæ nova superveniat causa, dimissionem petere potest.

**CASUS I.** Theotimus tutor Honorati tribus annis nati confecto inventario omnium rerum ad pupillum pertinentium, tapetes triginta ulnis consistentes, vestemque ex panno Anglico confectam, inclusit cistæ; inde factum, ut intra annum non minus tapetes quam vestis a vermibus notabiliter corrumpentur. Teneturne pupillo refarcire damnum?

**ꝑ.** Theotimus absque dilatione debuisset vendere omne id, quod pupillo non fructificare poterat, sed potius lapsu temporis corruptioni erat obnoxium. Hinc tenetur ad reparandum damnum pupillo illatum. *Si tutor cessaverit in distraktionem earum rerum, quæ tempore depereunt, suum periculum facit*, ait *Lex Tutor. 7. ff. Lib. 26. Tit. 7. debuit enim confestim officio suo fungi . . . non quidem præcipiti festinatione, sed nec moratoris cunctatione. Pontas.*

**CASUS II.** Hortensius tutor Eugenii quindecim annos nati, annuosque redditus 3000. florenorum possidentis, quotannis pro sustentatione pupilli sui aliisque tutelæ obligationibus impendit 1500. florenos. Eugenius factus majorennis admittaratur tutelæ rationem exposcit, quam & Hortensius deponit, ac deductis expensis in sustentationem Eugenii residuam perceptorum summam ipsi tradit. Eugenius summa non contentus annum insuper ex ea censum exigit, & propterea tutorem in iudicio convenit. Potestne tura conscientia a tutore censum percipere, si hic singulis annis per decennium suæ tutelæ 1500. florenos reposuit, quia hanc pecuniam in proprium suum lucrum converteret?

**ꝑ. 1.** Tutor regulariter loquendo tenetur pecunias pupillares provenientes ex venditione mobilium, & debitis activis, ex reversionibus &c. convertere in fundum ad comparanda v. g. prædia vel alia bona immobilia, sicque augere redditus annuos sui pupilli: ait enim *Lex Tutor. 7 § 3. ff. Lib. 26. Tit. 7. Si post depositionem pecuniæ comparare prædia tutores neglexerunt, incipient in usuras conveniri.* Dicitur, regulariter loquendo; quia si tutor non obstante omni adhibita diligentia utilem occasionem sic fructificandi pupillo suo non repererit, extra culpam est. **2** Hæc obligatio tutoris primum incipit a die perceptæ pecuniæ, sufficiensque ipsi tempus assignatur, ut eam possit convertere in utilitatem pupilli. Sic pariter certum tempus constituitur, quo parsimonia in fundum collocari debeant. Ex his eruitur, Hortensium egisse contra obligationem suam, dum per decennium tutelæ suæ perceptos singulis annis 1500. florenos asservavit, sufficientemque eos in utilitatem pupilli sui convertendi diligentiam non adhibuit. Hinc iuste a iudice con-

condemnari potest ad solvendum pupillo annum censum ex summa reposita; pupillusque tuta conscientia hunc censum recipere potest. *Pontas.*

CASUS III. Aristarchus tutor Ambrosii, cum non reperiret aliud medium 1000. florenos pertinentes ad pupillum suum utiliter elocandi, eos de anno in annum convertit in simplex mutuum, censumque ex his percepit usurarium in bonum pupilli. Teneturne ad restitutionem mutuatario ex bonis propriis?

¶ Si Aristarchus in casu proposito egit mala fide & sciens, hunc usum pecuniarum pupillarium esse peccaminosum, tenetur ex bonis propriis mutuatario restituere. Si autem egit bona fide, non tenetur ad hanc restitutionem: attendendum tamen est, an non sit factus ditior. *Pontas.*

CASUS IV. Salvina vidua tutrix suorum liberorum in manibus suis habet 3000. florenos ex bonis paternis ad eos pertinentes: hanc summam mutuum dat cuidam nummulario, & quotannis ex ea percipit censum 150. florenorum pro bono prolium suarum; nec male se agere existimat, cum ex consuetudine loci in similibus sic agi soleat. Post quatuor annos transit ad secundas nuptias cum Lamberto mercatore, qui tanquam dominus bonorum communium pergit bona fide eundem censum recipere a nummulario, animo ipsam summam principalem repetendi ab eo, eamque suo applicandi commercio; id tamen assequi non potuit: nec in judicio nummularium compellere voluit, ut litem evitaret. Teneturne Salvina in conscientia restituere nummulario hos census usurarios? Num ad id tenetur Lambertus, aut in defectu eorum ipsi pupilli?

¶ Bona fides tam Salvinam ac Lambertum, quam ipsos pupillos eximit ab obligatione restituendi. *Pontas.*

CASUS V. Cassander tutor Jeremiæ ex culpa levi permittit perire vineam pupilli sui. Teneturne in conscientia ad compensationem damni?

¶ Tenetur juxta regulam juris 23. ff. Lib. 50. Tit. 17. quæ ait: *Contractus quidam dolum malum duntaxat recipiunt; quidam & dolum & culpam. Dolum & culpam tutelæ, negotia gesta; in his quidem & diligentiam.* Et certe tutor tenetur in conscientia eam adhibere diligentiam in administratione rerum pupilli sui, quam prudens ac sollicitus paterfamilias adhibet pro bono propriæ prolis; quod Cassander neglexit. *Pontas.*

NOTA. In foro interno non tenetur ad culpam levem, nisi tutelæ se ultro ingesserit: quia non convenit æquitati naturali, ut cuiquam imponatur sine mercede munus tantis curis & periculis obnoxium: culpæ enim leves sunt difficulter evitabiles, admittunt facilem accusationem, difficilem defensionem.

CASUS

**CASUS VI.** *Avircius* intulit suo pupillo *damnum ex culpa levissima*. Teneturne illud reparare?

*q.* Si non expresse convenit cum pupillo de præstanda etiam culpa levissima, non tenetur ad reparationem damni hujus; quia leges tutorem solum obligant ad præstandam culpam levem, nulli autem ad levissimam. Si dicitur *Leg. Quidquid. 7. Cod. Lib. 5. Tit. 51. Quidquid tutoris dolo, vel lata culpa, aut levi, seu curatoris, minores amiserint, vel, cum possent, non adquisierint; hoc in tutelâ seu negotiorum gestorum utilè judicium venire, non est incerti juris. Pontas.*

**CASUS VII.** *Symmachus & Faustinus* nominati fuerant tutores *Cyrilli* per testamentum patris defuncti, accedente etiam ad petitionem consanguineorum minorennis confirmatione judicis. Conveniunt autem ambo, ut oblati ab altero 150. florenis *Faustinus* solus tutelam in se susceperet. Quo facto *Faustinus* intra duos annos & sua, & bona pupilli penitus dilapidavit. *Cyrillus* factus majorennis præten- dit, *Symmachum* in solidum teneri cum *Faustino*, ad reddendam de administratione rationem, reparandumque integrum *damnum*. Num justa hæc præten- sio?

*q.* Si onus tutelæ & administratio bonorum pupilli fuit communis utrique, quin administratio distincta cuilibet fuerit assignata, *Symmachus* tenetur ad reparandum integrum *damnum* a *Faustino* pupillo illatum. *Leg. Si plures, 38. ff. L. b. 26. Tit. 7.* Si autem *Faustinus* in susceptione tutelæ cautionem præstitisset, *Cyrillus* non posset convenire *Symmachum*, nisi convento prius fidejussore. *Leg. In omnibus. 1. §. 15. ff. Lib. 27. Tit. 3. Pontas.*

**CASUS VIII.** *Aventinus* tutor, ut se liberaret ab onere tutelæ, emit *Officium*, cui annexum est privilegium exemptionis a munere tutelæ. An poterit hac via se eximere?

*q.* Non poterit. Ratio est; quia intentio Principis concedentis hoc privilegium non est eximendi eos, qui jam actu susceperunt tutelam, sed eos solum, quibus necdum onus incumbit; ita ut inviti non possint compelli ad suscipiendam tutelam: id quod apprime conforme est juri Romano, quod *Leg. Tutor. 28. ff. Lib. 27. Tit. 1.* ita statuit: *Tutor petitus ante decretum, si aliquod privilegium querit, recte petitionem instigantem excludere non poterit. Pontas.*

**CASUS IX.** *Leontius* constitutus *Alphonfi* tutor, cum recusaret tutelam, & judex ejus excusationem non admitteret, provocavit ad judicem superiorem, & post tres menses per sententiam fuit liberatus a tutela. Pendente autem appellatione, cum *Leontius* non gereret tutelam pupillus passus est *damnum* 150. florenorum. Teneturne *Leontius* ad compensandum pupillo *damnum*?

*q. Te-*



7. Tenetur: semper enim censetur esse tutor Alphonfi, donec per sententiam a tutela absolvatur; hæcque responsio consentanea est non solum æquitati naturæ, quæ exigit, ut incessanter suscipiatur cura pupilli tam quod personam quam bona ipsius, sed & juri Romano Leg. *Si is*, 31. ff. Lib. 27. Tit. 1. dicenti: *Ipso jure tutor est, Et antequam excusetur.* Pontas.

CASUS X. Elpidius filiusfamilias viginti quinque annos jam egressus, attamen adhuc constitutus sub potestate patris, nominatus fuit in tutorem Florentii, quem ex sacro fonte susceperat. Cum Elpidius tam sua quam pupilli bona dilapidasset, ac consequenter Florentio illarum damnum compensare non posset, hic majorennis factus convenit patrem Elpidii. Num jure?

8. Si pater Elpidii nil aliud præstitit quam præcise suum consensum in nominationem filii in tutorem, quin se immiscuerit ipsi administrationi, non tenetur damnum compensare Florentio. *Nec multum*, ait Lex *Lucius*, 21. ff. Lib. 6. Tit. 7. *videri in hoc casu facere patris scientiam Et consensum ad obligandum eum in solidum.* Lege autem *Si filiusfamilias*, 7. ff. Lib. 26. Tit. 1. sic habetur: *Si quidem pater tutelam agnovit, in solidum debet teneri.... Agnovisse autem videtur, sive gessit, sive gerenti filio consensit, sive omnino attigit tutelam.* Pontas.

CASUS XI. Pelagius per testamentum fuit nominatus tutor Joannis ab ejus patre ea conditione, ut, quidquid ageret cum consilio matris, non teneretur de ea re dare rationem. Itaque cum consensu matris movit injustam litem, quam perdidit. Joannes factus majorennis recusat suo tutori refundere expensas litis. Num jure?

9. Joannes non tenetur ad compensationem expensarum suo tutori; non enim justum est, ut pupillus ferat culpam tutoris. Neque Pelagio patrocinator clausula testamento apposita; quia intentio testatoris tantum ferebatur ad casum, quo tutor sequeretur consilium matris utile. Pontas.

NOTA. Solum inausus litis exitus non probat culpam ex parte tutoris pro foro interno. Hinc judicio virorum prudentum indifferentium deferendum est, an Pelagius habendus sit pro tamerario litigante.

CASUS XII. Hannibal in suo testamento nominavit filio suo unigenito Theoderico tutorem Tiburtium proximum consanguineum, & virum probum. Sed post ejus mortem quinque aut sex consanguinei constituerunt pupillo huic alium tutorem. Num tuta conscientia?

§. Interveniente causa legitima possunt constituere alium tutorem, observatis tamen iis, quæ a consuetudine, & jure præferibuntur, v. g. nominatione aut confirmatione judicis. Pontas.

**CASUS XIII.** Cum deliberaretur de assumendo Gratiano in tutorem, multis ejus paupertatem allegantibus, Godefridus scripto certum reddidit, illum esse solvendo, & ob hoc testimonium in tutorem electus est. Si Gratianus dissipet bona pupilli, ac postmodum reperiatur, eum non esse solvendo, an pro compensatione damni poterit a pupillo conveniri Godefridus?

§. Juxta legem *Cum ostendimus*, 4. §. 3. ff. Lib. 27. Tit. 7. potest conveniri Godefridus; hicque tenetur pupillo reparare damnum. *Eadem causa videtur affirmatorium*, ait hæc lex, qui scilicet, cum idoneos esse tutores affirmaverint, fidejussorum vicem sustineant. Pontas.

**NOTA.** Hæc iterum procedunt pro foro externo, in quo disponitur per præsumptiones circa culpam præteritam, & in futurum ad aliorum cautelam.

**CASUS XIV.** Arnulphus tutor Alexandri, cujus annui redditus ex legato amici sunt 1000. floreni, ex his durante tutela partem applicuit pro sustentatione fratris ac sororis Alexandri nulla alia bona habentium. Alexander factus majorennis improbat hanc administrationem, & petit a tutore compensationem. Num tuta id conscientia petit?

§. Injuste petit Alexander a tutore compensationem: leges enim volunt, ut tutor ex bonis pupilli aliat etiam matrem, sororem, adeoque & fratrem ejus, si aliunde non habeant congruam sustentationem. Sic dicitur Leg. Tutor 13. §. 2. Lib. 26. Tit. 7. *Aliud est, si matri forte aut sorori pupilli tutor ea, quæ ad victum necessaria sunt, præstiterit: cum jemet ipsa sustinere non possit: nam ratum id habendum est: Consultius tamen fuerit, si desuper a tutore requiratur mandatum judicis.* Pontas.

**CASUS XV.** Titius tutor suo pupillo Andronico ad expunctionem debitorum mutuos dedit 1200. florenos. Postmodum Andronicus factus majorennis mutuos accepit a Mævio 3000. florenos, eique hypothecam constituit in unico fundo suo. Lapsu temporis Mævius obtinet excussionem bonorum Andronici, & Titius præten dit, sibi prius deberi solutionem. Cuinam horum prius solvendum mutuum?

§. Sicut minorennis habet naturalem hypothecam in bonis sui tutoris, sic etiam tutor habet naturalem ac tacitam hypothecam in bonis pupilli sui: hoc casu mutua sunt actiones, in-

Inquit Imperator Infit, Lib. 3. Tit. 28. §. 2. Hinc Andronicus non potuit Mævio constituere hypothecam in fundo suo in præjudicium Titii, cui prius debetur solatio. *Pontas.*

**CASUS XVI.** Domicius suo filio unico Vincentio per testamentum constituit tutorem Theophilum addita clausula, ut non teneretur suæ administrationis reddere rationem. Theophilus etiam a Judice fuit confirmatus, & gessit tutelam, usquedum Vincentius majorenitatem attingit. An nihilominus Theophilus poterit cogi a Vincentio ad deponendam rationem?

ꝑ. Obligatio reddendi rationem in tutore est absolute indispensabilis, non obstante deobligatione per testamentum facta. *Leg. Ita 5. §. 7. ff. Lib. 26. Tit. 7.* Hinc Vincentius absque injustitia, etiam judicialiter, cogere potest tutorem ad deponendam rationem. Imo etsi pupillus factus majorennis transegisset cum tutore ratione administrationis, eique absque depositione rationis dedisset apocham bene gestæ tutelæ, totum inutile foret tutori. *Pontas.*

**CASUS XVII.** Gennadius tutor Amandi cum consensu omnium consanguineorum sui pupilli processum instituit pro adjudicanda pupillo hæreditate 1000. florenorum, quæ injuste ipsi denegabatur. Durante lite moritur Gennadius, & consanguinei per sex menses non constituerunt Amando alium tutorem. Interea pars adversa sibi adjudicari fecit hæreditatem, quin hæredes Gennadii aut consanguinei Amandi pro bono ipsius solliciti fuerint, etsi facile potuissent. Amandus factus majorennis convenit hæredes sui tutoris Gennadii, petitque ab eis compensationem damni. Num jure?

ꝑ. Cum hæredes Gennadii facile potuerint defendere Amandum suo tutore spoliatum, ejusque curam gerere, & negotium fuerit urgens ac gravis momenti, ipsorum obligatio fuisset bono pupilli invigilare, usque dum novus eidem tutor constitueretur; hinc tenentur ipsi compensare damnum. *Leg. Quamvis. 1. ff. Lib. 27. Tit. 7.* Si ageretur de aliis negotiis quibusvis, quorum tractatio, etsi ex mera negligentia, necdum fuit inchoata ab ipso tutore, juxta legem *Cum ostendimus. 4. §. 1. ibid.* hæredes tutoris ad nihil tenerentur pupillo vel minorenni. De cætero quoad rem hanc inspiciendæ sunt leges ac consuetudines peculiares cujuslibet provinciæ, quibus valor constat etiam pro foro interno. *Pontas.*

## VANA GLORIA.

1. Humana gloria pertinet inter bona temporalia, ejusque desiderium non est ex sua natura peccaminosum juxta D. Thomam, dummodo ea appetatur ex actione bona ad bonum finem. Sic quandoque necesse est, ut bona opera nostra, quæ peragimus, innotescant proximo ad ejusdem ædificationem & stimulum similia peragendi.

2. Verum si gloria, quam quis appetit, est *vana*, absque ulteriori ordinatione vel ordinabilitate ad majorem Dei gloriam, & in ea vana foveatur complacentia, semper est peccatum, & quidem pro ratione circumstantiarum vel mortale vel veniale.

3. Juxta D. Thomam vana gloria, quæ consistit in inordinato appetitu famæ, laudis & honoris, etsi non semper sit peccatum mortale, numeratur tamen inter peccata capitalia, cum sit mater plurium aliorum peccatorum, quæ juxta S. Gregorium M. sunt *inobedientiæ, jactantiæ, hypocrisis, contentiones, pertinaciæ, discordiæ, & novitatum præsumptiones*.

CASUS I. Valerianus nobilis gloriæ ac laudis humanæ valde cupidus monetur a Confessario, quod peccet in hoc: ipse vero reponit, desideria sua nec obesse iis, quæ Deo deberet, nec in ullum vergere præjudicium proximo.

ꝫ. Si gloria, quam appetit, re ipsa vana est, absque peccato esse haud potest. Est autem vana, dum quæritur ex re nihili aut indigna, dum unice quæritur laus & approbatio hominum, & denique dum appetitus gloriæ non refertur in debitum finem, scilicet ad honorem Dei & salutem proximi. Si Valerianus saltem utro ex his modis gloriam appetit, a peccato excusari non potest graviori vel leviori, pro ratione nimirum majoris vel minoris deordinationis appetitus. Ita docet S. Thomas. *Pontas.*

CASUS II. Valerianus fatetur, se dictis tribus modis gloriam hominum appetere; sed non nisi venialiter se peccare existimat.

ꝫ. Peccat mortaliter, si gloriæ cupiditas adversetur amorī Deo debito, si videlicet glorietur de re graviter illicita aut vergente ad gravem diminutionem honoris & reverentiæ erga Deum; aut si bona opera sua referat & ordinet ad laudem humanam tanquam ad ultimum finem suum; & propterea non dubitet transgredi mandata Dei, modo vanam aucupetur gloriam. Sic quoad præsentem materiam ratiocinatur D. Thomas; qui tamen postea concludit, vanam gloriam solum esse peccatum veniale, quando non extinguit amorem Deo debitum. *Pontas.*

## V E N A T I O.

1. Etsi videatur *venatio* jure naturali non esse prohibita; Principes tamen sibi semper afferuerunt jus de ea disponendi respectu variarum circumstantiarum, quæ eam comitantur, & sequelarum, quæ exinde oriri possunt. Et hinc plerumque omnibus nobilitate destitutis; fenda, ditionem, aut jurisdictionem non habentibus interdicta est venatio sub certis pœnis.

2. Domini territoriales, ac nobiles habent jus venandi in suis feudis, ac ditionibus, modo uno milliari distent a locis, ubi Princeps venatione oblectari se solet.

3. Primaria ac principalis ratio variarum prohibitionum circa venationem est, ne subditi ruri degentes se totos venationi mancipient; secundaria, ut per privilegium venandi sua nobilibus in patriam merita, ac servitia compensentur. Omnibus tamen indiscriminatim certis anni temporibus venatio interdicitur, ut sic frugibus terræ parcatur.

4. Venatio universim interdicta est Clericis; & si quis horum ratione domini aut ditionis suæ habeat jus venandi, non potest illud per semetipsum ac personaliter exercere, quin peccet contra canones Ecclesiæ.

CASUS I. Capitulum ecclesiæ Ratisbonensis amplam possidet ditionem cum jure venandi. Maximilianus nobilis, illius ecclesiæ Canonicus quærit, an non liceat sibi venari in hoc districtu.

¶. Non potest ibi venari personaliter, sed solum per laicos, idque tantum cum consensu capituli. *Pontas.*

NOTA. Author Gallus sic loquitur in Gallia, ubi sacri canones adhuc vigent, & populus scandalizaretur, si videret venatorem Canonicum.

CASUS II. Stephanus Clericus commorans apud patrem suum, parochialis territorii dominum, quandoque cum eo ex complacentia pergit ad venationem leporum & perdicum.

¶. Non potest absque peccato hanc patri exhibere complacentiam. *Pontas.*

NOTA. Quilibet, præsertim Clericus, tenetur saltem sub veniali collaborare verbo & exemplo pro reductione honestatis clericalis exemplaris. DIXI *solum*; contemptus enim habitualis honestatis clericalis invariabilis per Ecclesiam declarata peccatum mortale est in his, qui non excusantur ignorantia invincibili.

CASUS III. Duo agricolæ ejusdam parochiæ sæpe venantur, frustra id ipis prohibente domino loci.

✱ Peccant, & quandoque etiam graviter. Verum non obligantur ad restituendam domum loci feram, quam occiderunt: excipienda tamen sunt illi, qui occidunt cuniculos Dominiorum habentium jus leporarii, aut qui capiunt columbas, aut piscantur in stagnis. *Pontas.*

CASUS IV. Vitalianus nobilis in districtu ditionis cujusdam commorans sæpe venatur, non obitante, quod dominus supremam ibi jurisdictionem habens se opponat.

✱ Si Vitalianus habet feudum, licet ipsi venari in toto districtu feudi sui. Si autem non habet feudum, absque injuria venari non potest. *Pontas.*

CASUS V. Ethymus dominus territorialis in aliqua parochia magnam sæpe diei partem diebus dominicis ac festis impendit venationi, audita tamen prius missa privata.

✱ Violat præceptum sanctificandi dies dominicos & festos, & committit peccatum valde grave, nisi semet saltem per mensem assistat missæ parochiali; quamvis pro certo non animi dæmonio, peccatum hoc esse mortale, saltem nisi sit conjunctum cum formali contemptu præcepti, aut hæc agendi ratio causet grave scandalum. *Pontas.*

CASUS VI. Fernandus dominus territorialis amplæ cujusdam parochiæ tam immodice deditus est venationi, ut fere omnibus diebus ferialibus per totum annum egrediatur ad venandum.

✱ Omnis excessus in quibuscunque oblectationibus est vitiosus; & Fernandus peccat graviter, si venetur per agros semine conspersos, aut in vineis tempore prohibito.

NOTA. Ejusmodi damnificatio, si uno actu aut iteratione actuum inferat damnum respectivo grave, referenda est ad genus peccatorum mortalium, & obligat ad restitutionem.

CASUS VII. Joannes Abbas regularis cum commotione corporis indigeret, bis aut ter per septimanam venatum it; quin tamen ullum ex eo oritur scandalum.

✱ Canones interdiciunt omnibus Clericis tam sæcularibus quam regularibus venationem cum canibus & avibus. Licet tamen quandoque venari absque canibus & avibus, dum id ad sanitatem necessarium est; dummodo raro fiat, & sine scandalo. Nihilominus melius foret, si sanitati consuleretur per aliam exercitationem corporis. *De Lamet.*

V E N D I T I O.

1. *Venditio* est contractus, quo venditor cedit emptori dominium rei pro stipulata summa pecuniae: *sine pretio enim nulla est venditio*. Completur venditio per solum consensum mutuum contrahentium, etsi pretium nondum sit solutum, nec res vendita emptori tradita. Consensus iste inter praesentes praestatur vel viva voce, vel scripto; inter absentes vero per litteras, vel per procurationem: & tunc revocari non amplius potest consensus, nisi & altera pars assentiatur.

2. Omne, quod sub commercium venit, & natura sua pretio pecuniario aestimabile est, potest vendi, modo leges Ecclesiae aut Principis non obstant. Sic vendi possunt 1. Bona mobilia & immobilia, aethere res corporeae. 2. Debita activa, servitutes activae, omniaque jura in corporea. 3. Res futurae, ut fructus ex fundo percipiendi, aut animalia ex grege nascitura. 4. Ipsa spes rei incertae vendi potest, ut pices ex jactu retium capiendi, vel praeda ex venatione obtinenda.

3. Venditio rerum, quae numerantur, mensurantur, aut ponderantur, si minutatim vendantur, non perficitur, nisi completa numeratione, mensuratione ac ponderatione; suspensaque interea manet venditio.

4. Generaliter loquendo quaecvis pars aut accessorium rei venditae censetur vendita cum ipsa re, nisi expresse aliud fuerit stipulatum in contractu. Nihilominus dantur quaedam accessoria, quae non ingrediuntur contractum venditionis, ut apparatus equi sine omni apparatu venalis expositi.

5. Contractus venditionis triplicem complectitur obligationem. Prima est, quam ipsis imponunt contrahentes, consistitque in pactis, conditionibus, clausulis &c. in contractu expressis. Secunda est, quae connaturaliter ad venditionem consequitur, sive exprimitur, sive non. Tertia est, quam statuit lex, aut consuetudo loci.

6. Prima obligatio venditoris est, ut soluto sibi pretio emptori tradat rem venditam, eamque integram. Quando venditor non tradidit rem venditam loco & tempore constituto, tenetur emptori ad damnum & interesse. Pariter tenetur venditor, qui nondum tradidit rem venditam, sollicite invigilare pro conservatione ejusdem usque ad integram traditionem; imo majorem adhibere curam quam pro bonis suis propriis. Si vero sine impensis rem venditam conservare non posset, eas compensare teneretur emptor. Quando venditori res vendita retinenda, aut repetenda est ob defectum solutionis, & ejusdem pretium interea fuit diminutum, jure ab emptore

exigit indemnitate. Si uterque contrahens est æqualiter in mora, unus in tradenda re, alter in recipienda, dum offertur a venditore, emptor non habet jus conquerendi. Si vero emptor rem petat, & venditor non ita eam tradere, res perit aut deterioratur venditori. Traditio vere tunc fieri dicitur, dum venditor eo in statu emptorem constituit, ut rem venditam possideat, eaque frui possit. Si venditor eandem rem vendidisset duobus dote sis emptoribus, ille præferendus foret, qui prius in rei possessionem venit.

7. Contractus venditionis varias admittit conditiones ac clausulas. Quando completio venditionis pendet ab eventu conditionis appositæ, venditor manet rei dominus usque ad solutionem conditionis: sed completa venditione emptor, etsi stipularum fuerit, venditionem rescissum iri in eventu cujusdam conditionis, est dominus rei & omnium fructuum ejus usque ad eventum illius conditionis; & ex hac ipsa ratione res perit emptori.

8. Mutatio superveniens rei ante perfecte completam venditionem suo damno vel lucro pertinet ad venditorem; quæ autem supervenit rei post completam venditionem, afficit emptorem, etiamsi res ipsi nondum fuisset tradita.

9. Quando in venditione apposita fuit conditio in favorem unius contrahentium, aut saltem eidem prodesse possit, eventusque hujus conditionis pendeat ab altero contrahente, hic absque injuria impedire non potest eventum hujus conditionis, ut inde fructum capiat. Contrahentes semper tenentur ad litteram exequi contenta in contractu.

10. Minorennis, amentes, interdecti, & quicumque res suas administrare prohibentur, non possunt vendere. Idem dicendum de usufructuario & hærede, cujus res alteri substituitur, nisi conveniat cum emptore, ut requisitus rem restituat illi, ad quem pertinebit.

11. Tutor, curator, aut quivis alius administrator non potest emere rem minorennis, pupilli, aut alterius, cujus bona administrat.

12. Venditio, cui intervenit error, est nulla: non tamen per se est nulla, si error tantum respicit qualitatem rei; id quod judicis est decidere. Multo magis nulla est venditio dolo, vi, aut metu gravi extorta.

13. Judex haud facile declarat venditionem nullam, nisi interveniente læsione ultra dimidium.

14. Venditor in nullo unquam casu, etiamsi intervenisset expressum pactum, liberatur ab obligatione præstandæ cautionis de proprio facto.



15. In casu eviſtionis emptor habet jus petendi ſolutionem impenſarum utilium & neceſſariarum, quas in mellorationem rei fecit, deductis tamen fruſtibus ex hac melloratione perceptis. Si fruſtus percepti excederent rationem impenſarum, hæ forent extinctæ: verum exceſſus ejusmodi bona fide perceptus ante eviſtionem intentatam emptori manet acquiſitus.

16. Si emptor rem evinci patiatur, quin ſe defendat, aut actionem ſibi intentatam denunciet venditori; aut ſi propria auctoritate tranſigat cum evincente; aut alio modo in præjudicium venditoris agat, ſibiſmet ipſi imputare debet eviſtionem, venditorque ad nullam tenetur cautionem. Verum ſi emptor ſolemmmodo inſinuet venditori actionem eviſtionis ſibi intentatam, liber eſt ab obligatione ſe defendendi, onere deſerſionis in venditorem relabente.

17. Si venditor in re vendita ſciſit vitium, quod uſum rei venditæ aut omnino reddit inutilem, aut ſaltem ita diſficilem, ut emptor non emiſſet rem, aut non niſi pretio minore, ſi ſciſſet vitium, hic poteſt agere contra venditorem, ut venditio declaretur nulla, aut ſaltem petere indemnitatem. Idem dicendum, etiam ſi tale vitium fuiſſet incognitum venditori. Si venditor novit vitium, aut ſaltem noſſe debuifſet, emptorſque exinde damnum fuit illatum; venditor non ſolum tenetur recipere rem venditam, aut ejusdem pretium diminueri, ſed etiam cavere de omnibus damnis impoſterum inferendis.

18. Quando locum habet redhibitio, venditor pretium acceptum reſtituere debet, & emptori compenſare omnes impenſas in conſervationem rei venditæ factas, & reſarcire omnia, quæ ex venditione conſecuta ſunt, imo etiam ſolvere intereſſe, ſi quodpiam exigere poſſit emptor: hic vero tenetur reddere rem emptam venditori cum omni lucro ex ea percepto.

19. Melloratio aut deterioratio ſupervenienti rei absque culpa emptoris unice reſpicit venditorem. Si vitium rei ita eſt evidens, ut illud ignorare non potuerit emptor, aut ipſi a venditore declaratum fuiſſet, emptor non poteſt in judicio agere contra venditorem. Verum hæc omnia tantum intelligenda ſunt de venditionibus inter privatos, non de venditionibus auctoritate judiciſ factis.

20. Dominus rei quandoque judicialiter poteſt cogi ad venditionem ejusdem. Sic poteſt quis cogi ad vendendum fundum in favorem creditorum ſuorum; vel per viam licitationis, dum fundus dividi nequit inter plures hæredes; vel

quando fundus necessarius est pro bono publico. Sic etiam cogitur quispiam privatus ad vendendum alteri usum partis sui fundi, videlicet cum duo prædia contigua duobus obtigerunt in partem, ita ut alter suo gaudere nequeat, nisi trans-eundo per alterius fundum, hic tenetur illi hanc servitutem vendere.

CASUS I. Fabius possidet fundum a quodam cognato fili legatum una cum substitutione in favorem suorum liberorum. Illi in urgente necessitate constituto sese offert amicus quidam ad emendum fundum legatum, non obstante substitutione. Potestne Fabius fundum vendere tuta conscientia?

g. Cum Fabius tantum habeat usumfructum fundi sibi legati, utpote substituti suis liberis: non potest illum vendere. Leg. *Sancimus* fin. Cod. Lib. 4. Tit. 51. Si nihilominus Fabius fundum vendidisset, liberi ipsius possent illum repetere; neque tenerentur ad ullam indemnitatem præstandam emptori. *Pontas.*

CASUS II. Eparchius curator Constantini minorennis vendidit villam ad hunc minorennem pertinentem cum ipsius consensu. Conventum fuit, ut pretium villæ non solveretur, antequam Constantinus majorennitatem attigisset, & interea annuus Constantino census præstaretur. Estne valida hæc venditio:

g. Illi solum, qui sunt sui juris, possunt alienare res suas. Hinc venditio hujus villæ est nulla, nisi observatæ fuerint formalitates a legibus præscriptæ. Nihilominus conditio adjecta de solvendo annuo censu juxta Navarrum L. 5. Consil. 21. n. 2. non est injusta, nec usuraria. *Pontas.*

CASUS III. Sigonius tutor Theogenis ab Herculo in judicium vocatus pro solutione 1000. florenorum illi debitorum, Herculo privata sua autoritate vendidit fundum ad Theogenem pertinentem, ut illum liberaret debito, & litem evitaret. Hercules sex annorum spatium hoc fundo usus, quolibet anno 100. florenorum lucrum fecit, facta deductione expensarum in agrorum culturam & fructuum collectionem adhibitarum. Theogenes factus majorennis revocat fundum, oblata Herculo emptori & creditori suo summa quadringentorum florenorum numeratæ pecuniæ, præten-ditque, lucrum sexcentorum florenorum per sex annos acquisitorum principalis summe esse accensendum, fortiter autem se opponente Herculo. Quisnam horum potiori jure gaudet?

g. Jure repetit fundum Theogenes: nam Sigonis non erat dominus fundi venditi: & hinc ista venditio non nisi pro simplici obligatione consideranda est; fructusque ab Herculo percepti in sortem principalem computari debent. *S.*

*quis.*

quis, inquit Alexander III. Cap. *Plures* l. Lib. 5. Tit. 19. *alicujus possessionem data pecunia sub hac specie vel conditione in pignus acceperit, si sortem suam deductis expensis de fructibus jam percepit, absolute possessionem restituat debitori. Si autem aliquid minus habet, eo recepto possessio libere ad dominum revertatur.* Pontas,

NOTA. Videtur ejusmodi venditiones bona fide initas tractari posse instar locationis.

**CASUS IV.** Nicolaus pauper rusticus habet exiguum domum ducentis circiter florenis æstimatam, & duorum jugerum æqualis valoris pomarium muro circumdatum, & agris Renati divitis viri contiguum. Renatus hos sibi fundos vendi postulat, pro quibus autem Nicolaus sexcentos florenos petit, licet sciat, justum eorundem pretium esse quadringentos florenos. Renatus etiam solvit petitis summam. Potestne Nicolaus tanta conscientia hos fundos vendere pretio una tertia parte justum valorem excedente?

3. Potest: æquum enim est compensationem damni quærere, quod quis incurrit, dum per alienationem se privat re sua. Quamvis res vendita in se considerata minoris sit pretii, ac venditur; plurius tamen valet considerata necessitate illius, qui per venditionem eam alienat a gratiam emptoris sollicitantis. Cum aliquis, ait S. Thomas 2. 2. q. 77. art. 2. C. *multum indiget habere rem aliquam, & alius laudatur, si ea careat, in tali casu justum pretium erit, ut non solum respiciat ut ad rem, quæ est alteri; sed ad damnum quod vendit & venditione incurrit, & sic licite poterit aliquid vendi plus, quam valeat habenti.* Observat tamen Sylvius, aliud dicendum fore, si venditor ex venditione nullum prorsus pateretur detrimentum; vel si rerum suarum angustia pressus teneretur fundum vendere. Pontas.

**CASUS V.** Albertus vendit, traditque domum Jacobo, hac clausula in contractu expressa, ut venditio nulla sit, & quasi non facta, si Jacobus intra tres menses pretium non persolvat. Cum Jacobus elapso termino totam iam promptu non haberet pecuniam, venditor, quem domum vendidisse aliunde poenituit, adjectæ clausulæ prætextu usus, domum repetit. Teneturne Jacobus in conscientia Alberto restituere domum?

3. Tardior executio conditionis contractui appositæ non statim dissolvit venditionem; sed iudicis est solutionem pronunciare. Leg. *Cum venditor*, 2. ff. Lib. 18. Tit. 3. Eo usque ejusmodi clausula solum respicienda est tanquam comminatoria, & ut talis consideratur in omnibus tribunalibus; æqui-

æquitas enim naturalis videtur exposcere, ut emptori indulgeatur rationabilis dilatio, si pretium venditionis præcise solvere non possit tempore convento. Excipiendus tamen casus, quo dilatio vergeret in grave damnum venditoris. Pontas.

CASUS VI. Cleonius verbaliter vendidit Cajo adamantem pro summa 500. florenorum, ea conditione, ut Cajo intra octo dies pretium persolvat, & venditio nulla sit, id ni faceret. Cajo dat interim Cleonio in arrham pro securitate promissi quindecim florenos. Verum plures ultra definitum terminum dies abire, & conditio non fuit impleta. Hinc Cleonius recusavit illi adamantem tradere, pro eo recipere pretium, & arrham restituere. An non ista Cleonii recusatio est contra iustitiam, præsertim quoad arrham quindecim florenorum?

¶ Juxta Cabassutium L. 6. c. 9. n. 10. in hoc contractu intervenit conventio, quæ in jure vocatur *Pactum legis commissoriae*; & secundum leges Cleonius potest recusare Cajo tam adamantem, quam oblatum post lapsum termini pretium, immo & arrham, quam iuste perdit emptor, sua culpa non implens conditionem in contractu stipulatam. *De lege commissoria interrogatus ita respondit, si per emptorem factum sit, quo minus legi pareretur, & ea lege uti venditor velit, fundos inemptos fore, & id, quod arrha vel alio nomine datum esset, apud venditorem remansurum.* Leg. *De lege.* 6. ff. Lib. 18. Tit. 3. Pontas.

CASUS VII. Cyrillus emit a Paschali vineam per violentiam ac fraudem dimidio minoris, ac iustus ejusdem valor erat. Paschalis occasionem nactus rescindendi contractum, postulat sibi restitui omnes fructus a tempore emptionis perceptos. Potestne iudex condemnare Cyrillum ad restitutionem fructuum?

¶ Æquum non est, ut Cyrillus ex violentia aut fraude sua lucrum ferat. *Jure naturæ æquum est neminem cum alterius detrimento & injuria fieri locupletiores.* Leg. *Jure.* 206. ff. Lib. 50. Tit. 17. Hinc Cyrillus absque omni injustitia potest condemnari ad restitutionem fructuum. Pontas.

CASUS VIII. Ignatius architectus, domum a Mævio levi pretio empturus, persuadet illi, domum infirmis nixam fundamentis minari ruinam, Mævius necessarius domum reædificandi subsidii destitutus, condixit Ignatio venditionem pro summa 5000. florenorum; etsi cognita Ignatii mala fide domum omnino non vendidisset, aut non nisi pro 7500. florenis. Estne valida hæc venditio? An non Ignatius in con-

scien-

scientia tenetur desistere a contractu, aut Mævio compensare damnum?

γ. In hoc venditionis contractu intervenit error antecedens, dans causam contractui, & consequenter excludens consensum venditoris juxta legem. *Non idcirco.* 9. Cod. lib. 1. Tit. 18. Et ex hac sola ratione nulla redditur venditio. Præter errorem in hoc contractu concurrit etiam dolus, qui vera contractus causa existit. Et ideo Ignatius in conscientia tenetur renunciare contractui aut Mævio compensare damnum. *Pontas.*

CASUS IX. Quid dicendum, si error & dolus tantum fuissent concomitantes: v. g. si Mævius domum publice venalem exposuisset, & Ignatius eam minoris empturus illi persuasisset, domum multo magis defectuosam esse, ac revera fuerit. Estne validus contractus iste? An Ignatius in hoc casu non teneretur ad aliquam indemnitatem Mævio præstandam?

γ. Cum hic error concomitans, vel ejusmodi dolus non sit vera ac genuina causa contractus, dicendum est, nihil ob stare, quo minus contractus valeat. Nihilominus teneretur Ignatius in conscientia Mævio solvere supplementum justii pretii. *Si vero (dolus) incidit in contractum, ait Author Glossæ in cap. Cum dilecti. 3. de empt. & vend. quia venditurus eram, sed per dolum tuum minus vendidi, vel per dolum meum plus emisisti, tenet quidem contractus; sed agitur ad supplementum residui.* *Pontas.*

CASUS X. Chrysologus mercator spiritum vini minutatim & cumulatim vendere solitus, habet hujusmodi spiritum vini fortem & præstantem, cui quintam vel sextam circiter partem aquæ communis immiscet, ita, ut hæc mixtio sensibilibiter illum non debilitet, nec facile possit animadverti. Potestne sine obligatione restituendi spiritum vini sic alteratum vendere pro spiritu vini puro?

κ. Quarevis juxta D. Thomam 2. 2. q. 77. art. 2. C. Chrysologus aquam puram vendendo pro spiritu vini fraudem committat, peccatque se reum constituat, ac ad restitutionem obligetur; videtur tamen a peccato excusari posse, si spiritum vini sic alteratum vendat infra illud pretium, quo venditur spiritus vini purus, pretiique diminutio factæ mixtionis sit proportionata. Nihilominus tutius est juxta S. Antonium 2. part. Sum. Theol. tit. 1. c. 17. §. 4. ejusmodi mixtiones omittere, etiam si pretium diminuatur. *Pontas.*

CASUS XI. Joachimus mercator lanæ solebat lanam suam in loco humido asservare, ut majus pondus attrahat, & amplius ex ea lucrum capiat. Peccatne contra justitiam?

γ. S.

g. S. Antonius 2. part. Sum. Theol. Tit. 1. c. 17. §. 5. condemnat ejusmodi praxin tanquam injustam & fraudulentam: venditur enim tali modo res falso pondere, & emptor non amplius reperit idem pondus, sub quo a venditore ipsa tradita est. Idem dicendum de iis, qui vendunt falsa mensura, quos pariter S. Thomas condemnat 2. 2. q. 77. art. 2. C. *Pontas*

CASUS XII. Anthimus mercator asservat in sua taberna multos pannos nigri coloris, quos ob acrem nimis tincturam scit esse defectuosos; quod tamen a nemine potest adverti, nisi quis tali panno utatur. Nihilominus ulnam huius panni eodem vendit pretio, ac illius, qui optime tinctus erat: ait enim, defectum tincturæ ad se non pertinere, & aliunde moris esse, ut merces bonæ commisceantur deterioribus. Peccatne in hoc casu? & num obligatur ad aliquam restitutionem?

g. Hæc ipsa secundum S. Thomam 2. 2. q. 77. art. 2. C. tertia species fraudis est, qua non raro utuntur mercatores. Praxis hæc injusta est, talesque mercatores tenentur compensare damnum iis, qui emunt ejusmodi merces defectuosas, si ipsis vendantur eodem pretio, quo merces bonæ. *Tertius defectus (in venditione) est ex parte qualitatis*, inquit S. Doctor, *puta si aliquod animal infirmum vendat quasi sanum; quod si quis scienter fecerit, fraudem committit in venditione; unde est illicita venditio; & in omnibus talibus non solum aliquis peccat, injustam venditionem faciundo, sed etiam ad restitutionem tenetur. Pontas.*

NOVA. Hæc vera sunt, si venditor sciat, defectum mercis, & si defectus sit tantus, ut pretium, quo venditur res defectuosa, etiam summum notabiliter superet. Vide cas. 26. 27. 30.

CASUS XIII. Hipparchus pannorum propola vendidit Sosteni unam coctinei panni compacturam, cujus duas ultimas ulnas sciebat non esse coloris adeo vivi, nec adeo pulchri, quam priores. Occultavit autem hunc defectum Sosteni, metuens, ne forte a venditione desisteret; sed tamen diminuit illi pretium, defectuosæ tincturæ proportionatum. Num peccavit?

g. Juxta D. Thomam Quodlib. 2. art. 10. C. nullum Hipparchus commisit peccatum occultando Sosteni defectum panni, dummodo pretium diminuerit. Nihilominus, si in casu proposito pannus ad debitum usum ab emptore applicari non potuit, sicque emptori damnum illatum fuit, mercator non obstante, quod pretium duarum defectuosarum ulnarum diminuerit, illud reparare, aut defectuosas ulnas pro justo pretio recipere tenetur. *Pontas.*

**CASUS XIV.** Samuel vendidit Laurentio fundam suam pro pretio decies mille florenorum, exceptis duabus sylvis, quas sibi reservavit. Laurentius ex commissione a Samuele sibi data instrumentum contractus consecravit, in quo duæ sylvæ proprio suo nomine expressæ, ac exceptæ fuerant, per solutisque Samuelli 10000. florenis, & contractu ab utraque parte signato possessionem fundi adiit, illumque duorum annorum spatio possedit. Paulo post Samuel, qui exacta satis de fundo suo notitia instructus non erat, comperit, exiguam adhuc superesse sylvam pretio 500. florenorum æstimatam, in contractu tamen non expressæ exceptam, cujus neque Laurentius notitiam habuit. Quare Samuel conqueritur, a Laurentio se esse deceptum, prætendens, hanc tertiam sylvam ad se pertinere. Laurentius econtra defendit, sylvam hanc una cum reliquo fundo venditam fuisse, eoquod in contractu tantum duæ sylvæ nominatim exceptæ fuerint: ut tamen ostendat, se bona fide egisse, consentit in resolutionem contractus, si Samuel intra terminam trium mensium restituat decem florenorum millia. Terminus hic exspiravit, quin Samuel persolutam sibi summam restituerit. Potestne Laurentius sylvam hanc una cum fundo retinere tuta conscientia?

¶ Cum nullus ex parte Laurentii dolus intervenerit, nec memorata silva in contractu nominatim excepta fuerit, Laurentius non tenetur Samuelli de supplemento, & Samuel sibi ipsi imputare debet, quod exiguam adeo de fundo suo notitiam habuerit. Quapropter, si hanc ob causam quidquam damni patitur, ipsi soli ferendum est, non emptori, juxta regulam juris 86. in 6. *Damnum, quod quis sua culpa sentit, sibi debet, non aliis imputare.* Accedit, quod possessio semper favorabilis sit bona fide possidenti. Pontas.

**CASUS XV.** Julius possidebat domum, quam minari ruinam existimabat, eoquod multæ scissuræ apparerent, quæ tamen tantum ex parte gypsi se tenebant, quo muri obducti erant. Vendidit hanc domum Luciano pro tribus florenorum millibus. Uno mense post factam venditionem peritus quidam architectus erroris originem detexit, dixitque Julio, domum ad minimum valere septem florenorum millia, seque paratum esse ad solvendum tale pretium, si velit rescindere venditionem cum Luciano initam. Potestne Julius tuta conscientia procedere contra Lucianum, & rescissionem contractus ab eo postulare?

¶ Leges in simili casu permittunt rescissionem venditionis. Leg. *Rem majoris*. 2. Cod. Lib. 4. Tit. 44. sic dicitur: *Rem majoris pretii, si tu vel pater tuus minoris distraxerit, humanum est, ut vel pretium te restituente emptoribus, fundum*

*venundatum recipias, auctoritate judicis intercedente : vel si emptor elegerit, quod deest justo pretio, recipias. Alius autem pretium esse videtur, si nec dimidia pars veri pretii soluta sit. Rescissa igitur semel venditione Julius tuta conscientia poterit redire in possessionem suæ domus. Pontas.*

**CASUS XVI.** Amandus librarius habet tres tomos libri admodum rari quatuor voluminibus impressi, pro quibus curiosus quidam offert tres dupliones, & querens quantum volumen, illud tandem reperit apud alium librarium; qui sciens, emptorem tribus tomis jam esse instructum, seque ingens posse lucrum recipere ex quarto tomo, pro eo petit sex florenos, quamvis liber a reliquis separatus plus non valuerit, quam duos florenos cum dimidio. Potestne in his circumstantiis secundus librarius tanti vendere volumen separatum?

*R. Videtur, quod non : vendit enim hac ratione rem ad se non pertinentem, utilitatem scilicet alterius, absque eo, quod possit obtinere aliquid damnum proprium. Injuste igitur exigit pretium adeo excessivum pro separato hoc volumine. Addit tamen D. Thomas 2. 2. q. 77. art. 1. C. Ille tamen, qui ex re alterius accepta multum juvatur, potest propria sponte aliquid vendenti supererogare; quod pertinet ad ejus honestatem. Pontas.*

**CASUS XVII.** Josephus & Claudius habent horologia repetitoria, in omnibus perfecte æqualia, quorum quodlibet 25. duplionibus constitit. Jacobus famulus Claudii perdit horologium domini sui, rogatque Josephum, ut suum sibi vendere velit, in locum perdati substituendum, cum aliud medium non haberet evitandi indignationem domini sui. Verum Josephus hac occasione lucraturus petit pro suo horologio 35. dupliones; quamvis absque ullo incommodo aut damno eo se privare posset. Potestne tuta conscientia tantum exigere pretium?

*R. Cum justus horologii valor non excedat 25. dupliones, Josephus non potest necessitatem Jacobi in suum lucrum convertere. S. Thomas q. 13. de malo. art. 4. ad 7. ejusmodi venditionem tanquam injustam condemnat. Item Opusc. 73. c. 9. ait S. Doctor : Res tantum juste valet, quantum sine fraude vendi potest. Pontas.*

**CASUS XVIII.** Cosmas vendidit Clementi domum pro summa 5000. florenorum. In contractu statuitur, ut Cosmæ jus reservetur dissolvendi contractum casu, quo alius 6000. florenos intra duos menses offerre vellet. Uno abhinc mense fulmen domum penitus consumpsit. Cuiam fereu, dum est damnum?

*R. Dam-*



7. *Damnum ferendum est Clementi : verus enim erat possessor domus, qua expelli non poterat, nisi quidam tertius stipulato tempore sex florenorum millia obtulerit venditori, quæ oblatio facta non est; hinc in quieta domus possessione erat. Leg. Quoties. 2. ff. Init. & §. 1. Lib. 18. Tit. 2. Pontas.*

**CASUS XIX.** Isaacus die decimo Aprilis vendidit Petrolanum gregis ovum, ea conditione, ut decimo Julii sequentis traderetur, & id ni fieret, venditio resoluta sit. Isaacum poenituit contraxisse; & hinc lanam tradere omittit. *An nulla evadit venditio?*

7. *Isaacus non debet lucrum reportare ex eo, quod adjectam clausulam in præjudicium Petri exequi omiserit; non enim censetur clausula resolutoria adjecta fuisse in favorem Isaacii. Quod favore quorundam constitutum est, ait Lex Quod favore. 6. Cod. Lib. 1. Tit. 14. quibusdam casibus ad læsionem eorum nolumus inventum videri. Alias ille, qui posset quidquam commodi per conditionis executionem obtinere, eo privaretur per malam fidem alterius. Pontas.*

**CASUS XX.** Otto vendidit mense Octobri sex modios frumenti Philiberto in necessitate constituto, ea conditione, ut anno sequente eodem mense summum persolvat pretium quo tunc frumentum vendetur. Ene hinc hic venditionis contractus?

7. *Contractus hic est illicitus & reprobatus a sexto Concilio Parisiensi de anno 829. Anadvertendum tamen est, quod, si Otto sincere & absolute decrevisset frumentum suum asservere usque ad mensem Junium vel Julium, quo anni tempore ordinarie carius solet vendi frumentum, nec voluisset citius vendere, absque injustitia illud vendere posset Philiberto eodem fere pretio, quo tunc constaret; facta tamen aliqua diminutione pretii juxta judicium viri prudentis. Vide Cas. 35. Pontas.*

**CASUS XXI.** Josias vendidit Ægidio quinquaginta frumenti modios in horreum suum avehendos. Convenit inter contrahentes, ut Ægidius frumentum intra unius mensis spatium mensuraret, & secum asportaret. Quindecim diebus post initum contractum frumentum notabiliter fuit deterioratum; quo cognito Ægidius recusat factam cum Josia pactiōnem exequi, nec vult solvere plus, quam partem tertiam stipulati pretii.

7. *Ægidius non tenetur recipere frumentum, necolvere emptori conditum pretium: in rebus enim, quæ venduntur in numero, pondere, aut mensura, venditio non censetur esse perfecta, nisi postquam res fuerint numeratae, pondus, Cas. Conj. Tom III.*

deratæ aut mensuratæ. *Sabinus & Cassius tunc perfici empti-  
onem existimant*, Leg. *Quod sapr.* 35. §. 5. ff. Lib. 18. Tit. 1.  
*Cum adnumerata, admensa, adpensave sint; quia venditio quasi  
sub hac conditione videtur feri, ut in singulas metretas, aut in  
singulos modios, quos, quasve admensus eris; aut in singulas  
libras, quas adpenderis; aut in singula corpora, quæ adme-  
meraveris. Pontas.*

**CASUS XXII.** Lucius vendidit Sebastiano duos boves  
cum expressâ stipulatione, ut intra octiduum eos traderet  
emptori, quod tamen Lucius ex mera negligentia integro  
prope mense distulit. Tandem eos tradit, quos tamen emp-  
tor adhuc per triduum recipere neglexit. Quarto die unus  
bonum perit. Num jactura Sebastiano ferenda est?

ꝑ. Quando solus venditor est in mora rem venditam con-  
dicto tempore tradendi, sibi ipsi imputare debet damnum su-  
perveniens. Verum quando etiam emptor est in mora rem,  
dum adhuc est integra, recipiendi, damnum ferendum est  
illi, qui ultimus in mora fuit. *Sane hoc casu nocere deberet  
emptori, si per emptorem mora fuisset, ait Lex Illud.* 17. ff.  
Lib. 18. Tit. 6. Deinde, cum omnia in integro essent; vendi-  
tor moram adhibuerit, cum posset se exsolvere; æquum est,  
posteriores moram venditori nocere. *Pontas.*

**CASUS XXIII.** Eudemus vendit equum suum Romano,  
illumque intra tres dies tradere promittit pro summa 100.  
floreorum, si servus domesticus pro alio emendo missus alium  
equum adduceret. Biduo post factam venditionem equus  
morte naturali perit, & duabus post horis servus cum alio  
equo revertitur. Teneturne Romanus solvere centum flo-  
renos?

ꝑ. In venditione sub conditione facta, si res vendita pe-  
rit ante stipulatæ conditionis impletionem, jactura recidit in  
venditorem. Leg. *Plerumque.* 10. §. 5. ff. Lib. 23. Tit. 3. Item  
Leg. *Hæc venditio.* 7. ff. Lib. 18. Tit. 1. habetur: *Conditiona-  
les autem venditiones tunc perficiuntur, cum impleta fuerit con-  
ditio.* Hinc Romanus non tenetur solvere centum florenos,  
*Pontas.*

**CASUS XXIV.** Guilbertus duos equos Martiali vendidit,  
& ambo contrahentes in æquali mora sunt, hic in receptio-  
ne, & ille in traditione equorum; cum altero mox post ini-  
tum contractum die uterque delitiosum iter instituisset, intra  
quod tempus equi perierunt. Culnam ferenda jactura? emp-  
tori vel venditori? an utrique simul?

ꝑ. Quando traditio rei venditæ retardatur ex parte & cul-  
pa venditoris & emptoris simul, & interea res perit, emptor  
non habet jus agendi contra venditorem; cum ipsemet negli-  
gen-

gentiæ reus sit. *Non enim potest videri mora per venditorem emptori facta esse, ipso moram faciente emptore. Leg. Si Es per. 51. ff. Lib. 19. Tit. 1.* Hinc soli Martiali ferenda est jactura duorum equorum. *Pontas.*

**CASUS XXV.** Juvenalis vendidit Ludovico equum suum, eumque ipsi tradidit ad capiendum experimentum. Conventum est, ut, si capto per octiduum experimento equus arrideret Ludovico hic solvat quindecim dupliones. Equus autem post quique aut sex dies in equili Ludovici fulmine necatus est, & juvenalis exigit a Ludovico pretium equi.

¶ Ludovicus non tenetur Juvenali solvere pretium equi: neque enim ad id obligatur ut depositarius, qui nunquam tenetur de casu rære fortuito, ut est interitus per fulmen illatus; neque obligatur ex emptione, quæ necdum completa esse censetur. *Leg. Apud, 20. §. 1. ff. Lib. 19. Tit. 5. Pontas.*

**CASUS XXVI.** Nicomedes negotiator equorum vendit Bartholomæo equum duri oris, aut meticulosum pro 20. florenis: equus tamen, si huic defectui non esset obnoxius, valeret 80. florenos. Peccatne non declarando emptori defectum equi?

¶ Peccaret Nicomedes contra iustitiam & veritatem, si equum absque omni defectu esse asseveraret. Verum cum Bartholomæus non petierit informationem de qualitatibus equi, Nicomedes non tenetur ei manifestare defectum ejusdem. Si tamen equus occulto laboraret defectu, propter quem inutilis redderetur vel nocivus Bartholomæo, Nicomedes teneretur illatum ipsi damnum compensare, non obstante diminutione pretil. *S. Thomas 2. 2. q. 77. art. 3. C. Pontas.*

**CASUS XXVII.** Camillus vendit Herculi equum monoculum pro pretio 75. florenorum. Hercules putabat, equum utroque valere oculo. Teneturne Camillus ad aliquam restitutionem, cum defectum non declaraverit Herculi, qui certe equum non emisset, aut saltem defectu explorato non plus quam 50. florenos solvisset?

¶ Si pretium, quo Camillus equum vendidit, fuit iustum, juxta S. Thomam ad nullam tenetur compensationem Herculi, qui sibi met ipsi imputare debet, quod in vitia equi studiosius inquirere neglexerit. *Pontas.*

**CASUS XXVIII.** Darius vendidit Publio equum debiles habentem oculos pro summa 50. florenorum, quod iustum ejusdem erat pretium, non obstante defectu. Sed Publius, qui & ipse visu vix pellebat, credidit equum nulli obno-

xium esse vitio. Monitus autem postea ab aliis de defectu equi, petit a venditore, ut equo recepto pretium restituat, vel saltem damnum refarciat. Obligaturne ad id Darius in conscientia?

g. Darius obligatur in conscientia ad equum recipiendum, & reddendos Publio decepto 50. florenos, vel ad conveniendum cum eo de rationabili damni compensatione: licet enim defectus equi fuerit manifestus, ut talis tamen considerari non potest respectu Publii. *Si emptor, inquit Sylvius in 2. 2. q. 77. art. 3. nequiverit vitium advertere, utpote cæcus aut visu debilis, vel si venditor interrogatus de defectu, etiam manifeste, eum occultavit, injustus est contractus. Pontas.*

CASUS XXIX. Joannes vendidit Jacobo amicorum initio equum notabiliter claudum. Hic equum in equili vidisse contentus, ob habitam erga venditorem confidentiam non explorat illius vitia, licet peritus admodum esset equorum æstimator. Sciebat Joannes, equum à Jacobo tantum emi pro itinere faciendo, & ad eum finem fore inutilem. Teneturne in conscientia Jacobum monere de hoc defectu equi?

g. Satis clare patet ex pluribus legibus, & ex doctrina D. Thomæ, peccare Joannem contra charitatem, si defectum hunc emptori non detegat; & Sylvius l. c. Concl. 4. bene dicit, venditorem teneri in hoc casu monere emptorem de equi vendendi defectu, & id hi faciat, eum peccare graviter, etiam contra justitiam, si emptor exinde damnum patitur. *Pontas.*

CASUS XXX. Hercules vendit Claudio equum labrantem vitio nervorum pro 100. florenis loco 150 quibus constaret sine hoc defectu. Claudio querenti, utrum equus non sit defectuosus, respondet Hercules, se id non affecturare, seque vendere equum talem, qualis est. Non obstante hac responsione contractus perficitur. Claudius autem post ostidium advertens defectum equi, petit ab Herculo, ut sum recipiat equum, aut se indemnem præstet.

g. Quamvis vitium nervorum non comprehendatur in tribus casibus, qui vocantur *redhibitorii*, & sunt *Asthma, mucus, obstructio*, nihilominus responsio ab Herculo data Claudio non potest illum coram Deo excusare ab obligatione reparandi damnum ex eo illatum Claudio, quod defectum celaverit, qui ex sola equi inspectione cognoscere non poterat. *Si vitia rei, quæ vendenda proponitur, sint occulta, ait S. Thomas 2. 2. q. 77. art. 3. ad 1. nisi per venditorem manifestentur, non sufficienter committitur emptori judicium; secus autem esset, si essent vitia manifesta.* Verum si venditorem ipsum latebat defectus iste, non teneretur ad ullam indemnitate emptori restandam. *Pontas.*

**CASUS XXXI.** Gastonius vendidit Paulo equum, qui intestino laborabat morbo, aut qui difficilis erat anhelitus. Paulus intentat Gastonio actionem, ut ad equum recipiendum, & reddendum persolutum pretium condemnaretur. Sed pendente lite equus perit. Cuinam illorum ferenda est iactura?

R. Cum defectus equi locum dederit rehibitioni, equus perit venditori. *Falsa rehibitione.* ait Lex *facta.* 60. ff. Lib. 21. Tit. 1. *omnia in integrum restituantur, perinde ac si neque emptio neque venditio intercessit.* Pontas.

**CASUS XXXII.** Eduardus vendidit Justino sex equos rhedarios pro summa 600. florenorum, quos in numerata accepit pecunia. Unus equorum erat nimium mucosus, vel difficulter anhelans. Justinus agit contra Eduardum, ut ad recipiendos omnes sex equos, & reddendos 600. florenos condemnaretur. Eduardus vero solum ad recipiendum equum defectuosum, & reddendum proportionatum eiusdem pretium se teneri existimat. Quid iuris?

R. Quando inter plures res invicem conjunctas, ut sunt equi rhedarii jugales, in una defectus invenitur ad resolvendum venditionis contractum sufficiens, de tota re venditio rescindi potest; cum æqualiter interlit, tam venditoris quam emptoris, ne ejusmodi res sejungantur. Cum autem jumenta paria veniunt, habetur Leg. *Adiles.* 38. §. 14. ff. Lib. 21. Tit. 1. *edito expressum est, ut, cum alterum in ea causa sit, ut redhiberi debeat, utrumque redhibeatur; in qua re tam emptor quam venditori consulitur, dum jumenta non separantur. Simili modo et si triga venierit, redhibenda erit tota: & si quadriga, redhibeatur.* Hinc Justinus bene agit ad rescindendum ex integro contractum. Pontas.

**CASUS XXXIII.** Demetrius vendit Sempronio domum pro pretio 14000. florenorum. Emptor solvit in numerata pecunia 4000. florenos, in contractu se obligans ad solvendum Demetrio singulis annis 500. florenos, donec residua summa 10000. florenorum fuerit persoluta, sub ea conditione, ut ad integram summam solvendam compelli non possit, quamdiu annuam summam persolveret, & ut sibi liberum sit integram summam persolvere, quando voluerit, dummodo Demetrium sex mensibus ante monuerit. An non contractus iste vitiosus est?

R. Hic contractus est legitimus; quia conditiones appetitæ tanquam compars constituunt pretium domus. Pontas.

**CASUS XXXIV.** Nicostratus emit a Rege Senatoriam dignitatem in Parlamento Burdegalensi pro summa 17500. florenorum. Camillus hanc sibi dignitatem comparaturus Nicostrato postredie, cum ejusdem possessionem cepisset, pro

ea offert 20000. florenos. Potestne Nicostratus tuta conscientia hoc lucrum percipere ex revenditione dignitatis?

R. Pretium alicujus dignitatis in primum emptorem translatae, semper minus esse solet, quam ubi transit ad secundum. Hinc Nicostratus tuta conscientia potest hoc lucrum percipere revendendo dignitatem. *Pontas.*

CASUS XXXV. Germanus famosus ac dives frumenti negotiator; non ignarus, quinque aut sex alios ejusmodi negotiatores certo nundinarum die multum frumenti in civitatem advekturos, ubi majori constat pretio, apte disposuit, ut frumentum suum tribus horis ante eo deferretur. Potestne illud vendere pro currente eo die pretio, quin teneatur emptores monere de asportanda paucas intra horas frumenti copia, & consequenter instante diminutione pretii?

R. Videtur, posse Germanum hac occasione ex industria sua lucrum percipere, vendendo frumentum suum eo pretio, quo actualiter eadem hora, qua advenit, vendebatur; quin teneatur declarare emptoribus, magnam adhuc copiam fore subventuram. Ita S. Thomas 2. 2. q. 77. art. 3. ad 4. Eandem sententiam amplectitur Cajetanus una cum Sylvio in citatum art. 3. Hic quatuor hanc doctrinam rationibus probat, quarum praecipua haec est: Mercator, qui certo novit, quoddam genus mercum ob suam raritatem brevi ascensurum ad summum pretium, non tenetur modo in conscientia eas merces emere ampliori pretio, quam modo currente; quod evidens est ex exemplo Josephi in Aegypto: ergo etiam ille, qui praevidet pretium rem brevi fore imminuendum, non tenetur eas vendere minori, ac actu currit, pretio. *Pontas.*

CASUS XXXVI. Diogenes mense Septembri triginta frumenti scaphas venales habet; sed quia scapha tunc non pluris constabat quam 10. florenis, & ipse non indigeret pecunia, statuit illud frumentum asservare usque ad sequentem mensem Junium, ubi carius vendi solet. Antonius urget illum ad triam scapharum venditionem, & pretium ad festum S. Joannis se persolaturum spondet. Diogenes vendit illi tres scaphas pro 40. florenis sub praetextu, quod prorsus appareat, se idem aut majus pretium tunc se posse recipere. An non usuraria est haec venditio?

R. Ut author antiquus existimat, cujus opusculum reperitur inter opera D. Thomae Opusc. 73. c. 6., omni vitio caret haec venditio. Ratio est; quia Diogenes non ideo praecise majori pretio vendit Antonio frumentum suum, quia differenda solutio; sed quia valde probabile est, frumentum eo pretio constiturum illo tempore, quo id vendere proposuerat. Observandum tamen cum Cabassatio L. 6. c. 9. n. 13. quod

quod si Diogeni persuasum sit, frumentum hoc ad festum S. Joannis non alio quam præcise 40. florenorum pretio constitutum, non possit eodem pretio jam nunc vendere Antonio; quia id incertum est, cum quantitas pretii, quo frumentum tunc constitutum est, dependeat ab eventu modicæ vel largæ messis. Dein justum ac necessarium est, ut pro ratione periculi, quo jam liberatur, & expensarum in asservationem, conservacionem ac translationem frumenti faciendarum eo tempore, quo illud vendere statuerat, pretium minuat. Denique juxta eundem Caballutium, ut Diogenes absque peccato reservare possit frumentum suum si o tempore carius vendendum, opus est, ut hoc frumentum habeat ex proprio fundo aut ex propriis redditibus, & non ex emptione aut coacervatione expressæ eo animo facta, ut multo carius tempore majoris penuræ vendi valeat. *Qui abscondit frumenta, maledicetur in populis; benedictio autem super caput vendentium.* Prov. 11. *Pontas.*

*Vide cas seq*

CASUS XXXVII. Balthasar caupo habet in sua cella vinaria decem cados præstantis vini veteris, cujus unus cadus mense Decembri currentis anni constat 40. florenis. Sed cum prævideret, pretium vini sui duplo majus futurum, statuit illud usque ad Pascha asservare, ingens exinde lucrum facturum. Leander etiam caupo petit ab eo vinum, cui respondet Balthasar, velle se illud asservare adhuc sex mensibus, eo quod sibi persuasum habeat, cadum tunc 80. florenis constitutum. Nihilominus tamen vendit Leandro vinum, & pro cado exigit 70. florenos, quos etiam solvit Leander. Potestne Balthasar tanta conscientia tantum lucrum ex vino suo percipere?

3. Vix non idem dicendum, quod ad casum præcedentem. Balthasar legitime vendere potuit vinum suum pro 70. florenis; imo juste egit; quia illud asservare voluit ad tempus, quo cadum probabilius pro 80. florenis vendere potuisset. *Pontas.*

CASUS XXXVIII. Sulpitius mercator vendit ordinarie merces suas pluri solutionem differenti, quam numeratam persolventi pecuniam; etiam libentius vellet minore pretio vendere mox solventi, quam majore solutionem differenti. Num peccat?

3. Cum non intendat majus lucrum sic vendendo, non videtur injuste agere Sulpitius, maxime cum dilationi solutionis frequenter periculum damni annexum sit: dummodo non vendat merces ultra summum pretium. Aliud dicendum foret, si præterea ex indulta debitori ad certum tempus solutionis dilatione lucrum quaereret: hic enim lucrandi mo-

aus expresse a summis Pontificibus, Conciliis, ac Patribus reprobat. Pontas.

NOTA. Authr hoc loco recte inter titulos excusantes ab usura ad mittit periculum sortis, quod in Tit. de Usura non recte negat.

**CASUS XXXIX.** Fulbertus exiguum, quem habuit adamantem, qui juxta judicium prudentum non pluris, quam 100. constabat florenis, & cujus ille pretium ignoravit, pro 200. florenis vendidit Probo, æque imperito ejusmodi rerum æstimatori, qui illum postea perito gemmario æstimandum dedit, ex eoque intellexerat, adamantem non plus quam 100. valere florenis. Petit itaque a Fulberto solutos ultra justum pretium 100. florenos. Teneturne Fulbertus eos reddere?

q. Bona fides non excusat Fulbertum ab obligatione indemnem præstandi Probum; licet eum a peccato excuset juxta Legem Si quis. 36. ff. Lib. 45. Tit. 1. ubi dicitur: Si quis per dolum obligatus est, competit ei exceptio. Idem est, etsi nullus dolus intercessit stipulantis. Juxta S. Thomam 2. 2. q. 100. art. 6. ad 3. Fulbertus, si luorum ex adamante perceptum durante bona fide consumpsisset, quin factus fuerit ditior, ad nullam omnino teneretur restitutionem. Pontas.

NOTA. Hæc non consentiunt cum dictis ad cas. 30. Contractus bonæ fidei, præsertim circa res carentes fixo pretio, sic exigenti tranquillitate publicæ, videntur involvere condonationem erroris reciprosi intra moderatos limites dupli.

**CASUS XL.** Lucilius vendit Sempronio tabulam, ejus pretium ignorat uterque. Julianus venditionis hujus mediator contra conscientiam & veritatem affirmat, illam esse tabulam originalem celebri Titiani. Lucilius & Sempronius Juliani affirmatione freti persolunt venditionem pro pretio 2000. florenorum. Verum Sempronius postea in certam devenit notitiam, tabulam illam tantum esse copiam, 30. dupli. nibus vix constantem. Jam queritur, an hic contractus sit validus (num Sempronius possit exigere compensationem damni, & a quo?)

q. Contractus est validus; quia Lucilius & Sempronius vere consenserunt. Nihilominus potest Sempronius jussu agere contra Lucillum venditorem, & deficiente illo contra Julianum. Verum Lucilius, cui soluta est summa 2000. florenorum, primus tenetur ad restitutionem; Julianus tantum in defectu ipsius. In contractibus bonæ fidei, si dolus dat causam contractui, non per contrahentes, sed per intermedium per-



*personam, tenet contractus, sed datur actio contra mediatorem.*  
 Author Glossæ in cap. *Dilecti*. 3. De empt. & vend. Pontas.

**CASUS XLI.** Martialis vendidit Rollando domum, & hortum teneris frugiferis arboribus constitum pro summa 4500. florenorum. Rollandus durante per quinque annos possessione utiliter melioravit domum majoribus quam sesqui mille florenorum sumptibus. Joannes, qui hæc bona vendidit Martiali, cum nondum percepisset solutionem, sententiam evictionis contra Rollandum obtinuit, & in possessionem rediit. Quare Rollandus postulavit debitam sibi compensationem de melioratione domus; cui Joannes respondit, se ad id non obligari, eumque remisit ad Martialem. Verum hic bonis ut plurimum exhaustus, & ære etiam alieno gravatus præterdit, Joannem teneri ad præstandam Rollando indemnitate. An prætenso Rollandi indemnitate exigentis iusta est? Et a quopam exigenda est indemnitas?

3. Certum est, Rollandum pro præstanda sibi indemnitate recurrere posse ad Martialem venditorem suum; quia omnis venditor naturaliter obligatur præstare emptori assecurationem de re vendita. *Sive tota res evincatur, sive pars, habet regressum emptor in venditorem*, ait Lex Sive, l. ff. Lib. 21. Tit. 2. Nihilominus Joannes, cui fundus adjudicatus est, primus obligatur ad compensandas Rollando meliorationes. Hac in re ut plurimum observandum est, quod in æstimatione expensarum in meliorationem fundi ab emptore factarum expensæ istæ conferendæ sint cum fructibus ex fundo meliorato provenienti, haud dubie auctis; si emolumentum fructuum perceptorum adæquat summam principalem in meliorationem impensam una cum legitimo interesse, emptori post evictionem nulla debetur compensatio meliorationum; quia sic nullum passus est damnum. Si fructus percepti excedunt expensas in meliorationem factas, lucrum est emptoris, utpote bonæ fidei possessoris. Si fructus ante pronunciatam evictionem percepti sunt minores summa in meliorationem impensa, defectus emptori compensandus est; cum æquum non sit, ut adhibita industria ipsi detrimento sit. Hæc omnia legibus conformia sunt. Pontas.

NOTA. Meliorationum mere voluptuarium, ac de cætero inutilium nulla debetur compensatio.

**CASUS XLII.** Leofridus a Basilio emit hortum, ejusque possessionem adiit. Post aliquot menses Alexander obtinuit sententiam evictionis contra Leofridum, qui absque facta Basilii venditori excitatæurbationis denunciatione convenit

cum Alexandro de una parte indemnisationis pro quibusdam meliorationibus, & postea recurrit ad Basilium, ab eoque residuum damnum sibi resarciri postulat. Teneturne ad id Basilius?

¶ Juxta legem *Si fundo*. 53. §. 1. ff. Lib. 21. Tit. 2. Et Leg. *Si dictum* 56. §. 1. Ibidem. Basilium non tenetur ad aliquid præstandum Leofrido, qui tanto minus excusabilis est; quia, si denuntiasset Basilio venditori suourbationem ab Alexandro excitatam, nec tenebatur se defendere, nec a sententia appellare; cum venditori incumberet naturalis assecratio de omni litis eventu. Leg. *Herennius* 63. §. 1. Ibid. Pontas.

CASUS XLIII. Cæcilius vendidit Cajo pure & simpliciter obligationem 100. florenorum, quia ipse tenebatur Mævius, pro 75. florenis. Cajus exigit a Mævio debitum, quem omnino solvendo non esse reperit. Teneturne Cæcilius Cajo restituere 75. florenos?

¶ Si Cæcilius bona fide egit, & nec scripto nec viva voce se obligavit ad aliquam assecurationem, non tenetur in conscientia Cajo restituere perceptos 75. florenos. Quando venditur aliquid juris, venditor non tenetur assecurare nisi realitatem & veritatem juris. Leg. *Si hereditas*. 1. ff. Lib. 18. Tit. 4. Pontas.

Nota. Si Cæcilius scivit notoriam insolubilitatem Mævii, tenetur ex justitia ad restitutionem 75. florenorum.

CASUS XLIV. Germanus constitutum habet censum 500. florenorum in Curia Parisiensi pro 12500. flor. nis. Rex 31. Augusti decreto sui Concilii præcepit fieri restitutionem omnium ejusmodi contractuum juxta proportionem summæ principalis. Germanus 1. Septembris iturus ad Notarium pro signanda restitutionis quittantia, & recipiendo chirographo, animo summam 12500. florenorum impendendi pro emptione domus, de cujus pretio cum venditore jam convenerat, offendit Imbertum amicum suum. Hic se offert Germano, in continenti se soluturum 12500. florenos, si ipsi cedere vellet suum contractum; imo offert, se daturum quinque pro centum: cogi abbat enim Imbertus, se hunc contractum census posse convertere in *Actiones* sic dictas Societatis Indicæ, in qua non recipiebantur nisi similes contractus, aut obligationes status. Germanus, postquam inutiliter tentaverat obtinere octo pro centum, tandem acceptat, quod obtulit Imbertus. Estne hoc lucrum licitum?

¶ Non videtur hoc lucrum approbari posse: omnes enim Canonistæ & Theologi conveniunt in hoc, quod leges latæ a Principe nullam Superiorem recognoscente pro bono Status  
&

& Reipublicæ, postquam authentice ac forma debita promulgatæ fuerunt, obligent in conscientia, non minus quam leges Ecclesiæ; & quod ad Principem solum privative pertineat, dare valorem contractibus & constitutioni census, eorum effectus approbare, modum præscribere pro interesse, & determinare omnes conditiones essentielles. Jam vero inter principales conditiones reuisionis seu solutionis quoad hos contractus est, ut nil solvatur ultra summam principalem, nec quicquam ultra eam summam possit exigi vel recipi. Itaque excessus ultra summam principalem, quocumque demum nomine veniat, illicitus est, & injustus. Consequenter Germanus in conscientia tenetur Imberto restituere, quod ultra sortem contractus ab eo acceperat. Id ipsum docet S. Thomas 2. 2. q. 62. art. 5. ad 3. *Pontas*.

*Nota.* Ipse Princeps tacite mutare videtur taxam talium contractuum, quando devolvuntur ad eas circumstantias, in quibus juxta æstimationem prudentum crescit vel decrescit eorum valor in publico commercio. Adeoque responsio Authoris solum habet locum, quando Princeps talia commercia non tolerat etiam in foro externo, aut saltem ob intrinsicam eorum malitiam vergentem in grave damnum Reipublicæ aut status, & in corruptelam morum tolerare non potest.

**CASUS XLV.** Adrianus pecuniæ penuria laborans vendit bona fide Marculpho sex jugera fundi per contractum census pro summa 500. florenorum, sub his conditionibus: 1. ut possit Adrianus, si voluerit, redimere fundum seu contractum intra spatium quinque annorum, redditis Marculpho 500. florenis. 2. Ut Marculphus non teneretur deducere de sorte principali fructus ex fundo obtinendos, aut censum ultra sortem percipiendum. Estne juxta prima conditio? An non altera sapit usuram?

«. Contractus venditionis reservato jure redimendi initus licitus est, ut probari potest ex Scriptura Levit. 25. & ex legibus civilibus, quæ ejusmodi conventiones permittunt; dummodo res vendita fiat propria emptori, pretiumque persolutum sit proportionatum justo valori rei, ac tempus pro reuisione stipulatum utrique contrahentium sit opportunum; & talis est contractus, de quo agitur; ac consequenter prima conditio non vitiat contractum. Quod attinet alteram conditionem, ea pariter vitio caret: per emptionem enim fundi aut contractus verum emptori acquiritur dominium, & consequenter etiam fructus provenientes. Si vendidi, ait S. Raymundus L. 2. Tit. 7. de Usur. §. 6. tali conditione adjecta, ut quandocumque solvatur pretium a me, vel hærede meo, redibam prædium ego, vel hæres meus, quandocumque a septennio usque ad novennium vel simile; nunquid est usurarius contractus?

*tractus?* Ad quod respondet: *Ad hoc dico, quod non est mutuum, & emptor facit fructus suos sine periculo usuræ licet venditor juxta venditionis formam postea recuperet pradium...* nisi in fraudem usurarum facta sit talis venditio. Si tamen emptor invito venditore posset rescire ab emptione, non amplius foret contractus venditionis, sed verum mutuum, ex quo hac ratione interesse perciperetur. *Pontas.*

**CASUS XLVI.** Theodatus vendidit Pamello pratum 25. jugerum pro summa 1000. florenorum, quamvis multo plurius constaret, sub ea conditione, ut intra tres annos illud posset redimere, redditus Pamelio 1100. florenis. An contractus iste non est vitiosus?

✱ Contractus hic est usurarius; quia justus valor res multum excedit persolutum venditori pretium, & venditor insuper se obligavit ad plus reddendum emptori, quam ab illo acceperat. S. Raymundus ibid. *Pontas.*

*Nota.* Deberet in casu exprimi excessus pretii ultra summam 1000. florenorum, ut æstimari possit justitia annui census ex tali venditione fructuum ex parte venditoris redimibili.

**CASUS XLVII.** Burcardo vendidit Christophoro decem jugera vineæ, reservata sibi facultate redimendi. Christophorus destruxit vineam, & fundum in pratum convertit, qua commutatione redditus dimidio ampliores, quam prius, percepit. Interea obiit Christophorus; & filius ejus hæres unicus ad magnam pecuniæ penuriam reductus, hunc fundum venalem exposuit, eodemque tempore declaravit Burcardo, quod, si vellet fundo recepto persolutum a patre suo pretium reddere, paratus foret cedere fundum, rogavitque eum, ut, si redimere nollet, saltem desistere vellet a clausula de jure redimendi facta. Burcardo in hoc ultimum consentiente hæres Christophori vendidit fundum pretio triplo majori, quam pater ipsius emerat. An non tenetur hæres Burcardo ad aliquam indemnitàtem?

✱ Liberum cuilibet est renunciare juri suo. Hinc filius Christophori ad nullam Burcardo tenetur indemnitàtem. Melioratio fundi est effectus industriæ Christophori, quem representat filius: hicque ex industria patris commodum ferre debet. S. Thomas 2. 2. q. 62. art. 5. ad 1. *Pontas.*

**CASUS XLVIII.** Eleazarus vendidit Marcellino jugerum prati pro 150. florenis, reservato sibi jure elapsis quinque annis redimendi pratum. Pridie elapsi termini Eleazarus declaravit in debita forma Marcellino, se velle redimere pratum, simulque obtulit solutos sibi 150. florenos. Verum Marcellinus volens adhuc scœnum colligere, variis prætectibus usus est

est ad eludendam Eleazari declarationem, donec tandem collecto fœno pratum ipsi obtulerit. Sed Eleazarus prætendit, fœnum ad se pertinere. Num justa est hæc prætentio?

R. Justa esse videtur Eleazari prætentio: obtulit enim se ad redimendum fundum, antequam a Marcellino fœnum collectum fuit. *Pontas.*

CASUS XLIX. Victor Machæropœus videt in platea duos viros, qui inter se graviter exarsisse videbantur; & duos gladios empturi accurrebant. Potestne, etsi in ingenti pecunie inopia constitutus; ipsis gladios vendere, si persuasum sibi habeat, eos gladiis ad confligendum usuros?

R. Nunquam licet cooperari ad peccatum; hinc absque peccato non potest Victor ipsis gladios vendere in his circumstantiis. Verum si Victor ex levi fundamento dubitaret tantum de abusu gladiatorum, eos posset vendere; dummodo suum prius deposuerit dubium.

NOTA. Circumstantiæ casus non præbent ansam dubio solum levi, sed gravi cum periculo abusus certo, cui non licet cooperari absque necessitate vel graviorum malorum pari periculo.

CASUS L. Incolæ in parochia S. Romani ædificari curarunt ecclesiam, & domum parochialem in fundo noviter a se empto; cumque hæc ecclesia careret cœmeterio, voluerunt emere spatium fundi ad Paulum pertinentis pro construendo cœmeterio. Paulus, cum fundum suum vendere recusaret, compellitur a iudice ad venditionem, & quidem pretio a viris peritis determinato faciendam. Potuitne iudex in conscientia ferre & exequi talem sententiam?

R. Quando res pertinet ad particularem quemplam necessaria est ad usum publicum, & hic recusat vendere, auctoritate Magistratus juste ad id compelli potest. Ob hanc ipsam rationem tempore penuriæ illi, qui frumento abundant magis, quam ad eorum sustentationem opus est, possunt compelli ad vendendum superfluum pro pretio rationabili; prout statuitur *Lege Julia*. 2. ff. Lib. 48. Tit. 12. ubi dicitur: *Lege Julia de annonæ poena statuitur adversus eum, qui contra annonam fecerit, societatem coierit, quo annonæ carior fiat.* *Pontas.*

CASUS LI. Atticus Abbas vendidit Alano sex jugera Sylvæ altæ ac proceræ dependentis ab Abbatis, animo pretium applicandi ad construendum aliquod ædificium in loco suæ residentiæ, quod necessarium esse arbitrabatur. Potuitne propria auctoritate hanc venditionem facere?

R. Leges tam antiquiores quam recentiores interdiciunt Prælati alienationem ejusmodi bonorum; quo nil sapientius est.

statul potuisset : nisi enim leges obssisterent , Abbas non nihil liberior ac immoderatio facie omnes ejusmodi sylvas , aliaque bona immobilia ad abbatiam pertinentia disperderet , parum sollicitus , unde indigentiae suae futuris temporibus consulant successores. *Pontas.*

CASUS LII. Nobilis quispiam sub praetextu dilatae solutionis pluris vendit frumentum suum , quam vendi solet in foro frumentario. An juste ?

3. Non potest sic vendere ; teneturque restituere excessum pretii. Ejus commissarii ac vllici non possunt operam suam conferre ad commercium adeo injustum ; negandaque est ipsis absolutio , nisi promittant , se deinceps partem non habituros in ejusmodi commercio. *De Lamet.*

NOTA. Si cum dilatione solutionis injunctum foret periculum fortis , licite exigeretur auctarium pretii. Vide supra *Casum* 38.

CASUS LIII. Quæritur 1. Num lucrum cessans se junctum a damno emergente sit titulus legitimus percipiendi aliquid ultra mutuum. 2. Supposito, quod legitimus sit hic titulus , num habitualis dispositio ex pecunia sua justis modis lucrandi eximit ab obligatione restituendi , postquam innotuit , injustum esse ultra mutuum quidpiam accipere ? 3. Supposito , lucrum cessans legitimus esse titulus , estne etiam tunc legitimus , quando mercator mulos emit , eosque pluris vendit , justo tamen pretio ; eoquod præstandæ solutionis dilationem per sex menses aut annum concedat ; & si non recepta elapso termino dilationis solutione interesse accipiat ? 4. An mercator , qui ante tempus lanam emit , & minoris solvit , ac tempore traditionis valeat , tenetur restituere , quod justo deest pretio ? 5. An ille , qui locatum sibi gregem morbidum videns eum vendit , ut redactam exinde pecuniam in lucrum convertat , ignorans , lucrum directe ex mutuo proveniens esse injustum , teneatur ad restitutionem ?

3. *Ad 1.* Qui non patitur aliud damnum , quam quod præcise speratum lucrum non ferat , non potest ex hac ratione ultra mutuum quidpiam accipere. *Ad 2* Cessatio lucri non est titulus legitimus ultra summam capitalem quidpiam exigendi , nisi annexum sit damnum probabile aut proximum. *Ad 3.* Memoratus mercator potest indemnitate recipere pro lucro , quod in casu proposito facere impeditur , deductis expensis , laboribus & periculis , si vere habeat animum negotiandi , & industriam suam adhibuerit elapso termino solutionem percipiendi. *Ad 4.* Mercator , qui ante tempus lanam bona fide emit minoris , ac valet eo tempore , dum lana ipsi traditur , tenetur restituere , quod justo pretio deest , nisi incertum dubiumque fuerit , num lana

ten-

tempore traditionis plaris minorisve vendenda sit. *Ad 5.* Ille, qui commissum sibi gregem vendidit, ignorans, ejusmodi negotiationem injustam esse, tenetur restituere etiam id, quo non est factus ditior, si ignorantia ipsius crassa fuit, & vincibilis. *De Lamet.*

*NOTA.* Circa 1. Periculum sortis præbet justum auxilii titulum. Vide supra Casum 38. *Ad 2.* Ad titulum lucri cessantis in eo, cui & animus & occasio lucri alterius justu in promptu est, non requiritur, ut concurrat periculum sortis. *Ad 5.* A restitutione non excusat ignorantia etiam invincibilis, nisi concurrat præsumptio condonationis.

**CASUS LIV.** Potestne mercator plaris vendere mercem ex eo, quod ipsi differatur solutio?

*g.* Mercator committit usuram, si præcise ex eo plaris vendat mercem; quia emptor petit ab eo dilationem solutionis. *Fromageau.*

*NOTA.* Non peccat, si plaris vendit ob lucrum cessans, damnum emergens, aut periculum sortis.

**CASUS LV.** Sempronius venditurus agrum suum contiguum agro Proculi, simulat, se eum venditurum cuidam personæ potenti, omnibus suis vicinis infensæ. Qua de causa Proculus ipsemet, pacis amans, hunc agrum emit, & quidem summo pretio.

*g.* Contractus hic est validus; quia simulatio & fraus non afficiunt ipsam rem venditam: sicut enim frequenter accidit, ut mercatores varias technas, imo & mendacia adhibeant ad carius vendendas merces, & tamen ejusmodi contractus venditionis sint validi; ita etiam, et si Sempronius male egerit simulatione utendo, ut tacite majus extorqueret pretium, contractus tamen cum Proculo initus est validus. C B.

*NOTA.* Licet contractus iste subsistat quoad substantiam, cum tamen quantitas pretii fundetur in fraude ac dolo, quoad hoc injustus est: & hinc pretium dimini ac reducti debet ad arbitrium viri prudentis.

**CASUS LVI.** Mercator quidam cum conquestus fuisset, se plurima habere debita activa, quin vix ulla spes appareat obtinendæ solutionis, Titius sese offert ad emenda omnia debita, dummodo levi ea pretio vendere velit mercator. Licetne?

*g.* Potest ea emere, supposito quod solvat pretium, quo valent juxta æstimationem ordinariam. Ratio est; quia justum pretium rei non debet desumi ex eo, quod res valet

ven-

venditori, nec ex industria & habilitate emptoris, sed ex eo, quod communiter in talibus circumstantiis judicatur valere res. Jam supposito, quod mercator non habeat magnam spem obtinendi summam sibi debitam, certum est, hanc summam minoris aestimari; & consequenter Titium licite eam emere posse leviori pretio. Excipitur tamen casus, quo Titius esset unus ex præcipuis debitoribus, & studiose distulisset, solvere debitum, ut illud dein possit emere minori pretio. Et hæc opinio communis Doctorum est. C. B.

CASUS LVII. Scius mutuos dat Livio 100. florenos ad decem annos. Ambo conveniunt, ut, si unus eorum intra terminum præfixum moriatur, mutuarius sit solutus debito; si vero ambo vitam protrahant ultra præfixum terminum, mutuarius quidpiam solvat ultra sortem

q. Contractus iste est licitus, si id, quod mutuuario est solvendum ultra sortem, taliter est determinatum, ut uterque in æquali periculo perdendi, & æquali spe lucrandi sit constitutus. Ratio est; quia ambo sunt incerti de eventu. Jam, si periculum perdendi, & spes lucrandi ex utraque parte æqualis est, contractus iste habet omnes qualitates eum licitum reddentes. C. B.

CASUS LVIII. Emptores cum solvere recusarent pro merce, quod petiit mercator, hic mentitur, & falsum jurat affirmando, sibi met ipsi hanc vel illam mercem pluris constituisse; unde evenit, ut emptores augeant pretium ab initio oblatum. Jam quæritur 1. Utrum mercator tota conscientia possit recipere hoc augmentum pretii? 2. Utrum fraudem & technas adhibens ad inducendos emptores, ut solvant summum pretium, quod tamen supponitur esse justum, teneatur ad restitutionem emptoribus?

q. Ad 1. Si hoc augmentum excedat limites justii pretii, mercator non potest tota conscientia illud retinere; quia inter datum & acceptum non amplius reperitur æqualitas, quam exigit justitia commutativa. Si vero hoc augmentum non excedat limites justii pretii, illud retinere potest; & licet peccet mentiundo & pejerando, non peccat tamen hoc pretium recipiendo: ex una parte enim ejusmodi technæ in mercatoribus jam sunt cognitæ, ita, ut emptores sibi met ipsi imputare debeant, si induci se sinant; ex altera parte receptum est æquale dato. Ad 2. Mercator talis tenetur emptoribus ad restitutionem; siue quia emptor hac ratione inductus ad solvendum summum pretium non censetur consensisse in hunc contractum; siue quia hoc modo agendi læditur jus emptorum, quod habent, emendi infimo pretio apud alios mercatores. C. B.

NOTA.



**NOTA.** Tales nundularii plerumque utuntur æquivocatione: vere enim contrahunt cum mercatore summo pretio in merces singulas, sed mercator illis condonat quintam, quartam aut omnino tertiam solutionis partem; & ideo dicendo verum peritis notorium non tenentur ad restitutionem. Peccant tamen graviter jurando æquivoce sine coactione notorie injusta.

**CASUS LIX.** Titius locavit domum Cajo, & durante tempore locationis eam vendit Petro, quin ulla in contractu mentio facta fuerit reddituum extraordinariorum domui annexorum. Ad quem pertinent isti redditus?

3. Dividendi sunt redditus isti ad mensuram & proportionem temporis, quo ambo, venditor scilicet & emptor domum possederunt. C. B.

Vide *Caupo. commercium. Contractus. Emptio. Officiales. Usura.*

## VERBERATIO.

Sermo hic est de punitione, quæ infantes a parentibus, uxores a maritis, & domestici ab heris suis ex merito quodque efficiuntur. Videre erit, licet non nunquam verberibus utentium, dum verba ac comminationes nil efficiunt, periculosum tamen esse, regulariter loquendo, hunc in modum castigare subditos; quia perraro id sit cum debita charitate ac justa moderatione, ac consequenter sine peccato, etiam ejusmodi puniatio inchoetur ex optimo motivo.

**CASUS I.** Quintinus habet domesticos inobedientes ac vere dissolutæ, quos severissimæ ac iteratæ increpationes ad frangem non reducant.

3. Absque ullo peccato potest eos verberibus castigare; dummodo id non fiat in æstu iræ, aut ex motivo odii. Nihil minus tamen nolum id ipsi consulere. *Pontas.*

**CASUS II.** Uladislans servans inviolatam tori fidem uxori suæ conperit, adulterinum eam fovere commercium. Hæc cum seræ comminationes nil effecerint, tentavit eam emendare verberibus.

3. Si cum hoc catigat cum moderatione, & absque omni impetu iracundæ, quod tamen in praxi admodum difficile est, non peccat. Prudentis tamen certo non est, hoc uxoris emendationis medium marito suggerere. Parlamentum Divionense 6. Martii 1597. edidit Edictum, vi cujus maritus quidam ad mulctam 200 florenorum fuit condemnatus, eoquod verberibus affecisset conjugem suam, injuncta simul inhibitione relapsus. Edictum hoc fundabatur in privilegio a Duc-

cibus Burgundiæ olim concessio uxoribus, vi cuius a verberibus maritorum immunes esse debebant. *Pontas.*

## VESTITUS LAICALIS.

Agitur hic præcipue de usu vestium alterius sexus, qui plerumque peccaminosus est; licet quandoque ex rationabili causa possit esse licitus.

**CASUS I.** Senatores, nobiles, alique dignitate eminentiores deferunt vestes longe pretiosiores ac alii cives.

*q.* Non peccant, nisi excedant congruentiam status, aut ex mera ostentatione externam eminentiam affectent, & contra legem provincialem pannis ac ornamentis extraneis utantur. *Ne dignitatis auctoritas veniat in contemptum, ait S. Thomas, & ad reverentiam auctoritatis inducendam licitum est, ut secundum modum propriæ personæ pretiosis utatur; sed peccatum est, si proprium modum excedat. Pontas.*

**CASUS II.** Gilberta Argentorato profectura Parisios capiendæ hæreditatis causa, ne in manus militum in Alsatia commorantium incitat, induit se veste virili rustica, & sic vestita iter peragit.

*q.* Non peccavit: licet enim sit de genere prohibitorum assumere vestes alterius sexus, potest tamen juxta S. Thomam id quandoque fieri absque peccato, causa scilicet necessitatis; ut si mulieres sub veste propria sexus incurrerent periculum violandæ castitatis, aut si quis non haberet aliam vestem ad tegendum corpus, aut denique dum quis alio modo salvare non potest vitam vel libertatem propriam vel proximam. *Pontas.*

**CASUS III.** Non nemo officinam promercalium vestium possidet, ex qua non sine copioso quæstu populo, nobilibus, Principibus & Aulæ suppeditat vestes ad lusus Bacchantium idoneas pro theatro aliisque solemnitatibus profanis. Potestne continuare hoc negotium?

*q.* Licet ejusmodi vestes ludicræ occasionem proximam præbeant offendendi Deum, venditio tamen harum vestium peccaminosa non foret, si intra convenientes honestæ eutrapeliæ limites contineretur. Qui ex ejusmodi negotiatione quamvis illicita lucrum fecit, non tenetur ad restitutionem. *Fromageau.*

**CASUS IV.** Matronæ quædam ad venationem se confert virili veste induta. Num licite?

*q.* Licite sic incedit, si virum comitem, ei que sic placendi intentionem habeat; oportet tamen, ut vestis muliebris saltem partem retineat, ex qua semper sexus dignosci possit.

Interes si fors periculum incurreret excessiva hac exercitatione se se lædendi, & ad procreandas proles ineptam reddendi, a venatione prorsus abstinendum foret, rogandusque maritus, ut aliam ipsi indulgeat relaxationem minus defatigantem, sexuique magis convenientem. *De Lamet.*

CASUS V. Licetne viro induere vestes muliebres, & mulieri vestes viriles, & sic occultare sexum?

¶. Ejusmodi mutatio vestium ex natura sua mala non est; immo casu necessitatis licet sic sexum dissimulare. Nihilominus ex suo genere involuit quamdam indecentiam & deordinationem; & licet hæc deordinatio non semper constituat peccatum mortale, semper tamen annexum habet periculum, dum sit solum animo capiendi exinde voluptatem ac delectationem. Peccat quis mortaliter, si aliena veste sexum suum occultet ex intentione prava, aut se periculo exponat peccandi contra pudicitiam, aut proximo sic peccandi occasionem præbeat. Ordinarie ejusmodi simulatio sexus alterius ope vestium nunquam permittenda est. *Fromageau.*

*Vide Habitus Clericalis. Larvatus. Ornatus muliebris. Vestitus muliebris.*

## VESTITUS MULIEBRIS.

1. Plane non nisi gemitus coram Deo edere licet consideranti vanos Nobilium mundi, maxime mulierum, ornatus, & novos identidem se se vestendi modos. Id præprijis dolendum, quod nulla propemodum honestatis, pudoris ac verecundiae ratio habeatur, dum jam passim in nudatis mulierum ac puellarum pectoribus incentiva libidinis tem propriæ quam alienæ legere & videre est. Et hæc quidem nulla ratione, nullaque consuetudine cohonestari possunt, etiam universali; neque ut castæ, scæminæ habendæ sunt; quæ sic vestitæ, aut verius non vestitæ, in publico comparent ac quorumvis indiscriminatim se se oculis exponunt.

2. Sunt & alia circa vestes mulierum, quæ non ita inhonestatem, ut prodigalitem, vanitatem & sæculi stultitiam spirant. Et hæc si homo privatus reformare aggrediretur, temeritatis argueretur, ob conatum licet pium, certe tamen frustraneum: scæminæ enim etiam modestiores conformare se debent usui communiter recepto, nisi nota singularitatis insigniri ac mundanorum effœminatorum exhibitioni exponere se se velint; licet & id non nisi successive, per gradus, & quam tardissime fieri debeat.

**CASUS I.** Agapia uxor cujusdam Magnatis pectore incedit nudato juxta receptam aliarum illustrium fœminarum consuetudinem. An a peccato excusari potest, si aliam intentionem non habeat, quam ut placeat marito, & aliarum suæ conditionis fœminarum morem sequatur?

3. Consuetudo ordinarius prætextus est; quo libertini se, suamque vitæ licentiam excusare solent. Quidquid prohibitum est jure naturali aut divino, consuetudine contraria licitum fieri nunquam potest; licet consuetudo jussu ex causis derogare possit juri positivo humano novam obligationem imponenti. His præsuppositis patet, Agapiam & quancumque fœminam denudato sinu in publico comparentem non posse cohonestare nuditatem suam, aut a peccato excusare prætextu consuetudinis, aut cujusvis demum rationis. *Si de usu patriæ est*, ait S. Antoninus 2. part. Summ. Theol. Tit. 4. c. 5. §. 3. *ut mulieres deferant vestes versus collum scissas & apertas usque ad ostentationem pectoris & mamillarum... vande turpis & impudicus est talis usus; & ideo non servandus.* Clemens Alexandrinus Pædag. L. 2. c. 2. eodem modo loquitur: *Nullo modo permittendum est mulieribus, ut nudam aliquam corporis partem offerant viris, ne ambo prolabantur; hi quidem, ut ad videndum incitentur; illæ vero, ut quæ in se virorum intuitum attrahant. Pontas.*

NOTA. Hæc consuetudo vel potius corruptela saltem aptissima est ex apprehensione personarum cujusvis conditionis ac status ad excitandas impuras cogitationes, obscœnas imaginationes, delectationes morosas & prava desideria: per oculos enim maxime intrat mors in animam.

**CASUS II.** Leocadiæ nobili fœminæ ad sacram Synaxin pectore valde denudato, ac genis fucatis accedenti parochus publicæ denegavit sacram Communionem; ast ea ob publicam prostitutionem & scandalum querelam movit parochi. Estne parochus vere coram Deo reus scandali?

3. Sola Leocadia rea est scandali & prostitutionis suæ, non parochus, qui juste egit ad ædificationem populi, & juxta exigentiam muneris sui. *Mulieres*, inquit S. Carolus Aët. Mediol. part. 4. instruct. de Sacram. Euch. *non accedant fucis aut pigmentis vultu illito, non pectore nudo aut tenui velo oblecto, sed ita vestito, ut ne præter faciem quidquam cernatur.*

NOTA. Videtur tamen, quod parochus prius debuisset monere ejusmodi fœminam, ne accedat in hoc habitu ab humilitate Jesu Christi, & a reverentia Sacramenti debita alienissimo. Quod ipsum l. c.

J. c. Innuit S. Carolus, dum ait: *Hæc parochus præmonitis & curabit, ut summa reverentia fideles accedant & sumant.*

Vide *Missæ*. Caf. 46. *Ornatus muliebris.*

## VETERANUS.

*Veteranus*, seu emeritus in Gallia dicitur Minister Forensis, qui per spatium temporis a Constitutionibus præfixum, quod est annorum viginti, munus suum oblit, & qui per literas ex Cancellaria obtentas retinet gradum honoris, jura honoraria, & privilegia, quibus antea gaudebat, dum actu suum exercebat officium. Judex veteranus, seu emeritus jus habet assistendi judiciis, ibique suum dandi suffragium ad lites decidendas. Verum ibi præsidere non potest.

CASUS. Aristobulus exactis novemdecim annis in officio judicis censet, se prorsus esse ineptum ad hoc officium; jamque ipsi consilium datum est a confessario, ut illo se abdicet. Nihilominus libenter illud per unum adhuc annum retineret, ut postmodum impetret literas ac privilegia Veteranæ. An tuta conscientia suum retinet officium?

ꝑ. Si Aristobulus vere sibi persuasum habet, se esse incapacem ad hoc officium, tuta conscientia non potest illud retinere adhuc per annum: nemini enim licet administrare officium, aut prosequi munus cujuscunque demum generis, cujus obligationibus satisfacere nequit; id quod vel maxime dicendum de officio judicis, ex cujus sæpe arbitrio pendent bona, honor, & vita privatorum. Dein privilegia veterani ex intentione Principis solum debentur iis, qui per viginti annos digne ac utiliter officium judicis obiere, bonumque Reipublicæ promoverunt. *Pontas.*

## VIATICUM.

Vide *Communio sacra. Eucharistia.*

## VICARIUS.

1. *Vicarius* communiter dicitur ille, qui exercet functiones pastorales aut ecclesiasticas loco alterius, cui naturalis quadam officii vel obligationis ratione eadem incumbunt. Talis est vicarius generalis Episcopi, vicarius parochi &c. quorum prior, vicarius scilicet Episcopi nomine Prælati sui per totam dioccesin exercet functiones jurisdictionem voluntariam concernentes; sicut Officialis, qui in jure etiam dicitur

tu vicarius Episcopi, exercet jurisdictionem contentiosam; postea or autem in absentia aut defectu parochi exercet functiones parochiales.

2. Duplex distinguitur genus vicariorum: alii enim sunt *temporarii*, qui ad certum dumtaxat tempus instituuntur, quamdiu scilicet eos retinere placuerit illi, cujus vices obeunt, & cujus nomine potestatem sibi concessam exercent, alii sunt *perpetui*, quorum vicaria potestas fundatur in titulo canonico irrevocabili.

3. Vicarii perpetui suam originem trahunt a Concilio Lateranensi quarto, a quo loco vicariorum amovibilium instituti fuerunt per titulum canonicum in omnibus Beneficiis annexam habentibus curam animarum, neque iis exceptis, quæ curæ in Communitati incorporata erant.

4. Quod attinet ad vicarios amovibiles, ad Episcopum pertinet judicare, an quosdam necesse sit in parochiis instituere; & horum nominatio pertinet ad vicarios perpetuos.

CASUS I. Claudianus Episcopus Oleronenfis, propter quædam negotia suæ diocesis Parisiis commorans, cum comperisset, Vicarium suum generalem obiisse, statim scribit ad Georgium Doctorem Parisiensem, eumque constituit Vicarium generalem cum potestate etiam Beneficia conferendi toto eo tempore, quo ipse se detenturus esset Parisiis; additque, se brevi missurum literas commissorias vicariatus. Duobus aut tribus post diebus vacat quædam parochia per mortem parochi. Gerbertus patronus ad eam præsentat Bertinum, & Georgius tanquam Vicarius, & vi potestatis ab Episcopo sibi factæ acceptat præsentationem. Estne saltem valide de hoc Beneficio provisor Bertinus, maxime in foro interno, juxta hanc regulam: *verbo fit gratia?*

3. Vicarius generalis non potest institui absque literis vicariatus commissoriis debita forma confectis, signatis ab Episcopo & duobus testibus, ac in publicum tabularium ecclesiasticum relatis. Hinc, cum Georgius tantum per literas privatas Episcopi, & viva voce fuerit institutus, revera non erat Vicarius generalis: & consequenter provisio & collatio parochiæ facta Bertino nec est canonica, nec valida, etiam in foro interno. Quod hic dicitur de institutione Vicarii generalis, etiam de ejusdem revocatione intelligendum est, quæ pariter in scripto fieri, significari personæ, & tabulario ecclesiastico ingeri debet. De cætero quam primum Vicarius generalis habet notitiam suæ revocationis, etiam quoad forum internum non amplius ipsi permittitur, ut quocumque demum modo se se immisceat negotiis gubernationem  
dicæ-

diœcesis concernentibus; et si acta revocationis ipsi in forma ordinaria significata necdum fuerint.

NOTA. De jure communi valida est institutio hujus parochi; quia a Vicario generali non proprio nomine facta est, sed nomine & auctoritate Episcopi. Memoratæ formalitates ac solemnitates extra Galliam vix ullibi in usu sunt.

**CASUS II.** Rathardus Archiepiscopus Armacanus propter persecutionem ex Hybernia se se recipere compellebatur; navis autem, cui se commiserat, a piratis Africanis capta & abducta, ipse vero in servitutem abstractus est. An per hoc expirat potestas constituti ab eo Vicarii generalis?

g. Potestas Vicarii generalis solum expirat per revocationem, vel per mortem naturalem aut civilem Episcopi. Cum autem Episcopus Armacanus per captivitatem mortem civilem non incurrerit, potestas Vicarii generalis non expirat: quamvis enim in servitus proprie dicta morti civili æquiparetur, id tamen juxta Fagnanum dici non potest de captivitate, in quam Christiani injuste ac violenter a paganis, Turcis, infidelibus aut hæreticis abripiuntur; cum id in nullo Canone reperitur expressum. *Pontas.*

**CASUS III.** Bernardinus Vicarius generalis abeunte suo Episcopo in provinciam exteram ac in itinere mortuo, per integrum mensem non accepit de ejus morte nuntium; & interea plura contulit Beneficia, literas concessit dimissorias, aliasque functiones officii sui exercuit. An omnia hæc ejus acta intra hunc mensem valent?

g. Verum quidem est, potestatem Vicarii generalis expirare per mortem Episcopi; nihilominus tamen omnia Bernardini acta, etiam collationes Beneficiorum, & concessiones litterarum dimissoriarum, si specialiter hæc ipsi potestas fuit concessa ab Episcopo, sunt habenda pro validis: quamdiu enim mors Episcopi fuit incognita, tamdiu Bernardinus publice habeatur pro Vicario generali; & Ecclesia in ejusmodi eventibus censetur supplere, quod tantum est de jure humano, ad conservandam tranquillitatem conscientiarum, evitandas lites, ac removenda scandala, quæ alias oriri possent. *Pontas.*

**CASUS IV.** Aristophanes Vicarius generalis Spirensis admisit permutationes Beneficiorum, & resignationes parochiarum, quin specialem ab Episcopo potestatem habuerit conferendi Beneficia. Potu'ne sic agere?

g. Eadem requiritur potestas ad recipiendam resignationem, & admittendam permutationem, quæ requiritur ad conferenda Beneficia: ejusdem namque potestatis est exuere, cujus est investire. Hinc Aristophanes non, otuit in casu pro-

posito admittere permutationes, nec recipere resignationes.  
*Pontas.*

CASUS V. Archiloehus Vicarius generalis vi specialis potestatis conferendi Beneficia ab Episcopo sibi factæ contulit parochiam vacantem Gabrieli; & Episcopus hujus collationis ignarus eandem contulit alteri. Cujusnam collatio est legitima?

g. *Propter conferentis ampliorem prærogativam*, ut ait Bonifacius VIII. Cap. *Si a Sede*. 31. Lib. 3 Tit. 4 in 6. prævalet collatio facta ab Episcopo. Rebuffus addit aliam rationem: dum scilicet Episcopus ipse contulit Beneficium, censetur saltem pro hac vice revocasse potestatem Vicarii generalis, eadem ferme ratione, qua procuratori ad pertractandum negotium nominato censetur revocatum esse mandatum, dum Principis ipse causam agere incipit. *Pontas.*

CASUS VI. Archippo Vicarius generalis Archiepiscopi Capuani ob negotia domestica invito Archiepiscopo profectus est Neapolim. ibi que exercuit quosdam actus jurisdictionis voluntariæ Archiepiscopus brevi post ejus abitum servata debita forma revocavit potestatem illius. Valente actus exerciti ab Archippo, antequam facta revocatio ipsi innotuit?

g. Potior ac sanior pars Canonistarum censet, hos actus jurisdictionis voluntariæ esse validos. Cabassutius L. i. c. 13. n. 15 ait: *Quamdiu aliquis, quantumvis perversus, sustinetur in officio: valent ejus acta, ut communiter docent juris interpretes.* *Pontas.*

CASUS VII. Nemefius Vicarius generalis obortis sibi cum Episcopo controversiis, ab eo viva voce fuit privatus suo officio, sed clam aliis. Nemefius hoc non obstante approbavit quosdam confessarios, aliosque actus suæ jurisdictionis exercuit. Num valent omnia ista?

g. Revocatio hæc, cum palam ac publice non innotuerit, non extinguit jurisdictionem Nemefii, ab omnibus adhuc habiti pro Vicario generali. Hinc omnia, quæ post revocationem hanc secretam ac verbalem tantum egit, sunt habenda pro valde ac canonice actis. *Pontas.*

CASUS VIII. Pantaleon Vicarius generalis nominatus ab Adolpho, qui ad Sedem Episcopalem promotus a Rege regioque diplomate jam instructus erat, plures confessarios approbavit, aliosque actus jurisdictionis voluntariæ exercuit; licet Adolphus Sedis episcopalis possessionem nondum ceperit, nec Pontificias Roma Bullas acceperit. Valente hæc acta a Pantaleone?



*¶* Nominatus ad Episcopatum, & solo diplomate regio instructus non potest Vicarium generalem constituere pro ipsius regimine d'ce esseos, cum ipsemet taliter nominatus in Episcopum non possit ullam jurisdictionem in spiritualibus exercere juxta Concordata gallicana, priusquam Bullas Pontificias obtineat. Hinc institutio Panteleonis in Vicarium generalem nulla est, ejusque acta invalida; cum solus Vicarius generalis ac Officialis Capituli jurisdictionem spirituales, tam voluntariam quam contentiosam exercent Sede vacante. Certum tamen est, quod Episcopus, quamprius Bullas Pontificias obtinuerit, pleno jure potestatem episcopalem exercere, ac unum aut plures Vicarios generales constituere possit, etiam antequam possessionem adiit. *Pontas.*

*NOTA.* Hæc denuo peculiaria sunt regno Galliarum. In Germania plerumque, dum eligitur Episcopus, comparet in loco Nuncius Apostolicus, qui ut legatus Pontificius mox post electionem confirmat electum.

**CASUS IX.** Pomponius parochus obijt; Leonardus vicarius ejusdem hoc non obijt ne functiones parochiales obijt, ut ante mortem parochi. Haberne hanc potestatem?

*¶* Leonardus non potuit post mortem Pomponii amplius assistere matrimonii, cum Concilium Tridentinum id solum permittat in præsentia proprii parochi, qui utpote mortuus non potest amplius delegare hanc potestatem. Potest tamen Leonardus confessiones excipere, ut prius; quia approbatio ab Episcopo obtenta semper subsistit. *Pontas.*

*NOTA.* Præter approbationem etiam opus est jurisdictione, quæ per mortem parochi delegantis expirat. In Germania post mortem parochi mox Decanus Capituli, ad quod pertinet parochia, auctoritate Episcopi committit potestatem exercendi omnes functiones parochiales vel capeliano defuncti parochi, vel alteri sacerdoti approbato ab Episcopo, donec novus instituatur parochus.

**CASUS X.** Leonardus vicarius in quodam pago dependente ab aliqua parochia uno milliari distita cum fuisset infirmatus, functiones parochiales sibi incumbentes committit alteri sacerdoti, idque inconsulto paracho loci. Potuitne id fieri valide?

*¶* Delegatus quidem delegare non potest, ut habet tritum illud juris; nihilominus tamen in casu præsentis juxta D. Thomam quodlib. 12. art. 31. præsumendum est, parochum Vicario suo Leonardo tacitum dedisse consensum, ut possit per alium obire functiones sibi commissas, quas personaliter obire non posset. Hinc Leonardus licite & valide potuit alteri presbytero committere functiones, quas ipse exercere ob

infirmitatem non potuit. Omnes autem prorsus functiones eidem committere non potuit sine consensu & approbatione parochi. *Pontas.*

CASUS XI. Episcopus quidam Vicario suo generali delegavit potestatem in quibusdam casibus dispensandi super certis matrimonii gradibus. Potuitne Episcopus hanc potestatem delegare?

g. Potuit; & si Episcopus post duos suorum prædecessorum est in possessione dispensandi hac in re, potest id continuare; licet melius & consultius faceret, si Romam mitteret ad explorandam mentem Pontificis. *Fromageau.*

CASUS XII. Vicarius quidam generalis jam per quadraginta annos administravit diocesim amplissimam, eamque actu administrat Sede vacante. Quam primum autem novus electus fuerit Episcopus, suo se abdicare officio cogitat. Num tanta conscientia suum dimittit officium?

g. Communiter loquendo potest illud dimittere, propositis Episcopo motivis suis, & petita dimissione. Si tamen adhuc donec sit ad gerendum cum fructu officium istud, novusque Episcopus eum dimittere nolit, divinam in hoc voluntatem adoret, humiliterque se submittat, ac idoneum virum ab Episcopo sibi adjungi postulet, quem sibi successorem efformet. *Fromageau.*

CASUS XIII. Potestne Episcopus presbyterum omni destitutum officio cogere, ut tanquam vicarius derelictam parochiam administret?

g. In rigore loquendo potest Episcopus talem cogere, etiam sub pœna suspensionis. Si tamen presbyter talis graves rationes haberet id recusandi, easque Episcopus audire aut acceptare nolit, ab Episcopi mandato appellare debet. *Fromageau.*

Vide *Collatio Beneficii. Dimissoria. Excommunicatio.*

## V I D I M A T I O.

1. Per *Vidimationem* seu *Visa* intelliguntur litteræ, in quibus Ordinarius testatur, visas a se fuisse provisiones ad Beneficium Roma obtentas, provisumque in examine doctrinæ ac morum idoneum fuisse repertum ad possidendum Beneficium eique inserviendum; & hæc clausula necessario dictis litteris inferenda est, ita ut vidimatio ad provisiones Romanas in forma dignum concessa abusiva censeatur, si in ea non denotetur, provisum fuisse examinatum, & idoneum iudicatum.

2. Abs-

2. Absque prævia vidimatione Beneficiarius non potest possessionem sumere Beneficii; quin se intrusionis reum faciat, & Beneficium ipsius pro vacante habeatur.

3. Quando Episcopi aut Vicarii generales vidimationem provisto dare rennuunt, tenentur id scripto declarare, expressa simul causa recusatōis.

4. Possessio Beneficii solum civilis a iudice sæculari obtenta nullum prorsus tribuit jus exercendi functiones spirituales; donec & Episcopus concesserit vidimationem, aut eo recusante Superior immediatus.

5. Provistus Beneficio, si ipsi ab Episcopo, Metropolitano ac Primate vidimatio denegata fuerit, non poterit amplius agere contra istam triplicem denegationem, nec unquam sententia iudicis sæcularis habebit rationem aut effectus vidimationis episcopalis.

6. Etiam provisi *in forma gratiosa*, etsi misso prius Romanæ testimonio Episcopi de vita, moribus ac doctrina provisiones obtinuerint, nec a Papa se denuo sistere Episcopo iussi fuerint pro examine, tenentur se præsentare Episcopo, in cujus diocesi Beneficium situm est, observatis insuper omnibus aliis formalitatibus ordinariis, maxime si Beneficium sit curatum.

7. Beneficio provistus potest illud resignare etiam *possessione non accepta*, nec obtenta vidimatione; & propterea exorta lite de titulo Beneficii nunquam attenditur ad diem datæ vidimationis, sed solum ad diem obtentæ provisionis.

CASUS I. Alchardus acolythus iussu Episcopi, qui enim ad statum clericalem minime vocatum iudicabat, ex episcopali seminario, ubi per octo menses se retinuit, ejectus est. Verum elapsis tribus mensibus continuit in Curia Romana parochiam suo a patruo sibi resignatam; quapropter ab Episcopo provisionis vidimationem petiit, quam tamen Episcopus dare recusavit, eum ob morum perversiōem ad recipiendos sacros Ordines indignum reputans. Hinc Alchardus Metropolitanum adiit, & ab eo vidimationem impetravit; sicque parochiæ possessionem adiit. An Episcopus iuste vidimationem denegavit? Num Metropolitanus vidimationem absque peccato indulgere potuit? An Alchardus salva conscientia retinere potest parochiam?

q. Episcopus iuste potuit, immo debuit denegare vidimationem ejecto ex seminario Alchardo. Metropolitanus tuta conscientia non potuit statim Alchardo concedere vidimationem merito denegatam ab Episcopo; debuisset potius eum remittere suum ad Episcopum ad probandam illi suam innocentiam, & ni intra definitum tempus sufficientes

innocentiæ probationes attulerit, absque vidimatione eum dimittere. Aichardus denique parochiam, cujus possessionem contra canones adiit, tuta conscientia retinere non potest. Responſio hæc fundatur in quadam declaratione Congregationis Cardinalium Concilii interpretum, quæ videri potest in Bullario magno Tom. 2. pag. III. *Pontas.*

**CASUS II.** Cordulphus presbyter obtento in Curia Romana Beneficio curato resignato petiit ab Episcopo suo vidimationem provisionis, quam tamen non impetravit; eo quod ab Episcopo examinatus ad septem quæstiones in materia Sacramentorum ineptissime responderit; quod motivum etiam in instrumento recusationis allegatum fuit. Verum Cordulphus convertit se ad Metropolitanum, a quo examinatus satis idoneus inventus est, sicque vidimationem obtinuit, vi cujus & Beneficii possessionem sumpsit. An Metropolitanus tuta conscientia Cordulpho vidimationem concedere potuit?

ꝯ. Metropolitanus non habet jus de novo examinandi jam examinatum & rejectum a suo Suffraganeo; nisi ipsi certo constet, eum ab Episcopo injuste fuisse rejectum, aut in tentamine quæstiones fuisse propositas circa objecta curam pastorem aut Clericum vel sacerdotem non attingentia. Totum igitur, quod Metropolitanus hoc in casu agere potuisset ac debuisset, consistit in hoc, ut Cordulphum ut male appellentem a sententia sui Episcopi ad eundem sine vidimatione remitteret. *Pontas.*

**CASUS III.** Clericus Episcopus justam habens rationem dubitandi de probitate morum Alphonsi, qui in Curia Romana de parochia sibi resignata provisorius in forma dignum vidimationem petlerat, eum per octo menses ablegat ad seminarium episcopale. An Alphonsus, qui re ipsa est innocens, & solum per calumniam inimicorum apud Episcopum diffamatus, tenetur obedire, & se exponere periculo amittendi parochiam, posito quod resignans intra sex menses in actuali adhuc possessione parochia moriatur, antequam ipse ejusdem possessionem cepisset? Nam poterit recurrere ad Metropolitanum?

ꝯ. Alphonsus, etsi innocens, tenetur obedire suo Episcopo, cui jus est tentandi probitatem morum ipsius in seminario; quod medium ordinarium ac legitimam est, quod in ejusmodi circumstantiis adhibere potest Episcopus. Metus propterea amittendi parochiam inanis est: non enim necesse est requiratur, ut publicatio resignationis fiat per additionem possessionis Beneficii; sed sufficit, si probari possit, additio-

tionem possessionis legitime impeditam, & vidimationem provisionis fuisse petitam. *Pontas.*

CASUS IV. Reinerius presbyter diœcesis Burdigalensis parochia provisorius in Curia Romana petitam a suo Archiepiscopo vidimationem impetrare non potuit, idque, ut ipse quidem aiebat, ob injuste & absque omni causa aversum Archiepiscopi a se animum. Verum Reinerius a supremo tribunali sæculari facultatem obtinuit ad primum provinciæ Episcopum recurrendi, a cujus Vicario generali vidimationem consecutus parochiæ possessionem adlit. Validane est hæc vidimatio, & aditio possessionis canonica?

¶ Vidimatio hæc nullius est valoris, nec aditio possessionis canonica: nam si Episcopus diœcesanus deneget vidimationem, recurrendum est via juris ad Superiorem ejus, qui in præsentī casu est Primas vel Papa. Tribunalium sæcularium prorsus non est hæc in re quidpiam decernere, prohibere aut permittere. *Pontas.*

CASUS V. Carolus provisorius Decanatus ecclesiæ metropolitane Turonensis a patruo suo resignati in Curia Romana obtinuit, & impetrata a Capitulo vidimatione ejusdem possessionem cepit. Suntne hæc vidimatio & possessionis aditio canonice?

¶ Capitulum arrogavit sibi in hoc casu jus privative ad Archiepiscopum pertinens. Hinc & vidimatio & possessionis aditio sunt nullæ ac invalidæ. *Pontas.*

*Vide Examen.*

## V I S I T A T O R.

Tridentina Synodus Episcopis mandat, ut singulis annis totam suam diœcesin, aut saltem majorem ejus partem visitent; & si legitimo aliquo impedimento obstante ipsimet visitare non possint, per Vicarium generalem vel alium visitatorem privatum eam visitari procurent. Eadem sacra Synodus Episcopos monet, ne inutilibus sumptibus cuicumque graves, onerosive sint in visitatione, ac a nemine quidquam exigant exceptis tantum victualibus, quæ sibi ac suis frugaliter moderateque pro temporis, & locorum circumstantiis erunt ministranda. Idem Concilium docet Episcopos modum, quo suas visitationes utiles reddere possint.

CASUS I. x. Potestne Episcopus, Cathedralē suam visitans, Archidiaconos privare suis proventibus, qui a mensa capitulari separati sunt, quemadmodum alii Canonici privan-  
tur.

tur distributionibus, si sunt absentes? 2. An Episcopus tempore visitationis possit decreto sancire, ut tam Canonici, quam etiam Archidiaconi, si ultra tempus a Concilio Tridentino concessum absentes esse velint, ab ipso facultatem longioris absentiae petant? 3. An Vicarius Episcopi, si inter Canonicos sit postremus, corrigere possit errantes in choro Canonicos? 4. Potestne Episcopus Scholastico præcipere, ut conciones habeat, aut illas per alium fieri procuraret? Num etiam Scholasticus appellare poterit contra tale mandatum prætendendo abusum, aut usum contrarium? 5. Potestne Episcopus præcipere Capellanis, ut suas exhibeant provisiones, præsertim illi, qui alio quoque in eadem ecclesia gaudent Beneficio? 6. Potestne Episcopus in visitatione Canonicos, qui ipsius Officiales sunt, comites sibi adungere? 7. Potestne Episcopus tempore visitationis præcipere omnibus suæ Cathedralis Beneficiariis, etiam iis, qui simplici tonsura initiati sunt, ut se sistant in habitu? 8. Potestne Episcopus qua Visitator inquirere in psalmodiam, & educationem puerorum choro inservientium? 9. Potestne Episcopus præcipere Capitulo, ut Cantores & Musicos, quos recipere cogitant, sibi prius præsentent, &c.

¶. 1. Non potest Episcopus Archidiaconos privare suis proventibus, cum eorum proventus separati sint a mensa capitulari. 2. Non potest obligare Canonicos, ut ab ipso petant licentiam longioris, quam Concilium Tridentinum permittit, absentiae. 3. Potest Scholastico præcipere, ut singulis Dominicis concionem habeat, Scholasticus vero non potest obtendere præscriptionem. 4. Potest etiam exigere a Capellanis, ut exhibeant suos titulos, & qui duobus Beneficiis *sub eodem titulo* gaudent, obtentam dispensationem. 5. Potest tempore visitationis omnibus suæ ecclesiae Beneficiariis præcipere, ut se præsentent, non tamen potest ferre censuras in absentes. 6. Potest inquirere in educationem puerorum choro inservientium, potest etiam mandare, ne Cantor recipiatur, nisi suum *Exeat* exhibere possit. Episcopo nihil innovandum in usu ecclesiae suæ, ut cuius SS. Sacramentum non asservatur in altari summo. Episcopus potest præcipere, ut in ecclesia cathedrali loco vicarii amovibilis instituat perpetuus, qui parochiae ecclesiae annexae deserviat. *De Lamet.*

CASUS II. Canonici Remiremontii gaudent veris Beneficiis. An propterea tenentur se submittere constitutionibus a visitatoribus Apostolicis ad corrigendas deordinationes factis?

3. Tenentur se submittere. Hæ Canonice poterunt recurrere ad Summum Pontificem, pro conservando habitu seculari extra ecclesiam; luxu tamen vestium quam longissime relegato semper & ubique pro decencia status sui modestiæ studeant. *De Lamet.*

Vide *Archipresbyter.*

## UNIO BENEFICIORUM.

1. *Unio Beneficiorum* est conjunctio unius Beneficii cum alio facta auctoritate Papæ vel Episcopi, ita ut ex duobus Beneficiis fiat unicum. Duae jura Canonica admittit species unionis; unam solum *ad tempus*, nimirum usque ad obitum Beneficiarii, in cuius gratiam facta est, & alteram *perpetuam*: & unio hæc posterior sola in non nullis provinciis recipitur; eo quod ad *commune* Ecclesiæ bonum sola conferre dignoscatur.

2. Triplici modo fieri potest unio. 1. Quando duo Beneficia coalescunt in unum. 2. Quando una ecclesia subjicitur alteri, eidemque accessorie unitur. 3. Quando duarum ecclesiarum unitarum quælibet retinet sua bona privata, sua jura, sua privilegia, suas obligationes ac prærogativas, ut si v. g. ambæ ecclesiæ unitæ sunt parochiales, & in hoc ipso statu perseverant, quo fuerunt ante unionem, ita ut quælibet habeat suam fabricam, peculiares suos redditus, distinctos curatores, & unus idemque parochus in hiis ecclesiis alternative singulis Dominicis divina celebret officia.

3. Unio parochiarum, præbendarum, & aliorum simplicium Beneficiorum de jure pertinet ad Diocesana, ut ex ipsa declaratione Concilii Tridentini Sess. 21. c. 5. de reform. patet, quod in vanum Episcopus hac in re considerat ut delegatos Papæ; quia hoc jus independentem a Papa eorum dignitati annexum est, ut expressis terminis fatetur Cælestinus III. Cap. *Sicut univ.* 8. Lib. 5. Tit. 31.

4. Omnem Beneficiorum unionem præcedere debet inquisitio, quæ dicitur *de commodo & incommodo*; vocandique sunt ad eam Patroni & omnes, quorum quoquo modo interesse potest; eorum tamen in numero non computantur ipsi Titulares; quia per unionem non privantur suis Beneficiis quamvis unitis, quamdiu vixerint: unio enim primum consequitur effectum suum post eorum obitum.

5. Papa solus potest unire Episcopatus, aliaque Beneficia consistorialia; solus quoque potest unire unum religiosum Ordinem cum alio, aut disjungere; cum consensu tamen Principis secularis.

6. Sede vacante Capitulum gaudet jure uniendi; quia unio est actus jurisdictionis ordinariæ, quæ mortuo Episcopo devolvitur ad Capitulum.

7. Episcopus non potest unire Beneficia a sua jurisdictione exempta, nisi cum consilio & assensu Abbatum; nec Abbates possunt facere unionem, nisi ipsis suppetat priv legum aut consuetudo legitime præscripta. Episcopus denique non potest unire Beneficia simplicia mensæ episcopali aut Capituli, ne quidem cum consensu Capituli.

8. Commenda Melitenis potest uniri cum alia, non tamen cum Beneficio; nec etiam Beneficium liberum potest uniri cum illo, quod est patronatus laici.

CASUS I. Laurentius Decanus ecclesiæ cathedralis de Balbastro nepos Episcopi obtinuit ab eo unionem cujusdam Prioratus annuorum proventuum 400. florenorum ad suum decanatum, cujus annui redditus 2000. florenos efficiunt, ea conditione, ut Episcopus deinceps liber foret ab obligatione quotannis solvendi Decano pensionem 250. florenorum. Fieriue potuit salva conscientia ab Episcopo hæc unio sub dicta conditione?

✱. *Episcopi quidem est ecclesiarum suæ diœcesis unio & subjectio earundem*, ait Cœlestinus III. l. c. cum quo concordat etiam Concilium Tridentinum; sed juxta doctrinam Apostoli Episcopus non potest uti sua potestate nisi ad ædificationem & pro bono Ecclesiæ. Et cum unionem hanc nec necessitas urgeret, nec utilitas Ecclesiæ suaderet, sed solum interesse proprium Episcopi, ea sine peccato fieri non potuit, utpote legibus Ecclesiæ contraria. *Pontas.*

CASUS II. Romanus Episcopus univit suo seminario recens erecto Prioratum simplicem regularem absque auctoritate Papæ. Estne hæc unio canonica? An ea ab Episcopo fieri potuit tuta conscientia?

✱. Est canonica, & licite fieri potuit: Concilium enim Tridentinum Sess. 23. de reform. c. 18. permittit Episcopis unionem Beneficiorum simplicium sive secularium sive regularium cum suis seminaris. Immo Episcopi alias jam sunt in possessione faciendi ejusmodi uniones: *Consuetudo approbata optima est legum interpret.* Cap. *Cum dilectus.* 8. Lib. 1. Tit. 4. *Pontas.*

CASUS III. Episcopus Prioratum simplicem, in quem præter collationem varia jura vi instrumenti antiqui sibi asserabat Abbatia quædam regularis, univit seminario ea conditione, ut pro juribus, quæ cedebantur seminario, ab eodem singulis annis Abbatia penderentur tres scaphæ frum-

men-



menti. Triginta post annis repertum est, illud Abbatiæ instrumentum esse supposititium. Quid juris?

¶. Transactio Episcopum inter & Abbatiam est simonica; eo quod Abbatia jus spirituale cefferit pro re temporali, scilicet frumento, & quidem vi tituli falsi; hinc etiam unio est vitiosa & nulla, nec sanatur per possessionem triginta annorum, cum labes simoniæ lapsu temporis etiam immemorialis purgari non possit, & ipsa possessio fundetur in titulo supposititio. Ex quo sequitur, omnia quoque instrumenta desuper confecta una cum unione esse nulla juxta regulam juris 39. in 6. *Cum quid prohibetur, prohibentur omnia, quæ sequuntur ex illo.* Pontas.

CASUS IV. Riguerus Beneficiatus ab Episcopo sollicitatus pro assensu in unionem Beneficii sui cum seminario diocesano consensit ea conditione, ut durante vita frueretur proventibus Beneficii. Episcopus acceptavit conditionem, & annuens quoque patrono ac collatore inferiore facta est unio. An hæc unio non est vitiosa vel ex parte Rigueri vel ex parte Episcopi?

¶. Hæc unio est ex omni parte canonica: cum enim Episcopis competat jus uniendo Beneficia in suis diocælibus, etiam permessa esse debent media perficiendi unionem juxta regulam juris 42. in 6. *Accessorium naturam sequi congruit principalis.* Addi potest lex Cui. 2. ff. Lib. 2. Tit. 1. *Cui jurisdictio data est, ea quoque concessa esse videntur, sine quibus jurisdictio explicari non potest.* Pontas.

CASUS V. Cum quædam Capella patronatus ecclesiastici vacaret, eam Episcopus univit Capitulo ejusdem ecclesiæ collegiatæ, non requisito consensu Patroni. Estne unio legitima?

¶. Cum consensus patroni & collatoris Beneficii uniendo absolute sit necessarius, unio hæc non est legitima? Pontas.

CASUS VI. Cum Canonici ejusdem ecclesiæ collegiatæ valde tenues possiderent redditus, ita ut quilibet eorum triginta tantum annuatim reciperet Imperiales, Episcopus dictæ ecclesiæ univit capellam 200. florenorum reddituum, ejus Patronus laicus est, & suum nepotem ad eam nominavit, subjectum dignum & capax. Unio hæc facta est observatis requisitis formalitatibus. Jam quæritur, an Episcopus possit nominato ad capellam denegare provisionem?

¶. Episcopus tenetur concedere provisionem dicto nominato ad capellam: nam non potuit unire Beneficium Episcopus sine consensu Patroni laici. Pontas.

CASUS VII. Theotimus titularis Capellæ S. Euphemie denegavit consensum ad unionem, quam Episcopus facere cogit. *Dist. Cas. Conf. Tom. III.* S. gita-

gitabat ad suum seminarium; Episcopus nihilominus perfecit unionem. An hæc unio est canonica? An Episcopus absque Injustitia unionem facere potuit?

y. Si titularis gaudet redditibus Beneficii durante sua vita, Episcopus legitime potest illud unire juxta Clementem V. Cap. *Si una*. 2. Clement. Lib. 3. Tit. 4. ubi ait: *Si una ecclesia alteri ecclesie, seu dignitati alicui vel præbendæ per Episcopum suo consentiente Capitulo uniatur . . . ex eo quod Rector ipsius ad hoc vocatus non exstiterit, nequaquam id poterit infirmari*. Pontas

CASUS VIII. Canonici ecclesiæ cujusdam collegiæ, cum quilibet eorum 75. florenos tantum annuos redditus haberet, rogarunt Episcopum, ut tres canonicatus vacantes supplereret, & redditus eorum uniret præbendis suis. Episcopus perfecit unionem; Joannes vero unus Canonicorum quærit, an tuta conscientia frui possit redditibus vi unionis auctis?

y. Tutissime hac accessione reddituum fruitur; juxta Concilium enim Tridentinum Sess. 24. c. 15 Episcopus potest exigentibus id circumstantiis suppressere quosdam canonicatus, eosque præbendis egentium unire. Requiritur autem in præsentī casu, ut postulatio Canonicorum facta Episcopo veritate nitatur. Pontas,

NOTA. Circa ejusmodi suppressiones Canonicatum, si non necessarium, saltem consultius foret Episcopo se convertere ad Sedem Apostolicam ob varietatem circumstantiarum menti Patrum Concilii Tridentini fors non obversantium, vel ob spem alterius remedii facilius ad sublevamen indigentiarum Canonicorum suggerendi.

CASUS IX. Capitulum cujusdam ecclesiæ collegiæ, cum ejus Canonici non haberent, sufficientes redditus ad sustentandam decentiam ac dignitatem status sui, univit uni canonicatui parochiam, ad quam jus præsentandi habebat, ea conditione, ut quarta pars reddituum parochialium cederet Capitulo in singulos dividenda. An hæc unio est licita ac valida?

y. Hæc unio nec est licita nec valida. Ratio est 1. Quia Beneficia curata sunt incompatibilia cum canonicatibus, nisi fors cum dispensatione in eadem ecclesia: *In unionibus vero quibuslibet*, ait Tridentinum Sess. 24. c. 13. *de reform. ecclesiæ parochiales præbendis ecclesiæ cathedralis vel collegiata non uniantur*. 2. Quia unio Beneficiorum valide fieri non potest nisi auctoritate Episcopi, non vero Capituli, quantumvis exempti. Quod vero hæc unio sit simoniaca, ex eo patet; quia facta est ex motivo commodi temporalis,

nem.

nempe intuitu quartæ partis reddituum parochialium ; in materia autem beneficii omnis conventio a summo Pontifice non approbata illicita ac simoniaca est. Hinc Canonici omnes incurrerunt censuras in simoniacos latis ; nec eos excusare potest ignorantia , utpote in re iure divino & canonico prohibita : *Ignorantia facti, non juris excusat.* Reg. juris 13. in 6. *Pontas.*

**CASUS X.** Optatus Archidiaconus ecclesiæ Navarrensis in districtu archidiaconatus sui ducentas circiter singulis annis parochias visitare tenetur ; ex quo sæpe accidit , ut ex correctione immorigerorum Clericorum lites oriantur , quæ propriis ipsi sumptibus sustinendæ sunt. Cum autem redditibus frueretur omnino tennibus , & ad ea omnia præstanda haud sufficientibus , petit unionem tertiæ partis proventuum cujusdam parochiæ pinguissimæ , & quidem consentiente paroco. An fieri potest hujusmodi unio ?

R. Archidiaconus tuta conscientia unionem istam petere non potest , nec Episcopus concedere : nam 1. Redditi ecclesiastici nunquam uniri possunt Beneficio , nisi id exigat necessitas aut utilitas Ecclesiæ , qualis tamen non datur respectu archidiaconatus. 2. Posito quod detur necessitas augendi redditus annuos Archidiaconi , id fieri deberet per unionem simplicis Beneficii. 3. Potior daretur ratio uniendo partem reddituum pinguis parochiæ cum alia tenui parochia quam cum archidiaconatu ; & tamen id nunquam fit. 4. Beneficium curatum nunquam censetur habere superfluos redditus : quæ enim congruæ sustentationi parochi supersunt , bona sunt pauperibus debita. 5. Denique ad proventus annuos stabiles archidiaconatus affixos accedunt etiam Archidiacono alij redditus ex visitationibus & parochiis vacantibus , ut S. Beuve advertit Tom. 1. cas. 182. *Pontas.*

*Nota.* Pontasius hic non attendit , sæculo adhuc decimo redditus omnium parochiarum , præsertim decimas , immediate pertinuisse ad jus & dispensationem Episcopi , qui parochiis solum assignavit congruam. Nec Episcopi reperiuntur unquam renunciasse juri suo succurrendi paroco pauperi ex parochia redundante per reservationes pensionis perpetuæ.

**CASUS XI.** Hercules Dux possidet castrum in parochia , cujus jus patronatus & dominium temporale spectat ad Nobilem quemdam ; nunquam autem adit ecclesiam parochialem , ne Patrono & domino loci territoriali primum cedere locum teneatur. Petit igitur ab Episcopo , ut ad abscindendam omnem litem castrum adjungat vicinæ parochiæ suo sub domi-

nio constitutæ; maxime cum & parochus in hanc sejunctionem consentiat. Potestne castrum adjungi alteri parochiæ?

R. Potest quidem Episcopus facere ejusmodi dismembrationem ex causa legitima. In præsentî autem casu, cum non sublit legitima causa, ea nec p<sup>o</sup> Hercule turâ conscientia peti, nec ab Episcopo concedi potest: parochus quoque male egit suum dando consensum. *Pontas.*

CASUS XII. Adeodatus Abbas regularis plenam habet jurisdictionem quoad spiritualia in plures ecclesiâs parochiales, & unam collegiatam ex sex Canonicis ac totidem Capellanis constantem. Cum vero Canonici ob omnino tenues redditus subsistere non possint, Abbas cogitat eorum redditibus unire tres Capellanas vacantes. An id propria auctoritate facere potest?

R. Unio Beneficiorum est juris pure episcopalis, cujus inferior Prælatus, qualiscunque demum sit, capax non est. Hinc Adeodatus non potest unire dictas tres Capellanas Canonicis, de quibus in præsentî casu agitur. *Pontas.*

CASUS XIII. Quidam Abbas, & dominus simul parochiæ, ecclesiæ dirutæ redditus sibi vindicavit, & ejus curam demandavit parochi vicino.

R. Non potest id facere sine permissione Episcopi, & si titulus parochiæ non potest conservari, nec ecclesia reedificari, debet uniri parochiæ viciniore, & commodiore. *De Lamet.*

CASUS XIV. Potestne Beneficium uniri Collegio alterius diœcesis?

R. Potest uniri; dummodo servantur formalitates requisitæ. Verum ad confirmandam stipulationem, qua Collegium promittit annuam pensionem fixam loco reddituum Beneficii, requiritur auctoritas Papæ. *Fromageau.*

CASUS XV. Potestne uniri parochia Collegio?

R. Talis unio repugnat Concilio Tridentino; si tamen daretur gravis causa uniendi, cavendum omnino foret ab omni conventionem simoniaca. *Fromageau.*

CASUS XVI. An Episcopus unire potest Beneficium Collegio?

R. Potest unire, si id evidens Ecclesiæ utilitas exigit; interim tamen ille, qui cedit Beneficio simplici uniendo seminario, aut alteri communitati, potest sibi ad dies vitæ reservare omnes fructus Beneficii. *Fromageau.*

CASUS XVII. Quicam officialis a Papa obtinuit commissionem uniendi Prioratum simplicem monasterio Benedictinorum Anglicorum. An vi hujus commissionis nova Prioratui onera potest imponere, quibus antea non subjacebat?

R. Non

¶ Non potest; sed tenetur agere juxta tenorem Bullæ Pontificiæ, in qua data ipsi potestas denotatur una cum oneribus Prioratui portandis. *De Lamet.*

CASUS XVIII. Unita est quædam parochia archidiaconatui absque necessitate, & informatione juridica. Estne valida hæc unio?

¶ Repugnat legibus Ecclesiæ; & consequenter est nulla & abusiva. Nec macula hæc abstergitur possessione etiam quadraginta annorum. *De Lamet.*

CASUS XIX. Quidam Abbas ab immemoriali tempore gaudet jurisdictione episcopali in sua Abbazia, & in magno districtu ab ea dependente, an propterea jus habet unendi tenues parochias, quæ sunt in urbe, ubi ipsius Abbazia sita est?

¶ Potest unire, si dictarum parochiarum redditus sint omnino tenues, & numerus parochianorum valde exiguus, ac etiam ecclesiæ ita invicem vicinæ, ut Divina, quæ sunt in una, impediantur ab altera, & etiam sonitus campanarum se invicem confundant. Hæc unio tamen modo convenienti fieri debet. *De Lamet.*

CASUS XX. Crispus parochus suum Beneficium resignavit Episcopo, uniendum mensæ episcopali. Motivum præcipuum hujus unionis erat, quod ædes parochiales Episcopo in visitatione diocesis peraccommodæ acciderent. Episcopus vicissim spondet, se Crispo collaturum aliud Beneficium haud minorum reddituum, ac insuper per duos annos pensionis instar persolutorum 100. florenos. Quid de hac unione sentiendum?

¶ Hæc unio est simoniaca ac nulla, nec ullius unquam temporis lapsu hæc labes purgari potest. Redditus ex parochia percepti ab eo tempore, quo vitium unionis agnitum est, restitui debent, parochiaque devolutioni subjicienda. *Fromageau.*

CASUS XXI. Castelus Prior curatus multum sollicitatur, ut Beneficium suum uniri permittat cum Confraternitate doctrinæ Christianæ, quæ ipsi relictura esset omnes ejusdem proventus ad dies vitæ,

¶ Castelus non potest consentire in hanc unionem, utpote haud futuram de necessitate aut utilitate Ecclesiæ. Et si Episcopus ipso & parochianis invitis vellet tentare hanc unionem, teneretur se opponere una cum parochianis suis, qui hac in re omnino adiri deberent. Si his omnibus non obstantibus perficeretur unio, Beneficium considerandum foret ut vacans. *Fromageau.*

Vide *Beneficium, Episcopus, Jurisdictio.*

## V O T U M.

1. *Votum* est promissio deliberata facta Deo de meliori bono. Requiritur ergo ad validum votum vera intentio se obligandi ad executionem factæ promissionis, & est de essentia voti, ut fiat deliberate. Usus votorum antiquitate sua ipsam Religionis antiquitatem adæquat, ut manifestum fit ex sacra Scriptura, quæ in pluribus locis antiquæ legis votorum meminit.

2. Dividitur votum in absolutum, conditionatum, reale, personale, & mixtum ex reali ac personali, ac denique in simplex & solemne.

3. *Votum absolutum* est, quod emittitur absque ulla conditione, & statim ac factum est, inducit obligationem exequendi promissum; & de hac voti specie intelligendum illud Deuter. 23. *Cum votum voveris Domino Deo tuo, non tardabis reddere; quia requirit illud Dominus Deus tuus, Et si moratus fueris, reputabitur tibi in peccatum.* *Votum conditionatum* est, quod sub conditione fit, & ante eventum conditionis non obligat. *Votum reale* pro objecto materiali habet rem extra personam voventis existentem, ut est v.g. votum erogandi eleemosynas in pauperes. *Personale* votum afficit ipsam personam voventis aut ejus actiones; ut si quis vovet ingressum in Religionem, peregrinationem, jejunium, preces &c. *Votum mixtum*, seu reale ac personale simul, respicit tam personam aut actionem voventis quam ejus bona. *Votum simplex* dicitur omne votum privatim aut etiam publice emissum. *Solemne* est, quod fit in professione solemni Religionis ab Ecclesia approbatæ aut in receptione Ordinum sacrorum.

4. Obligatio voti realis transit etiam ad hæredes voventis defuncti. *Votum solemne* Religionis tria alia distincta comprehendit vota, nimirum votum paupertatis, castitatis & obedientie.

5. Huc divisioni variorum votorum id adhuc addendum, dari scilicet vota, quæ versantur circa res de se bonas quidem, non tamen præceptas, ut est v.g. votum jejunandi diebus Mercurii; & alia circa res præceptas.

6. Solum votum solemne inducit impedimentum dirimens matrimonii.

7. Ecclesia, seu illi, qui dicuntur Superiores majores, ut sunt Papa & Episcopi, possunt dispensare in votis, aut ea commutare, si votum fiat nocivum, inutile, aut majoris boni impeditivum.

8. Dispensatio in voto peregrinandi Romam, Jerosolymam, & Compastellam est de jure reservata Papæ; sicut etiam

etiam vota perpetuæ castitatis, Religionis, & plura alia, quorum pleraque respiciunt impedimenta dirimentia matrimonii, ipsi reservantur ex antiqua consuetudine, & jure legitimæ præscriptionis adversus Episcopos.

9. Nihilominus plures Episcopi ininterruptim conservant se in possessione stabili dispensandi in non nullis casibus circa quædam impedimenta matrimonii etiam dirimentia; prout & omnes pleno gaudent jure dispensandi in votis dubiis ac conditionatis, seu alligatis cuidam conditioni, quæ necdum impleta est.

CASUS I. Lieboldus in conferentia Clericorum sententiam defendit, quod liceat vota facere B. Virginis & Sanctis eodem modo, quo ea fiunt Deo. An bene?

R. Juxta S. Thomam in 4. d. 38. q. 1. art. 1. ad 4. possunt fieri vota Sanctis, immo viventibus adhuc in mundo, prout Religiosi obedientiam vovent Prælato suo; dummodo referantur ad Deum, & materia voti versetur circa rem, qua debitus Deo cultus exhibetur. Hinc & Sylvius Resol. var V. *Professio monastica.* ait: *Dicendum est, vota, quæ Sanctis fiunt, habere hunc sensum; vel quod fiant coram Sanctis tanquam testibus & suffragatoribus, pro petendo auxilio ad illorum implementationem; vel quod fiant Deo, secundum quod habent rationem promissionis; quæ tamen promissio etiam cadet sub votum; quia Deo votetur, quod promissio Sanctis facta implebitur.* Lieboldus igitur in sensu D. Thomæ & Sylviæ absque errore potuit hanc tueri sententiam. Pontas.

CASUS II. Balduina pauper puella, decem aut undecim primum annos nata emisit votum virginitalis, aut ingrediendi Religionem, si ætatem ad professionem solennem requisitam attigerit. An ipsius votum validum est? An a solo Papa dispensationem obtinere potest?

R. Juxta S. Thomam 2. 2. q. 88. art. 9. C. de votis impuberum fixum ac stabile judicium ferri non potest. Si Balduina ea ætate tanta jam discretionem posita est, ut naturam voti sui satis ponderare potuerit, præsumendum est, validum esse votum, nisi ob graves causas aliter sit judicandum. Hinc tutius est dicere, Balduinam teneri ad executionem voti, si non obtineat dispensationem legitimam, quæ ab Episcopo concedi potest; nam solum vota certa reservata sunt Papæ, quando ad eum recurrendi facultas suppetit. Pontas.

CASUS III. Lucilia annos nata duodecim & tres menses ad sacrum Synaxin primâ vice accedens fecit votum virginitalis perpetuæ, quin cujuspiam consilium expetierit. Sex jam abiit anni, quin recordata sit sui voti; imo contrahit etiam matrimonium sine ulla reflexione ad votum. Verum

altero post nuptias die matrimonio jam consummato recordatur sui voti. An votum validum erat? Et si validum fuit, quid ipsi pro conscientiae suae securitate agendum?

y. Si emittendo votum agnovit, ad quid se obliget, votum est validum, & pro securitate conscientiae dispensationem debet petere in Pœnitentiaria Romana: interim tamen potest suo marito reddere debitum conjugale absque peccato, non tamen potest illud petere, quin peccet contra votum, donec obtinuerit dispensationem. Si Lucilia non potest recurrere Romam, potest dispensationem obtinere ab Episcopo aut Vicario generali in foro interno, ubi ejusmodi dispensatio executioni danda est. Si denique votum est dubium, non tenetur recurrere Romam. *Pontas.*

NOTA. In praxi præsumendum, vix unquam in tam tenera ætate intervenire sufficientem considerationem, ut talis naturæ votum possit dici certo validum.

CASUS IV. Rutilia sedecim annos nata concioni ad professionem religiosam habitæ interfuit, & mox promisit perpetuam continentiam, absque ulla tamen determinatione aut reflexione, an se obligare velit sub ratione voti, vel non; cum de natura ac obligatione voti vix ullam haberet notitiam, licet perbene sciret, ad quid se obligaverit. Elapsis aliquot annis, cum promissionem suam simplicis instar propositi haberet, oblatas sibi acceptat nuptias, haud rata, voto se ligari, quod tamen aliis visum est, moventibus ipsi de super scrupulum. Quid sentiendum, & anxie pro securitate conscientiae consulendum?

y. Intentio se obligandi est de essentia validi voti: votum enim est lex, quam sibi quis voluntarie ipsemet posuit, & hæc in tantum obligat, in quantum quis voluit. Ex hoc sequitur, Rutiliæ promissionem revera esse votum; hinc etiam obligatur in conscientia ad voti executionem. Ratio est; quia, cum continentiam se servaturam plena deliberatione promiserit, negari non potest, eam etiam habuisse intentionem sufficientem ad id se obligandi. Nihilominus Rutilia absque peccato posset recurrere ad superiorem legitimam pro obtinenda dispensatione: si haberet causam legitimam eam petendi. *Pontas.*

NOTA. Ex ipso, quod obligatio voti fundetur in voluntate propria, ita ut votens sit ipsum primum obligans, nemo est ligandus voto, quamdiu dubitat de emissionem, vel intentionem voti, utpote præsumptive sua intentione se non extendens; imo potius nolens se extendere ad circumstantiam dubietatis de facto. Vota sunt in genere promissionis gratuita; jura autem non obligant ad promissa dubia. Promissio-



missionis gratulæ contractus sunt strictæ interpretationis, ita ut non obligent ultra ea, quæ expressa sunt. Quod si quis dicere malit, vota pertinere ad contractus bonæ fidei inter Deum & hominem, eo ipsa inclusa vel exclusa censenda sunt, quæ in- vel exclusa fuissent, si de his foret cogitatum.

**CASUS V.** Numius, cum per tres menses ipsi uxor debitum sine ulla iusta causa denegaret, ex mera passione iræ vovit, se nunquam amplius petiturum a sua uxore debitum. *An hoc votum validum est?*

R. Passio iræ de se non irritat votum, nisi ira adeo excreseat, ut omne tollat iudicium. Hinc Navarrus in *Can. De votum.* de poenit. dist. 1. n. 12. ait: *Valet votum per iracundiam emissum a vovente non penitus a suo iudicio disturbato.* Si igitur ira non sustulit sanam mentem Numio, votum ipsius censetur validum. Docent tamen alii, votum ejusmodi, nisi sopita ira fuerit ratibabitum ac confirmatum, esse nullum. *Pontas.*

*Nota.* Votum hoc in conjugatis maxime junioribus, etiam tranquilla mente emissum, non est de meliori bono; cum imprudenter ardet & scupulis involvat remedium incontinentiæ a Deo ordinatum.

**CASUS VI.** Pavinus Romam profectus in itinere emisit votum jejunandi altero mox die, cum Romæ advenisset; advenit autem sabbato. Teneturne die sequenti jejunare?

R. Si Pavinus non habuit expressam intentionem hunc diem excipiendi, videtur etiam hoc die teneri ad jejunium. Sic sentit Fagnanus in *Cap. Explicari.* 3. Lib. 3. Tit. 46. ubi ait: *Idemque dicendum esset, si vovisset abstinere die, in qua perveniet ad locum peregrinationis... nam si pervenerit ad locum destinatum in die Dominico, immo & in Paschate Resurrectionis utique teneretur abstinere.* *Pontas.*

*Nota.* Hoc votum objective pro ea circumstantia imprævisa non est de meliori bono; & ideo jejunium in diem primo non impeditam transferendum, vel a confessorio commutandum est.

**CASUS VII.** Constantinus annos natus 27. emisit votum ingrediendi Religionem; tractu autem temporis electus est in Episcopum. An propterea liber est a suo voto?

R. Votum ita stringit Constantinum, ut sola impotentia physica aut moralis coram Deo ipsum eximat ab ejusdem executione. Hinc, etsi in Episcopum electus, votum implere tenetur: poterit autem impere cedendo episcopatum. *Qui vovit Religionem ingredi, & voto non completo factus est Episcopus,* ait Fagnanus in *Cap. Sim.* De regul. n. 67. p. r

*hoc non est solutus voto. Immo si suam velit sanare conscientiam, debet cedere, & votum implere. Pontas.*

*Nota.* Cum cessio Episcopatus sit casus Papæ reservatus, illi hoc motivum cessionis fideiiter exponendum, & iudicio ipsius relinquendum, utrum in individuo sit de meliori bono.

**CASUS VIII.** Lælia. emissio voto perpetuæ virginitatis se corrumpi permisit a juvenale. An vi voti sui adhuc tenetur ad continentiam per reliquos vitæ suæ dies servandam; cum solum intentionem habuerit votendi virginitatem?

*¶.* Tenetur servare perpetuam continentiam in compensationem virginitatis amissæ, licet non æquivalentem. *S. Thomas. 2. 2. q. 88. art. 3. ad 2. Pontas.*

*Nota.* Cum intentio votentis se non extenderit ad obligationem conditionatam, vel ad compensationem ultroneam, non est ad hanc obliganda. Recte tamen a confessario in satisfactionem, injungitur compensatio perpetua. Vide *Notam ad Casum. 4.*

**CASUS IX.** Ennodius homo. dives emisit votum erogandi quinque crucigeros in pauperem primo obvium, idque ad refarciendam duritiem paulo ante cuidam indigenti exhibitam. Teneturne ad impletionem hujus voti sub peccato mortali?

*¶.* Excusari hand poterit a peccato mortali Ennodius, si votum suum non implet, etsi versetur circa materiam levem. *Tale votum,* ait Toletus Instit Sacerd. L. 4. c. 17. n. 9. *obligat sub mortali; adeo ut qui agit contra votum, etiam in se ante non debita, vel minima, peccet mortaliter.* Si vero solum diutius differat implere votum suum, hæc dilatio non videtur graviter peccaminosa ob parvitatem materiæ. *Pontas.*

**CASUS X** Enquerandus Abbas illustri stemmate natus votum fecit ex motivo humilitatis, nunquam acceptandi Episcopatum. An tale potuit facere votum?

*¶.* Si ipsius intentio fuit se obligandi ad nunquam acceptandum Episcopatum, etiamsi a Superiore legitimo ad id adigeretur, illicitum ipsius est votum: si vero ipsius intentio fuit, non quærendi Episcopatum, & oblatum, quandum a se dependet, recusandi, votum ipsius est licitum, & tali voto obligaretur coram Deo. *S. Thomas 2. 2. 185. art. 2. ad 3. Pontas.*

**CASUS XI.** Hector Paterfamilias, Parochianus ecclesiæ S. Pauli emisit votum audiendi per annum singulis Dominicis & Festis principioribus missam hora decima in ecclesia Regularium, quo tamen tempore divina fieri solent in ipsius parochia. Motivum voti fuit; quia ipsius confessarius eadem hora celebrat missam pro ipso, & huic missæ cum sua uxore & libe-

Meris commodè interesse potest. An tenetur sub peccato mortali exequi votum suum?

g. Votum fieri h. u. d. potest de re illicita, vel minus bona etsi de se licita. Hec tor tenetur toties, quoties commodè potest, interesse missæ parochiali diebus Dominicis, & Festis solennibus; sed hoc facere non posset, si votum implere vellet. Ergo non tenetur voto. Pontas.

CASUS XII. Ægidius studiosus liberam habet electionem hæc vel illa via eundi ad scholam: fecit autem votum semper incedendi ea via, quæ modo ipsi videtur commodior. Daturne coram Deo obligatio implendi hoc votum?

g. Juxta D. Thomam 2. 2. q. 88. art. 2. C. & ad 3. non est faciendum votum nisi de re aut actione virtuosa, & omne votum de re inutili aut indifferente est nullum, ac consequenter non obligat. *Vota vero, ait, quæ sunt de rebus vanis & inutilibus, sunt magis deridenda quam servanda.* Idem dicendum, si mulier voveat, se certo die non composituram crines: *talía vota mulierum, ait idem in 4. dist. 38. q. 1. art. 1. sunt sacrilegia magis quam vota: sunt enim reliquæ quædam idololatriæ, secundum quam observabantur dies & menses; & ideo pro votis non habenda sunt, & peccant talia voventes.* Certum igitur est, Ægidium non potuisse facere ejusmodi votum; cum non sit actus virtutis unam viam eligere præ altera. Nihilominus si ea via, quam declinaturum se vovit, foret conjuncta cum occasione peccandi, teneretur voto. Pontas.

CASUS XIII. Ivo gravi infirmitate detentus vovit, si convalesceret, se curaturum, ut per novem dies legatur missa in determinata ecclesia ad altare confraternitatis sub titulo cujusdam Sancti. Convalescens ocius migrat in alium locum, & quidem ibi permanens. An non poterit satisfacere voto in hoc loco; maxime cum eadem ibi instituta sit confraternitas?

g. Votum debet impleri quoad omnes circumstantias. Hinc Ivo tenetur votum suum exequi in ecclesia, ad quam ferebatur ipsius intentio. Pontas.

CASUS XIV. Dorothea uxor Gilberti periculose decumbens infirmo marito fecit votum instituendi peregrinationem, quinquies per diem recitandi *Pater & Ave*, & diebus Mercurii ac sabbati jejunandi per annum, si pristinam valetudinem esset recuperatura. Maritus autem impletionem horum trium votorum non admittit. An hoc non obstante Dorothea tenetur exequi vota sua? An maritus tuta conscientia potest se opponere?

g. Ejusmodi vota conjugum juxta D. Thomam 2. 2. q. 88. art. 8. C. considerata sunt tanquam conditionata: & quam-

quamprimum maritus eorum executionem prohibet, nulla sunt; nec peccat maritus irritans vota uxoris: cum iusta ipsi causa suppetit ea irritandi, quod certe contingit circa votum peregrinandi. Idem dicendum de voto jejunandi, si præjudicet juribus conjugalibus mariti. Quod attinet votum quotidie recitandi quinquies *Pater & Ave*, id uxor implere tenetur; cum plenam ad hoc potestatem habeat, independentem a marito; qui etiam rationabiliter dissentire non potest. *Pontas.*

CASUS XV. Si Dorothea jam ante contractum cum Gilberto matrimonium emississet votum peregrinandi; & bis per hebdomadam jejunandi, an teneretur exequi hæc duo vota, non obstante dissensu mariti?

R. Si ante matrimonium non detexit hæc vota Gilberto, ac ab eo licentiam non obtinuit hæc vota adimplendi, eorum adimpletio prorsus dependet a consensu mariti. *Pontas.*

NOTA. Pro ejusmodi circumstantiis petenda est a confessario privilegiata commutatio voti.

CASUS XVI. Samson infcia uxore vovet, se profecturum ad bellum sacrum contra Turcas in Palæstina; & Lucia, ejus uxor infcio marito vovet peregrinationem Romanam, immo & Hierosolymitanam. An Samson licite exequitur votum suum sine consensu uxoris? Et si hoc ipsi licet, an non idem licebit uxori?

R. Si detur vera ac urgens necessitas Christianorum, quales olim fuerat in terra sancta, & Samson habeat puram intentionem subveniendi Christianis, & juncta cum illis opera amissas provincias recuperandi, licite exequitur votum suum, etiam sine consensu uxoris. Innocentius III. Cap. *Ex multa*. 9. § 2. L. 3. T. 34. Cantuariensi Episcopo olim sic respondit: *In tanta quoque necessitate populi Christiani, ne terræ sanctæ impediatur subsidium, viri præter uxorum assensum hujus peregrinationis propositum vovere libere valent, Et quod voverint, libere adimplere.* Extra hunc casum maritus nec emittere nec exequi potest ejusmodi votum sine consensu uxoris; cum in grave ejusdem præjudicium cederet, eamque exponeret periculo incontinentiæ. Quod Luciam attinet, ea absolute non potest adimplere votum suum ob multas, quæ exinde sequerentur, inconvenientias. Hinc S. Thomas in 4. dist. 32. q. un. art. 4. ad 1. ait: *Nec est simile de uxore ad virum; quia uxor cum majori periculo castitatis discurreret per terras, Et cum minori Ecclesiæ utilitate. Et ideo uxor non potest hujusmodi votum facere sine viri consensu.* *Pontas.*

**CASUS XVII.** Adelarius & Columba vivunt pientissime in conjugio, ita ut Adelarius ex solo motivo majoris perfectionis usu matrimonii peroptaret omnino abstinere. Potestne infcia uxore ad id se voto obstringere?

¶. Votum hoc absque consensu uxoris foret illicitum ac invalidum; hinc fieri non potest. Ratio est; quia, ut docet S. Thomas 2. 2. q. 88. art. 8. C. voveri non potest, quod non pendet ex voventis arbitrio; non est autem in arbitrio conjugis denegare conjugale debitum petenti. conjugl. Pontas.

**CASUS XVIII.** Si vero Adelarius solum voveret, se nunquam petiturum debitum conjugale, quod in ipsius potestate est. An saltem hoc votum fieri potest?

¶. Sunt, qui ejusmodi votum licitum, sunt quoque, qui illud existimant illicitum; & hæc posterior sententia juxta D. Thomam in 4. dist. 32. art. 4. ad 3. est probabilior: petale votum enim nimis onerosum redderetur matrimonium comparti, quæ eo nunquam uti posset, quin petat; id quod sane arduum, præprimis intuitu uxorum, quibus ob pudorem naturalem difficilior accidit petere debitum, quam maritis. Nihilominus votum hoc semel emissum valet, & coram Deo obligat. Pontas.

NOTA. In tali casu conjuges, ne sibi invicem creent periculum, debeant se invicem separare quoad thorum.

**CASUS XIX.** Cæcilia fœmina maritata potestne sine peccato emittere votum nunquam petendi deb tum a suo marito?

¶. Non obstante opinione S. Thomæ superius citati censetur, Cæciliam posse licite, imo & meritorie tale votum emittere: ratio enim S. Thomæ prius allata solum attingit uxores, quæ semper cum aliqua confusione, & verecundia petunt debitum. Pontas.

NOTA. Quamvis viro non sit onerosa perpetua abstinentia uxoris; ipsi tamen uxori est periculosa, & ob inevitabiles contactus scrupulis obnoxia obligatio perpetuo abstinendi a petitione debiti.

**CASUS XX.** Synesius & Mævia, contractis inter se sponsalibus, mutuo consensu ad pedem Altaris coram Sanctissimo, cum prius confessionem peregerint, emittunt votum servandæ ad dies vitæ castitatis & continentiæ, & insuper juramento spondent, se victuros invicem ac si essent frater & soror; Synesius insuper consensum suum dedit Mæviæ inscriptis. Verum aliquot diebus post contractum matrimonium, Synesius petiit debitum conjugale, contendens, se non consensisse in votum, quod cum illa emisit; Mævia vero pet totum

totum obſtidnum denegavit reddere debitum: a confeffario tamen admonita, quod in hoc obedire teneatur marito ſuo, reddidit debitum. Aſt poſtea ſcrupulis continuo agitata adit quemdam Theologiæ Doctorem, cui viſum eſt, ſine peccato mortali non amplius poſſe reddi debitum; eoque hortante Mævia ſe contulit in monaſterium, ex quo tamen Syneſius identidem eam repetit a Superioriſſa. An Mævia tuta conſcientia poteſt, aut omnino tenetur redire ad maritum? Num Mævia invita a Superioriſſa dimittenda eſt ex monaſterio?

3. In foro externo nullam prorsus Syneſius fidem meretur, dum contra propria dicta & ſcripta affirmat, ſe non conſenſiſſe in votum una cum Mævia emiſſum; nec absque peccato poteſt debitum conjugale petere, donec legitimam diſpenſationem obtinuerit: votum enim ipſius hac ratione factum, ut in caſu ponitur, non annullatur per matrimonium; cum unum cum altero poſſit ſubſiſtere, ut docet S. Auguſtinus Can. *Maniſeſtum*. 11. Can. *Quod Deo*. 4. & Can. *Una*. 6. 33. q. 5. Ad Mæviam quod attinet, licet ea, in conſummationem matrimonii conſenſerit, non tamen tenetur continuare redditionem debiti, ſaltem niſi Syneſius expoſita facti veritate, id eſt, reciproca ac mutua p omiſſione, legitimam diſpenſationem a voto & juramento non obtinuerit; quo in caſu Mævia ad Syneſium redire, non obſtante voto ſuo debitum reddere, ac cum eo ut uxor cum marito vivere teneretur: nec tamen absque violatione voti debitum petere poſſet, niſi & ipſi diſpenſatio conceſſa fuerit. Superioriſſa denique Mæviam nullatenus in conventu, in quem ſe recepit, retinere poteſt contra voluntatem mariti eam reclamantis: totum, quod ea in favorem huius ſcæmina facere poteſt; conſiſtit in eo, quod poſſit deſuper exſpectare ſententiam iudicis. *Pontas*.

NOTA. Ejusmodi vota conjugibus, qui matrimonia voto ligatis nunquam conſulenda ſunt.

CASUS XXI. Philologus periculose decumbens in præſentia plurium perſonarum duo facit vota, 1. Filiam natu minimam ſeptennem in religioſo Ordine Deo conſecrandi; 2. Filium ſuum Theodoricum peregrinatum mittendi ad B. Virginem Lauretanam, ut ibi per novem dies ad Deum preces fundat pro converſione peccatorum. Teneturne Theodoricus in conſcientia adimplere votum patris? An & filia competentem ætatem adepta tenetur ingredi Religionem?

3. Si Theodoricus ratum non habuit votum patris, nec ejusdem adimplentionem promiſit, non tenetur coram Deo illud adimplere. Idem dicendum de filia quæ ante adeptam pubertatem

ne

ne quidem potest ratificare votum paternum. Regulariter nunquam tenetur quis ad votum personale, quod ipse non emisit, nisi ad illud adimplendum se obligaverit. *Pontas.*

**CASUS XXII.** Flaccus gravi periculo liberatus vovit in præsentia hæredum suorum præsumptivorum, se peregrinaturum ad ecclesiam viginti leucis a suo domicilio distantem, ac reducem se donaturum 250. florenos pauperibus suæ parochiæ. At Flaccus domum redux moritur. An hæredes ipsius dictos 250. florenos in pauperes erogare tenentur?

*R.* Votum hoc, cum sit reale, a quocumque demum impleri potest. Hinc hæredes Flacci ex bonis hæreditariis tenentur summam 250 florenorum elargiri pauperibus parochianis. Non tenerentur autem ad implendum votum peregrinationis; cum hoc afficiat ipsam ac solam personam voventis. *Pontas.*

**CASUS XXIII.** Matthias annos natus octodecim in terrore devotionis fecit votum jejunandi singulis feriis sextis; postea vero dubitat, an verum emisit votum. Quid ipsi agendum? An sub peccato mortali tenetur ad hoc jejunium?

*R.* In his quæ dubia sunt, quod certius existimamus, tenere debemus, inquit Eugenius Papa Cap. *Jurevis.* 3. Lib. 4. Tit. 1. Hinc Matthias tenetur jejunare, si dubium sit rationale, & non merus sit scrupulus male fundatus. *Existent in dubio,* ait S. Antoninus Summ. Theol. part. 2. Tit. 11. *an transgrediatur votum, & per consequens peccet mortaliter, tenetur se ponere in tuto, ut scilicet votum non transgrediatur.* *Pontas.*

*Nota.* Si rationabiliter dubitat de emissionem voti, eo ipso non obligatur voto.

**CASUS XXIV.** Anastasia in quadam communitate ex cœtu & ultra puellis constante, & ab Episcopo instituta ac confirmata emisit votum virginitalis & perpetuæ continentiæ, assistentibus huic ceremoniæ plurimis personis varii sexus & conditionis, immo præsentem ipso Episcopo. An votum istud solemne dici potest?

*R.* Juxta D. Thomam 2. 2. q. 83. art. 7. ad 3. votum hoc, licet publice emissum, non nisi simplicis voti rationem habet; quia ecclesia tantum illud votum pro solemnem habet, quod emittitur in Religione a S. Sede approbata, & in receptione Ordinum sacrorum. *Pontas.*

**CASUS XXV.** Duæ personæ emisunt votum ex metu gravi, & cadente in virum constantem: v. g. Poponius in periculo vitæ vovit ingressum in Religionem, si evaderet; & Leocadia emisit professionem solemnem ex metu mortis, quam

quam pater ipsi comminabatur, si non profiteatur. An ejusmodi vota obligant?

37. *Votum Poponii valet: metus enim, qui fuit motivum hujus voti, provenit a causa interna, ac pure naturali; & ejusmodi metus non potest annullare votum. Quidam Clericus, ait Innocentius III. Cap. Sicut. 17. Lib. 3. Tit. 31. cum aegritudine nimia laboraret, quasi de morte securus, & de recuperanda sanitate desperans habitum Canonice Regularis petiit & accepit. . . Quasi regularem habitum se postulante suscepit, & ad observationem religionis canonice suae se professione ligavit, ad resumendum habitum ecclesiastica est districtione cogendus. Votum vero Leocadiae nullum est; quia metus ejusdem provenit a causa extrinseca & libera; sicque juxta Alexandrum III. Cap. Perlatum. 1. Lib. 1. Tit. 40. omne votum irritat. Hinc concilium Tridentinum Sess. 25. de reform. c. 17. puellas religionem ingressuras sedulo explorari jubet, dum ait: Puella quae habitum regularem suscipere voluerit, non ante suscipiat, nec postea professionem emitat, quam exploraverit Episcopus virginis voluntatem diligenter, an coacta, an seducta sit, an sciat quid agat. Pontas.*

**CASUS XXVI.** Baldericus viginti annos natus vovit ingressum in religionem; sed ex meta negligentia per integrum jam annum distulit implere votum suum. An absque peccato tamdiu differre potuit? An sub peccato tenetur ocysus & absque ulla dilatione implere votum; licet vovens tempus ad illud adimplendum non determinaverit?

38. *Coram Deo haud dubie peccavit tamdiu differendo executionem voti, teneturque sub peccato illud quamprimum exequi; saltem nisi iusta causa dilationem excuset. Sic dicitur Deuter. 23. v. 21. Cum votum voveris Domino Deo tuo, non tardabis reddere; quia requirit illud Dominus Deus tuus; & si moratus fueris, reputabitur tibi in peccatum. Pontas.*

**CASUS XXVII.** Ernestus periculose decumbens vovit ingredi religionem ad agendam de peccatis suis poenitentiam, si evaderet, & sanus fieret. Post dies quindecim sanus factus ante lapsum anni ingressus est Congregationem Oratorii, ibique omnes sacros Ordines recepit. Jam quaeritur 1. An votum Ernesti sit validum, licet metu mortis emissum. 2. Si est validum, & legitima subsit causa petendi dispensationem, num recurrendum sit Romam; aut an satisfiat voto per ingressum in Congregationem Oratorii, & receptum ibi presbyteratum? 3. Supposito quod Ernestus sufficienter adimpleverit votum, potestne hanc congregationem pro arbitrio suo deferere, quod liberum est omnibus in hac Congregatione existentibus. 4. Posito, quod voto non satisfecerit, teneaturque ingredi Ordinem



dinem religiosum, an non ab hac ipsa obligatione immunis censendus foret ob continuos vix non dolores capitis, quibus afflictabatur.

8. *Ad 1.* Votum Ernesti est validum, licet ex metu mortis emissum. *Ad 2.* Cum votum hoc fuerit conditionatum, opus haud foret pro dispensatione Romam recurrere, si ea peteretur ante recuperatam valetudinem; si autem post recuperatam jam valetudinem peteretur dispensatio, ea a solo Papa obtineri posset; quia purificata sic conditione votum conditionatum transit in absolutum. *Ad 3.* Ernestus non satisfecit voto suo ingrediendo Congregationem Oratorii, ibique presbyteratum recipiendo; cum Congregatio isthæ nullam admittat votum, nec solemne nec simplex, membrisque ejusdem plena sit libertas inde egrediendi. *Ad 4.* Continui fere dolores capitis sufficiens fors causa sunt non emittendi professionem in Ordine religioso; non autem eximunt ab obligatione se presentandi, & tentandi vires, an observandæ regulæ pares sint. *Pontas.*

CASUS XXVIII. Instituta est in Hispania Congregatio Clericorum secularium, cujus Author requisito prius totius communitatis consensu petiit ac obtinuit a Papa anno 1650. Breve, vi cujus omnes recipi volentes tenentur in manus Superioris deponere quatuor vota simplicia, videlicet castitatis, paupertatis, obedientiæ ac stabilitatis. Verum cum postea experientia edoceret, votum paupertatis non posse convenire cum functionibus ordinariis membrorum congregationis, obtinuit aliud Breve cum hac modificatione: *Omnes & singuli in dicta congregatione, dictisque quatuor votis emissis recepti; qui immobilia, vel Beneficia obtinent, aut in futurum obtinebunt ac possidebunt, licet dominium illorum omnium retineant, eorundem tamen usum liberum non habebunt; ita ut neque fructus de hujusmodi bonis vel Beneficiis provenientes retinere, neque in proprios usus sine licentia Superioris quidquam convertere possint, sed de eisdem fructibus cum facultate & arbitratu Superioris in pia opera disponere tenebuntur.* Variæ ex hoc ipso Breve oriebantur difficultates ob varias interpretationes ejusdem, ita ut Congregatio in conventu generali sensum Brevis Pontifici determinatura ita statuerit, *Omnibus & singulis mandat ac præcipit, ne a quoquam vel gratuito, vel mutuo, vel alio quovis modo pecuniâ, aut alia mobilia sine licentia Superioris recipiant, aut donent, aliis dent in mutuum, apud alios retineant, aut apud se servant, gestentque secum, ac eis pro libitu utantur: quæ omnia Conventus condemnat tanquam paupertati, quam profitemur, prorsus aliena.* Sed nec Brevia Apostolica, nec decretum Conventus potuerunt omnes com-

*Lib. Cas. Conf. Tom. III. T c pons*

ponere motus. Sic Galeacius membrum Congregationis dubitat 1. An Breve primum adhuc ad aliquid obliget, & an non per Breve secundum penitus fuerit abrogatum. 2. An peccet contra votum paupertatis, si sine permissione Superioris apud se retineat pecuniam, cum in Brevi dicatur solum *retinere*, & non *apud se retinere possint*. 3. An non translatus ex una domo Congregationis in aliam possit sibi absque Superioris licentia attribuire libros propriis pecuniis emptos. 4. An peccaverit contra votum infcio Superiore acceptando pecunias aut alias res **dono** oblatas, quas absque scrupulo accipi posse existimaverat; cum secundum Breve, quod de rebus suis mobilibus disponere vetat, ultro donata accipere non prohibeat.

¶ *Ad 1.* Breve primum in suo adhuc vigore persistit, excepta sola proprietate bonorum immobilium: non enim fuit revocatum, sed solum explicatum ac limitatum per Breve secundum, quod voventibus in Congregatione paupertatem relinquit dominum bonorum temporalium, quæ possident, ita ut ea vendere, permutare aut donare possint, & votum restringit ad solum usum reddituum ex his bonis provenientium aliorumque bonorum mobilium, de quibus sine licentia Superioris disponere non possint. *Ad 2.* Galeacius peccat contra votum suum, si pecunias ex bonis suis immobilibus aut aliunde provenientes apud se retineat sine licentia Superioris: distinctio enim inter *retinere* & *apud se retinere* frivolum effugium est; cum Papa per terminum generalem *retinere* comprehendisse censeatur *omnem retinendi modum*, & ipse generalis Conventus Congregationis in suo decreto omnem sinistrae ejusmodi interpretationi aditum præcluserit, dum ait: *Ne apud alios retineant, aut apud se servant, gestentque secum*. *Ad 3.* Quodlibet Congregationis sive secularis sive regularis membrum tenetur in conscientia servare ejusdem statuta. Hinc Galeacius non potest transferre libros a se emptos in aliam domum propria auctoritate; quia id prohibetur in statutis suæ Congregationis. *Ad 4.* Breve secundum non prohibet quidem membris privatis accipere pecunias dono datas; sed votum paupertatis non permittit, ut eas sibi attribuant animo ut proprias possidendi. *Pontas.*

CASUS XXIX. Genebaldus vovit ingressum in Religionem, nullam tamen determinando. Hinc recipi petiit apud Benedictinos; sed repulsam tulit. Teneturne admissionem petere in alio Ordine?

¶ *Juxta S. Thomam 2. 2. q. 189. art. 3. ad 2.* certum est, Genebaldum non satisfacere voto, nisi susceptionem quærat in alio monasterio aut Ordine. Verum si intentio Genebal-

si respexisset certum aliquod monasterium aut determinatum Ordinem, & in eo bona fide supplicasset pro admissione, & tamen fuisset repulsus, non amplius teneretur voto. Si quidam intendit simpliciter se ad Religionem obligare, ait S. Doctor, si non recipitur in una Religione, tenetur ire ad aliam: si vero se intendit specialiter obligare ad unam solum, non tenetur nisi secundum modum suæ obligationis. Pontas.

CASUS XXX. Gabriel vovit ingredi Religionem S. Benedicti; sed cum in quodam monasterio peteret suscipi, admissus non est, eo quod, ut Superior ipsi indicabat, ineptus esset ratione sanitatis ad perferendas austeritates Ordinis. An ex hoc jam liber est ab obligatione voti?

R. Juxta D. Thomam l. c. liber est; nec tenetur admissionem petere in alio monasterio, si idem responsum se reportaturum prævideat. Pontas.

CASUS XXXI. Amadens vovit ingressum in Ordinem Carthusianorum vel Camaldulensium; sed postmodum professus est in alio Ordine minus austero. Teneturne adhuc ad tranquillandam conscientiam suam ingredi alterum ex his duobus Ordinibus?

R. Non tenetur ad aliud, quam ut poenitentiam agat de peccato suo ac violatione voti: votum enim solemne in religione minus austeritate emissum, ut D. Thomas l. c. art. 8. ad 3. observat, fortius obligat ac stringit quam votum simplex, quo quis ad ingressum in religionem strictiorem se obligat. Pontas.

NOTA. Si in Ordine, quem ingressus est, notabiliter est laxior observantia, par autem in utroque Ordine opportunitas collaborandi ad Dei gloriam, ac insuper ad strictiorem observantiam vires suppetant, Superioresque transitum non illibenter ferant, Deus non censetur cedere jure suo ad solvenda duo vota, simplex & solemne in Ordine rigidiore, utpote compatibilia.

CASUS XXXII. Palæmon ingressus est monasterium, in quo ex Superiorum negligentia abierunt in desuetudinem præcipua disciplinæ regularis capita, cumque exstimarret, regulam non obligare ad majorem austeritatem, ac in conversatione Religiosorum observaverat, professionem emisit ad hanc ipsam vivendi normam, & cum intentione se se gerendi more aliorum professorum. Agnovit autem postea, quanta sit in Religiosis corruptio, & quam longe alia in regula præscribantur, cujus rigorem si prius scivisset, nunquam professionem emisisset. Potestne tuta conscientia & deinceps vivere more reliquorum Religiosorum? Aut num solus coram Deo tenetur se conformare regulæ?

g. Si Palæmon non agnovit, hanc relaxationem esse contra regulam Ordinis aut monasterii, & bona fide credidit, se non obligari ad strictiorem observantiam, ac de cætero nil agat contrarium tribus votis essentialibus, castitati, paupertati & obedientiæ, excusatur a peccato, si vivat more reliquorum. Sic sentiunt plures Authores, & nominatim Cabassutius L. I. c. 21. n. 12. Ratio est; quia Palæmon præsumere potest, Superiores hujusmodi relaxationem haud permisisse absque ratione, quæ ipsis legitima visa est, eamque satis approbatam consensu saltem tacito summi Pontificis, Pontas.

CASUS XXXIII. Andronicus in quadam Congregatione regulari susceptus professionem emisit ut frater conversus, absolute se obligando Religioni ad omnes constitutiones ibi observari solitas, quæ tamen continebant, quod conversi, qualis ipse erat, possint remitti ad sæculum, si ita expedire videatur, nulla habita ratione temporis, quo se in Religione detinuerant. Andronicus hujus incerti status pertæsus expleto jam integro in Religione decennio abiit absque Superioris licentia, & in alio monasterio Ordinis S. Benedicti tria solemnia vota Deo nuncupavit. Potuitne privata autoritate sic discedere ex Congregatione? Estne valida professio ipsius apud Benedictinos edita? Num tuta conscientia in secundo monasterio persistere potest?

g. Et si professio in præfata Congregatione deposita sit valida, Andronicus tamen privata autoritate potuit monasterium Benedictinorum ingredi; neque emissa ibi professione tenetur ad Congregationem redire, et si ab ejusdem Superioribus reclametur. Professio non solum debet esse absoluta ex parte profitentis, sed etiam absolute ac stabiliter acceptari debet a Superiore & Communitate, in qua emittitur. *Professio*, inquit Navarrus L. 3. Conf. de regul. conf. 26. n. 1. est in effectu quidam contractus reciprocus, ultro citroque obligatorius, quo profitens se obligat monasterio vel Ordini ad serviendum ei secundum regulam ejus; Et contra monasterium ad alendum Et tractandum eum secundum eandem regulam. Pontas.

NOTA. Hæc responsio haud acceptanda videtur: licitus est enim contractus, quo laicus se monasterio vel Ordini obligat ad perpetua servitia, quin Ordo vel monasterium se vicissim obliget ad eum perpetuo retinendum pro omni causa & eventu. Contractus autem licitus servandus est; nec sic ligatum ære vel jure alieno recipere licet absque consensu obligantis. Fatendum tamen, taliter ligatum proprie non esse Religiosum.

**CASUS XXXIV.** Hilarius anno ætatis suæ vigesimo secundo in periculosa infirmitate constitutus votum emisit, si reconvalesceret, suscipiendi vitam monasticam in monasterio de la Trappe, etsi nullum de usitatis ibi austeritatibus notitiam haberet. Verum cum recuperata sanitate paulo post affligeretur duplici ruptura, nulla amplius habita ratione voti contraxit matrimonium. Jam quæritur 1. Num votum Hilarii fuerit verum votum Religionis. 2. An ob supervenientem rupturam fuerit liberatus ab obligatione, sicque potuerit contrahere ac consummare matrimonium absque peccato mortali. 3. Supposito, quod peccaverit contrahendo matrimonium, an toties peccaverit, quoties petiit debitum. 4. An illud votum a confessario ordinario non possit commutari in alia pia opera, saltem tempore universalis Jubilæi?

3. *Ad 1.* Juxta definitionem voti a D. Thoma 2. 2. q. 88. art. 2. C. allatum Hilarius vere emisit votum simplex Religionis. *Ad 2.* Etsi Hilarius temerarie emisit hoc votum, sci-bat tamen statum, ad quem amplectendum sese voto obstrinxerat, esse longe perfectiorem ac acceptiorem Deo statui suo moderno, ejusque difficultates se facile superare posse cum Dei gratia: Ideoque ante contractum defectum tenebatur tentare modo possibili susceptionem; neque, dum in præjudicium voti sui contraxit matrimonium, potest excusari a peccato mortali. Contracta autem semel ruptura, si eam credit esse incurabilem, non amplius ligatur voto; adeoque licite contrahit matrimonium, cum defectus iste sit evidens obiaculum ad ingressum Religionis tam austeræ. *Id omne*, inquit Sylvius in 2. 2. q. 88. V. *Votum 1. quod ante votum emissum reddidisset rem inhabilem, ut esset materia voti, si voto facto superveniat, etiam reddit eandem rem inhabilem.* Unde sequitur, Hilarium non peccasse mortaliter, si matrimonium contraxit, non nisi postquam se penitus inhabilem sensit ad professionem religiosam, ad quam se voto obstrinxerat. *Ad 3.* Juxta eundem Authorem Hilarius non peccavit toties, quoties petiit debitum, licet peccasset matrimonium ineundo. Ratio est; quia ille, qui vovit simpliciter ingredi Religionem, quin habuerit expressam intentionem vivendi castitatem, non tenetur præcise vi voti ad castitatem, sed potest contrahere matrimonium in casu, quo ad professionem religiosam admitti non possit. *Ad 4.* Cum simplex confessarius non possit dispensare in voto simplici Religionis, nec illud commutare, nisi Papa in Bulla Jubilæi confessarius expresse hanc facultatem concedat, Hilario pro dispensatione, si ea indigeat, Romam recurrendum est. *Pontas.*

NOTA. In voto Religionis dubii valoris, ubi v. g. merito dubitatur an sit de meliori bono, vel utrum cum matura deliberatione emissum sit, dispensatio vel commutatio pertinet ad Episcopum.

**CASUS XXXV.** Hildegardes professa est in aliquo monasterio Monialium, in quo jam ultra triginta annos non amplius observatur clausura. Novus autem Superior exacte deinceps observari clausuram præcipit. An tenetur Hildegardes in conscientia huic ordinationi sese subicere, maxime, si expressam in sua professione intentionem habuit, nunquam se obligandi ad clausuram, aut omnino Superiorissæ suæ declaraverit, se non emissuram professionem, nisi ea conditione, ut nunquam adstringatur ad clausuram?

R. Certum est, quod Hildegardes teneatur se submittere clausuræ a novo Superiore restructæ: solemne enim votum obedientiæ eam obligat, ut iustis Superioris sui legitimi mandatis obtemperet: iustum autem est mandatum, vi cuius a novo Superiore omnibus hujus conventus Monialibus servanda deinceps clausura injungitur; Idque conforme est decreto Concilii Tridentini, quod omnibus Episcopis sub interminatione reddendæ rationis in divino judicio, & incurrendæ maledictionis æternæ præcepit, ut in omnes conventus Monialium, in quibus clausura non vigeat, eam introducant, non obstantibus oppositionibus quibuscumque. *Pon-  
as.*

NOTA. Professio hujus Monialis vel omnino est invalida, vel certe valoris dubii; ac proin subjacet dispensationi vel commutationi episcopali.

**CASUS XXXVL** Tiphania uxor Oliverii consensit, ut maritus fieret presbyter; ac postmodum & ipsa emisit votum perpetuæ castitatis. An tenetur Religionem ingredi? Aut num poterit manere in sæculo, & in eadem cum marito urbe?

R. Si Oliverius nondum recepit sacros Ordines, & Tiphania adhuc sit ætatis admodum vegetæ, Episcopus Oliverium ad eos non admittat, nisi uxor prius Religionem ingressa fuerit. Si autem Tiphania jam provectæ admodum ætatis est, & extra omnem suspicionem incontinentiæ posita, Oliverius potest ordinari, quin ea obligetur ad ingressum in Religionem. Si vero Oliverius jam est ordinatus presbyter, uxor ipsius, quæ consensit in ejus ordinationem, & votum continentiæ emisit sine ulla intentione ingrediendi Religionem, non obligatur ad ejusdem ingressum, sive parum, sive multum provectæ ætatis sit. Nihilominus si prævideatur, ex hoc, quod in eadem urbe commorentur ambo, oriturum scandalum, ob

fre-

frequentes scilicet mutuas salutationes, Tiphania ex charitate teneretur alio discedere. *Pontas.*

**CASUS XXXVII.** Eulogius vovit, se jejunaturum diebus Mercurii & Sabbati per totam vitam; Idque jam implevit decem annis. Factus autem postmodum Religiosus iussus est a Superiore manducare cum aliis, & abstinere ab hac singularitate. Num obedientia Superiori debita tollit votum prius emissum?

*¶.* Religiosus iste liber est a voto, quod in sæculo emis-  
erat; & sic non datur obligatio servandi vota facta ante  
solemnem professionem. Ita docet S. Thomas 2. 2. q. 88. art.  
12. ad 1. Ratio est 1. Quia per professionem homo totam vi-  
tam suam consecrat servitio divino, ita ut omnia opera bo-  
na, ad quæ se prius voto obstrinxerat, censeantur compre-  
hensa in unico voto Religionis. 2. Quia Religionem profi-  
tens moritur quodammodo vitæ prioris, ut aliam omnino no-  
vam inchoet. 3. Quia singularitates non bene concordant  
cum vita communi monastica. *Pontas.*

*Nota.* Non ita certum est, Religiosum per solemnem professionem  
liberari, vel per Superiorem absolvi posse ab omnibus votis in sæ-  
culo emissis, certe non præjudicantibus vitæ communi, aut bono  
ac honestati status religiosi, ut sunt v. g. vota tendentia ad suppri-  
mendam passionem vitiosam prædominantem, aut stabiliendam vir-  
tutem &c.

**CASUS XXXVIII.** Pantaleon Religiosus in quodam mo-  
nasterio amplissimæ urbis, in quo plusquam centum Religio-  
si degunt, emisit votum singulis diebus recitandi septem psal-  
mos penitenciales. Cum autem a Superiore constitutus fuisset  
janitor, vix ullum ipsi tempus supererat ad persolvend-  
um votum suum. Potuitne Pantaleon valide emittere hoc  
votum? Et supposito ejusdem valore, teneretur sub pec-  
cato mortali illud adimplere?

*¶.* Pantaleon non potuit hoc votum emittere sine con-  
sensu sui Superioris; & consequenter nec tenetur illud im-  
plere: Religioso enim nullum tempus suppetit, in quo Su-  
perior eum non possit occupare; nec potest se Deo obligare  
ad illud distribuendum pro suo libitu, sub quocumque præ-  
textu id fiat. S. Thomas 2. 2. q. 88. art. 8. ad 3. *Pontas.*

*Nota.* Si non impediretur per suas functiones, obligaretur voto. In  
dubio an impediatur, votum a confessario commutandum est.

**CASUS XXXIX.** Claudia Novitia tertii Ordinis S. Fran-  
cisci non dubitans, se admittendam ad professionem, secreto  
ac privatim emisit tria vota hujus tertii Ordinis. Cum autem

præter expectationem dimitteretur ex novitiatu, postea professæ est in conventu Ursulinarum. An soluta est a tribus votis prioris Ordinis? Et num idem dicendum, si maneret in sæculo?

ꝫ. Dum Claudia professionem emisit in conventu Ursulinarum, penitus soluta est a votis præcedenter emissis. Verum si in sæculo remaneat, & vota prius emisit cum cognitione causæ, & post maturam deliberationem, ea tenetur observare. *Pontas.*

NOTA. In Sæculo non teneretur ad votum paupertatis & obedientiæ utroque devotum ad circumstantias observantiæ moraliter impossibilibus. Vo una autem castitatis fundatum in errore, ac proin dubii, valoris, etiam dispensabile vel commutabile ab Episcopo.

CASUS XL. Num votum reale obligat hæredes, deductis prius ære alieno & legitima?

ꝫ. Si promissio per votum facta non fuerit inserta testamento defuncti, isque votum post mortem suam adimplendum non mandaverit, non videntur obligari hæredes. *Fromageau.*

NOTA. Si morali caritate de voluntate defuncti constat, ea implenda est.

CASUS XLI. Puella quædam vovet, se ingressuram Religionem, si non possit nubere cuidam determinato adolescenti. Teneturne adimplere votum?

ꝫ. Tenetur, quantum id pendet ex ejus arbitrio. Episcopus tamen potest dispensare in hoc voto, nisi jam impleta sit conditio; sublata enim per positionem conditionis suspensione voti non amplius dispensare potest Episcopus, ut quidam Authores volunt. *Fromageau.*

NOTA. Cum hoc votum ex sua natura sit conditionatum, non est reservatum Pape, siue conditio fuerit impleta siue non.

CASUS XLII. Non nemo grave crimen commisit, & ex metu incurrendæ pœnæ emittit votum, si evadat pœnam. Teneturne hoc votum adimplere?

ꝫ. Tenetur in conscientia ad implendum votum; nec id commutari potest, ni in majus bonum. *De Lamet.*

NOTA. Cum hoc votum sit conditionatum, non impleta conditione ad nihil tenetur. Aliter dicendum, si volisset causaliter hoc modo: ut evadat.



**CASUS XLIII.** Incolæ cujusdam civitatis actu publico debitis formalitatibus vestito emittant votum publicum; sed personale, Tenenturne illud adimplere?

R. Tenentur; quin tamen per hoc obligare possint suos posteros & successores. Et si velint liberari a voto suo, pro dispensatione adeundus est Episcopus. *De Lamet.*

**NOTA.** Sic quando integra communitas pro averfione mali, vel consecratione boni vovet ad determinatum diem ferias vel processionem annuam, & votum non exhibeat Episcopo pro confirmatione, non tenentur posteri ad votum. Si vero votum fuit approbatum ac confirmatum ab Episcopo, obligantur & posteri, quamdiu non dispensaverit Episcopus; prout in diocesi Augustana jam sæpius fuit promulgata dispensatio episcopalis circa ferias, ut vocant, devotionales, five dein ex voto communitatis, five ex libera solum devotione ortæ fuerint.

**CASUS XLIV.** Quidam emisit votum animo violentia tentationibus perturbato. Valetne?

R. Non valet; quia taliter voventi & cognitio & libertas deest sufficiens ad contrahendam veram obligationem. Nec renovatio voti ab initio invalidi vim ac valorem illi tribuit. *Fromageau.*

**NOTA.** In dubio, an vovens habuerit sufficientem deliberationem, aut num votum sit de meliori bono, vel acceptatum a Deo, facienda est commutatio voti a confessorio quocunque.

**CASUS XLV.** Clericus quidam complexionis admodum teneræ votum emisit ingrediendi Ordinem Capucinarum. Tenenturne voto?

R. Tenetur: si tamen assumpto habitu, & adhibitis, quæ potuit, omnibus, ut ad professionem admittatur, se nimis debilem experiatur ad sustinendas austeritates Ordinis, potero debet dispensationem a Papa; qua obtenta tranquillo animo redire poterit in statum suum pristinum, in eoque perseverare. *De Lamet.*

**CASUS XLVI.** Homo quidam in gravi infirmitate constitutus votum emisit amplectendi statum Capucinarum, aut Eremitarum. Quænam obligatio hujus voti?

R. Verum isto votum emisit, teneturque illud exequi: quia tamen votum hoc est disjunctivum, poterit pro libitu se determinare ad statum alterutrum. Si eligat statum Eremitarum, & graves rationes interveniant eum non amplectendi, poterit Episcopus, & tempore Jubilæi quivis sacerdos approbatus dispensare in hoc voto, ita, ut talis postmodum etiam contrahere matrimonium possit. *Fromageau.*

**CASUS XLVII.** Presbyter quidam cujusdam Congregationis secularis, in qua tantum emittuntur vota simplicia, in quibus Superior dispensare potest, vovit, se nunquam petitulum dispensationem. Potuitne emittere tale votum?

¶. Potuit; sed Superior etiam in hoc posteriori voto dispensare, illudque vi potestatis suæ, quam habet in subditos, irritare potest, quando id expedire judicaverit. Votum in nullo unquam casu, & quidquid evenierit, petendi dispensationem aut commutationem votorum suorum, est nullum; quia fieri potest, ut sit de re illicita. *Fromageau.*

**NOTA.** Causalis hæc: quia *Et.* non est bona. Potius dicendum, ideo tale votum esse nullum; quia se extendit etiam ad circumstantias, in quibus votum potest desinere esse de meliori bono.

**CASUS XLVIII.** In quibusdam communitatibus Monialium emittuntur vota simplicia, & tamen conservatur proprietas bonorum. Num hæc vota *quoad solum bonorum usum* coram Deo perinde obligant, ac vota solemnia?

¶. Eodem modo obligant, Monialesque emissis his votis nihil omnino vel dare possunt, vel accipere absque Superioris consensu. Confessarius quoque eas absolvere nequit, nisi perpetuatis votum, quod emiserunt, se servaturas promittant. *Fromageau.*

**CASUS XLIX.** Obligantne vota ante solemnem professionem emissæ?

¶. Per vota solemnia extinguuntur omnia alia vota prius emissæ. Hinc post solemnem professionem non obligant amplius; Superiorque habet jus eorum executionem impediendi. *Fromageau.*

**NOTA.** Hoc verum est circa vota præjudicantia statui religioso. Circa non præjudicantia falsum est. In dubio an præjudicent, servanda est declaratio Superioris. Vide cas. 37.

**CASUS L.** Quidam in periculo mortis constitutus emisit votum ingrediendi Religionem, si convalesceret. Teneatne illud adimplere?

¶. Si, dum emisit hoc votum, fuit sufficienter mentis compos, ut cum electione & libertate agere potuerit, tenetur illud adimplere. In dubio de sufficienti libertate ac electione recurrendum est ad Papam, ejusque res iudicio relinquenda. *De Lamet.*

**NOTA.** Si votum fuit conditionatum sub conditione reconvalescentiæ, non est reservatum Papæ. Vide cas. 27. & 34.

**CASUS LI.** Puella quædam emisit votum redeundi in monasterium, ex quo Novitia egressa fuerat. Censeturne soluta ab obligatione adimplendi votum, si statim ab initio quædam difficultates moveantur de iterata ejusdem receptione?

R. Non est soluta, si nihilominus postmodum ipsi offeratur ingressus. Si tamen eam in se a vita religiosa alienationem sentit, ut non temere credi possit, ei vocationem deesse, pro dispensatione in voto Papam accedere debet. *De Lamet.*

**CASUS LII.** Adolescens quidam votum emisit ingrediendi Religionem, illudque sæpius ratum habuit. Teneturne suo voto?

R. Tenetur; & solus Papa in eo dispensare potest, & quidem non nisi ex gravibus motivis. Si Papæ non videatur concedenda dispensatio, adolescens paratus esse debet ad amplectendam Religionem. *De Lamet.*

**NOTA.** Supponendum, hunc adolescentem jam esse egressum annos pubertatis.

**CASUS LIII.** Non nemo professionem emisit in Capitulo, quin ullus ex conventu præfens fuerit.

R. Professio hæc æque solemniter ac valida est, acsi publice in ecclesia fuisset emissa, si consuetudo & constitutiones monasterii, ubi viget hæc praxis, sunt approbatæ ab Ecclesia. *Fromageau.*

**CASUS LIV.** Benedictini non reformati introduxerunt consuetudinem non utendi cibis quadragesimalibus, nisi diebus Veneris & Sabbati. Suntne securi in conscientia?

R. Si ipsimet introduxerunt hanc consuetudinem, absque peccato eam sequi non possunt. Verum si eam jam introductam repererunt, eidem se conformare possunt. Hi ipsi Religiosi tenentur in comuni vivere, & uti mensa communi. Quod attinet laborem manuum a regula S. Benedicti præscriptum, idem ferendum est judicium, quod de obligatione vescendi cibis quadragesimalibus. *Fromageau.*

**CASUS LV.** Potestne Religiosus voto paupertatis adstrictus tuto conscientia pecuniam possidere contra voluntatem Superioris sui?

R. Non potest; imo neque Superior id ipsi permittere potest absque causa legitima. Tenetur autem Superior ipsi necessaria suppeditare. Religiosus professus, qui crederet, se posse possidere pecuniam ex eo, quod in aliis hanc praxim observasset, coram Deo non excusaretur. Præterea Religiosus uti debet veste simplici & modesta, & quidem juxta morem monasterii. Tenetur insuper exacte ac fideliter indica-

re suo Superiori, quæ possidet, quin vel minimum celare præsumat. *De Lamet.*

**CASUS LVI.** Num possunt Moniales voto paupertatis adstrictæ quidpiam possidere tanquam proprium?

**§.** Non possunt tuta conscientia quidpiam tanquam proprium possidere, vel sibi et ipsi applicare pensiones particulares, aut munuscula, quæ recipiunt. Nec Superiores, nec Abbatissæ, nec Priorissæ possunt in hoc cum Monialibus dispensare, siue permittere, ut quidquam proprii habeant, aut depositi, siue extra siue intra monasterium. *De Lamet.*

**NOTA.** Deposita sub custodia, & libera consensione Superiorissæ licita sunt.

**CASUS LVII.** Queritur 1. An possit Monialis professæ annuam pensionem, vel alias pecunias a consanguineis suis recipere, easque convertere in munuscula. 2. Num possit Superiorissa de quadam summa pecuniæ disponere absque consensu Communitatis. 3. Num ipsa Communitas notabile honorarium possit facere Episcopo, quin speciali titulo ipsi devincta sit. 4. Teneaturne Superiorissa solvere debita contracta a quadam Moniali sibi subdita. Aut num ea ipsa Monialis potest negotiationem, aut aliud genus commercii exercere, ut tantum aquirat, quantum requiritur ad expungenda debita. 5. Quis agendum confessario cum Moniali, quæ sic agere consueverit, nec tamen quidpiam in confessione exponit; confessarius autem id aliunde scit?

**§.** *Ad 1.* Monialis, de qua agitur, etiam permittente Superiorissa non potest recipere pensionem annuam aut alias pecunias cum facultate libere de iis disponendi, aut eas convertendi in munuscula arbitraria; sed quidquid pecuniæ cum licentia a suis consanguineis accipit, in communem massam deferri debet. Superiorissa, quæ Moniali cum ejusmodi acceptis pro libitu disponendi facultatem daret, ageret contra regulam & constitutiones. *Ad 2.* Superiorissa habens administrationem bonorum sui monasterii potest circa ea disponere, prout bonum & æquum ipsi videbitur. Semper quoad hoc autem attendenda est consuetudo in monasterio recepta. *Ad 3.* Communitas potest facere honorarium etiam notabile Episcopo ratione protectionis & favoris, quibus ab eo gaudet. *Ad 4.* Superiorissa non tenetur solvere debita Moniali sibi subditæ in præjudicium Communitatis. Neque ipsi Moniali licet negotiationem aliquam exercere, utpote omnibus personis sacris prohibitam. *Ad 5.* Confessarius in primis debet movere ejusmodi Monialem, deinde omnino ipsi absolutio- nem deuenire, si emendare se nolit. *Fromageau.*

*Nota.* *Ad 1.* Sufficit accepta referre ad depositum, a Superioriffa asservandum, ut sine ejus consensu quidpiam applicari non possit. *Ad 2.* Superioriffa ex bonis communitalis nil potest expendere, nisi cum rationabiliter præsumpto consensu communitalis.

**CASUS LVIII.** Quæritur 1. An detur obligatio servandi vota solemnia sub peccato mortali? 2. An eadem sit obligatio servandi regulam & constitutiones Ordinis? 3. An ea sit obligatio voti paupertatis, quæ est voti castitatis? 4. An obligatio votorum solemnium sit juris divini, aut tantum humani?

*q.* *Ad 1.* Vota solemnia obligant sub peccato mortali. *Ad 2.* Non tamen idem dicendum de regulis & constitutionibus Ordinum. *Ad 3.* Eadem est obligatio servandi votum paupertatis, quæ est servandi votum castitatis. *Ad 4.* Obligatio votorum solemnium est juris divini; Ecclesiæque n illis constituit essentiam status Religiosi. Leges mere humanæ jus suum obligandi sub pœna peccati trahunt a potestate Superioribus a Deo concessa ad conservandum rectum ordinem ac promovendum bonum publicum; & omnis doctrina contraria falsa est, temeraria & periculosa. Advertendum hic, quod falso quidam Gersoni Cancellario Parisiensi tribuerint opinionem; vota Regularium tantum pertinere ad regimen politicum, & gubernationem externam Religiosorum, nec ea obligare in conscientia: quod enim Gerson nunquam in ea fuerit sententis, complures Authores evincunt. *De Lamet.*

*Nota.* Cum Religiosi voveant obedientiam conformiter ad constitutiones Ordinis, eo ipso indirecte etiam voveant observantiam, quoad corpus constitutionum. Peccant ergo mortaliter, qui eas passim transgrediuntur, sicque monstrant earum contemptum interpretativum.

**CASUS LIX.** Introducta in monasteriis quibusdam reformatione, quidam Religiosi eam non acceptabant; iis proinde reformatis pensiones alimentariæ assignabantur, illisque contenti esse jubebantur. Jam quæritur, utrum hi Religiosi pensionarii parcius viventes, si quidpiam ex sua pensione residui habuerint, id tuta conscientia applicare possint in favorem consanguineorum suorum?

*q.* Non possunt residuum applicare in consanguineos, ne quidem in matrimonium elocandos, aut pro ingressu Religionis dotandos. *De Lamet.*

**CASUS LX.** Titius emisit votum peregrinandi ad sepulchra SS. Apostolorum, putans, Romam sexaginta tantum leucis distare a loco sui domicilii; polimodum autem comperit, distare ducentis leucis.

*q.* Non

¶. Non tenetur adimplere votum suum; quia voluntas non fertur in incognitum, & error tollit consensum, absolute necessarium ad valorem voti. Jam, sicut vovens non tenetur fervare votum in tali circumstantia, quam exclusam voluisset a voto suo, si eo tempore, quo emisit votum, obversata fuisset animo; sic quoque evidens est, cum hoc votum Titii nullum sit ex defectu consensus cadente in circumstantiam notabilem peregrinationis, quam vovens intenderat, Titium ad nihil teneri. C. B.

CASUS LXI. Filius a patre deprehensus in actuali indo-acerime ab eo increpatur; hinc, ut non amplius incurrat indignationem patris, emittit votum nunquam amplius ludendi. Ligaturne voto adhuc post mortem patris?

¶. Probabilissimum non amplius ligatur voto: principale enim motivum emittendi hoc votum fuit evitatio indignationis paternæ; quia autem defuncto patre non amplius subsistit hoc motivum, cessare debet etiam ipsa obligatio voti. C. B.

NOTA. In dubio de principali motivo seu fine voventis facienda est compositio seu transactio inter Deum & hominem per æquam commutationem voti: indignatio enim patris potuit esse potius occasio, quam causa unica voti; quo in casu certe tutius foret petere dispensationem aut commutationem voti.

CASUS LXII. Titius emisit votum amplectendi statum Religiosum; verum paucis post diebus blanditiis cujusdam puellæ captus eidem promittit matrimonium.

¶. Per se loquendo tenetur implere primum promissum, Ingrediendi Religionem: si enim quis tenetur implere votum Religionis, etiamsi primum fuisset emissum post contracta sponsalia, multo magis tenetur ad illud implendum, si fuit emissum ante sponsalia. Dixi: *per se loquendo*; quia per accidens contingere posset, ut Titius non obstante voto Religionis teneatur ducere puellam, cui promissit matrimonium, v. g. si facto hoc promisso eam induxisset ad committendum peccatum, quæ illa sciverit, eum esse voto ligatum; aut si eam non ducens locum præberet gravibus scandalis: tunc enim votum Religionis cessat esse majus bonum, nullamque amplius parit obligationem. C. B.

CASUS LXIII. Petrus emisit votum erogandi tres florenos in pauperes in honorem sacræ familiæ Christi, unum in quemdam senem, & reliquos duos in nutricem quamdam; quia vero novit hominem quemdam senem, cujus uxor erat nutrix, ipsi donat omnes tres florenos,

g. Satisfecit voto suo ; quia in hoc casu nec materiæ voti, nec intentioni Petri quidpiam deest ad perfectam adimplerionem voti. C. B.

CASUS LXIV. Cajus emisit votum singulis annis semel jejunandi in honorem S. Joannis die sibi libero. Tandem pertæsus hujus obligationis, ad persolvendum votum suum eligit vigiliam Nativitatis.

g. Non satisfacit voto suo : licet enim per se loquendo per unicum actum sat fieri possit pluribus obligationibus, in hoc tamen casu id non procedit ; quia hoc votum jejunii videtur cadere in jejunium aliunde non præceptum, sive spectetur finis, quem Cajus habuit emittendo votum, sive pensetur fastidium, quod Cajus concepit de hac obligatione sua, id quod intelligi non potest, nisi de jejunio distincto ab omni alio jejunio aliunde præcepto. Hinc Cajus jejunium, ad quod vi voti tenebatur, confundere non potuit cum jejunio aliunde præcepto. C. B.

CASUS LXV. Octavius emisit votum singulis annis jejunandi in Festo S. Apolloniæ. Jam quærit, utrum teneatur jejunare sabbato præcedente, si hoc festum incidat in diem Dominicam.

g. Præsciindendo ab intentione particulari, quam habere potuit Octavius emittens hoc votum, & solum considerando mentem ac consuetudinem Ecclesiæ, Octavius tenetur jejunare sabbato præcedente. C. B.

NOTA. Etiam si vovens habuisset intentionem jejunandi in die Dominica, votum tamen commutandum foret tanquam imprudens,

CASUS LXVI. Fabius emisit votum centies in anno recitandi salutationem Angelicam ; & tamen nunquam recitavit. Peccavitne mortaliter ?

g. Si vovit, se recitaturum has preces distinctis centum diebus, ita, ut quolibet horum dierum ad recitandam semel salutationem Angelicam se obligaverit, non peccavit mortaliter ; quia quælibet salutatio Angelica seorsim spectata est objectum leve, obligatioque pro determinato die imposita non transit in diem alterum. Verum si simpliciter vovit, se recitaturum has preces sine ulla distinctione aut distributione dierum, peccavit mortaliter ; quia integer numerus harum precum jam constituit materiam notabilem. C. B.

CASUS LXVII. Bertha vidua emittit votum per decem annos non manducandi carnes die Mercurii ; quod etiam si  
deli-

deliter servat per quinque annos. Cum autem postea transisset ad secundas nuptias, maritus ipsi prohibet hanc abstinenciam, imo irritat votum.

g. Maritus non potuit irritare hoc votum; quia Bertha illud emisit, dum nondum ipsi subiecta erat. Verum quia adimpletio hujus voti potest actu esse valde molesta marito, hic potest ejusdem suspendere effectum, & Bertha absque scrupulo obedire. C.B.

CASUS LXVIII. Joannes emisit votum largas eleemosynas distribuendi in pauperes, si Deus per mensem ipsum præservaret a peccato, cujus contraxit consuetudinem. Verum ne teneretur implere votum, ultimo die mensis deliberate committit illud ipsum peccatum.

g. Non tenetur ad erogandas has eleemosynas; quia in voto conditionato, per se loquendo, non datur obligatio implendi votum, quando conditio non est impleta, prout accidit in casu proposito. Nihilominus si intentio Joannis se obligandi fuisset etiam in casu, quo ab ipso penderet, ponere conditionem vel non ponere, evidens est, eum non obstante peccato commisso obligari ad erogandas eleemosynas. *Girib. de Voto. Suarez de Voto. Filuc.*

NOTA. Cum Deus fecerit, quod erat in se, conferendo extraordinariam præservationis gratiam, cum qua facile potuisset perseverare in die mensis ultimo, & promissio utrinque onerosa perineat ad contractus bonæ fidei, malitiose impediens completionem contractus tenetur compascienti ad damnum & interesse. Hinc melius responderetur, Joannem non obstante relapsu teneri ad impletionem voti, conformiter ad regulam juris: *Quicumque sub conditione obligatus eravit, ne conditio existeret, nihilominus obligatur.* Qui voto suo intendit finem, per idem votum etiam obligat se, quod studiose & ex proposito non velit ponere obstacula ad assequendum finem. De cætero prudens confessorius facile meminerit, ejusmodi infidelis poenitenti id ipsum pro poenitentia esse injungendum, quod fraudulenta nequitia evitare voluit.

CASUS LXIX. Petrus viginti annos natus ac in gravi infirmitate constitutus emisit votum per totam vitam inferendi infirmis, si sanitatem recuperet. Recuperata jam integra sanitate quaerit, utrum & quamdiu possit differre executionem voti sui.

g. Potest quidem executionem voti differre, sed tantum ad breve tempus, v. g. ad quatuor aut quinque menses. C.B.

NOTA. Ad ejusmodi votum requiritur maturior ætas, & prudens judicium; & ideo ob defectum prudentiæ de valore voti facile dubitari, & commutationi locus esse possit. Si autem hoc votum certo validum censetur, nec ratio illud commutandi suppetat, nemine



nisse oportet verborum Scripturæ ab initio hujus articuli n. 3. allegatorum : *Si moratus fueris &c.* & ex hoc principio dilatio quinque mensium, aut etiam quinque septimanarum nimis indulgenter conceditur illi, qui votum absque omni dilatione implere potest.

**CASUS LXX.** Oleander maritus vovit castitatem, & quidem cum consensu uxoris suæ; & tamen ea adhuc reddit debitum conjugale marito id petenti.

¶ Potest illud reddere: uxor enim præcise consentiendo in votum mariti non se privavit jure petendi aut reddendi debitum conjugale; hinc potest licite illud reddere, etiam si maritus non habeat jus illud petendi. Non licet quidem debitum conjugale reddere, quando ex parte actus se tenet circumstantia petitionem reddens illicitam; sed si ejusmodi circumstantia se tenet solum ex parte personæ, ut in casu proposito, non est illicitum illud reddere, etiam petatur illicite. C. B.

**NOTA.** In casu, quo compars ostendit, se pati graves tentationes agendi contra votum suum, conthoralis tenetur petere debitum. Omnia ejusmodi vota conjugum in eodem lecto, ut inter plebejos moris est decumbentium, ob quotidiana transgressionum pericula a confessoribus summopere dissuadenda, vel tanquam vota ob imprudentiam dubii valoris commutanda sunt.

*Vide Dispensatio in votis. Impedimentum voti. Professores religiosa. Religio. Religiosus. Paupertas religiosa.*

## U S U R A.

1. *Usura juxta S. Antoninum est lucrum ex mutuo principaliter intentum.* Lucrum hoc potest consistere vel in pecunia, vel in omni alia re pretio pecuniario æstimabili.

2. Duplex distinguitur usuræ species; una *realis*, quæ committitur per pactum expressum vel tacitum recipiendi aliquod lucrum ex mutuo; altera *mentalis*, quæ committitur per solum percipiendi lucri intentionem.

3. Usura est prohibita jure naturali, divino, ac humano tam ecclesiastico quam civili.

4. Clerus Gallicanus anno 1700. sequentes hac de re propositiones debita censura perstrinxit.

**PROPOSITIO LV.** *Cum numerata pecunia pretiosior sit numeranda, & nullus sit, qui non majoris faciat pecuniam presentem quam futuram, potest creditor aliquid ultra sortem a mutuario exigere, & eo titulo ab usura excusari.*

**PROPOSITIO LVI.** *Usura non est, dum ultra sortem aliquid exigitur tanquam ex benevolentia & gratitudine debitum; sed solum si exigatur tanquam ex justitia debitum.*

*Qui. Cas. Conf. Tom. III.*

U u

PRO.

**PROPOSITIO LVII.** *Licetum est mutuanti aliquid ultra sortem exigere, si se obliget ad non repetendam sortem usque ad certum tempus.*

**PROPOSITIO LVIII.** *Tam licet ex alienatione per aliquot annos censum annum exigere, quam licet exigere censum perpetuum ex alienatione.*

**CENSURA.** *Hæ propositiones, in quibus mutato tantum mutui & usuræ nomine, licet res eodem recidat, per falsas venditiones & alienationes, simulatasque societates, aliasque ejusmodi artes & fraudes vis divini legis eluditur, doctrinam continent falsam, scandalosam, cavillatoriam, in praxi perniciosam, palliativam usurarum, verbo Dei scripto contrariam, jam a Clero Gallicano reprobata, Conciliorum ac Pontificum decretis sæpe damnata.*

**PROPOSITIO LIX.** *Usura, etsi esset prohibita Judæis, non tamen Christianis, lege veteri in judicialibus præceptis oblata per Christum.*

**CENSURA :** *Hæc propositio verbo Dei contraria est, novæ legis perfectionem, & gentium omnium in Christo adunatarum fraternitatem tollit.*

5. Peroportune hic inseri posse videtur Bulla Benedicti XIV. tanquam regula, cui qui se conformant, indubitato recte sentiunt, judicant ac docent Theologi ac Canonistæ. Pontifex hic maximus, cujus eruditionem latissimam ac scientiam profundissimam universus suspexit orbis, materiam mutui ac usurarum tantopere ac tamdiu in scholis agitatam illustraturus, easque ad firma & certa reducturus principia, ex præstantissimis, quos Romæ noverat, Theologis ac Canonistis Congregationem formavit, cujus consultationibus per plures menses continuatis ipsemet frequenter intererat. Conclusa horum virorum publicaturus Papa dedit Encyclicam ad Patriarchas, Archiepiscopos & Episcopos Italiæ, in qua, quin expresse decideret quæstiones inter Theologos controversas, principia tamen stabilivit ad eas decidendas sufficientissima. En Bullam integram.

## BENEDICTUS PAPA XIV.

Venerabilis frater, salutem & apostolicam benedictionem.

Vix pervenit ad aures nostras ob novam controuersiam (nempe an quidam contractus validus judicari debeat) nonnullas per Italiam disseminari sententias, quæ sanæ doctrinæ haud consentaneæ viderentur, cum statim apostolici muneris partem esse duximus, opportunum asserre remedium.

ne malum ejusmodi, temporis diuturnitate ac silentio, vires magis acquireret, aditumque ipsi intercludere, ne latius serperet, & incolumes adhuc Italiae ciuitates labefactaret.

Quapropter eam rationem consiliumque suscepimus, quo sedes Apostolica semper vti consuevit; quippe rem totam explicauimus nonnullis ex Venerabilibus fratribus nostris sanctae Romanae Ecclesiae Cardinalibus, qui sacrae Theologiae scientia & Canonicae disciplinae studio ac peritia plurimum commendantur.

Acciuius etiam plures regulares in vtraque facultate praestantes, quorum aliquos ex Monachis, alios ex ordine Mendicantium, allos demum ex Clericis regularibus selegimus, Praesulem quoque juris vtriusque laurea praeditum, & in foro diu versatum adhibuimus: diem quartam indiximus Julii, qui nuper praeteriit, vt coram nobis illi omnes convenirent, quibus naturam totius negotii declarauimus, quod illis antea cognitum perspectumque deprehendimus.

Post haec praecepimus, vt omni partium studio, omni-que cupiditate soluti, rem totam accurate perpenderent, suasque opiniones scripto exararent: non tamen expetivimus ab ipsis, vt iudicium ferrent de contractu, qui controuersiae causam initio praebuerat, cum plura documenta non suppetent, quae necessario ad id requirebantur: sed vt certam de vsuris doctrinam constituerent, cui non mediocre detrimentum inferre videbantur ea, quae nuper in vulgus spergi coeperant.

Iussa fecerunt vnuerfi, nam suas sententias palam declararunt in duabus congregationibus, quarum prima coram nobis habita est die 18. Julii, altera vero die prima Augusti, qui menses nuper elapsi sunt, ac demum easdem sententias congregationis Secretario scriptas tradiderunt.

Porro haec vnanimi consensu probauerunt.

I. Peccati genus illud, quod vsura vocatur, quodque in contractu mutui propriam suam sedem & locum habet, in eo est repositum, quod quis ex ipfomet mutuo, quod suapte natura, tantumdem duntaxat reddi postulat quantum receptum est, plus sibi reddi velit, quam est receptum; ideoque ultra sortem lucrum aliquod, ipsius ratione mutui sibi deberi contendat.

Omne propterea huiusmodi lucrum, quod sortem superat, illicitum & vsurariam est.

II. Neque vero ad istam labem purgandam ullum accessit subsidium poterit, vel ex eo, quod id lucrum non excedens & plinium, non magnum sed exiguum sit; vel ex eo quod is, a quo id lucrum, solius causa mutui, deposcitur, non pauper sed dives existat, nec datam sibi mutuo summam relicturus sit otiosam, sed ad fortunas suas amplificandas, vel novis coemendis praediis, vel quaestuosis agitandis negotiis, vtilissime sit impensurus: contra mutui siquidem legem, quae necessario in dati atque redditu aequalitate versatur, agere ille conuincitur, quisquis eadem aequalitate semel posita, plus aliquod a quolibet, vi mutui ipsius, cui per aequale iam factis est factum, exigere adhuc non veretur: proindeque acceperit, restituendo erit obnoxius, ex ejus obligatione iustitiae, quam commutativam appellant, & cujus est in humanis contractibus aequalitatem cujusque propriam & sancte servare, & non servatam exacte reparare.

III. Per haec autem nequaquam negatur quandoque, una cum mutui contractu, quosdam alios, ut ajunt, titulos, eosdem ipsimet universim naturae mutui minime innatos & intrinsecos, forte concurrere, ex quibus iusta omnino legitimaque causa confurgat, quiddam amplius supra fortem ex mutuo debitam exigendi.

Neque item negatur posse multoties, pecuniam ad unoquoque suam, per alios, diversae prorsus naturae a natura mutui contractus, recte collocari & impendi, siue ad proventus sibi annuos conquirendos, siue etiam ad licitam mercaturam & negotiationem exercendam, honestaque indidem lucra percipienda.

IV. Quemadmodum vero in tot ejusmodi diversis contractuum generibus, si sua cujusque non servatur aequalitas, quidquid plus justo accipitur, sin minus ad usuram (ecquod omne mutuum tam apertum, quam palliatum absit) at certe ad aliam veram injustitiam restituendi onus pariter afferentem, spectare compertum est; ita si rite omnia peragantur, & ad iustitiae libram exigantur, dubitandum non est, quin multiplex in eisdem contractibus licitus modus & ratio suppetat, humana commercia, & fructuosam ipsam negotiationem ad publicum commodum conservandi ac frequentandi; absit enim a Christianorum animis, ut per usuras aut similes alienas injurias, florere possent lucrosa commercia existiment, cum contra ex ipso oraculo divino discamus, quod *iustitia elevat gentem: miseros autem facit populos peccatum.* Prov. 14. 34.

V. Sed Eud diligenter animaduertendum est, falso sibi quemquam & nonnisi temere persuasurum, reperiri semper, ac praesto ubique esse vel vna cum mutuo, titulos alios legitimos, vel secluso etiam mutuo contractus alios justos, quorum vel titulorum vel contractuum praesidio, quotiescunque pecunia, frumentum, aliudue id generis alteri cultumque creditur, toties semper liceat auctarium moderatum ultra sortem integram saluamque recipere; ita si quis senserit non modo diuinis documentis, & catholicae Ecclesiae de usura iudiciis, sed ipsi etiam humano communi sensui ac naturali rationi, procul dubio aduersabitur; neminem enim id saltem latere potest, quod multis in casibus tenetur homo, simplici ac nudo mutuo alteri succurrere, ipso praesertim Christo Domino edocente, *Volenti mutuari ne quertaris*; Matth. 5. 42. & quod similiter multis in circumstantiis, praeter vnum mutuum, alteri nulli vero iustoque contractui locus esse possit. Quisquis igitur suae conscientiae consultum velit, inquirat primo diligenter oportet, verene cum mutuo iustus alius titulus, verene iustus alter a mutuo contractus occurrat, quorum beneficio, quod quaerit lucrum, omnis labis expertus & immune credatur.

His verbis complectuntur & explicant sententias suas Cardinales ac Theologi & viri Canonum peritissimi, quorum consilium in hoc grauissimo negotio postulauimus.

Nos quoque priuatum studium nostrum conferre in eandem causam non praetermisimus antequam congregationes haberentur, & quo tempore habebantur, & ipsis etiam peractis; nam praestantium virorum suffragia, quae modo commemorauimus, diligenter percurrimus.

Cum haec ita sint, approbamus, & confirmamus, quaecunque in sententiis superius expositis continentur; cum scriptores plane omnes, Theologiae & Canonum professores plura sacrarum litterarum testimonia, Pontificum praedecessorum nostrorum decreta, Conciliorum & Patrum auctoritas, ad eandem sententias comprobandas pene conspirare videantur.

Insuper apertissime cognouimus auctores, quibus contrariae sententiae referri debent, & illos pariter, qui illas fouent, ac tuentur, aut illis ansam seu occasionem praebere videntur. Neque ignoramus, quanta sapientia & grauitate defensionem veritatis inueperint Theologi finitimi illis regionibus: ubi controuersiae ejusmodi principium habuerunt. Quare has litteras encyclicas dedimus vniuersis Italiae Archiepiscopis, Episcopis & Ordinariis, vt haec tibi, venerabilis frater, & ceteris omnibus innotescerent; & quoniam Synodos celebrare, ad populum verba facere, eumque sacris do-

Strinis instruere contigerit, nihil omnino alienum proferatur ab iis sententiis, quas superius recensuimus. Admonemus enim vehementer, omnem sollicitudinem impendere, ne quis in vestris Diocesibus audeat litteris aut sermonibus contrarium docere. Siquis autem parere detrectaverit, illum obnoxium & subiectum declaramus poenis per sacros canones in eos propositis, qui mandata Apostolica contempserint ac violaverint.

De contractu autem, qui nonas has controuersias excitavit, nihil in praesentia statuimus: nihil etiam decernimus modo, de aliis contractibus, pro quibus Theologi & canonum interpretes in diuersas abeunt sententias: attamen pietas vestrae studium ac religionem inflammandam existimamus, ut haec, quae subicimus, executioni demandetis.

Primum, grauissimis verbis populis vestris ostendite vsurae labem ac vitium a diuinis litteris vehementer improbari: illud quidem varias formas ac species induere, ut fideles Christi sanguine restitutos in libertatem & gratiam, rursus in extremam ruinam praecipites impellat. Quocirca, si pecuniam suam collocari velint, diligenter caveant, ne cupiditate omnium malorum fonte rapiantur, sed potius ab illis, qui doctrinae ac virtutis gloria supra caeteros efferuntur, consilium exposcant.

Secundo loco, qui viribus suis ac sapientiae ita confidunt, ut responsum ferre de his quaestionibus non dubitent, (quae tamen haud exiguum sacrae Theologiae & canonum scientiam requirunt) ab extremis, quae semper vitiosa sunt longe se abtineant: etenim aliqui tanta seueritate de iis rebus iudicant, ut quamlibet villitatem ex pecunia desumptam accusent, tamquam illicitam, & cum vsura conjunctam: contra vero nonnulli indulgentes adeo remissique sunt, ut quodcumque emolumentum ab vsurae turpitudine liberum existiment. Suis priuatis opinionibus ne nimis adhaereant, sed priusquam responsum reddant, plures scriptores examinent, qui magis inter ceteros praedicantur; deinde has partes suscipiant, quas tum ratione, tum auctoritate plane confirmatas intelligunt. Quodsi disputatio insurgat, dum contractus aliquis in examen adducitur, nullae omnino contumeliae in eos configantur, qui sententiam contrariam sequuntur, neque illam grauius censuris notandam asserant, si praesertim ratione & praestantium virorum testimoniis minime careat; siquidem convitia atque injuriae vinculum christianae charitatis infringunt, & grauissimam populo offensionem & scandalum praefecerunt.

Tertio loco, qui ab omni usurae labe se immunes, & integros praestare volunt, suamque pecuniam ita alteri dare, ut fructum legitimum solummodo percipiant, admonendi sunt, ut contractum instituendum antea declarent, & conditiones inferendas explicent; & quem fructum ex eadem pecunia postulent. Haec magnopere conferunt, non modo ad animi sollicitudinem & scrupulos evitandos, sed ad ipsum contractum in foro externo comprobandum: haec etiam aditum intercludunt disputationibus, quae non semel concitandae sunt, ut clare pateat, utrum pecunia, quae rite data alteri esse videtur, reuera tamen palliatam usuram contingat.

Quarto loco, vos hortamur, ne aditum relinquantis ineptis illorum sermonibus, qui distitant, de usuris hoc tempore quaestionem institui, quae solo nomine contineatur, cum ex pecunia, quae qualibet ratione alteri conceditur, fructus ut plurimum comparetur: etenim quam falsum id sit, & a veritate alienum, plane deprehendimus, si perpendamus naturam unius contractus ab alterius natura prorsus diversam & sequestam esse, & ea pariter discrepare magnopere inter se, quae a diversis inter se contractibus consequuntur. Reuera discrimen apertissimum intercedit fructum inter, qui pure liciteque ex pecunia desumitur, ideoque potest in utroque foro retineri, ac fructum, qui ex pecunia illicite conciliatur, ideoque fori utriusque iudicio restituendus decernitur.

Constat igitur haud inanem de usura quaestionem hoc tempore proponi ob eam causam, quod ut plurimum ex pecunia, quae alteri tribuitur, fructus aliquis excipitur.

Haec potissimum vobis indicanda censuimus, sperantes fore, ut mandetur executioni, quaecumque per has litteras a nobis praescribuntur opportunis quoque remediis consulatis, uti confidimus, si forte ob hanc novam de usuris controuersiam in dioecesi vestra turbae concitentur, vel corruptelae ad labefactandam sanae doctrinae candorem, & puritatem inducantur.

Postremo vobis & gregi curae vestrae concredito, Apostolicam benedictionem impertimur.

Datum Romae apud sanctam Mariam Maiorem, die prima Nouembrii M. DCC. XLV. Pontificatus nostri anno sexto.

**NOTA.** Per *usuram* in Germania communiter nisi aliud intelligitur, quam *lucrum ex mutuo*, dum quis a mutuuario plus recipit quam dedit. Hæc usura, in quantum non restringitur per legem positivam ad justos limites, est prohibita jure naturali; quia ob ipsam indeterminationem, dum quantitas permittitur contrahentium arbitrio, est causa ingentium malorum in genere humano, ac oppressionis enormis innocentium. Idem dicendum, quando per legem positivam usura quidem restringitur, sed non ad justos limites, prout contigit tempore Imperatorum veterum, quo ex mutuo concedebatur singulis mensibus pars centesima sortis, ut proin intra annum mutuarius pro centum solvere debuerit duodecim. Hæc determinatio legis positivæ necdum sustulit gravamen generale generis humani & oppressionem pauperum per usurarios: & hinc ista vetus usura per leges Imperatorum permissivas nunquam potuit fieri licita in foro interno; maxime cum ejusdem injustitia per declarationes veteris Ecclesiæ sæpius fuerit fidelibus ob oculos posita. Aliud dicendum post constitutionem Caroli V. per quam usura ad vigesimam solum partem post lapsum anni a mutuuario persolvendam restricta est. Hæc restrictio non solum tollit generale gravamen generis humani, sed etiam optime convenit cum legibus prudentiæ, providet sustentationi innumerorum respective miserabilium, qui solum vivunt ex censibus, & ipsis mutuariis est exoptabilis, qui alias difficulter suis in necessitatibus reperirent sublevamen. Hinc ista limitatio non solum nunquam ab Ecclesia pro foro interne prohibita, sed pro eodem universim fuit approbata a Doctoribus Germaniæ pro populo sub ditione Imperatorum degentibus. Quia tamen ex mutuo qua tali ac proprie dicto non licet quærere lucrum, intentio contrahentium, quæ tacite subordinatur, ac regulariter subordinari debet intentioni Legislatorum, jam non amplius fertur, ad lucrum ex sterili pecunia, sed ad quærendum lucrum ex aliena industria ac opera, quam mutuans sua pecunia conducit; & ideo mutuum in Germania habet rationem contractus censuales personalis, ratione cujus census sit universim licitus extra eos casus, in quibus quis tenetur proximum juvare gratis ac cum aliquali suo periculo ac incommodo per legem charitatis. Itaque quæ in hoc articulo dicuntur, non habent locum in Germania, nisi in duobus casibus. *Primus* est, quando exigitur a mutuuario major census, quam legibus permittitur, nempe plus quam vigesima pars sortis principalis intra annum; in isto enim excessu reperitur illa usura, ejus datur prohibitio; & quod per decursum hujus articuli dicitur de quovis excessu ultra sortem principalem ex mutuo, in Germania applicari debet ad quemvis excessum ultra partem vigesimam præfatam ex contractu censuali personali, utpote extra hos limites non permissio a legibus. *Secundus* casus est, quando mutuum non constitit in numerata pecunia, sed miscetur tacite aliis contractibus v.g. commodati, permutationis, venditionis, societatis &c. cum enim in ejusmodi contractibus per leges Imperatorum nulla possit inveniri uniformis regula pro taxanda justa quantitate usuræ, aut si inveniri posset, ea obnoxia foret multis fraudibus cum oppressione indigentium, Intererat boni publici, ut licentia uluræ seu taciti contractus censuales personalis non reciperetur in illis contractibus, nisi contrahentes ineant expresse duos contractus v.g. venditionis, & simul muni: sic enim ob æstimationem accuratam exemplum contractus seorsum non relinquatur tanta occasio iniquitatum



tum per tractationem confusam. Hæc præmonenda erant, ut Lectori Germano non fiat lapis offensionis doctrina Scriptorum Gallicorum, qui non obstante consuetudine contraria suos patriotas adhuc constitutos esse existimant sub indeterminatione legum naturalium quoad usuram haud dubie nociva humano generi, & eo ipso prohibita. Ut vero Germanus Lector facilius sibi applicare possit plerumque responsiones hujus articuli, notet sibi has duas propositiones :

1. *Usura in Germania est, quod recipitur ultra partem vigesimam fortis principalis in contractibus censuali personali.*
2. *Contractus mutui in Germania est commodatio pecunie a legibus non elevata ad naturam contractus censualis personalis; quod semper fit, quando ex industria mutuatoris aliquid exigitur ultra vigesimam partem fortis principalis.*

**CASUS I.** Egbertus dives nummularius multas sibi cumulavit divitias per lucra usuraria ex mutuis. Confessarius ipsum obligat ad restitutionem 10000. florenorum usurario aquiretorum. Egbertus autem in sui defensionem affert sequentes quatuor rationes : 1. Scriptura condemnat usuram solum respectu pauperum, & non ut malam ex se ipsa & ex natura sua. 2. Primum Concilium generale Nicænum, omniaque alia primis Ecclesiæ sæculis habita Concilia usuram ex mutuo solum prohibuerunt Clericis. 3. Cum mercatoribus aliisque amplum commercium exercentibus datur mutuum, sit ipsis gratia, occasioque suppeditatur lucra sua augendi; æquum igitur est, ut & mutuans quidpiam lucretur. 4. Nunquam percepit ex mutuo usuras enormes, sed tantum conformes legibus, constitutionibus Principum ac consuetudini patriæ; vigetque hoc commercium inter omnes nationes, ac ab ipsismet Imperatoribus ac Principibus Christianis probatur. Valentne hæc rationes ?

3. Certum est, usuram esse peccatum mortale; utpote Ecclesia in suis Conciliis, & Patres in scriptis suis eam semper reprobarunt ut condemnatam a Scriptura veteris ac novi testamenti, & tanquam adversantem legi tam divinæ quam naturali, ut ait S. Thomas. Rationes Egberti quod attinet, respondetur *Ad 1.* In Scriptura reprobat usura illimitate respectu omnium, siue sint divites siue pauperes. *Ad hæc* absolute non potest haberi locum distinctio inter pauperes ac divites; cum usura sit malum ex natura sua, sicut rapina & furtum: hinc dicit S. Ambrosius Cap. *Si quis.* 10. 14. q. 4: *Si quis usuram acceperit, rapinam facit.* *Ad 2.* Quod primum generale Concilium Nicænum aliæque subsequencia Concilia mentionem expressam non fecerint de laicis, ideo factum est; quia malum usuræ erat universale, & conveniens

non erat, ut rigore censurarum ecclesiasticarum populus exasperaretur; immo potius lenius tractandus erat, ut sensim assuesceret doctrinæ evangelicæ. His tamen non obstantibus Concilium Eliberitanum can. 20. poenās statuit in usurariis, etiam laicos. Immo ipsum generale Concilium Nicænum, dum usufam interdicit Clericis, utitur ratione prohibitionis generali, quæ omnes tangit; sicque satis clare indicat, se condemnare usuram etiam in laicis: declarat enim can. 17. usuram ex sordida provenire avaritia, eosque, qui usuraria lucra sectantur, divini præcepti esse oblitos. Concilium denique Turonense de anno 461. can. 13. expresse habet, neminem salvari posse, qui non servaverit legem Dei, qua usura prohibetur. *Ad 3.* Quod mutuatarii ex pecunia Egberti multum lucri perceperint, ad mutuantem nil refert: nullum enim hic habet jus ad lucrum mutuarii, nullamque ex gratia alteri facta potest exigere mercedem; cum mutuarius verum adquisierit dominium pecuniæ sibi mutuo datæ. *Ad 4.* Imperatores ac Principes non solum usuras nunquam approbarunt, sed semper prohibuerunt: sic etiam nunquam quid statuerunt in ordine ad taxandas usuras, sed solum determinarunt interesse legitimum. Si ullibi consuetudo aut leges approbarent usuram contra legem Dei & Ecclesiæ, nulla earumdem habenda foret ratio. *Pontas.*

CASUS II. Otho mutuos dedit 5000. florenos Silvanio adjecta hac clausula, quod nec velit nec possit repetere mutuum ante lapsum triennii. Et ex hoc ipso prætextu, quod scilicet per id tempus videatur alienasse pecuniam suam, exigit censum a Silvanio partem vigesimam sortis. Num iuste?

R. Semper verum manet, quod Otho repetere possit mutuum post lapsum triennii; quod autem verum non esset, si intervenisset alienatio. Non reperitur in hoc casu nisi simplex mutuum ad præfixum terminum, in quo nunquam licet exigere censum *ratione mutui*. Hinc Otho non potest absque usura recipere lucrum ex hoc mutuo. Id quod decisum fuit a Facultate Theologica Parisiensi, quæ 1658. & 1665. condemnavit duos libros, unum *Apologia Casuistarum*, & alterum *Amadeus Guimenius*, in quibus reperiebatur hæc propositio: *licitum etiam esse mutuanti aliquid ultra sortem exigere, si se obliget ad non repetendam sortem usque ad certum terminum*. Censura hujus propositionis hæc erat: *Doctrina hæc falsa est, scandalosa, inducens ad usuras; varias aperit artes eas palliandi, justitiam ac charitatem violandi.* *Pontas.*

**CASUS III.** Gobertus civis Parisiensis cum in promptu haberet summam 3000. florenorum in mutuum elocandam, & Laurentius civis Rotomagensis eum in finem Parisios venisset, ut similem summam mutuum acciperet, contractum mutui conficere tentant pro censu annuo. Quoniam vero Parisiis pro censu annuo fixa est pars vigesima summæ capitalis, in Normannia autem pars decima octava; Gobertus cum Laurentio Rothomagum abit, ibi contracturus, sicque ampliorum censum reportaturus. An non delinquit in legem Gobertus, aut injustitiam committit?

R. Non videtur, Gobertum injuste egisse: edictum enim Regium, quo de cetero naturæ census annuus ex mutuo pro Normannia, nullam facit mentionem de loco domicilii eorum, qui ejusmodi contractus mutui ineunt; sed tantum exprimit territorium aut provinciam, ubi ejusmodi contractus fiunt, ita, ut omnes & singuli subditi Regii ibi possint contrahere juxta modum pro eo loco determinatum ac fixum. *Pontas.*

**CASUS IV.** Rogerius sciens, Artum nummularium & amicum suum quærere mutuum pro censu annuo, summam 3000. florenorum ipsi dat mutuum, nullum stipulando interesse, bene tamen sperando. Post lapsum anni Artus Rogerio solvit interesse 150. florenorum, & iterum ad annum petit sibi relinqui summam mutuo datam; sicque factum est per quatuor annos, ita ut Rogerius pro interesse acceperit 600. florenos. Confessarius Rogerium obligat, ut non amplius recipiat interesse, & acceptum computet ad summam capitalem; qui autem ex eo se excusat, quod mutuum dando summam nullum interesse petierit, acceptumque per quatuor annos esse respiciendum pro pura gratificatione ab Arto sibi facta. Potestne Rogerius tuta conscientia integram summam 3000. florenorum ob Arto repetere?

R. Etsi in foro externo & coram hominibus Rogerius non habeatur pro usurario, cum nec verbo nec scripto interesse petierit; in foro tamen interno & coram Deo, qui intuetur cor, excusari non potest: sola spes percipiendi lucrum ex mutuo ipsum usuræ reum constituit. *Mutuum date, nihil inde sperantes.* Luc. 6. v. 35. *Hujusmodi homines,* inquit Urbanus III. *Cap. Consuluit.* 10. Lib. 5. Tit. 19. *pro intentione lucri, quam habent (cum omnis usura & superabundantia prohibeatur in lege judicandi sunt male agere, & ad ea, quæ taliter sunt accepta, restituenda in animarum judicio efficaciter inducendi.* *Pontas.*

**NOTA.** Si Rogerius erga amicum sic comparatus erat, ut ei daret pecuniam, etsi censum non esset recepturus, sola spes, quæ non transit in debitum, non videtur eum reddere usurarium.

**CASUS V.** Gilbertus cum non posset ab aliis obtinere mutuum pecuniam, qua ad suum indigebat commercium, vendit Renato quatuor iugera prati pro 500. florenis, reservato sibi jure illud redimendi intra quinque, septem, aut novem annos. Confecto contractu Renatus pratum locat alteri pro annuo locationis pretio 25. florenorum, quod interesse ex summa 500 florenorum legibus conforme est, prætenditque id iuste fieri posse vi consuetudin's, quæ viget in provincia. Num in hoc contractu usura intervenit?

ꝰ. Verum est, ejusmodi contractus in variis locis per consuetudinem tolerari; sed in foro interno nihil aliud sunt, quam mutua palliata, & consequenter usuraria. *Pontas*

*Nota.* Non sunt tales contractus usurarii, si ex parte dantis mutuum intervenit periculum sortis.

**CASUS VI.** Gratianus indigens centum imperialibus petit Clementem, ut illos sibi det mutuos. Clemens e sua pecunia lucrum recepturus init cum Gratiano contractum constitutionis, & pro securitate summæ Gratianus pro pignore Clementi offert vineæ jugerum hac lege, ut singulis annis Clementi census loco cadum vini tradat. Verum cum Clemens timeret, ne id, quod valorem supra consuetum censum excedit, in restitutione summæ deducat Gratianus, urget, ut sibi vinea vendatur pro 100. imperialibus, quamvis pluris valeat. Postquam igitur vineam per integrum annum possederat: eam restituit pro pretio, de quo convenerant, id est, pro cado vini. An iste contractus tuta conscientia ex utraque parte fieri potuit?

ꝰ. Iste contractus constitutionis, quo Clemens censum a Gratiano acquirit, est usurarius usura contractu venditionis fictæ & fraudulentæ palliata; hinc Clemens talem contractum tuta conscientia inire nequivit, ita ut, si Gratianus nequid potuit censum istum redimere, Clemens in conscientia teneatur percepta in rationes suas referre, & a summa capitali deducere; aut, si vinea jam denuo rediit ad Gratianum, excessum hucusque perceptorum restituere. Nihilominus si uterque contrahens bona fide egisset, & Clemens non intendisset lucrum præcise ex mutuo, sed solam aliquod lucrum legitimum ex pecunia sua facere voluisset, videtur eum de usura condemnari non posse. *Pontas.*

**CASUS VII.** Leminius debet Publico censum annum 100 florenorum. Cum autem Publicus pecuniis indigeret, rogat Leminium, ut sibi in antecessum solvat censum unius anni deductis quinque florenis. Leminius annuit: & solvit Publico 95. florenos, recepta apocha pro centum. An nulla hic intervenit usura?

ꝰ. Jux:

3. Juxta S. Thomam opusc. 67. ejusmodi solutiones anticipato factæ cum diminutione sunt usurariæ; & sic Leminus ad restitutionem tenetur. *Ille, qui ad certum terminum debet, ait S. Doctor, si ante terminum solvit, ut ei de debito aliquid dimittatur, usuram committere videtur, quia manifeste tempus solutionis vendit; unde ad restitutionem tenetur.* Verum si Leminus revera tantum sufferret damnum ob anticipatam solutionem, quantum sufficeret Publius remittendo quinque pro centum, nulla interveniret injustitia. Idem 2. 2. q. 78. art. 2. ad 1. Idem dicendum esset, si Publius ex mera generositate Leminio quinque pro centum remisisset. Pontas.

CASUS VIII. Salvius a Cletio mense Maio statim numerata pecunia emit 1000. pelles ovinas mense Augusto tradendas; verum cum paratam pecuniam statim daret, pro una pelle septem dumtaxat solidos cum dimidio solvit; licet communis æstimatione una pellis constaret decem solidis. Num hæc emptio ab omni usura immunis est?

3. Solutio anticipata facta a Salvio habet rationem mutui: hinc Salvius haud dubie usuram commisit. *Si quis emptor, ait S. Thomas 2. 2. q. 78. art. 2. ad 7. velit rem emere villius, quam sit justum pretium, eoquod pecuniam ante solvit, quam possit ei res tradi, est peccatum usuræ; quia etiam ista anticipatio solutionis pecuniarum habet mutui rationem, cujus quoddam pretium est, quod diminuitur de justo pretio rei emptæ.* Verum si anticipata solutio in gratiam Cletii facta damnum pateretur tantum, quantum obtinisset lucrum; vel, si anticipato non solvisset, sua pecunia lucrum acquirere potuisset, alia occasione, immunis est ab usura: nam damnum emergens & lucrum cessans sufficiens sunt titulus, ut ejus carius aut vilis merces emi vendique possint, quam alias eorum esset valor. Pontas.

CASUS IX. Nebridius Toparcha Josepho, qui pecuniis indigebat, ad ipsius petitionem mutuos dedit 200. florenos hæc conditione, ut in futurum triticum suum ad molendinum, aut farinam ad pistrinum Nebridii deferat, ad quod alias non teneretur. An hæc conditio usuraria est? An etiam usura esset, si aliquis pistor mutuum daret pecuniam alicui hæc lege, ut ab ipso emeret panes?

3. Certum est, hanc conditionem esse usurariam: nam Nebridius hæc ratione acquirit sibi servitutem activam pretio pecuniario æstimabilem, idque ex dato Josepho mutuo. Idem dicendum de pistro. Rationem aliam allegat Sylvius; quia est obligatio civilis, qua mutuarius privatur sua libertate, & consequenter se exponit hujusmodi periculo, ut non possit alteri operam suam locare, quamvis sub majore stipendio requireretur. Pontas.

**CASUS X.** Rigobertus ducentos imperiales mutuos dedit Hieronymo advocato hac conditione, ut causam suam in Parlamento gratis propugnet, & hanc conditionem Hieronymus acceptavit. An in hoc casu datur usura?

ꝑ. Juxta S. Thomam 2. 2. q. 78 art. 2. ad 3. ista conditio est usuraria; labor enim ac ministerium advocati cum sit res pretio pecuniario æstimabilis, Rigobertus non facit mutuum gratuitum. Si tamen advocatus ex mera benevolentia & amicitia causam Rigoberti propugnandam susciperet, hanc Rigobertus benevolentiam acceptare, immo etiam exigere posset; dummodo id non fiat ratione mutui. *Pontas.*

**CASUS XI.** Theobaldus mutuo dat Philippo 250 florenos ex spe obtinendi ab eo alicujus honorarii. An usuræ reus est?

ꝑ. Si honorarium respicit tanquam debitum ratione mutui, spes ipsius vitiosa ac usuraria est. Si vero honorarium sperat ut rem omnino gratuitam, ad quod faciendum ex parte Philippi nulla prorsus obligatio, illud absque vitio usuræ recipere potest. Ita docet S. Thomas q. 13 de malo. art. 4. ad 13. *Pontas.*

**CASUS XII.** Eusebius rogat Gualterum, ut sibi mutuos det centum imperiales; Gualterus petito annuit hac conditione, ut alia occasione etiam sibi mutuos det centum imperiales. An hæc conditio usuraria?

ꝑ. Cum ejusmodi obligatio pecunia æstimari possit, conditio illicita & usuraria est. Ratio est; quia gratificatio debet esse omnino libera ac gratuita, ita ut ad eam exhibendam nemo obligari possit. *Pontas.*

**CASUS XIII.** Hebertus Petro dedit mutuo viginti aureos ex mera benevolentia ac amicitia erga illum; interne tamen intentionem habuit, a Petro consimilem opem in alia occasione recipiendi. An hæc intentio usuraria est?

ꝑ. Si intentio Heberti fuerit penitus occulta, nec a Petro aliquod promissum exegerit, non usuraria erit talis intentio; cum Petro plenam libertatem reliquerit. Ejusmodi intentionem SS. Antoninus & Raymundus vocant secundariam & minus principalem, eamque a vitio excusant. Ne autem in ejusmodi occasionibus libimet ipsi quis facum faciat, sedulo perpendendum, an quis sincere sit dispositus ad dandum mutuum, etsi prævideat, nunquam sperari posse aliquod obsequium aut beneficium ab eo, cui conceditur mutuum. *Pontas.*

**CASUS XIV.** Scævola suo vicino mutuum dat certam quamdam pecunie summam, hac principali intentione, ut

ni-

nimirum ipsius lucretur amicitiam, ac suo tempore exoptetur gratitudinem. An hæc intentio usuraria est?

g. Amicitia, & gratitudo pecunia non æstimantur; & propterea intentio Scævolæ non est usuraria. S. Thomas 2. 2. q. 78. art. 2. C. *Pontas*.

*Nota.* Sola spes non deducta in pactum non reddit contractum usurarium. V. *Caf.* 13.

**CASUS XV.** Hercules indigens summa 625. florenorum rogat Gratianum, ut sibi istam mutuet addito promissio, se restitutum in aureis post trimestre, quo tempore valor horum aureorum probabilius major erit, quam tempore, quo mutuum accipit: vel, promisit hanc summam restitutum Argentorati, ubi talis aureus 15. crucigeris plus valet, quam Parisiis. An hic contractus usurarius est?

g. Si intentio Gratiani principalis fuerit, ut ex mutuo recipiat lucrum, usuræ reus est. *Pontas*.

*Nota.* Si Hercules ex ea qualitate pecuniæ solvendæ nullum sustinet damnum, & Gratianus eam ultroneam oblationem non deduct in pactum, non intervenit usura.

**CASUS XVI.** Licinius pecunia indigens cogitat Juliano ad decem annos vendere redditus 150. florenorum: quos ex suo fundo singulis annis recipit; Julianus etiam acceptat hanc conditionem, & in parata pecunia Licinio solvit 1100. florenos. An hæc conventio usuraria est?

g. Author *Opusculi*, quod S. Thomæ tribuitur, 73. de usuris. c. 9. in fine censet, non intervenire usuram: nam 1. venditor potest suum fundum, cujus dominus est, cedere alteri ad tempus, & pro pretio, quod libuerit. 2. Non est injustitia, vendere aliquam rem tanti, quanti ab ipsis contrahentibus æstimatur; dummodo æstimatio fiat secundum æquitatem, ut in præsentī casu fieri videtur; tum quia Licinius non acceptaret 1100. florenos, si ab alio majorem summam recipiendi spes foret; tum quia 1500. floreni, quos intra decennium ex fundo suo perciperet, non sunt pluris æstimandi quam summa, quam in numerata pecunia recipit per mutuum. 3. Id, quod summam 1100. florenorum excedit, non est considerandum tanquam lucrum distinctum a sorte principali. Juxta eundem Authorem c. 10. in fin. potest emi terra consita minori pretio, quam æstimeretur tempore messis. *Pontas*.

**CASUS XVII.** Cæsius decem modios tritici, quibus indiget, mutuo accipit a Claudio circa medium Octobris, quo

quo tempore unus modius æstimabatur 30. crucigeris, addita conditione, ut ad finem Junii futuri anni in natura, aut in pecunia restituantur, quo tempore valor modii 15. crucigeris major erit. An hæc conventio usuraria est?

g. Si Claudius ex mutuo intendit aliquod lucrum, haud dubie se reum facit usurae. Restitudo autem intentionis ex sequentibus desumi potest: 1. Si jam firmiter constituit non vendere triticum suum ante mensem Junium. 2. Si semper paratus est recipere a Cæsario mutuo datos decem modios, quocumque tempore eos restituere velit. 3. Si non determinat certum tempus, quo triticum carius venit, nisi ad evitandum damnum proprium. Ex quo sequitur, quod possum amico mutuum dare mense Martio vel Aprili modum frumenti ea conditione, ut mense Augusto vel Septembri modium restituat cum dimidio, si certum aut saltem valde probabile est, mense Augusto aut Septembri sesqui modium haud parvis valiturum ac unicum modium mense Martio aut Aprili; Idque ad evitandum damnum proprium. *Pontas.*

CASUS XVIII. Macæus Joanni 50 florenorum mutuum petenti declarat, se pecuniam suam in emendo frumento collocaturum, ut inde lucrum percipiat; hinc se illi quidem mutuum daturum ad præfixum tempus, sed ea conditione, ut chirographum conficiat, quo profiteatur, se tantum frumenti debere Macæo, quantum juxta currentem ad lapsum termini valorem correspondet summæ 50. florenorum. An hic contractus non est usurarius?

g. Si Macæus non sincere proposuit pecuniam suam ad negotiationem frumentariam adhibere, commisit usuram nomine mutui palliatam; Immo etsi propositum ipsius fuerit sincerum, usuram tamen non effugiet, si tempus solutionis præfixit, quo certus est, se ex dato mutuo lucraturum. Exciplendus autem casus, quo Macæus absolute constitisset emere frumentum, eoquod leviori pretio stare, illudque servare v.g. usque ad Pentecosten, quo tempore illud ampliori pretio vendere posset: in hoc enim casu jure petit compensationem damni, quod mutuum dando incurrit. *Pontas.*

CASUS XIX. Ireneus civis Massiliensis ficum commercium habens dedit Bernardo viginti modios ficum hac conditione, ut tempore messis decem modios tritici, & decem modios siliginis reddat. An in hoc casu usura intervenit, posito quod modius siliginis quindecim crucigeros valeat, modius vero ficum tantum decem crucigeros?

g. Est usurarium commercium; quia mutuans exigit a mutuuario aliquid ultra sortem principalem. Excusari tamen pos.



set Irenæus ab usura, si valor ejusmodi rerum est variabilis, & consequenter certus non est, modium filiginis eo tempore carius vendi quam modium sicum: in hoc enim casu commercium illud non foret usurarium. *Pontas.*

**CASUS XX.** Manlius certam quantitatem tritici, cujus currens pretium erat 70. floreni, mense Majo numerata pecunia emit a Sempronio 60. florensis, traditione primum mense Octobri facienda. Distulit autem triticum petere usque ad mensem Januarium, quo tempore illud vendidit Cajo pro 80. florensis, cui etiam a Sempronio traditum est. An non in hac negotiatione usura intervenit?

¶. Lucrum hoc Manlius absque omni usura percipere potuit: frumentum enim, quod mense Majo 70 florensis valebat, potuit juste emere 60. florensis; cum primum mense Octobri tradi deberet, quo tempore ordinarie haud pluris aestimatur. Sic quoque absque injustitia potuit illud mense Januario vendere 80. florensis, utpote pretio currente. *Pontas.*

**CASUS XXI.** Paschasius mutuat Jacobo 500. florenos hac conditione, ut, si Jacobus ante quinquennium moriatur, ipse & ejus hæredes non teneantur ad solutionem dictæ summæ; si vero ante quinquennium non moriatur, tunc teneatur ad solutionem dupli. An hic contractus usurarius est?

¶. Juxta Navarrum Consil. 29 de Usur. n. 4. usurarius est; quia absolute dici non potest, contractum hunc esse gratulum, ac vix non idem foret, ac si Paschasius homini pauperi daret mutuum hac conditione, ut si pauper ille intra quinque vel sex annos fieret dives, duplum restituere teneatur; quæ conventio aperte foret usuraria. *Pontas.*

**CASUS XXII.** Gomefius Procurator Parlamenti neptem suam Blandinam, cui curta supellex, Balduino primario Parlamenti scribæ, in matrimonio collocaturus, in dotem dicto Balduino offert suum officium Procuratoris, quod redditus annuos 5000. florenos ipsi assert, ea tamen conditione, ut Balduinus ad dies vitæ suæ det sibi pensionem annuam 250. florenorum, & si hanc summam solvere recusaturus sit, in pristinum officium regressum sit petiturus. An iste contractus injustus, & usurarius est?

¶. In præsentī casu non datur usura: non enim est contractus mutui, sed vera donatio officii, cujus Balduinus sit proprietarius; hinc Gomefius non potest obligare Balduinum ad restitutionem donati officii, si pensionem, de qua inter ipsos conventum est, singulis annis persolvat. *Pontas.*

**CASUS XXIII.** Alatus 600. florensis indigens rogat Philippum, ut sibi hanc mutuaret summam, simulque ipsi pro securitate summæ oppignorat quatuor jugera silvæ caduæ, e qua

e qua pro necessitate domestica sumere possit ligna. An in ista oppignoratione datur usura?

¶. Est usuraria hæc oppignoratio; nam cum Alanus pro securitate mutui dederit silvam, Philippus non potest absque usura pro necessitate sua domestica e dicta silva sumere ligna, nisi de sorte principali valorem cæsorum lignorum deducat. *Pontas.*

NOTA. Si valor lignorum ad usus domesticos non excedit valorem census annui, pendendi iusto titulo lucri cessantis, damni emergentis, vel ob periculum fortis, non intervenit usura.

CASUS XXIV. Amabil's mutuos recipit 500. florenos a Thimoleone ad annum, & pro majori securitate mutui oppignorat ipsi feudum, quod ab eodem Thimoleone habet. An Thimoleon tenetur in conscientia, dum constituto solutionis termino dictos 500. florenos recipit, fructus ex oppignorato feudo perceptos computare in sortem; & si hoc negligat, an usuræ reus est?

¶. Thimoleon non tenetur perceptos ex dicto feudo fructus computare in sortem principalem, cum hujus feudi fructus titulo dominii jam ad ipsum pertineant. Ratio est; quia vassallus feudum possidet ea conditione, ut domino feudi certa quædam servitia exhibeat, quæ ejusdem valoris cum feudo æstimanda sunt; vassallus igitur eo tempore, quo dominus feudum possidet, immunus est a dictis servitiis. Innocentius III. cap. *Innovatione* 1. lib. 3. t. 20. Interim tamen si fructus a Thimoleone percepti excederent servitia, teneretur excessum deducere a summa principali. *Pontas.*

CASUS XXV. Epipodius mutuavit Lucio 200. imperiales ad biennium, & ab eo in cautionem accepit lectum & duodecim sedilia, quibus etiam cum consensu Lucii unus est. An Epipodius pretium servitii tenetur deducere a sorte principali? & si hoc negligat, an se reum facit usuræ?

¶. Idem dicendum de rebus ejusmodi mobilibus, ac de fundo: usus enim talium rerum est pretio æstimabilis; hinc Epipodius tenetur deducere pretium usus harum rerum a sorte principali. *Pontas.*

CASUS XXVI. Florentius 15000. florenos in parata pecunia habet, & hæc summam impendere cogitat ad reparationem suæ domus, quæ alias nemini locari posset; ad instantiam tamen Cajo, qui vicino suo 10000. imperiales debet, & si hæc ipsi summam non solvat, domum suam plus offerenti tradendam timet, mutuum dedit Cajo prædictam summam 15000. florenorum hac addita conditione, ut præter restitutionem summae principalis compenset lucrum, quod per-

percipere potuisset ex dicta summa, si eam impendisset ad reparationem suæ domus, ac postea alteri locasset. An Florentius aliquid ultra sortem principalem exigendo usuræ reus est?

3. Certum est, Florentium in proposito casu absque usura exigere potuisse justam compensationem: dampnum enim emergens sufficiens est titulus, vi cuius ultra sortem principalem aliquid exigi possit. *Pontas.*

**CASUS XXVII.** Willibaldus mercator mutuavit Guillelmo 500. florenos ad unum annum: verum elapso semestri Willibaldus passus est damnum 2500. florenorum ob defectum mutuo datæ pecuniæ. An Guillelmus tenetur reparare damnum?

3. Guillelmus non tenetur reparare damnum; nam mutuatarius non tenetur ad ullam compensationem mutuanti præstandam, nisi uterque de hoc convenerint tempore, quo contractus mutui factus est, ut mutuatario liberum sit talem conditionem acceptare, aut recusare. Consequenter Willibaldus sibi ipsi imputet damnum, eo quod tam imprudenter mutuarit pecuniam suam Guillelmo. Hæc est doctrina S. Thomæ q. 13. de malo, art. 4. ad 14. *Pontas.*

*Nota.* Cum periculum sortis hoc tempore sit frequens, & summæ mutuo datæ statim incipiunt fieri minoris valoris, ita, ut pro centum vix darentur 95., recte pro titulo auctarii assignatur periculum sortis.

**CASUS XXVIII.** Lævius mercator mutat Danieli 1000. Imperiales, quos unicos habet, & quidem jam destinatos ad emendas merces, e quibus probabilius acquirere posset lucrum 7. aut octo florenorum pro centum; propterea etiam a Daniele exigit ultra sortem capitalem idem lucrum. An Lævius tuta conscientia id exigere potest? Num etiam id exigere potest, si actu ipsi occasio non daretur taliter pecuniam suam elocandi, sed solum speraret, emerfuram talem occasionem?

3. Lævius absque usura quidquam accipere potest ultra sortem principalem: lucrum enim cessans sufficiens ac legitimus titulus est mutuanti quidpiam ultra sortem principalem exigendi, sub his tamen tribus conditionibus: 1. Si pecunia a mutuo data vel danda collocata, aut certe collocanda est in commercio: secus enim vere dici non posset, mutuanti ratione mutui lucrum cessasse; ac consequenter lucrum perceptum simpliciter proveniret ex mutuo, quod usurarium est. 2. Si mercatori mutuanti præter pecuniam in negotiationem expositam alia pecunia non superesset, quam mutuum

dare posset : si enim ejusmodi pecunia ad negotiationem non destinata foret residua, denuo verum non esset, quod ipsi propter mutuum lucrum cesset. 3. Si spes ex pecunia mutuo data vel danda lucrandi non mere est possibilis & remota, sed probabilis ac proxima : non enim sufficit, quod absolute quia possit lucrari ex pecunia in negotiationem exposita, sed requiritur spes probabilis ac gravibus rationibus innixa, quod lucraturus sit, si pecuniam suam ad negotiationem applicet. Præprimis hic notandum, quod licet lucrum cessans sit distinctum a damno emergente actuali, non separatur tamen a damno probabili; alias non esset titulus sufficiens exigendi quidquam ultra sortem principalem. D. Thomas 2. 2. q. 62. art. 4. satis clare distinguit has duas damni species, & utrumque damnum reparandi obligationem esse docet. Quod attinet alteram quæstionem, si Lævius necdum actu constituit pecuniam suam negotiationi committere, & id faciendi modo desit occasio, non potest stipulari aut recipere aliquod interesse pro summa Danieli mutuo data vel danda : lucrum enim cessans juxta eundem S. Thomam 2. 2. q. 78. art. 2. ad 1. solum tunc est legitimus titulus recipiendi censum ex mutuo, quando lucrum est probabile aut moraliter certum, non dum est tantum possibile & aduc valde remotum. *Pontas.*

**CASUS XXIX.** Agnania habet ducentos imperiales, quos ad emendas destinavit merces, e quibus probabilius 7. aut 8. florenoa pro centum lucraturus est : præter hanc summam aliam insuper habet priori similem, ejus partem unam destinavit pro dote suæ filiae nubili, alteram vero partem reservat in fortuitos casus suæ familiæ. Ast a Balduino, suo amico rogatus, ut sibi ducentos mutuaret imperiales, quærir, an tuto conscientia titulo compensationis damni possit quidquam exigere ultra sortem principalem, nimirum juxta proportionem lucri cessantis, licet totidem imperiales adhuc in arca reclusa & otiosos habeat.

¶. Destinatio pecuniæ ab Agnania reservatæ in arca prudens & legitima est ; hinc a Balduino summam proportionatam exigere potest ultra sortem principalem ; nam Agnania in præfenti casu ducentos solum imperiales commercio destinatos habere censendus est. *Pontas*

**CASUS XXX.** Landulfus ex suis, quos habet, 1000. Imperialibus lucrum recepturus, eos obtulit Luciano gemmario, qui illos titulo societatis accepit, & Landulfo spem facit lucri 200. florenorum singulis annis percipiendi, de quo moraliter certum se esse affirmavit. Verum Landulfus varia societatis incommoda evitare cogitans dedit 1000. impe-  
ria-

riales Luciano mutuos, & solum 75. florenos singulis annis pro censu solvendos exigit, una cum asscuratione suæ summæ. An hæc conventio usuraria est?

g. Ista conventio certo est usuraria: quamvis etiam Landolfo liceret percipere honestum aliquod lucrum e sua pecunia, si eam in societate locaret, ejusque dominus remaneret, ac cum socio periculum negotiationis subiret; non tamen potest ex dicta pecunia lucrum percipere, si eam mutuatim dat Luciano; mutuatarius enim sit dominus mutui, & omne periculum fortis sufferre debet. S. Thomas 2. 2. q. 78. art. 2. ad 5. *Pontas.*

CASUS XXXI. Petrus dedit Renato mercatori in Indiam navigaturo 5000. florenos hac conditione. 1. Quod si navis Renati casu fortuito quocunque pereat, jactura totius summæ mutuatæ sit ferenda Petro. 2. Lucrum & damnum e dicta summa proventurum utrique sit æqualiter ferendum. Verum Petrus commercii penitus ignarus paucis post diebus proponit Renato se contentum fore 15. aut 20. florenis pro centum, si in eventum prosperæ navigationis summa capitalis affecuratur, sibi autem omnia perire, si navis pereat. Renatus libenter acceptat hanc conditionem, cum sic nemini rationem reddere teneretur negotiationis suæ & centum pro centum lucraturum se speraret. Estne usurarius hic contractus?

g. Distinguendum est duplex periculum: unum est mutuo *intrinsecum* & ab eo inseparabile, quale datur in mutuo, facto pauperi aut illi, qui non est solvendo, aut jam pene ad incitas redactus: alterum periculum est mutuo *extrinsecum*, ab eo separabile, ut dum mutuum sit diviti. Primum periculum nunquam constituit titulum legitimum percipiendi lucrum; sed ratione secundi periculi potest percipi lucrum. Hoc supposito, si periculum Petri mutuo est intrinsecum, non potest percipere ullum lucrum ex suis 5000. florenis; & juxta quosdam Authores allegantes Decretalem Gregorii IX. Cap. *Naviganti*, fin. Lib. 5. Tit. 19. in hoc casu periculum mutuo est intrinsecum. Hoc tamen non obstante videtur periculum esse extrinsecum, & a mutuo separabile, ac consequenter Petrum in præsentē casu condemnari non posse de usura; dummodo 1. principalls intentio Petri non sit præcise lucrandi ratione mutui, & Renatum non urgeat ad suscipiendum periculum summæ capitalis, sed ipse Renatus se ad hoc offerat, ut sic evitet rationem reddendam de suo commercio 2. Dummodo Petrus non percipiat nimium lucrum causa mutui, sed solum proportionatum periculo, cui se exponit. Ita sentit S. Antonius 2. part. Smm. Theol. Tit. 1. cap. 7.

§. 18. Conventio Petrum inter & Renatum inita nil aliud est, quam venditio sperati lucri, quod utique injustum non est. Immo ejusmodi conventionem Petrus potuisset facere etiam cum quodam tertio absque omni usuræ periculo: lucrum enim ex utriusque parte incertum, & spes lucri pariter utrique æqualiter appreciabilis est. Incertitudo igitur ejusmodi conventiones reddit justas ac licitas. *Pontas.*

• *NOTA.* Etiam periculum intrinsecum est pretio æstimabile erga personas, quarum gratia quis non tenetur subire periculum specialiter ex lege charitatis.

CASUS XXXII. Faronius timens, ne navis perierit, cui in Indiam abeunti varias merces credidit. quarum valor ad 10000 imperiales ascenderat, totam summam vendidit Radulfo pro 9000. florenis. Ast elapsis octo mensibus, navis felici cursu rediens Radulfo ultra 10000. imperiales attulit adhuc lucrum 50. pro 100. An Radulfus summam una cum lucro recipere potest absque usura?

§. Potest Radulfus totam summam 10000. Imperislium una cum lucro retinere, quia justo pretio eam emit, & periculum naufragii, aut alterius infortunii in se suscepit. *Pretio rerum*, ait lex *Pretia*. 63. ff. Lib. 35. Tit. 2. *non ex effectu, nec utilitate singulorum, sed communiter finguntur.* *Pontas.*

CASUS XXXIII. Eustachius timens, ne navis sua una cum mercibus in Hispaniam transvehendis naufragio pereat, aut ab hostibus auferatur, obtulit Martino lucrum 20. pro 100., si mercium suarum affectionem præstaret. An tale commercium absque usura fieri potest?

§. Legitimum est ac licitum hoc commercium; quia Martinus in se suscipit periculum. *Licitum reputatur tale lucrum*, ait S. Antoninus 3. part. Summ. Theol. Tit. 8. c. 3. §. 1. *ratione periculi, quod subit: nec enim potest dici, ibi esse mutuum; cum nihil nutuetur: nec lucrum turpe; cum nec inveniatur prohibitum.* *Pontas.*

CASUS XXXIV. Godardus mutuavit Nemefio 100. imperiales ad annum hac conditione, ut si illos ad constitutum terminum non restituerit, duos aureos ultra dictos 100. imperiales solvere teneatur. An in hoc casu datur usura?

§. Juste Godardus recipere potest duos aureos, si Nemefius ad constitutum terminum non solvat mutuo datum; si 1. Godardus hanc conditionem apponendo pure ac simpliciter solum intendit debitorem ad exactam solutionem permove-  
vere. *Notandum*, inquit Innocentius IV. in Cap. *Suam*. 9. Lib. 3. Tit. 37. *pœnam impositam ex conventionem partium licere exigere;*

*gere; dummodo intentio sit recta, scilicet ut pareatur placitis, & non ad usuras vel lucrum. Sed secus esset, si poena esset apposta in fraudem.* 2. Si debitor culpabiliter distulit solutionem, id est, si potuisset solvere, & tamen sive ex malitia, sive ex negligentia, sive ex alia culpa non solvit. Nihilominus semper timendum, ne in ejusmodi contractibus mutui cum adjunctione poenae litis concurrat saltem intentio usuraria. *Pontas.*

**CASUS XXXV.** Germanicus magnificum apparatus simulaturus vasa aurea a Scipione sibi commodari petit, simulque ipsi tres aureos pro isto servitio offert: adhuc ab eodem Scipione petit mutuari sibi marsupium 300. aureis refer- tum, ut se coram aliis, quibuscum ipsi negotium quoddam perficiendum est, divitem ostendet, & pro hac commodatio- ne offert Scipioni 6. aureos. An Scipio oblatos aureos re- tinere potest?

\*. Proprie loquendo potest eos retinere; nam non mu- tuo dat vasa aurea, & marsupium, sed locat, & eorum usum vendit, & sic eorum dominium sibi reservat; hinc Germa- nicus eadem vasa & idem marsupium restituere Scipioni te- netur; & si omnia hæc perirent, damnum solus Scipio suf- ferre deberet, si casu fortuito, ac sine culpa Germanici pe- rirent. Ita S. Thomas 2. 2. q. 78. art. 1. ad 6. Verum ne Sci- pio peccati reum se faciat, cavendum, ne pretium locatio- nis sit nimium, sed juxta æstimationem viri prudentis pro- portionatum usui rerum commodatarum. In eo autem Sci- pio peccatum vix effugiet, quod locando ejusmodi res ad vanitatem ac ostentationem, vel omnino ad fraudem loca- tarii cooperatus fuerit. *Pontas.*

**NOTA.** Mirum est, quod hi Authores in commodato, quod usu non consumitur, ratione periculi admittant compensationem; in mutuo autem, quod usu consumitur, & cujus valor ratione periculi minuitur, nullam admittant. Videtur potius in commodato rerum, quæ usu non deteriorantur, nulla admittenda compensatio, sed tantum contractus assicurationis.

**CASUS XXXVI.** Robertus, qui notorie ex meris ac quo- tidianis usuris suas sibi pecunias coacervavit domum extru- cturus est. An operarii tuta conscientia, & quin ad restitu- tionem teneantur, diurnam mercedem recipere possunt, li- cet sciant, eam non nisi ex injusto provenire commercio Ro- berti?

\*. Author opusculi 75. de usuris D. Thomæ adscripti existi- mat, operarios non peccare, si alteri operam suam locandi de- sit occasio; peccare autem eos, si non urgeat necessitas laborum suorum mercedem querendi apud hunc usurarium. *Pontas.*

**CASUS XXXVII.** Philometor 5000. florenos pro majori securitate deponit apud Samuelem notorium usurarium. Num licete?

¶ Si hanc summam deponit ea intentione, ut Samuel commercium suum usurarium commodius aut latius exercere possit, usurae se reddit participem, & peccat. Si vero ex solo motivo majoris securitatis deponit, non peccat. Ita S. Thomas 2. q. 78. art. 4. ad 3. Consultius fieret, si Philometor pecuniam suam apud alium deponeret, aut si alium non fecerat, Samueli depositum traderet obfignatum; aut in arcula oblitterata, clavemque apud se retineat. Denique si Samuel depositum hac ratione recipere renueret, & hac præcautione quasi quadam diffidentia offenderetur, & Philometor rationaliter crederet, eum utpote propriis pecuniis abundantem alienis non indigere, ac consequenter deposito haud abusurum, absque peccato posset Samueli pecunias suas custodiendas tradere, etiam nulla adhibita præcautione. Pontas.

**CASUS XXXVIII.** Maglorius vir opulentus mutuavit Sylvestro nummulario 6000. florenos ad annum, recepto ab eo simplici syngrapha. Per decem jam annos Maglorius a Sylvestro annuatim accepit censum 300. florenorum, Sylvestro nimirum syngrapham roties renovante. Jam autem summam mutuo datam repetiturus ipsi litem intentat, quo factum, ut Sylvester a iudice condemnatus post lapsum anni summam principalem una cum censu 300 florenorum Maglorio restituere debuerit; ac consequenter Sylvester spatio undecim annorum solvit censum 3300. florenorum. Symphorosa uxor Maglori bona habens cum marito communia, & lucro illius usurario insensibilissima quaerit, quid sibi agendum non solum modo sub potestate mariti constitutæ, sed & post ejus obitum?

¶ Certum est, Maglorium indifensibiliter obligari ad restitutionem 3000 florenorum, census nimirum intra decennium percepti; & cum persoluto hoc censu summa principalis decreverit ad 3000 florenos, vi sententiae judicialis anno abhinc obtentæ solum ipsi debebatur census 150. florenorum, idque solum in suppositione, quod hæc sententia fuerit bona fide obtenta. Symphorosa vero uxor vivente marito non tenetur restituere, nisi ultro ex parsimonialibus legitimis id velit, & certo sciat, maritum non restitutum. Si uxor moriatur ante maritum, tenetur ex iustitia per testamentum cavere, ut ex sua portione fiat restitutio pro ratione accepti, scilicet partis dimidiæ censuum usurarie perceptorum. Ast si marito superstes foret, ocys teneretur ad hanc restitutionem, si communionem bonorum acceptaverit. Denique



si Sylvester vera necessitate negotiorum suorum coactus hanc summam pro censu annuo mutuam accepit, ipsimet facienda est restitutio; si vero id factum ad fovendum iuxum aut expendam libidinem, juxta S. Thomam 2. 2. q. 62. art. 5. ad 1. restitutio fieri debet pauperibus. *Pontas.*

*Nota.* Cessant omnes ejusmodi difficultates, si pro titulo excusante admittatur periculum sortis, quale circa nummularios plerumque versatur.

**CASUS XXXIX.** Polixenes mercator, cum intra biduum quandam summam alteri solvere teneretur, ipsique pecunia deesset, Metellum rogavit, ut sibi mutuet summam necessariam illique offert sex pro centum census loco. An peccat Polixenes?

*Res.* Si Polixenes scit, Metellum esse usurarium, non peccat: licite enim potest ex peccato alieno intendi bonum aliquod præsertim urgente necessitate. Verum si Polixenes scit, Metellum non esse deditum usurario commercio, peccat: quia ipsi ansam præbet committendæ usuræ. S. Thomas 2. 2. q. 78. art. 4. C. *Pontas.*

*Nota.* In mercatoribus plerumque reperitur majus periculum amittendæ sortis, cujus valor juxta incrementum periculi decrescit.

**CASUS XL.** Pantaleon gemmarius in quadam extraordinaria occasione ratione sui gemmarum commercii pecunia indigens dubitat, an mutuum petere licite possit ab iis, quos usurarios esse novit?

*Res.* Censeo, Pantaleonem posse licite petere mutuum ab usurario publico, si aliunde pecuniam, qua indiget, acquirere non possit; dummodo ipsum directe ad usuram non inducat. Ita S. Thomas 2. 2. q. 78. art. 4. C. ad 2. Verum Theologi non conveniunt in determinando gradu necessitatis, an nimirum debeat esse extrema, aut gravis, aut necessitas decentiæ status, v. g. mercatoris, qui suum commercium exercere non posset, nisi mutuum acciperet sub conditione solvendi census; & hanc necessitatem major pars sufficientem existimat & excusantem a peccato. Hinc Pantaleon absque peccato ab usurario mutuum petere ac censum solvere potest ratione necessitatis decentiæ status, id est, sui commercii. *Pontas.*

*Nota.* Eum solvere posset titulo solius periculi, quod in gemmarum frequenter reperitur.

**CASUS XLI.** Si vero in priori casu Pantaleonem non urgeat necessitas mutuandi ab usurario, sed solum id agat eo fine, ut augeat suum commercium, & sic splendidius vive-

re possit. An absque peccato mutuum petere potest ab usurario?

¶. Diel potest, quod, si Pantaleon scit, illum, a quo mutuat, revera usurarium exercere commercium, non possit absque peccato mutuare ab eo; cum ipse intentio mala sit, & ejusmodi mutuum excusare non possit, ut S. Thomas ibidem docet. *Pontas.*

**CASUS XLII.** Sigebertus pecunia indigens emit a quodam gemmario duos adamantes pro 3000. florenis intra annum solvendis; ast Sigebertus mox istos adamantes eidem gemmario iterum vendidit pro 2750. florenis mox in parata pecunia solvendis. An iste contractus usurarius est?

¶. Contractus iste, qui dicitur proprio nomine *Mohatra*, nec palliatus sub specie emptionis ac venditionis, juxta S. Antoninum 2. part. Summ. Theol tit. l. c. 8. §. 3. usram continet manifestissimam; & hinc merito a Concilio Mediolanensi l. 1565 & ab Innocentio XI. 1679. propos. 40. proscriptus est. *Pontas.*

**CASUS XLIII.** Germanus parochus ex fama novit, Rupertum parochianum usuraria exercere commercia; quod tamen hic in confessione paschali interrogatus negat. Cum autem parochus ex test. monis fide dignis id se didicisse diceret, & Rupertum ad exhibenda negotiationum suarum instrumenta adigeret, hic parere recusat. An deneganda ipsi est absolutio?

¶. Non potest denegari; quia, ut D. Thomas docet Quodl. 1. art. 12. C. *In foro judiciali creditur homini contra se, sed non pro se; in foro autem poenitentiae creditur homini pro se & contra se.* Cum fama, & vaga testimonia quandoque ex invidia vel odio proficiscentia ad convincendum non sufficiant, poenitenti potius est credendum quam incertis testibus, qui sapientis passionibus aut levibus ducuntur indicibus. Neque parochianus tenetur parochi exhibere libros suos commerciales; quia plerumque multum interest, ut negotia domestica maneant occulta. *Pontas.*

**CASUS XLIV.** Quidam mercator rogatur, ut summam quamdam pecuniae velit accipere, ac pro ea censum dare.

¶. Absque peccato talis petitio fieri non potest; nec etiam mercator eam acceptare, nisi iusta addit necessitas. *De Lamet.* Vide cas. 39 40. 41.

**CASUS XLV.** Tutor pecuniam sui clientis minorennis mutuum dare ad censum cogitat.

¶. Non potest id facere, multo minus censum census accipere; & si tali modo egit, tenetur ipse e propriis bonis restituere census usurarios. *Fromageau.* Vide notam praenotandis appositam.

**CASUS XLVI.** Quidam vir census usurarios recepit, & hos restituere renuit prætendens, se tales census jam a 30. annis non amplius recepisse, & se illos tunc recepisse ideo; quia credebatur, non esse prohibitum ejusmodi census percipere.

3. Præscriptio non habet hic locum, & sola bona fides non potest eam reddere validam. Non potest accipi census vi mutui, nisi contra debitorem bona fide & sine fraude quis obtinisset decretum, quo ad solvendum censum eogeretur. *Fromageau.*

*Nota.* Sufficit loco decreti praxis omnium aut lex, quibus in titulum recipitur periculum fortis.

**CASUS XLVII.** Titius mutuavit Fabio 5000. florenos, & Fabius simplicem syngrapham dedit Titio, in qua Fabius profitetur, se debere Titio 5250. florenos, id est, una cum annuo censu quot annis solvendo.

3. Titius reus est usuræ, & graviter peccavit, si scivit, tale mutuum esse usurarium, aut si dubitavit, in veritatem indagare neglexit. Verum si Titius id ignoravit, & scire non debuit, non est obligandus ad restitutionem illius, quod consumpsit, sed tantum illius, quo ditior factus est. Si denique bona fide non egit, tenetur restituere omnia sub poena denegandæ absolutionis. *De Lamet.*

**CASUS XLVIII.** Quidam mercator jam a longo tempore pecunias suas emendis variis per mare advehendis mercibus impendens rogatur a suo amico, ut ipsi quamdam summam mutuum dare velit pro censu a legibus provinciae suæ permissio. Potestne mutuum dare?

3. Lucrum cessans est sufficiens titulus, vi ejus possit accipi census pro mutuo data pecunia alias in commercio fructificatura; supposito 1. quod aliam pecuniam pro suo commercio non habeat mutuans. 2. Quod mutuans mutuuario asseveravit, se censum exigere ad compensandum lucrum cessans. 3. Quod ante constitutum terminum censum non exigat; & censum proportionatum lucro, quod ipsemet in suo commercio percipere potuisset, deductis tamen deducendis petat. *Fromageau.*

**CASUS XLIX.** Titius init contractum pignoratitium simulatum.

3. Talis contractus est usurarius, & est revera mutuum, de quo non potest percipi ullum lucrum, nisi in casu damni emergentis & lucri cessantis. *De Lamet.*

*Nota.* Adde; & interveniente periculo fortis.

**CASUS L.** Proxenetæ jura sua quoad salaria negotiatorum suarum excedunt, exigentes ultra id, quod legibus taxatum est. An licite?

g. Committunt injustitiam, & tenentur restituere excessum. *De Lamet.*

**CASUS LI.** Tutores ac curatores mutuas elocant pecunias pupillorum ac clientum suorum pro annuo censu. Num juste?

g. Tutoribus non licet ex pecuniis pupillorum mutuo datis lucrum percipere; quia quidquid lucri est ex mutuo, usura est Dei lege expresse prohibita. *De Lamet.*

**CASUS LII.** Silius locat gregem pecorum Miloni ea conditione, ut semper sibi salva esset fors, & dimidia lucri pars, undecumque demum damnum acciderit. An hic contractus non est usurarius?

g. Est usurarius; locans enim semper in se suscipere debet damnum ex casu fortuito, improvise, ac per industriam humanam inevitabili emergens; locatarius vero solum tenetur ferre damnum ex sua ipsius culpa proveniens. *De Lamet.*

**CASUS LIII.** Titius indigena summe 10000. florenorum rogat Sempronium, ut eam sibi tribuat non sine annui census constitutione. Assentitur Sempronius, sed ea conditione, ut Titium ad reddendam sortem adigere possit, si per continuum biennium constitutum censum pendere moretur. Licetne tuto consensu sic contrahere?

g. Contractus iste salva conscientia fieri non potest: non est enim verus contractus constitutionis census, sed mutui, ex quo Sempronius lucrum percipit, & consequenter usuram committit. *De Lamet.*

NOTA. Si concurrat titulus, non est usurarius, etsi utrinque redimibilis.

**CASUS LIV.** Simon mercatori mutuos dedit 25000. florenos in negotiationem referendos hac conditione, ut elapso quinquennio eos restituat una cum censu quinque pro centum. Num licite?

g. Peccatum usuræ commisit, teneturque restituere omnes census perceptos. *Fromageau.*

**CASUS LV.** Alii admittunt contractum triplicem ut licitum, alii eum rejiciunt ut usurarium. Quid sentiendum?

g. Contractus triplex de se non videtur illicitus; cum in res peculiares contractus distingui possit, quorum quilibet separatim citra omnem injustitiam iniri potest. Verum in  
proxi

praxi ordinarie usurarius est, & fere nunquam nisi ad palliandam usuram adhibetur. *Fromageau.*

**CASUS LVI.** Seleucus ex sua pecunia lucraturus præfectum cambii adit, qui eum ad thesaurarium Principis direxit; & hic ipsi promisit, se post triennium sortem principalem una cum censu triennali pro taxa Principis redditurum. An in hoc casu usura intervenit? Num & præfectus cambii usuræ particeps est?

*¶.* Ni bona fides Seleucum excuset, usuram commisit. Præfectus cambii non peccat quidem, dum indigentibus pro sua necessitate mutuo prodit usurarios ex mutuo lucrum querentes; peccat autem semper, dum in gratiam usurariorum inquit in indigentes; id cum in præsentem casum factum sit, præfectus cambii usuræ se reum constituit. *Fromageau.*

*NOTA.* Majus plerumque periculum sortes principales incurrunt in ærario Principum, quam privatorum. Titulus autem periculi sortis excusat ab usura.

**CASUS LVII.** Miletus mercator 3000. florenos, cum eos in commercio collocandi occasionem non inveniret, mutuos dat Cuspio cautionem præstanti, quod elapso triennio dictam summam una cum censu quinque pro centum restitutus sit.

*¶.* Recipiendo censum absque dubio usuram committit. *Fromageau.*

**CASUS LVIII.** Salpittus civis Parisiensis lucrum percepturus ex 5000. florenis, quos in præsentem pecunia possidebat, adit præfectum cambii, qui hanc summam accipiens cambiales illi litteras tradit, ut quarum Lugduni æqualem summam esset recepturus; Lugduni vero alias denuo acceperit litteras, quibus exhibitis præmemoratum summam acquisiturus esset Parisiis: Interim tamen præfectus cambii faciendas impensas & censum annuum ipsi solvit. An de usura suspecta est hæc agendi ratio?

*¶.* Affectatus hic circuitus, quo pecunia in orbem agitur, Parisiis Lugdunum, Lugduno denno Parisios, nil aliud est quam speciosum artificium, quo tegitur mutuum, & conscientiae turpiter fucus sit. Hinc omne lucrum ex hac pecunia perceptum injustum est ac restitutioni obnoxium. *Fromageau.*

**CASUS LIX.** Emericus ad commercium maritimum mercatoris cujusdam exponit ingentem summam tanquam mutuum, omneque ejusdem periculum in se suscipit; hac tamen conditione, ut & lucri particeps fiat. Num iuste?

§. Conventio hæc non videtur habere rationem mutui; quia mutuans non transfert dominium summæ in mutuatarium, quod tamen in vero mutuo fit. Hinc potius est contractus societatis, in quo lucrum percipi potest; in mutuo autem lucrum quærere usurarium est. *De Lamet.*

*Nota.* In commercio maritimo semper concurrebat periculum fortis quæ titulus lucrum legitimum etiam in mutuo cohonestat.

**CASUS LX.** Consuetudo Polonorum est a mutuatore pignus recipiendi cum censu annuo; eo quod pene impossibile sit hypothecas in bonis immobilibus obtinere.

§. Consuetudo hæc est inexcusabilis: defectus enim hypothecæ non est sufficiens titulus ad capiendum ex mutuo lucrum. *De Lamet.*

**CASUS LXI.** Cabassius pater duarum filiarum in testamento hæredem instituit nepotem, filiabus autem solam legitimam assignavit, septimam circiter bonorum suorum partem. Tenenturne filię inquirere, an non pater contractus usurarios inierit?

§. Non tenentur; incumbit autem hæc inquisitio instituto hæredi. Si tamen hæredis portio non sufficeret ad restituenda omnia lucra usuraria defuncti testatoris, etiam filię tenerentur contribuere pro ratione partis obtentæ. *Fromageau.*

**CASUS LXII.** Davus debitor condemnatus est ad solutionem census; eo quod tempore constituto summam principalem non solverit. Potestne creditor salva conscientia hunc censum acceptare?

§. In hisce circumstantiis licite percipit censum. Verum si mala fide egisset, & jam tunc, dum mutuum dederat, intentionem habuisset obtinendi censum, & quidem per se sententiam iudicis, usuræ reus foret. Certe si iudices nossent, debitorem ac creditorem inter se collusisse, non solum huic censum non adjudicarent, sed potius eum mulctarent ut usurarium. Lucrum ex mero ac puro mutuo neque ex obtinendæ solutionis facilitate, neque ex utilitate purgari potest, quæ inde in commercium redundat. Qui bona fide census perceperunt, quos iudicum & confessoriorum autoritate nihil permissos existimabant, tenentur eos restituere, ex quibus ditiores sunt effecti, non autem illos, quos in eadem bona fide consumserunt. Si autem mala fide egerunt, tenentur omnes restituere sine exceptione. *De Lamet.*

**CASUS LXIII.** Magistratus censum ex mutuo tolerat. An non mediante hac autoritate usura redditur licita?

§. Nec consuetudo, nec quæcumque demum autoritas usuram efficere potest licitam. *Fromageau.*

**CASUS LXIV.** Hæredes si sciant, testatorem quandam certam summam debere, tenentur eam solvere; cum tamen ante suum obitum de hoc debito ipsis nec verbum dixerit?

ꝑ. Tenentur solvere debitum defuncti, non tamen tenentur solvere censum, supposito, quod dilatio solutionis creditoribus non intulerit damnum: alias enim tenerentur & solvere census. Hæres solum tenetur restituere pro rata hæreditatis acquisitæ. *De Lamet.*

**CASUS LXV.** Vidua renunciavit communioni bonorum, quam cum suo marito habuit. An nihilominus tenetur ad restitutionem censuum usurariorum nomine sui mariti perceptorum?

ꝑ. Tenetur eos restituere; & non excusatur ex eo, quod timuerit, ne viro suo displiceat, & quod eos perceperit ipsis absentis quandoque iussu. *Fromageau.*

**CASUS LXVI.** Titius, cum Cajo suam domum venderet, dixit: trado tibi meam domum pro 1000. imperialibus, si mihi statim hanc summam solvas; si vero primum post annum solvere velis, domum non tradam nisi pro 1050. imperialibus.

ꝑ. Si summa 1050. imperialium non excedit justum pretium domus, contractus erit licitus; si vero domus in summo pretio æstimata tantum 1000. imperialibus appretietur, & Titius alium justum titulum non habet exigendi 1050. imperiales quam dilationem solutionis, contractus est usurarius, *S. Thomas 2. 2. q. 78. art. 2. ad 7. C. B.*

**CASUS LXVII.** Princeps taxam posuit frumenti; mercator autem quidam vendit suum frumentum carius quam taxa Principis licet.

ꝑ. Si frumentum mercatoris non est melioris qualitatis quam frumentum a Principe taxatum, mercator peccat contra iustitiam; quia pretium a Principe præscriptum pro iusto ac rationabili pretio habendum est. At si frumentum dicti mercatoris notabiliter melioris qualitatis est, mercator non agit iniuste. Idem dicendum esset de frumento peioris qualitatis frumento ordinario a Principe taxato, quod utique minori vendi posset pretio, quam quo a Principe taxatum est. *C. B.*

**CASUS LXVIII.** Petrus, cum domum ædificare cepisset, ac eam consummare non potuisset, mutuavit pecuniam pro censu; quia alia ratione non potuisset acquirere pecuniam.

q. Potest id facere : nam sicut mutuum petere de se est res indifferens, & ex sua natura licita, sic etiam possum petere mutuum ob iustas rationes, licet mutuum dans ex hoc occasionem sumat peccandi. Dein sicut motivum ædificandæ domus est legitimum, sic etiam in casu, quo Petrus alio modo totaliter ædificium domus perficere non posset, nisi mutuam accipiat pecuniam pro censu, licitum est mutuum petere pro censu. C. B.

**CASUS LXIX.** Cajus mutuavit Petro mense Majo decem modios tritici hac conditione, ut Petrus mense Augusto mutuet Cajo decem mensuras vini, quo Petrus perbene proviusus est. An iste contractus usurarius est?

q. Est usurarius : nam juxta regulam generalem omnis conditio onerosa mutuo extrinseca, si mutuo additur, contractum usurarium facit. Hinc Cajus, qui talem contractum cum Petro fecit, usuræ reus est ; quia obligatio, quam Petro imposuit, pretio æstimabilis est. C. B.

**CASUS LXX.** Cajus cum Petro quamdam pecuniæ summam mutuasset, se obligavit, se eam non repetiturum ante triennium. Verum cum prævidet, durante triennio damnum aliquod sibi fore sufferendum, aut lucrum quoddam fore perdendum ob defectum pecuniæ mutuo datæ, petit a Petro censum, nimirum 3. pro 100.

q. Potest censum petere absque usura : nam titulus, vi cuius censum petit, est totaliter extrinsecus mutuo, & hinc sufficiens, ut possit exigere censum ; præsertim si Petrus se non vellet obligare ad compensationem damni a Cajo sufferendi, aut lucri perdendi. C. B.

**CASUS LXXI.** Petrus mutuans Joanni 100. imperiales se obligavit, se eos intra biennium non repetiturum. Potestne vi hujus suæ obligationis aliquid ultra summam principalem exigere ?

q. Non potest : idipsum enim damnatum est ab Alexandro VII. in propositione quadragesima secunda. Ista Petri obligatio nil aliud est quam prolongatio mutui, aut novum virtualiter mutuum, pro quo non potest quidquam accipi, sicuti nec pro formali mutuo. C. B.

**CASUS LXXII.** Petrus tradidit Cajo 100. oves, quas æstimari fecit, & cum Cajo convenit, ut Cajus, quando oves vendit, restituat Petro juxta æstimationem in traditione ovium factam, interea usquedum eas vendat, lana, & lacrum ex eis a Cajo factum inter se dividatur.

q. Iste



¶. Iste contractus est usurarius, nam in eiusmodi contractibus omne periculum sufferendum est illi, qui sortem principalem tradidit, nisi novo contractu affecurationis alius periculum subire debeat, hinc cum in proposito casu novus contractus affecurationis non detur, contractus erit usurarius. C. B.

CASUS LXXIII. Titius emit domum hac conditione, ut summam pro ista domo persolutam, si sibi ita placuerit, possit repetere, & tali modo domum restituere.

¶. Iste contractus est validus; quia non existat lex prohibens, ne in emptione addatur conditio venditori onerosa, & emptori favorabilis, si onus venditori impositum compensetur pretio majori. Talis igitur contractus non est usurarius. In praesenti etiam casu non agitur de simplici mutuo, sed de vera emptione; hinc si domus periret; emptori periret, pariter & redditus, si qui e domo provenirent, emptori provenirent. C. B.

CASUS LXXIV. Quidam mercator non habens merces, quas quidam ab illo emere cupit, simulat se eas habere; interea adit vicinum suum, & ab eo pro 9. florenis desideratas merces emit, easque pro undecim florenis vendit petenti.

¶. Lucrum istud licite percipere potest; supposito tamen quod non excedat justum pretium mercium dictarum. C. B.

CASUS LXXV. Callistus indigens mille florenis censum constituit in praedio triginta dumtaxat florenos reddere solito, & obligat se ad dandos quotannis allos decem aut viginti, quos ex industria sua lucraturum se sperat. Estne licitus hic contractus?

¶. Est illicitus; quia ex parte fundatur in persona: Bulla autem Pii V. *Cum onus*, declarat omnes contractus usurarios, qui non penitus fundantur in re immobili. C. B.

NOTA. Bulla S. Pii V. disponit pro statu Ecclesiastico. Censum aequè constitui potest in officio vel industria personae, ac in re immobili; nam quia cessante officio vel industria deficit titulus exigendi censum, hoc ipsum periculum amittendi officii vel defectus virium praebet titulum exigendi auctarium foris,

## U S U S F R U C T U S.

I. *Ususfructus* vocatur jus, quo quis gaudet, utendi ac fruendi re aliqua, cujus proprietate ad alium pertinet. *Ususfructus*, ait lex, est jus alienis rebus utendi, fruendi, salva rerum substantia. Dicitur I. *Jus*, id est, legitima potestas,

*Dist. Cas. Conf. Tom. III.*

Y y

qua usufructuarius a domino rei privari non potest. 2. Jus *utendi*, ut distinguatur usufructus a deposito, quo depositarius uti non potest sine consensu deponentis; cum tamen usufructuarius plenum ac integrum habeat usum omnium fructuum, reddituum ac commodorum perceptibilem ex re in usufructum concessa, idque sine omni reservatione aut exceptione juxta verba legis: *Omnis fructus rei ad usufructuarium pertinet*. Dicitur 3. *Fruendi*, id est, jus percipiendi ac suos faciendi fructus provenientes ex re titulo usufructus possessa. Additur denique 4. hæc conditio: *Salva rerum substantia*; quia usufructuarius non potest privare dominum proprietate rei suæ, nec eam diminuere aut deteriorare.

2. Jus usufructus variis potest fundari titulis, scilicet lege, consuetudine, conventionem, testamento aut donatione.

3. Usufructuarius eo momento, quo acquisivit usufructum, fructus ad usum aptos facit suos; & dum usufructus per mortem usufructuarii expirat, omnes fructus percepti ac collecti ante mortem ipsius, separatique a fundo, etiam si ibi adhuc detenti, ad hæredes ejusdem pertinent; nisi per ipsum usufructus titulum aliud fuerit constitutum, aut contraria consuetudo vigeat, prout viget respectu dotis in quibusdam provinciis.

4. Si Usufructuarius fructus locavit alteri, & post eorum collectionem moriatur, etiam si præfixum tempus solutionis nondum advenerit, integrum tamen locationis pretium cedit & solvendum est ejus hæredibus.

5. Quando fructus non nisi successive acquiruntur, ut in locatione ædium, usufructuarius tantum ex his percipit, quantum habita ratione temporis, quo duravit ipsius jus, ei debetur; reliquis fructibus ad dominum rei pertinentibus.

6. Usufructuarius habet jus colligendi scænum & olivas, antequam ad perfectam maturitatem pervenerint; non autem frumentum & uvas.

7. Immutationes utiles aut noxiæ fundo advenientes uni-  
ce respiciunt usufructuarium, qui ejusmodi immutationes pro libitu potest facere, dummodo non deterioretur fundus, sed potius in futurum augeantur redditus.

8. Si dominus fundi fundum prius locatum tradat alteri titulo ususfructus, usufructuarius potest interrompere locationem, nisi contrarium determinatum sit in ipso titulo.

9. Usufructu expirante usufructuarius non habet jus petendi compensationem meliorationum aut augmentationum, quas fecit in fundo, sed tantum reparationum necessariarum, quas fecit ultra eas, ad quas obligabatur. *Si quid ultra, quam impendi debeat, erogatum potes docere, solemniter reposes;* sunt verba legis.

10. Ille, cui acquiritur ususfructus emptione, donatione, aut per testamentum, necessario ab eo, a quo acquisivit usumfructum, aut ab hærede ejus, aut a legatario in eo statu collocandus est, ut possit gaudere usufructu. Idem tamen non dicendum de aliis commodis non absolute necessariis ad hoc, ut possit gaudere usufructu.

11. Usufructus titulo generali acquisitus comprehendit non solum bona immobilia, sed etiam mobilia, imo & usa consumptibilia. Ex usufructu animamantium usufructuarius habet omnem utilitatem, quam potest exinde percipere; verum tenetur reddere eundem numerum animalium Domino, aut ejus hæredi. Si tamen animalia ejusmodi non producerent alia sibi similia, non teneretur refarcire ea, quæ absque sua culpa perirent.

12. Usufructuarius statim ab initio debet conficere inventarium rerum, quarum usu gaudet, ut manifestum fiat, quo in statu constitutæ sint res, ex quibus fructum capere aggredditur.

13. Proprietarius, aut quisvis alius, cujus interest, habet jus exigendi ab usufructuario cautionem necessariam pro conservatione fundi, & ejusdem restitutione.

14. Usufructuarius non potest quidpiam in fundo deteriorare, aut immutare, quod pro decoratione ejusdem, aut etiam meræ voluptatis gratia in eo positum est. Ipsi præterea incumbit omnibus oneribus ususfructus satisfacere, reparationes minores facere, arboribus arefactis alias substituere, resque omnes in bono statu conservare. Non tamen tenetur ad reparationes majores, nisi in casu, quo eas ex propria ipsius culpa necessario faciendæ sunt.

15. Proprietarius nihil potest addere aut immutare in locis aut rebus usufructui alterius subjectis : id si faceret, teneretur ad præstandum damnum & interesse legitimum.

16. Denique non tenetur usufructuarius ad ea reparanda, quæ jam tunc destructa erant, dum usumfructum sibi acquisivit. Jus usufructuarii est personale ; & cessat. 1. Per mortem ipsius naturalem aut civilem. 2. Per eventum conditionis, si jus usufructus cuidam conditioni alligatur. 3. Quando perit fundus incendio, inundatione, aut alio casu fortuito. Combusta, vel corrumpente, aut alio modo totaliter destructa domo nullum prorsus jus relinquitur usufructuario ad fundum ; in quo posita erat domus. Si tamen una tantum pars domus fuisset destructa, altera parte manente integra, remaneret illi usufructus etiam in parte destructa, tanquam in accessorio ad principale, posito, quod usufructus sit particularis, & tantum alligatus ad domum.

CASUS I. Paulinus ex legato obtinet ad sexennium usumfructum gregis ovium quingentarum, ex quibus sine ejus culpa ex casu mere fortuito perierunt quinquaginta. An tenetur hæredibus defuncti resarcire jacturam quinquaginta ovium ?

R. Tenetur restituere integrum numerum gregis, & resarcire quinquaginta oves : percepit enim lucrum ex lana, agnis & stercore. *Plane si gregis vel armenti sit usufructus legatus ait L. Vetus. 68. §. 2. ff. Lib. 7. Tit. 1. debet ex adgnatis gregem supplere, id est, in locum capium defunctorum.* Aliud dicendum, si legatum constitisset in animantibus ad sui propagationem ineptis, ac consequenter fieri non posset compensatio earum, quæ casu fortuito perierunt ; ut si v. g. legati fuissent sex equi aut muli jugales, aut equus unicus Pontas.

CASUS II. Augustinus ad decennium habuit usumfructum cujusdam prædii, confecto statim ab initio aditæ possessionis inventario. Cum autem obiisset præcise sub finem temporis, quo expiraverat usufructus, proprietarius advertit, deesse centum arbores frugiferas, quæ fuerant emortuæ, & corruisse quoddam ædificium prædii, quamvis ante decennium fuerit adhuc in bono statu ; petitque compensationem damni ab hæredibus Augustini.

R. Quoad arbores frugiferas, tenentur hæredes Augustini compensare damnum : usufructuarius enim debuisset meliorare, & non deteriorare fundum. *Debet enim (fructuarius) omne, quod diligens paterfamilias in sua domo facit, & ipse facere, ut habetur Leg. Sed cum. 65. ff. Lib. 7. Tit. 1.*

Et

*Et fructuarius causam proprietatis deteriore facere non debet* Leg. *Si cuius*. 13. *ibid.* Quod attinet ad ædificium prædii, hæredes pariter tenentur ad compensationem damni, si corruit ex defectu necessariorum reparacionum. Eum, ad quem ususfructus pertinet, facta testis suis sumptibus præstare debere, explorati juris est. Leg. *Eum*. 7. Cod. Lib. 3. Tit. 33. *Pontas.*

**CASUS III.** Philibertus legavit Mævio usumfructum cujusdam Toparchiæ; ubi, quamprimum ejusdem possessionem adit, loco arborum inutilium in deambulatoriis plantavit frugiferas; diruit ædificia inutilia, quorum reparaciones magis exigebant sumptus; & fundos steriles destinatos pro deambulatione reddit fertiles. Nihilominus mortuo post decennium Mævio hæredes Philiberti exigunt ab hæredibus Mævil compensationem illati damni. Num juste?

R. Juste eam exigunt; quia non est in potestate usufructuarii mutare statum rei. Ita habetur Leg. *Si cuius*. 13. §. 4. ff. Lib. 7. Tit. 1. *Et non debet neque arbores frugiferas excidere, neque villam diruere, nec quidquam facere in perniciem proprietatis. Et si forte voluptarium fuit prædium, viridaria vel gestationes, vel deambulationes arboribus infructuosis opacas atque amenas habens, non debet deicere. ut forte hortos oli-vorios faciat, vel aliud quid, quod ad redditum spectat. Pontas.*

**CASUS IV.** In silva triginta aut quadraginta arbores vento dejectæ sunt; & Caspar, qui habet usumfructum prædii, cui silva annexa est, eas cum quibusdam aliis emortuis cædi ac domum suam deferri jussit, tanquam ad se pertinentes. Verum proprietarius petit restitutionem. An ad eam tenetur Caspar usufructuarius?

R. Arbores a vento dejectæ pertinent ad dominum fundi, cujus est eas, ne usufructuario damnum inferant, amovere, & si velit, alias plantare: hinc Caspar tenetur domino fundi ad restitutionem arborum dejectarum, vel ad solutionem pretii. Leg. *Arbores*. 59. ff. Lib. 7. Tit. 1. Nihilominus si Caspar has arbores ad structuram aut necessariam reparacionem prædii, in quo habet usumfructum, applicasset, non teneretur ad restitutionem. Leg. *Arboribus*. 12. *ibid.* Quod attinet reliquas arbores emortuas & arefactas, eæ pertinent ad usufructuarium, cum obligatione tamen alias plantandi. Leg. *Agri*. 18. *ibid.* *Pontas.*

**CASUS V.** Theodorus in testamento legavit Davidi usumfructum suæ vineæ, & moritur eo ipso die, quo vindemia pro Theodoro inchoanda erat. Ad quem pertinent fructus vineæ?

¶. Pertinent ad Davidem, cui jus ususfructus jam erat acquisitum, antequam vindemia inchoata fuerat. *Si pendentes fructus jam maturos reliquisset testator, ut dicitur Leg. Si pendentes. 27. ff. Lib. 7. Tit. 1. fructuarius eos fere, si die legati cedente adhuc pendentes deprehendisset: nam & stantes fructus ad fructuarium pertinent.* Idem dicendum foret, si fructus fuissent locati ab usufructuario, qui dein post eorum collectionem obiisset, etsi tempus præstandæ a locatario solutionis nondum advenisset. *Leg. Defuncta. 58. ibid. Pontas.*

**CASUS VI.** Hervæus usufructuarius erat silvæ cædnæ, stagni, & agri frumentarii. Ligna jam erant cæsa, sed adhuc relicta in fundo; pariter pars frumenti jam erat messa, sed adhuc in agro detenta; piscationem in sequentem diem indixit, & omnia parari jussit. Tactus autem apoplexia insequente nocte moritur. Quæritur jam, ad quem pertineant ligna cæsa, frumentum messum & proxime metendum, & jus piscandi in stagno?

¶. Quando ususfructus expirat tempore, quo actu colliguntur fructus, separati a fundo, licet adhuc remanentes in fundo, pertinent ad hæredes usufructuarii; fructus autem nondum separati a fundo pertinent ad dominum fundi. Hinc ligna cæsa, & pars frumenti messa pertinent ad hæredes Hervæi; non messa autem & jus piscandi in stagno ad dominum fundi. *Si fructuarius messem fecit, & decessit, dicitur Leg. Si fructuarius, 13. ff. Lib. 7. Tit. 4. stipulam, quæ in messe jacet, hæredis ejus esse Labeo ait: spicam, quæ terra teneatur, domini fundi esse.* Nihilominus hic advertendum 1. Potissimam hac in re rationem habendam esse tituli, ex quo aquiritur ususfructus. 2. Hic non agi de Beneficiis, neque de his, qui Beneficia possident. Fructus illius anni, quo Beneficiatus decedit, quique ex usu recepto incipit primo Jannarii, in Gallia dividantur inter hæredes defuncti & successorem ejus, habita ratione temporis, quo defunctus eo anno deserviebat suo Beneficio. *Pontas.*

**CASUS VII.** Jodocus per testamentum legavit Joanni & Jacobo usumfructum prædii, cujus annui redditus sunt 400. floreni, ut eo conjunctim gaderent, quædiu viverent. Tribus mensibus post aditam possessionem moritur Jacobus. Cuinam accrescit dimidia pars ususfructus, Joanni, an hæredibus Jodoci?

¶. Quan-

¶ Quando sunt duo usufructuarii ejusdem rei, superstiti accrescit portio defuncti. *Quoties usufructus legatus est, ait lex Quoties. 1. ff. Lib. 7. Tit. 3. ita inter fructuarios est jus adcrendi, si conjunctim sit usufructus relictus. Id tamen solum intelligendum est de usufructu duobus aut pluribus conjunctim relicto. Hinc Joanni obvenit usufructus in toto prædio. Caterum, addit eadem lex, si separatim unicuique partis rei usufructus sit relictus, sine dubio jus adcrendi cessat. Pontas.*

CASUS VIII. Sabinianus gaudebat usufructu cujusdam magnæ domus, quæ tamen fulmine tacta in flammam abiit. Potestne dominus fundi sibi vendicare relicta materialia, & disponere de loco, in quo exstructa erat domus? an usufructuarius?

¶ Jus usufructus alligatur solum rei, quæ usufructui alterius subjicitur, nec attingit reliqua bona. Hinc dominus fundi potest disponere de relictis materialibus, & de loco, in quo posita erat domus combusta. *Est enim usufructus jus in corpore; quo sublato & ipsum tolli necesse est. L. Est enim. 2. ff. Lib. 7. Tit. 1. Verum si usufructus foret acquisitus in totalitate bonorum, usufructuarius conservaret suum jus in locum combustæ domus, & in residua materialia, tanquam in partem universalitatis bonorum. Leg. Quoties. cit. Pariter a regula generali excipienda sunt bona campestria & rustica: si enim ædificium ejusmodi prædii periret, usufructuarius haberet jus in aream seu locum, cui ædificium superstructum erat, tanquam in accessorium & partem universalitatis bonorum. Leg. Fundi. 8. & Leg. Sed & 9. ff. Lib. 7. Tit. 4. Pontas.*

CASUS IX. Michael usufructuarius cujusdam fundi in eo reperit lapicidinam; quam proin aperit, & in iacrum suum convertit. Potestne absque injustitia sibi attribuire iurum ex lapicidina?

¶ Lapides, gypsum, aliaque materialia, quæ ex lapicidina extrahuntur, habent rationem fructuum; & consequenter absque injustitia ea sibi attribuit usufructuarius. *Leg. Si cuius. 13 §. 5. ff. Lib. 7. Tit. 1. Verum hæc ipsa lex addit: Si nihil agriculturæ nocebit. Quod indubitanter fieret, si hæc lapicidina extaret in campo fertili, qui certe per effossionem terræ deberet destrui. Pontas.*

CASUS. X. Sigismundus usufructuarius cujusdam domus eam ad annum locavit alteri pro 300. florenis, incipiente locatione primo Januarii, & pretio solvendo semper expletis sex mensibus. Interea autem primo Aprilis obit Sigis-

gismundus. An pretium locationis pro tribus elapsis mensibus, nempe 75. floreni, ad hæredem Sigismundi pertinet?

ꝑ. Jure hoc pretium præten- dit hæres Sigismundi: redditus enim, qui ex usufructu successive & de die in diem acquiruntur, pertinent ad usufructuarium pro rata temporis. Leg. *Si operas.* 26. ff. Lib. 7. Tit. 1. Pontas.

CASUS XI. Casimirus gaudet usufructu cujusdam exigui fundi a Leandro sibi legati. Post biennium autem tempore belli varia huic fundo imponuntur onera. Quis ea præstare tenetur? num Casimirus, num hæres Leandri?

ꝑ. Quilibet usufructuarius tenetur præstare onera fundi, cujus usufructu gaudet. Leg. *Si pendentes* 27. ff. Lib. 7. Tit. 1. ubi dicitur: *Si quid cloacarum nomine debeatur, vel si quid ob formam aqueductus, qui per agrum transit, pendatur, ad onus fructuarii pertinebit. Sed & si quid ad collationem viæ, puta hoc quoque fructuarium subiturum. Ergo & quod ob transitum exercitus confertur ex fructibus.* Hinc hæres Leandri ad nihil tenetur ratione onerum impositorum fundo Casimiro in usufructum legato. Pontas.

NOTA. Usufructuarius tenetur præstare onera ordinaria, v. g. ex incursione hostium, quæ prævideri, ac proinde deducij in pactum non poterant.

CASUS XII. Leo usufructuarius sænum integro mense prius demessuit, ac consuetum erat; & statim post moritur. Dominus fundi præten- dit restitutionem.

ꝑ. Præten- sio hæc est injusta: Leo enim juste ante consuetum tempus potuit demetere sænum, ac domum avehere; quia dantur quidam fructus, qui utiliter vel saltem ex consuetudine ante plenam maturitatem colliguntur, inter eos lex *Si absente.* 48. ff. Lib. 7. Tit. 1. numerat etiam sænum, dum ait: *Silvam cæduam, etiamsi intempestive cæsa sit, in fructu esse constat; sicut olea immatura lecta, item sænum immaturum cæsum in fructu est.* Pontas.

CASUS XIII. Geofredus reliquit Delphio per testamentum pro usufructu prædium & horreum, quod tamen uno die ante mortem Geofredi vetustate exesum corruit. Delphius petit ab hæredibus Geofredi, ut novum exstrui currant horreum. Num juste id petit?

ꝑ. Dominus fundi nunquam tenetur ad restituendum aut reficiendum id, quod destruitur aut deterioratur eo tempore, quo usufructus est acquisitus usufructuario, nisi damnum sua culpa acceperit, aut vi ritui ad id obligetur. Hinc præten- sio Delphii nullo nititur fundamento, totumque ip-  
sius



ius jus consistit in eo, quod possit gaudere usufructu rei legatæ in eo statu, in quo res est tempore acquisiti usufructus. *Non magis hæres reficere debet, quod vetustate jam deterius factum reliquisset testator, quam si proprietatem alicui testator legasset.* Leg. *Sed cum.* 65. ff. Lib. 7. Tit. 1. *Pontas.*

**CASUS XIV.** Artus legavit Cajo usumfructum in vastissimo prato, ad quod perveniri non potest, nisi per fundum Mævii filii defuncti Arti; cui hic ipse fundus ex hæreditate paterna obtigit. Mævius autem negat transitum. An jure?

g. Injuste hoc negat: dum enim legatur cuidam usufructus in re, acquiritur ipsi jus ad id, quod absolute necessarium est ad hoc: ut possit fructum capere ex re. Leg. *Si fundo.* 1. §. 1. ff. lib. 7. tit. 6. *Pontas.*

**CASUS XV.** Octavius legavit Fabio usumfructum in fundo ante breve tempus ad quinquennium locato alteri. Mortuo Octavio Fabius nondum elapso quinquennio vult expellere locatarium. An jure?

g. Fabius absque injustitia potest expellere locatarium: usufructuarius enim gaudet jure interrumpendi locationem a proprietario factam non minus ac emptor rei locatæ. Leg. *Arbores.* 59. §. 1. ff. Lib. 7. Tit. 1. *Pontas.*

**CASUS XVI.** Sylvius legavit in testamento Maglorio usumfructum quatuor jugerum prati, in quo tamen post conditum testamentum Sylvius ædificavit domum, & reliquum fundi convertit in hortum. Mortuo Sylvio præterdit Maglorius usumfructum domus & horti. Num illi debetur?

g. Mutatio ab ipso testatore ante mortem facta in fundo legato clare denotat, quod etiam mutaverit voluntatem, & legatum annullare voluerit. Hinc præterditio Maglorii prorsus caret fundamento. *Si aræ sit usufructus legatus, & in ea ædificium sit positum, rem mutari & usumfructum extinguí constat. Plane si proprietarius hoc fecit, ex testamento, vel de dolo tenetur.* Leg. *Repeti.* 5. §. 3. ff. lib. 7. Tit. 4. *Pontas.*

**CASUS XVII.** Arnulphus usumfructum prædii reddituum 200. florenorum legavit Faustino, qui paulo post ob grave crimen ad virgas & exilium condemnatus est. An ob id legatum Faustino factum suo effectu caret?

g. Si exilium, ad quod fuit condemnatus Faustinus, est perpetuum, habendus est pro civiliter mortuo, & totaliter excidit jure usufructus. §. *Finitur.* 3. Instit. Lib. 2. Tit. 4. *Pontas.*

## U X O R.

Agitur hic 1. De potestate, quam habet uxor, disponendi de bonis suis paraphernalibus tam vi Juris Romani, quam particularium consuetudinum. 2. De obligatione, quam contrahit, dum una cum marito suo se obstringit ad solvenda debita. 3. De obligatione in quibusdam casibus sequendi maritum in regiones externas; & de causis eam ab hac obligatione eximentibus. 4. Quando & in quo casu uxor marito, aut maritus uxori possit peculiare donationes facere; & an maritus semper in conscientia teneatur hæredibus suæ uxoris reddere rationem de bonis in dotem allatis, vel donatione, successione, aut alio quovis titulo ab uxore acquisitis. 5. Quænam sit mariti potestas & obligatio disponendi de bonis mobilibus uxoris. 6. An uxor, quæ publicum mercimonium exercet, obligare se possit erga alios mercatores independentem a marito. 7. De aliis mutuis officiis maritum inter & uxorem.

CASUS I. Manlia, quæ nupsit Arnaldo, illi in dotem attulit omnia bona sua, nempe unam domum, viginti jugera terræ arabilis, sex jugera vineæ, & duos contractus, quorum cujuslibet census annuus conficit centum florenos. Contracto jam matrimonio per testamentum avunculi sui acquisivit 500. florenos, & per aliam hæreditatem 150. florenos, censum annuum defuncti fratris. Potestne de his bonis disponere?

R. Bona *dotalia* dicuntur ea, quæ uxor marito attulit ad sustinenda onera matrimonii communia, quæ in hunc effectum administrandi marito jus competit. Bona *paraphernalia*, seu ut Lex vocat *præter dotem*, sunt ea, quæ uxor in dotem non constituit marito; sive dein solum exprimat ea, quæ sub ratione dotis comprehensa velit, sive ea tantum, quæ sibi reservare cupit: omne quod reliquum est, inter paraphernalia censetur. Vi legum Romanarum potest uxor propria auctoritate pro suo arbitrio disponere de bonis paraphernalibus sine consensu mariti, etsi in ejusdem manibus ea hæreant. Si Manlia degat in loco, ubi Jus scriptum, aut consuetudo juri huc in hac re conformis viget, poterit tuta conscientia pro libitu disponere de iis bonis, quæ primum post contractum matrimonium acquisivit. Verum si Manlia, non exprimendo in contractu matrimoniali bona in dotem destinata, omnia sua bona præsentia & futura pro dote assignasset, in hoc casu, utpote non habens nec habitura bonum paraphernale, prorsus non posset disponere absque expresso consensu mariti. Si denique Manlia non moretur in loco, ubi  
leges

leges Romanæ vigent, necessario conformare se debet consuetudini ibi receptæ, quæ vim legis obtinet. L. Dotis. 7. ff. De jure dot. Lib. 23. Tit. 3. Item *Hac lege*. 8. Cod. De pact. convent. Lib. 5. Tit. 14. *Pontas.*

**CASUS II.** Lucentius duxit Magdalenam, cui parentes pro dote dederunt domum valoris 5000. florenorum. Ipsa autem clam possidebat 500. Florenos ab avunculo in lecto mortuali decumbente dono acceptas; id quod tamen nec ulli hominum manifestaverat. Jam quæritur, utrum Magdalena contracto jam matrimonio possit pro suo arbitrio cum his 500. florenis disponere, in largitiones aut causas pias erogare, vel in restitutionem impendere, ad quam a Confessario obligabatur.

¶ Maritus habet administrationem omnium bonorum uxoris suæ, nec ulla pens eam potestas est vivente marito, ita ut nec testari possit, etiam in causas pias sine consensu mariti, nisi id sibi juris reservaverit in contractu matrimoniali. Maritus vero tenetur ad solutionem debitorum ab uxore contractorum. Positis jam his principiis, cum Magdalena sibi in contractu nuptiali non reservaverit jus disponendi de memoratis 500 florenis, de his disponere non potest; & quia maritus tenetur solvere debita uxoris suæ, & consequenter etiam hoc debitum 500. florenorum, potest & ipsa illud expungere suo nomine, si creditorem novit, adhibita tamen debita præcautione, ne in manibus creditoris remaneat titulus solutionem altera vice exgendi a marito. Si creditor esset ignotus, & hæc summa distribueretur pauperibus, hæc distributio non esset proprie eleemosyna, sed actus justitiæ commutativæ, ad quem uxor suo nomine, vel maritus nomine uxoris teneretur. *Pontas.*

**NOTA.** Cum secundum jus tam commune Romanum quam particulare provinciarum Germaniæ uxor non possidens bona propria immobilia, quæ nunquam marito fecit communia, non possit eo inscio contrahere debita, nisi id evidens rei domesticæ ac familiæ vel necessitas vel utilitas absente fors marito vel omnia prodigente exposcat, non tenetur etiam maritus solvere debita uxoris. Hinc sublata hac mutue obligationis vicissitudine nostris juribus conformius ad hunc casum diceretur, quod Magdalena de 500. florenis inscio, immo, & invito marito possit libere pro suo arbitrio disponere; nisi ordo charitatis præcipiat, ut hoc subsidio juvet potius maritum fors egentem quam alios; licet primum locum obtineat restitutio ex justitia facienda, vel debita sive ante matrimonium sive stante matrimonio ab ipsa contracta expungendi obligatio.

**CASUS III.** Christina mercatrix pannaria Dionysio debiti 500. florenorum pro emptis pannis Batavis fixo tempore solvendi syngrapham tradidit, idque ne quidem petito consen-

su mariti. Hic sciens, debitum præstituto tempore non ful-  
se solum Diognisio, uxorem in jus vocat, opponit se so-  
lutioni, & syngrapham nullius esse valoris præten-  
dit; eoquod omnia absque suo consensu acta fuerint.

¶ Regulariter loquendo uxor non potest quidpiam aliena-  
re sine consensu mariti, nec propria auctoritate se obligare  
sive suo nomine sive pro alio, sive per instrumentum publi-  
cum, sive sub sigillo privato. Patitur tamen exceptionem hæc  
regula in quibusdam casibus: dum scilicet uxor vi contractus  
matrimonialis possidet bona separata, quorum administra-  
tionem sibi reservavit; aut dum per sententiam judicalem  
separata est a marito quoad corpus & bona, vel solum quo-  
ad bona; vel denique, qui est præsens casus, dum uxor publi-  
ce exercet privatum commercium separatim ac diversum a  
commercio mariti. Et in hoc casu oppositio mariti nullo pro-  
fus nititur fundamento. *Pontas.*

CASUS IV. Barbara uxor Alexii, cum se cum suo mari-  
tp in solidum obligasset ad solvendos unius anni spatio centum  
imperiales a Bernardo mutuo acceptos, defuncto marito eos  
ex proprio peculio solvit. Paulo post comperit, se juxta le-  
ges locales non obligatam fuisse ad hanc solutionem, Bernar-  
dumque judicialiter non potuisse eam petere. Adit ergo Ber-  
nardum, & repetit summam solutam. Potestne Barbara in  
foro interno & absque injustitia repetere solutum, aut in ca-  
su denegationis judicialiter agere ad condemnationem Ber-  
nardi?

¶ In foro interno non habet jus repetendi hanc summam,  
licet post mortem mariti ex proprio peculio solutam; nec  
etiam a Judice pro hac repetitione admittenda est. Verum  
quidem est, quod Barbara ante præstitam solutionem potuisset  
petere in judicio absolutionem a sua obligatione, utpote nul-  
la; facta autem solutione non amplius auditur juxta legem:  
*Id quod natura hereditati debetur, peti quidem non potest, so-  
lutum vero non repetitur.* In ejusmodi casibus prudentis Con-  
fessarii est consulere doctum jurisperitum. *Pontas.*

CASUS V. Aurelianus ab uxore sua discessit, ut in alia  
provincia sedem figeret ac negotiationem exerceret; uxor  
autem eum sequi rennit, licet variis modis & repetitis vic-  
ibus ad hoc instantissime a marito sollicitata.

¶ Censetur, eam absque gravissimo peccato renuere haud  
posse, si rationes mariti patria excedendi sint justæ, & exin-  
de commodum sit percepturus, uxor autem rationabilem cau-  
sam persistendi in patria aut excusationem allegare non possit,  
quæ prudenti ac sapienti viro legitima ac probanda videatur.  
Causæ ejusmodi forent v.g. infirma valetudo, periculum per-

versionis, aut defectus certi ac stabiliis domicilii, ita ut de loco in locum vagari deberet, *Pontas.*

**CASUS VI.** Bertha, licet in sua juventute valde laboriosa, exiguam tamen mar to suo attulit dotem, ita ut rationaliter timere possit, ne marito superstes mendicare cogatur; quod ut præcaveret, quidpiam lucri labore suo ac industria comparati sibi reservat. Maritus jamjam mortuus bonorum omnium hæredem designat suum ex fratre nepotem. Quærit jam Bertha, an lucrum sibi reservatum hæredi cedere teneatur.

*Æ.* Si dictum lucrum Industrie prorsus extraordinariæ fructus sit, ac labore supererogatorio absque ullo rei domesticæ dispendio comparatum, potest illud sibi servare ad averterendam mendicitatem. *C. B.*

**CASUS VII.** Uxor sæpius furripit marito pecunias in usus domesticos, ac pro sustentatione familiæ suæ. Peccatne?

*Æ.* Si uxor sic agat; quia maritus, licet frequenter mortuus, negligit providere necessitatibus familiæ suæ, non peccat; cum marito negligente, aut mox exasperato, quoties, ad monitionem uxoris pro justa domus necessitate expensæ sunt faciendæ, uxoris sit rei domesticæ curam habere. Verum si id faciat pro suo genio privato, insalutato marito, licet ad suppeditanda necessaria pro domo subsidia parato, peccat; quia sibi jus arrogat, quod ipsi minime competit. *C. B.*

*Vide Communio bonorum. Donatio. Dos. Eleemosyna. Fucus muliebris. Ornatus muliebris.*

**FINIS.**



In eadem Officina libraria

## F. F. VEITHIORUM

ab Anno 1774. sequentes Libri in lucem emissi fuerunt:

\* \* \*

**Dictionarium theologicum portatile**, primum Gallice editum, dein Italice versum, ac plurimis Adnotationibus, novisque Articulis locupletatum a P. Abbate *D. Prospero ab Aquila*, in regia Universitate Neapolitana Professore: nunc pluribus in locis emendatum, auctum, & Latinitate donatum, 3. Partes. 8. 1775.

— — **manuale biblicum**, ex celebratissimis potissimum Dictionariis, quæ clarissimi & probatissimi Viri *Simonius*, Uzetiæ in Viennensi Diœcesi Parochus, & *Augustinus Calmet*, Ord. S. Benedicti Abbas, concinnarunt, a *Joanne Antonio Dalmaso*, Vicetino, ex gallico idiomate Latine redditum. Editio Articulis & Adnotationibus a P. D. *Prospero de Aquila*; in reg. neapol. Univerf. S. Scripturæ Professore locupletata. 2. Partes. 8. 1776.

**Habert, Ludovici**, Praxis Sacramenti Pœnitentiæ; sive Methodus illius utiliter administrandi. Opusculum e Gallico versum. 8. 1784.

**S. Joannis Chrysostomi, Patriarchæ Constantinopolitani**, de Sacerdotio Libri sex. Accessit *S. Ephraem Syri* de Sacerdotio Liber unus. Editionem curavit, præfationem, vitam *S. Joannis Chrysost.* notas & indices addidit *Antonius Khager*. 8. 1775.

**Seemiller, Sebastiani, Can. Reg.** Institutiones ad Interpretationem S. Scripturæ, seu Hermeneutica sacra. Accessit Commentatio de studio Lingux Hebraicæ cum Theologia conjungendo. &c. 8. 1779.

Simo-

Simonis a Virgine, *Ord. Carm.* Sermones sacri in Dominicas & Festa totius Anni. Opus post iteratas Gallicas Editiones in latinum Idioma conversum, & per omnia Parochorum & Concionatorum usui accommodatum, nec non Indicibus instructum. 4. *Partes.* 8. 1774.

Velth, *Laurentii*, S. T. D. Dissertatio de Primatu & Infallibilitate *Romani Pontificis.* 8. 1781.

— — — Systema *Edmundi Richerii*, de ecclesiastica & politica Potestate, singulari Dissertatione confutatum. 8. 1783.

Weissenbach, *Josephi*, D. T. de Eloquentia Patrum *Libri XIII.* in *IX. Volumina* tributi. 8. 1775.

---







